



97

1845

PROMPTVARIUM
MORALE

SVPER EVANGELIA
DOMINICALIA

TOTIVS ANNI.

A d { Instructionem Concionatorum.
Reformationem Peccatorum.
Consolationem Piorum.

*Ex Sacris Scripturis, SS. Patribus, & optimis quibúsque
authoribus studiosè collectum.*

Authore THOMA STAPLETONO, ANGLO,
S.Theol.Doctore, & Regio Professore Louanij.

PARS ÆSTIVALIS.

Rom. i.

Euangelium virtus Dei est in salutem omni credenti.



LVG DVNI,

APVD

IOANNEM BAPTISTAM BVYSSON.

M. D. XCII.

EX LIBRIS

PROBATION

MORAL

SUPREMACY

DOMINANCE

TOTAL

CONSTITUTION

As a

Constitution

Constitution

Constitution

Constitution

Constitution

Constitution

Constitution

Constitution

Constitution

Constitution

Constitution

Constitution

Constitution

Constitution

Constitution

Constitution

Constitution

Constitution

Constitution

Constitution

Constitution

Constitution

Constitution

Constitution

Constitution

Constitution

Constitution

Constitution

Constitution

Constitution

Constitution

Constitution

LECTORI BENEVOLO S.



MENSI, fauēte & propitio Christo, priorem anni totius semicirculū, & vnus semestris Euangelijs Dominicalibus, labore semestri quoad mores explicatis (Dei enim volūtas fuit, vt in hac cōquenda materia morali citò occurreret quod quærebam) eodem fauente ac propitio Numine, ob cuius amorem & obsequium hoc quicquid est operæ ac laboris in me suscepi, alterum nunc semestrē iuxta moris & computus Ecclesiastici sectionē aggredimur, tentaturi, an, eadem felicitate ac facilitate negotio succedente, sub altero quoque labore semestri æstiualem hunc Euangeliorum Dominicalium semestrem expedire poterimus. Exhausta quidem magna ex parte sunt, quæ olim mihi collegeram Promptuariola moralia, vt eisdem locis moralibus denuo recurrentibus (id enim non rarò accidet) non tam amplam fortasse vbique rerum copiam & suppellectilem in his sequētibus Dominicis depromere valeā, nec ea vbertate deinceps vti, qua hætenus vsus sum. Spem nihilominus optimam animo concepi meo, non minorem in singulis locis moralibus, etiam ijs quæ iam tractata sunt, copiam nobis & varietatem adfore, quàm in præcedentibus. Certè, vt id fiat, ego studio ac labori non parcam meo. Huius

enim generis documenta tam latè patent, & virtutis studium ita apud omnes, etiam qui vera fidei luce caruerunt, eo semper in pretio fuit, suâque veluti insita laude ita nunquã carere potuit, vt huius doctrinæ præcones & assertores præclarissimos, Gentium Philosophos, & scriptores ethnicos, habeamus. Ex quibus sanè, sicuti hætenus frequenter fecimus, ita in sequētibus subinde, & identidem, illustria virtutis documenta, exempla, similia, apophthegmata depromemus. Non sanè eo consilio, vt his, quasi emblematis profanæ literaturæ, suas conciones Ecclesiastes Christianus exornandas putet, quum boni Concionatoris pulcherrima emblemata esse debeant diuinarum Scripturarũ oracula: sed vt, quemadmodum Paulus Gentium conuersionem Iudæis proposuit, & multum inculcauit, *vt ad æmulationem prouocaret carnem suam, & saluos faceret aliquos ex illis*; sic Gentilium de virtutis laude præconia & exempla Concionator in medium adferat, vt ad æmulationem suos auditores prouocet. Quemadmodum enim puer ad patrem vocatus, & venitè recusans, vbi videt aliũ fratrem vocatum venire, patrísque præcepto morem gerere, ex æmulatione quadam accurrit & ipse: sic nos Christiani, quum ad Deum colendũ tot præceptis datis, tot beneficijs acceptis, tot exemplis, tot & tantis propositis præmijs vocati &

incitati,

incitati, adhuc in eius cultu torpescimus, cōspecta ethnicorū hominum virtute, religione, temperantia, patientia, diuitiarū contemptu, fortitudine, amore erga proximos, ad æmulationem profectò prouocari debemus, vt, quem illi dijs falsis cultū & honorē exhibuerunt, quo illi studio & labore, humanis tantū allekti præmijs, virtutē coluerūt, eodem saltem nos, multoq; maiori, verū Deum cultu prosequamur, idem, aut maius potiùs, virtuti & pietati studium, non iam humanis, sed cœlestibus & æternis donādi præmijs, impēdamus. Quæ tamen nostra in prophanis illis accumulandis sententijs & exemplis diligentia, siue iam in priori hyemali parte præstita, siue in hac sequenti præstanda, si cuiquā fortè displiceat, nec in diuini verbi è superiore loco tractatione huiusmodi locum esse debere existimet; is intelligat, nec exemplis grauissimis, nec authoritate, nec summa ratione hoc studium carere. Notum est, Apostolum, tum ad Corinthios ex Menandro illa verba, *Corrumpunt bonos mores colloquia praua*; tum ad 1. Cor. 15. Titum ex Epimenide illud, *Cretenses male be-* Tit. 1. *stie, ventres pigri*; tum etiam in concione apud Athenienses illud Arati Poëtæ in suis *καὶ νόμους*, *In quo viuimus, mouemur, & sumus*; de- Act. 17. sumpsisse. Hoc nempe est, vt docet S. Augustinus, ab Ægyptijs vasa aurea, multamq; suppellectilem auferre, quibus tabernaculū Do-

De doctrin.
Christ. lib. 3.
cap. 4.

Deuter. 21.

Leuit. 9.

Leuit. 23.

Luca 12.

In Orat de le-
gend. libris Gen-
tilium.

mini ditetur & exornetur. In Deuteronomio præcepit Dominus, vt, captiuam ancillam in vxorem ducere qui vellet, raderet ei vngues, & cæsariem tonderet, & vestem exureret qua capta fuit. Prophana sapiētia, sublatis superfluis, vanis, & inutilib⁹, sacrae doctrinae copulari poterit. Deus in Leuitico omne fermentatum à sacrificiis abiecit. Iubet tamen postea, vt ponerent sacrificia super panes fermentatos. Vide quòd, etsi non ad sacrificium ipsum, tamen ad ministerium sacrificij fermentatus panis assumitur. Fermentum est doctrina humana, quo sensu à fermento *Phariseorum suos cauere* Christus iussit. Hæc non est Deo offrenda, sed tantum seruire debet sacrificio & cultui diuino; sicut omnes aliæ artes, sacrae scientiæ ancillantur. Quare non solum veteres scriptores in suis disputationibus contra ethnicos, vt Origenes cōtra Celsum, Cyprianus contra Donatum, Cyrillus contra Iulianū, Methodius, Eusebius, & Apollinaris contra Porphyrium, Augustinus in libris de Ciuitate Dei, Clemens in Stromatibus, Tertullianus in variis opusculis cōtra ethnicos, tam multa proferunt ex eorū libris, vt omnes veterū Latinorū & Græcorum historias euoluissē videantur; verū etiam ad mores formādos, D. Basili⁹, doctor egregiè moralis, & maximè spiritualis, libros Gentium legendos, & optima quæque ex illis, vt apes ex floribus mel

mel solent, colligēda, accurata oratione suadet. Quidni verò ab ethnicorū factis exempla proferre debeat Cōcionator, quum ad formicam eos qui pigri sunt Salomon, ad bouem *Proverb 6.* & asinum ingratos Iudæos Esaias, ad insulas *Esaias 1.* Cethin, & in Cedar (populū idololatricum) Jeremias remittat? Christus verò, Samaritani *Jerem. 2.* hominis Gētilis charitate erga proximum in *Lucas 10.* medium producta, quia nec Sacerdos, nec Leuita officium faciebat, conclusit: *Vade, & tu fac similiter.* Nihil ergo à boni Concionatoris officio alienum faciet, qui ad auditorū suorum tarditatem excitandam, aut etiā cæcitatem redarguendam, ab ethnicorum dictis ac factis documenta petet: qui id videre & præstare potuerunt, quod nos Christiani & videre nolumus, & præstare recusamus. Vnū illud in hac parte monendus est Concionator, quū in hac Æstiuali Parte tantū 24. Dominicæ, earūmq; Euangelia ponantur, accidat autē frequentibus annis, vt plures à Pentecoste ante Aduentum Dominicæ celebrētur, vt, quod in ipso Breuiario, ad eas quæ inferendæ sunt Dominicæ, faciendū sibi obseruauit, idem quoque in earum Dominicarum Euāgeliis huic Parti Æstiuali inferēdis intelligat. In Parte quippe Hyemali Euangelia sex Dominicarum post Epiphaniam à nobis explicata inueniet, adeò vt illa pars 28. Euangelia tractet, ista verò non nisi 24. Ex illis ergo


sex Euāgelii accipiet, quæ inter 23. & 24. Dominicā post Pentecosten, iuxta Breuiarij Romani vsum & institutum, inserēda sunt. Hæc pauca præfatus, in opere nūc ipso (diuino suffragāte Numine) progrediamur. Euāgelium autē pro prima Dominica post Pentecosten, nō illud tractamus quod pro festo S. Trinitatis in eadem Dominica legitur (illud, fauente Deo, tractaturi in altera huius Promptuarij parte, quæ erit de festis Christi, & Sanctorū) sed Euangeliiū quod iuxta vsum Romanum in eadem Dominica per modum commemorationis eidē festo adiicitur. Quod si Concionator huius Euangelij explicationē huic diei parum vel cōuenire, vel necessariam esse existimet, quum tota diei celebritas sacratissimæ Trinitatis mysterio tribuatur; pulcherrima tamen huius Euangelij loca, & ad Christianā pietatem in primis necessaria, siue hoc die, siue alia quauis Dominica, aut festo, vbi eorundē locorum materia subiecta occurret, tractare poterit. Vtcunq; est, si non ipsi Concionatori, certē cuilibet Lectori pio, & purē Christiano, hui⁹ Euāgelij loca, insigniter moralia, plurimū ad pietatē cōferre poterūt. Sed hoc huic vni Dominicæ peculiare ac propriū est; de qua re propterea plura verba facienda non sunt. Nunc sacratissima Euangelij verba Christi que Redemptoris nostri cœlestem (quoad mores) doctrinam, expendamus.

INDEX TEXTVVM

EVANGELICORVM, EX

QVIBVS LOCA MORALIA IN
 Promptuario Dominicali eruuntur, cum
 nota cuiusque Dominicæ, in qua tractan-
 tur, iuxta ordinem quatuor Euangelio-
 rum, & Capitum cuiusque.

Dominica 5. post Pentecosten.

1.  **N**I abundauerit iustitia uestra plusquã
 Scribarum & Phariseorum, non in-
 trabitis in regnum cœlorum.
3. Ego autem dico vobis: qui irascitur fra-
 tri suo, reus erit iudicio.
3. *Qui dixerit fratri suo fatue, reus erit gehennæ.*
4. *Si offers munus tuum ad altare; & ibi recordatus fue-
 ris, quodd frater tuus habet aliquid aduersum te, re-
 linque munus tuum ante altare, & vade prius re-
 conciliari fratri tuo: & tunc veniens offer.*

Dominica 14. Post Pentecosten.

1. Nemo potest duobus dominis seruire.
2. Aut enim vnum odio habebit, & alterum diliget; aut
 vnum sustinebit, & alterum contemnet.
3. Non potestis Deo seruire & Mammonæ.
4. Ideo dico vobis, ne solliciti sitis animæ vestræ quid man-
 ducetis, neque corpori vestro quid induamini.
5. Hæc omnia Gentes inquirunt. Scit enim pater vester
 cœlestis, quia his omnibus indigetis.
6. Primum querite regnum Dei, & iustitiam eius, & hæc
 omnia adiicientur vobis.

Dominica 7. post Pentecosten.

Matth. 7.

1. *Attendite vobis à falsis prophetis, qui veniunt ad vos.*
2. *A fructibus eorum cognoscetis eos.*
3. *Omnis arbor bona bonos fructus facit ; & non potest arbor bona malos fructus facere.*
4. *Omnis arbor quæ non facit fructum bonum, excidetur & in ignem mittetur.*
5. *Non omnis qui dicit mihi, Domine, Domine, intrabit in regnum cælorum ; sed qui facit voluntatem Patris mei, qui in cælis est.*

Dominica 28. post Pentecosten.

Matth. 9.

1. *Ecce, offerebant ei paralyticum iacentem in lecto.*
2. *Videns Iesus fidem illorum, dixit paralytico.*
3. *Confide fili.*
4. *Remittuntur tibi peccata tua.*
5. *Vt quid cogitatis mala in cordibus vestris?*
6. *Glorificauerunt Deum, qui dedit talem potestatem hominibus.*

Dominica 23. post Pentecosten.

7. *Princeps vnus accessit ad Iesum, & adorabat eum.*
8. *Filia mea modò defuncta est.*
9. *Accessit retrò, & tetigit fimbriam vestimenti eius.*
10. *Si tetigero tantùm fimbriam vestimenti eius, salua ero.*
11. *Et deridebant illum.*
12. *Et exijt fama hæc in vniuersam terram illam.*

Dominica 21. post Pentecosten.

Matth. 18.

1. *Oblatus est ei vnus, qui debebat ei decem millia talenta.*
2. *Iussit eum Dominus eius venundari, & uxorem eius, & filios, & omnia quæ habebat, & reddi.*
3. *Procidens autem seruus ille, rogabat eum, dicens : Patientiam habe in me, & omnia reddam tibi.*
4. *Misertus autem Dominus serui illius, dimisit eum, & debitum dimisit ei.*
5. *Egressus autem seruus ille, inuenit vnum de conseruis suis*

I N D E X.

*ſuis, qui debebat ei centum denarios, & tenens ſuf-
focabat eum dicens: Redde quod debes, &c.*

6. *Videntes autē conſerui eius quæ fiebāt, contriſtati ſunt
valde, & narrauerunt domino ſuo quæ facta ſunt.*
7. *Et iratus dominus eius, tradidit eum tortoribus, quo
aduſque redderet vniuerſum debitum.*
8. *Sic & Pater meus celeſtis faciet vobis, ſi non remiſe-
ritis vnusquiſque fratri ſuo de cordibus veſtris.*

Dominica 17. poſt Pentecoſten.

1. *Interrogauit eum vnus ex eis legis doct̃or, tentās eum. Matth. 22.*
2. *Diliges Dominum Deum tuum ex toto corde tuo, &
ex tota anima tua, & ex tota mente tua.*
3. *Secundum autem ſimile eſt huic : Diliges proximum
tuum ſicut teipſum.*
4. *In his duobus mandatis vniuerſa Lex pendet, & Pro-
pheta.*

Dominica 19. poſt Pentecoſten.

5. *Qui fecit nuptias filio ſuo.*
6. *Et miſit ſeruos ſuos vocare inuitatos ad nuptias, &
nolebant venire.*
7. *Iterum miſi alios ſeruos, dicens: Omnia parata ſunt.*
8. *Illi autem neglexerunt, & abierunt.*
9. *Alius in villam ſuam, alius verò ad negotiationem
ſuam.*
10. *Reliqui verò tenuerunt ſeruos eius, & contumelijs af-
fectos occiderunt.*
11. *Rex autem, cū audiffet, iratus eſt, & miſis exerciti-
bus ſuis, perdidit homicidās illos, & ciuitatem eo-
rum ſuccendit.*
12. *Amice, quomodo huc intraſti, non habens veſtem nu-
ptialem?*
13. *Ligatis manibus ac pedibus eius, mittite eum in te-
nebras exteriores. Ibi erit fletus & ſtridor den-
tium.*
14. *Multi enim ſunt vocati, pauci verò electi.*

Domini

Dominica 22. post Pentecosten.

15. *Consilium inierunt, vt caperent Iesum in sermone.*
16. *Mittunt ei discipulos suos cum Herodianis.*
17. *Magister, scimus quia verax es, & viam Dei in veritate doces.*
18. *Viam Dei in veritate doces.*
19. *Non enim respicis personam hominum.*
20. *Reddite quæ sunt Cæsaris, Cæsari.*
21. *Et quæ sunt Dei, Deo.*

Dominica 24. post Pentecosten.

Matth. 24.

1. *Tunc qui in Iudæa sunt, fugiant ad montes.*
2. *Orate vt fuga vestra non fiat in hyeme, vel in sabbatho.*
3. *Erit enim tunc tribulatio magna, qualis non fuit ab initio mundi vsque modò, neque fiet.*
4. *Surgent pseudochristi, & pseudopropheta: & dabunt signa magna & prodigia, ita vt in errorem inducantur, si fieri potest, etiam electi.*
5. *Sol obscurabitur, & luna non dabit lumen suum, & stelle cadent de celo, & virtutes calorum commovebuntur.*
6. *Et tunc parebit signum Filij hominis in celo, & tunc plangent omnes tribus terra.*
7. *Et videbunt Filium hominis venientem in nubibus celi, cum virtute magna & maiestate.*

Dominica 11. post Pentecosten.

Marc. 7.

1. *Adducunt ei surdum & mutum, & deprecabantur eum, vt imponat ei manum.*
2. *Surdum & mutum.*
3. *Et apprehendens eum de turba seorsum.*
4. *Misit digitos suos in auriculas eius.*
5. *Et expuens tetigit linguam eius.*
6. *Et suspiciens in calum, ingemuit.*
7. *Et præcepit illis, ne cui dicerent.*

8. *Quanto autem precipiebat, tanto magis plus pra-* Marc. 13.
dicabant.

Dominica 6. post Pentecosten.

1. *Cum turba multa esset, nec haberent quod mandu-*
carent, ait: Misereor super turbam.
2. *Quia ecce iam triduo sustinent me.*
3. *Si dimisero eos ieiunos in domum suam, deficient in*
via.
4. *Vnde illos quis poterit hic saturare panibus in solitu-*
dine?
5. *Et sustulerunt quod superauerat de fragmentis, septem*
sportas.

Dominica 4. post Pentecosten.

1. *Cum turba irruerent in Iesum, ut audirent verbum* Luca 5.
Dei.
2. *Rogauit eum, à terra ut reduceret pusillum.*
3. *Præceptor, per totam noctem laborantes, nihil cepi-*
mus.
4. *Sed in verbo tuo laxabo rete.*
5. *Procidit ad genua Iesu, dicens: Exi à me, quia homo*
peccator ego sum, Domine.

Dominica 1. post Pentecosten.

1. *Estote misericordes, sicut & Pater vester misericors* Luca 6.
est.
2. *Nolite iudicare, & non iudicabimini. Nolite condem-*
nare, & non condemnabimini.
3. *Dimittite, & dimittemini.*
4. *Date, & dabitur vobis. Mensuram bonam, & cõfer-*
tam, & coagitatam, & supereffluentem dabunt in
sinum vestrum.
5. *Hypocrita, ecce primum trabem de oculo tuo, & tum*
perspicias ut educas festucam de oculo fratris tui.

Dominica 15. post Pentecosten.

1. *Ibant cum illo discipuli eius, & turba copiosa.* Luca 7.
2. *Ecce defunctus efferebatur, filius vnicus matri suæ.*

3. Et hac vidua erat.
4. Et turba ciuitatis multa cum illa.
5. Quam quum vidisset Dominus, misericordia motus super eam, dixit: Noli flere.
6. Et accessit, & tetigit loculum. Hi autem qui portabāt, steterunt.
7. Adolescens, tibi dico, surge.

Dominica 12. post Pentecosten.

Luca 10.

1. Beati oculi qui vident qua vos videtis.
2. Et ecce quidam legisperitus surrexit, tentās illum, & dicens.
3. Diliges Dominum Deum tuum ex toto corde tuo, & ex tota anima tua, & ex omnibus viribus tuis, & ex omni mente tua.
4. Et proximum tuum sicut teipsum.
5. Ille autem volens iustificare seipsum, dixit.
6. Videns eum, misericordia motus est, &c.
7. Vade, & tu fac similiter.

Dominica 2. post Pentecosten.

Luca 14.

1. Homo quidam fecit cœnam magnam, & vocauit multos.
2. Dicere inuitatis vt venirent, quia iam parata sunt omnia.
3. Et cœperunt omnes simul excusare.
4. Villam emi: & necesse habeo exire, & videre illam.
5. Iuga bouum emi quinque: & eo probare illa.
6. Vxorem duxi: & ideo non possum venire.
7. Exi citò in plateas & vicos ciuitatis, & pauperes, ac debiles, & cecos, & claudos introduc huc.

Dominica 16. post Pentecosten.

8. Cùm intraret in domum cuiusdam Pharisei manducare panem.
9. Et ipsi obseruabant eum.
10. Et respondens Iesus, dixit ad legisperitos.
11. Si licet sabbatho curare?

12. Ipse verò apprehensum sanauit eum, ac dimisit.
13. Intendens quomodo primos accubitus eligerent, dicit ad illos: Cùm inuitatus fueris ad nuptias, non discumbas in primo loco.
14. Cùm vocatus fueris, vade, recumbe in nouissimo loco.

Dominica 3. post Pentecosten.

1. Erant appropinquantes ad Iesum publicani & peccatores, vt audirent illum. Luca 15.
2. Murmurabant Pharisei & Scribae, dicentes: Hic peccatores recipit, & manducat cum illis.
3. Hic peccatores recipit, & manducat cum illis.
4. Vadit ad ouem qua perierat, donec inueniat illam: & cùm inuenerit eam, imponit in humeros suos gaudens.
5. Gaudium erit in calo super vno peccatore pœnitentiam agente, quam super 99. iustis, qui non indigent pœnitentia.

Dominica 8. post Pentecosten.

1. Redde rationem villicationis tue.
2. Filij huius seculi prudentiores sunt in generatione sua, quàm filij lucis. Luca 16.
3. Facite vobis amicos de mammona iniquitatis, vt, quũ defeceritis, recipiant vos in æterna tabernacula.

Dominica 13. post Pentecosten.

1. Occurrerũt ei decem viri leprosi, qui steterũt à longè. Luca 17.
2. Et leuauerunt vocem suam.
3. Iesu praeceptor, miserere nostri.
4. Ite, ostendite vos sacerdotibus.
5. Regressus est, cum magna voce magnificans Deum, & cecidit in faciem ante pedes Iesu, gratias agens.
6. Nõne decem mundati sunt? & nouem vbi sunt?
7. Nisi hic alienigena, & hic erat Samaritanus.

Dominica 10. post Pentecosten.

1. Dixit ad quosdam, qui in se confidebant tanquam iusti. Luca 18.
& illud, Non sum sicut ceteri hominum.

2. Et aspernabantur ceteros. Velut etiam hic Publicanus.
3. Ieiuno bis in sabbatho: decimas do omnium qua possideo.
4. Publicanus à longè stans.
5. Nolebat oculos ad calum leuare.
6. Percutiebat pectus suum.
7. Omnis qui se exaltat, humiliabitur.
8. Et qui se humiliat, exaltabitur.

Dominica 9. post Pentecosten.

Luce 19.

1. Videns ciuitatem (Hierusalem) fleuit super illam.
2. Quia si cognouisses & tu, & quidem in hac die tua, que ad pacem tibi; nunc autem abscondita sunt ab oculis tuis.
3. Quia venient dies in te, & circundabunt te inimici tui vallo, & circundabunt te, & coangustabunt te vndique.
4. Eo quòd non cognoueris, tempus visitationis tue.
5. Ingressus in templum, cœpit eycere vendentes in illo, & euentes.
6. Domus mea, domus orationis est.

Dominica 20. post Pentecosten.

Ioan. 44

1. Cuius filius infirmabatur.
2. Cùm audisset, quia Iesus venit in Galilaã, abiit ad eũ.
3. Rogabat eum vt descenderet, & sanaret filium eius.
4. Incipiebat enim mori.
5. Nisi signa & prodigia videritis, non creditis.
6. Domine, descende, priusquam moriatur filius meus.
7. Credidit homo ille sermoni quem dixit ei Iesus, & abiit.
8. Et credidit ipse, & domus eius tota.

I

PROMPTVARIII

MORALIS SVPER

EVANGELIA DOMINICALIA

Pars Aestiuialis.

Euangelium Dominicæ i. post Pentecosten.

ESTOTE misericordes, sicut & Pater vester *Luc. 6.*
misericors est. Nolite iudicare, & non iudicabimini. Nolite cōdemnare, & non cōdemnabimini. Dimittite, & dimittimini. Date, & dabitur vobis. Mensuram bonam, & confertam, & coagitatā, & supereffluentem dabunt in sinum vestrum. Eadem quippe mensura qua mensi fueritis, remerietur & vobis. Dicebat autē illis & similitudinem. Nunquid potest cecus cecum ducere? Nōne ambo in foueam cadunt? Non est discipulus super magistrum. Perfectus autē omnis erit, si sic sicut magister eius. Quid autem vides festucam in oculo fratris tui, trabem autem quæ in oculo tuo est, non consideras? Aut quomodo potes dicere fratri tuo, frater, sine eijciam festucam de oculo tuo, & ipse trabem in oculo tuo nō vides? Hypocrita, eijce primū trabē de oculo tuo, & tunc perspicies vt educas festucā de oculo fratris tui.

PERICOPE moralis huius Euangelij.

1. Estote misericordes, sicut & Pater vester misericors est. De operibus misericordiæ præstandis proximo, sicut Deum erga nos misericordiam esse optauimus.

2. Nolite iudicare, & non iudicabimini. Nolite condemnare, & non condemnabimini. Contra omne proximi iudicium, omnēque condemnationem quæ contra charitatem fit, & absque misericordia.

3. Dimittite, & dimittimini. De condonandis iniurijs.

4. Date & dabitur vobis. Mensuram bonam, & confertam, & coagitatam, & supereffluentem dabunt in sinum vestrum. De eleemosynæ amplissima à Deo retributione.

5. Hypocrita, eijce primū trabem de oculo tuo, & tunc perspicies vt educas festucam de oculo fratris tui. Contra iudices & reprehensores proximorum hypocriticos.

Pars Aestiualis.

A

1. Estote

1. *Estote misericordes, sicut & Pater vester misericors est.*

Locus moralis de operibus misericordiæ præstandis proximo, sicut Deum erga nos misericordem esse optamus. Vult Christus, vt sicut in nos misericors Deus est, sic & nos in proximos simus. Quot ergo modis & rationib⁹ Deus erga nos misericordem se & benignum præbet, tot omnino modis ac rationibus vt erga proximos benigni ac misericordes simus, Christus iubet. Deus autem erga nos misericors est expectando emendationem, recipiendo in gratiam, condonando peccata, largiendo beneficia, puniendo citra meritum, & remunerando vltra meritum, De eo enim dicitur: *Dissimulas peccata hominum propter pœnitentiam.* In figura Dei dicitur: *Cum adhuc longè esset (filius prodigus) vidit eum pater eius, & accurrens cecidit super collum eius.* In parabola Dei dicitur: *Non habentibus illis unde redderent, donauit utrisque.* Denique de Deo dicitur: *Escam dedit timentibus se misericors & miserator Dominus.* Idem & à nobis erga proximum faciendum. Expectanda proximi cōuersio, de qua infra dicitur: *Nolite iudicare, & non iudicabimini.* Ignoscendum & parcendum proximo, de quo infra dicitur: *Dimittite, & dimittimini.* denique & liberalitas erga proximum exercenda, de qua infra dicitur: *Date, & dabitur vobis.* Hæc tria misericordiæ genera in hoc Euangelio proponuntur & præcipiuntur, vt in illis Dei erga nos misericordiam imitemur, & imitando consequamur. Ac de illis tribus sigillatim postea dicetur. Nunc de ipsa imitationis necessitate, conuenientia, & vtilitate, aliquid in genere dicendum.

Quod ad primum attinet, Naturæ principium est: *Quod tibi non vis fieri, alteri ne facias.* Ex hoc principio fluxit quod Christus in hoc Euangelio dicit: *Eadem mensura qua mensi fueritis, remetietur & vobis.* Patere legem quam ipse tuleris. Nihil hac iustitia iustius. Malum contulium consultori pessimum. *Incidit in foueam quam fecit. Iudicium sine misericordia ei qui non facit misericordiam.* Noluit benedictionem, & elongabitur ab ea. Sic Samuel pingui Agag Amalecitarū regi: *Sicut fecit absque liberis mulieres gladius tuus, sic absque liberis inter mulieres erit mater tua.* Per qua quis peccat, per eadē puritur. Pugnantibus contra Chananæos filijs Israël, fugit Adonibesech rex eorum: quem persequuti comprehenderunt, cæsis summitatibus manuum eius ac pedum. dixitque Adonibesech:

Sap. 11.
Luca 11.

Luca 7.

Psal. 110.

Loci partitio.

Iacob. 2.
Psal. 103.
Exempla.

1.

1. Reg. 15.
Sap. 11.

2.

besech : Septuaginta reges amputatis manuum ac pedum ^{Iudic. 1.}
summitatibus , colligebant sub mensa mea ciborum reli-
quias. *Sicut feci, ita reddidit mihi Deus.* Innumera sunt huius
mensuræ & iustitiæ diuinæ exempla obseruatione dignissi-
ma , vt erga proximos misericordes esse , & crudelitatem
fugere discamus. Herodiades illa saltatrix , quæ ab impio
Herode caput Ioannis Baptistæ amputari petijt , & ampu- ^{3.}
tatum accepit , postea fluuium quendam glacie constrictum ^{Niceph. lib. 2.}
pedes transiens, glacie rupta demergitur capite tenus , quod ^{cap. 20. hist.}
glacie statim à reliquo corpore resectum , talem ei vitæ fi- ^{Eccles.}
nem dedit , qualem crudelis in alio experituerat. Dauid mo- ^{4.}
riens Salomoni filio hoc mandatum dedit : *Nosti quid fecit* ^{3. Reg. 2.}
Ioab, qui effudit sanguinem belli in pace, & posuit cruorem pra-
lij in baltheo suo. Non deduces canitiem eius pacificè ad inferos.
Quare postea occiditur apprehendens cornu altaris ad quod
fugerat : & reddidit Dominus sanguinem eius super caput eius,
id est , crudelitatem crudelitate compensauit. Huius men-
suræ & iustitiæ diuinæ duo exempla admiratione plena in
Prato spiritali leguntur. Latro quidam puerulo occiso , &
pœnitentia ductus , monasticam vitam assumpsit, & nouem
annis in ea maximam pœnitentiam agens perstitit. Quum
autem & in somnis , & in Ecclesia , & ad Synaxim se con-
ferens , & in refectorio , puerulus ille semper ei appareret,
dicens : *Quare me occidisti?* nec vel vna hora sinens eum
quiescere , sumptis vestibus secularibus cum Abbatis venia
exijt , dicens se ire vt pro puerulo quem ex sola crudelitate
occiderat , morte plectatur. Cùm ergo sic indutus pergeret
Diospolim , tentus est , & sequenti die decollatus. Pemenes ^{5.}
senex solitarius post multorum annorum pœnitentiam præ ^{Cap. 166.}
dixit se à bestiis deuorandum, eo quòd in seculo quum esset,
& oues pasceret transeuntem peregrinum à canibus discerpi
& comedi in conspectu suo passus est , quum tamen liberare
eum potuisset. Quod & ita factum est. Nam post aliquot
annos à bestiis vt dixerat , & ipse discerptus est. Alter ergo
quia crudelis, alter quia non misericors , qua mensura men-
sus fuerat , eandem à Deo mensuram accepit , etsi interue-
niente pœnitentia : vt temporali iustitiæ satisfieret, & exem-
plum misericordiæ exercendæ daretur. Sed in hoc genere
illustre admodum est , quod & plurimis exemplis obseruari
potest , crudelitatis & immisericordiæ authores , eiusdem
pœnas primos tulisse. Eutropius Arcadij Imperatoris cubi-
cularius author legis fuit , ne quis ad Ecclesiam confugeret ^{7.}
^{Nicephor. lib. 13. cap. 4.}

8.
Philippus Co-
mines histor.
suæ cap. 136.

9.
Claudianus, &
Ovidius de
trist. lib. 5. &
in Ibin.

10.

alicuius criminis conuictus, sed vt vel inde etiam extrahe-
 retur. Breui pòst quum Imperatorem ipsemet offendisset,
 ad Ecclesiam supplex confugit, sed inde extractus capitale
 tulit supplicium, iniquæ legis æquam ferens pœnam. Lu-
 douico vndecimo Francorum Regi Episcopus quidam Ve-
 rodunenſis author & inuentor fuit carceres quosdam &
 cancellos ferreos, aspectu terribiles, horrore & tenebris
 plenos, clausuris autem munitissimos construendi: sed ipse
 primus in eos coniectus fuit, & quatuordecim illic annis
 iacuit. Thrasylus, qui Busrirdi tyranno persuasit ad pluuiam
 de cœlo impetrandam, hospite immolato placandos esse
 deos, immolatur statim & sacrificatur ipse, quia hospes erat.
 Perillus qui taurum æneum fabricauit, in quo subiecto igne
 qui poneretur vocem bouinam ederet, vt Phalaridi Siculo
 tyranno crudelissimo gratificaretur, eodem iubente & co-
 gente tyranno, primus ipse omnium (vt canit Claudianus.)

Sensit opus, docuitque suum mugire iuuenctum.

11.
Asianus de
var. histor.
lib. 6.

Pericles Dux Atheniensium legem scripsit, vt nemo ad
 gubernandam Rempubl. accedere permetteretur, nisi qui
 vtroque parente ciue natus esset. Tetigit autem ipsum le-
 gis vltio. Nam duo filij quos habuit, Patroclus & Xantippus,
 mortem obierunt. Superstites autem Pericli fuere nothi;
 quibus potestas administrandi Rempub. per legem patris
 erat erepta. Nostra memoria Thomas Cromuwellus Hen-
 rico 8. Angliæ Regi, cui à Consilijserat, author fuit vt legem
 ferret, qua cauereſſet ne quisquam læsæ Maiestatis suspectus
 aut delatus, ad colloquium Regis admitteretur, nisi causa
 prius in Senatu Regis cognita. At ipse paulo pòst omnium
 primus huius legis rigorem sensit, & omni illi ad Regem,
 cui charissimus erat, aditu interdicto, capitalem sententiam
 accepit & subiit. Sic solet Dei altissima prouidentia hanc
 inclementiam punire, & in ea punienda hanc mensuram ser-
 uare, vt qua mensi fuerint, eadem remetiat & illis. Quæ
 omnia nos docent quàm sit necessarium vt simus erga nos
 mutuo misericordes, sicut Pater noster Deus erga nos mi-
 sericors est.

Simile.

Sed nunc vide quàm sit hoc etiam congruens atque con-
 ueniens. Decet filios patri assimilari. Aliter instituitur filius
 Regis, aliter filius pastoris. Ille formatur vt mores paternæ
 dignitati conuenientes induat; hic non instituitur nisi ad
 pecora

pecora pascenda. Si Deum Patrem vocamus, & filij eius esse volumus, mores diuinæ Maiestati conuenientes, vt filij nobiliter instituti, induere oportet. At nihil diuinæ Maiestati conuenientius quàm bonitas, clementia, misericordia, mansuetudo. *Deus cui proprium est misereri semper & parcere*, orat Ecclesia. *Misericordia Domini plena est terra*, ait Psal. 52.

Dauid: quia, vt in hoc sermone Christi habetur, benignus est super ingratos & malos, & pluit super iustos & iniustos, Luca 6. & facit solem suum oriri super bonos & malos. Imò vt Dauid alio in loco cecinit, *Domine in cælo misericordia tua*, & ve- Psal. 35. *ritas tua usque ad nubes*. Sanè vt conuenit creaturæ, egenam esse & pauperem, ideoque accipere, non dare; sic conuenit Creatori diuitem & benignum esse, ideoque dare, non accipere, sicut etiam *bonorum nostrorum non indiget*. Nihil er- Psal. 18.

go magis proprium Deo quàm benefacere & misereri, In visione illa magnifica qua Moyses vidit gloriam Domini transire, potissimum quod in illa gloria vidit, erat misericordia Dei: vnde exclamauit videns illam gloriam, *Domini- Exod. 34. nator Dominus Deus, misericors & patiens & multa miserationis*. In hac ergo misericordia Deum Patrem referre debemus, quia in hac potissimum paternos mores eiusque Maiestati conuenientes, vt filij bene instituti, referimus. Præ-

Simile. terea vt filius patrem referat, vel patri similis dicatur, nec manibus nec pedibus, sed facie, quæ certior pars hominis est, similis patri esse debet. hoc enim respectu alter alteri similis esse dicitur. Quod autem in Deo magis altum magisque conspicuum est, & vnde magis innotescat, sicut facies in homine, sola misericordia est. *Misericordia enim eius super Iacob. 8. omnia opera eius: & Misericordia eius super exaltat iudicium*. In hoc ergo Deo similes esse debemus, si similitudinem eius affectamus. Quare non iubet nos Christus esse potentes, esse In sola bonitate Deo similes esse debemus, sapiētes, esse miraculorū operadores, sicut Deus Pater noster est: sed tantum, *Estote misericordes, sicut Pater vester misericors est*. Diabolus voluit in potentia Deo assimilari, quum dixit: *Ascendam in cælum, & similis ero Altissimo*. Diabolus homi-

Esaiā 14. Gen. 3. nem decepit affectata sapientia Dei. Eritis, inquit, *sicut dij scientes bonum & malum*. Simon Magus voluit in operatione miraculorum similis esse Apostolis. Obtulit illis pecuniam, dicens: *Date mihi hanc potestatem, vt cuiusq; manus imposuero, accipiat Spiritum sanctum*. Videlicet in signo visibili quod miraculum erat. At Christus in sola misericordia, bonitate, clementia, vult nos Patri nostro similes esse. Sic & seipsum

Act. 10. nobis

Matth. 11. nobis imitandum proponit. *Discedite à me quia mitis sum*
De verb. Domi. & *humilis corde. Non dicit* (vt hæc verba exponens ait Augu-
Sermo. 10. stinus) *discite à me mundum fabricare, non cuncta visibilia &*
inuisibilia creare, non in ipso mundo mirabilia facere, sed quo-
niam mitis sum, &c. Non ergo in magnis istis & mirabilibus
 super nos, sed in misericordia, mansuetudine, humilitate,
 Deo Patri similes nos esse conuenit, vt cum in facie repræ-
 sentemus, non in brachio potentia, non in cerebro sapien-
 tia, non in digito Dei aut dextera excelsi. Magna ergo hu-
 ius præcepti necessitas, magna conuenientia.

Vtilitas præ- Vide nunc quanta sit eius utilitas. *Beati misericordes, quo-*
pti de imita- *niam ipsi misericordiam consequentur.* Qui ergo erga proximū
tionē. misericordes sunt, ad Dei in se misericordiam ius habent.

Matth. 5. *Esto misericors pupillis vt pater, & pro viro matri illorum, &*
Eccles. 4. *eris tu velut filius Altissimi obediens, & miserebitur tui magis*
quàm mater. Rursum alia Scriptura: *Anima qua benefacit*

Prouerb. 11. *impinguabitur: & qui inebriat, ipse quoque inebriabitur.* Age
Psal. 143. ergo, vis vt Dominus rationem vitæ tuæ exigit in iustitia,
 an in misericordia? Nosti vocē sancti Prophetæ: *Ne intres in*
iudicium cum seruo tuo, quia non iustificabitur in conspectu tuo
omnis viuens. Si sic Sanctus, quanto magis tu peccatorum

Simile. sarcina oppressus iudicij rigorem formidabis? Sis ergo mi-
Plinius natur. *sericors, vt misericordiam inuenias.* Nobilissima animalia
hystor. lib. 8. hunc affectum habent. Leo parcit semper subiectis. Elephas
 si errantem in desertis locis viatorē inuenit, quasi cōpatiens
 ei, in viam publicā reducit. Hæc de misericordia erga prox-
 imos in genere: nunc ad ipsas species in hoc Euāgelio positas.

2. *Nolite iudicare & non iudicabimini. Nolite condem-*
nare, & non condemnabimini.

LO C V s moralis contra omne proximi iudicium, om-
 nēque condemnationem quæ contra charitatem fit, &
 absque misericordia. Huiusmodi autem iudicium est triplex;
 temerarium, vsurpatum & hypocriticum. De hypocritico
 iudicio infrà Christus multa dicit. Quare de illo seorsim di-
 cendi locus erit. Nunc de temerario, & vsurparo. Neque
 enim excludit hoc loco Christus vel iudicium discretionis,
 quod in manifesto proximi malo, & vbi signa peccati sunt
 euidentia, exercetur: vt iudicare esse hominem blasphemum
 quem audio blasphemare, actu dico blasphemum,
 non habitu & consuetudine: (illa enim temerarij iudicij pars
 magna est, quum ex vno actu peccati, hominē simpliciter
 talem

talem esse iudicamus, ex vno actu ebrietatis, ebriosum) vel
 iudicium legitimæ autoritatis, quod secundum formam
 iuris vel diuini vel humani instituitur. Neutrum horum iu-
 dicium excludit Christus, quantum ex seipsis est. Nam hæc
 ipsa si cum odio proximi, cum libidine reprehendendi, cum
 fastu exercentur (vt ille Diogenes qui culcitram Platonis, in
 qua sedens docebat, pedibus calcando dixit. *Calco fastum* *Apophtheg-*
Platonis, sed, vt Plato mox ei respondit, cum alio fastu *ma.*) ad
 hanc Christi prohibitionem pertinent, & misericordiæ cha-
 ritatque erga proximos maximè contraria sunt. Sed extra
 legitimam autoritatem, & manifestam veritatem delicti,
 omne nostrum de proximis nostris iudicium, omnis proximi
 condemnatio, est actus & temerarius & vsurpatus, ideóque
 contra charitatem & misericordiam. Temerarium iudi- *Iudicium te-*
 cium est, quod ex leui coniectura leuibúsque signis colligi- *merarium.*
 tur. Hoc appellat Scriptura, iudicare secundum faciem.
Nolite (ait Christus) *secundum faciem iudicare, sed rectum iu-* *Ioan. 7.*
dicium iudicate. Secundum faciem iudicat qui factum solum *Iudicare secun-*
 externum per se considerat, absque suis circumstantiis, quæ *dum faciem,*
 facti speciem mutare possunt; absque intentione facientis, *quid.*
 quæ honestissima esse potest quando in facto erratur: absque
 fine propter quem factum fuit, qui in facto malo si bonus sit,
 saltem attenuat peccatum; denique absque facti ipsius causâ
 & origine, vt vel praua societate, vel vehementi tentatione,
 vel fortè vi illata; postremò non habita temporis, loci, per-
 sonæ consideratione, quæ omnia factum apparenter impro-
 bum vel excusare, vel certè plurimum alleuiare poterunt.
 Secundum faciem quoque iudicat, qui quod in vno probat,
 in altero improbat, vt Pharisei qui circumcisionem Mosai-
 cam in sabbatho factam probabant, Christum in sabbatho *Ioan. 7.*
 sanantem totum hominem improbabant. Erat enim circun-
 cisio quædam, hominis sanatio. Totum hoc iudicium teme-
 rarium est, & à pessima malitiæ radice profectum. Præci-
 piebat Deus in Leuitico vt septem diebus leprosus claudere-
 tur. Non permisit sacerdotem faciliè de lepra iudicare, sed
 suspendi voluit iudicium septem diebus. Multo minùs vult
 nos, qui autoritate probandi lepras, id est iudicandi pec-
 cata aliorum, caremus, de aliorum interna malitia, quæ
 non ita videri potest sicut corporis lepra, statim & temerè
 ad iudicandum proflire. Dicit solet: Mala mens, malus ani-
 mus. Et Apostolus ait: *Omnia munda mundis.* (quod aliis *Tit. 1.*
 verbis alibi dixerat; *Charitas nil mali cogitat*) *conquinatis*

1. Corinth. 13.

Eccles. 10.

Iudith. 13.

1.

Similia.

2.

3.

4.

5.

6.

Plutarch. in
Polit.In Prato spirit.
cap. 134.Apophtheg-
mata.Tractat. 30. in
Ioan.

Simile.

Psal. 118.

autem & infidelibus nihil est mundum, sed inquinata sunt eorum mens & conscientia. Ideo mali quum sint, omnes sibi similes esse iudicant. Nero impurissimus neminem à libidine purum iudicabat. Vnde Scriptura: *In via stultus ambulans, cum ipse sit insipiens, ceteros putat insanire.* Vagao cubicularius Holophernis quum ipse carnalis esset, putabat Holophernem cum Iudith in longum mane libidinari. Quem admodum cucurbitulæ quod in carne deterrimum est ad se trahunt, sic improborum animi deterrima quæque cogitando & suspicando ad se trahunt. Animus quippe omnium malorum genere scatens, horrens, ac metuens quæ sunt intus, exilit foras, vagaturque circa aliena, ut lamia quædam domi cæca (oculis in vasculo repositis) foris oculata. Sicut porci non nisi in luto & fimo fodiunt, sic malus animus & sordidus non nisi mala & sordida cogitat. Qui impetigine laborat, perpetuum affricum desiderat. Sic quouis prauo desiderio affectus idem alteri affricare cupit; ut vel aliorum malis quasi sibi similibus se oblectet, vel sua mala ex aliorum aut comparatione iustificet, aut communione & societate alleuet. Sicut algent viscera, quum naturalis calor ad externa corporis diffunditur, sic circa alienos defectus notandos ideo solliciti & feruidi sumus, quia nostra negligimus. Sicut quibus domi nullum est negotium, in foro obambulant: ita qui in exploranda vita sua negligentes sunt, in aliena iudicanda curiosi sunt. Interrogatus senex quidam monachus à fratre quodam quid causæ esset, cur assidue iudicaret fratres respondit: *Quia necdum teipsum cognouisti.* Nam qui seipsum nouit, fratrum vitia non aspicit. Appositè sanctus Augustinus: *Non indicat personaliter, qui diligit equaliter.* Ideo enim secundum personas, non secundum rem iudicamus, quia personarum acceptores sumus, quia persona quam iudicamus, nobis displicet. Ut autem scias ex iudicio ne, an certa ratione, an ex affectu & corrupta passione fratrem iudices, transfer in alterum quem diligis vel in teipsum, factum id quod iudicas atque condemnas. Si enim adhuc tibi displicet factum, ratio iudicauit; si amplius non displicet, prauus affectus te decepit. Vbi charitas & misericordia habitant, ibi frater non iudicatur. Lex fidelium mercatorum est, ut socij sint non minùs in damno quam in lucro. Hoc fit in tota fidelium societate. Sicut enim charitas aliena bona facit sua, iuxta illud: *Particeps ego sum omnium timentium te;* atque ita multum lucratur: sic

sic misericordia aliena mala facit sua, fratribus compatien-
do, iuxta illud: *Gaudere cum gaudentibus flere cum flenti-* *Roman. 12.*
bus. De hac lege & societate Apostolus: *Sicut socij estis pas-* *2. Corint. 1.*
sionum, ita & consolationum. At totum hanc societatem
dissoluit temerarium proximi iudicium ex malevolentia or-
tum. Nam & rectè facta condemnat, & leuia peccata exag-
gerat, & ad primam peccati suspicionem iudicat. Sic aliena
tam bona quàm mala à seipso longissimè remouet, & fœdus
societatis abruptit. Nihil huiusmodi hominibus in Chri-
stiana societate molestius.

Nam vt venti illi omnium sunt molestissimi qui pallia no-
bis reuellunt, & vt ciuitates portas quasdam habent nefa-
stas, per quas non nisi purgamenta eiciunt; sic qui temerè
fratres iudicant, secretissima violenter expandunt, optima
quæque famæ ornamenta abripiunt, & omnes quas inue-
niunt sordes efferunt. B. Franciscus cum pauperculo quodam
sibi obuiam facto, nuditatem eius dolens identidem inge-
misceret (iuxta societatis Christianæ legem, quàm modò
diximus, de qua etiam Apostolus ait, Alter alterius onera
portare (compassionis affectu) & sic adimplebitis legem
Christi) & frater quocum vna iter agebat, dixisset: Pater
etsi rebus ille pauper est, fortasse rerum concupiscentia di-
ues est: continuo ipsum tunicam suam exuere, & pauperem
operire iussit: vt quem lingua læserat, ei beneficio satisfac-
ceret. Idem sanctissimus Pater audiens semel fratrem quen-
dam denigrare famam alterius, conuersus ad vicarium
suum; Surge surge, inquit, discute diligenter: & si accusa-
tum fratrem innocentem repereris, accusantem dura cor-
rectione cunctis redde notabilem. Subiiciam hîc paucis
quædam remedia contra hunc temerarij iudicij morbû per-
uersum. Vt in aliorum delictis æquiores te præbeas, consi-
dera pios ac sanctos esse posse qui à te viro etiã bono & iusto
diuersi sunt, ac diuersam vitæ rationem instituunt, diuer-
sos mores habent, iuxta diuersa vnius & eiusdem S. Spiritus
charismata, vt latè Apostolus describit.

Sanè si idem semper omnes velle, idè facere, eadem nego-
tia tractare deberent, in vnum forum vel omnes eodem mo-
mento concurrere, vel neminem eò ire oportebat: quod &
in aliis vitæ negotiis accideret. Deinde si defectum in fra-
tre vides, cogita sub illo defectu multas latere virtutes, aliã-
que opera bona, iuxta illud Ciceronis in Senatu Romano
responsum. Declamanti enim Memmio cuidam contra M.

Simile.

Exempla.
M. Marulus
lib. 5.

S. Bonaventura
in vita eius,
cap. 8.

Iudicij teme-
rarij remedia.

1.
Stella. de concē-
ptu mundi, cap.
24.

Rom. 12. 6.
1. Cor. 12.

Plutarchus in
Catone.
Apophtheg-
ma.

3.

4.

Eccles. 11.
Exemplum.

Genes. 7.

5.

Serm. 40. super
Cant.

6.

1. Timor. 1.

7.

Galat. 6.

8.

Rom. 2.

1. Corint. 13.

Domi. 3. Qua-
drage. text. 2.

Catonem quòd tota nocte se ingurgitaret, respondit Cice-
ro: *Cur non addis, quòd tota die aleas ludis?* Cato enim quum
totos dies Reipub. negotiis impendisset, de nocte se paulo
liberalius recreavit. Memineris quoque defectus proprios
& quòd grauioribus fortè peccatis ipse obnoxius es. Vide
manticæ quod in tergo est; de quo mox ex Ch isti verbis in
hoc Euangelio plura dicemus. Hoc est enim trabem ex oculo
tuo tollere, vt festucam in fratris oculo melius videas.
Rursum & id cogita, quòd qui nunc grauius tibi lapsus vi-
detur, subitò per Dei gratiam in alium virum immutatus
est, aut breui immutabitur iuxta illud: *Facile est in oculis*
Domini subitò honestare pauperem. Ruben qui paulo antè li-
bidine carnali cæteris fratribus fuit peior, videns tamen fra-
trum suorum in Ioseph conspirationem vnanimem, solus
eum ex fratrum manibus eripere nitebatur; ideòque eum in
cisterna non reperiens clamabat: *Puer non comparet, & ego*
quòd ibo? Quòd si actionem ipsam excusare non potes, seque-
re consilium D. Bernardi: *Excusa intentionem, si opus non po-*
tes. Aut si hoc non placet, ex ignorantia eum offendisse exi-
stima, ideòque misericordia dignum, iuxta illud Pauli: *Mi-*
sericordiam inueni quia ignorans feci. Si nec hoc modo excu-
sare fratrem potes, tibi persuade à grauißima aliqua tenta-
tione victum illum fuisse, quæ si te aggressa fuisset, non se-
cus oppressisset & victas manus dare coëgisset. Hanc confi-
derationem te docet Apostolus dicens: *Fratres, si præoccu-*
patus fuerit homo in aliquo delicto: vos qui spirituales estis, hu-
iusmodi instruite in spiritu lenitatis, considerans te ipsum ne &
tu tenteris. Huius rei præclarum exemplum vide in alia Do-
minica ex Cassiano. Postremò vide ne in quo alium iudicas,
te ipsum condemnes. Iudicas alium grauius peccasse absque
legitima autoritate, absque manifesta veritate, & sic ipse-
met grauius peccasti. *Charitas enim non amulatur, non agit*
perperam: non cogitat malum, non gaudet super iniquitate, con-
gaudet autè veritati. Qui ergo contraria charitati facis, qui
non compateris peccato fratris, sed æmularis, & ad reprehē-
dendum ac iudicandum citò prorumpis; qui agis perperam,
qui cogitas malum, qui gaudes super iniquitate fratris, iu-
dicando, condemnando, propalando, ventilando illud, alium
iudicans, te ipsum condemnas.

AT QVE hæc de iudicio temerario, de quo vide plura in
alia Dominica: nunc de vsurpato dicendum. Qui iudi-
cat fratrem absque legitima authoritate & manifesta ve-
ritate,

ritate, vſurpat temerè & arroganter quod ad eum non per- Iudicium
tinet. Sic Apoſtolus: *Tu quid iudicas alienum ſervum? Domino vſurpa ur.*
ſuo ſtat aut cadit. Et paulò poſt: *Tu quid iudicas fratrem tuum? aut* Roman. 14.
quare ſpernis fratrem tuum? nempe non iudex eius eſ, ſed fra-

ter; ad Deum, non ad te pertinet eius iudicium. Ideo ſequi-
tur: *Omnes enim ſtabimus ante tribunal Chriſti. Vnuſquiſq; no-*
ſtrum pro ſe reddet rationem Deo; (non pro proximo, niſi pro-
ximi curam ex authoritate data acceperimus) *Non ergo am-*
plius inuicem iudicemus, ſed hoc iudicate magis, ne ponatis offen-
diculum fratri vel ſcandalum id eſt: tua potiùs eſtigia conſi-
dera, ne offendas ipſe, alteriſque ſcandalum præbeas. Hoc e-
nim qui facit, & diuinum iudicium expectat, in quo ſuorum
operum omnium atque verborum rationem reddet; profe-
ctò ſatis habebit domi quod agat ſua. Satis eum hæc cura
detinebit, vt in aliorum vitia non inquiret. Maxima eſt ho-
die copia medicorū. Omnes volunt aliorum infirmitates cu-
rare, nemo ſua. Omnes volunt in corpore Eccleſiæ oculi eſſe,
nemo manus. Oculi in corpore naturali quum cætera omnia
videant, ſeipſos non vident. Tales oculi eſſe volunt qui ad Simile.
eum locum non vocati, hoc ſibi officium vſurpant. Sed ma-
nus eſſe, manum bono operi admouere pauci volunt. Sic a-
lienos labores celeriter carpunt; qui nihil ipſi laborant. Sed
ad iudicium vſurpatum redeamus. De hoc iterum Paulus:
Qui iudicat me, Dominus eſt. Itaque nolite ante tempus iudica- 1. Cor. 4.
re, quoaduſque veniat Dominus, qui & illuminabit abſcondita
tenebrarum, & manifeſtabit conſilia cordium. Duas cauſas po-
nit Apoſtolus vſurpati iudicij. Vna eſt quia præuenitur tem-
pus, quod eſt generale & extremū iudicium. Et hæc ratio va-
let etiam contra iudicium de externis actibus fratrum no-
ſtrorum, quos vel non iudicare, vel nō niſi in optimam par-
tem interpretari oportebat. Altera ratio eſt, quia ſolius Dei
eſt illuminare abſcondita tenebrarum. Solus Deus ſcrutatur
corda & renes. Qui ergo circa interna, circa intentionem,
circa finem actus iudicat, Dei tibi partes & iudicium vſurpat,
quod eſt ſcelus horrendū. At ex fine & intentione operis, vir-
tutis aut vitij ratio maximè accipitur. In diſciplina Chriſtiana De ciuit. Dei,
(ait Auguſtinus) *non tam quaeritur vtrum quis irascat, quàm* lib. 9. cap. 5.
quare irascat: nec vtrum ſit triſtis, ſed vnde ſit triſtis: nec vtrum
timeat, ſed cur timeat. Hos ergo affectus, iræ, triſtitiæ, timoris
qui in fratre iudicat vicioſos ſemper & improbos eſſe, (quod
& de aliis affectibus intelligendum) de internis iudicat, Dei-
que ſibi partes vſurpat.

Iacob. 4.

Hoc sensu D. Iacobus scripsit: *Qui iudicat fratrem, iudicat legem.* Legis enim sibi partes usurpat, cuius est iudicare: & secundum quam iudicia exerceri debent ab iis qui legum administratores sunt. *Si autem iudicas legem, non iam legis factor es, sed index.* At lex Dei nobis data est ut eam faceremus, non ut quoscibet iuxta eam iudicaremus. Vnde S. Augustinus: *Noluit Deus hominem ab homine iudicari, ex arbitrio suspicionis, vel etiam extraordinario usurpato iudicio, sed potius ex lege Dei secundum ordinem Ecclesia, siue ultro confessum, siue accusatum atq; conuictum.* Hoc totum Christus dicere voluit, in illis verbis, *Nolite iudicare, nolite condemnare.*

Præmiū non
iudicandi, &
non condem-
nandi.

Matt. 7.

Sed nunc vide quid vel mercedis vel gratiæ adiungat. Ait: *Et non iudicabimini, & non condemnabimini* id est; Si nihil in fratres temerè iudicando statueritis, si misericordiæ & charitatis leges erga fratres seruaueritis; vos quoque à Deo misericordiam inuenietis, mitius iudicium, minorem condemnationem accipietis. Quod apud Matthæum clariùs apparet, ubi Christus dicit: *Nolite iudicare, ut nō iudicemini; in quo enim iudicio iudicaueritis, iudicabimini: & in qua mensura mensi fueritis, remetietur & vobis.* Si mensura qua alios iudicatis, est charitas, benignitas, misericordia; mensura quoq; qua Deus vos iudicabit, erit etiam charitas, benignitas, misericordia. Si autem mensura vestra rigor est, asperitas, & summum ius; talis erit Dei mensura quum vos iudicat. Hoc est quod Dauid Deo dicit: *Quoniam tu populum humilem saluum facies, & oculos superbiorum humiliabis.* Qui erga fratres mites fuerūt, illos saluabit Dominus, coronans eos in misericordia & miseratione. Hanc mensuram multis verbis alibi Dauid exprimit. *In memoriam redeat iniquitas patrum eius in conspectu Domini, & peccatum matris eius non deleatur. fiant contra Dominum semper* (id est, coram Domino) *& dispereat de terra memoria eorū.* Quorsum enim hæc omnia, & multa quæ in Psalmo præcedunt, Propheta imprecatur? Subiungit: *Pro eo quod non est recordatus facere misericordiam, & persecutus est hominem inopem & mendicum, & compunctum corde mortificare.* In alios rigidus & immisericors fuit. Tales quippe Dominus non in multitudine miserationum suarum iudicabit, sed in furore suo arguet, & in ira corripiet. Vide plura loco proxime præcedenti.

Psal. 17.

Psal. 108.

Psal. 37.

3. Dimittite, & dimittimini.

Locus moralis de condonandis iniuriis. Hanc legē posuit De condonandi
 Christus, non tam æquitate plenā quā misericordia, dis iniurijs.
 vt si fratribus nostris dimittimus ille nobis dimittat. Æquum
 sanē est vt nobis inuicem condonemus, quia fratres sumus.
 Sed misericordia magna Dei est, nobis propterea ignoscere,
 quia quod æquitas postulat, id fratribus præstamus. *Tu qui-*
dem eum habes inimicum (ait Augustinus) *qui tecum creatus est.* Enarr. in
Deus verò eum qui creauit. Multo igitur æquius est vt homo Psal. 54.
 homini, quā vt Deus homini parcat. Rursum tu remittis,
 quum ipse remissione indigeas. Quis enim qui non peccet?
 At Deus nullius rei indigens est, & peccare non potest. Dein-
 de tu quantacunq; tandem alijs remittis, maiora habes quæ
 tibi Deus ignoscat. Postremò tu cōseruo, Deus seruo ignoscit.
 Et tamen huic tam necessariæ æquitati, hoc maximum præ-
 mium Deus retribuit, vt si fratribus ignoscimus, ille nobis
 ignoscat. Nēpe vt nostra inclemētia luculentius appareat, &
 si perimus, per nos ipsos pereamus: si peccatorū veniam non
 consequimur, id nostra culpa fiat, non Dei inclementia. Hoc
 docet illa Christi parabola de decem millibus talentis, quæ
 roganti veniā seruo Dominus remisit: seruus autē idem con-
 seruo roganti, cētum denarios remittere noluit. Cui propte-
 rea Dominus dixit: *Serue nequam, omne debitum dimisi tibi,*
quoniam rogasti me. Nōne ergo oportuit & te misereri cōserui
 tui? Hoc est ergo (vt Chrysostomus loquitur) *terribile myste-* Serm. de Enca-
riū, hoc pactum inter Deū & nos: quo ille quidem incredibi-
 li misericordia nos ad certam veniam vocat, nos verò me-
 dium accepimus remissionis peccatorū, & facillimū & salu-
 berrimum & iucundissimū. Quid enim facilius quā decem
 dare, vt mille accipias? quid salubrius quā omnem animo
 malitiam depellere? quid iucundius quā in perpetua pace &
 animorū consensu viuere? Hoc totū SS. Patres obseruauerunt.
 Chrysostomus sic scribit: *Ad impetrādā nostris sceleribus ve-* Homil. in epist.
niam non opus est pecunia, non opus est in longinqua peregrinari, ad Philem.
non pericula, non labores tolerare. Sola sufficit bona voluntatis iniurias vili-
integritas. Et paulo post: *Quis vnquā inter homines remittens* tas.
cōseruo modicum, propterea à Domino suo totius debiti remis-
sum obtinuit? At hic quotidie tibi hoc datur. Deus enim noster di-
 ues est in misericordia & miserationibus. Deinde si nihil à Deo
 huic indulgētiæ præmij proponeretur, at quia omnes beneuolo &
 benefico fauēt, omnes illū admirātur & laudant, etiā non iubēte
 Deo

*Moral. in Iob.
lib. 10. c. 18.*

*Condonandi
necessitas.*

Simile.

*Homil. 20. in
Matthæum.
Condonandi
iucunditas.*

*In expositione
oraz. Domin.*

Diffimile.

1. Ioan. 3.

*In li. de perfect.
iustitia.*

Deo remittere debebamus debitoribus nostris. Hæc ille. ex quibus huius pacti & cōditionis magna facilitas satis elucescit. de salubritate eius sic D. Gregorius: Nonnunquā quia nos culpas varius committimus, aliena pigrius delicta relaxamus; & quo peccare noster animus sollicitius metuit, eo districtius in id quod ab alio in se delinquitur animaduertimus. Vnde fit ut eo inueniatur unusquisque tardior ad veniā, quo proficiendo factus est cautior ad culpā. Sed quid hac doloris macula reperire deterius potest, quæ in conspectu Iudicis charitatem nō inquinat, sed necat: Vitā quippe anima qualibet culpa polluit, seruatus verò contra proximum dolor occidit. Menti namque, ut gladius figitur, & mucrone illius ipsa viscerū occulta perforantur. Qui scilicet à trāsfixo corde nisi prius educatur, nihil in precibus diuinæ opis obtinetur. Nā & vulneratis mētibus imponi medicamina salutis nequeunt, nisi ferrum à vulnere antè subtrahatur. Hinc ergo Saluator dicit: Nisi remiseritis hominibus peccata eorū, nec Pater vester qui in calis est remittet vobis. Hinc cōtra institutionē postulationis, cōditionem posuit pietatis, dicens: Dimittite & dimittetur vobis: ut profectò bonum quod à Deo compuncti petimus, hoc primum cum proximo conuersi faciamus. Hæc huius conditionis salubritas est. de eius iucunditate sic Chrysostomus: Potuit sanè Deus absque hac mutua & reciproca proximi tui condonatione tibi omnia peccata dimittere; vult tamen beneficium etiam per ista media conferre. Quare? mille tibi videlicet occasiones præbēs māsuetudinis ac pietatis, & hoc quod in te belluinū est depellēs, & iram qua flagras extinguēs, & vndique quasi tibi te ipsum reconciliās, & coniungens. Hæc ille. sed & hoc præcepto hoc pacto instituto, ad maximam nos fiduciā excitauit. Nam quanta spes veniæ est (ait Cyprianus) quum ipse Iudex nō tam expectat qua ratione à supplicio liberemur, quā ipse nos viam ac modū docet, vnde id efficiamus. Quasi diceret, sic facite, & ego parcam. Dimittite, & dimittimini. In humanis iudiciis nō licet iudici partē alterā informare, ne acceptor personarum sit, aut parum æquus videatur. At Deus pro sua infinita bonitate homines informat quomodo cōtra accusatorē diabolum se defendāt. De hac fiducia dixit D. Ioānes: Si cor nostrū nos non reprehenderit, fiduciam habemus ad Deū, & quacūque petierimus ab eo accipiemus. His enim verbis admonet nos (ait sanctus Augustinus) ne cor nostrū in ipsa nos oratione & petitione reprehendat, & ne forte quum cœperimus dicere, Dimitte nobis debita nostra, sicut & nos dimittimus, cōpungamur nō facere quod dicimus, aut etiā nō audeamus dicere quod nō facimus, & fiduciam petendi amittamus.

Hæc

Hæc ille. Qui enim orationē quotianā dicit, & non dimittit, ad hunc locum quum venerit, quid faciet? Si verba recitat, mentitur, & *os quod mentitur, occidit animam*. Si non recitat, *Sapient. 1.* non orat, quia non sic orat vt Christus orare iussit.

Sed & illud quoque in hac conditione tenendum, vt ex a- *Condonare ex*
nimo fiat remissio & proximi cōdonatio. Sic Christus, post *animo.*
parabolam serui qui suo conseruo non pepercit, concludit:
Sic & Pater meus celestis faciet vobis, si non remiseritis unus- *Matth. 18.*
quisque fratri suo de cordibus vestris. Quam rem sic Chryso- *De cōpunct. cor-*
stomus appositē explicat; *Si tantummodo non lēdis eum qui te* *dis lib. 1.*
lēsit, auertas te tamen ab eo, nec libenter eam videas, manet sine
dubio vulnus in pectore, & dolor augeſcit in corde. Quod si ita
est, nondū utiq; quod Christus mandauit impletur. Nunquid tu
ita vis propitium tibi fieri Deū, vt non quidem te lēdat, auertat
se tamen abs te, & peccatorum tuorum memoriā gerat, & te vi-
dere nolit? Quod si hoc nō vis: memineris quid Scriptura di-
cat: *Homo homini reſeruat iram, & à Deo querit medelam?* In *Eceli. 28.*
hominem similem sibi non habet misericordiam: & de peccatis *Exemplum.*
ſuis deprecatur? Huius rei illustre exemplū proferam, vt quā-
illuſtre.
ta sit huius præcepti neceſſitas, melius intelligatur. Sapricius *In vita ſancti*
presbyter & Nicephorus laicus Antiochiæ maximè erant fa- *Nicephori*
miliares & amici. Orta autem inter eos similitudo, iam Nice- *Martyris apud*
phorus ad se rediens primū per amicos ter quatēve recō- *Surium 9. Fe-*
ciliari petit: quumq; hoc non succederet, supplex ipse veniam *bruar. tom. 1.*
rogat, sed frustra. Orta mox persecutione sub Valeriano Im-
peratore, Sapricius vt presbyter delatus (nam in solos presby-
teros ſauit tunc persecutio) eodem fortiter confitetur, tor-
menta varia ſuſtinet, ſententiā capitalem accipit. Hoc au-
dito, Nicephorus ei ad ſupplicij locum ducto in via occur-
rit: proſtratus ad pedes eius, veniam & charitatis oſculum
petiit. Facit hoc biſ tēve, ad eō vt liētores pagani eum quaſi
ſtultum deriderent, qui tam anxie veniam ab homine ſtatim
morituro peteret. At Sapricius ne verbum quidem ei reſpon-
det, ne quidem in ipſo ſupplicij loco & puncto. Quum ergo à
carnifice iuberetur Sapricius genua flectere vt caput ei am-
putaret, dicit liētoribus: Nolite me ferire, & diſi ſacrifico.

Hoc audito, Nicephorus multis verbis & lachrymis eū ro-
gat ne ſic ſe in æternum perdat. Sed eo perſiſtente, exclamat
Nicephorus: Ego ſum Chriſtianus; me pro ipſo ferite. Liēto-
res ergo re tota conſeſtim ad Præſidem delata, & ab eo
potestate accepta, miſerum Sapricium dimiſerunt, qui fra-
trem non reſpiciens, Chriſtum negauerat: Nicephorum
verò

verò Martyrij gloria, amputato eius capite, coronarūt. Tanti momenti hoc est, *Dimittite: & dimittimini*. Quis enim dubitat, omnia Sapricij peccata semel dimissa nunc iterum rediisse. & debitum totum semel remissum nunc iterum exactum fuisse, quia conseruō suo dimittere noluit? Sic qui dimisit fratri, martyr fit: qui dimittere noluit, apostata fit. Charitatis defectus hoc totum erat. Sicut enim vehementior est ignis qui longè distantia calefacit, quàm qui vicina; sic maior est charitas quæ inimicos, quàm quæ amicos diligit. Ut autem ignis vehementer incensus omnia iniecta in ignem vertit, sic magna charitas tam ex iniuriis quàm ex benefactis accenditur. Cuius egregiæ charitatis exemplum proferam, sicut odij & malevolentiae iam prolatum est. Opposita enim iuxta se posita magis elucescunt. In Prato spiritali sic legimus: Frater quidam vicinus cellæ cuiusdam senis, absente aliquādo sene cellam eius ingressus, libros eius & vasa diripuit. Rediens senex, & quod factum erat videns, pergit ad fratris cellam, ei quod acciderat narraturus. Inueniens autem vasa in medio posita (nondum enim alter ea reposuerat) nolens eum senior confundere, alia quadam necessitate simulata, expectauit foris, donec omnia abscondisset. Moxque veniens, de alia re ei locutus est. Sed & postea eum in carcerem coniectum esse audiens, petijt à quodam alio sene esculenta quædam, & ad fratrem illum captiuum; defert, non sciens quòd ob furtum prædictum in carcerem fuisset coniectus. Mox illi frater ubi omnia sua adhuc in tuto essent renunciat, culpamque confitetur, & veniam deprecatur. Senex verò sanctè affirmans se non ea causa venisse, sed tantum vt charitatem illi faceret, etiam eius liberationem apud Iudicem procurauit. Magna & varia fuit huius senis charitas, qui fratrem, quem antea dilexit, facta illi iniuria diligere non cessauit: qui delinquenti in eum fratri facile dimisit, eo quòd plus fratrem quàm vasa direpta dilexit: qui opera misericordiæ visitando & liberando nocentem fratrem exercuit: qui denique his modis ad peccati voluntariam confessionem fratrem perduxit, & *lucratus est animam fratris sui*. Sic Alexander Patriarcha Hierosolymitanus fugientem à se ac multa furatum notarium suum, posteaque vinctum ac captiuum, 85. numismatibus redemit. Vnde in ea tunc ciuitate dici solebat: Nihil vtilius quàm Alexandro malefacere. Sic quum ad alium senem Eremitam latrones ingressi essent, dicentes, Omnia quæ sunt in cella tua,

Simile.

*Charitatis
exempla.*

1.

Cap. 211.

1.

2.

3.

4.

2.

*In Prato spiri-
tual. cap. 34.*

Cap. 211.

3.

tua, venimus tollere; dicit illis: Quæcunque vobis videntur filij tollite: quod quum fecissent abierunt. Et cum solum marsupium, quod pendebat, reliquissent, senex illo accepto post eos sequebatur clamans ac dicens: Accipite filij à me quod tollere obliti estis de cella nostra. Illi ergo admirantes senis tolerantia, omnia in suis locis in cellulam reuerii restituerunt, dicentes ad inuicem: Verè hic homo Dei est. Huius ignoscentiæ & misericordiæ alia exempla in alia quadam Dominica protulimus. Hoc charitatis genus est *oleum misericordiæ*, ad peccatorum nostrorum remedia efficacissimum.

Quemadmodum enim athletæ in palæstra luctaturi, nuda *Simile.* corpora oleo ungere solebant, vt antagonists suis omnem corripienti ansam in lubricis carnibus præcipereat; sic hoc misericordiæ oleum, qua proximis nostris dimittimus, ita nostram nuditatem vagit, vt iustitia diuina eam ad pœnam repossere, atque corripere nequeat. Pactum enim iam Iudex ipse viuorum & mortuorum hoc instituit, vt si dimittimus alijs in nos peccantibus delicta ipsorum, de cordibus nostris; Pater quoque noster cœlestis nobis nostra dimittet. Vnde & in alia Scriptura: *Relinque proximo tuo nocenti te, & tunc de-* *Ecclesi. 3.* *precanti tibi soluentur peccata tua.* Sic manibus tuis suam misericordiam Deus posuit.

4. *Date, & dabitur vobis. Mensuram bonam, & confertam, & coagitatam, & supereffluentem dabunt in sinum vestrum.*

Locus moralis de eleemosynæ amplissima à Deo retri- *Eleemosynæ retributio.* butione. Vix vlla virtus maiorem in tota Scriptura mercedem repromissam habet quàm eleemosyna. Et hoc in loco Christus verbis exquisitissimis huius mercedis amplitudinem exprimere voluit. Mensuram enim huius retributionis, vocat *bonam*, id est, plenam. Bona enim mensura vocatur cui nihil deest, & quæ ad summum vas impletur. Vocat *confertam*, quia in quibusdam mercimonijs, vt lineis ac laneis, vt plenior fiat mensura, compressa & conferta datur. Vocat *coagitatam*, quia in omni genere granorum non plena tantum, sed plenissima datur mensura, quando in vase grana coagitantur; sic enim magis cohærentia grana multo plura vas capiet. Vocat *supereffluentem*, quia in liquidis omnibus, vino, oleo, melle, plenissima est mensura, quando ita vas repletur, vt etiam supereffluat. Docet ergo in omni genere eleemosynæ plenissimam fore retributionem; quæ etiam in

Ephes. 3.

Rom. 8.

1. Cor. 2.

Eccli. 29.

Eleemosynæ
retributio
temporalis.
Prov. 3.

3. Reg. 17.

Dominica 4.
Quadrages.
text. 5.

Exempla.
In Prato spirit.
cap. 201.

suo genere superabundabit: quia & in hac vita *omnia potest Deus facere superabundanter quàm petimus*, & in altera vita supra condignum remunerat. *Non enim sunt cōdigna passionēs huius seculi* (multo minùs actiones eleemosynariæ) *ad futurā gloriam*. Nec supra condignum tantum, sed supra id quod considerari vel operari vel cogitari potest. Neque enim *vel oculus vidit, vel auris audiuit, quæ preparavit Deus diligentibus se*. Rursum *Mensura bona*, fortunæ bona denotare potest, quæ Deus eleemosynarijs largissimè in hac vita retribuit. *Mensura conferta*, naturæ bona, vt ingenij vires, valetudinem, & vitam longam, quæ etiam Deus eleemosynarijs retribuit. *Mensura coagitata*, gratiæ bona, vt peccatorū remissionem, & dona spiritualia, quæ similiter eleemosynæ retribuantur. *Mensura supereffluens* est gloriæ æternæ merces, qua etiam eleemosyna compensatur. Singula mox ex Scripturis ostenduntur, & exemplis. Accedit ad mercedis amplitudinem, quod dicitur: *Dabunt in sinum vestrum*. Angeli videlicet, diuinæ liberalitatis ministri, vel pauperes ipsi quibus beneficit: illi per modum ministerij, isti per modum meriti & intercessionis, dabunt hanc totam mercedem *in sinum vestrum*, id est, sic certissimè conferent, vt amitti nequeat; sic intimè dabunt, non in tunicam, sed in animam, vt maximè foueat, reficiat, atque oblectet. Sic enim quæ in sinum reconduntur, & certissimè seruantur, & propriè habentur, & corpus fouent, & grata atque iucunda esse solent. Quo sensu dicitur: *Conclude eleemosynam in sinu pauperis*. videlicet vt pauper eam certò possideat, eaque foueatur. Tam significantibus verbis voluit Christus eleemosynæ retributionem tum amplissimam tum certissimam exprimere. Porro variæ Scripturæ variā hanc eleemosynæ mercedem passim docent. Temporalem & præsentem in fortunæ bonis retributionem docet Sapiens: *De primitijs frugum tuarum da pauperibus, & replebuntur horrea tua saturitate*. Vidua Sareptana dum de sua paupertate facit Eliæ Prophetæ subcinericiū panē paruum, priùs quàm sibi & filio, hanc mercedē accipit, *vt hydria farina non deficeret, nec lecythus olei minueretur*. Huius retributionis temporalis circa fortunæ bona in alia Dominica illustria quædam protulimus, quæ hîc loco magis proprio, à concionatore produci possunt. Quædam hîc alia subiiciam. Nobilis quidam Constantinopolitanus magnas eleemosynas faciens, & pecunias omnes distribuens, moriens Christum reliquit filio suo curatorem: & filius cōditionem libens acceptauit.

acceptauit. Non longe post diues quidam in eadem ciuitate vnicam habens filiam, & sollicitus cui eam collocaret, vxori dixit, vt post orationes factas ad Ecclesiam iret, & qui primus ingrederetur, filiam suam coniugem acciperet. Ingressus est fortè primus adolescens iste alterius magni eleemosynarij filius, & magno cum parentum gaudio filiam illam in vxorem accepit. In hoc exemplo, quod pater dedit pauperibus Deus retribuit filio; vt discant patres sic filijs suis thesaurizare, vt maiorem in cælo thesaurum per eleemosynas thesaurizent; vt quæ propter curam filiorum, eleemosynas in pauperes non negligant, sed Dei prouidentiam, Christi- que promissa meliorem & certioram filijs thesaurum putent, quàm quem in arca relinquunt, vel auarè collectum, vel auarè retentum, ideo quæ cum peccato relictum.

Aliud *In vita eius apud Surium tom. 1. p. 243.* adhuc exemplum accipe. S. Theodosius cænobiarcha celeberrimus, quum quotannis soleret die festo Palmarum omnibus pauperibus ad monasterium confluentibus prandium dare, vno certo anno, quum magna esset frumenti caritas, qui eius nomine rem dispensabant nec omnibus aduenientibus, nec mensam integram, sed quibusdam certam

portionem distribuere clausis monasterij ianuis conabantur. Quod quum ille animaduertisset, rem indignè ferens, aperi ianuas, & more solito cibos ac panem apponi iussit: quod quum fieret, & vniuersæ multi udini satisfactum est, & ea abeunte, arcæ panariæ plenæ panibus sicut prius ostendebantur. Hoc tum miraculo, eius tunc piam liberalitatem, & magnam in Deum fiduciam cohonestare Deus voluit. Atqui in eodem monasterio quum post eius mortem similis liberalitas atque fiducia deficeret, monachorum auaritia singulari etiam miraculo à Deo punita est. Sic enim in Prato *Cap. 85.*

spirituali legimus: Consuetudo fuit in monasterio S. Theodosij, vt in cæna Domini pauperes omnes, & populi regionis illius eò confluentes, acciperent singuli medium tritici sextarium, benedictiones tredecim, & sextarium vini, mediumque sextarium mellis. Cum autem magna tritici sterilitas esset, dicunt Abbati quidam ex patribus, ne tritici portio pauperibus daretur; qui illis respondit: Non infringamus filij benedictionem patris nostri Theodosij. Fratribus autem in sua sententia persistentibus, permisit Abbas vt facerent quod vellent. Qui benedictionem consuetam eo anno non dederunt. Profectus postea qui præerat horreis, aperiens ostia, reperit totum triticum germinasse, coactique sunt totum

in mare proijcere. Quo viso, his verbis monachos suos Abbas redarguit: *Qui patris nostri Theodosij monita irrita fecistis, labores nunc inobedientiæ metite. Quingentos modios daturi eramus, fratresque nostros pauperes consolati fuissetis: nunc verò quinque ferè millia modiorum tritici perdidimus. Hæc ibi. Docent hæc exempla, quàm sint socij inseparabiles hæc duo, *Date, & dabitur vobis*. Siue in monasterijs, siue in quibuscunque familijs, vbi eiectus est, *date*; noluit remanere, *dabitur vobis*. Consideret seipsum quisque, cui dandi eleemosynas facultatem Deus dedit, & post negatas pauperi eleemosynas, vel parciùs concessas, animaduertat quid ei accidat: & frequenter inueniet parcitatem suam à Deo puniri, vel aliqua rei familiaris iactura, vel cessante aliquo lucro & commodo: idque vel quia non suo tempore ea distraxit, ex quibus lucrari poterat (Dei prouidentia illum excusante, vt illud tempus non arriperet, aut non obseruaret) vel quia nouæ sumptuum inanum occasiones ei subministrantur, quas per Dei prouidentiam euitasset, si erga pauperes liberalior fuisset. Quum enim *sine Dei voluntate nec passer cadat in terram*; hominum auarorum repentina detrimèta, damna non expectata, lucra imminuta, ex eadem prouidentia nasci dubitandum non est. Eadem prouidentia liberalibus & eleemosynarijs abundanter retribuit.*

Tiberius 2. Imperator toto ferè thesauro in eleemosynis distributo, & ob hoc reprehensus, *Deus* (inquit) *non deerit fisco nostro*. Paulo post ambulans in palatio, aduertit marmoreum lapidem, humi stratum, cui signum Crucis insculptum esset: iubet auferri, ne redemptionis nostræ signum pedibus conculcetur. Eo sublato, adhuc secundus ac tertius similiter signatus apparet. Quibus ordine sublati, subtus inuenit ingentem thesaurum, & plus quàm mille centenarios aureorum, ex quibus largiores quàm priùs eleemosynas fecit. Quare iterum eidem Imperatori maximus thesaurus Narsethis eunuchi, & in Italia ducis militiae sub Iustiniano Imperatore, à fene quodam, qui solus eius conscius superstes erat, patefactus fuit, Deo sic disponente, propter maximas & perpetuas eius eleemosynas. Fuit autem tanta auri & argenti vis, vt vix multis diebus euacuari thesaurus potuerit. Ita verum inuenit pius ille Imperator, quod Christus dixit: *Date, & dabitur vobis*. Est adhuc & aliud pulchrum huius rei exemplum in Prato spiritali, quod hîc subijciam. Eligat ex omnibus quod volet, vel quæ volet prudens con-

cisionator,

Matth. 10.

Exempla.

Paulus Dia-
colus, hystor.
Longob. lib. 3.
cap. 6.

eionator, prout conuenire iudicabit. In ciuitate Nisibe, *Cap. 185.*
mulier quædam Christiana virum habuit gentilem. Erant
autem fortunæ tenuioris, & tantum habebant quinquaginta numismata. Dixit igitur vir vxori: Demus hæc numismata fœneratori, vt aliquod solatium ex eis capiamus. Ea enim sigillatim consumimus, & deficiunt. Vxor autem respondet viro: Si placet ea fœnerari, veni, demus illa sub fœnore Deo Christianorum. Dicit ei vir eius: Et vbi est Deus Christianorum, vt demus ei? Ait illa: Veni mecum in sanctam Ecclesiam, & ostendam tibi illum. Habet autem Ecclesia illa quinque magnas ianuas. Cum ergo induisset illum in Ecclesiæ porticum, ostendit ei pauperes, dicens: Istis si præbueris, Deus Christianorum illa accipit; isti enim omnes sui sunt, ille verò & vsuras tibi persoluet, & capitale duplum reddet. Vir ergo mox cum gaudio numismata cœpit erogare pauperibus. Reuerstique sunt in domum suam. Cum verò post menses tres necessitate sumptuum angustiantur, ait vir vxori suæ: Soror, nihil, vt video, daturus est nobis Deus Christianorum ex debito illo, & nunc inopia laboramus. Respondens mulier, ait illi: Profectò dabit. Vade vbi illa dedisti, & e. hibebit tibi ea cum omni alacritate. Quo audito, currit in Ecclesiam, & locum in quo numismata dederat diu circumspectans, neminemque videns à quo exigeret, nisi pauperes ibi stantes; cogitans in seipso quid faceret, aspexit ante pedes suos in marmore iacere vnum numisma ex illis quæ ipse erogauerat, inclinansque se, & accipiens, domum redit, vxori narrans se præter illud numisma nihil inuenisse, nec Deum Christianorum vidisse. Cui illa: At hoc tibi numisma Deus Christianorum inuisibiliter dedit. Eme igitur aliquid vt comedamus hodie, rursusque ipse prouidebit nobis. Emens igitur vir panem, vinum, & piscem, domum veniens, dat vxori: quæ piscem exenterans, inuenit in eius ventre lapidem valde mirabilem, cuius tamen pretium nec ipsa, nec vir cognosceret. Finito prandio, vadit ad trapezitam vir, tentaturus ecquid pro eo pretij accipere posset. Rogat igitur trapezitam an lapidem illum velit emere. Qui considerans lapidem, offert illi quinque numismata. Putans autem venditor quòd illuderet sibi, dicit ei: Et vis tantum pro illo persolvere? Existimans trapezita quòd hoc ille per ironiam loqueretur, ait illi: Accipe decem numismata. Venditor iterum se irrideri arbitrans, tacuit. Cum verò trapezita ad viginti, triginta, quadraginta, quinquaginta

ascenderet (tacente semper venditore) & iuramento affirmaret se ea daturum, cepit ille amplius lapidem aestimare. Paulatim verò emptor ascendens, vsque ad trecenta numismata peruenit, deditque illa vendenti. Ipse igitur dato lapide, acceptâque pecunia, venit ad uxorem suam gaudens, quæ, re intellecta, v. ro. dixit: Ecce Deus Christianorum qualis est, quàm bonus, quàm gratus, quàm diues! Ecce tibi sex duplicata paucis diebus restituit. Vir igitur miraculo admonitus, verbisque uxoris accensus, Christianus effectus est. Hæc ibi. Tanta fuit huius mulieris fides: sic illa Christi verbis credidit: sic Christus fidem suam persoluit. Optimè didicerat quod Scriptura dicit: *Fœneratur Domino qui misereatur pauperi, & vicissitudinem suam reddet ei.* Alia huius rei exempla vide in Marco Marulo. Nos quæ apud eum non sunt, annotauimus. Atque hæc quidem de temporali retributione. Nunc de retributione ac mercede eleemosynæ spirituali, etiam in hac vita, aliquid dicendum. Hanc enim multis in locis S. Scriptura attestatur. *Conclude eleemosynam in sinu pauperis, & hac pro te exorabit ab omni malo.* Eleemosyna viri quasi sacculus cum ipso, & gratiam hominis quasi pupillam conseruabit. Daniel impio regi Nabuchodonosor dicit: *Consilium meum placeat tibi, & peccata tua eleemosynis redime, & iniquitates tuas misericordijs pauperum: forsitan ignoscet delictis tuis.* Dicit, *forsitam*, non propter incertum eleemosynæ valorem, sed propter incertam Dei sententiâ, quæ vtrum definitiua esset, an comminatoria, nesciebat. Christus quoque in Euangelio post variam Phariseorum hypocrisim taxatam, addit, *Veruntamen quod superest, date eleemosynam, & ecce omnia munda sunt vobis.* De quo genere dixit Sapiens: *Est qui multa redimat modico pretio.* Et D. Petri⁹ quum dixisset, *Ante omnia mutuam inter vos ipsos charitatem continuam habentes, & causam adiecisset, quia charitas operit multitudinem peccatorum*, subiungit de operibus charitatis, quæ intelligi voluit: *Hospitales inuicem sine murmuratione. unusquisque sicut accepit gratiam, in alterutrum illam administrantes.* Sic & Paulus: *Charitas fraternitatis maneat in vobis.* Per hanc enim quidam placuerunt Deo, Angelis hospitio acceptis. Sunt autem & huius admirabilis gratiæ, quam Deus eleemosynis concessit, præclara exempla. Mulier quædam, cuius filiam violauerat Zeno Imperator, clamabat sæpe ad B. Virginem, orans cum lachrymis: *Vindica me de Zenone Imperatore.* Cū ergo multis diebus hoc faceret, apparuit ei

B. Virgo

Proverb. 19.

Lib. 1. cap. 3.

Eleemosynæ
retributio spiri-
tualis.

Eccles. 29.

Daniel. 4.

Luce 11.
Eccles. 30.

1. Petr. 4.

Hebr. 13.

Exempla.
In Prato spirit.
cap. 175.

B. Virgo, dicens: Crede mihi mulier; vltionem tuam sæpe facere volui: sed manus eius prohibuit me. Erat enim valde *Ibid. cap. 186.* misericors, & eleemosynas faciens. Moschus mercator Tyrius, incidens in mulierem quæ se fornicationi exposuerat, & ad hospitium suum eam ducens, quum illa suspirante cognouisset, se necessitate compulsam, vt virum in carcere positum propter æs alienum contractum liberaret, sese ita exposuisse, rogans quantum deberet maritus, statim intactam illam dimittes, aurum illi dedit quo virum redimeret. Idem mercator non ita multo post calumniam perpeffus, ab Imperatore in vincula conicitur, bonis omnibus confiscatis. Sed mulier prædicta precibus à Deo impetrauit, vt cor Imperatoris ad misericordiam flecteretur, & mercatori in somno apparens, liberationem promisit, quæ & ctatino die sequura est. Temporalis retributionis hoc exemplum potius esse videtur. Sed quod nunc subiiciam, admirabile & memorabile est tum in lignis eleemosynæ, tum spiritualis retributionis exemplum. *Ibid. cap. 187.* Alexandria sub Paulo Patriarcha, puella quædam adhuc catechumena & locuples pomarium suum tempore pomeridiano fortè ingressa, vidit quendam in arbore parantem sibi laqueum, vt se præfocaret. Accurrens, & causam cognoscens esse eo quod graui ære alieno obaratus, creditorum importunitatem, suamque ignominiam amplius ferre non posset; quæso (inquit ei) accipe omnia quæ habeo, & reddas: tantum ne perdas teipsum, Sumens ergo ille, reddidit omnia. Puella postea rebus omnibus destituta, fornicari cœpit, vt inde victum quæreret. Sed in se tandem reuersa & compuncta, & Christiana fieri cupiens, adiens Pontificem, orat vt baptizetur. Cum autem eam, vt meretricem scilicet, de fonte iuscipere, aut pro ea spondere nemo vellet, distulit Pontifex. Tandem apparens puellæ Angelus in specie hominis cui misericordiam fecerat, promittit se aliquos adducturum, qui pro ea pollicerentur. Venientes igitur duo Angeli in specie duorum illustrium virorum & notorum, ex ordine Augustalium, vocant clericos ad baptismum constitutos, & pro ea ad fontem sacrum pollicentur. Quo facto, baptizata est. Mirantibus vicinis puellæ quomodo baptizata esset, illaque respondente tales pro ea respondisse, illi non credentes, Episcopo rem totam denuntiant. Episcopus clericis auditis qui baptizatam affirmarunt, & euocatis illustribus illis viris qui se baptismo affuisse negabant, examinata muliere, & audita misericordia quam fe-

cerat, agnouit fuisse Angelos. Ipsa verò re tota narrata, ad pedes Episcopi obdormiuit in Domino. Hæc ibi. Magna & singularis fuit huius puellæ misericordia & eleemosyna. Sed maior fuit Christi e: ga eam retributio, verèque dedit in sinum eius mēsuram bonam, cōfertam, coagitatam, & superfluentem. Huic exemplo non absimile est, quod in vita S. Francisci refert S. Bonauentura, cap. 11. Miles quidam magna eum instantia S. Franciscum & socios eius ad prandium inuitauerat. Veniens S. Franciscus, & orationem de more præmittens, videt in spiritu subitanèam hospitis sui mortem. Eum igitur seorsim vocatum seriò hortatur, vt statim confiteatur omnia peccata sua. facit ille quod iubetur. Moxque incipientibus aliis manducare, hospes spiritum subito exhalauit. Meritò Imperator Martianus dicere solebat, *veras & certas diuitias esse, non aliena rapere, sed sua indigentibus largiri.* Sapienter dixit S. Franciscus, *amorem Dei per eleemosynas mercari, & hunc pro illo censum offerre, nobilem prodigalitatem esse, & eos qui minùs Dei amorem quàm denarios reputabant, omnium esse stultissimos.* Quare idem vir sanctissimus de omnibus quæ sibi dabantur ad necessitatem corporis releuandam, solebat à dantibus licentiam petere, vt licitè posset, si magis egen⁹ occurreret, omnia erogare. Quod & perpetuò fecit, nulli ei parcens, nec libris ipsis, nec altarium ornamentis. Certè eleemosynarius homini taurum ferocem fugienti similis est, qui quum iam cornibus ei us penè hæreat, penula supra illius oculos coniecta, iam iam impetentem deludit, atque ita amissa toga vitam seruat incolumem. Sic enim iustas peccatorū pœnas, & diaboli insultus varios, largitate eleemosynarum interiecta, sæpe euadimus. Sic Tobias filium suum docuit: *Fiducia magna erit coram summo Deo eleemosyna omnibus facientibus eam.* Hoc singulare peccatis expiandis remediū Dei misericordia fidelibus reliquit, vt his verbis S. Cyprianus docet: *Non haberet quod fragilitatis humana infirmitas faceret, nisi iterum* (post primam in baptismo abluionem *pietas diuina subueniens, iustitia & misericordia operibus ostensis, viam quandam tuenda salutis aperiret, vt sordes postmodum quasunque contrahimus, eleemosynis abluamus.* Quod ex variis Scripturis confirmat. Sicut aqua *extinguit ignem, sic eleemosyna extinguit peccatum.* Rursum: *Per misericordiam & fidem purgātur peccata.* Esaias Prophetam postquam populi iniquitatem multis verbis explicasset, remedium Dei nomine proponit: *Frangere esurienti panem*

Apophthegma.

Zonaras in Martiano.

In via eius per S. Bonauent. cap. 9.

Simile.

Tob. 4.

In Serm. de eleemosy.

Eccles. 3.

Proverb. 15.

Esaias 58.

tuum.

tuum, & egenos vagosque induc in domum tuam. Si videris nudum, operi eum; & carnem tuam ne despexeris. Tunc erumpet quasi mane lumen tuum, & sanitas tua citius orietur, & anteibit faciem tuam iustitia tua, & gloria Domini colliget te. Nec aliter Dauid: Beatus qui intelligit super egenum & pauperem; Psa^l. 40. in die mala liberabit eum Dominus. Sic ad Tobiam Angelus Tob. 12. Raphaël: Bona est ratio cum ieiunio & eleemosyna: quia eleemosyna à morte liberat, & ipsa purgat peccata. Petrus vt Tabitham à mortuis suscitaret, intellectis eius eleemosynis, Aitar 9. fidentior est factus. &, vt ait D. Cyprianus, non defuturum Christi sen, & auxilium viduis deprecantibus, quando esset in viduis ipse vestitus. Quo die Zachæus dimidium bonorum suorum Luc 19. dat pauperibus, eo die, imò eo momento, salus domui eius facta est; eo quod & ipse esset filius Abraha, id est, Dei verbis credidisset, sicut Abraham credidit. Atque hæc de eleemosynarum spiritali mercede etiam in hac vita.

Accedit ad hæc omnia, quod etiam in futura vita eleemo- Eleemosynæ
synis merces à Deo reponitur; quod Christ⁹ his verbis aper- retributio
tissimè demonstrat: Nolite thesaurizare vobis thesauros sub æterna.
per terram, ubi arugo & tinea demolitur, & ubi fures effodiunt Matth. 6,
& furantur. Thesaurizate autem vobis thesauros in cælo, ubi
neque arugo, neque tinea demolitur, & ubi fures non effodiunt
nec furantur. hoc est non terrenis possessionibus incubare,
sed eleemosynis dandis insistere; quod adhuc apertius alio
loco Saluator docet: Facite vobis amicos de mammona iniqui-
tatis; ut quum defeceritis, recipiant vos in æterna tabernacula.
Quæ verba in altero Promptuario explicuimus. Sed omniū Luca 16.
apertissimè in forma extremi iudicij hoc docetur. Tunc
enim dicet Rex iis qui à dextris sunt: Venite benedicti Patris
mei: percipite regnum quod paratum est vobis à constitutione
mundi. Esuriui enim, & dedistis mihi manducare, & cætera
quæ sequuntur de variis eleemosynæ generibus. Qui Theo- Simile.
logiæ, aut aliarum facultatum candidati sunt, & per exa-
men rigidum ad gradus admittendi, nihil sibi felicius aut
facilius iudicarent, si in qua quæstione, quove quæstionis
articulo, aut quo dogmate examinandi forent, antea certò
præscirent: quippe qui vtcunq; mediocriter in eo studio ver-
sati, ad illam quæstionem, & illud dogma diligenter se præ-
pararent, omnesque eius nodos & difficultates ediscerent.
Nunc verò in supremo iudicio, ubi non de gradu, aut titulo
momentanei honoris, sed de æternæ vitæ corona agetur,
prædixit & præmonuit Christus Iudex noster, in quo demū
B 5 operum

operum genere examen fiet, & nō nisi de misericordiæ operibus, de eleemosynis erga pauperes illud instituēdum affirmat. Hoc vnum opus ergo si prætermittimus, nobis ipsis & societati nostræ imputemus, si in iudicii examine repulsam patimur. Eleemosynarius similis ei est, qui cum pomarii alicuius domino hoc pactum inierit, vt is vescatur pomis intra pomariū, quantum voluerit, ea tamen lege, vt nihil foras effert. Quam sibi legem duriorē videns, comedit quidem in pomario vsque ad satietatem, nec vlla secum foras effert, comedens tamen, multa subinde extra pomarij sepem aut maceriam proiicit, quæ postea exiens ibi inueniet. Sic enim diuites prudentes, hac à Deo conditione accepta, vt hic quidem bonis à Deo concessis, ad necessitatem vtantur, nihil autem extra hunc mundum secum deferant, hac pia prudentia vtuntur, vt pauperibus ea erogantes, quasi extra pomarium eiciant, vt in altera vita ea ad mercedem inueniant. Sicut qui certo sciens fore vt breui in exteram regionem cōpellatur, vbi natali solo relicto, toto reliquo vitæ tempore egere debeat, agrè tamen ferret bona sua in illam regionem exportari, & eis tantisper domi carere, vsurus postmodum semper, meritò insanire iudicaretur: sic planè insaniunt, qui stulta cupiditate habendi, & bona sua quàm diutissimè possunt penes se retinendi illecti, aut vano timore futuræ indigentiæ perculsi, negligunt ea per eleemosynas, aliōsque bonos vsus in cælum præmittere, vbi certissimè sciunt perpetuò se cum omni affluētia & geminata mercede victuros. Sanè qui eleemosynam non facit nisi post mortem, similis est homini portanti lumen post tergum: aut ardentem fornacem ingredienti, & aquæ refrigerium postea adhibendum expectanti. Sed qui viuens eleemosynam facit, *anteibit eum* (vt Esaias loquitur) *iustitia eius*, vt recipiat eum in æterna tabernacula; & iudicii fornacem iam refrigeratū inueniet, quia *eleemosyna extinguit peccata, vt ignem aqua*. His ergo omnibus modis verū est quod Christus dixit: *Date, & dabitur vobis*, dabitur merces tum temporalis, tum spiritualis in hac vita, & merces æterna in altera vita. His de causis sementi meritò eleemosyna cōparatur, iuxta illud Apostoli: *Qui seminat in benedictionibus, de benedictionibus & metet*. Quem locū in alia Dominica tractauimus. Sicut enim semen abscondi debet in terra, sic eleemosyna in occulto dari, *Vt nesciat sinistra, quid faciat dextera*; nesciat vanitas, quid faciat pietas. Sicut semen quum in terrā proiicitur, perdi videtur, sed optimè tunc ser-

uatur;

*Simile.**Simile.**In vita Thom.
Mori, cap. 12.**Esaias 58.
Luca 16.**Eccles. 3.**2. Corint. 2.
Similia.**1.
Eleemosyna
semen.
1.*

natur: sic eleemosyna quā fit, perire pecunia stultis videtur, sed tunc primū thesaurizari à sapiētibus intelligitur. Sicut semen surgit cum multo scēnore, sic eleemosyna cum multa mercede. Sicut bonum semen tritici seminatur in vno anno, & metitur in alio; viliora autem semina hordei, milij, aueng, eodem anno seminantur & metuntur: sic eleemosyna iusti in hac vita seminatur, & in altera metitur; hypocrita verò statim accipit mercedē suā. Deniq; sicut semen quo diutius in terra manet gelu diuturno cōpressum, eo vberius fructificat: sic eleemosyna quo seriūsius siue in altera vita à Deo compensatur, eo ampliorem mercedem accipit. Sanè qui eleemosynis parcent vt liberis thesaurizent, similes ijs sunt, qui vel in carcere se detineri, vel mendicam vitam agere patiuntur, nē vel propter redemptionis pretia, vel propter vitæ suæ necessaria, filiorum opulentia aliquid detrahatur. Isti enim vel in inferno pereunt, vel in purgatorio diu torquentur, vt filij in mundo triūphent. Diuites difficilius intrāt in regnū cōlorū, quā camelus trāsīt per foramen acus: quia gibbum diuitiarū pri⁹ nō deponūt per multas & bonas eleemosynas, dispergēdo eas pauperib⁹, vt sic iustitia eorū maneat in seculū seculi.

5. *Hypocrita, eijce primū trābem de oculo tuo, & tunc perspicies vt educas festucam de oculo fratris tui.*

Locus moralis contra iudices & reprehēsores proximorū Iudicium hy-
hypocriticos. De temerario & vsūpato iudicio proxi- pocriticum.
morū, in alio loco iam dictū est. Nunc Christus iudiciū hy-
pocriticū multis verbis taxat, arguit, condēnat. Huc enim per-
tinent omnia huius Euangelij verba, post eleemosynæ com-
mendationem à Christo p. olata. *Cæcus cæcum non potest du-*
cere: quia cuius oculus, id est, intētio & affectio, trābe; id est,
odio, aut quauis passione mala impedit⁹ est ille cæcum, id est,
aberrātem in aliquo atq; peccantem ducere & corrigere non
potest, sed *ambo in foueam cadunt*, ambo in peccato suo ma-
nent: ille quia odio laborat, & non nisi fictā virtutis speciem
gerit; hic quia per vocem hypocritæ non emendatur, sed ma-
gis vel irritatur, vel in malo suo cōfirmatur. Inimici & ma-
leuoli hominis reprehensio ad iracundiā eū prouocat qui re-
prehenditur, non ad emendationem inuitat. Quum autē qui
reprehendit, eodem vitio, vel etiam maiori laborat; is qui
reprehenditur, magis ad alium arguendū, quā ad se ipsū
emēdandū prouocatur, vt dicat: *Medice cura te ipsum.* Et rur-
sum: *In quo aliū indicas, te ipsum condemnas.* Sic Christus Pha-
risæos vocat cæcos duces, quia discipulos eius in paruis re-
prehen

3.

4.

5.

Matth. 18.

Luca 4.

Rom. 9.

Math. 12.

Luca 6.

prehendebant, quum ipsi maiora peccassent. *Duces cæci, exco-*
lantes culicem, & camelum glutientes. Rursum ad hoc hypocri-
 ticum iudicium pertinet, quod Christus hic dicit: *Nō est disci-*
pulus super magistrū: perfectus autem omnis erit, si sit sicut ma-
gister eius. Qui aliū reprehendit & iudicat, magistri sibi offi-
 cium vsurpat. Quod si ergo cæcus magister est, cæcus quo-
 que discipulus fuerit. Si tu iudicas ac reprehendis alios, seu
 tibi subditos, seu non subditos, sed velex odio, vel eisdē, aut
 etiam grauioribus vitiis laborans; noli expectare vt quicquā
 reprehendendo proficias, noli mirari si peccantes & errātes
 alios videas. *Non enim est discipulus super magistrum.* Deinde,
quid vides festucā, id est, leue peccatū in oculo, in actione vel
 intentione potius *fratris tui* (nā hypocritæ sæpe actionē per se
 bonā, ex mala tamen intentione volunt arguere & condēna-
 rare) *trabem autem qua in oculo tuo est*, animi tui odiū & ma-
 leuolentiā, peccata tua grauiora aut similia *nō consideras?* Sic
 præcedentia omnia huc pertinent. Cōcludit autem Christus,
 vt *trabē de oculo suo hypocrita prius eijciat*, vt odium deponat,
 sua peccata prius corrigit, ac sic demū *festucas fratrum suorum,*
 & leuia delicta *videat*; quæ quum viderit, & non nisi festucas
 esse aduerterit, facile à iudicando & reprehendendo abstine-
 bit. Charitas oculatissima est in virtutibus, in peccatis cæca.
 Oculi Adam innocentis solum nouerant bonum, delinquētis
 verò sciunt bonum & malum, & potius malum, quia id sta-
 tim apprehēdit. Dauid non est ausus mittere manum in Sau-
 lem Christū Domini: Philistæi, hanc vnctionem nihil mora-
 ti, eum interficiunt. Serui Saulis pij, & vnus Dei cultores, no-
 luerunt manus suas extendere in sacerdotes Domini, vt eos
 interficerent iubente Saule: Vnus Doeg Idumæus, idololatra
 impius, irruit in eos, & trucidauit in vno die 85. viros vesti-
 tos ephod lineo. Boni serui Dauidis pendentem in quercu
 Absalon percutere noluerunt, propter patris & regis præce-
 ptum: Vnus Ioab, rebellis & superbus, tribus lanceis eū con-
 fodit. Sic homines impij, odio & peccatis pleni, iudicium de
 fratribus sibi arrogant. Aliorū delicta per radios directos vi-
 dent, ideoque iudicium de illis quale volunt, ferunt: sua ve-
 rò delicta nisi per radium reflexum, nō nisi per ambages &
 circumstantias, quibus ea vel tegere, vel extenuare conātur,
 considerāt. Sic alienas festucas vident, suas trabes non vidēt.
 Cōtrā boni & pij in suis delictis & alienis virtutibus ocula-
 tissimi sunt, sed in alienis delictis, suisq; virtutibus cæci sunt.
 Aliorū virtutes ex charitate, suos defectus ex humilitate, clarē

Exempla.

1.

Gen. 3.

2.

1. Reg. 24.

3.

1. Reg. 22.

4.

2. Reg. 18.

Hypocritæ &
 viri boni iudi-
 cium discre-
 pans.

& perspicuè vident, quasi per radios directos. Aliena vitia, sualque virtutes non nisi per radios reflexos cernunt, quia in illis iudicandis in seipsos primum, in his considerandis in Deum reflectuntur: quo fit ut nec alios temerè aut arroganter iudicent: nec sibiipsis vanè cōplaceant. Hypocritæ sunt quasi *Similia.* aurum alchymisticum, quod apparet, & non est: & laborant morbo qui vocatur. Noli me tangere. Quē enim alios omnes celerimè reprehendant, ipsi reprehēdi non ferunt. Deus primò format cor in homine, pictor primò faciem delineat. Sic iustus, Dei imitator, interna considerat; & quum actionem non potest, bonam saltem intentionem excusat. Hypocrita, pictoris & simulatoris instar (*speciem enim pietatis habet, virtutem abnegat*) secundum faciem iudicat, à facie incipit, ab externis & apparentibus iudicium capit. Vnde alibi Christus Phariseis: *Hypocrita, faciem cali & terra nōstis probare, hoc autem tempus* (aduētus filij hominis) *quomodo nō probatis? Quid autem & à vobis ipsis non iudicatis quod iustum est?* Errabant in Christi aduētu cognoscendo, sicuti errabant circa mores, & in recto iudicio sui ipsorum & proximorū. Præcepit Deus per Moysen filiis Israel: *Agrum tuum non seres diuerso semine.* *Allegoria.* *Veste qua ex duobus texta est, nō indueris.* *Leuit. 19.* Quibus verbis hypocritam prohibuit. Seminat enim diuerso semine, qui bona loquitur, & mala perpetrat; qui triticum in ore, zizania in corde habet: qui Curios simulant, & bacchanalia viuunt: qui, in quo alium iudicat, seipsum condemnat. Hypocrita veste virtutis induitur coram hominibus, & veste impietatis coram Deo. Sicut ligna quædā putrida, & squamæ piscium de nocte lucent, & lucem non veram, sed apparentem & vanam emittunt; sic hypocritæ habent apparentē virtutis lucem, sed non vigorē; magis in alijs reprehendendis, quàm in seipsis formādis lucent, & virtutis opinionem affectant. Sicut vulpes in medio auium mortuam se fingit, donec accedētes auiculas, gallinas, anseres, & pullos morsu repētino capiat; sic hypocrita, quasi mundo mortuus, totusque mortificatus, & ouis occisionis, tam diu cum innocētibus conuersatur in specie iusti, donec aliquam mordendi, reprehendendi, & calumniandi occasionem inueniat. Hos Ioannes Baptista *genimina viperarum* vocauit, quia intus venenū alunt, quum foris varietatem virtutis & zeli sibilum præ se ferāt. Culpa vacare debet, *Exemplum.* qui in alium paratus est dicere. Acutè & sapienter Socrates *Plutarchus in lib. de discrim. adulat. & amicis.* Platonē hoc docuit. Quum enim Socrates cū familiari quodam in conuiuio disceptans, acriter eum obiurgaret, dixit ei Plato:

Similia.

Plato: Nónne satius fuerat hæc illi seorsim dixisse? Cui statim Socrates: Et tu, nónne satius fecisses, si ista mihi seorsim dixisses? Errorẽ Socratis, & importunam reprehensionem videre potuit Plato, suam videre non potuit. Sicut hydropicus corripit eum cui digitus tumet, sui ventris immemor; sic isti faciunt censores hypocritæ. Sordes tergere non valent manus quæ lutum tenent. *Ab immundo quid mundabitur?* Eccli. 34. *Vir pauper calumnians pauperes, similis est imbri uehementi in quo paratur fames.* Prouerb. 28. Quem enim consolari debebat eodem morbo laborans, eundem vexat calumniando & iudicando, sicut imber qui terram fecundare solet, nimium inundans, & intempestiuè cadens, eam sterilem reddit. Sicut agrestia semina quæ forma ac similitudine similia frumentis sunt, frumentis admixta difficilè repurgantur & cribrantur, (aut enim vnà non excidunt per angusta foramina, aut simul excidunt per ampliora) sic iusta & iniusta, vera & hypocritica reprehensio proximi difficilè discernitur & cognoscitur. Ideo Christus in seipsum vnumquemque descendere iubet, & oculum mentis purgare, vt sic alienas videat seu festucas seu trabes. Quàm autem graue hoc peccatum sit, ostendit Christus, à contumelia incipiens, *Hypocrita, inquit, eijce trabem, &c.* Sic alibi: *Serue nequam, omne debitum dimisti tibi, &c.* Sic rursus: *O stulti & tardi corde ad credendum.* Et iterum: *Serue male & piger, sciebas quia homo austerus erã, &c.* Et alibi: *Generatio infidelis & peruersa signum quarit, & non dabitur ei, &c.* In his enim omnibus vbi cum contumelia & acerba reprehensione Christus sermonem suum orditur, maximum quoddam esse peccatum quod reprehendit, docere voluit.

*Matth. 19.**Luca 24. 19. 9.*

EVANGELIVM DOMINICÆ II.

POST PENTECOSTEN.

Luca 14.

DIXIT Iesus discipulis suis parabolam hanc. Homo quidam fecit cœnam magnam, & vocauit multos. Et misit seruum suum hora cœnæ dicere inuitatis vt venirent: quia iam parata sunt omnia. Et cœperunt omnes simul excusare. Primus dixit ei: Villam emi, & necesse habeo exire, & videre illã. Rogo te, habe me excusatum. Et alter dixit

dixit

dixit: Iuga bouum emi quinque, & eo probare illa. Rogo te, habe me excusatum. Et alius dixit: Vxorem duxi, & ideo non possum venire. Et reuersus seruus nunciauit hæc domino suo. Tunc iratus paterfamilias, dixit seruo suo: Exi citò in plateas & vicos ciuitatis; & pauperes, ac debiles, & cecos, & claudos introduc huc. Et ait seruus: Domine, factum est vt imperasti, & adhuc locus est. Et ait Dominus seruo: Exi in vias & sepes, & compelle intrare, vt impleatur domus mea. Dico autem vobis, quòd nemo virorum illorum qui vocati sunt, gustabit cœnam meam.

PERICOPE moralis huius Euangelij.

1. Homo quidam fecit cœnam magnam, & vocauit multos. De gaudio cœlesti ad quod Deus inuitat.
2. Dicere inuitatis vt venirent, quia iam parata sunt omnia. De summa Dei benignitate, ex cuius parte nihil prorsus deest, quod ad nostram salutem faciat,
3. Et cœperunt omnes simul excusare. De neglectu & fastidio vitæ cœlestis, morbo mortalium generali, & de varia excusatione huius morbi.
4. Villam emi: & necesse habeo exire, & videre illam. De vana ambitione & cupiditate dominandi, quæ innumeros impedit, ne ad magnam cœnam vocati veniant.
5. Iuga bouum emi quinque: & eo probare illa. Contra avaritiam, & rei familiaris augendæ nimiam sollicitudinem.
6. Et alius dixit: Vxorem duxi, & ideo non possum venire. Contra omnem effrenem carnis libidinem, violentum salutis impedimentum.
7. Exi citò in plateas & vicos ciuitatis, & pauperes ac debiles, & cecos, & claudos introduc huc. De vocatione nostra ad salutem sollicitè cōseruanda.

1. Homo quidam fecit cœnam magnā, & vocauit multos.

LOCVS moralis de gaudio cœlesti, ad quod Deus homines inuitat. Quum enim Christo ad mensam accumbente, quidam de simul discumbentibus dixisset, *Beatus qui manducabit panem in regno Dei*: Christus statim ex huius verbi occasione hæc parabolam introduxit. Vocat autem gaudium cœleste ad quod multi vocati sunt, sed pauci electi, pauci probati, pauci qui veniunt vocati, multis de causis. Magna certè cœna est, quia finem non habet, quia æterna est. Ego dispono vobis, sicut disposuit mihi Pater meus regnū, vt edatis & bibatis super mensam meā in regno meo. Regni autem eius non est finis. Mūdus habet sua prandia, non cœnas; breues caducas, & fluxas voluptates, quæ in luctu terminant;

Gaudium cœleste.

Luca 22.
Luca 2.

iuxta

Proverb. 14.
Baruch. 3.
Psal. 58.
Iob 21.

iuxta illud : *Extrema gaudij luctus occupat, & risus dolore miscbitur.* Et alius Propheta : *Nutriui eos cum iucunditate, dimisi autem illos cum fletu & luctu.* Et rursum : *Conuertentur ad vesperam, & famem patientur vt canes.* Et S. Iob : *Tenent tympanum & citharam, & gaudent ad sonitum organi. Ducunt in bonis dies suos, & in puncto ad inferna descendunt.* Et paulo post : *Quoties lucerna impiorum extinguetur, & superueniet eis inundatio, & dolores diuidet furoris sui? Erunt sicut palea ante faciem venti, & sicut fanilla quam turbo dispergit.* Hæc sunt prandia huius mundi. In triumphis Romanorum, peracto triumpho, Dux & imperator qui triumphabat, tanquam priuatus & penè solus domum suam redibat, vix ab vno aut altero familiari comitatus. Talia sunt mundi gaudia, talis

Dominica 3. post
Pascha, text. 2.
Simile.

eorum & repentina catastrophe est, de qua in alio Euangelio plura diximus. Cerrè sicut medicus ægrotos, qui in prandio cibum copiosum sumunt, cœna priuari iubet; sic Deus arcet à sua cœna in prandio huius mundi ingurgitatos. Homo quidem sanus, & in statu innocentiae positus, tum huius vitæ prandium iucundum atque opiparum, tum æternæ vitæ cœnam gustasset, è paradiso voluptatis ad cœlestia gaudia, nulla morte aut morbo interueniente, transferendus. At

Gen. 3.

homo per peccatum corruptus & ægrotus, ideoque *in sudore vultus sui panem suum comedere* iussus, si hic largiter prandere, suum hic paradisum habere, voluptates huius vitæ consecrari vult, carebit necessariò cœna magna gaudij cœlestis.

Esaiæ 29.
Simile.

Vnde Esaias de huius mundi voluptatibus : *Erit flos decidens gloria exultationis eius quasi temporaneum ante matutinum autumnii.* Fructus temporanei antequam ad maturitatem perueniant, manducanti talem dentium stuporem generât, vt quamuis non sit saturatus, tamen optimos cibos, & delicatissimas epulas edere nequeat. Sic huius mundi deliciae quum illis fruente[m] non satient (manet enim semper appetitus famelicus) saporem ac desiderium gaudiorum & consolationum cœlestium auferunt. Sunt ergo mundi gaudia non cœnæ perpetuæ, sed prandia breuia; nec magna & solida, sed exigua & inania. Rursum gaudium cœleste est *cœna magna*, quia Dei est; Deus inuitat, Deus cœnam parat, Deus conuiua est. Si magnorum Principum cœnæ solennes & publicæ, ad quas multos vocant, exquisitæ sunt, omnibusque delicijs affluentissimæ, splendidæ, opiparæ; quâto magis Dei! *Magna opera Domini, & exquisita in omnes voluntates eius.* Et huius cœnæ aliquem gustum dare volens.

Psal. 110.

Prophe

Propheta regius, ait: *Quàm magna multitudo dulcedinis tuæ* Psal. 30.
Domine! Inebriabuntur ab ubertate domus tuæ, & torrente
voluntatis tuæ potabis eos: quia apud te est fons vitæ, & in lumi-
ne tuo videbimus lumen. Et iterum: *Quàm dilecta tabernacula* Psal. 83.
tua Domine! Concupiscit & deficit anima mea in atria Domini.
Cor meum & caro mea exultauerunt in Deum vivum. Si tam
suaue fuit desiderium, quàm iucunda erit fruitio? Si sic gau-
det in speculo & enigmate, quomodo gaudebit videns eum
facie ad faciem? Si vestigia sic delectant, quale erit cùm *vide-*
bimus eum sicuti est? Si omnes mortales vno animo & con-
sensu, omnibus suis coniunctis copijs & facultatibus, omni
adhibita arte, industria, & studio humano, vel cœnam insti-
tuerent, vel palatium exædificarent; quàm magna esset illa
cœna, quàm magnificum palatium! At si vnus Angelus hoc
facere conateretur, omnem humanam industriam & faculta-
tem superarer. Tota enim gloria humanæ creaturæ est, vt
fiat tandem æqualis Angelis Dei. Sed si omnes beati spiri-
tus, omnes hierarchiæ cœlestes omnem ingenij sui vim ac
voluntatem in id conferrent, aliquid adhuc his omnibus ex-
cellentius absque dubio conficerent. Atqui hæc cœna, hoc
gaudium, ad quod inuitamur, Deus ipse Angelorum Domi-
nus & Creator instituit. vnde alibi dicit: *Intra in gaudium*
Domini tui: id est, quod Dominus Deus tuus tibi præparauit,
& quidem à constitutione mundi. Hic igitur cogita, quàm
omnibus numeris absolutissima hæc cœna erit, imò vt om-
nem numerum & mensuram nostræ capacitatis excedet.
Misericordia enim Dei non est numerus. In hac autem cœna
cororat suos Deus in misericordia & miserationibus. Plura de
hoc gaudio vide in Dominica Septuagesimæ, & Dominica 3. Text. 7. par. 3.
post Pascha. Text. 3.

2. Dicere inuitatis vt venirent, quia iam parata sunt
omnia.

Locus moralis de summa Dei benignitate, ex cuius parte Dei benigni-
tatis nihil prorsus deest, quod ad nostram salutem faciat. tas.
Omnia ad magnam illam cœnam parata sunt. Via ad gau-
dium cœleste capeffendum patefacta est, facta redemptione
per Christum, & propalata via Sanctorum: quia per proprium Hebr. 9.
sanguinē Pontifex noster introiuit in Sancta, æterna redemptione
inuenta. Nihil nunc restat nisi dissolui, & esse cum Christo. Ipse
enim iam iuit in cœlum parare vobis locum. Nunc reportamus Ioan. 14.
finem fidei nostræ salutem animarū. De qua salute exquisierunt 1. Petri 1.

atque scrutati sunt Prophetae, qui de futura in nobis gratia prophetauerunt, scrutantes in quod vel quale tempus significaret in eis Spiritus sanctus prannuncians eas quae in Christo sunt passionibus, & posteriores glorias: quibus reuelatum est, quia non sibi ipsis, nobis autem ministrabant ea quae nunc nunciata sunt nobis, per eos qui euangelizauerunt nobis. Salus enim, vita, & gloria aeterna à Spiritu sancto in Scripturis toties repromissa, veteribus iustis adhuc data non erat, quia nondum omnia parata erant, nondum per Christi introitum propalata erat via Sanctorum. Hi enim omnes (ait Paulus de veteribus iustis) testimonio fidei probati nondum acceperunt repromissionem, Deo pro nobis aliquid melius providente, ut non sine nobis cōsummerentur. Sed nunc tota coena parata, tauris & altilibus occisis, vitulo saginato in conuiuū mactato, nuptiae Agni paratae sunt, & vocantur conuiuiæ, quia hora coenae est. Vnde & in cœlo ipso lætantur beati, ut describit B. Ioannes. *Audiui, inquit, quasi vocem tubae magna, & sicut vocem aquarum multarum, & sicut vocem tonitruorum magnorum, dicentium, Alleluia: quoniam regnavit Dominus Deus noster omnipotens Gaudeamus & exultemus & demus gloriam ei, quia venerunt nuptiae Agni, & uxor eius preparauit se. Et datum est illi ut cooperiat se byssino splendenti & candido. Byssinū enim iustificationes sunt Sanctorū.* Hæc est Dei nostri erga nos inexplicabilis benignitas. Nihil est quod debuit facere vineæ suæ quod non fecerit. Misit seruos, misit & filiū suum. Seminauit bonum semen in agro suo. Omnia parata sunt. Vide de hac re plura in Dominica 5. post Epiphaniam. Hic ergo nostra maxima ingratitudo conuenitur, & condemnatio maior ostenditur, si, quum ex parte Dei omnia parata sint, nos tantam salutem negligimus, nec venire vocati dignamur. Si quis filium suum apud Turcas captiuum haberet, quem illi grauissimis deuinctum catenis, teterrimoque carcere inclusum detinerent; sed filij misertus, omnibus suis diuenditis ad eum relicta patria proficisceretur, redemptionis precium secum ferens, qui etiam vix Turcarum regnum ingressus, & malè à Barbaris acceptus, magnis afficeretur iniurijs, amore tamen vincente omnia, ad eum vsque in carcerem veniret, atque in hæc verba prorumperet: Fili, quot & quanta passus sum ut huc ad te venirem! quæ domi dispendia quot in via pericula, quas iniurias, quæ verbera pertuli! omnia tamen læto & libenti animo toleraui, ut te his vinculis exemptū in patriam reducerem. Iam ergo redemptionis tuæ pretium solutum est: iam domi ad tuum reditum

Hebr. 11.

Matth. 22.

Lucæ 15.

Apocal. 19.

Text. 1. & 4.

Ingratitudo nostra.

Philipp. Diez.

Conc. 3. de In-

uent. S. Crucis.

Parabola.

reditum conuiuium paratum est: iam te mater plorans expectat, iam lætos tibi parat amplexus: iam fratres tui, iam cæteri cognati & amici de tuo reditu gaudebūt. Veni fili mi, mea lux, mea vita, bonorum meorum omnium hæres. Veni, quid hæres, quid dubitas, quid moraris? His tamen amantissimi patris auditis verbis, hac tanta charitate perspecta, hac libertate, hoc gaudio proposito, ita filius responderet: Domū reuertere pater. Nihili ea omnia quæ dicis estimo. Quid mea, si dispendia rei familiaris, si labores, si iniurias pro me pertulisti? Quid ad me matris lachrymæ, fratrum desideria, amicorum expectatio? Conuiuium ego tuum, & epulas domesticas non curo: nec libertatem quæro. Mihi mea placet captiuitas, arridet hæc seruitus, gratæ & iucundæ sunt hæc sordes. Quanta obsecro hæc filij ingratitudo videretur! Quis non has voces inhumanitate plenas detestaretur? Quomodo non mille mortibus tam ingratus & nequā filius paterno amori tali ac tanto tam impiè respondens, dignus fuerit? Cæterum ne miremur hoc quod nunquam cōtigisse verisimile est, hoc quod quotidie accidit, demiremur. Vnusque enim nostrum, qui ad magnam hanc cœnam, in qua omnia parata sunt, venire recusat & detestat, hic nequam & ingratus, & impius filius est. Nos *venundatos sub peccato, & captiuos diabolo*, Deus Rom. 7.
1. Tim. 2. Pater per Filium suum vnigenitum in hunc mundum venientem, multaque dira & indigna passum, pretio sanguinis eius persoluto liberauit, & per eundem in hac parabola, ad cœlestia gaudia nobis parata inuitauit, vbi tot beati spiritus, tot sanctorum animæ nos expectant: nos tamen sordibus peccatorum delectari, huius seculi vanitate deliniri, omnia negligimus, totum beneficiū recusamus; nec Dei Patris dilectionem, nec Filij Dei redemptionem tanto pretio factam, nec ipsa cœli gaudia, nec matris Ecclesiæ vota, nec sanctorum desideria, vel hili æstimantes; sed his omnibus breues & vanas & sordidas voluptates anteponentes. De hac horrenda ingratitudine Salomon: *Vocavi & renuistis: extendi manum meam*, Prou. 1. *& non fuit qui aspiceret. Despexistis omne consilium meum, & increpationes meas neglexistis.* Sed quid sequitur? Ego quoque in interitu vestro ridebo, & subsannabo quum vobis id quod timebatis aduenerit. Cum irruerit repentina calamitas, & interitus quasi tempestas ingruerit. Si horrendum est incidere in manus Dei uiuentis, id est, iuste punientis; quanto magis horrendum est incidere in manus Dei irridentis & subsannantis, id est, in furore arguentis, & in ira corripientis! Quis poterit

Apoc. 6.

stare ante faciem iræ eius? *Dicent enim tunc montibus & petris, cadite super nos, & abscondite nos à facie sedentis super thronum, & ab ira Agni: quoniam venit dies magnus ira ipsorum, & quis poterit stare?* Hanc quoque dementiam nostram

Jerem. 2.

Ieremias his verbis exprobrat: *Et nunc quid tibi vis in via Ægypti, ut bibas aquam turbidam? & quid tibi cum via Assyriorum, ut bibas aquam fluminis? Arguet te malitia tua, & auersio tua increpabit te. Scito & vide quia malum & amarum est reliquisse te Dominum Deum tuum, & non esse timorem mei apud te, dicit Dominus exercituum.* Omnes huius seculi vo-

Simile.

luptates aut aqua turbida sunt, mixta peccatis, curis, & for-
dibus; aut aqua fluminis, id est, partiales, breues, fluxæ. Sed
apud te est fons vitæ, dicat fidelis anima Deo. Proterqus & im-
probis, & flagris dignus puer esset, qui ad paternam mensam
vocatus, ea recusata cum suis congerronibus aut nugaciter,
aut etiam improbè tempus terit. Si in puero hoc damnamus,
quem ætas & ignorantia officij aliquatenus excusant; nostram
inexplicabilem ingratitudinem quare non damnamus? Qui
nunc suauissimam Christi vocem audire non vult, dicentis,
Hora cœna est, omnia parata sunt, venite inuitati: aliam eius
vocem postea audiet, *Discedite maledicti in ignem æternum.*
Audiamus ergo Spiritum sanctum sic loquentem: *Quærite*
Dominum dum inueniri potest, inuocate eum dum propè est.
Nunc dies salutis, nunc tempus acceptabile. Ecce sponsus venit,
exite obuiam ei. Nolite expectare donec clausa sit ianua: quia
fronte capillata, post est occasio calua.

Matth. 25.

Rom. 13.

3. Et cœperunt omnes simul excusare.

Cœlestium
bonorum
fastidium,

Psal. 13.

Jerem. 9.

LOcus moralis de neglectu & fastidio vitæ cœlestis, mor-
bo mortalium generali, & de varia excusatione huius
morbi. Vocati & inuitati ad cœlestis gaudij sempiternam
fruitionem, fastidimus illam, negligimus, & neglectus nostri
aliquam semper excusationem præteximus, De hoc morta-
lium morbo frequentes sunt in Scriptura querelæ. Dominus
de cœlo prospexit super filios hominum, ut videat si est intelligens
autquirens Deum. Omnes declinauerunt, simul inutiles facti
sunt: non est qui faciat bonum, non est usque ad unum. Sic apud
Ieremiam: *Attendi & auscultavi. Nemo quod bonum est loqui-*
tur; nullus est qui agat pœnitentiã super peccato suo, dicens: quid
feci? Omnes conuersi sunt ad cursum suum, quasi equus impetu
vadent

vadens ad pralium. Sic & Esaias: Omne caput languidum, & Esaias 1.
omne cor mœrens. A planta pedis vsque ad verticem non est in
eo sanitas. Sic & sanctus Paulus de suo tempore: Omnes quæ Philip. 2.
sua sunt quarunt, nemo quæ Iesu Christi. Sic denique Christus
ipse de omni ætate ac tempore: Lata & spatiosa est via quæ Marth. 7.
ducit ad interitum, & multi ambulant per eam. Vnde tanta &
tam generalis dementia? vocat mundus ad labores, & omnes
auscultant illi: vocat diabolus ad barathrum, & omnes
auscultant illi: vocat caro ad immunditiam & sordes, & om-
nes acquiescunt illi. Nam à minimo vsque ad maximum om-
nes auaritiâ sequuntur, & draco ille magnus, serpens antiquus, Ierem. 8.
qui vocatur diabolus, seducit vniuersum orbem; & unusquisque Apoc. 12.
ad uxorem proximi sui hinniebat, ait Ieremias. At contrâ, Ierem. 5.
vocat Deus ad cœnam æternæ gloriæ, vocat ad iugum sua-
ue, & onus leue, vocat ad sanctificationem & munditiam;
sed nemo auscultat illi: incipiunt omnes simul excusare. Vni- Exempla.
uersus Israël toto corde sequitur rebellem Absalom, & om- 2. Reg. 15. & 20.
nis populus secutus est Sebam filium Bochri, & separatus est Exod. 30.
omnis Israël à Dauid: cui pauci adhæserunt. Quum Moyses
apud Deum in monte causam & salutem totius populi age-
ret, Deusque tabulas Legis conscriberet, quam qui faceret,
viueret in ea: totus interea populus, etiam ipso consentiente
Aarone, vitulum sibi aureum fabricat, & pro Deo suo colit
atque adorat. Quum Christus in cœna suæ passionis, no-
stræque salutis memoriale instituit, Iudas eum vendit, to-
taque Hierosolyma in eius necem conspirat. Hæc est per-
uersitas nostra. Quo Deus erga nos benignior est, eo nos
erga illum proteruius sumus. Quo ille nos magis inui-
tat, eo nos detrectamus magis. Pauper ad diuitias mensam
inuitatus, exultat præ gaudio, & beatum se putat. Ad regis
verò mensam inuitati etiam principes viri, magnæ id feli-
citatis loco ducunt. Aman primus post regem ad mensam
reginæ Hester cum rege Assuero inuitatus, tantæ sibi glo-
riæ id duxit, eaque animi lætitia perfusus est, vt gloriam Hester 5.
ac letitiam suam vxori & amicis multis verbis aperuerit.
Nos ad Dei mensam vocati, imò conducti denario vitæ
æternæ, atque adeò empti pretio magno, sanguine Filij Dei,
adhuc excusamus. Magna mortalium cæcitas, nec videre Cæcitas mun-
danorum.
quid & quantum recusant, nec aduertere propter quid se ex-
cusant. Duo mala fecit populus meus. Me dereliquerunt fontem Ierem. 2.
aquæ viuæ, & foderunt sibi cisternas dissipatas, quæ continere
non valent aquas. Deum relinquimus, diabolo adhæremus.

Ibidem.

Ephes. 2.

Rom. 8.

Hebr. 11.

Genes. 3.

Exemplum.

Epist. 51.

Simile.

Vitæ æternæ cœnam fastidimus, mortis æternæ prandiola appetimus. *Nunquid servus est Israël, aut vernaculus? quare ergo factus est in prædam?* ait Ieremias. Nunquid hospites sumus aut advenæ? nunquid servi aut captivi? nunquid filij iræ & perditionis? Natura quidem sic eramus: sed nunc per adoptionem & gratiam facti sumus *cives sanctorum, & domestici Dei. Liberati sumus à lege peccati, & eruti à potestate tenebrarum, filij Dei sumus & acquisitionis & sanctificationis.* Quare ergo facti sumus in prædam? Quid adhuc mensam caelestem fastidimus, & secularia desideria libèter amplectimur? Quare nauscat anima nostra super manna cœlesti, quasi cibo leuissimo, & ad ollas Ægyptiacas anhelamus? Nonne quia ut morbus cibi salutaris, sic peccatum salutis æternæ gustum abstulit? Adhuc vetus Adam vivit in nobis. Adhuc peccata non cognoscimus, sed excusamus. Ille rogatus cur pomum veritum comedisset, & paradiso voluptatis sese spoliasset, respondit: *Mulier quam dedisti mihi sociam, ipsa dedit mihi, & comedi.* Mulier rogata cur id fecerat respondit: *Serpens decepit me.* Uterque se excusat, quòd potius pomum veritum, quàm totam paradisi voluptatem elegisset. Omnes nunc se excusant, quòd potius præsentis voluptates, quàm cœnam magnam, ad quam vocati sunt, appetunt, & amplectuntur. Caro quam dedisti mihi, appetit carnalia, & consensit. Diabolus decepit me astutia sua. Mundi consuetudo in errorem me abripuit. Sed ut illis sua non profuit, sic nec nobis nostra proderit excusatio. Accidit nobis quod fatuæ mulierculæ accidisse memorat Seneca. *Harpastes (inquit) uxoris meæ fatua iam vetula subito desijt videre. Incredibilem tibi narro rem, sed veram. Nescit se esse cacam. Subinde ducem suum rogat, ut foras exeat. At domum tenebrosam esse. Sic nemo se avarum esse intelligit, nemo ambitiosum. Non ego ambitiosus sum, sed nemo potest aliter Romæ vivere. Non ego sumptuosus, sed vrbs ipsa magnas impensas exigit. Non ego avarus sum, sed familiæ & liberorum necessitati prospiciendum. Non est meum vitium quòd iracundus sum, sed senectus id facit. Non mihi imputandum, si in carnis crimen incidam, adolescentiæ culpa est. Non ego ebrietate delector, sed oportuit hospitibus morem gerere. Sic in quolibet peccato nulla nostra cæcitas, nullus noster error est, sed eorum quæ circa nos sunt. Tales fatui plerique omnes sumus, nisi quòd personæ gravitatem retinemus. Nihil hoc vitio periculosius. Orat & clamat Propheta regius:*

Ne

Ne declines cor meum in verba malitiæ ad excusandas excusationes in peccatis. Verba malitiæ, omnis excusatio; vt verba virtutis, omnis confessio. Si dixerimus quia peccata non habemus, nos ipsos seducimus, & veritas in nobis non est. Si confiteamur peccata nostra, fidelis est & iustus (Deus) vt remittat nobis peccata nostra. De diabolo dixit Iob: Corpus illius quasi scuta fusilia compactum squamis. Peccata quæ sunt opera diaboli ad defensionem suam parata sunt, sicut scuta ad ictus recipiendos. Squamæ sunt excusationes quibus se defendit peccator. Hæ squamæ ceciderunt ab oculis Pauli, iam post longā orationem & ieiunium plenè ad Christum conuersi. Adam statim post peccatum foliis ficuum suam nuditatem cooperuit. Ficus est fructus bonus, & apprimè honestus: folia ficuum sunt honesti prætextus, & verba foris honestate plena, sed intus verba malitiæ, quibus peccata excusamus. Non est extrinsecum malum nostrum. A nobis ipsis originem capit, & à nostro proprio consensu, cui nulla vis inferri extrinsecus potest. Mēsa & cœna magna Dei ideo non placet, quia peccatum placet: & quia diligunt homines magis tenebras quā lucē. Idcirco orat Propheta, vt boni dilectionem eius menti Deus inferat. Bonitatem & disciplinā & scientiam doce me; quia mādatis tuis credidi. Bonitatem ait, id est, bonum gustum, vt ex Hebræo verti potest. Quare in eodem Psalmo prius dixerat: Concupiuit anima mea desiderare iustificationes tuas. Ipsum boni desiderium bonum gustum concupiscit. Multum ille in Aristotele profecit, cui potuit Aristoteles placere. Multum ille ad vitam æternam profecit, cui potuit vita æterna placere, cui potuit cœna magna arridere, qui potuit cū Propheta dicere: Latatus sum in his quæ dicta sunt mihi, in domū Domini ibimus.

4. Villam emi: & necesse habeo exire, & videre illam.

LOcus moralis de vana ambitione, & cupiditate domini-
 Lnandi, quæ innumeros impedit, quo minùs ad cœnam magnam vocati veniant. In villa enim emptā dominatio notatur, & superbia castigatur, ait S. Augustinus. Nam & ideo non dicit se exire vt colat illam, vel vratur illa, sed vt videat illā. Emerat quippe non necessitatis, sed voluptatis & honoris causa: quæ etiā inter Christianos maxima hodie insaniā est. Præter habitationem in vrbe honestam & commodissimā, in agris quoq; villas habere debent, ad splendorem & voluptatem comparatas, ad quas videndas interdū ex eant. Quibus Propheta dicit: *Va vobis qui domum ad domum coniungitis,*

& agrum ad agrum usque ad terminum loci. Nunquid vos soli habitabitis in medio terre? In hac insania excelluit Nero, qui sic in vrbe domum ad domum coniunxit, vt de eo caneretur.

*Roma domus fiet: Veios migrate Quirites,
Sinon & Veios occupet ista domus.*

Tota huius mali radix superbia est, quam vanitas fouet, Sapienter Augustinus: *Privata res ipsa in qua homo requiescit, superbos facit. Quam videlicet non ad vsum, sed ad libidinem tenet, vt dominus rerum multarum habeatur.* Hanc insaniam falsè taxauit Diogenes: *Inter seruos ac dominos malos* (quales omnes superbi & dominandi cupidi sunt) *præter vocabula nihil aliud interest, nisi quòd mancipia seruiant dominis, domini seruiant cupiditatibus.* Sicuti ab illis cibus & potibus maximè cauendum, qui etiam saturos & non sitientes ad edendum ac bibendum prouocant, quia naturæ officiant, & dum voluptati, non necessitati seruiunt, naturam incautè obruunt atque extinguunt: sic illa possessio animæ maximè periculosa est, quæ nulli necessitati: sed soli voluptati subseruit. Sicut arbores per præcipitia nascentes non hominum, sed cornuorum vñibus fructus adferunt: sic rerum possessio ad voluptatem non necessitatem comparata, animi actiones non Deo, sed diabolo seruientes profert. Ad Dei cœnam venire non potuit, cuius animum tam vana cupiditas occupauerat. Dicit Propheta: *Si introiero in tabernaculum domus meæ, donec inueniam locum Domino, tabernaculum Deo Iacob.* Abstinendum docet si non à possessione, saltem ab amore rei priuatae, vt locum faciamus Domino. Qui ideo solùm possidet, vt amet id quod possidet, vt in eo se oblectet, locum Domino non facit, quia suæ cupiditati, quam odit Dominus, totum locum referuauit. Hæc dominandi libido, & multa possidendi cupido, vt hominibus cæteris dominemur, cum peccato, & per peccatum intrauit in mundum, vt his verbis sapienter docuit S. Augustinus: *In domo iusti viuientis ex fide, & adhuc ab illa cœlesti ciuitate peregrinantis, qui imperant, seruiunt eis quibus videntur imperare. Neque enim dominandi cupiditate imperant, sed officio consulendi, nec principandi superbia, sed prouidendi misericordia. Hoc naturalis ordo præscribit, ita Deus hominem condit. Dominetur, inquit, piscium maris, & volatilium cœli, & omnium reptilium. Rationalem factum ad imaginem suam, noluit nisi irrationabilibus dominari: non hominem homini, sed hominem pecori. Inde primi iusti pastores pecorum magis quàm reges hominum consti-*

turi

Enarrat. in Psal.

131.

Apophtegmata.

Laert. lib. 6.

Simidia.

Psal. 131.

August. enarrat. ibidem.

De Ciuit. Dei.

lib. 19. cap. 14.

Cap. 15.

tuti sunt; ut etiam sic insinuaret Deus qui postularet ordo creaturarum, & quid exigit meritum peccatorum. Conditio quippe seruitutis, iure intelligitur imposita peccatori. Proinde nusquam Scripturarum legimus seruum, antequam hoc vocabulo Noë Genes. 9.
iustus peccatum filij vendicaret, dicens: Maledictus Chanaan. Simile.
Seruus seruorum erit fratribus suis. Nomen itaque istud culpa meruit, non natura. Hæc ille. Sicut ergo nemo natura seruus est, sed culpa sua; & nemo natura aliorum dominus cupiditate dominandi, sed vicio suo, qui ad impiorum vertit quod officij tantum est: sic ita transuersum hæc vitiosa dominandi cupiditas hominem agit, ut quia suis conferuis dominari vult, Deo Domino Deorum seruire detrectet, & ad eius mensam vocatus venire recuset. Ait enim: *Neceſſe habeo exire.* Nec mihi vacat, nec mea dignitas & status amplitudo fert ut quotidie Deo seruiam; ut ad Ecclesiam, ad conciones, ad Sacramentorum perceptionem me conferam vulgi more; ut victus sobrietatem, vestitus mediocritatem, familiaris simplicitatem retineam. Deinde, est mihi honorifica conditio comparanda, est in seculo splendide viuendum, ut cunque malis artibus eò perueniatur. Malo in terris dominari & honoratus esse, quam ad cœnam magnam vocatus venire. Hæc est vox huius primæ excusationis: quæ & adeò honesta videbatur, ut diceret: *Rogote, habe me excusatum.*

Nihil facio præter morem & consuetudinem mortalium. Sic oportet fieri. Neceſſe est me temporibus ac locis ac personis accommodare. Deus tuus hoc facile mihi donabit. Sed concludit Christus. *Dico vobis, quod nemo virorum illorum qui vocati sunt, gustabit cœnam meam.* Istæ excusationes vanæ & friuolæ, in sola cupiditate & vanitate fundatæ, nullum apud me habebunt locum. Contra ambitionem, & de fuga honorum, vide in aliis Dominicis, Dominica 3. Aduentus, text. 6. Domin. 1. Quadragesi text. 8. & Dominica 2. Quadra. text. 1. & Domin. 4. Quadra. text. 6. & Domini. Palm. text. 6. hinc tamen pauca adiciemus. Quantum am-

Ambitiosi excusatio.

bitio & honorum cupiditas à Deo retrahat, & ne ad cœnam magnam vocatus veniat, infelicitè impediatur, multa docet. Primum animi semper inquieti ambitiosus est, semper ascendere cupiens, & præſenti honore non contentus. Nabuchodonosor, victo Arphaxad rege, omnem sibi terram subiugare vult. Antiochus rex Asiæ subiugat sibi Ægyptum. Ægypto superata, inuadit Iudæam. Illa spoliata, ciuitatē Elymasdem in Perside nobilissimā depredari, & in ea dominari affectat.

Ambitio iniquita,

Exempla.
Iudith. 1.
1. Machab. 1.
2. Machab. 6.

2. Reg. 15.
Hester 6.

Epist. 95.
Similia.

Exemplum.

Simile.

Exemplum.
Plutarch, lib. de
tranquil. animi.

Similia.

1.
2.

3.

Abſalom paternum regnum affectans, dicit: *Quis me conſtituet iudicem ſuper terram, ut ad me veniant omnes?* Aman nō contentus tota gloria in regno Aſſueri, quia ab vno Mardocheo Iudæo nō honoratur, omnia pro nihilo habuit, & totā Iudæorū gentē interneceioni dare contendit. Ambitioſus (ait Seneca) inſtar turbinis eſt, qui rapta conuoluit, ſed ipſe antea voluitur, & ab hoc maiore impetu incurrit, quia nullū illi ſui regimē eſt. Sicut lapis deorſum cadens non liſtit donec ad fundum veniat, & qui potuit non cecidiſſe, loco ſuo manēs, locum egrediens, modū tenere non poteſt: ſic ambitio moderationis fines egreſſa, nullū ambiendi modū facit. Sapienter Cyneas philoſophus hanc inſaniā Pyrrho ſpartharum Regi demonſtrauit. Pyrrhus cū Romanis bellum gerens, rogatus à Cynea quid illis ſubactis faceret, Italiā (inquit) totā occupabimus: quid Italia ſubacta, Siciliā (inquit) vicinā capiem⁹: quid capta Sicilia, ſupereſt (inquit) Libya & Carthago, quibus captis facilē Græciæ dominabor. Sed deletis omnibus, quid tandem facturus ſit, rogatus, reſpondit: Tunc otio & amicis fruamur, nōſq; inuicem oblectabimus. Tum Cyneas: At quid vetat, ô Rex, quo min⁹ nūc eodem otio perfruaris, niſi quòd cæca ambitio te quietum eſſe non ſinit? Sanè quemadmodū hi qui non ſitientes bibunt, & non eſurientes edunt, etiā ea quæ eſuriētes ac ſitientes ſumpſerant reuomunt; & dum ſuperfluos ingurgitant cibos, neceſſariis priuātur. ſic omnino ambitioſi nouos ſemper honores appetentes, nec illis quos habent potiuntur. Quid Alexandro profuit totius Aſiæ dominiū, qui nō ſecus ac ſi mēdicus eſſet, lachrymabatur quod totum mundum ſuo imperio nō ſubiugaeſſet: Cū enim audiret Anaxarchū infinitos eſſe mundos diſſerētem, illachrymaſſe dicitur: percontantib⁹ſque amicis, ecquid lachrymis ei dignū contigiſſet, an non (inquit) æquum eſt me flere, ſi cū infiniti mundi eſſe dicātur, haud dum vnius domini facti ſimus? Sanè ſicut calceus ad pedis figurā accommodari ſolet, non pes ad calcei modū; ſic honores vel magni vel parui videntur, prout quiſque affectus eſt. Sicut ergo morbo famelico liberari debet, qui de iuſta cibi meſura conqueritur: ſic ambitionis vitiū animo eiiciat oportet, qui ſuo ſtatu & loco cōtentus non eſt. Sicut enim canis famelicus ad menſam domini aſtans, offas illi obiectas vno momento deuorat, & vnā poſt aliā inceſſanter accipit, quūq; multas acceperit, perinde adhuc expectat & abblāditur, & ſublattrat, ac ſi nihil accepifſet: ſic ambitioſus, honoris & dominationis appetens, nouis ſemper

semper honorib⁹ inhiat, assentatur, ambit, nō secus ac si omniū indigentissimus esset, vtcunq; plura adeptus quā meruit. Hoc ipso enim quod ambit, nec eo quē tenet honore dignus est. In alijs vitæ negotijs nemo tam demens, qui illud in se opus suscipiat, cui se perficiendo idoneum non videt. Sartori si panni segmentum porrigas, iubens vt inde tunicam conficiat, rotundè respondebit, se id non posse facere. Idem faciet sutor, si ex frusto corij calceostibi fieri petas. Ad honores & dignitates omnes idonei sumus, nec segmenta nostra & frusta, & tenuitatem propriam consideramus. Hic nemo se excusat, nisi qui maxime idoneus est. Quum Abimelech, Gedeonis fortissimi ex concubina filius, regnum ambiens, opera & auxilio Sichimitarum regnum adeptus esset; occisis septuaginta filijs Gedeonis super vno lapide, Ioathan minimus, qui solus euaserat, ambitionis huius nefariæ turpitudinē hac parabola eleganter expressit. *Iuerunt ligna vt ungerent super se regem, dixeruntq; oliua, Impera nobis: quæ respondit, Nunquid possum deferere pinguedinem meam, quæ & dij & homines vtuntur, & venire vt inter ligna promouear?* Dixeruntq; ligna ad ficum & ad vitem tantundem: quæ etiam responderunt, se nolle relinquere dulcedinem & fructus suauissimos suos, vt inter ligna imperarent. *Dixeruntq; omnia ligna ad rhamnum, Veni & impera super nos: quæ respondit eis, Si verè me regem super vos constitutis, venite & sub vmbra mea requiescite: si autem non vultis, egrediatur ignis de rhamno, & deuoret cedros Libani.* Docet hæc parabola, viros virtutū pinguedine ac dulcedine plenos, honores non appetere, & ab illis abhorre- re, metuentes ne pinguedinem ac dulcedinem suam honores illi ipsis auferant (vt in alia Dominica ostensum est) ari- dos autem & infructuosos homines, qui ad nihil nisi ad contentionem valent, talia ambire. Rhamus enim (vt apud Iosephum videre est) species quædam rubi est nodosa, spinis plena, cuius lignum ad ignaria valet. Non mirum si ambitio à cœna magna remoratur, quæ tota virtutis pinguedine hominem euacuat. Sed & inde eius turpitudō manifesta fit, quòd omnibus modis occultare se & latere cupiat, vt qui

4.

Exemplū.

Indic. 9.

Parabola.

Ambitio vir-
tutem euacuat.Antiquit. lib. 1
cap. 9.

Epist. 136.

subli

Ioan. 3.

Philip. 3.
Exempla.
Leuit. 10.

3. Reg. 12.

3. Reg. 2.

2. Reg. 16.

2. Reg. 18.

2. Machab. 9.

2. Machab. 4.
& 5.

Simile.

sublime, sed videri ipsa refugit. Atqui quàm grande peccatum sit, quàm superba verecundia qua terram & cinerem pudet, non quidem subijci, sed non dominari, ideoque suam gloriam studiosè quærere, Redemptoris nostri verba nos doceant. *Si ego* (inquit) *gloriam meam quero, gloria mea nihil est.* Non decuit Christum suam gloriam quærere, & nos decēbit? Illi hoc non licuit, & nobis licebit? Ille quærendo suam gloriā, eam perdidisset; & nos quærendo nostram gloriā, non perdemus eā? Sanè fiet quod Apostolus scribit: *Gloria in confusione eorum qui terrena sapiunt.* Quod multa nos Scripturarum exempla docent. Nadab & Abiu igne perierunt, quando alieno igne offerre Domino incensum, vt magis honorarentur, voluerunt. Ieroboam vitulos aureos fecit, vt regnum suum sibi confirmaret, ne populus Hierosolymam ad orationem ascenderet. Sed propter illam idololatriam tota stirps eius regno excidit. Adonias Abisag Sunamitidem in vxorem petens, vt apud populum honoratior esset, vita priuatur. Achitophel consilium Absaloni dans de persequēdo mox Dauidē, quia non id acceptauit Absalom, nec eum honorauit, abiens domum suspendit se. Absalom ipse, qui sollicitabat corda filiorum Israel, vt pulso patre regnaret ipse, in quercu suspensus interiit. Antiochus post amplissimas victorias adhuc in Perside regnare cupiens, & repulsam passus, præ animi mœrore interiit. Iason impius dominandi libidine totius ludææ pacem perturbans, in summa egestate exul & contemptus ab omnibus periit. Omnibus istis *gloria ipsorum in confusionem erat.* Sicut pueri post papiliones tota die currunt, sæpius cadentes, & post omnem laborem nihil aliud apprehendunt quàm vermiculum & puluisculum deargentatum: sic ambitiosi post innumeros conatus, sumptus, fraudes, adulationes, & similia, etsi quod ambiunt assequantur, ad finem vitæ cernunt se nihil nisi conscientie vermem & inanē puluerem adeptos fuisse. Et tamen propter fumum inanem excusari volunt, ne ad cœnam magnam vocati veniant.

s. Iuga boum emi quinque: & eo probare illa.

Auaritia.

Locus moralis contra auaritiam, & rei familiaris augendæ nimiam sollicitudinem, alterum impedimentum, & excusationem friuolam, sed vulgarem, ne ad cœnā magnam eniatur. Nemo inuentis frugibus glandes comedit. Nos
tamen

tamen ad cælestia vocati, terrenis oblectamur. Appositè Chrysostomus: Si ethnicus esses, & nihil post hanc vitam spera- *In Acta Apo- res, difficile forsàn esset, rerũ terrenarum affectionem deponere. stol. Hom. 7.*
Nunc autem calum expectans: & ea quæ in calis sunt, hoc tibi Simile.
difficile videtur? Si contrarium dicere, Expete diuitias; potius mi-
hi succenseret, dicens: Quomodo hoc faciam, calum expectans, à
quo ista me retardant? Iniuriam tibi facerem, si proposito auro, &
pretiosis lapidibus, plumbum tibi appetendum dicerem. Inciuilis
esset & ingratiſſimus hospes, qui ad splendidissimas epulas
inuitatus, antequam eò accederet, cepis se & aliis repleret,
unde optimorum ciborum & sibi fastidium, & aliis nauseam
ex odore tetra conciliaret. Nos ad cœnam cœlestem vocati,
luto huius mundi sic animum pascimus, vt & nobis cœlestia
fastidium generent, nosque cœlestibus pessimus odor simus.
Sapienter Augustinus: Amor rerum terrenarum, viscus est spi-
ritualium pennarum. Sicut enim nulla aquila, si ingētes cam-
panæ pedibus alligarentur, vel vnum pedem à terra se suble-
uare posset: sic cura, amor, & sollicitudo rerum terrenarum,
animam deprimit, ne sursum feratur. Hac de re iam in aliis
Dominicis multa diximus. Viscus vtramque auiculæ alam
constringit, vt sursum ferri nequeat. Cupiditas rerum terre-
narum & intellectum & voluntatem sic implicatas tenet, vt
ad cœlestia se erigere non valeant. Clamat igitur sæpe Scri-
ptura, ne hoc nos visco implicemus: Nolite diligere mundum,
neque ea quæ in mundo sunt. Non dixit, Nolite habere, sed, no-
lite diligere. Rursum: Reliquum est vt qui emunt, sint tan-
quam non possidentes; & qui vtuntur hoc mundo, tanquam non
utentes. Mundo vtitur (ait sanctus Gregorius) tanquam non
vtatur, qui & necessaria cuncta ad vitæ ministerium con-
gregat, & tamen hæc eadem non finit menti suæ dominari:
Nihil enim est iniquius quàm amare pecuniam, & cōsequenter,
pecunia æstimabile: Hic enim & animam suam venalem ha-
bet, quoniam in vita sua proiecit intima sua. Hoc est, in pecuniis
conquirendis cura & cogitatione se totum euiscerauit. Cla-
mat Sapientia: Relinquitte infantiam, & uiuite, & ambulate per
vias prudentia. Infantiam appellat quæ sunt puerilia. Diligen-
tes enim temporalia sunt similes pueris, qui magis afficiun-
tur ad vnum pomum quàm ad vnum regnũ: sicut iste sua iu-
ga boum prætulit cœnæ magnæ beatitudinis æternæ.

Simile.

Serm. 33. de
verb. Dom.
Simile.Domin. 1. Ad-
uentus, text. 3. &
Domin. Sexag.
text. 6. loco 2.

1. Ioan. 2.

1. Cor. 7.

Homil. 36. in
Euang.

Eccli. 40.

Prou. 9.

Simile.

Exod. 3.
Allegoria.

lestium

Moyſes vt videret rubum ardentem, sed non comburen-
 rem, propiusque accederet, iubetur prius soluere calceamenta
 de pedibus suis: quia terrenarum amor prius exuendus, vt cæ-

*Domin. 4. post
Pascha. rex. 2.
Ioan. 4.*

Simile.

Eccli. 38.

Allegoria.

4. Reg. 5.

Eccli. 2.

*Ioan. 3.
Matth. 5.*

lestium amor in animum admittatur : de quo suprà in alia
Dominica. Mulier Samaritana audito Christi sermone, reli-
quit hydriam, & abiit in ciuitatem, vt Messiam se inuenisse
nunciaret. Talis debet esse affectus noster erga cælestia, vt
præ illorum desiderio & amore relinquamus hydrias nostras
aqua plenas, bona hui⁹ mūdi tota fluxa & caduca. Sicut an-
guilla quo magis stringitur, eo min⁹ tenetur; sic terrenis o-
pibus quo arctius adhæremus, eo min⁹ sunt nostræ & in
nostra potestate; quia nobis magis dominantur quàm ser-
uiunt, & nocent amore quæ poterant prodesse vsu. *Qui tenet
aratrū (ait Scriptura) & qui gloriatur in iaculo, stimulo boues a-
gitat, & conuersatur in operibus eorum: & enarratio eius in fi-
lijs taurorū. Cor suum dabit ad versandos sulcos, & vigilia eius
in sagina vaccarum.* Docet vnumquemque in eo totum esse
quod diligit, sicut hic inuitatus ad cœnam magnam sic totus
erat in suis bobus, vt cœnam contempserit. Vt sapienter scri-
bit sanctus Gregorius: *Si cuncta mundi relinquere non potes, sic
tene quæ huius mundi sunt, vt per ea non tenearis: vt terrena res
possideatur, non possideat. Sit res temporalis in vsu, æterna in de-
siderio: hæc vt in itinere, illa vt in termino. Quasi ex latere respi-
ciatur, quicquid in hoc mundo agitur. Ante nos autē tota mentis
intentione illa spectemus ad quæ tendimus. Nam & omnia reti-
nendo relinquimus, si sic tēporalia gerimus, vt tamen tota men-
te ad æterna tendamus.* Hæc ille Homil. 36. in Euang. Giezi
pecuniam auarè nactus qua vineta & oliueta emeret, & in
hoc seculo ditesceret, ab Elizæo eiicitur, & lepra Naaman
Syri percutitur, & lepra illa sicut nix alba erat. Qui bonis
conquirendis auarè incumbit, à nuptijs Agni excluditur, & à
cœna magna; lepra peccatorum hominum infidelium ei ad-
hæret; & sicut nix oculos perstringit ne viam videas, sic cupi-
ditas & amor terrenorum caliginem menti offundit, ne vi-
deantur cælestia. Hæc est auaritiæ siue natura siue pœna. *Ho-
mini bono (ait Salomon) in conspectu suo dedit Deus sapiētiā,
& sciētiā, & letitiā, Peccatori autem dedit afflictionem & cu-
ram superfluam, vt addat & congreget, & tradat ei qui placuit
Deo.* Hæc afflictio & cura superflua avari duplex ei pœna est;
quia & in præsentī animum molestat, & futuræ beatitudinis
delectationem; ideoq; & fruitionem tollit. Ad cœnam enim
magnam nemo venit, nisi qui eam vehementer desiderat.
*Qui sitit veniat ad me, ait huius cœnæ Dominus. Et iterum:
Beati qui esuriunt & sitiunt iustitiā, quoniam ipsi saturabun-*

mur. Sitire cælestia non potest, qui sitit & appetit terrena. *Qui* Iacob 2.
vult esse amicus huius mundi, inimicus Dei constituitur. Amat
hoc seculum, qui diuitias amat. *Anima saturata calcabit* Prou. 27.
fauum, & anima esuriens etiam amarum pro dulci sumet. Diui-
tiis saturatus negliget cælestia; sed esuriens iusticiam, nullum
pro cælestibus laborem subterfugiet. Auarus ad modum tal-
pæ niger est per nequitiam, cæcus per ignorantiam; quot ha-
bet possessiones, tot facit cumulos, in quibus se sepelit per
continuam sollicitudinem. Quicquid fodit, ponit supra se,
quia de omnibus facit Deū suum. Sicut porcus dum viuit, ni-
hil valet, & est sordidum animal, ab omni cōuersatione alie-
num, & ad quemlibet contactum horribiliter grunnit & vo-
ciferatur, ad mortem se peti putans, quia nec lac, nec vsum
vllum habet; sed quando moritur, tunc primū valere inci-
pit, & in cibum esse: sic avarus dum viuit, nec Deo gratus,
nec hominibus utilis est, in quolibet morbo mortem horri-
biliter timet, quia omni se virtute nudatum videt, & non ni-
si ad pœnam vocari nouit; sed quum moritur, quæ inuitus
reliquit in vsum veniūt. Sicut canis sequens duos homines, in
capite viarū ostendit quis sit dominus eius, eum sequens, &
extraneum dimittens: sic avarus extra tentationem sequēs
Deum & mundum, in capite viarum, exorta tentatione, in
qua aut diuitias aut Deū relinquere oportet, vocatus ad cœ-
nam magnam, ad officium hominis Christiani, ibi ostendit
quis sit dominus eius, adhærens bobus suis, & dimittens cœ-
nam magnam. Sic sanè hanc vitam avari ducunt, quasi alte-
ram ex pecunia acturi essent, non hanc præsentem. Neq; ve-
rò mirum, si ad cœnam magnam vocatus avarus & mūdi a-
mator se excusat, & quasi ex iusta causa venire detrectat. Si-
bi quippe persuadet, aliquid sibi semper deesse, ideoq; augen-
do cumulo semper debere intēdere. Est enim ferarum imma-
nium instar, quæ plus quàm fames exigit, mordent. Si quis
multum ederit, multumque biberit, nec vnquam expleatur,
adit medicos: percontatur quid sit morbi. At si quis plura
quàm sat est possidens, plura nihilominus concupiscat,
hic non se ægrum, sed sapientem putat, & summa ratione
id agere quod agit. Cæterum sicuti morbo illo antedicto
laborantem, non expletione, sed purgatione opus habere
iudicamus, & vomere iubemus, quia non inopia, sed aco-
re & calore præter naturam laborat; sic avarus cupidita-
tis morbum deponat oportet vt satietur. Plato ad quen-
dam accumulandæ pecuniæ semper incumbentem, O im-

*S. Bonavent.
Diatæ salutis
cap. 6.
Similia.*

1.

2.

3.

Simile.

*Plutarch. lib. de
cupidit. diuitia-
rum.*

Simile.

*Stob. Serm. 8.
de iniustit.*

probe.

*Apothe-
gma.*

*Hom. 64 in
Matthæum.*

Simile.

*Homil. in diuites
auaros.*

Simile.

Super Psal. 14.

Simile.

*Hom. in aliquot
Script. loca.*

Simile.

*Homil. 7. in auar-
ros.*

Matth. 10.

*Exod. 5.
Chrysoft. Hom.
40. in Matth.*

Allegoria.

Exempla.

Iosue 7.

4. Reg. 5.

Act. 5.

Matth. 27.

1. Tim. 6.

probe, inquit, ne possessioni augenda studeas, sed minuenda cupiditati. Appositè Chrysostomus: Si hoc tibi aliquando in mētem veniret, ut more volucrum volares, quomodo hāc absurditatem reprimeres? utrum fingendo pennas, aliāq; ad volandum instrumenta faciendo, an potius suadendo tibi ipsi vesanā esse hāc & rei impossibilis cupiditatem? & Sic & hic facito. Planè enim facilius est hominem volare, quā acquisitione & accessione pecunia cupiditatem habendi terminare. Nam, ut alibi idem elegāter scripsit, Veluti ebrijs occasio sitiendi est vini copia & augmentum sic plura possidēs plura concupiscit & dum perpetuò cumulum auget, morbum perpetuò nutrit. Studium enim habendi non eos ob iam parta exhilarat, sed ob ea quæ deesse videntur cupiditati, potius angit. Quā absurditatem alio in loco accommodatè explicat: Vnumquodq; inquit, crescitium quum ad iustam sibi que conuenientem statura mensuram peruenit, desinit augeri; argentum verò avari nunquam augefcere desinit. Monstrum est igitur. Sanè monstrum horrendum, informe, ingens, animæ cui lumen ademptum est, & quibusuis aquarum vi exundantius. Igne vehementior est, ait Chrysostomus: quia omnia continuando sinibus suis occupat; ea quæ sunt vicini, sibi aufert. Mox ubi alium sortitur vicinum, & quæ illius sunt ad se rapit. Quemadmodum enim flumina (ait S. Basilus) ex paruis initijs exeuntia, deinde paulatim incrementum intolerabile in progressu accipientia, impetu demum violento quicquid obijcitur secum trahunt sic avari potentes, quo magis crescunt, eo magis opprimunt, & per oppressorum ruinas ad alios opprimendos feruntur. Huiusmodi ergo studiis occupati, totique immerfi, ad cœnam magnam, quæ horum contemptum docet, & aliò vocat, animum intendere nequeunt. Sed quid prodest homini si vniuersum hunc mundum lucrifecerit, anima verò sua detrimentum faciat? aut quam dabit homo commutationem pro anima sua? Filij Israël, cogente Pharaone, dispersi sunt in omnem terram Ægypti ad colligendas paleas: & post omnem laborem flagellis cæduntur. Amatores huius mundi in quisquilijs & paleis pecuniarijs conquirendis, tota vita occupantur, cupiditate eos sua ad hoc instigante: & in fine pro omni mercede à dæmonibus Dei exactoribus flagellantur. Auaritiæ causa Achan lapidatus, Giezi lepra percussus, Ananias & Sapphira subita morte extincti, Iudas laqueo vitam finiuit. De hac cupiditate dixit Apostolus: Radix omniū malorum cupiditas: quam quidam appetentes, errauerunt à fide, & inseruerunt se doloribus multis. Auarus auarum expoliatur, spoliandus

spoliandus tandem & ille. quod his verbis eleganter diuus
 Basilii exponit: *In mari piscis minor, esca maioris est, ut is qui* *Exha meron*
minorem superauerat alterius praeda fiat, & ambo tum simul *Homil. 7.*
deglutiuntur, & unum ultimi piscis immersi ventrem ingre- *Simile.*
diuntur. Quid interest inter eum & ultimum piscem, qui sua in-
temperanti diuitiarum cupiditate tenuiores se deglutit. Ille
pauperis patrimonium raptum habuit; tu illum oppressum par-
tem tuarum facultatum fecisti. vide ne qui piscibus accidere
solet, idem tibi finis eueniat; hamus forsitan, aut nassa, aut etiam
rete. Exemplum esse possunt illustria, Mauritius Imperator, qui *Exempla.*
alioqui bonus, sed avaritia incredibili laborans, nec militi- *Zonaras in*
bus in Thracia stipendia soluens, nec Longobardos per Ita- *Mauritio.*
liam grassantes, ut pecunijs parceret, impediens; exorsus om-
nibus, à Phoca, infimæ sortis homine, vxore prius & liberis
ante oculos eius interfectis, crudelissimè occiditur: & Stilico *Socrat. lib. 6.*
tyrannus, qui à militibus etiam simili ex causa occisus fuit; *cap. 1.*
caputq; eius lapide ori infixum, vnà cum dextera manu hastæ *Paulus diaco-*
superpositum, publicè per castra gestatum fuit, clamante *nus.*
præcone: Date elsemosynam homini avaritiæ insatiabilis. Hoc
igitur malum ut ad exitum in hac vitæ miserabilem sæpe
perducit, ita æternæ vitæ beneficio sapissime priuat.

6. Et alius dixit: *Vxorem duxi: & ideo non possum venire.*

Locus moralis contra omnem effrænem carnis libidi- *Carnis libido.*
 nem, quæ violentum est adeundæ beatitudinis obsta-
 culum, & acerrimum impedimentum, planèque tyrannicum.
 Ideo hic solus dixit: *Non possum venire.* Non quia vinciri hoc
 peccatum, aut resisti huic tyranno non possit, sed quia nisi
 difficillimè non potest. *Abstinete vos à carnalibus desiderijs 1. Pet. 2.*
qua militant aduersus animam, ait Apostolus. Inter omnia cer-
tamina Christianorum (ait Augustinus) sola dura sunt praelia *Lib. de honest.*
castitatis, ubi quotidiana est pugna & rara victoria. Gravem *mul. cap. 2.*
namque sortita est castitas inimicum, cui quotidie resistitur, &
semper timetur. Sic & D. Ambrosius: Fornicationem fugimus *De pœnitent.*
sequentem, qua non post nos, sed in nobis sequitur. Nosmetipsos *lib. 2. cap. 14.*
ergo diligenter videamus, ne dum illam fugimus, nobiscum eam
portemus. Ideo Apostolus hoc vitij genus toto impetu fu-
giendum esse docet. Fugite, inquit, fornicationem. Cætera *1. Cor. 6.*
enim vitia vincuntur resistendo, etiam diabolus ipse. quia *S. Thom. in*
quantò magis homo in alijs particularia tractat, tantò *Commen. ibid.*
minùs in eis inuenit vnde delectetur, sed magis anxietur.
At in hoc vitio quanto homo magis cogitat particulare,

Pars Æstivalis.

D

tantò

tantò magis incenditur. Vincit autem fugiendo, omnèſque eius cogitationes celerrimè abijciendo. Quare monet Apoſtolus, *ut omnis immunditia, fornicatio, ſcurrilitas, turpilogium, nec nominetur in nobis.* Huius mali pertinaciam his verbis docet ſanctus Hieronymus: *Auaritia calcatur à plerisque, & cum marſupio deponitur. Maledicam linguam indictum emendat ſilentium. Cultus corporis, & habitus veſtium, vnius horæ ſpatio commutatur. Omnia alia peccata extrinſecus ſunt: & quod foris eſt facile abieitur. Sola libido inſita à Deo ob liberorum procreationem, ſines ſuos egreditur, redundat in vitium, & quadam lege natura in ſcelus erumpit. Grandis virtutis eſt, & ſollicita diligentia ſuperare quod natus ſis, in carne non carnaliter viuere tecum pugnare quotidie, & incluſum hoſtem Argentum oculis obſeruare.* Hæc eſt huius impedimenti difficultas: ſic carnis libido impedit ne ad beatitudinem perueniatur. De ipſo recto & honeſto carnis uſu coniugali proponit exemplum Chriſtus ut quum in ipſo honorabili coniugio, & thoro immaculato difficultas inueniretur, multo magis omni illicita carnis libidine eam inueniri non dubitemus. Horratur Apoſtolus ad cœlibatum, quia ipſum matrimonium, etſilicitum, impedimētum tamē eſt orationis, cultus, & amoris Dei. *Volo (inquit) vos ſine ſollicitudine eſſe. Qui ſine vxore eſt, ſollicitus eſt quæ domini ſunt, quomodo placeat Deo. Qui autem cum vxore eſt, ſollicitus eſt quæ ſunt mundi, quomodo placeat vxori, & diuiſus eſt.* Propter hanc diuiſionem, dixit iſte in Euangelio: *Non poſſum venire.* Debeo cogitare ea quæ ſunt mundi, quomodo placeam vxori; familiæ, liberis, rei domeſticae prouidere debeo: non vacat de Deo cogitare, Quare Apoſtolus mox ad virginitatem exhortans, ait: *Hoc ad utilitatem veſtram dico; non ut laqueum vobis iniiciam, ſed ad id quod honeſtum eſt, & quod facultatem præbeat ſine impedimento Dominum obſerandi.* Quòd ſi verò honeſtiſſimum matrimonium impedimentum eſt obſequij & cultus diuini, & amorem erga Deum diminuit, quia animum ad ſecularium rerum curam abſtrahit; quid erit in illis coniugijs vbi vxor vel improba ad frequentem iracundiam rixas & iurgia; vel ſuperba ad multum veſtimentorum luxum; vel inuida ad ſimultates foris; vel laſciua ad zelotypiam & ſuſpiciones domi; vel denique luxurioſa ad variam libidinum fœditatem, virum ſobrium, manſuetum, pacificum, & caſtum prouocabit? aut vbi vir improbus vxorem bonam ad huiuſmodi incitabit? In tali matrimonio quàm verè vtraque pars dicet: *Vxorem duxi,*
viro

In epiſt. ad
Furiam.

1. Cor. 7.

Ibidem.

Coniugij im-
pedimenta.

viro nupsit: & ideo non possum venire! Si prima parentis nostri
 vxor, quam ipse Deus Adamo sociam dedit, eum ad pecca-
 tum induxit, & paradiso eiecit; quantum timendum est, ne
 quam tu ipse tibi elegeris tantundem tibi faciat? Socrates se
 consulentibus de ratione matrimonij contrahendi dixit: *Antonius in*
Melissa. par. 2.
Serm. 14.
Apophthe-
gmata.
 Quemadmodum pisces, o adolescentuli, qui nondum intra nassas
 sunt, volunt intrare; qui autem iam intus sunt, volunt exire: sic
 & vos, ne idem vobis accidat, videte. Alius quum post nouas
 nuptias amici ei gratularentur, ostenso quem gestabat cal-
 ceo nouo, dixit: Nemo vestrum qua me parte calceus premat
 nouit, ego id tantum persentio. Charondas in his legibus quas
 Thurijs tulit, scriptum reliquit illud Philemonis Comici:
 Se non mirari qui semel esset mare ingressus, sed qui iterum; ita
 eum non admirari qui vnā vxorem duxisset, sed qui alteram.
 Quare Cicero rogatus ab Hircio, vt post Terentiæ repu-
 dium sororem eius duceret, negauit dicens non posse se vxori
 & philosophia operam dare. Thales philosophus vrgenti ma-
 tri vt vxorem duceret, Non est adhuc, inquit, tempestiuum.
 Emens a ferè atate acrius illi instanti, Iam, inquit, intempestiuum
 est. Idem à Solone Atheniensi ad nuptias incitatus, tacuit
 primū: sed paulo pōst, quum nuncium quasi Athenis ve-
 nientem subornasset, qui Solonis filium mortuum, & pu-
 blico funere eductum nunciaret, rēque illam ægerrimè
 Solon ferret, tum Thales ridens: Hæc me, inquit, Solon à
 nuptijs & procreandis liberis dehortantur, quæ te hominem
 fortissimum & constantissimum frangunt. Sanè quæ nuptiarum
 incommoda Socrates de vxore ducenda rogatus comme-
 morat, perpetua sollicitudo, querelarum contextus, dotis expro-
 bratio, affinium graue supercilium, garrula socrus lingua, sub-
 sessio alieni matrimonij, incertus liberorum euentus, facilè do-
 cent, quā verè dictum sit, Vxorem duxi: & ideo non possum
 venire, id est, nisi difficillimè possum venire. Quāquam præ-
 cipuum incommodum diuisionem & distractionem à Deo
 rebûsque diuinis, quam Paulus assignat, sapientissimus ille
 Philosophus videre non potuit. De incommodis nuptiarum
 plura vide apud diuum Hieronymum.

Cæterū si legitimum ipsum matrimonium tantum sa-
 lutis impedimentum est; quale erit vaga & illicita quæuis
 carnis libido? Sanè nihil hominem magis à Deo auellit, &
 tenaciùs auulsum retrahit. Sicut enim qui adheret Deo per
 amorem castum, vnus cum eo spiritus est, ideòque Spiritu
 Dei perpetuò agitur: sic econtrà carnis libido hominē totum

*In lib. contra
 Iouinianum.*

*Vaga libidinis
 turpitudine.*

1. Cor. 6.
In Comment.
ibidem.

carni immergit. *Qui enim adhaeret meretrici, unum corpus efficitur* Idcirco Apostolus (vt annotauit D. Chrysostomus) non dixit: *Accipiens membra Christi*, coniungam ea membris meretricis (quod solum indignissimum foret) sed dixit: *Accipiens membra Christi, faciam membra meretricis? Absit.* Hoc igitur peccatum habet maximam ad creaturam conuersionem, & à Deo auersionem: quia cum creatura quam scdè amat, vnum sit. Sic ergo creaturæ turpi amore vnitus, verissimè dicere potest, *Non possum venire*, Nullus hîc excusationi locus est. Adligatus & vnitus alteri sum: separari nequeo.

Similia.

Non sic visco auiculæ frondibus irretiuntur, vt auolare nequeant; non sic cemento lapides in ædificio continentur, vt dissolui structura non possit; non sic glutine & bitumine ligna coniunguntur, vt firmiter cohæreant, sicut libidinis vltus hominem carni immergit, ne cum Dei Spiritu quicquam cōmerciij habeat. Quemadmodum enim aqua quàm diu suam retinet naturam, igni aduersatur atque resistit; sed si in ardètem focum iniecta in ignem vertatur, ipsum ignem vehementiùs accendit: sic in homine voluptuario ipse spiritus in carnē versus, non nisi carnis desideria perficit. *Libido* (ait Augustinus) *non solum totum corpus, nec solum extrinsecus, verum etiam intrinsecus vendicat, totumque commouet hominem, animi simul affectu cum carnis appetitu coniuncto atque permixto, ita vt momento ipso temporis, quo ad scdissima eius voluptatis peruenitur extremum, penè omnis acies & quasi vigilia cogitationis obruatur.* Explicat hoc ipsum D. Ambrosius, exponens illud Apostoli, *Qui fornicatur, in corpus suum peccat: Cetera, inquit, peccata etsi per corpus fiant, non tamen animam ita carnali concupiscentia faciunt obstrictam & obnoxiam, quemadmodum commisceri facit animam cum corpore, quasiq; ei immergi vltus libidinis agens in opere fornicationis. Tunc enim ita agglutinatur anima corpori, vt in ipso momento nihil aliud cogitare homini liceat aut intendere: quia ipsam mentem captiuam subdit ipsa submersio & absorbitio libidinis & concupiscentia carnalis.*

De ciuit. Dei,
lib. 14. cap. 16.

In Comment.
in 1. Cor. 6.

Violentia libidinis carnalis.

De panit.
lib. cap.
In lib. de viduis.

Nec verò in actu tantum huius peccati ista sit mentis submersio, sed & post actum. Huius enim scdæ libidinis vltu magis ipsa accendit & irritatur: vt de hoc propriè peccato dixerit S. Ambrosius: *Facilius inueni qui seruauerint innocentiam, quàm qui congruè egerint pœnitentiam.* ideòque vt alio in loco demonstrat, certamina viduarum acriora sunt, quàm virginum. Et quum in omnibus peccatis consuetudo peccandi

candi maximam afferat emergendi difficultatem, vt in alia Dominica explicuimus, tum potissimum in peccato carnis. *Domin. Sexa.*
 De hoc enim Scriptura dicit: *Fornicatio & ebrietas* (quæ sunt *ges. text. 4.*
 quasi pedissequa & domina, nam in vino luxuria) *auferunt* *Osea 4.*
cor. De hoc dicitur: *Infixus sum in limo profundi, & tempestas* *Ephes. 5.*
aqua demersit me. De hoc propriè dixit Salomon: *Ignorat* *Psal. 68.*
quod ad vincula stultus trahitur. De hoc dixit Ieremiás: *Si* *Prou. 7.*
mutare potest Æthiops pellem suam, aut pardus varietates suas, *Ierem. 13.*
& vos poteritis benefacere quum didiceritis mala. Illa enim
 mala erant, sicuti subiungit, *Adulteria tua, & hinnitus tuus,*
& scelus fornicationis tue. De hoc carnis peccato disputauit
 Augustinus, quando de difficultate prauæ consuetudinis ea
 scripsit, quæ superius ex eo citauimus Dominica citata. Nec
 in sua conuersione aliam maiorem inuenit difficultatem
 Augustinus, quàm vt vxore careret, vt ipsemet copiosè de-
 scribit; adeò sanè vt Alipium amicum suum continentem,
 propemodum ad coniugij vincula traxerit; in diuo autem
 Ambrosio quum cætera miraretur, vnum eius cœlibatum la-
 boriosum sibi visum fuisse scripserit. In vtraque hodie India
 tam Orientali quàm Occidentali, & in Insulis Iapanicis, multi
 reges & principes hanc vnam ob causam ne plures vxores
 habere desisterent, ad Christi Reges amplectendas vel non
 accesserunt, vel seriùs accesserunt. In postremis literis ex Goa
 scriptis, anno Salutis 1587. Decembris 19. sic legimus: Faxiba
 Quabacundonus rex Meacensis, & omnium in Iapania po-
 tentissimus princeps, accedens ad Ecclesiam Patrum Socie-
 tatis Iesu, vt suam erga eos beneuolentiam ostenderet, his
 inter cætera verbis vlus est: *Scire vos volo, legem vestrã mihi;*
per omnia placere, nec ullam in ea difficultatem me inuenire,
excepto quod plures vxores habere vetat. Quod vnum si non
iuberet, statim fierem Christianus. Sic iste miser princeps vnus
 ex illis est, qui dicit: *Vxorem duxi: & ideo non possum venire.*

Sed & quàm multi inter fideles propter vxores pereunt, *Exempla.*
 qui absque vxoribus salui essent! Sampson per suam Da- *Indic. 14. 16.*
 lidam perijt. Salomonis cor deprauarunt mulieres, vt ido- *3. Reg. 11. 21.*
 la coleret. Achab instigante Iezabel persequitur Prophe-
 tas Dei. Herodias Herodem perdidit. Mulieres Moabitæ *Marc. 6.*
 filios Israël deceperunt. Theodora hæretica Iustinianum *Num. 22. 23.*
 Imperatorem virum suum induxit, vt duos Pontines Ro-
 manos in exilium cogeret. Attamen ne res vxoria à cultu
 & obsequio Dei quenquam retardaret, his verbis docuit
 Christus: *Si quis venit ad me, & non odit patrem suum, &* *Luca 14.*

matrem, & uxore, & filios, non potest meus esse discipulus. Non sic amari vxor debet, vt Dei amor propterea minuat. Elegāter D. Gregorius: Sicut flāma admotis rebus incendium porrigit; sed idem incendium ignis ipse vbi nascitur prius excitat: sic fidelis animus uxorem & liberos propinquiore sibi fœdere coniunctos amare certè debet, & illis plus cateris prodesse; Deum tamen, vnde ille amor nascitur, sic intus amare debet, vt cursum mentis ad Deum non impediāt nec retardet. Nempe amorem erga vxores, & naturæ instinctus. (cuius author est Deus) & ipsū Dei præceptum (Viri diligite uxores vestras) fidelium animis instillauit atque iniecit. Non debet cōtra Deum militare, quod ad tuam consolationem, & in Adiutorium tibi simile Deus concessit. Rursum quod in remedium peccati datum est, occasio peccati esse nisi apud ingratiſsimos non potest. Propter fornicationem (ait Apostolus, id est, ne quis fornicetur) unusquisque suam uxorem habeat, & unaquaque suū virum habeat. Duæ vaccæ quæ portabant arcam Dei (vitulis earum domi reclusis) ibant in directum, & itinere vno gradiebantur, pergentes & mugientes, & non declinantes neque ad dexteram neque ad sinistram. Sic necesse est (ait diuus Gregorius) vt incedere debeant, qui sacra Christi legis in go suppositi, iam per fidei professionem Dei arcam portant, quatenus propinquorum necessitatibus condolentes, à rectitudinis itinere non deflectant. Hæc ille.

Iam verò quia Christus in hac parabola non solū status matrimonialis difficultates, sed totam effrænis libidinis impuritatem taxare voluit, & eius ad salutem impedimentum docere, sicut in duobus aliis, ambitionis & auaritiæ peccata taxauerat: poterit hîc Concionator loco satis proprio de luxuriæ peccato copiosius agere, eiūsque & causas & remedia & fuga m docere. Causas luxuriæ his verbis Prophetæ tradit; *Hæc fuit iniquitas Sodoma sororis tuæ: Superbia & saturitas panis & abundantia, & otium ipsius & filiarum eius.* Tria notauit, superbiam, gulam, & otium. Superbia non tam incitat ad libidinem, quàm secum pertrahit vt pœnalem comitem. Primus parens ex superbia lapsus, carnis rebellionem pro pœna statim accepit. In illius peccati pœna (ait Augustinus) quid aliud inobedientia quàm inobedientia retributa est? Nam quæ est hominis alia miseria, quàm aduersus eum ipsum inobedientia eius ipsius? De hac Apostolus: *Inuenio legem in membris meis repugnantem legi mentis meæ.* Superbia gentium, immunditia carnis punita est: Quia cū cognouissent

Simile.

Moral. lib. 7. cap. 8.

Ephes. 5. 1

Genes. 2.

1. Corint. 6.

1. Reg. 6.

Allegoria.

Vbi suprā.

De causis luxuriæ.

Jerem. 16.

Superbia luxuriæ causa.

De Ciuit. Dei, lib. 14. cap. 15.

Rom. 7.

Roman. 7.

cognouissent Deum, non sicut Deum glorificauerunt, sed eua-
 nuerunt in cogitationibus suis. Tradidit eos Deus in desideria *Mora' lib. 16.*
 cordis sui in immunditiam. Ecce (ait Gregorius) caro merfit, *cap. 12.*
 quia superbia subleuauit. Intus prius extollitur, quod foris post-
 modum luxuria corruptione feriat. Culpa qua per elatio-
 nem mentis in occulto latuit, per carnis luxuriam in aperto res- *Osea 5.*
 pondit. Sic Oseas Propheta, quum dixisset, Spiritus fornicationis
 in medio eorum; causam subdit: Et respondebit arro-
 gantia Israël in faciem eius. Est autem poena conueniens, quia
 nullum peccatum foedius, nec quod hominem magis humi-
 liat, brutoque similem reddit. Fiunt enim luxuriosi sicut equus *Psal. 31.*
 & mulus in quibus non est intellectus. Hoc adeo verum est, ut
 ipsi iusti, ne in superbiam efferantur, hoc stimulo carnis com-
 primantur. Sic de se Paulus: Ne magnitudo reuelationum me *2. Cor. 12.*
 extolleret, datus est mihi stimulus carnis. Denique superbia ela-
 tos in carnis peccatum prolabi Deus permittit, ut humilien- *De verbis Apo-*
 tur. propter quod exclamat Augustinus: O venenum super- *sto. Serm. 31.*
 bie, quod non curatur nisi veneno luxuria. Aliam luxuriae cau- *Gula luxuriae*
 sam gulam & saturitatem Propheta assignauit. Nolite, inquit *causa.*
 Apostolus, inebriari vino, in quo est luxuria. Et rursus: Ego ca- *Ephes. 5.*
 stigo corpus meum, & in seruitutem redigo. Et iterum: Vidua in *1. Corinb. 9.*
 delitijs viuens mortua est. Sic post Apostolum Patres. Pascitur *1. Timot. 5.*
 libido conuiujs (ait Ambrosius) nutritur delitijs, vino accendi- *De pauit. libr. 2.*
 tur, ebrietate flammatur. Sic Hieronymus: Frustra castita- *cap. 14.*
 tem quaris sine suis comitibus & appenditijs, continentia & par- *In episto. ad Fu-*
 citate. Et alibi: Lasciuens iumentum frenis inedia subiun- *riam & Salui-*
 gare debes, ut non libidinem, sed cibos quarat, & sessorem Spiri- *nam.*
 tum sanctum moderato & composito portet incessu. Qui carnem *Similium co-*
 pascit, armat aduersarium contra se. Sicut naui nimium one- *geries.*
 rata demergitur in profundum: sic corpus cibi onustum in
 turpitudinem deprimitur. Subtrahe ligna si vis ut non ar-
 deat focus. Ignis carnalis ligna sunt cibi & potus. Arma
 quibus hostis te inuadit, membra carnis tuae sunt. Illa igitur
 mortificare, non roborare debes. Daniel primum destruxit
 idolum Bel, & postea draconem in eo latentem expulit. Ca-
 ro prius mortificanda, ut internus luxuriae hostis penitus eii-
 ciatur. Periculosum est pullo indomito sine chamo & freno
 insidere. Abstinencia carnis frenum est. Sicut ubi magna ci-
 borum in domo copia est, ibi multi mures & feles versari
 solent: sic ea corpora quae multum cibi capiunt, multas li-
 bidines generant. Sanè eum qui saturo corpore castitatem se
 putat seruaturum, ei similem dixit Climachus, qui proiecto

Eccles. 33.

Proverb. 21.

Otium luxu-
riæ causa.

Iud. 2. & 3.

Allegoria.

In 1. Reg. lib. 6.
cap. 1.

Ibid. cap. 2.

1. Corint. 6.

In Reg. breu. ad
quæst. 30.

Apophtheg-
ma.

De pœnis libr. 2.
cap. 14.

Turpiloquiū
luxuriæ causa.
Ephes. 5.

2. Corint. 5.

De pœnis libr. 2.
cap. 14.

In lib. de vera
virginitate.

pane carnem à se abigere conatur. Quare futuram virginem docet S. Basilius ante omnia gustum vincere. Aliud libidinis incentiuum, otium est. *Otiositas malitiam docuit*; sed hanc potissimum quam alia Scriptura explicat: *Desideria occidit pigrum. Tota die concupiscit & desiderat.* Caro lasciuiens ac natura rebellis ad agonem & certamen virtutis nobis relicta est; sicuti quosam Chananaeorum populos noluit delere Dominus, *ut erudiret in eis Israël.* Si ergo non certamus, si otio diffuimus, erit nobis caro in ruinam, sicut filiis Israël impinguatis & incrassatis dii gentium vicinarum erant. Vnde D. Gregorius: *Inter opera & labores spirituales contra stimulos carnis fortes sumus: sed si quasi fessi à solita conuersionis rigore torpescimus vel remittimus, dum paulatim negligim⁹, aculei carnis insurgunt, qui quasi depositis Moyse manibus Israël vincunt.* Et huius causam paulo post reddit: *Quum duas simul res cogitare non possumus, sit ut aliquid aliud cogitando non cogitemus immunda.* Celer ergo & facilis victoria libidinis est, circumspectio cogitationis; si quoties carnalia obuiant, ad aliquid aliud recurramus, quod libidinis non sit incitamentum. Hoc sane est, ut Scriptura suadet, fugere fornicationem: eius cogitationem statim excutere, & animum aliò conuertere. Sic D. Basilius, tentationis carnalis remedium rogatus, respondit, *Desiderium rerum meliorum.* Sic frater Egidius: *Quum accedunt huiusmodi cogitationes, abige illas à te, dicendo: Iam alius hospes meum domiciliū occupauit.* Sic D. Ambrosius: *Si nō penitus libidinem nostro excutimus animo, tollimus eam magis nobiscum, quàm post nos relinquimus.* Excutienda igitur ut vipera, fugienda ut pestis, omnis cogitatio carnalis; ne torpētem opprimat, & desidiosum interimat. Accedit ad has luxuriæ causas, turpiloquium, quod Apostolus pariter cum fornicatione interdicit: *Omnis (inquit) fornicatio & immunditia nec nominetur in vobis, sicut decet sanctos, aut turpitudine, aut stultiloquium, aut scurrilitas qua ad rem non pertinet.* Et alibi: *Corrumpunt bonos mores colloquia praua.* Vnde D. Ambrosius, postquam dixisset, *Pascitur libido conuiujs, &c.* adiecit: *Graviora sunt his fomenta verborum.* Nam veluti lapis (ait S. Basilius) in aquam cisterna coniectus, non solum adiacentem aquam partem in quam cecidit, agit, verum orbis alios perpetuis vicibus excitās, eos interdum ad ultimos lacunæ margines agitando perducit: ita sermo lasciuius in animam castam velut in vndam purissimam vehementer coniectus, alias post alias quasi in profundo amatorias cogitationes excitat, totamq; animā voluptatis fluctibus

fluctibus agitat. Rursum sicut naus ad omnem venti impetū fertur, sic mens humana verbis honestis quasi vento secundo nauigans, ad portum felicitatis pertinget: at prauis & improbis quasi vento illi aduerso impulsa naufragium facit. Verba loquentium aures audientis feriunt, sicut ventus vela, pariterque impellunt. Hæc ergo quatuor vitanda vt luxuria fugetur, castitas conseruetur.

Alia adhuc duo sunt, vehementissima libidinum incitamenta nisi caueantur, præsentia remedia si caueantur; Aspectus videlicet & tactus inhonestus. De aspectu primum, postea de tactu pauca, sed idonea, proferemus. Oculorum custodiam contra luxuriā S. Scriptura frequenter inculcat: *Ascendit mors per fenestras vestras, ingressa est domos vestras.* Et rursum: *Oculus meus depradatus est animam meam.* Dauid orat: *Auerte oculos meos ne videant vanitatem.* Ipsum videre me-

Oculorum custodia.

Ierem. 21.

Thren. 5.

Psal. 118.

Proverb. 23.

Iob 31.

tuit. Sapiens monet: *Oculi tui videbunt extraneas, & cor tuum loquetur peruersa.* Sanctus Iob dicit: *Pepigi fœdus cum oculis meis, ut ne cogitarem quidem de virgine.* Fœderis autem hæc ratio erat, vt illi quidem voluptatem amitterent videndi quæ vellent; vnde hoc lucrum & beneficiū reportarent, ne postea lachrymis & luctu perceptam ex voluptate maculam eluerent: quod Dauid facere coactus est, visa Bethsabæe; vnde dixit: *Lachrymis meis stratum meum rigabo.* Sanè sicut naturaliter ægros aliorum oculos inspiciendo, nostros lædimus; ea autem contuendo quæ aspectum iuuant, noster quoque proficit obtutus; ita sanè cum voluptatis indicibus iniicimus oculos, animus voluptatis morbo fit saucius; veris autē bonis cum intendimus, ab oculis ad animum illa quoque deriuatur. Vt quid ergo per curiosos aspectus periculis nos obiiicimus? Difficilius est animum, vbi aliquid pulchrum visu suscepit, purum & integrum conseruare, quàm illum à videndo cohibere. Si ergo modò prius quàm illud videam, cōtinere me non possum ne videam: quomodo vbi iam videro, & pulchritudine illa me illaqueauero, hærentem animo voluptatem excutere potero? *Qui amat periculum, peribit in illo.* S. Hugo Episcopus Gratianopolitanus, sic ab omni fœminarum aspectu abstinebat, siue in audiendis confessionibus, siue in colloquiis familiaribus, vt diceret, se nullius mulieri (vna excepta) ita faciem aspexisse in toto episcopatu suo (quem valde amplum per annos 50. tenuerat) vt ex consideratione vultus, si occurreret, quænam esset, posset cognoscere. Sed & aliquādo cum fœmina quædā diu cum cōuenisset, quæ cultu

Exemplum.

Psal. 6.

Basilii lib. de

vera virgin.

Simile.

Eccles. 33.

In vita eius

apud Surium

1. Aprilis.

Exempla.

Custodiæ oculorum.

ferè meretricio lasciuiſſime cõpta eſſet, qui aſtabant clerici ſeueritatẽ eius cognoscẽtes, abeunte illa, eum rogarunt, quo modo ſine iuſta aliqua reprehensione tantam mulierculæ luxuriã & petulantiam dimiſſet. Sed ille reſpondit, ſe nihil tale in ea animaduertiſſe. Porro & à virorũ quoq; vultib⁹ religioſæ mentis auertendũ dicebat intuitum, aſſerens per cõmunione humanæ mutabilitatis atq; compaſſionis fieri, vt affectiones conſpecti ad memoriã conſpicientis frequenter recurrant, & de conſpecto irato iratus, de triſti triſtis, de laſciuiente laſciuus fiat : quas paſſiones ſatis eſt habere vnumquemq; proprias, non in ſe trãſcribere opus eſt alienas. Hæc ille. Sanctus Arſenius Eremita, quum matrona quædã Romana longis itineribus ad eum videndum veniſſet, illẽq; poſt multas preces, & Episcop̃i interceſſionem, ei ſe conſpiciendum præbuiſſet; à muliere rogatus vt eius in ſuis precibus meminiſſe veller; imò verò, inquit, *dabo operam, idque Deum ſeriò rogabo, ne tui vnquam ampliùs meminiſſe queam.*

In vita eius
apud Surium.

2.

Seuerus Sulp.
Dial. 2. cap. 13.

3.

Apud Surium,
tom. 6. pag. 778.

4.

Quum virginem quandã, quæ ſe ab omnium virorum oculis remouerat, trãhens per locum S. Martinus Episcopus loci inuiſere veller; illa per alteram mulierem ſe excuſans, nec ab eo ipſo videri voluit: quod ille vir tantus ac talis, & æquo animo tulit, & vehementer laudauit. Cũ aliquando apud Iordanem iter faceret magnus ille Sabas, multorum monaſteriorum Pater, cum diſcipulo iuvene, & ſecularibus in via occurreret, inter quos puella erat ſpecie venuſta, vagis & laſciujs oculis, poſtquam illi præteriſſent Sabas veluti tentans diſcipulũ, Tibi (inquit) qualis viſa eſt puella? Mihi enim viſa eſt vnum tantũ habere oculum. Nequaquam (inquit) ò pater, ſed duos habebat oculos. Ille verò: Faliſus es ò fili: erat enim reuera orbata vno oculo. Diſcipulus autem ignorans hanc interrogationem fuiſſe tentationem; Nequaquã, inquit, ò Pater, ſed valde lucidos habebat oculos, & viſu iucundiffimos. Sabas autem: *Quĩ factum eſt vt ſcires hoc tam accuratè, & tam conſtanter hoc audeas aſſeuerare? Ego* (inquit) *eam pulchrè attēdi, & apertè noui eam habere duos oculos. Tum diuinus ille Pater implicatũ diſcipulum tenens, An non, inquit, legiſti, Ne capiaris nutibus illius? De cætero ergo non ampliùs mecũ verſaberis, donec aſſuefeceris oculũ non ſic vagari, ſed in loco manere. Quo dicto, eum ad multum tẽpus incluſit in altero monaſterio. Sed & hanc oculorum cultodiam ipſos ethnicoſ ratio & natura docuit. Antiochus Aſiæ Rex ad Pantheam egregia forma virginem videntem,*

Proverb. 6.

Exempla.
ethnica.

Plutar. in reg.
Apoph.

dam, vt regiis oculis dignam, inuitatus, recusauit, dicens; *Si modo illam conuenero, quum per otium vacat, fortasse illa mihi suafura est, vt neglectis regni negotiis illam cōueniam, quū etiam non vacet.* Alexander Magnus cū Darij filias haberet ca- Plutarch. in Alexandro.
ptiuas, demissis oculis eas salutabat, idque rarò, sibi metuēs Q. Curtius.
ab illarum forma insigni. Idem dicere solebat: Dolores ocu-
lorum sunt Perficæ puellæ; verū ego eas tāquā statuas præ-
tereo. Hæc de oculorum custodia. Nunc de tactu fugiendo.

Apostoli dictū est: *Bonum est mulierem non tangere.* De quo
verbo dixit senior quidā: *Filioli, sal ex aqua est; & si appropin-*
quauerit aqua, continuò soluitur & deficit. Similiter vir ex mu-
liere est; itaq; si appropinquat mulieri, soluitur & ipse. Alius Pa-
ter sic suos discipulos docuit: *Pluuia bona est, & terra bona;* Simile.
tamen ex eorū commixtione fit lutum, quo cætera rēs fœ- In vita P. Tor-
dantur. Sic & manus viri licet bona fuerit, ac similiter mu- danis apud Su-
lieris, ex mixtione tamen illarum nonnunquā cogitatio vel rium, tom. 7.
affectio mala confurgit. Nempe, *qui tangit picem, inquinabitur*
ab ea: & quomodo potest homo ignem in sinu suo gestare, & non
comburare? Sicuti impossibile est (ait sanctus Bahlius) *eum qui*
ignem tetigerit manu, illa sam manū seruare, sed aut bullæ repen-
tē tactum consecuta turgescent, & futura minantur, aut iam fa-
cta cernūtur ulcera: ita possibile non est eum qui amoris impetu
tactum fecerit, illū tactum innocuum perferre, sed aut bullæ per-
turbationū cordi subrepunt, aut peccati ulcera statim erumpunt.
Si dum caudā quis tantum serpentis attingit, caput licet magna
corporis prolixitate disiunctum, ad caudæ tactū repentē cōueriti-
tur, & si digito pedis nostri impingente, capilli capitis mox in su-
blime feruntur, profectò vitiosus contactus, etiā si manu tantum
fiat, à capite tamen usq; ad extremos ungues, ad sensum volu-
ptatis totū pertrahit corpus. Hæc ille. Rectè monet Sapiens: *Cū*
aliena muliere ne sedeas omnino, nec accumbas cum ea super cu-
bitum. Ab his ergo omnibus cauere debet, qui *vas suū posside-*
re vult in sanctificatione, vt sit sanctus corpore & spiritu, & glo-
rificet Deū in corpore suo, nec templum Dei, quod ipse est, violet.
Sicut arces quæ in hostium confinibus litæ sunt, vallis & fos-
sis, cæterisque propugnaculis propter hostium incursiones &
inlidias muniri solent: ita castitas omni cura & sollicitudine
tanquam magis exposita periculis, sepienda atque vallanda
est, à cibis, ab otio, à verbis, ab oculis, à tactu periculum illi
est, vbique & semper periclitatur.

Ad eam ergo integerrimè conseruandā, & ad luxuriæ ty- Castitatis fer-
rannidem penitus excutiendā, miris & violentis mediis vti uacæ exempla
sunt

De tactu fu-
giendo.

1. Cor. 7.
Pratum spirit.

cap. 217.

Simile.
In vita P. Tor-
danis apud Su-
rium, tom. 7.

Simile.

Eccli 13.

Proverb. 6.

In lib. de vera
virginit.

Simile.

Eccli. 9.

1. Cor. 7.

Simile.

1. sunt viri sancti. Sanctus Franciscus circa conuersionis suę pri-
In vita eius per
S. Bonauent. c. 5. mordia tēpore hyemali in foueam glacie plenā seipsum ple-
rumque mergebat, vt domesticū suum hostem periectē subi-
geret. Sanctus Thomas Aquinas adhuc iuuenis, in domo ma-
In vita singulo-
rum apud Surin. terna, immissa in cubiculum eius meretricula, arrepto ē fo-
cotitione ardenti eam fugauit. Sanctus Benedictus à carne se
4. grauiter titillari aduertens, in vepres se nudum coniecit, cor-
pulſque totum lacerauit, vt tentationē fugaret. Nobilis quæ-
dam & pulcherrima fœmina sanctū Vvolſtanum Episcopum
in Anglia Vigornienſem ad turpitudinē prouocauit. Ille au-
dita fœminę voce, ingentem alapam mulierculę impegit, tā-
to niſu, vt crepitus illiſę palmę tota domo audiretur, verbis-
que ſeueriſſimis & Episcopo dignis abegit. Sanctus Bernardi-
nus Senenſis quum panes oſtiatim mendicans, ex instituto
sancti Franciſci, à fœmina quadam ſub ſpecie eleemoſynę
accipiendę introductus, ad libidinem tētaretur, vbi eam ex-
poliare ſe nudam iuſſerat, (neq; enim alia euadendi via oc-
currit) eam flagello ex funiculis, quod fortē ſecum circum-
tulerat, egregiē flagellādo, tum illam à libidine, tum ſeipſum
6. à tētatione liberauit. Simile de ſancto Edmundo Cantuarienſi
Archiepiſcopo, quum adhuc iuuenis Lutetię literis operam
daret, legitur. Sanctus Bernardus ingrediente ad eius lectum
hospita ſua (dum fortē in itinere eſſet) vociferando, latrones,
latrones, illam abegit, & ſeipſum ſeruauit. Sed exemplū ſer-
uatę caſtitatis maximē memorabile eſt ſanctus Martinia-
nus Eremita. Adeum venit ſub noctem meretrix, mendici
ſpecie, pannofa, & imbribus complura, flens & eiulās, & hoſ-
pitium flagitans, ne in illa ſolitudine deuoretur à beſtiis de
nocte graſſantibus. Ille miſericordia victus in cellam exte-
riorem eā inducit, appoſitiſq; ei pane & dactylis, igniq; accē-
ſo, in interiorem cellā ſe recepit; iubens eam ſeipſam curare.
Poſt noctis medium tentari ſe intelligens, egreditur vt illam
expellat: & ecce videt eam pulcherrimis veſtibus ornatam,
quas ſecū in pera meretrix adduxerat. Obſtupefactus & me-
retricem eſſe videns, turbatur & tētatur, maximē prouocāte
illa, & matrimonium pollicente, omniūque rerum neceſſa-
riarum ſuppeditationem. Aſſentitur ille, ſed prius foras egre-
diendū, & circumſpiciendum eſſe ait, ecquis fortē in via ſit
eō veniēs, quia à multis & ſæpe viſitari ſolebat. Montrē ergo
vicinū petit, vbi ſeipſum colligens, & à Deo motus redit cum
ſarmentis lignorū, ex quibus, luculentū ignem facit, ſeq; mox
in illum nudū conijcit, vt igni illo corporali internas flāmas
com

cōprimat. Quo viso meretrix & ipsa vehementer cōpuncta, facti pœnitentia ducitur. Veniam petit, & accepto ab eo consilio Hierosolymā vadit, & monasticum institutum complexa, totum vitæ reliquum in eo statu cōsummauit. At sanctus ille Eremita volens sibi in posterum providere, cellam reliquit, & loco solitario diu quæsito, tādē à nauclero quodam edoctus, ad rupem quandam angustam in mari positam, procul à terra distantem, excelsam & terribilem perducitur, in eaq; se includit: pacto hoc cum nauclero inito, vt ille bis aut ter in anno panem & aquam recentem adferret vnde se aleret, ipse verò ex ramis palmarum quos nauclerus suppeditaret, sportulas conficeret, quæ nauclero cederēt pro alimento allato & ramis. Quū ergo in illa rupe sub dio sex annis egisset, solo nauclero conscio, ecce puella quēdam formosissima naufragium passa, ad illam rupem iactatur; quam illa apprehendens, & virum sanctum videns, exclamauit vt ad se leuare, & à fluctibus eam liberare vellet. Ad hanc nouam tentationem subridēs vir sanctus, puellam quidem in rupem accipit, sed dato illi pane, & aqua quam habebat, bonisque verbis consolatus, significans ei fore vt post duos menses nauclerus eò veniat, facto signo Crucis, & Dei nomine multis precibus inuocato, in mare se proiicit. Statim autem duo Delphines eum acceperunt, & in terram detulerunt. In quam quum venisset, reliquum vitæ suæ tempus peragrandō de loco in locum, & nusquā diu consistens, consummauit. Docent hæc exempla, quanto studio fugienda statim omnis carnalis libido est, nec vllus ei aditus concedendus. Sancti isti viri optimè intellexerunt, quantum ad beatitudinem consequendam impedimentum vel semel gustata nefaria libido attulisset. Nouerant luxuriæ peccatum gehennæ esse simillimum. Nam sicut in gehenna est ignis ardens, vermis rodens, & sulphur fortēs; sic in peccato luxuriæ est ignis concupiscentiæ, vermis conscientiæ, & sulphur infamiæ. Meminerant luxuriæ peccatum grauissimè semper à Deo in Scripturis punitū. Propter luxuriæ peccatum diluuium toti orbi inductum est, Sodomæ igne de cælo consumptæ, Hemor subito occisus, Sichē euer-
sa, tota tribus Benjamin ad internecionē deleta, Amon à fratre Absalom occisus, Salomon idololatra factus, Dauid ipse deceptus, Sarā septem mariti occisi, senes Susanne accusatores lapidati, populi Israelitici hominum 24000. interfecti, & Samson excæcatus est. Sancta Christina virgo mirabilis incredibili ciulatu sæpius deplorabat, totum ferè gen⁹ huma-

Luxuria gehē-
næ similis.

Luxuriæ pu-
nitæ exempla.
Genes. 6. 19. 34.
Iudic. 20.

2. Reg. 17. 13.

3. Reg. 11.

Tob. 3.

Dan. 13.

Num. 25.

Iudic. 16.

In vita eius ca.

29.

num corporis pollutione corrumpi, eaque de causa iram Dei vniuerso orbi imminere. In huius loci explicatione paulo prolixior fui, tum propter huius peccati passim regnantis singularem turpitudinem, tum quia vix in aliis Euangelis iste locus recurrit.

7. *Exi citò in plateas & vicos ciuitatis, & pauperes, ac debiles, & cacos, & claudos introduc huc.*

Vocatio virtute tuenda.

LO C V S moralis de vocatione nostra ad salutem sollicitè conseruanda. Docet enim Saluator nec Iudeos, nec Christianos, nec horum aliquos, ad quemcunque gratiæ statum vocatos, securos propterea esse debere, quòd semel inuitati semel Dei gratia donati fuerint, quasi postea excidere non debeant, aut quasi absq; eis Ecclesiam suam Christus nō haberet. Exēplo nobis esse potest summi sacerdotij in veteri Lege status. Aarōni summo sacerdoti quatuor erant liberi, ad quos summi sacerdotij dignitas descendere debuit; quorum duo, Nadab & Abiu pariter interfecti sunt, igne de cælo percussi, quia igne alieno, & non ex altari sumpto, thurificare præsumperāt. Supererant Eleazarus maior natu, & Ithamar. Phinees Eleazari filius quia zelo zelatus percussit adulterum publicè peccantem, promissionem accepit summi sacerdotij in eius stirpe mansuri: sed eius posteris peccantibus, ad stirpem Ithamar facta est promissio, iuxta illa Dei verba ad Heli summum sacerdotem in Silo: *Loquens loquutus sum vt domus tua & domus patris tui* (is fuit Ithamar) *ministraret in conspectu meo vsque in sempiternum.* Sed quum eius duo filij Ophni & Phinees abuterentur sacerdotio, nec ab Heli corrigerentur, vide quid Deus statuerit: *Nūc autē dicit Dominus, Absit hoc à me. Sed quicumque homo glorificauerit me, glorificabo eū; qui autem contemnūt me, erunt ignobiles.* Vnde factū est, vt vno eodemq; die Ophni & Phinees in bello caderent, & ipse Heli retrorsum cadens, fractis ceruicibus interiret; vno quoq; & eodē die Abimelech cū aliis 85. sacerdotib⁹ de stirpe Heli, iubente Saule, occiderentur; ac demū Abiathar de stirpe illa postremū sacerdotem *Salomon deposuerit, ne esset summus sacerdos,* ea dignitate ad Sadoc de stirpe Eleazari translata, in quo & postea mansit. Magna fuit Orientalis & Africanę Ecclesię gloria: ex qua doctissima Ecclesię Christianę lumina prodierunt: in qua pleraque de rebus fidei antiquissima Cōcilia celebrata sunt: sed eorū posteris venire dedignantibus,

Exempla.

Num. 9.

Num 25.

1. Reg. 3.

3. Reg. 2.

& post suas cupiditates, ambitionis, avaritiæ, carnis ita ab-
 euntibus, vt primum variis atq; innumeris hærefibus (vt alio
 in loco ostendimus) ac postea Mahometo manus dantibus;
 itum est in plateas & vicos ciuitatis, id est, in alias partes or-
 bis cogniti, in partes istas Septétrionales. Eodem enim tem-
 pore quo sub Heraclio Imperatore (quo regnante Monothe-
 litæ vehementer grassabantur, & Concilium Chalcedonen-
 se passim contemni cœpit) Mahometes præualuit, & in eius
 legem Persia, Syria, totusque ferè Oriens breui tempore iu-
 rauit: per Anglos recenter ad fidem conuersos, sanctum Bo-
 nifacium, Vvillebrordum, Suibertum, Marcellinum, Vvino-
 cum, & alios, magna Germaniæ pars, Frisia, Hollādia, Vvest-
 phalia ad fidem Christi conuersæ fuerunt. *Si Deus naturali-*
bus ramis non pepercit (ait Apostolus) si Iudæos propter incre-
 dulitatem & impietatem reprobauit: *ne fortè ne tibi parcat,*
vide, qui insertus es in oleastrum: vide potiùs in te bonitatem
Dei, si permanseris in bonitate; alioquin & tu excideris. Viden-
 dum iterum atque iterum ne à nostra quoque Europa, dum
 ambitionis, avaritiæ, carnis desideria sequimur, recedat
 Deus per seruos suos verbi prædicatores, & nobis quoq; re-
 lictis mittat eos *in vias & sepes*, id est, in remotissimas, & ha-
 ætenus incognitas gentes: quod nostro tempore vberimè fa-
 ctum esse ad magnam Dei gloriam, maximamque consola-
 tionem nostram intelligimus: dicente iterum Spiritu sancto:
Quia vos repellitis verbum Dei, & indignos vos iudicatis vita
æterna (excusantes vos de honorum studio, de diuitiis conge-
 rendis, de carnis voluptatibus, quibus carere non potestis, vt
 hodie hæretici suos docuerunt) *ecce conuertimur ad gentes: ad*
pauperes ac debiles, cæcos & claudos. Ad Christianum salutis
 suæ & vocationis negligentem dicit Spiritus sanctus: *Dicis*
quòd diues sum, & locupletatus, & nullius egēs: & nescis quia tu
es miser, & miserabilis, & pauper, & cæcus, & nudus. Quod si
 agnosceremus, spes salutis esset. Diceret debilis: *Sana animam*
meam, quia peccaui tibi. Diceret claudus: *Dirige gressus meos in*
semitis tuis. Diceret cæcus: *Illumina Domine oculos meos, ne*
vnquam obdormiam in morte. Nūc autem vel excusamus nos,
 vel impossibilitatem abstinendi à peccato (vt faciunt hæreti-
 ci) allegamus. Vox illa, *Habe me excusatum, & Non possum ve-*
nire, plus Deum offendit, quàm peccatum ipsum.

*In Orat. quod-
 libet hæreses
 horum temp. esse
 Antichristo pro-
 ximas.*

Rom. 11.

*In vtraque
 India Orien. &
 Occident. vel,
 America.
 Act. 13.*

Apoc. 3.

Psal. 49.

Psal. 16.

Psal. 18.

Luce 15.



ERANT appropinquantēs ad Iesum publicani & peccatores, vt audirent illum. Et murmurabant Pharisei & Scribæ, dicentes: Quia hic peccatores recipit, & manducat cum illis. Et ait ad illos parabolā istam dicens: Quis ex vobis homo, qui habet centum oves, & si perdiderit vnā ex illis, nōne dimittit nonaginta nouem in deserto, & vadit ad illam quæ perierat, donec inueniat illam? Et cū inuenerit eam, imponit in humeros suos gaudens; & veniens domū, conuocat amicos & vicinos, dicens illis: Congratulamini mihi, quia inueni ouem meam quæ perierat. Dico vobis quōd ita gaudium erit in cælo super vno peccatore pœnitentiam agente, quā suprà nonaginta nouem iustis, qui non indigent pœnitentia. Aut quæ mulier habens drachmas decem, si perdiderit drachmam vnā, nōne accendit lucernam, & euerrit domum, & querit diligenter donec inueniat eam? Et cū inuenerit, conuocat amicas & vicinas, dicens: Congratulamini mihi, quia inueni drachmam quam perdideram. Ita dico vobis: Gaudium erit coram Angelis Dei super vno peccatore pœnitentiam agente.

PERICOPE moralis huius Euangelij.

1. Erant appropinquantēs ad Iesum publicani & peccatores, vt audirent illum. De officio boni sacerdotis, vt vitæ sit ædificatiuæ & attractiuæ.
2. Murmurabant Pharisei & Scribæ, dicentes: Hic peccatores recipit, & manducat cum illis. Contra boni operis detractores, & linguam maledicam.
3. Hic peccatores recipit, & manducat cum illis. De incredibili Christi charitate erga saluandos peccatores, siue de zelo animarum.
4. Vadit ad ouem quæ perierat, donec inueniat illam; & cū inuenerit eam, imponit in humeros suos gaudens. De diuini amoris circa salutem hominum magnitudine.
5. Gaudium erit in cælo super vno peccatore pœnitentiam agente, quā super nonaginta nouem iustis qui non indigent pœnitentia. De pœnitentia peccatoris, Deo semper acceptissima.

1. Erant

1. *Erant appropinquantēs ad Iesum publicani & peccatores, vt audirent illum.*

Locus moralis de officio boni sacerdotis & ministri Christi: vt quemadmodum hoc loco Christi bona fama, conuersatio suauis, doctrina cœlestis ipsos publicanos, & deploratæ vitæ homines (tales enim erant qui hîc vocantur, *peccatores*, vt alio in loco Magdalena tacito nomine vocatur, *mulier peccatrix*,) ad se traxit, vt eum libenter audirent; sic cuiusvis pastoris atque etiam sacerdotis tota vita sit ad proximi ædificationem, tota conuersatio sit attractiua, doctrina quoque & eruditio probata. Debet esse *bonus odor* 2. Cor. 3.
vita in vitam, vt in alia quadam Dominica larius diximus. Domin. 6. post Epiph. rex. 3. Exod. 30.
Hîc tamen pauca addenda sunt, loco proprio. Inter alia veterum sacerdotum officia, vnum erat thymiama accendere mane & vespere, quod fiebat ex aromatibus pretiosissimis, & in purum Dei honorem, non pro peccato aut expiatione aliqua. Pastor & sacerdos quotidie tale thymiama bonorum operum suorum fragrantia accendere debet. *Exhibeamus* 2. Cor. 6.
(ait Paulus) nosmetipsos in omnibus sicut Dei ministros, nemini dantes ullam offensionem, vt non vituperetur ministerium nostrum. Talis erat Samuel. *Cognouerunt omnes à Dan vsque Bersabee quòd fidelis Samuel Propheta esset Domini.* Exemplum.
Quemadmodum suauia aromatum odoramenta proprium quiddam 2. Reg. 3.
per aërem continentem spirant, quo præsentes recreantur: Simile.
ita vir bonus toti commorantium contubernio salutaris & iucundus est. Non absq; causa Themistocles prædium vendens, clamari per præconem iussit, quòd bonū vicinum haberet. Basil. in Gordianum martyrem. Plutarch. in Politic.
Si enim aliquod bonum propter vicinum bonum, certè maximum bonum propter pastorem bonum, aut sacerdotem bonum; vt cuius autoritas paulo est necessaria, eiusdem conuersatio sit iucunda & grata. *Qui se in hac via* Super Cant. Serm. 18.
(ait diuus Bernardus) ita beneuolos & beneficos præbuerunt, ita inter homines humanè viuere studuerunt, vt gratiam Dei, quam visi sunt habere, non sibi tenerent, sed in commune deducerent, æstimantes se debitores sapientibus & insipientibus, isti fragrant unguentis optimis, & eorum fragrantia in benedictione. Tales debere esse sacerdotes omnes, quos *sal terra* vocat Christus, his verbis docet sanctus Gregorius: *Quasi inter bruta animalia petra salis debet esse sacerdos in populo; vt quisquis sacerdoti iungitur, quasi è salis tactu, vitæ aterna sapore conditur.* Hæc ille Homil. 17. in Euangelia. Talis erat diuus Ambrosius, ad

Pars Æstiuæ.

E quem

Exemplum.
Confess. lib. 5.
cap. 13.

quem Augustinus adhuc Manichæus, libenter accessit, & per eum mirabiliter profecit, quia & moribus suavis, & vita sanctus, & eruditione conspicuus erat; quod his verbis Augustinus ipse confitetur: *Veni Mediolanum ad Ambrosium Episcopum in optimis notum orbi terra, pium cultorē tuum, cuius tunc eloquia strenuè ministrabant adipem frumenti tui, & latitiam olei, & sobriam vini ebrietatem populo tuo. Suscepit me paternè ille homo Dei, & peregrinationem meam satis episcopallyter dilexit. Et eum amare cœpi, primò quidem non tanquam doctorem veri, quod in Ecclesia tua prorsus desperabam, sed tanquam hominem benignum in me. Et studiosè audiebā disputantem in populo, non intentione qua debui, sed explorans eius facundiam, utrū conueniret fama sua. Ecce quid Augustinum adhuc peccatorē attraxit, ut appropinquaret ad Ambrosium, & audiret illum: Pietatis opinio, eruditionis fama, benignitas priuata. Sic erat verè *sal terra & lux mūdi* Ambrosius. Anima humana instar terræ multas habet corruptiones. Hæc bonis sermonibus salire & cōdire sacerdotes debent, vermes peccatorum interimendo, & grauem odorem delendo. Sed ut alios saliant, sal esse debent ipsi. In veteri Lege nulla fiebat victima absque sale, vnde Christus suis: *Habete pacem in vobis, & habete salē.* Apostolus quoque, *Omnis, inquit, sermo vester sit sale conditus.* Sal discretionis virtus est, quæ mansuetudinem & disciplinam, misericordiam & iustitiam sic temperat, ut nec illa hanc dissoluat, & hæc absque illā ingrata, intolerabilis, ideòque inutilis fiat. Socrates dicere solebat, *neque vinum austerum aptum esse pōtioni, neque mores agrestes hominum conuersationi.* Qui perdices aut coturnices venari intendunt, illicem earum lumbant; qui feras venantur, viridem colorem induunt: sic Paulus *omnibus omnia factus est, ut omnes lucrifaceret, non mentientis astu, sed compatientis affectu,* ait Augustinus. Sic Christus, ut ad eum peccatores appropinquarent, venit *in similitudinem carnis peccati, & habitu inuentus ut homo, venit comedens & bibens.* Quando aliquis princeps venatum procedit, ut aprum aut ceruum, aut feram aliquam siluestrem capiat, cum suis vniuersum montem circumfider, & vnusquisque suam accipit stationem, suumque tramitem, quo fera trāsitura videtur. At princeps ipse locum accipit quo frequentius transire, aut per quem verisimilius exitura fera putatur. Sic in venatione animarum, quæ per beluinas cupiditates verè siluescunt, alij quidem sancti alias quasi stationes ceperunt, & diuersos diuersis virtutibus ad pietatem*

Simile.

Leuit. 3.
Marc. 9.
Coloss. 4.
Allegoria.

Stob. Serm. 3.
de imprudent.
Apophthegma.

Simile.
2. Cor. 9.
Epist. 19.

Rom 8.
Simile.

pietatem

pietatem homines adduxerunt. Qui per opera misericordiæ
 salui esse poterant, ab Abraham capiendos eiusque exemplo
 trahendos Deus cōstituit. Quos solitudo, ieiunia, vitæ aspe-
 ritas aptius capere poterant, illis capiendis stationem suam
 accepit Ioannes Baptista. Quibus vita cœnobitica & hospita-
 lis magis placeret, illis capiendis robustum venatorem san-
 ctum Benedictum Deus posuit. Sic paupertatis amantes per
 sanctum Franciscum, & sanctum Dominicum; silentij & so-
 litudinis appetentes per sanctum Brunonem Carthusiæ pa-
 trem; salutis animarum zelatores per patrem Ignatium So-
 cietatis Iesu fundatorem, quasi per venatores diuersis locis
 dispositos ad peccatores capiendos, Deus in sua Ecclesia ex-
 citauit, & pro diuersis hominum studijs, ingenijs, ac viribus,
 diuersos famulos & ministros suos circa huius mundi sil-
 uam collocauit, qui feras hominum mentes in pietatis atque
 virtutis nallas pertraherent. Sed Christus ipse Princeps pa-
 storum, & Magister ac Dux venationis huius, in loco com-
 munissimo stationem accipiens, vitam communem ac popu-
 larem, statumque mediocritatis (quoad externa omnia) sibi
 elegit, vt cuiusuis generis peccatores, publicani, meretrices
 ad eum liberè accederent: quam etiam mediocritatis &
 communis vitæ rationem, quoad externa, Apostoli eius se-
 quuti sunt. Nempe quia in Christo omnia salutis remedia
 erant, omnes ad eum accedere debent. Qui ægrotus est, fe-
 stinet ad Christum, quia *Medicus est animarum*. Qui æstu
 premitur, currat ad Christum, quia *fons est aqua salientis in*
vitam eternam. Qui ignorantia tenebris laborat, quærat
 Christum, quia *lux mundi est*. Qui famelicus est, adeat Chri-
 stum, quia *panis viuus est qui de cœlo descendit*. Si grauaris
 iniquitate, *iustitia est*. Si auxilio indiges, *virtus est ad salutem*
omni credenti. Si mortem times, *via est*. Si cœlum desideras,
via est. Si errorem metuis, *veritas est*. Nec tamen hæc omnia
 sic Christus est, vt etiam per modū participationis pastores,
 quos dedit, ea non sint. Nam & illi *dispensando mysteria Dei*,
 medici sunt: eructando verbū vitæ, fons aquæ sunt: exemplo
 virtutum, lux mundi sunt: proferendo de thesauro suo noua
 & vetera, alimētum & cibus sunt. Docent iustitiam, aperiunt
 vitæ ianuam, verbum veritatis administrant, vias mandato-
 rum Dei demonstrant. Habent ergo & illi similem stationē,
 vt quosuis peccatores ad se attrahant, attractos conuertant,
 conuersos ad salutis portum perducant. Sicut ignis accendit
 ci propinqua, sic qui viris sapientia & sanctitate præstanti-

In Christo
omnia salu-
tis remedia.

Matth. 9.

Ioan. 4.

Ioan. 5.

Ioan. 6.

1. Cor. 1.

Rom. 1.

Ioan. 16.

Simile.

bus familiariter vitur, Dei exardescit amore. Et quæadmodum prunæ lucem proximè emittunt, lampades verò splendorem longius fundunt; sic qui virtute & sapientia sunt præditi, & charitate inflammati, non solum propinquos, sed etiam longè distantes illustrent doctrina & vitæ sanctimonia, ne errorum caligine obscurantur.

2. *Murmurabant Pharisei & Scriba, dicentes: quia hic peccatores recipit, & manducat cum illis.*

Detraçtio, &
lingua maledica.

Exod. 34.

Num. 5.

Leuit. 13.

Matth. 9.

Matth. 23.

Detractionis
& inuidiæ
origo.

Allegoria.

LOcus moralis contra boni operis detractores, & linguam maledicam. Quod enim in Christo laudare & imitari debebant Pharisei isti & Scribae, hoc illi vitio vertunt, murmurantes. Manducare cum peccatoribus non erat in Lege vetitum, sicut manducare & conuersari cum gentilibus, & leprosis, aliisque quibusdam immundis. Quæ tamen tota prohibitio partim erat significatiua puritatis spiritualis, in filiis noui testamenti, quod occultabatur sub veteri; partim cautela erat propter infirmitatem Iudæorum qui ad gentilitiæ idololatriam procliuēs erant. Cæterum superbi & hypocritæ isti, externæ tantum sanctitatis affectatores, vera charitate vacui, dedignabantur peccatorum consortia, nec vllā illis charitatē exhibebant. Vnde alibi Christus ad illos: *Euntes discite quid est, misericordiam volo, & nō sacrificium. Non veni vocare iustos, sed peccatores.* Et rursum: *Va vobis Pharisei quia decimatis mentham & anethum, & reliquistis quæ grauiora sunt Legis, iudicium, & misericordiam, & fidem.* Tales ergo quum ad peccatorum cōuersionem cooperari nollent, indignantur Christo, qui id faciebat. Quia ipsi superciliosi erant, volebant Christum quoque supercilium adducere, & Rabbini-cam grauitatem induere. Displicet nobis quod ipsi nō facimus, & nostro pede omnes metiri volumus. Hinc nascitur inuidia detractio. murmura, lingua maledica; quæ maxima mala in mundo sunt, & vt iustis magna crux, sic innumeris impijs atq; hypocritis certa perniciēs. Vna plaga Ægyptiaca erant ranæ palustres. Nam vt ranæ de die & palam tacent in paludibus suis lutosi quiescentes, de nocte autem vociferantur & coaxant; sic murmuratores & detractores, proximorum suorum virtutes & opera lucis tacent, cooperiunt, silent, eorum autem defectus deblaterant, publicè quoque ea vituperare non audent, satis habentes si alijs laudantibus tacet, clam verò & apud suos suique similes rauco murmure coaxant,

coaxant, & omnibus modis denigrant. Sed quemadmodum *Simile.*
 qui candelam ardētem digitis proprijs mungit, candelæ qui-
 dem lumen clariùs efficit, suos autem digitos adurit & cōa-
 minat; sic qui iusto detrahit, aut cōtra laudabiliter facta ob-
 murmurat, suam quidem mentem, & conscientiam, & lin-
 guam contaminat, & reatu peccati adurit, iusto autem me-
 riti materiam præbet, eîsq; famam celebriorem facit. Deus *Exempla.*
 Moysen nunquā magis laudauit, quā quū Aaron frater, *Num. 12.*
 & Maria soror eius contra eum murmurarent. Vide locum.
 Dauid pro maledictione Semei expectauit à Deo benedi- *2. Reg. 18.*
 ctionem, quam & accepit, hostibus breui superatis.

Quemadmodum gallina in ædibus frequenter quū ei *Simile.*
 bus est appositus bonus & sufficiens, subit tamen angulos,
 ibique scalpens terram, pabulum quærit; sic murmurator
 & detractor honesta & laudabilia, omnibûsque ad imita-
 tionem & commendationem exposita, nec interrogant, nec
 libenter audiunt, sed occulta & secreta mala totius domus,
 familiæ, collegij, ordinis, aut cuiusuis communitatis, cu-
 riosè percontando efferunt, euentilant, illisq; se sordibus
 pascunt; scarabæo similes, qui nullum bonum odorem su- *Simile.*
 stinet, sed in stercore semper versatur, eoque se oblectat &
 pascit. Contra quod vitium appositè Chrysostomus: *Dic* *Homil. 1. ad*
proximo detrahenti & murmuranti: Habes quem laudes? au- *pop. Antioch.*
res aperio ut unguenta suscipiam. Si verò malum velis dicere, *Similia.*
obturo aures. Non enim stercus & cœnum accipere sustineo. Sunt
 quippe detractores porcis & suis similes, quæ amœnissi-
 mum hortum pulchris & odoriferis floribus consitum in-
 gressæ, flores non attingunt, sed fœnum, si quis fortè in an-
 gulo est; aut lutulentam lacunam inuenientes, in ea se volu-
 tant, illam euentilant. Vnde de maledico conuiciatore ele-
 ganter dixit sanctus Bonauentura, quòd *in modum porci, ubi*
ponit pedem ibi & os; & sicut canis macelli semper habet os san- *In Diata salu-*
guinolentum. Sapienter Socrates nuncianti quendam esse qui *tu, cap. 19.*
 maledictis eum perpetuò incesse- *Laert. lib. 2.*
 ret, respondit: *Bene loqui* *Apophthe-*
nescit. Huiusmodi enim hominū *ex abundantia cordis os* *gma.*
loquitur; quia cor malicia & odio deprauatum habent: quod

illa Zoili responsio egregiè ostendit. Rogatus enim cur sic *Exemplum.*
 omnibus malediceret, respondit: *Quia malefacere nequeo.* *Bruson. lib. 2.*
 Quia non potuit facto lædere, voluit verbo. Nā si non aliquā *cap. 26. &*
 nocuisset, mortuus esset. Sic huius mali non nisi odium & in- *Alianus lib. 22.*
 uidia radix est *Venenum aspidum sub labijs eorum.* Sicut mor- *Psal. 18.*
 det serpens in silentio, sic qui fratri suo occultè detrahit. Nā virus *Eccl. 10.*

In Comment.
ibidem.
Prouerb. 24.
Psal. 108.

Prouerb. 17.

Homil. 39. in
Act. Apost.
Ioan. 8.
1. Ioan. 3.

Vbi supra.
Simile.

Homil. 3. ad pop.
Antioch.

Psal. 100.

Eccles. 37.

pectoris sui (vt exponit Hieronymus) diffundit in fratrem. Qua certè de causa dicit scriptura: *Abominatio hominum detractor*, quia qualem sementem fecerit, eandem & metet, Vnde Dauid: *Dilexit maledictionem, & veniet ei. Induit maledictionem sicut vestimentum, & intrauit sicut oleum in ossibus eius. Fiat ei sicut vestimentum quo operitur, & sicut zona qua semper pracingitur.* Sunt verba significantissima, quibus docet Spiritus sanctus, detractores, murmuratores, susurriones, maledicos, idem à Deo passuros quod contra proximum fecerunt, Dei videlicet maledictionem ab eis non recessuram. Hoc & Salomon docuit: *Semper iurgia quarit malus: Angelus autem crudelis mittetur contra eum.* Et certè quum diabo- lo proprium sit calumniari, vnde & nomen illud apud Græcos accepit; calumniator omnis & detractor quem spiritum sequatur, quem patrem habeat, cuius mercedem expectare debeat, faciliè videt. Aptè Chrysostomus: *Ferre eum qui cō- tumelia afficit, Dei est: contumelia afficere immeritum, diaboli est.* Hoc sensus *Diabolus homicida fuit ab initio. Qui enim odit fratrem, homicida est*, & ille ab initio odit homines. Sic igitur modo quodā proprio omnis detractor & susurro, membrum diabolo est. Est itaque maledictum aut detractio ipsi maledicenti & detrahenti maxima confusio. *Quemadmodum enim* (ait Chrysostomus) *si quis vasa immunda è domo alicuius furetur, & ea coram omnibus educat, non ita confundunt dominum furto sublata, quantum ipse seipsum; ita & conuiciatoribus accidit. Eiectis enim coram omnibus immundis verbis, non alios confundit, sed seipsum, per verba productis talibus, & coinquinata ipsius tum lingua tum mente.* Nam vt in domo & vsu corporis quædā honestè haberi & fieri possunt, quæ tamen honestè dici non possunt; sic & in vita atque actione humana nonnunquam accidit. Si quis (ait Chrysostomus) *te praterente finum commoueatur, hoc facientem nonne statim redarguis? Sic & detractorem reprime. Non enim sic factor ille nares percellit, vt aliena excussa peccata bonos & astantes contristat. Sed ideo hoc malum celebre est* (ait sanctus Hieronymus) *quia penè ab omnibus libenter auditur. Quare iusti vox est: Detrahentem secretò proximo suo hunc sequebar. Hoc docet Sapiens esse detractiois remedium. Qui mittit in altum lapidem, recidet in caput eius: ita detractor quum tristem viderit faciem audientis, ne audiat iudicium sanguinis: illico conticescit.* De hoc argumento vide quæ in aliis Dominicis diximus.

3. *Hic peccatores recipit, & manducat cum illis.*

LO C V S moralis de incredibili Christi Redemptoris charitate erga saluandos peccatores, quam omnes imitari debemus; siue de zelo animarum. Magnum piaculum putabant Pharisei, peccatores in consortium admittere, & cum illis manducare. Sed hoc perinde erat, ac si medici omnes ægros fugerent, nec ad eos vnquam accedere vellent. Eléganter Aristippus indignanti cuidam ac dicenti, quòd philosophos cerneret semper obsidere diuitum fores, & Medici (inquit) *languentium ianuas frequentant. Non tamen quispiã agrotare mallet quàm mederi; nec ego diues potius esse, quàm Philosophus.* Malorum consortia infirmis cauenda, à firmis appetenda sunt. Vinum aqua mixtum si fortius est, aqua calore suo imbuat; si tenuius est, ab aqua vincitur. Exincti carbones ardentibus admixti statim ardescunt. Accede ad titionem ardentem, hominem iustum; virtutis ignem cito concipies. Saul inter Prophetas Prophetauit, inter improbos improbe egit. Laban propter Iacob, & Putiphar propter Ioseph ditati sunt. Propter bonum Iosaphat, duobus regibus impiis, regi Israël, & regi Edom, cum eo exercitum ducentibus, pluuiam è cælo Heliseus impetrauit. Dixit enim ad Ioram regem Israël: *Si non vultum Iosaphat regis Iuda erubescerem, non attendissem quidem ad te.* Caritas fraterna peccatores recipit, & manducat cum illis, à conuersatione & consortio, ab aditu & familiaritate illorum, quatenus medium eos Deo lucrandi esse poterit, non abhorrent. Imò summam charitatis perfectionem in peccatoribus lucrandis consistere, viri sanctissimi iudicarunt. Sanctus Franciscus dixit aliquando fratribus suis: *Quid magis consulas, an quòd orationi vacem, an quòd prædicando discurras?* Videtur in oratione lucrum & cumulatio gratiarum in prædicatione distributio quedã donorum acceptorum. In oratione est purificatio interiorum affectuum, & vnio ad Deum: in prædicatione puluerisatio spiritualium pedum, id est, contaminatio affectuum, distractio circa multa, & relaxatio disciplinæ. In oratione Deum alloquimur & audimus, quasiq; inter Angelos cõuersamur. In prædicatione multũ oportet ad homines condescendere, & humanè inter eos viuendo, multa videre, dicere, audire, & cogitare humana. Sed vnum est in contrarium, quod videtur his omnibus præponderare, quòd Christus ipse potissimũ prædicationi vacauit, cum peccatoribus manducauit & cõ-

Christi erga peccatores amor.

Laertius lib. 2. Apophthegma.

Similia.

Exempla.
1. Reg. 19.

Gene. 30. & 39.

4. Reg. 3.

Zelus animarum.

In vita eius cap. 11. per S. Bonauent.

Exempla.
2.

uerfatus est. Cuius exemplum quia nos maximè sequi oportet, videtur magis Deo placitum intermissa quiete foras egredi ad laborem. Quod & fecit, re tamen prius suorum precibus commendata, qui & post preces factas idem censuerunt. Sic monachi eremos suas deseruerunt, & in vrbes ac frequentia populis loca venerunt, vt proximos suos iuarent. Isaaci monachus casam suam exiens Constantino-
 polim venit, vt Valentem Imperatorem Arianum Ecclesiæ Catholicæ hostem acerrimum redargueret. Eum enim accedens, frenum equi eius arripuit, dicens: Quò Imperator proficisceris, qui aduersus Deum bellum geris, neque eum propterea adiutorem habebis? Quod & rei euentus ostendit. Quum Antiochenis grauitèr offensus Arcadius propter Placillæ vxoris statuum deiectam, acerbè in eos animaduertere velleret, eremitæ ad urbem aduolantes, officarios eius, prætores ac tribunos, frena equorum accipientes, in mediâ ciuitate sistebant, & vindictam à populi capitibus depulerunt. Magnus ille Antonius vt oppressis opitularetur, vt Catholicorum causam contra Arianos apud Imperatorem ageret, frequentes vrbes adibat, & sæpe Constantino-
 poli visus est, & Alexandria. Imò de eo scribit sanctus Athanasius: *Et si in solitudine ac montibus versatus, atque omnem ibi exiens vitam, non tamen agrestis ac rudis erat, sed iucundus atque affabilis sermonem, secundum Apostoli præceptum diuino conditum sale proferebat, ita vt inuidia careret, & amore omnium potiretur.* Aphraates eremita celebrè relicta eremo Antiochiam venit, quum omnia Valens Arianus Imperator perturbaret, & ab Imperatore visus, atque hoc nomine reprehensus, quòd eremo relicto in vrbe ageret, respondit: Id ego, Imperator, libenter fecissem, si pax Christi ouibus esset. Sed si puella essem domi in conclauì cõclusa, soli lanifico vacans, domus autem paterna subito conflagraret, me otiosam sedere velles, nec ad incendium extinguendum accurrere? Id ego nunc facio qui incendium in Ecclesia à te excitatum extinguere, & fratres meos in eo periclitantes eripere conrendo. Sed huius charitatis erga peccantes fratres illustre exemplum & hoc est. Duo eremitæ iurauerant sibi inuicem, ne alter ab altero vnquam separaretur. Vnus postea tentatus, in seculum redire voluit, & libidini indulgere. Sequitur alter, vt saltem perpetrato peccato ad eremum eum reduceret, & elupanari prodeuntem complectitur, obsecrans vt secum in eremum redeat. Illo nihilominus in peccato

2.

Theodoretus lib.
4 cap. 34.

3.

Chrysof. homil.
20. ad popu. Antioch.

4.

Niceph. lib. 8.
cap. 40.

S. Athanasius in
vita eius.

5.

Niceph. lib. 12.
cap. 15.

6.

Fratum spirituale,
cap. 97.

peccato persistente, manet etiam in eadem ciuitate alter, quotidie manibus laborans, & luxurianti socio laboris sui fructū quotidie largiens, ipsemet ieiunās, & pro salutem fratris seipsum affligens. Hac tanta charitate compunctus tandem alter, flagitiosam vitam deserit, & ad eremum cum fratre reuertitur. Aliud huic simile exemplum, nisi fortē hoc idem sit, commemorat Diuus Chrysostomus ad Theodorum lapsū, Epist. 5. Hoc est, ad exemplum Christi peccatores recipere, & cum illis manducare. De hac Redemptoris nostri benignitate prædixit Propheta: *Calamum quassatum non confringet, & lignum fumigans non extinguet. In veritate educet iudicium.* Et iterum: *Quod confractum fuerit, alligabo, & quod infirmum fuerit, consolidabo.* Calamus quassatus, & linum fumigans est mens hominis vanis cupiditatibus dedita, necdum illis penitus obruta: sed vt calamus non adhuc confractus, vehementer tamen depresso, & vt linum non quidem adhuc flamma correptum, fumum tamen, qui flammæ proximus est, emittens; sic cupiditatibus suis ad malum inclinatur, & iam iam in turpitudinis fornacem procliuis fertur. Hæc est infinita, & quæ nunquam satis vel explicari, vel laudari, vel recognosci à nobis potest Redemptoris nostri misericordia, hîc etiam aduentus sui in hunc mundum primarius finis ac scopus fuit, vt peccatores reciperet. *Non veni vocare iustos, sed peccatores ad pœnitentiam.* Et Paulus ait: *Fidelis sermo, & omni acceptione dignus, quia Christus Iesus venit in hunc mundum, vt peccatores saluos faceret.* Et rursum: *Vt ostenderet diuitias gloriæ suæ in vasa misericordiæ, quæ præparauit in gloriam.* In hac sua misericordia cognosci, glorificari, & prædicari vult. Denique dicit ipse Redemptor in Euangelio, hanc dulcissimam prophetiam in seipso fuisse completam: *Spiritus Domini super me, eo quod vnxit me, ad annuncian- dum pauperibus misit me, vt mederer contritis corde, & prædicarem captiuis indulgentiam, & claudis redemptionem, vt prædicarem forsitudinem lugentibus Sion, & annuntiarem annum placabilem Domino.* Et paulo post: *Et darem coronam pro cinere, oleum gaudij pro luctu, pallium laudis pro spiritu mœroris.* Singula hæc verba, quæ varias peccatorum consolationes, & singula quæ peccatis remedia ponunt, amplificari debent. Certè ex hac misericordiæ erga peccatores nota cognosci & manifestari voluit, quando ad eum duos ex discipulis suis Ioannes Baptista in vinculis misisset, dicens: *Tu quis? &c. Renuntiate, inquit, Ioanni quæ*

Esaiæ 42.

Ezech. 34.

Christi misericordia ineffabilis.

Matth. 9.

1. Tim. 1.

Rom. 9.

Esaiæ 61.

Matth. 11.

Math. 12.

Ioan. 7.

Collatio veterum
cū Christo.

Ioan. 3.

Psal. 137.

1. Reg. 22.

Typus.

Ioan. 6.

Psal. 118.

Sermo. 15. super

Psal. 129.

audistis & vidistis. Cæci vident, claudi ambulant, surdi audiunt, mortui resurgunt, & pauperes euangelizantur. Postremo non recipit tantum ad se venientes peccatores, sed ut ad eum confidenter veniant, inuitat, & clara voce compellat: *Venite ad me omnes qui laboratis & onerati estis, & ego reficiam vos.* Rursum: *Stabat Iesus in magno die solennitatis, & clamabat, dicens: Si quis sitit, veniat ad me.* Hæc Christi benignitas erga peccatores vnica est nostra & maxima consolatio, sine qua, quicquid præterea de Christo credimus, frigeret. Moyses liberator fuit populi veteris, sed non sic ut peccatores reciperet, verum ut eos seuerè puniret. Sic enim extendens manum suam in mare rubrum, Pharaonem cum toto exercitu submersit. Sic populo in vitulo aureo peccante, tabulas Legis confregit, & populum ipsum maximo numero interfecit. Sic illum qui collegit tria ligna in sabbato, fecit lapidari. Iosue saluator & liberator eiuidem populi fuit, sed occidit peccatores qui erant in terra Chanaan. Acham quoque præuaricantem circa spolia hostium, cum toto suo tabernaculo totaq; cognatione incendio absumpsit. Samuel erat sanctus Propheta Domini: sed occidit manu sua pinguißimum Agag regem Amalec, & concidit eum in frusta. Atqui noster saluator, & liberator, & Propheta magnus, non venit ut iudicet mundum, sed ut saluetur mundus per ipsum. Hic est noster Dauid, de quo Scriptura dicit: *Memento Domine Dauid, & omnis mansuetudinis eius.* De hoc Dauid scribitur: *Conuenerunt ad eum omnes qui erant in angustiis constituti, & oppressi ere alieno, & amaro animo, & factus est eorum princeps.* Hic peccatores recipit. Ad hunc accurrunt omnes in angustiis, & difficultate abstinendi à peccato laborantes, omnes veterum peccatorum debitis onerati, omnes de quacunque necessitate tristes & solliciti. Ait enim clementissimus Dominus: *Omne quod venit ad me non eijciam foras.* Hic est de quo Propheta prædixit: *Adiutor meus & susceptor meus es tu, & in verbum tuum supersperavi.* Non solum adiutor, sed & susceptor: quod explicās D. Ambrosius, *Adiutor, inquit, per Legem, susceptor per Euangelium.* Quos Lege adiunxit, in carne suscepit. Hic peccata nostra portat, & ideo in verbū eius supersperamus: non in Prophetas, non in Legem, sed in verbum tuum: hoc est, in aduentum tuum, ut venias, & suspicias peccatores, delicta condones, ouem lassam tuis in Cruce humeris bonus pastor imponas. Hæc ille. Sic iterum Dauid: *Si iniquitates obseruaeris Domine, Domine quis sustinebit? Quæ spes, quæ vita mor-*
taliū,

talium, si sola apud Deum iustitia vigeret? Ideo subiungit: *Quia apud te propiciatio est, & propter legē tuā sustinui te Domine.* Hæc est lex Euāgelica, lex gratiæ, verbū promissionis, vox misericordiæ, quia *hic peccatores recipit.* Veteres Prophetæ nihil de venturo Messia clarius aut frequentius dixerunt; quàm hoc vnum, quòd peccata condonaret. Sic Esaias: *Sicut Esai. 40. pastor gregem suum pascet in brachio suo, congregabit agnos, in sinu suo leuabit; fætas ipse portabit.* Pascit in fortitudine, cōgregat in sollicitudine, portat in mansuetudine & misericordia. *Ezech. 36.* Sic Ezechiel: *Effundet super populum suum aquam mundam, & mundabit eos ab omnibus inquinamentis suis, & ab uniuersis idolis suis (id est peccatis) mundabit eos.* Per Ieremiam similiter *Ierem. 31* dicit Deus: *Propitiabor iniquitati eorum, & peccati eorum non memoraber amplius.* Michæas verò verbis amplissimis hanc *Mich. 7.* Messia propriam virtutem describit: *Quis Deus similis tui, qui auferens iniquitatem, & trāsīs peccatū reliquiarū hereditatis tuæ? Non immittet vltra furorem suum, quia volens misericordiā est. Reuertetur & miserebitur nostri, deponet iniquitates nostras, & projiciet in profundum maris omnia peccata nostra.* Nec hoc tacuit Zacharias, dicens: *In die illa erit fons patens domui David, Zachar. 13. & habitatoribus Ierusalem in ablutionē peccatoris & menstruatæ.* Deniq; David de Christo dixit: *Tu populum humilem sal-* *Psal. 17.* *uum facies.* Hæc ergo summa Christi gloria, hæc maxima consolatio nostra: *quia si peccauerimus, aduocatū habemus apud Patrem, Iesum Christū iustum, & ipse est propitiatio pro peccatis nostris, non pro nostris autē tātūm; sed etiam pro totius mūdi.* Amplificari & vrgeri hæc meritò possunt & debent: primum vt Redēptoris nostri infinita erga nos peccatores misericordia elucescat magis: deinde vt ad eum redamandum efficacius inflamamur: postremò vt in nullis peccatis spem veniæ deponamus, sed ad Redemptorem nostrum alacriter recurramus. Pastor rusticanus, vt eum oues libentius sequatur, ouinā pellem induit. Sic Christus hominē induit, eumq; benignissimū, vt ad eū per pœnitentiam redire nullus peccator formidaret. Solebant Pagani (ait sanctus Augustinus) hoc nomine Christianis insultare quòd pœnitentiæ potius semper in Ecclesia apertus esset, dicentes: Vos facitis vt peccent homines, quum illis veniam promittitis. Quibus ille responderet: *Ne desperando augeamus peccata, propositus est pœnitentia* *Hom. 27. ex* *portus. Ne sperando augeamus, datus est dies mortis incertus.* *Hom. 50.* Israelitæ quum descenderent in Ægyptum vocante Ioseph, *Allegoria.* existimabant se nisi per annos quinque, durante fame, per-

Præsumptio
cauenda.

mansuros. At ibi manserunt per 200. & amplius annos. Sic peccatores aliquando sub spe veniæ, & citò resurgendi à peccato, temerè peccant, sed sæpenumero sic illis placet Ægyptus & status peccati, vt nunquam postea de exeundo cogitent, sitque necesse in manu forti & brachio extento illos educi. Sed tota Christi misericordia erga pœnitentes non erga perseuerantes in peccato intelligitur.

4. *Vadit ad ouem quæ perierat: donec inueniat illam; & cùm inuenerit eam, imponit in humeros suos gaudens.*

Amor Dei erga peccatores saluandos.

Similium.
congeries.

Lucæ 10.

Psal. 118.

Locus moralis de diuini amoris erga peccatores seruandus incredibili magnitudine. Ipse vadit ad ouem quæ perierat. Nempe sicut ouis aberrans à grege, nisi quæratur, redire non potest, sed ad vltiora semper progrediens per saltus & siluas se perdit, quum cætera animalia, canis, felis, equus, domino amisso, domum faciliè per se ipsa redeant; sic miser peccator, nisi à Deo quæsitus, in salutis viam per se & naturæ suæ ductu aut viribus redire non potest. Sicut terra propter nimiam frigiditatem nullum fructum profert, nisi à sole calefiat (vnde in Septentrione omnia inculta iacent) sic homo per peccatum non nisi terra & terrestribus manens, sine diuinæ gratiæ calore nihil salutare operatur. Vt vestis corpori calorem adferat vel augeat, corpus ipsum viuum esse debet, & aliquo calore priùs imbui, ideoq; cadauer nullis vestibus calefit; sic nullum opus vel charitatis vel pœnitentiæ, animam in peccato mortuam viuificare poterit, nisi priùs Dei gratia viuificetur. Sicut in tenebris, etiam si omnes fenestras aperias, nihil vides; sic in statu peccati mortalis, quod est opus tenebrarum, etsi omnes animæ tuæ vires adhibeas, absque luce gratiæ nihil promoues ad salutem; nec reditum inuenies. Hac de causa dicitur: *Venit filius hominis quærere & saluum facere quod perierat.* Priùs quærit quàm saluum faciat. Sic clamat peccator in Scripturis: *Erraui sicut ouis quæ periit. Quære seruum tuum Domine.* Si margaritam pretiosam perdidisti, in eo loco inuenitur vbi amittitur. At ouis perditam non sic; quia semper magis ac magis in saltuosa nemora, & in asperos montes se immittit; quiescit nunquam, sed errans progreditur. Sic peccator ab vno peccato in aliud transit, nec peccandi finem facit, nisi à bono pastore suo, Christo Iesu, specia

speciali gratia & misericordia quærat. Ovis amissa, rapaci lupo, aut cuius feræ obnoxia statim est: nec dentes, nec ungues, nec cornua habet, quibus se defendat; nec pedū velocitatē, qua se seruet. Sic peccator amissa Christi gratia, diabolo, carni, mundo ad prædā expositus est, nec vlla, quibus se tueatur, arma relicta habet. Hinc elucet immēsa Dei misericordia erga peccatores. Prius miseretur quā irascitur; prius misericordiæ media quā iustitiæ adhibet: prius quærit quā percutiat. Sicut matres & nutrices ad pueros in lutum lapsos non accurrūt cū conuitiis, sed prius erigunt, abluunt, componūt, ac deinde, prout opus est, obiurgant: sic Deus ouē perditam primū tētat ad emēdationem variis blāditiis & mediis allicere, postea corripit in misericordia. Nauclerus cuius nauigiū multam vndique laxatis cōpagibus aquā trahit, nautis ipsiq; nauigio non irascitur. Occurrit potiūs, & aliā excludit vndā: deinde aliā egerit, manifesta foramina præcludit: latentibus cōtinuo labore resistit, deniq; modis omnibus malum imminens auertit: postea, prout ratio exigit nautas increpat, obiurgat, punit. Pastor quoque bonus deperdita oue nō statim canē percutit, aut apud se indignationē excitat, sed quærit diligēter donec inueniat. Hæc est Dei erga nos misericordia. Multū quærit, multū expectat, multa tētat, vt ouem perditam ad caulas reducat. Quomodo Christus venator animarū esse voluerit, suprā diximus. At inter omnia officia nullum maiore patiētiā postulat, quā venatio. Multum diuq; expectandū, magnū tædiū deuorādum est, vt fera quātumcunque cessans, sua tandē spōte exeat. Qui festinat, & idoneū capiendi tēpus nō expectat, nihil vnquā venando capiet. At diu expectādo subitō erūpet fera, & in casses incidet, vel ictum à te destinatū accipiet. Nullis verbis explicari potest Dei patiētia qua peccatorē expectat. *Stat ad ostiū, foris pulsāt: expectat donec aperiatur ei. An diuitias bonitatis eius, & patientia, & longanimitatis contemnis? Ignoras quoniā benignitas Dei ad pœnitentiā te adducit? Expectaui vt faceret vnas.* Expectat adhuc vnū annū vt sterilis ficus fructū proferat. Deniq; sic expectat, vt eius expectatio infidelibus scādālū sit. *Plures enim Dominū (ait Tertullianus) idcirco nō credūt, quia seculo iratum tam diu nesciūt.* Sed exēplo ex Scripturis petito ostendemus, quot modis, quanto studio qua patientia ouē perditā Deus quærat. Apud Esaiā volens Deus peccantem Israel ad pœnitentiā reuocare, vide in quot formas sermonē vertit, satagens & sollicitās ne pereat. Primū protestatur se nihil cōtra eos ex iracundia

6.

7.

8.

9.

10.

Apocal. 3.
Rom. 2.

Esaiā 5.
Luca 13.
In lib. de Patientia, cap. 2.

Quem perditam quomodo Deus quærat.

1.

dia

Esaia 27. 4.

Ibidem 5.

Exemplum.

Exod. 32.

Amale Angl.

Esaia 13.

Ion. 1.

Exemplum.

Homil. 1. de Paenitent.

Esaia 42.

Luce 12.

Esaia 43. 4.

Ibidem 24.

Chrysost. Hom. 3. de Paenit.

Ibidem 25.

8.

dia aut odio agere : *Indignatio non est mihi*. Deinde cūctatur, sicut pater, qui peccatē filium percutere deberet, cupit tamen parcere, & ait: *An gradiar super eā? succendā eam pariter? An potius tenebit fortitudinē meā? faciet pacem mihi, pacē faciet mihi?* Sic enim peccantē & idololatriam in deserto committentem populum quasi percussurus, patitur se per Moysen quasi teneri ne id faciat: *Dimitte me, ut irascatur furor meus*. Sic amātes solent. Hēricus septimus Anglię Rex, quū cōsobrinum suū ex aliqua causa morte affecerat, posteaq; pro alio quodam nobili morti obnoxio apud eum certi procures intercederent, dolēs dicebat: At nemo vestrum pro meo cōsobrino intercessit. Tertiō cōminatur: *Non est populus sapiēs, propterea nō miserebitur eius qui fecit eū, & non parcat ei qui formavit eū*. Grauis cōminatio, sed ut parcat, non ut feriat, sicut per Ionam Ninivitis: *Adhuc quadraginta dies, & Ninive subvertetur*: quę tamen ad Ionę prædicationē nō eversa, sed emendata est. Circa quod Dei factum Chrysostomus: *Quare quæ facturus es mala Domine prædicis? ut non faciā quæ prædico*. Propterea & gehennā minatus est, ne gehennā inferat. Rursum ex postulat & obiurgat, ne ad verbera veniat: *Quis cæcus nisi servus meus? & quis surdus nisi ad quē misi nuntios meos? Quis cæcus nisi servus Domini? Qui vides multa, nōne custodies? Qui apertas aures habes, nōne audies?* Grauis obiurgatio, iusta reprehensio. *Qui enim cognovit volūtatē Domini, & non facit, vapulabit plagis multis*. Sed ne eū terreat quem diligit aut contristet, statim blāditur amātissimē: *Ex quo honorabilis factus es in oculis meis & gloriosus ego dilexi te, & dabo homines pro te, & populos pro anima tua*. Noli timere, quia ego tecum sum. Ecce quo modo obiurgatione deiectū, suāuissimis vocibus statim releuat. Mox quę amātū more conqueritur de ingratitude dilecti populi: *Veruntamē servire me fecisti in peccatis tuis, præbuisi mihi laborē iniquitatibus tuis*. Cōqueritur De⁹ quā dūram & acerbā patientiā habuerit, quā diu & multū peccantes sustinuerit, quasi dicens: *Quid faciā tibi nescio: Parcā tibi? Sed fides tua desiderior redditur*. Persequar te? Sed mea non sustinet clementia. Quare post hāc querelā amoris plenā, rursus consolatur, ne ingratitude & impietatis suę cōscia anima penitus deiiciatur, & spe veniæ excidat: & ait: *Ego sum, ego sum ipse, qui deleo iniquitates tuas propter me, & peccatorū tuorum nō recordabor*. Quā maxima data cōsolatione, rursus disceptat cū peccatore populo, ut suā iniquitatē, Deiq; parcētis misericordiā magis ac magis agnoscat: *Reduc me in memoriam*

riam, & iudicemur simul. Narra si quid habes, ut iustificeris. Pa- Ibid. 26.
 ter tuus primus peccauit, & interpretes tui (id est, principes po-
 puli) prauaricati sunt in me. Hoc est quod Paulus dixit: Omnia Rom. 9.
 cōclusit sub peccato, ut omnium misereretur. Nunc igitur his ser- 9.
 monibus cōfusus, conuictum, & pœnitentē, sic dulcissimi a-
 moris brachiis cōplectitur: Noli timere seruus meus Iacob, & Esaia 44.
 Israel quem elegi. Effundā aquas super sitientē, & fluenta super
 aridā. Effundam Spiritū meum super semē tuū, & benedictionem
 meam super stirpē tuam. Hęc est amārissimi Dei cōclusio cum
 anima peccatrice cōpuncta. Sic ouē perditā quærit. Sic, quos
 ad se vocauit, cōseruat, ne pereat ex eis quisquam. Quis autem Ioan. 17.
 homo amoris iaculo percussus, adeoque insaniēs, vel procari
 ardentius, vel negotiari diligentius, vel dilectā suā sollicitare
 artificiosius, vel flebilius querelā instituere, vel amantiū ex-
 postulare, vel disceptare familiarius, vel parcere liberalius,
 vel deniq; benefacere abundantiū posset, quā hīc Deus ani-
 mam sibi semel charitate coniunctā & fide desponsatam, ut
 ad caulas perdita reuertatur, omnibus viis ac modis sol-
 licitat, blāditur, ex postulat, conqueritur, consolatur, ac deni-
 que cum ea disceptat, & complectitur. Quā magna multitudo Psal. 30.
 dulcedinis tuę Domine, quam abscondisti timentibus te! perfe-
 cisti autem eis qui sperant in te, in conspectu filiorum hominum.
 Facit autem hoc Deus in quocunque & cuiuscunque generis
 peccatore, qui quæsitus per gratiā, redire vult per pœniten-
 tiam. Pulchrē Chrysostomus: Si impius es, cogita publicanum. Homil. 2. in
 Si immundus es, attende meretricem. Si homicida es, perspice la- Psal. 50.
 tronem. Si blasphemus ex, cogita Paulum prius persecutorem,
 postea Apostolū: prius lupum, postea pastorē: antea plumbum, po-
 stea aurum: antea piratam, postea gubernatōrē. Nolo mihi dicās:
 Vnde scire potero me veniam esse consecutum? Vbi misericordiā
 Dei imploratur, quæstio non expetitur. Quomodo ille curat nolo
 diffidas. Stat medicus varias curationes adhibens, & non interro-
 gas quomodo curaris, sed concedis arti. Seruo concedis, & Dei mi-
 sericordia non concedis? Hęc ille. Sic bonus pastor Christus
 quærit ouem perditā, donec inueniat eā. De inuenta autem
 gaudet, humeris suis eam portans, quia inuenta ouis, recon-
 ciliati peccatoris peccata suo linore sanauit: & ne denuo pec- Esaia 33.
 cet, sua semper gratia pōtat: sicut aquila prouocans ad volan- Deu. 32.
 dum pullos suos, & super eos volitans, expandit alas suas, & as-
 sumpsit eos, & portauit in humeris suis. Inuentam autem ouem
 dicit, quæ reuera non inuenta, sed emptā fuit, idque pretio
 magno.

Simile.

Christi amor
erga singulos.

Galat. 2.

*Confess. lib. 3.
cap. 11.*

Simile.

Exemplum.

*In epist. ad
Demaph.*

Quemadmodum enim cum quis rem quam magnopere exoptabat, etiam maximo pretio emit, dicit amico suo, Ecce quod tam diu optabam, iam inueni: sic Christus, præ desiderio salutis nostræ, inuenisse se dicit, quos sui sanguinis pretio emit. Eandem etiam ob causam de oue perdita & inuenta loquitur, non de ouibus. Sic enim vnumquemque electum diligit Christus, ut si ille solus saluandus esset, pro illo solo facturus & passurus illa omnia fuisset quæ fecit & passus est pro omnibus. Quod Diuus Paulus optimè intelligēs, dixit: *In fide viuo Filius Dei, qui dilexit me, & tradidit semetipsum pro me.* Ecce agnoscit pro se in particulari Christum esse passum. Christus in Euangelio gallinæ se comparat, dicens: *Quoties volui vos congregare, sicut gallina congregat pullos suos sub alis suis?* Arqui gallina non secus sollicita & tenera mater est, vnum solum pullum ducens, quam si decem duceret. Vidit hoc & sanctus Augustinus quum scripsit: *O Deus, qui sic vnumquemque curas tanquam solum cures, & sic omnes tanquam singulos!* Sanè sicut sol splendens, non secus vnumquodque corpus illuminat, quam totum hemispherium: sic Christus patiens, diligens, quærens, non secus pro vnoquoque est passus, quam pro omnibus; non secus quemlibet diligit & quærit, quam omnes. Cuius ineffabilis dilectionis illustre documentum esse potest, quod sanctus Dionysius Areopagita suo tempore accidisse scribit: *Carpus vir sanctus infideli cuidam, qui alium à fide abduxerat, dira precatus fuerat, celeremque à Deo vindictam petierat. Hac precatus, subito vidit cælum quidem supra se apertum, Iesumque in sua gloria stantem; subitus verò ingentem terra hiatus, & duos illos, seductum atque seductorem, quibus mala imprecatus fuerat, ad os illius profunda voraginis stare trementes & miserabiles, qui & iam iam casuri videbantur, pariterque serpentes qui deorsum illos precipitare molirentur. Hac autem videns, indignè ferebat quòd necdum cecidissent, & cum sapius eos ipse impellere niteretur, semperque frustra hoc moliretur, molestissime id tulit, & contra eos rursum imprecatus est. Cum ecce vix tandem reuocatis ad superna oculis, vidit cælum sicuti & prius aspexerat. Iesumque miseratum quòd fiebat, de cœlesti illa sede consurgentem ad eos usque descendere, & porrigere clementissimam manum, Angelosque unà opem ferentes, aliunde alium tenuisse viros, ac dixisse Carpo Iesum stanti porrecta adhuc manu, ut eos impelleret: iam percute aduersum me; paratus enim sum etiam iterum pro saluandis hominibus pati: gratum mihi istud est, dum non alijs homines peccent, Tu au-*

tem vide an tibi expediat, per tuam inclemētiam istius profunda voraginis mansionem, Dei ac bonorum clementiumq; consortio præferre. Hac sunt quæ ego audita vera esse credo. Hæc Dionysius author grauissimus. Sanctus Anno, Archiepiscopus Coloniēsis, vidit in visione quosdam alios Archiepiscopos in candida & gloriosa veste vestitos, sedes gloriosas in cœlo occupare, seque inter eos cādida admodum veste amictum: cuius tamen pars aliqua, quæ pectus tegebatur, sordida quædam macula fœdabat, quam obiecta manu tegere volebat, nec poterat, ideoque à sede cum alijs capiendâ prohibitum fuisse, donec illā maculam elueret. Hâc visionē cum familiari amico aperuisset, ille sapiēter rē cōijciens, Macula, inquit, hac vestis tuæ, est memoria iniuriæ civiū tuorū, qui te anno superiore Colonia expulerunt, quibus nec adhuc veniā dedisti. Archiepiscopus testimonio cōsciētiae suæ cōuictus, statim eos omnes reuocauit, & bona fisco addicta illis restituit. Aded Christo displicet amarus zelus, placet verò pietas & benignitas: quā suo exemplo docet, quærēs ouē perditā, donec inueniat eā.

Exemplum.

In eius vita, lib. 2. cap. 25. apud Surium tom. 6.

5. Gaudium erit in cœlo super vno peccatore pœnitentiam agente, quàm super nonaginta nouem iustis, qui non indigent pœnitentia.

Locus moralis de pœnitentia peccatoris Deo semper acceptissima. Cuius causa duplex est: vna amor Dei in nos ineffabilis, qui *non vult mortem peccatoris, sed magis vt conuertatur & viuat.* Altera ipsius pœnitentiæ virtus, quæ sæpe maiorem adfert emendationem. Quod ad prius attinet, sicut amātium iræ, amoris redintegratio esse solet, sic Deus amator hominum, peccatorem reconciliatum, vt amicum redintegratum diligit. Alphonsus Arragonum rex interrogatus, Apophthecur erga omnes etiam malè meritos tam humanus ac mansuetus esset, respōdit: *Se iustitia bonis gratum esse, malis autem clementia.* Sanè sicut Dei bonitas magis elucet in misericordia quàm in iustitia (vt alio in loco dictum est) sic magis gaudent Angeli in operibus misericordiæ, quæ parit Deus pœnitenti, quàm in operibus iustitiæ, quæ remunerat bonos. Rem à simili explicat diuus Gregorius: *Maius de peccatore conuerso, quàm de stante iusto gaudium est in cœlo, quia & Dux in pralio plus eum militem diligit, qui post fugā reuersus hostem fortiter petit, quàm illum qui nunquam terga præbuit, & nunquam aliquid fortiter gessit. Sic agricola illam amplius terram amat, quæ post spinas uberes fruges profert, quàm eam quæ nunquam*

Pœnitentia peccatoris.

Apophthema.

Panormit. lib. 2. de reb. gest. Alphonsi.

Homil. 34. in Euangel. Similia.

Pars Æstimalis.

F quam

Leuit. 7.

Allegoria.

Lucæ 15.

Recuperata
magis dele-
ctant quàm
seruata.Confess. lib. 8.
cap. 3.

Similia.

1.
2.

3.

4.

5.

6.

quam spinas habuit, & nunquam fertilem messem producit. Hæc ille. In veteri Lege, quo in loco iugulabatur holocaustum, eodem in loco offerebatur hostia pro peccato. Docet hoc magnam esse peccatoris pœnitētis cum Deo amicitiam, quum in suo sacrificio, & quod ei soli debetur, sacrificium pro peccatore coniunctum esse voluit. In altera parabola de filio prodigo in gratiam à patre recepto, mediante pœnitentia, describitur in domo paterna magnum conuiuium, symphonia, chorus, vt ostendat Christus magnum gaudium, quauque trepidum fieri in cœlo ex conuersione peccatoris. Totum hoc ex amore Dei in nos proficiscitur, quod facili ex amore quo nos ipsos prosequimur, colligitur. Sic enim & nos de recuperatis bonis magis gaudemus quàm de seruatis. De hac re tota sic sanctus Augustinus: *Deus bone, quid agitur in homine, vt plus gaudeat de salute desperata anima, & de maiore periculo liberata, quàm si spes ei semper affuisset, aut periculum minus fuisset?* Etenim tu quoque misericors Pater plus gaudes de vno pœnitente, quàm de nonaginta nouem iustis, quibus nō est opus pœnitentia. Gaudes quippe in nobis, & in Angelis tuis sancta charitate sanctis. Contestantur & cetera, & plena sunt omnia testimonijs clamantibus, Ita est. Triumphat victor Imperator, & non vicisset nisi pugnauisset: & quanto maius periculum fuit in pralio, tanto maius gaudium est in triumpho. Iactat tempestas nauigantes, minaturq; naufragium, omnes futura morte pallescunt. Tranquillatur cœlum & mare, & exultant nimis, quoniam timuerunt nimis. Ager est charus, & vena eius malum renunciat: omnes qui eum saluum cupiunt, agrotant simul animo. Fit ei rectè, & nondum ambulat pristinis viribus, & fit iam tale gaudium, quale non fuit cum antea saluus & fortis ambularet. Quid quòd ipsas voluptates humana vite non inopinatis, & prater voluntatem irruentibus, sed institutis & voluntarijs molestijs homines acquirunt? Edendi & bibendi voluptas nulla est, nisi præcedat esuriendi & sitiendi molestia. Ebriosi quadam salsuscula comedunt, quo fiat molestus ardor; quem dum extinguit potatio, fit delectatio. Institutum est vt iam pactæ sponsæ non tradantur statim, ne vilem habeat maritus datam, quam non suspirauerit sponsus dilatam. Hoc in turpi & execranda latitia; hoc in ea qua concessa & licita est, hoc in ipsa sincerissima honestate amicitia, hoc in eo qui mortuus erat, & reuixit; perierat, & inuentus est, ubique maius gaudium maior molestia præcedit. Hæc Augustinus. Satis explicat ex solo Dei erga hominem ardentissimo amore hoc fieri, vt maius sit gaudium

gaudium super vno peccatore pœnitente, quàm super nona-
 ginta nouem iustis. Sed & ait paulo pòst, quòd D. Paulus *ibid. cap. 5.*
 propter Paulum Proconsulem ad fidem Christi conuersum,
 & ob tam magna insigne victoria ex priore Saulo Paulum vo-
 cari voluerit. Plus enim hostis vincitur in eo quem plus tenet, &
 de quo plus tenet.

Sed nunc quomodo ex parte pœnitentiæ ipsius maius Pœnitentis
 gaudium in cœlo fiat, tribus verbis dicitur. Verè pœnitens conuersio
 maiori cum affectu ad Deum redit, quia maius se à Deo be- illustrior.
 neficium accepisse cognoscit, iuxta illud: Cui plus dimittitur, *Luce 7.*
 plus diligit. Plus ergo diligens plus operatur, & multo emen-
 datior atque ad Deo seruendum alacrior resurgit. Sic apud
 Esaïam: Loquimini ad cor Ierusalem, & aduocate eam, quoniam *Esaïa 49.*
 completa est malitia eius, dimissa est iniquitas illius: suscepit de
 manu Domini duplicia pro omnibus peccatis suis: id est, abun-
 dantem & copiosam gratiam virtutum. In cuius rei signum
 & documentum addidit Dominus omnia quæcunque fuerant *Iob ultimo.*
 Iob duplicia, quum conuersus esset Dominus ad pœnitentiam. *Exemplum.*
 Exemplum in Dauide ponit sanctus Gregorius: David qui *Homil. 34. in*
 quondam alienam cõiugem concupiscere non timuit, postea etiã, *Euangel.*
 quia aquam concupiscit, expauit. Aquam enim ex cisterna
 Bethlehem ei grauitèr sitienti cum magno periculo militum
 allatam noluit bibere, sed libauit Domino. Rationem adfert
 eodem loco: Qui nullo se grauiori scelere constrictos sentiunt,
 pigri remanent ad exercenda bona præcipua, quia valde sibi se-
 curi sunt quòd nulla commiserunt grauiora. At conirà ex aliquo
 graui crimine conuersi, ex ipso suo dolore compuncti, inardescunt
 in amorem Dei, seseq; in magnis virtutibus exercent. Hæc Gre-
 gorius. Sic & diuus Chrysostomus: Qui per resipiscentiam *Ad Theodorum*
 iterum exurgunt, magna claritate resplendent, & non rarò ma- lapsus episto. 5.
 iore, quàm alij qui nunquam ceciderunt. Sic publicani & mere-
 trices præcedunt in regno Dei, & multi nouissimi sunt primi.
 Moxq; adfert duo exempla sui temporis, vnius iuuenis, al-
 terius senis, qui per pœnitentiam in viros clarissimos euase-
 runt, Maria Magdalena, cui dimissa sunt peccata multa, sic di-
 lexit multum, vt postea unguento perfuderit caput Christi, vt
 ad Crucem eum sequuta fuerit, vt prima ad monumentum
 cucurrerit, sola ad monumētum plorauerit, posteaq; Chri-
 sto in cœlos assumpto, in Gallia Narbonensi triginta anno-
 rum pœnitentiam acerbam in solitudine transegerit. Sancta *Exempla.*
 Maria Ægyptiaca, ex meretrice conuersa, in desertum fugit, *Luc. 7.*
 quinque panibus acceptis quibus consumptis, ex solis herbis *In vita apud*
 9. Aprilis. *Serium, tom. 9.*

*Sozem. lib. 6.**cap. 29.**In vita apud**Surium 11.**Septemb.**In vita 8.**Octobr.**In vita 14.**May.**Simile.*

annis quadraginta quinque, nullo mortaliū conspecto, victitauit. Moyses Æthiops ex latrone publico monachus factus, in eremitam euasit sui temporis celeberrimum. Theodora Alexandrina propter vnum adulterij actum, mutato habitu, monasterium ingressa, totam in eo vitā transegit admirabili sanctitate. Pelagia meretrix Antiochena, à sancto Nonno Episcopo Heliopolitano conuersa, in cellula iuxta montem Oliueti extructa vitam finiuit. Sanctus Bonifacius Martyr propter vnum fornicationis actum, Romam relinquens, peregrinatur, Martyrum curam gerit, feruente tunc persecutione, ac postremò ipse Martyr fit; Romamque corpore reducto, Aglais matrona cum qua peccauerat, quæque pœnitentiam egerat, templum in Martyris honorem construxit. Certè bruta animalia quæ laqueum semel euaserunt, cautiora fiunt postea, nec eò faciliè redeunt. Communiter quidem melior est innocētia quàm pœnitentia, sicut melior est vestis integra quàm dissuta, et si diligēter resarta. Sed sicut scissuræ vestium, si aureis funiculis & pretiosis gemmis copulentur, pulchriorem reddunt vestem ipsam, quàm si tota sana fuisset & integra; sic per egregiam pœnitentiam tanta gratia & charitate resurgit peccator, vt pulchrior reddatur quàm si in crimen non incidisset.

EVANGELIVM DOMINICÆ IIII.

POST PENTECOSTEN.

Luce 5.

VM turba irruerent in Iesum, vt audirent verbum Dei, & ipse stabat secus stagnū Genesareth. Et vidit duas naues stantes secus stagnum. Piscatores autem descenderāt, & lauabant retia. Ascendens autem in vnā nauem quæ erat Simonis, rogauit eum à terra reducere pussillum. Et sedens docebat de nauicula turbas. Vt autem cessauit loqui, dixit ad Simonē: Duc in altum, & laxate retia vestra in capturā. Et respōdens Simon, dixit illi: Præceptor, per totam noctem laborātes, nihil cepimus; in verbo autem tuo laxabo rete. Et cū hoc fecissent, concluderunt piscium multitudinem copiosam. Rumpebatur autem rete eorū. Et annuerunt socijs, qui erant in alia nauī, vt venirent & adiuuarent eos. Et venerunt & impleuerūt ambas nauiculas,

ita

ita vt penè mergerentur. Quod cùm vidisset Simon Petrus, procidit ad genua Iesu, dicens: Exi à me, quia homo peccator sum, Domine. Stupor enim circundederat eum, & omnes qui cum illo erant in captura piscium quam ceperant. Similiter autem & Iacobum, & Ioānem filium Zebedæi, qui erant socij Simonis. Et ait ad Simonem Iesus: Noli timere. Ex hoc iam eris homines capiens. Et subductis ad terram nauibus, relictis omnibus, secuti sunt eum.

PERICOPÆ moralis huius Euangelij.

1. Cùm turba irruerent in Iesum, vt audirent verbum Dei. De seruire audiendi verbi Dei.
2. Rogauit eum à terra vt reduceret pusillum. De obsequio & seruitio Dei voluntario.
3. Præceptor, per totam noctem laborantes, nihil cepimus. De vano & infructuoso omnium impiorum in hac vita labore.
4. Sed in verbo tuo laxaborere. De fiducia in Deum circa difficilia.
5. Procidit ad genua Iesu, dicens: Exi à me, quia homo peccator ego sum Domine. De sui humiliatione in conspectu Dei.

1. Cùm turba irruerent in Iesum, vt audirent verbum Dei.

Locus moralis de seruire audiendi verbi Dei, exemplo Verbi Dei populi huius qui non solùm in templo & Synagõgis, sed audiendi per agros & montes, nec paruo numero, sed turmatim, nec feruor. quomodolibet accedentes, sed magno impetu irruentes, & prementes Iesum, audiebant verbum Dei. Hunc locum iam Domin. Sexa- bis tẽrve tractauimus. Pauca tamen hoc loco addemus prout ges. text. Deus dabit. Hic egregius feruor populi Iudaici in audiendo Domin. verbo Dei, qui nostram ignauiam in die iudicij condemnabit, non hac solùm vice, sed aliàs frequenter in Euangelio apparet. Quum per aliquot dies Christum vsque in desertum secuti essent, dixit discipulis suis: Misereor super turbam: ecce iam triduo sustinent me. Alibi sic eũ frequentes sequebantur, vt diceret discipulis suis, vt nauicula sibi deservirent propter turbam, ne comprimerent eum. Quum mulier hemorrhoiſsa fimbriam eius tãgeret, isq; rogaret quis esset, dicunt ei Apostoli: Vides turbam cõprimentem te, & dicis, quis me tetigit? Alia vice sic vndiq; à turbis eum audiẽtibus circũcingitur, vt qui paraliticum à Christo sanandum adferrent, non inuenientes Luca. 5. qua parte illum inferrent præ turba, ascēderint super tectum, & per tegulas summisserint eum cum lecto in medium ante Iesum. Postremò tanta hominũ multitudo, & tanto studio ad Christum audiendũ cõfluxerat, vt dixerint Pharisei, qui omnibus Ioan. 12.

Simile.

Matth. 5.

Ican. 7.

Hebr. 12.

*Domini. 3. Quae
drag. 1. text. 7.
part. 2.*

Exempla.

2. Reg. 12.

Daniel. 4.

Act. 22.

Act. 9.

3. Reg. 10.

*Homil. 27. in
Numer.*

modis id impedire conabantur, *Videtis quia nihil proficimus?* Ecce totus mundus post eum abiit. Totum hoc nostram socordiam condemnabit, qui iuxta Ecclesias habitantes, & rariùs ad conciones vocati, fastidimus eò exire. Si iustus & bonus es, considera quòd sal non solum mortuas carnes conseruat, sed etiam viuas, & qui Christi & Apostolorum locum tenent, sunt *sal terra*, non solum ad sanandas putridas carnes, sed etiam ad conseruandas integras & sanas. Si peccator es, vide diligenter ne abhorreas à concione, existimans quòd nihil illate iuuabit. Memineris eos qui à Phariseis missi erant vt Christum comprehenderent concionantem, Christum audientes, ita compunctos fuisse, vt ad Phariseos reuersi & cur eum non adduxissent interrogati, responderint; *Numquam sic loquutus est homo.* Ne dubites quin idem tibi accidere queat: *Viuis enim est sermo Dei, & omni gladio penetrabilior, &c.* Si doctus es, ne existimes propterea auditum verbi Dei tibi esse vel non necessarium, vel non conducibilem. Nam viua vox magis afficit, & nescio quid latentis energiae habet, maximè viua vox prædicationis sacrae, quæ medium est ordinarium fidei & salutis, vt alio in loco ostendimus. Dauid etsi sapientissimus, tamen in peccato suo mansit, donec voce Nathan Prophetæ admonitus excitaretur. Quam vbi primùm audiuit, compunctus, exclamat: *Peccavi.* Nabuchodonosor contemplantur illam arborem quæ statum suum designabat; sed nihil ea mouebatur, donec Danielis viuam vocem audiret, qua ad poenitentiam adducitur. Paulus doctus erat, in Lege enutritus ad pedes Gamalielis; sed Christum non agnouit nisi voce de cœlo missa. Certè ad sapientiam Salomonis audiendam venit regina Sabæ, aliique sapientes multi de finibus terræ. Atqui plus quàm Salomō hic Euangelij prædicatio omnem Salomonis sapientiam superat. Vt cunque sis doctus, tamen nec sic vides ipse defectus tuos legendo, sicut prædicatorem, qui Christi cathedram tenet, audiendo; nec multa quæ legis sic aduertis & obseruas, sicut in prædicatione verbi ea audis obseruari: quod vsus ipse & experientia quotidiana demonstrat. Cæterum non scientiæ copia, non virtutis possessio, sed sola ignauia & socordia, rerumque diuinarum fastidium, ad audiendas conciones tardos ac pigros nos facit. Optimum cibi condimentum fames. Maximus audiendi verbi Dei stimulus, verbi desiderium. Appositè Origenes: *Omnia animalia cognoscunt proprios cibos, & appetunt illos. Sed & inter homines*

nes atas, valetudo, & habitudo corporis diuersa, alimenta appetit diuersa & conuenientia. Solus Christianus animi cibos fastidit & nauseat, nisi Spiritu Dei, & igne amoris diuini cor incensum gerat: quo si flagrat, verbo Dei audiendo nunquam satiabitur, sed cum Propheta dicet: Quàm dulcia faucibus meis eloquia tua! Super mel ori meo. Quemadmodum esurire, corporis bonam valetudinem declarat (ait Chrysostomus) sic sermones appetere spirituales, anima sanitatem arguit. Alioqui sicut qui in magno vase aceti (ait idem sanctus Doctor) modicam guttam mellis immiscet, etiam mel perdit, & acerbitas aceti non mutatur: sic, quos multa cupiditates possident, salutis verbum non admittunt. Desiderium sciendi est optimus modus proficiendi, iuxta illud: Admiratio peperit philosophiam. Diogenes quum ab Antisthene repelleretur, etiam baculum intentante, subiecto capite, Cede, inquit: non enim ita durum baculum reperies, qui me abs te, quàm diu aliquid dixeris quod discam, arcere possit. Si tantum in nobis esset rerum diuinarum, quantum in hoc homine sapientiæ humanæ erat desiderium; nullus labor, negotium nullum ab audiendo verbo Dei nos retardaret. Sed ideo audire negligimus, quia scire non appetimus. Ideo non appetimus, quia quanti valeant, non cognoscimus. Quæ à longè videmus, minora quàm sunt nobis repræsentari certissimum est: quæ verò prope nos sunt, & præ manibus, magna videntur. Sic peccatori, & rerum terrenarum amatori, omnia quæ Dei sunt, tota rerum diuinarum cognitio, minima & contemptibilia apparent; sola huius mundi gaudia & commoda, pulchra & expetenda videntur. Ex hac cæcitate & præpostero iudicio illud discrimen oritur inter cibos corporales, qui in mensa; & cibos spirituales, qui pro concione distribuuntur. Ad mensam vocati nunquam ita recusamus, quasi cibo non indigentes: ad audiendum Dei verbum inuitati, semper ita recusamus, quasi concionatoris voce non egeamus. Rursum in mensa optimum quenque cibum nobis ministrari gaudemus, deterioriorem aliis accubentibus: in verbo Dei audiendo optimum quidque (vt alicuius vitij reprehensionem, quæ ad animæ sanitatem maximè conducit) à nobis semper remouemus, & in alios trāsferimus, dicentes: Hoc verbum illū & illum perstringit, non me. Deinde in mensa volumus semper esse primi: in concione postremi. Denique omnis concio prolixa: nulla mensa prolixa videtur. Postremo in mensa eisdem frequenter & penè quotidie cibos sine nausea comedimus:

Esaia 118.

Simila.

Homil. 2. in

Esaia 118.

Homil. 31. oper.

in e. san. illut.

Laert. lib. 6.

Apothegma.

Simile.

Concionis & mensæ discrimen.

1.

2.

3.

4.

5.

in concione eundem sermonem bis audire non sustinemus. Horum omnium causa est, quia appetitus omnis rerum cœlestium in nobis deiectus est.

2. *Rogauit eum à terra reducere pusillum.*

Voluntarium
Dei obsequiū.
Matth. 8.

2. *Corint. 9.*
Leuit. 27.

Allegoria.

De Ciuit. Dei.
lib. 11. cap. 28.

S. Bernard. in
vita Malachia.

Exempla.
1.

2.
In vita ei⁹ apud
Surium, tom. 2.
pag. 947.

LO C V S moralis de obsequio & seruitio Dei voluntario. Potuerat Christus imperare Simoni, sicut *imperauit ventis & mari, & obediebant ei*, vt nauem à terra reduceret, sed rogat non imperat. Vult vt omne obsequium quod ei deferimus, voluntarium sit: *Hilarem datorem diligit Deus*, & omne opus bonum ex dilectione pensatur. In Leuitico præcipiebat Dominus: *Omnia æstimatio scilo sanctuarij ponderabitur*. Omne opus bonum, quod Deo offertur, scilo diuini amoris ponderandum est. Si ieiunas, si oras, si eleemosynam facis, ex hoc pondere opus æstimabitur. *Pondus meum* (ait Augustinus) *amor meus*. Amore quippe sicut pondere in ea ferimur quæ amamus, maiori amplius, minori minus. Charitatis feruor inter operandum facit opus per se exile & tenue, valde præstans & fructuosum. Exemplum vnum aut alterum proferemus. Ciuis quidam Eboracensis in Anglia, videns Malachiam Episcopum Romam pergentem, multos habere socios itineris, & equos non nisi tres, obtulit ei suum, quo ipse vehebatur, hoc solum dolere se inquires, quod esset runcinus, durè portans: & addit, Libentius dedissem, si melior fuisset. Sed si dignamini, ducite vobiscum. Et ego, ait Episcopus, eo libentius accipio, quo tu prædicas vilio-rem, quia non potest mihi vile esse, quicquid tam pretiosa voluntas obtulerit. Illum ergo conscendens Episcopus, primò quidem durum sentiebat, postmodum autem mira mutatione valde commodum & suauiter ambulantem inuenit: denique factus est ei optimus & pretiosissimus: quinetiam & de subnigro cepit albescere, & non multo post vix inueniebatur albiior illo. Quare & Episcopus eo nouem post annis vsque ad diem mortis suæ perpetuò utebatur. Hæc diuus Bernardus. S. Catharina Senensis quum ex putida farina & exigua, ideòque ab alia quadam statim prolicienda, plurimos panes, eosque optimi saporis in vsus pauperum suis manibus confecisset, causam huius miraculi Patri Raimundo Confessario sub roganti hanc dedit: Ne Dei donum despiceretur, & ne pauperes negligerentur, magno cum seruire accessi ad illam farinam: atque ita, Angelis mihi cooperantibus, multiplicata, & in meliorem mutata farina fuit

In vita

In vita sancti Eligij Episcopi Nouiodunensis simile exemplum legitur. Hoc quoque sensu *duo minuta vidua* laudauit 1.
 Christus: & Paulus ad Corinthios: *Scio promptum animum* Lib. 2. cap. 28.
vestrum erga ministerium in sanctos, pro quo de vobis gloriatur tom. 6. Sur.
apud Macedones. Sicut terra pinguis ex modico semine vberem fructum adfert, sic paruum opus ex magna charitate 2. Cor. 9.
 profectum, vberem mercedem à Deo reportat: quod Dauid expressit, dicens: *Sicut adipe & pinguedine repleatur anima mea*, pinguedine charitatis, & labijs exultationis, id est, Simile.
 labijs exultantibus, & præ gaudio iubilantibus, *laudabit os meum.* Vide plura huc pertinentia Dominica 1. post Epiphaniam, & in Dominica Palmarum. Psal. 62.
Text. 1.
Text. 4.

3. Præceptor; per totam noctem laborantes, nihil cepimus.

L O C V S moralis de vano & infructuoso omnium impiorum in hac vita labore. Infidelitas, hæresis, peccatum mortale, nox huius vitæ sunt & opera tenebrarum, sine Deo, sine Christo, sine luce virtutum, sine die gratiæ, sine sole iustitiæ. Vnde omnium impiorum illa vox est: *Iustitia lumen non luxit nobis*, & *sol intelligentia non est ortus nobis.* Propterea sequitur: *Lassati sumus in via perditionis & iniquitatis.* Qui post multum laborem bonam mercedem accipit, aut quod quæsiuit inuenit, aut eò quò voluit peruenit, non lassatur, non fatigatur, sed maximè recreatur. Omnes impij ideo in termino laboris lassantur, quia multum laborantes nihil cœperunt. Infidelium hominum omnis labor prorsus irritus, & inanis est, siue quoad veri scientiam, siue quoad virtutis actionem. Vnde B. Prosper: *Gracia scholæ, Romana eloquentia, & totius mundi inquisitio circa inueniendum summum bonum, acerrimis studijs, excellentissimis ingenijs laborando, nihil aliud egerunt, quàm ut euanescerent in cogitationibus suis, quia ad noscendam veritatem semetipsis ducibus utebantur.* Hoc est, cæcum intellectum cæca voluntas sequebatur, & ambo in foueam ceciderunt. *Ambulant enim gentes in vanitate sensus sui, tenebris obscuratum habentes intellectum, propter cecitatem cordis ipsorum.* Ex hac nocte infidelitatis tot apud philosophos sectæ, totque pugnantes opiniones. Vnde sanctus Augustinus: *Dum Socrates ipse omnia monet, asserit, destruit, quoniam non euidenter quod quærebat apparuit, eius discipuli quod cuique placuit inde sumpserunt; & ubi cuique visum est, ibi finem boni posuerunt.* Hinc videlicet factum est, ut sicut à magistro discipuli, sic ipsi inter se condiscipuli per-

Impiorum labor vanus.
 Sapient. 5.
 Philosophia humana nox laboris.
 Contra Collas. cap. 26.
 Ephes. 4.
 De Ciuita. Dei lib. 8. cap. 3.

De eurat. Grac.
affect. lib. 7.

Plato in dialog.
Timao.

Cicero lib. 1. de
legibus.

De Cit. Dei,
lib. 18. cap. 41.

Hæresis labor
de nocte.

1. Timot. 6.

2. Tim. 5.
1. Timot. 1.

2. Timot. 3.

Confess. lib. 12.
cap. 25.

petrò dissenserint, & sectas instituerint. Vnde apud Theodoretum Porphyrius: *Perpetua est apud nos ἀγομαχία & verborum disceptatio, utpote qui in boni coniecturam humanis rationibus ducamur. Ut autem quod melius & certius est assequamur, semper nobis indagandum relinquitur.* Denique hoc illud est quod in persona sacerdotis Ægyptij in Timæo suo conqueritur Plato: *Vos Graci semper pueri estis. Nulla enim apud vos est disciplina qua senio incanuit.* In annos videlicet singulos noui philosophi prodierunt. Tanta certè & tam infamis fuit hæc philosophorum pugna puerilis circa verum & bonum inueniendum, ut Lucius Gellius, Procōsul Romanus, Athenis quum ageret, omnibus philosophis in vnum locum conuocatis, grauitè cum illis egerit, ut controuersiarum & dissensionum harum aliquem tandem facerent modum, qua etiam in re suam illis operam & auctoritatem interponere pollicitus est: etsi inanis & irritus totus eius labor fuerit. Huius rei causam his verbis S. Augustinus reddit: *Non alia de causa inter Gracos illos philosophos, ut à magistris discipuli, & ipsi inter se cōdiscipuli dissentiebāt, nisi quia ut homines humanis sensibus, & humanis argumentis veritatē inuestigarunt.* Sic isti tota nocte laborantes, nihil ceperunt, nec veritatem attigerunt, nec virtutem coluerunt, sicut illa coli debet, id est, sic ut fructum beatitudinis inde perciperent. Alia nox huius vitæ est hæresis, cuius etiam omnes labores inanes & irriti sunt. Quod his verbis Apostolus docet: *Si quis aliter docet, & non acquiescit sanis sermonibus Domini nostri Iesu Christi, & ei qua secundum pietatem est doctrina, superbus est, nihil sciens, sed languens circa quæstiones & pugnas verborum.* De his etiam alibi dicit, quod sunt semper discētes, & nunquam ad scientiā veritatis peruenientes. Et rursus: *Volentes esse legis doctores, non intelligentes neq; qua loquuntur, neque de quibus affirmant.* Nempe dum nolunt esse discipuli veritatis, fiunt magistri erroris: semper errantes, & in errorem mittentes. Horum quoque ignorantia causa est, sicuti Paganorum, quòd semetipsis ducibus vtuntur, & per se sapere volunt. *Veritas tua Domine* (ait sanctus Augustinus) *nec mea est, nec illius aut illius; sed omnium quos ad eius communionem publicè vocas, terribiliter admonens nos, ut nolimus eam habere priuatā, ne priuemur ea. Nam quisquis id quod tu fruendum omnibus proponis, sibi propriè vendicat, & suum esse vult quod omnium est, à communi propellitur ad sua, id est, à veritate ad mendaciū.* Hæc est nox hæreticorum. Isti nihil capiunt, quia per nulla bona opera

opera Deo placere possunt. Vnde sanctus Augustinus: *Extra Ecclesiam* Cont. Parm. lib. 2. ca. 3. *vanitatem quicquid operantur heretici, quamvis magna diligentia & solertia fieri videatur, tamen nihil illis prodest aduersus iram Dei.* Rursum alibi plenius: *Extra Ecclesiam Catholicam totum potest hereticus habere prater salutem. Potest habere Ordinem ecclesiasticum, habere sacramentum, cantare Alleluia, respondere Amē,* (hoc est, in omni externo cultu cōuenire) *tenere Euangeliū, fidem Trinitatis habere & predicare. Solam salutem non potest habere. Fūdere sanguinē potest ne idola colat, coronā accipere non potest.* Hæc ille. Nox peccati mortalis sine lumine gratiæ, & igne charitatis, facit etiā vt laborantes nihil capiant, nullum laboris sui fructum percipiant, nec meritum consequantur. Hoc de eleemosyna, hoc de ieiunio, hoc de quouis bono opere extra charitatem facto docet Scriptura. De eleemosyna his verbis: *Si distribuero in cibos pauperum omnes facultates meas, & si tradidero corpus meum ita vt ardeam, charitatē autem nō habuero, nihil mihi prodest.* I. Cor. 13. Psal. 104. De oratione his verbis: *Fiat oratio eius in peccatum.* De ieiunio: *In diebus ieiunij vestri inuenitur voluntas vestra, & omnes debitores vestros repetitis. Ecce ad lites & contentiones ieiunatis. Non est hoc ieiunium quod elegit Dominus.* De ipsa pœnitentia: *Esau quasiuit cum lachrymis locum pœnitentiæ, & non inuenit.* Esau 38. Hebr. 12. Nempe quia iratus fratri hoc quasiuit, non dolens super temeritate sua, qua vendidit primogenita. Deniq; sic animam peccatricem Deus alloquitur: *Sta cum multitudo maleficiorum tuorum, in quibus laborasti ab adolescentia tua, si fortè quid prosit tibi, aut si possis fieri fortior. Defecisti in multitudo consiliorum tuorū. Et per alium Propheam. Ponite corda vestra super vias vestras. Seminaastis multum, & intulistis parum. Comedistis, & non estis satiati, bibistis, & non estis inebriati: operuistis vos, & non estis calefacti; & qui mercedes cōgregauit, misit eas in sacculum pertusum.* Esau 47. Aggai 1. Hic est labor eorum qui vanitates sectantur. *In aranearum telas erit vitulus Samaria: quia ventum seminabant, & turbinem metent: culmus stans nō est in eo: germen non faciet farinam: quod et si fecerit, alieni comedent eam.* Osee 8. Vide vt omnibus modis docet Spiritus sanctus homines impios nullos ex suis laboribus fructus capere: *In circuitu impij ambulat.* Psal. 11. Sicut mola toto die se vertens, eodem se loco vespere inuenit, nihil progressa: sic impij, auari, ambitiosi, voluptuarij, nihil in hunc mūdū intulerunt; nudi, obscuro, plorantes nati sunt: nihil inde auferēt; nudi, obscuro, plorātes moriētur. Tim. 6. Equi nobiliū bene phalerati, auro & argento cōtecti, toto die honorantur

norificè ambulât. Sed quum domũ redeunt, omni illo ornatu sublato, nihil illis restat, nisi fatigatio, sudor, & vulnera quæ ex tantis oneribus & cursibus acceperunt. Diuites, ambitiosi, voluptuarij, sentient in fine, omnes illas diuitias auarè vel acquiritas, vel retentas, omnes honores cupidè vel cõparatos vel possessos, omnes voluptates illicitas, mera onera, eademque graua & acerba fuisse. Hæc nempe sunt. *Desideria multa & inutilia, & nociua, quæ mergunt homines in interitum & perditionem, in qua incidunt qui volunt diuites fieri.* Damascenus, vt ostendat quàm vanus sit omnium huius mundi voluptatum labor, ponit quendam in discrimen capitis vocatum, qui tres amicos habebat, quorum duos ingenti semper affectu amauerat, mulraque pro illis pericula, labores multos sustinuerat, tertium verò sapiùs aspernatus fuerat, & rarò admodum coluerat. Horum igitur primum quum supplex adiisset, auxilium in eo discrimine flagitãs, & vt causam suã apud iudicẽ commendaret vehementer rogans, responsum accepit, se quidem id facere non posse quod petebat, tamen honoris causa ad tribunalis locum eum comitari velle. Secũdũ quum supplex adiisset, nihil aliud ab eo opis accepisse, nisi duo cilicia, quibus in via vteretur, si vellet. Tertium verò etsi nõ absque magna verecundia aggrediens, & in extremo hoc articulo opem eius etsi immeritam suppliciter rogans, hilari & amœno vultu acceptus est, seque sincerimũ eius amicũ esse professus, Bono, inquit, sis animo, Regẽ adibo; & vt tibi propitius sit, obsecrabo; causamque tuã apud eum diligentissimè agam. *Qua respõsione accepta, miser ille afflictus plurimum est animo consternatus, nesciens quid magis deploraret, suamue in tantũ amicum extremam negligẽtiam, an aliorum erga se maximã ingratitudinem, an verò suã erga ipsos tantam & tam malè collocatam beneuolentiam.* Horum amicorum primus est vxor, liberi, amici, cognati, ceteriq; secũdũ carnem familiares. Hi enim hominem ad extremum vitæ diem hoc solo obsequio prosequuntur, vt ad sepulchrũ vsque cadauer comitentur, nulla in re alia illi post mortem utiles. Secũdus amicus est diuitiarum copia, totaque mundi gloria, ex qua post mortem nihil secum homo aliud aufert præter duo fortè cilicia, quibus sepeliendũ corpus inuoluitur. Itaque per istos duos amicos tota nocte laborans, nihil utilitatis accepit. Terrius amicus vera virtus est, pietas, iustitia quam in hac vita quisque exercuit & coluit: quæ quantumcunq; exigua, comitatur tamẽ, & causam hominis post mortem apud Deum

1. Tim. 6.

In historia de
Barlaam &
Iosaphat,
cap. 13.
Parabola.

Deum Iudicem vehemēter cōmendat. *Opera enim illorum sequuntur illos.* Sed de duobus aliis amicis, mundo & carne, dicit iterum Scriptura: *Seruietis diis alienis, qui non dabunt vobis requiem die ac nocte.* Sicut porta in cardine semper vertitur, *Simile.* nec inde exit: sic peccator terminum sui doloris non inuenit.

Adolescēs aliquādo captus amore alicuius mancipij, ita illam deperit, vt et si certò sciat, si eam in vxorem ducat, fore vt ipse statum seruilem subeat, à nuptiis tamen illis, & indigna copula abstinere nolit. Sic diuitis, honoribus, voluptatibus multi ita desponsantur, vt malint cum illis perpetuam seruire seruitutē, & tota nocte laborantes nihil capere, quàm earū cupiditatem deponere. De huiusmodi sanctus Iob dicit: *Sicut tela araneorum fiducia eius.* Aranea se totā euiscerādo vt rete conficiat, nihil in eo nisi muscas capit. Musca præter id quod vilis est & immunda, importuna quoque est & molesta: quam si semel atq; iterum abigas, vsque tamen & vsque redibit. Auarus, ambitiosus, voluptuarius, inuidus, vindictæ cupidus, perpetuis curis & cogitationibus affligantur, ad id quod appetunt consequendum, nec ab illis curis die noctuq; liberantur, quia cupiditates, vt musca importuna, mentes eorum incessanter exagitant. Magna cæcitas, tota nocte laborantes nihil capere, qui tantū de die laborantes, & ex præscripto legis diuinæ, amplissimam mercedem acciperent. Si quis mercator eodem pretio afferret veros lapillos, & verum aurum, quo alius vendit adulterina, cæcus & insanus haberetur qui recusaret. At Deus pro eodem labore venale exponit regnum celorum, quo diabolus terrenam hanc & ementitam felicitatem. Sed vt qui de nocte laborant, quis futurus sit laboris fructus, ante laboris exitum non vident: sic terrenarum rerū amatores, & solliciti negotiatores, quis futurus sit eius negotiationis fructus, nisi finitis huius vitæ nūdinis nō aduertūt. Et sicut pisces, quā diu inuenta in esca hamo pascuntur, nihil mali sentiunt; & auiculæ laqueo captæ, interim dum præda poriuntur, satis se tuto ac bono loco esse putant; sed pisces sublato ex aquis hamo interitū suum tunc primum vident, & auicula dum euolare contendit, tunc demum se captam cernit: ita omnis generis impij in statu peccati positi, & huius seculi noxiis voluptatibus positi, miserā suam catastrophē non prius vident, quàm quum sibi in adeptis bonis quietem & pacē pollicentur. Tunc enim repentina mors *hæc ipsa nocte animā repetens*, qualem somnū dormierunt, ostendit. O quā longa nox, & quā vacuæ manus! *Dormierunt enim somnum*

*Simile.**Simile.**Similia.**Luce 12.*

somnum suum, & nihil inuenerunt in manibus suis. Vide plura in aliis Dominicis.

4. *Sed in verbo tuo laxabo rete.*

Fiducia in
Deum.

Exemplū.

1. Reg. 30.

Psal. 17.

Philipp. 4.
Esaia 40.

Exempla.

1. Reg. 17.

2. Reg. 14.

1. Parap. 20.
Nehem. 4.

1. Mach. 3.

LO C V S moralis de fiducia in Deum circa difficilia. Hic lenim Petrus etsi tota nocte laborando nihil piscium cepisset, quod tamen tenebrarum tempus piscationi maxime aptum est; tamen nunc clara luce retia ad capturam laxare, Christo iubente, non veretur, plus videlicet in verbo Christi, quam in arte sua confidens. Docet nos hoc exemplū, in rebus semper arduis magis Dei verbum seu promissionis, seu præcepti, seu etiam consilij attendere maioremq; in eo fiduciam ponere, quam in humanis vllis viribus aut præfidiis, siue ea nobis desint penitus, siue quomodocūque adsint. Dauid cum sociis suis, videns quod eo absente Siceleg incensa esset, omnesque vxores & paruuli cum tota substantia per latrones Amalecitas abducti, in re tam desperata, cæteri quidem leuauerunt voces suas, & planxerunt, donec deficerent in eis lachrymæ: sed statim confortatus Dauid in Domino Deo suo, consuluit Dominum, persequitur latrunculos, comprehendit eos, & excutit prædam. Sic alibi idem Dauid: *Quoniam in te eripiar à temptatione, in Deo meo transgrediar murum.* Totus ille Psalmus hæc in Deum fiduciam canit. Sic Apostolus: *Omnia possum in eo quia me confortat.* Rationem assignat Esaia. *Qui sperant in Domino, mutabunt fortitudinem:* id est, nouam induent, à Deo acceptam. Egregiū in Dauide exēplum contra Goliath, cui Dauid dixit: *Tu venis ad me cum gladio, & hasta, & clypeo: ego autem venio ad te in nomine Domini exercituum.* In hac fiducia Ionathas turbauit castra Philistinorum solus cum suo armigero, dicens: *Non est Domino difficile saluare vel in multis, vel in paucis.* Dixit Iosaphat rex exercitui suo, ad pugnam congregato: *Credite in Domino Deo vestro, & securi eritis.* Nehemias vidēs tot imminere pericula & labores in reādicanda Ierusalem, dixit aedificantibus *Deus noster pugnabit pro populo, & nos ipsi faciamus opus.* Sic Iudas Machabæus ad suos milites: *Non in multitudine exercitus victoria belli, sed de calo fortitudo est.* Alia exempla in aliis locis prolata vide, & de hoc argumēto plura in aliis Dominicis, vt Dominica 4 Aduentus, text. 5. & 7. in Dominica Pasche, text. 4. Dominica. 4. post Epiphaniā. text. 4. Dominica Quinquagesimæ. text. 3. & 4. Dominica 4. Quadragesimæ. text. 2. Dominica in Albis, text. 1. & Dominica Pentecostes; text.

text. 5. Certus esse debet de re, qui habet pignus apud se. Ver- *Simile.*
 bum Dei seu promittentis opem, seu iubentis opus, pignus
 certissimum est. Neque enim vel falsa promittit, vel impossi-
 bilia iubet; sed iubendo quod non possumus, docet nos id pe-
 tere vnde possumus: nec petenti vnquam negat, quia nihil se
 negaturum promisit *Redimet Dominus animas seruorum suo-* *Psal. 33. & 36.*
rum, & non delinquent omnes qui sperant in eo. Cum ceciderit
(iustus sperans in Deo) non collidetur, quia Dominus supponit
manum suam. Præsentissimum est Dei auxilium sperantibus
 in verbo eius; & solum Dei verbum iustis omnibus, vt ba- *Verbum Dei*
 culus, vt anchora, vt turris fortissima, omnis præsidij loco est. *omne præsi-*
 Hinc illæ voces: *Memor esto verbi tui seruo tuo, in quo mihi* *Psal. 118. 129.*
sperem dedisti. Rursum: *Sustinuit anima mea in verbo eius, spera-* *& 16.*
uit anima mea in Domino. Et iterum. *Propter verba labiorum*
tuorum ego custodiui vias duras. Denique hanc maximè ob
 causam dicit Propheta: *Lucerna pedibus meis verbum tuum,* *Psal. 118.*
& lumen semitis meis. quia sicut lumē oculos, sic Dei verbum *Simile.*
 animam lætificat, & mira consolatione replet: sicut lumē pi-
 gros ad opus excitat, sic Dei verbum timidos ad fortitudinē
 prouocat. iuxta illud: *Verba sapientum quasi stimuli.* Sicut ex *Ecclesi. 12.*
 luminis solaris reflexione generatur ignis, sic verbum Dei
 generat in anima amoris flammam, iuxta illud: *Eloquium Do-* *Psal. 104.*
mini inflammavit eum. Sed sicut lumen in diaphano & perspi-
 cua materia intenditur, in materia autem sæculenta remitti-
 tur: sic in animo puro & desecato verbum Dei fortitudinem
 generat, amorem excitat, consolationes adfert; sed in animo
 materialium & terrenarum rerum amore quasi densa nube
 offuscato, verbum Dei nec penetrat, nec vllam operationem
 sibi propriam facit. Similis Simoni Petro esse debet; simplex
 in malo, feruens in bono, humilis corde, qui audita Dei vo-
 ce, confestim dicat: *In verbo tuo laxabo rete.* Verbum Dei se-
 men est, multum fructificans. sed in terra bona. Verbum Dei
 est cibus anime, sed illis qui renati sunt ex verbo. Eisdem
 enim nutrimur, ex quibus sumus: sicut pullus nascitur ex
 albugine oui, & nutritur ex vitello eiusdem.

5. Procidit ad genua Iesu, dicens: Exi à me, quia homo
 peccator ego sum, Domine.

Locus moralis de sui humiliatione in conspectu Dei. Pe- Humiliatio
 trus indignum se tanta Christi gratia existimans, vt tan- sui ipsius.
 tum

tum miraculum eo præfente, & in eius naucula Christus operaretur, peccatorem se profiteretur, & Christi præfentia indignum. Sed quo se indigniorem Christi conuerfatione iudicabat, dicens, *Exi à me Domine*; eo Christo propinquior factus eft, & omnium eius indiuiduorum comitum intimus, omnium Apoftolorum familiariffimus, & fecretorum maxime confcius. Quanto humilius fedefat, tanto amplius capiebat, ficuti Magdalena fecus pedes Chrifti fedens, vt verbum vitæ audiret. *Saul cum effer paruulus in oculis fuis, factus eft caput in tribubus Ifrael.* Vbi oftium eft humile & paruum, neceffe eft demiffio capite intrare, vtcunque fit domus magna. Vt cælum ingrediari, vt ad virtutem & veram gloriam pertingas, per Chriftum intrare debes. *Ille enim eft oftium.* At ille mitis & humilis corde erat: & hoc ipfum vt nos effermus, ab eo nos difcere iubet. *Non in fpiritu, non in commotione Dominus; fed fibilus aure tenuis.* Illic habitat & requiefcit Dominus, vbi humiliter de fe animus fentit, *non ambulans in mirabilibus fuper fe*, fed ficut recenter ablactatus à matre fua, qui adhuc pendet à matre fua, *ficut modò geniti infantes, in fimplicitate cordis lac concupifcit.* Inter cæteras fponfæ dotes hæc ponitur: *Statura tua affimilata eft palma, & vbera tua botris.* Palma eft arbor, cuius radix quanto plus opprimitur, tanto altiùs confurgit, habetque radicem maxime in terra defixam. Habet quoque folia ad modum palmæ manus humanæ, quam natura fine vnguibus pungentibus, & fine aculeis formauit. Hæc omnia humilitatem fpiritus, manfuetudinem & fimplicitatem fponfæ fignificant: vt fic fructus fuauiffimos proferat, ficut palma fuos dactylos; & in altiffimam comam infurgat, ficut palma quæ arbor eft maxime procera, & in capite valde comata. Sic enim dicitur: *Iuftus vt palma florebit in domo Domini.* Quia folus Petrus hoc viſo Chrifti miraculo fe maxime humiliavit, propterea ei foli refpondit Chriftus: *Noli timere, ex hoc iam eris homines capiens;* eum plus cæteris honorans. Sic alibi ex fuma animi humilitate Chrifto dixit, *Non lauabis mihi pedes in æternum:* fed à Chrifto correctus, ex eadem humilitate promptiffime morem gerit, dicens: *Domine, non folum pedes, fed & manus & caput.* Hæc eft humilitatis virtus, iuxta illud: *Inter mediū montium pertransibunt aquæ, & valles abundabunt frumento.* Humilibus datur abundantia gratiarum, & copia meritorum. Sicut enim valles aquofæ funt, fructuofæ, vmbrofæ, & calidæ propter folis ardorem magis cõclufum, & aquarū defluxum,

Exemplum.

1. Reg. 15.

Simile.

Ioan. 10.

Matth. 11.

3. Reg. 19.

Pfal. 130.

1. Pet. 2.

Cant. 7.

Simile.

Pfal. 91.

Luce 5.

Ioan. 13.

Pfal. 103.

Simile.

defluxum, proptérque vicinos montes: sic animæ humiles, propter gratiarum decursum, & conclusæ charitatis ardorem (superborum enim charitas, si quæ in operibus est, effluit tota per vanam gloriam) & vicina Sanctorum exempla, quæ illi intuentur, sunt perpetuò bonorum operum fructuosæ. Nempe, vt ait Scriptura, *Vbi est humilitas, ibi est sapientia.* Prou. 11. *Simplicitas iustorum diriget eos.* Humiliter enim de se sentiens, & seipsum meliùs cognoscit, & ad Deum cognoscendum perspicacior efficitur. *Excelsus Dominus, & humilia* Psal. 137. *respicit, & alta à longè cognoscit.* Sic Phariseus de bonis operibus sibi placens, seque cæteris hominibus præponens, abiectus est: Publicanus suam miseriam agnoscens, iustificatus est.

Ipsa docet rerum natura, in magnis Dei donis, multisque virtutibus humilitatem animi adesse semper oportere. Ramus quo fructibus est onustior, eo terram versus magis deprimitur. Spica quo granis plenior, eo se incuruat magis. Ramus erectus, & spica erecta, vacua sunt. Vasa vacua magis resonant, repleta minùs. Cuius arboris folia lata & densa sunt, vel nullum vel rarum fructum adfert. Multa loquuntur, multum iactitant, multum verborum habent, quibus solidæ virtutis inest minus. Humilitas taciturna est & timida, sed bonis operibus plena. Sicut stella in firmamento est modica in apparentia, sed verè magna, & quidem (vt Mathematici tradunt) tota terra maior: sic humilis quum sit apud Deum & in rei veritate magnus, sibi tamen atque alijs paruus & contemptibilis videtur. Inter superbum & humilem hoc discrimen est. Superbus ab omnibus cognoscitur, sed seipsum nescit: humilis à nemine cognoscitur, sed seipsum optimè nouit. Sicut pueri homine conspecto, nihil nisi hominem cognoscunt, nec vestem, nec dignitatem considerantes: sic humilis factus vt paruulus (*nisi autem efficiamur vt paruuli, non intrabimus in regnum cælorum*) res ipsas, vt à Deo sunt, considerat, non vt mundi vanitas nouo fuce eas depinxit. Plura de hac insigni virtute iam in alijs Dominicis aliquoties diximus, & adhuc plura infrà dicemus, Dominica 10. post Pentecosten, textu vltimo.

Pars Æstivalis.

G EVAN

Matth. 5.



AMEN dico vobis, nisi abundauerit iustitia vestra plus quàm Scribarum & Phariseorum, non intrabitis in regnum cœlorum. Audistis quia dictum est antiquis: Non occides. Qui autem occiderit, reus erit iudicio. Ego autem dico vobis: quia omnis qui irascitur fratri suo, reus erit iudicio. Qui autem dixerit fratri suo racha, reus erit concilio. Qui autem dixerit fatue, reus erit gehenne ignis. Si ergo offers munus tuum ad altare, & ibi recordatus fueris quia frater tuus habet aliquid aduersum te; relinque ibi munus tuum ante altare; & vade prius reconciliari fratri tuo: & tunc veniens offeres munus tuum.

PERICOPÆ moralis huius Euangelij.

1. Nisi abundauerit iustitia vestra plus quàm Scribarum & Phariseorum, non intrabitis in regnum cœlorum. Contra hypocrisim, & de varijs eius generibus.

2. Ego autem dico vobis: Qui irascitur fratri suo, reus erit iudicio. Contra iram aut quodcunque odium proximi.

3. Qui dixerit fratri suo, fatue, reus erit gehennæ. Contra contumelias & maledicta in proximos.

4. Si offers munus tuum ad altare & ibi recordatus fueris quod frater tuus habet aliquid aduersum te, relinque munus tuum ante altare, & vade prius reconciliari fratri tuo: & tunc veniens offer, &c. De necessaria & non differenda reconciliatione fraterna.

1. Nisi abundauerit iustitia vestra plus quàm Scribarum & Phariseorum, non intrabitis in regnum cœlorum.

Hypocrisis, & vana eius genera.

1. Externa rectitudo siue interna.
Luce II.

Matth. 23.

Locus moralis contra hypocrisim, & de varijs eius generibus. Iustitia enim Scribarum & Phariseorū tota hypocritica erat: quia vel in externa tantum rectitudine, neglecta interna & vera cordis iustitia; vel in ipsa externa aut præpostera & mutila, quia parua exactè seruabant, maxima negligebant; aut ficta tantum & simulata, quia verbalis potius erat quàm realis observatio, consistebat. Ad primam quod attinet, dicit illis Christus: Vos Pharisei quod de foris est calicis & catini mundatis; & quod autem intus est vestrum, plenum est rapina & iniquitate. Stulti, nonne qui fecit quod de foris est, etiam quod deintus est fecit? Rursum alibi: Va vobis Scribae

Scribe & Pharisei. Similes estis sepulchris dealbatis, quæ à foris parent hominibus speciosa, intus verò plena sunt ossibus mortuorum, & omni spurcitia. Sic vos à foris paretis hominibus iusti, intus autem pleni estis hypocrisis, & omni iniquitate. Hæc est detestanda impietas sub fuce iustitiæ. Iustitia Christianorum debet esse interna, & in corde; non ficta, nec in labijs. *Diligamus non verbo & lingua, sed opere & veritate.* 1. Ioan. 3.

Omnia opera hypocritæ sunt sicut falsa moneta, exterius deaurata, intus lutea. Sunt vacua vasa bene signata, & titulis speciosis ornata. Sunt sicuti poma illa quæ circa mare mortuum (vbi olim Sodomæ stetit & Gomorrha) nascuntur, vt varij scribunt authores, & quæ colore & magnitudine speciosa sunt, maturæque videntur ac solida; sed vbi ea primùm tetigeris aut compresseris, in vaporem foetidum & sulphureum resoluntur, tam naribus ingrata, quàm oculis erunt iucunda. Similium congeries.

Sunt quasi opacum, & vmbrosum nemus, quod prima facie amœnum, & delicijs plenum apparet, sed intus non nisi serpentes ait. Sunt sicut tormenta bellica in castri propugnaculis disposita, quæ magnum aspicientibus terrorem adferunt, sed puluere & globis vacua, ideoque inania terribilia. Vides in hypocrita ieiunium, orationem, eleemosynam. Quem ista non moueant? Sed deest diuini amoris ignis, deest intentionis bonæ globus, & ita nihil valent. Quod natura differt ab arte, hoc vera iustitia ab hypocrisis. Natura in omnibus animalibus à corde suum opus incipit: pictores & statuarij à facie, nec interiora possunt exprimere. Assimilantur hypocritæ struthioni, de quo Iob ait: *Penna struthionis similis est* Iob 39.

herodij & accipitris. Accipiter & herodius sua velocitate reliquas aues superant. Struthionis autem pennæ similitudinem eorum habent, volatus autem non habet. Alas quidem quasi ad volandum erigit, sed nunquam à terra eleuatur. Tales sunt hypocritæ, qui actiones externas quasi alas ad volandum excitatas habent, animo tamen & corde toti terræ inhaerent, & terrena sapiunt. Quum enim sint immunditia suæ, malitia lupi, astutia vulpes, inani gloria volucres, transfigurant se tamen in Angelos lucis. Sicut vulpes simulat se mortuam vt gallinas capiat, securè ad eam accedentes; sic hypocritæ mortificationem simulant, vt simplicibus imponant, & sub pietatis prætextu prædam aliquam capiât. De quibus Apostolus: *Voluptatum amatores magis quàm Dei, habentes speciem quidem pietatis, virtutem eius abnegantes. Et hos deuota.* 1. Tim. 3.

Simile.

Homil. 7. in
Exhaemeron.
Simile.

Psalm. 27.
Esaias 5.

Apoc. 3.

Text. 5.
Hypocrisis
superstitiosa.

Luca 11.
Matth. 23.

Exempla.
Plutarc. lib. de
discrim. adul.
& amic.

ratas peccatis. Tales hypocritæ polypo similes sunt, de quo sic scribit sanctus Basilius: Non silentio præterierim polypi dolos ac furacitatem. Is cuicumque saxo adhaerit, colorem subit illius, atque adeò, ut piscium complures ad ipsum de improviso nantes, tanquam ad saxum appellant, paratamq; sese offerant illi prædam. Tales sunt qui sobrietatem cum sobrijs laudant, intemperantes sunt cum intemperantibus, atq; ad id quod cuique placet, suam omnino sententiam vertunt. Quos euitare faciliè nemo potest, propterea quòd pietatis prætextu, prauitas eorum fucata & adornata profundè latet. Hæc ille. De huiusmodi David: Loquuntur pacem cum proximo suo, mala autem in cordibus eorum. Maledixit Dominus vineæ de qua expectauit ut faceret uuas, & fecit labruscas. Labrusca habet colorem uuæ, sed non saporem; sicut opera hypocritarum bonum habent colorem, sed Deo sunt insipida. Videtur hypocrita huiusmodi esse tepidus ille, quem euomet Dominus. Habet enim exterius calidum quid, & interius frigidum: feruet actio, & friget intentio. Vide plura in Dominica prima post Pentecosten.

Alia iustitia Phariseorum siue alia hypocrisis, erat externa quædam sanctitas præpostera & mutila, quia in minimis scrupulosi erant, in maximis nullam conscientiam ponebant. De qua Christus: *Vae vobis Phariseis, qui decimatis mentham & rutam, & omne olus, & præteritis iudicium & charitatem Dei. Vel, ut Matthæus habet, & reliquistis quæ grauiora sunt legis, iudicium, & misericordiam, & fidem.* Hanc iustitiam superamus, & hypocrisim corrigimus, si magna facimus, & parua non prætermittimus: si in nos ipsos rigidi & seueri sumus exactores, non adulatores: si quum parua præstitimus, non propterea sanctulos nos esse opinemur; sed quæ maiora non facimus, attentè dispiciamus. Ptolomæo regi Ægypti, quia discendi cupidus videbatur, adulatores ei familiares de lingua, de versiculo, de historiola digladiantes, ad mediam vsque noctem reluctabantur. At verò sæuienti, ferocienti, vectigalibus populum oneranti, nullus è tam multis obsistebat. Cum aliquando Tiberius Cæsar in Senatum venisset, surgens adulator quidam, ait, hominibus liberis liberè loquendum esse: nihilque metu dissimulandum, neque quicquam reticendum eorum quæ ad publicam vtilitatem pertinent. His verbis cum omnes excitasset, factoque silentio, & ipso etiam auscultante Tiberio, Audi Cæsar, inquit, in quo te quidem culpamus omnes, etiam si nemo palàm audet dicere. Negligis teipsum, corpúsque

tuum

tuum exponis pro nobis, sollicitudinibus & laboribus illud
 efficiens, nec interdiu, nec noctu quiescens. Huiusmodi
 multa cum ille dixisset, aiunt Oratorem Caium Seuerum
 subiecisse: Ista libertas hunc hominem exitio dabit. Tales
 adulatores tam sui ipsius, quam aliorum sunt hypocritæ.
 Non ille bonus medicus est, qui hominis tubera fistulasque
 habentis, pilos tantum & ungues ferro incidit. Non ille bo-
 nus ludimagister est, qui puerum de tabula & stylo castigat,
 mores autem eius deprauatos dissimulat. Ridiculus ille cen-
 sor ac monitor esset, qui imperitum Oratorem, nihil que di-
 centem quod ad causam pertineat, reprehensurus, de voce
 cauilletur, & grauiter accuset, quod frigidam porans cor-
 rumpat arteriam. Merito Diogenes Musicos in ius vocat, *Laërt. lib. 6.*
 quod quum lyræ chordas congruè aptarent, animi mores *Apophthe-*
 inconcinnos haberent. Grammaticos quoque admirabatur, *gmata.*
 quod quum Vlyssis mala tam studiosè inquirerent, sua prorsus
 ignorabant. Quam præposteram diligentiam prudenter *August. epist. 56.*
 Themistocles refutauit, qui rogatus inter epulas ut neruis *ad Dioscorum.*
 caneret, quum respondisset, se illam artem nescire, aliisque
 inculisset, Quid ergo nosti, si hoc non nosti? respondit iterum,
 Rempublicam ex parua magnam facere noui. Sicut ergo ab-
 surdum & præposterum est, parua curiosè scire, magna
 nescire; parua in alijs curiosè arguere, magna dissimulare:
 sic præposterum & periculosum admodum est, in paruis de-
 lectis ingentes scrupulos ponere, magna crimina sine scrupu-
 lo committere. Dauid uisa Bethsabée, & iam captus in ocu-
 lis suis, inquirebat an mulier sanctificata esset ab immu-
 ditia sua; & non inquisiuit an viro esset copulata coniugio.
 Iudæi noluerunt ingredi prætorium ne contaminarentur, sed
 falsis testimonijs Christum morti tradere nihil verebantur. *Exempla.*
 Tales sunt qui in ceremonijs externis omnia accuratissimè
 obseruant. seriùs ad Ecclesiam venisse, in horis reddendis
 versiculum omisisse, pro maximo piaculo habent; sed in ipsa
 Ecclesia fratres maleuolè obseruare, inuidia laborare, ob-
 scenas cogitationes voluere, pro nullo delicto habet. De quo
 hominum genere sic conqueritur Augustinus: Sed hoc nimis
 doleo, quia multa que in diuinis libris saluberrimè præcepta sunt, *Epist. 119.*
 minus curantur; & tam multis presumptionibus sic plena sunt, *cap. 19.*
 omnia, ut grauiùs corripiatur qui per octauas suas (id est, per fe-
 sta solennia) terrâ nudo pede tetigerit (non calceatus & meliùs
 solito vestitus) quàm qui mentem violentia sepelierit. Alia *Simulata*
 Phariseorum iustitia seu hypocrisis erat, verbalis, non realis, *sanctitas.*

ficta & non vera mandatorum obseruatio, quam sæpe in Euangelio taxauit Christus: *Quacunque dixerint vobis, facite; secundum opera eorum nolite facere. Dicunt enim, & non faciunt.* Rursum: *Si filij Abraha estis, opera Abraha facite.* Et iterum: *Nōne Moyses dedit vobis legem, & nemo ex vobis facit eam?* Et adhuc apertius: *Va vobis legisperitis, quia tulistis clauem scientiæ, ipsi non introiistis; & eos qui introibant, prohibuistis:* malum videlicet exemplum & scandalum præbendo, Et alibi: *Onera grauiā imponunt humeris aliorum, & digito suo ea nolunt mouere.* Quem locum alibi exposuimus, simulque de hoc hypocrisis genere in aliis Dominicis diximus. Hæc hypocrisis omnibus ferè Iudæis communis erat, omnium certè filiorum veteris testamenti, siue in statu legis, siue in statu gratiæ (non enim temporum, sed morum hæc differentia est, ad vetus vel nouum Testamentum pertinere, veterem vel nouum hominem esse) propria est. Horum enim omnium vox est: *Quacunque dixerit Dominus faciemus, & erimus obediētes;* sed nihil opere præstant. Isti pertinent ad minorem illum filium, qui iussus ire & operari in vinea, dixit: *Eo Domine; & non iuit.* De his Apostolus dicit: *Qui in lege gloriaris per prauaricationem legis Deum inhonoras.* Nomen enim Dei propter vos blasphematur inter Gentes. Atqui iustitia nostra debet esse maioris filij, & gentilis populi; qui etsi ad tempus noluit obedire Deo, & vocatus in vineam, respondit: *Nolo ire, postea tamen pœnitentia motus iuit.* Hic enim fecit voluntatē patris sui. Qui enim fecerit & docuerit, hic vocabitur magnus in regno cœlorū: Hic verè hæres regnabit, & ideo his verbis statim subiecit Christus hunc Euangelij nostri textum, simulque ostendit, hanc Phariseorum iniustitiam & hypocrisim in hoc genere maximè consistere, quòd dicat bene, & faciat malè, vt deducit sanctus Augustinus. Anacharsis Scythæ de Græcis hoc notauit, quòd præclare loquerentur, & nihil facerent, ideòque similes eos illis esse dicebat, qui numismate ad nihil aliud vterentur, nisi ad numerandum. Appositè sanctus Augustinus: *Sicut cuius pulchrum est corpus, & deformis animus, magis dolendus est, quàm si deforme haberet & corpus; ita qui sanctè loquitur, & malè viuīt, magis miserādus, quàm cuius vita improba verbis respondet.* Hoc enim est ex eburnea vagina plumbeum educere gladium. De istis verū est quod scribit Oseas: *Oblitus est Israël factoris sui, & delubra ædificauit.* Obliuiscuntur hypocritæ Dei in corde, & de labiis suis ædificāt templa, quia omnem

Matth. 23.

Ioan. 8.

Ioan. 7.

Luc. 11.

Matth. 23.

Domin. 3. Ad-
uent. text. 4.

Exod. 24.

Matth. 21.

Roman. 2.

Matth. 21.

Matth. 5.

De fide & oper.
cap. 26.Contra Faustum,
lib. 17. cap. 5.Plutarch. in lib.
de profectu mo-
rum.Apophtheg-
ma.De doct. Christ.
lib. 4. cap. 28.

Similia.

Osee. 5.

omnem sanctitatem in verbis ponunt: *Labijs suis me honorāt,* *Matth. 15.*
cor autem eorum longè est à me. Sunt quasi aurum alchymisticum, quod splendet, & non valet. Vox quidem eorum
 vox Iacob, sed manus eorum manus Esau sunt: opera reproborum faciunt, loquuntur vt electi. Sed aurichalco
 hypocrita propriè assimilatur: auri colorem habet, non valorem. Cibaria in aurichalco seruata, malè sapiunt, & odorem foetidum contrahunt. Sic hypocrisis interiores affectus corrumpit; quos diu celatos vbi semel producere audet hypocrita, teterrimi apparebunt, & pestilentes. Vasa ex aurichalco facta, quum noua sunt, nihil verè aureis splendore cedunt, sed paulatim rubiginem contrahunt, tandèmq; cupream suam originem manifestè produnt. Sic hypocrita in prima cum eo conuersatione vir sanctus videtur, sed diuturniore consuetudine minùs placet, ac tandem prorsus displicet, quum sub pelle leonina auriculæ prominent asinæ. *Matth. 23.*
A fructibus eorum cognoscetis eos. Hypocrita est *arundo vento agitata.* *Matth. 13.*
 Arundo radicem habet in arena, & vento, pluuia, flumine obruitur. Hypocrita totus radicitus in amore terrenorum, & quauis tēratione seipsum prodit, simulationemque deponit. Inter veram ouem & lupum in vestitu ouis hoc discrimen est: vt vera ouis si tondeatur, semper tamen lanam gerit, quæ in proprio subiecto & naturali facile denuò succrescit. At vellus quo se vestit lupus, si tondeatur, nunquam denuò succrescit, sed statim se prodit lupus. Sic vera virtus tribulatione roboratur, simulata & hypocritica de-regitur & reuelatur. Sicut solis ardor ceram dissoluit, & lutum indurat: sic tribulationis æstus cor molle & flexibile ad emendationem trahit; cor luteum, & sordidis cupiditatibus repletum, quale hypocritarum est, indurat magis. Rursum arundo omni vento agitur. Sic hypocrita ad omnem fortunæ auram se flectit. Arundo exterius virorem habet, intus medulla, & omni soliditate caret. Hypocrita in verbis sanctus est, in corde vanus. Arundo citò crescit, & citò arefcit. Sic hypocritæ gloria & existimatio, de qua Iob: *Gau-* *Iob 20.*
dium hypocrita ad instar puncti. Denique sicut perforatur manus quæ arundini innititur, sic facilè læditur qui hypocritæ fidit. De quo Elaias: *Ecce confidis super baculum arundineum & confractum,* *Esaia 38.*
&c. cui si innixus fueris homo, intrabit in manum eius, & perforabit eam. Quemadmodum Patroclus Achillis arma induens, & equos in pugnam educens, hastam Peliaeam non ausus est attingere, sed hanc omisit: sic hypo-

*Apophtheg-
ma.*

9.

10.

*Plin. natur. hist.
lib. 8. cap. 18.*

11.

12.

*Pharisaica va-
na gloria.*

critæ verba & voces Sanctorum concinnè resonant, facta-
corum non attingunt. Illis dici debet quod adolescētī leuif-
simo de temperantia & sobrietate in Senatu Romano gra-
uiter differentī responsum erat: *Quis te ferat adificantem ut
Crassus, cenantem ut Lucullus, loquentem ut Cato?* Cygnus
plumas habet omni niue candidiores, sed carnem nigram,
& digestionis durissimæ. Sic hypocrita sub verbis mellitissi-
mis venenum alit. Pantheram propter pellis pulchritudinē,
& colorum varietatem, & odorem quem emittit, cætera
animalia sollicitè adeunt, & multum videre desiderant, sed
toruitate capitis deterrentur, vnde ipsa caput occultat, &
accidentia animalia rapit & deuorat. Sic hypocrita propter
externam sanctitatem, & opinionem eius, à multis appeti-
tur, quos ipse postea vel corrumpit sua improbitate, vel ad
suum emolumentum trahit. Potest quoque & erucæ aptissi-
mè comparari ipsa hypocrisis. Eruca est vermis maximè no-
xius arboribus & herbis: folia, flores, & ipsas inter-
dum frondes & pampinos corrodit. Sic hypocrisis omnes
animi affectus, verba, & opera corrumpit, nihil in homine
sanum relinquit. Eruca omnibus consumptis texit de suis
visceribus telas, more aranearum, quibus se per totam hye-
mem inuoluit, adhærens arboribus, & semen suum pestife-
rum custodiens. Egerit enim quædam oua, quibus in vere
erumpentibus nascitur multa proles. Sic hypocrita ad sui
conseruationem, & ad dissimulationem ingeniosus est, &
orta aliqua aduersitate, multis technis & dolis suam celat
malitiam, adhærens aliis bonis viris, tantisper dum tempe-
stas transeat, quorum ope multa secreta facit multorum se-
mina malorum. Eruca ad modum bombycis sericum fa-
cientis, transformat se ex reptili in volatile, & fit papilio, &
quâdo volat, minùs est noxia quàm quando reptat. Sic hypo-
crita ad modum iustorum, qui præclare de Ecclesia & Re-
publica merentur, sit ex priuato Prælarus, ex paupere diues,
atque apertè superbus: & tunc minùs nocet, quia magis se
manifestat (magistratus enim probat virum) quàm quando
in sua paupertatē reptabat, opinione sanctitatis multos de-
cipiens, & seipsum perdens. Nam ut luctatores suum corpus
humiliant ut deficiant alios; sic hypocritæ seipfos exterius
humiliando, alios sæpenumero supplantant, & aliis deiectis
in ipsorum loca & dignitates conscendunt. Alia adhuc Pha-
risæorum hypocrisis erat, in omni virtutis opere laudem &
gloriam humanam captare. *Omniem iustitiam suam faciunt,
ut vi-*

ut videantur ab hominibus. Hanc insaniā corrigere debemus, *Matth. 6.*
 qui à Christo nomen accipere volumus: vt in aliis iam Do-
 minicis semel atque iterum latè deduximus. Hic tamen pau-
 ca addemus. Bonus Christianus in omni virtutis actione pu-
 ram Dei gloriam ante oculos habere, & eam solam quære-
 re debet. *Artes omnes humana* (ait D. Basilus) *ad finem sibi*
præfixam actiones suas omnes dirigunt: hominis Christiani finis *In Reg. fus. expli.*
est, ei placere, cui se probauit. iuxta illud Apostoli; *Contendi-*
mus in omnibus, siue absentes siue præsentés, placere Deo. *ad quæst. 5.*
2 Timot. 2.
2 Corin. 5.
 hunc finem omnia dirigēda, sicut cynosuram respicit nauta,
 vt cursum dirigat. Nunquam ille rem faciet, qui segetem
 suam in herba colligit, nec autumnum expectat, quod messis
 tempus est. Qui nunc laudari volunt, receperunt mercedem
 suam, quia æterna carent. Tinea virtutum laudis cupiditas
 est. Sicut enim tinea ex bono panno nascitur: sed eundem
 consumit, quia non excutitur, sed compressus iacet pannus:
 sic ex bona virtute vana nascitur gloria, ipsamque virtutem
 corrodit, hoc est, debita mercede priuat, quia apud se manet
 recti operis consideratio, non excutitur, non examinatur
 quis eius verus author sit, Dei scilicet gratia, non humanæ
 vires. Egregiè Augustinus: *Nisi humilitas omnia quacunque*
benefacimus, & præcesserit & comitetur, & consecuta fuerit, & *Epist. 56.*
præposita quā reueamur, & apposita cui adhereamus; & impo-
sita qua reprimamur; iam nobis de aliquo bono facto gaudenti-
bus, totum extorquet de manu superbia. Hæc ille. Proponi de-
 bet, vt finis quem intuemur non sit vana, id est, ab homini-
 bus; aut nostra, sed Dei solius gloria. Apponi debet, vt non
 nostris viribus, sed Dei auxilio adhærentes, benè operemur.
 Imponi debet, vt non in nobis, sed in Domino gloriemur.
 Quare hanc & primam, & secundam, & tertiam, & sic dein-
 cept hominis Christiani virtutem, sicut in eloquentia pro-
 nuntiationem esse respondit Demosthenes, ibidem affirmat
 sanctus Augustin⁹. De hac falsa Phariseorum iustitia à Chri-
 stianis superanda & corrigenda, in altero Promptuario con-
 tra hæreticos disputauimus.

2. Ego autem dico vobis: Omnis qui irascitur fratri
 suo, reus erit iudicio.

LOCVS moralis contra iram, aut quodcunque odium
 proximi. Quum enim Phariseorum iustitia, id est, hypo-
 critis, præter illa omnia hypocritis genera in superiori loco
 G 5 explicata,

Ira & odium
 proximi,

explicita, etiam ex hac parte hypocritica fuerit, quod literalis tantum esset, non spiritualis; & in externo tantum opere, non in voluntate peccatum poneret, ideoque præcepta de non occidendo, de non mœchando, de non furando, opus tantum externum prohibere existimarent: hunc grauiissimum errorem confutat Christus, docetque internum nocendi desiderium peccatum esse, & quidem huiusmodi ut reum iudicio constituat. Sic Augustinus hunc locum exponens: *Quia non intelligebant Iudæi homicidium, nisi peremptionem corporis humani, aperuit Dominus omnem iniquum motum ad nocendum fratri in homicidij genere deputari.* Iosephus Iudæus reprehendit Polybium, quod Antiochum ideo periisse dicat, quia Dianæ templum diripere voluerat. *Voluisse enim tantum* (inquit) *ac non etiam profecisse sacrilegium, non videtur res digna supplicio.* Sic cæteri Iudæi concupiscentiam in Decalogo prohibitam, non aliam esse volunt, quam eam quæ cum proximi iniuria coniuncta est, & ut iustitiæ aduersatur, non castitati. Sed hanc eorum falsam iustitiam superamus, ab omni etiam prauo cordis affectu cauendo. Thales philosophus, Iudæis in hac parte sapientior, *rogatus an lateret Deum homo malè agens, Ne cogitans quidem*, inquit. *Quale frumentum molæ imponimus, talem illa nobis farinam reddit.* Mola actionum nostrarum, est agitatio phantasmarum. *Ex abundantia cordis os loquitur, & manus operatur. Beatus qui allidit paruulos tuos ad petram.* Interfice inimicum dum adhuc paruulus est: noli serpentem in sinu tuo alere, ne eo crescente tu ab eo occidaris. Non hoc simpliciter damnatur, quod malas cogitationes habemus; illæ enim nobis inuitis surrepunt: *Et non est in potestate nostra*, ait Augustinus, *quib⁹ visis tågatur*, sed quod in illis immoramur. Permissum erat Iudæis, ut Gentes eorū fines liberè transirent; sed ut inter se habitare eos sinerēt, id prorsus prohibitum erat. Connubia cum alienigenis penitus interdicens Deus, hanc causam adiecit: *Quia seducunt te, ne sequaris me, sed magis ut seruias dijs alienis.* Qui animo & voluntate peccatum voluit, & voluendo cōsentit, iam cum eo connubium iniit, & fornicatus est: certissimè eū seducet, ut actionē impiā voluntati cōformē producat. Cogitatio & primus mentis motus est quasi radix arboris. Si viuít bono succo plena; folia & fruct⁹ bonos dabit. Si infecta est vel pice, vel sulphure; fructus oēs quos profert, inficietur, prauí & corrupti erūt. Bōbyces seu vermiculi illi qui sericū faciunt, in principio sunt quasi minutis-

lima

Contra Faustum,
lib. 19. cap. 23.

Antiqui. lib. 12.
cap. 13.
Cogitationes
malæ abiciē-
dæ.

Laert. lib. 1. c. 1.
Apophtheg-
ma.
Simile.
Matth. 14.
Psal. 136.

Delib. arb. lib. 3.
cap. 25.
Allegoria.
Num. 18.

Deuter. 7.
Simile.

Simile.

Simile.

sima grana sinapis: fœminæ autē illos sacco inclusos ante
 pectus gestâtes, calore pectoris fouent, & ad vitam educant,
 vt vermiculi fiant. Caue ne improbam contra fratrem cogi-
 tationem tam diu in sinu pectoris foueas, donec tandē ver-
 mis fiat, qui conscientiam tuam rodat. *Homo malus ex malo* Matth. 12.
thesauro cordis sui profert malū. Nec gratiæ defectus, nec dia-
 boli suggestio, sed sola voluntas improba malitiam in men-
 te operatur. *Si animo deficit cogitatio bona* (ait sanctus Basilius)
perspicuum est, quod una cum cogitatione, illuminatio quoque di-
uina deficit: non quia id deficit quod illuminat, sed quia id dormi- In Regul. bre-
tat quod illuminari debet. iuxta illud, *Dormitauit anima mea* uior. ad q. 80.
praetadio. Quamuis ex silice igniario percusso, ignis excitetur,
 tamen nisi sulphuratam mox adhibeas, nihil effectum est. Sic Simile.
 etli diabolus tētationis suæ igniario (quod *iaculum ignitum*
 Apostolus vocat) sensualitatis tuæ lapidē percusserit, ignem- Ephes. 5.
 quē desiderij expresserit, ille tamen ardebit nunquam, si con-
 sensus & voluntatis tuæ sulphuratam non adhibeas. Ira igitur
 aut odium animo contra fratrem conceptum, peccatum
 semper est à nobis ipsis profectum, qui cor nō custodiuimus,
 qui diabolo aditum permisimus, qui cum Deo collecti & vni-
 ti non stetimus. *Qui per frequentem cum Deo cōmunicationem*
(ait sanctus Basilius) in eum collectus est is quī corpore suo utra- Cōstitut. monach.
tur, tantum ut domicilio curarum suarum, & ad mentis actiones cap. 6.
educendas instrumento, licet casus illum in forum attulerit: vel in
montem, vel in agrum, licet in maxima alicuius conuentus ce-
lebritate versetur, stabilis tamen in naturali suo monasterio ma-
net, quippe qui mentem suam introrsum ad seipsum recollectā ge-
rat, ibiq; de rebus ad officium suum pertinentibus tractet. non se-
 cus sanè quàm auarus utcumque cum aliis hominibus saepe
 versetur, animus tamen eius semper in arca est, vt gulosi in
 patinis, & libidinosi in amoribus. Non solū ergo à prauo
 opere abstinendum, à cæde, à percussione, à contumelia, sed
 etiam ab omni maleuola in proximū cogitatione. Hoc igno-
 rare Iudæi ipsi non poterāt. Sic enim in lege eorum scriptum
 erat: *Nō oderis fratrem tuum in corde tuo.* Et Dauid dixit: *Qua* Leuit. 19.
dicitis in cordibus vestris, & in cubilibus vestris compungimini. Psalm. 4.
 Esaias quoque: *Auferte mala cogitationum vestrarum ab ocu-* Esaias 1.
lis meis. Cæterum Iudæorum mentes sicut odium excæcauit,
 ne diligenter fratres; sic etiam excæcauit ne suam ipsi
 legem intelligerent. Docet ergo Christus non irascen-
 dum fratri. In peccato duæ quasi facies conspiciuntur.
 Vna est Dei offensa: altera est ipsius peccatoris prolapsio. Peccati cōside-
ratio duplex

Psal. 4.

Moral. lib. 5.

cap. 33.

Offic. lib. 1. c. 21.

Enarrat. in

Psal. 4.

Iraſci peccato,
non peccanti.

Enarrat. in

Psal. 138.

Simile.

Exempla.

Exod. 32.

1. Reg. 8.

C. 22.

1. Reg. 18.

1. Cor. 4.

2. Cor. 2.

Illa ad iram prouocat virum iustum, & diuinæ legis zelatorem: hæc ad compassionem mouet virum bonum, & fraternæ dilectionis studiosum. Iustus igitur peccato quidem irascitur, quia contra legem Dei est: sed fratri non irascitur quia proximus eius est. Hoc est quod Dauid dixit: *Iraſcimini, & nolite peccare.* Aliud enim est ira per zelum, aliud ira per vitium. *Ira per zelum* (ait Gregorius) *sapientes turbat: ira per vitium stultos interficit.* Sic Ambrosius: *Iraſcimini ubi culpa est, cui iraſci debeatis.* Sic & Augustinus hunc locum enarrans, *Vt iraſci peccato, in ipsa, inquit, ira modum teneamus, vt non peccemus, vt vincatur ratione iracundia.* Quæris hunc modum? videtur tibi difficile, iraſci peccato, & nō iraſci fratri peccanti, id est, ab eius dilectione nō recedere: Vide ergo. Pater castigat filium peccantem; nec tamen odit filium: imò quanto magis filium amat, tanto magis filium castigat. Sed & tibi ipsi saepe iraſceris, vel peccanti in Deum, si bonus es; vel peccanti & erranti circa huius vitæ negotia, si mundanus es; nec tamen à tua ipsius dilectione recedis. Imò quanto teipsum magis diligis, eo magis doleſte per Dei offeſam ab eius gratia excidiſſe, si bonus es; vel aliquo tuo cōmodo caruiſſe, si mundanus es. Sic ergo iraſcere peccanti proximo, ſicut tibi ipsi peccanti. Debes enim proximum tuum diligere ſicut teipſum. Hoc est quod Dauid dixit: *Perfecto odio oderam illos.* Hoc est, ait Augustinus, *nec propter vitia homines odiſſe, nec vitia propter homines diligere: ſed quanto magis naturam hominis amas: tanto magis vitium odiſſe, quòd naturam illam à te ſic adamatam ſcedauit.* Hæc ille. Quāto veſtis tua pretioſior eſt, tanto indigniùs ſers maculam in illa. Sic magis offeſdit macula in toga, quàm in calceo; & in toga pretioſa, quàm in vulgari & domeſtica. Sic Moyſes iraſcitur Iudæis de vitulo aureo, & indigniſſimè rem tulit: ſed tamen orat pro illis ardentiſſimè, dicens: *Aut dimitte illis hoc peccatū, aut dele me de libro vitæ.* Sic Samuel iraſcitur populo poſtulantī Regem, ad eò vt Deus ad eum placandum dixerit: *Non te ſpreuerunt, ſed me.* Idem tamen ait populo: *Absit à me vt ceſſem orare pro vobis.* Sic Dauid iratus eſt filio Abſalom rebeli, & ingentem exercitum contra eum emiſit. Præcipit tamen ducibus ſuis, toto audiente populo: *Seruate mihi puerum Abſalom.* Sic Paulus iraſcitur Corinthio fornicario, & tam eum, quàm amicos eius grauiter obiurgat: *Et vos* (inquit) *inflati eſtis, & non magis luctum habuiſtis.* Attamen vt oſtenderet ſe non homini, ſed peccato eius iratum fuiſſe, audita correptione ſcribit: *Confirmate in eum*

chari

charitatem, ne absorbeatur à tristitia. Sic alibi: Si quis non obed- ^{2. Thessal. 3.}
dit verbo nostro, per epistolam hunc notate: & ne commisceamini
cum illo, ut confundatur: & nolite quasi inimicum existimare, sed
corripite ut fratrem.

Hoc est non irasci fratri, cui nunquam irasci oportet, ne ^{Iraſci fratri}
 quidem ex iusta causa. Quod enim apud Matthæum additur, ^{nulla ex causa}
sine causa, (etſi in veteribus Græcis exemplaribus suo tempo- ^{licet.}
 re ea verba non reperiri affirmant ^{a Hieronymus & b Augu-}
 stinus) hunc sensum habet, ut quicumque fratri irascitur tan- ^{a In Com. ad c. 5.}
 quam fratri, ille sine causa iusta irascatur. Sic Augustinus rem ^{Matthæi.}
 exponit: *Non fratri irascitur, qui peccato fratris irascitur. Qui* ^{b Retract. lib.}
ergo non peccato fratris irascitur (sed ipsi fratri) *ille sine causa* ^{1. cap. 19.}
irascitur. Vnde diuus Basilii: *Quomodo irasceris sine causa?* ^{Ibidem.}
Cum demon instigat, & homo instigatur, tu homini maledicis, si-
cut canes qui saxa mordent, quando iactantes lapidem non
attingunt. Nunquā ergo iusta causa est ut fratri irascaris, ut à
 fratris dilectione recedas. Qui sic irascitur, reus est iudicio.

Hoc iudicium multiplex est. Priuat Dei amicitia, & men- ^{Iudicium Dei}
 tis lumen aufert. *Qui odit fratrem, in tenebris est, & in tenebris* ^{contra irascen-}
ambulat, & nescit quod eat, quoniam tenebra excacauerunt ocu- ^{tes.}
los eius. Mille mala, mille absurda committit, quem ira & o- ^{1.}
 dium transuersum agit. *Sicut enim in maris tempestate, multus* ^{1. Ioan. 2.}
tumultus, clamor magnus, nec ibi quis philosophandi tempus ha- ^{Similia.}
bet; ita nec in ira. Quemadmodum nec solis radius cernitur, ^{Chrysos. Hom.}
 quum commotæ nubes cæli faciem obducunt, nec turbatus ^{30. ad pop.}
 fons inspicientis imaginem reddit, quam tranquillus osten- ^{Antioch.}
 dit: sic animus ira commotus nihil videt. Denique ipsa sibi ^{2.}
 crux est. Nulla enim sic vipera corpus laniare, sicut ira ani-
 mum torquere solet. Qui fratri irascitur, qui de vindicta co- ^{Gregor. Moral.}
 gitat ac meditatur, in seipso perpetuam carnificinam exer- ^{in Job. lib. 5. c. 33.}
 cet. Docuit hoc Christus, dicens: *Discite à me quia mitis sum &*
humilis corde, & inuenietis requiē animabus vestris. Si nullum ^{Matth. 11.}
 aliud in ira malum, in māsuetudine bonum esset, quā quod
 illa bellum, hæc pacem animo adfert; vel hoc solū iudicium,
 ne fratri irascamur, satis terreret. Sed maius iræ malum est,
 quod qui fratri irascitur, Deum iratum sentit, & Dei iudi- ^{3.}
 cium patitur: *Desine ab ira, & derelinque furorem: noli æmula-* ^{Psal. 36.}
ri ut maligneris; quoniam qui malignantur, exterminabuntur.
 Æmulatur ut malignetur, qui sic irascitur peccato, ut ira-
 scatur & fratri: qui sic æmulatur legem, ut malignetur
 proximo. Zelus pietatis, odium peccati debet præcedere, ^{Similia.}
 ut sic scias fratrem corripere. Sicut in tormento bellico pul- ^{1.}
 uis

uis tormentarius non antrè sed retrò ponendus est, non in ore tormenti, sed in cauda, vt sic globum foris emittat; (nam si in ore tormenti puluerem & ignem apponas, teipsum interficies;) sic in correptione & castigatione fratris, si irà in principio actionis adhibes, teipsum interficis, & fratrem non iuuas, sed perturbas tantum & scandalizas: si autem primò zelum pietatis, & odium peccati animo concepisti, & propter hæc duo tantum ad correptionem accessisti, vt postea nò nisi coactus irascaris, tunc ira quæ instrumentum virtutis est, verbum correptionis quo frater emendandus est, sine tuo periculo, & cum alterius fructu, quasi globum è tormento emitteret. Non est satis circa fratris offensionem, ab omni læsione proximi aut contumelia abstinere, nisi etiam omnem animo ægritudinem aduersus eum deponas. Alioqui ægritudo illa, quasi occultus hostis, te à victoria reliquorum inimicorum redeuntem (qui enim nec facto nec verbo lædit, iam quosdam animi hostes superauit) clanculum & per insidias interficiet. Quid autem Duci profuerit, à victoria redeunti, clam in via ab occulto hoste interfici? Lancea vulneratus nò bene à medico sanatur, cuius particula aliqua seu assula in carne relicta est. Hæc enim sola in carne putret, & ad mortem pertrahet. Nulla odij, vel minima acicula in corde contra proximum retinenda, si saluus esse cupis, & à iudicio immunis. Nempe iudicium Dei erga irascetem in fratrem, hoc est,

2.

3.

Luca 6.

Domin. 1. post
Pentecost. text. 1.
& 3.
Matth. 5.

Diligere ini-
micos.

vt qua mensura mensus fuerit, eadem à Deo remetiatur & ei, Deumque iratum & seuerum sentiat, qui erga fratrem inimicis fuit. De qua re vide suprà in alia Dominica. Huc quo-

que pertinet quod alibi Christus dicit: *Diligite inimicos vestros, benefacite his qui persequuntur vos.* Adeò enim non irasci inimico prohibet hoc loco Christus, vt eum à nobis diligere velit Diligere inimicos præceptum est, quantum ad dilectionem communem, quæ excludit omnem iram & odium, omni tempore exhibendam, perpetuò retinendam: & etiam quantum ad particularem dilectionem, vt consilio, auxilio iuuare, quando id res exigit, & necessitas eius postulat. Quæ etiam particularis dilectio extra necessitatem, consilium est, & homine Christiano digna. Sed semper sic diligendus inimicus, vt nunquam sit odio habendus. Apè S. Augustinus:

Tract. 8. in epist.
Ioan.

Cum inimicum amas: fratrem amas Respicis enim inimicum aduersantem, sauientem, mordentem verbis, exasperantem odij. Attendis tamen quia homo est, & à Deo factus. Hoc in illo dili-

gis. Hoc nomine tibi frater est. Reliqua odisti, quia eius sunt : non Similia. Dei. Sic Deus amat peccatores: hic agricola terram incultam, & faber lignum rude atque impositum non reiecit : Faber optimus (ait Augustinus) videt lignum non dolatum, impositum, ^{Ibidem} & recens de silua praeisum. Adamauit. Nescio quid inde vult facere. Videt idoneum esse, vnde accedente arte ad opus utile fiat. Agricola quoque (vt idem Doctor alibi scribit) ^{Contra Faustum lib. 22. cap. 70.} quam terram viderint ingentes herbas etsi inutiles progignere, frumentis aptam esse pronuntiant: & quem montem oleastris siluescere aspexerint, oleis esse utilem cultura accedente non dubitant. Sic Moyses Aegyptium occidens, Saulus Ecclesiam persequens, Petrus Malchi auriculam amputans, siluestres erant oleastri, in oliuas fructiferas, à Spiritu sancto exculiti, postea conuersi. Sed cur inimicus diligendus, cur fratri in nos peccanti non irascendum, in alia Dominica varias causas & ^{Domin. Passio- nis, text. 3.} considerationes produximus, quæ hîc locum habere possunt. Vide etiam Dominicam 1. post Pentecosten, super illa verba: Dimittite, & dimittimini. Illa enim omnia huc pertinent.

7. Qui dixerit fratri suo, fatue, reus erit gehenna.

Locus moralis contra contumelias & maledicta in proximos. Dicere enim fratri, *fatue*, est aliquo conuicio & maledicto fratris seu proximi tui honorem violare, pacem turbare, amicitiam dissoluere: quæ tria maxima mala sunt, & gehennâ digna. Nihil bono nomine, fama, & existimatione pretiosius, quæ contumelia vitiantur. Iudæos Christo maledicentes, his verbis Christus grauiter reprehendit: Ego ^{Ioan. 8.} honorifico Patrem, & vos inhonorastis me. Etsi suam gloriam non quæreret, tamen deberi illi gloriam docet: vnde addidit: Ego non quaro gloriam meam. Est qui quarat, & ^{Dominic. Passio- nis, text. 4.} indicet. Quæ verba contra contumeliosos in alia Dominica tractauimus, quæ huc referri possunt: Apostolus dicit: Cui honorem, honorem. Et iterum. *Honore inuicem prauenite.* Virtuti enim quum debeat, absque criminis suspitione non negatur. ^{Prouerb. 22.} Melius est (ait Sapiens) nomen bonum, quàm diuitie multe: super argentum & aurum gratia bona. Qui famam alterius contumelia lædit, tunicam innocentis Ioseph in sanguine tingit, quia maculam vesti honestatis aspergit. Carnem quoque cum sanguine comedit (quod Lex vetuit) qui in proximi actiones maledicum dentem infigit, quo infamiae sanguinem elicit.

Num. 12.

elicit Maria soror Moyſis maculam fratri aſpergere voluit, dicens: *Non per ſolum Moyſen locutus eſt Dominus; nonne & nobis ſimiliter eſt loquutus?* Hoc erat authoritati eius derogare, exiſtimationem imminuere, & famam lædere, ac denique fatue ei dicere. Dicit enim fratri, *fatue*, qui murmure vel detractiōe, ſapientiæ & exiſtimationi eius iniquè derogat. Sed illa propter linguæ petulantiæ lepra ſtatim percuſſa eſt. Chore, Dathan & Abiron, honori Moyſis & Aaron lingua maledica detraxerunt, dicentes: *Cur eleuamini ſuper populum Domini?* Sed terræ hiatus viuos abſorpsit eos. Semei maledixit David maledictione peſſima, & honorem eius vehementer violauit. Sed Salomon filius eius nō deduxit canos eius paciſicè ad inferos. Alia exempla vide in Dominica Paſſionis. Conuiſcium quoque & contumeliam flagellum linguæ vocat ſanctus Iob, quia honorem imminuit, & pacem turbat. *A flagello lingua abſconderis.* Quæ verba explicans ſanctus Gregorius, ait: *Flagellum lingua, eſt exprobratio illata contumelia. Flagello enim lingua bonos feriunt, qui eorum bona opera irridendo percutiunt. Sape enim lingua à bono opere dum vituperat, reuocat; & quaſi flagellum ſe erigit, quia dorſum timidæ mentis cadit. Sancta autem anima à flagello linguæ abſconditur, quia dum in hoc mundo honorem laudis non querit, nec contumelias detractiōis ſentit. Hæc ille de anima ſancta.*

Iob 5.

Moral. in Iob,
lib. 6. cap. 19.

Prou. 15.

Simile.

Sed infirmiora vaſcula non ſic ab hoc flagello ſunt immunia. Vnde Sapiens communiter loquendo ait: *Reſponſio mollis frangit iram; ſermo durus ſuſcitatur furorem.* Sicut lapis in aquam coniectus, ex placida turbulentam facit, & multos circulos mouet: ſic contumelia in animum pacatum coniecta, ex quieto turbulentum reddit, & nouos in animo motus excitat, niſi rara & ſancta fortitudo immotam mentem teneat. Hoc aduertens Apoſtolus dixit: *Si inuicem mordetis & comedetis, videte ne ab inuicem conſumamini.* Et iterum monet, vt *ſupportemus inuicem in lenitate & manſuetudine.* Sumus enim vaſa fictilia. Vt quid illa ex composito collidimus, & conuiſiis atque contumeliis fratris fragilitatem perentamus? Quantam ad pacem fraternam violandam contumelia & maledictum vim habeat, David expreſſit, dicens: *Venenum aſpidum ſub labiis eorum: quorum os maledictione & amaritudine plenum eſt.* Aſpis morſu nocet, & pernicioſiſſimè nocet; ſed vt minùs noceat, hominem nō videt (ſi enim videre poſſet, vix quiſquam eius morſum euaderet) ſæpius auditu excitatur, quàm viſu; quia non in fronte, ſed in temporibus

Pſal. 13.

Simile.

Plin. natur. hiſto.
lib. 8. cap. 23.

poribus oculos habet, eisdemque hebetes. Sic homo maledicus maximè mordet; & si tam esset oculatus, quàm est auritus, & curiosus in alienis virijs vestigandis, linguæ eius aculeos nemo euaderet. De hoc etiam rursus Dauid: *Ecce Psal. 10. peccatores intenderunt arcum; parauerunt sagittas suas in pharetra, ut sagittent in obscuro rectos corde.* Pharetra peccatorum est cor malitia & amaritudine plenum; quam ut deponant, hortatur Colossenses Apostolus, dicens: *Nunc autem Coloss. 3. deponite iram, indignationem, malitiam, blasphemiam, turpem sermonem de ore vestro.* Arcus intentio est, qua singulas has sagittas, quum volunt, emittunt. Sed inter alias contumelia & sermo turpis citius depromuntur, quibus clanculum pios & rectos corde percutiant. Contumeliæ vulnus utcunque sanetur, manet tamè cicatrix; nec facile abluitur aspersa labe, ut aliqua macula non relinquatur. *Dentes eorum arma & sa- Psal. 17. gitta, lingua eorū gladius acutus.* Sicut enim virulenti sunt herbarū succi, ita sunt venena verborū: & sicut est languor & lepra In exhortat, ad plebem. corporis, ita prurigo obrectationū, lepra est animarū: ait Emis- Simile. senus. Certè in veteri Lege iubetur leprosus habere os veste Allegoria. contactū quando foras egreditur; ne habitu pestifero obuios Luca 15. inficiat. Nam & lingua maledici est *sepulchrum patens, sordore Psal. 13. plenum, pestilentes verborum halitus emittēs, qui & circumstantes inficiant, & eum cui maledicatur, certo ictu percutiant, vel honorem lædendo, vel pacem animi turbando, vel etiam charitatem & amicitiam (si infirmior est) dissoluendo.*

De quo tertio puncto nunc aliquid suggerendum. Disertè hoc docet Scriptura: *Sicut mittens lapidem in volatilia, deiecit illa (quia etsi non tangat aut lædat, tamen auolare & separari à se inimicem facit) sic & qui conuiciatur amico, dissoluit amicitiam.* Nempe verba maledica, contumeliæ, conuicia sunt illa quæ *seminant discordiam inter fratres.* quod tantopere se odif- Prou. 6. se Deus proficitur, ut suprà explicatum habes in alia Domini- ca. Sicut amici detestantur saxum aut canem incurrentem qui eos dirimat; sic execrari deberent homines caninos, qui maledicentia sua dirimunt necessitudines, mutuamque beneuolentiā. Sicut noctuæ aues inauspicatæ noctu gementes (nam propria hæc illis vox est) mortalium quies inuident; ita virulenta lingua semper aliquid spargit, quo concordiam hominum disturbet. Bona fides animal, quoniam cornibus implexis non potest lædere, fugiens finem reddit, cuius contactus insequentes ut ignis aliquis comburit. Ita maledici quia alia sæpe ad nocendum arma non habent, sed Dei

providentia improba & petulea vacca angusta cornua dededit (ut apud nos Anglos in proverbio est) ideo sparsis probris & impuris conuicijs contaminant hominem. De hoc maledicentiae malo dixit diuus Iacobus: *Lingua modicum quidem membrum est, & magna exaltat. Ecce quantus ignis quam magnam siluam incendit? Et lingua ignis est vniuersitas iniquitatis: inquietum malum, plena veneno mortifero.* Huius exempla non deunt, quod ex vno verbo maledico non solum dissensiones priuatae, & simultates acerbae quotidie nascuntur, sed & ingentia bella orta sunt. Sed alterius loci illud est.

Contumelia
cur Deo displiceat.
Homil. 13. in
Matth.

Coloss. 3.

Docendus magis populus, cur ita contumelia in fratrem Deo displiceat, ut cum qui dicit ei, *fatue*, reum gehennae pronuntiet. Iam ex parte proximi tres causas diximus. Nihil autem ita studet Deus (ait sapienter Chrysostomus) ut nos mutuis charitatis nexibus colligare. Propterea & per semetipsum, & per discipulos suos, & in veteri & in nouo Testamento, plurimo hoc mandatum sermone commendat. Deinde quanta est perpetuae charitatis ad salutem necessitas, tam est maledicentiae certa perniciēs. Sed & nihil magis à vocatione Christiana abhorret, quam maledicum esse & conuiciatorem, Quod Apostolus considerans, ita scribit: *Induite vos sicut electi Dei, sancti & electi* (hoc est enim omnis verè Christianus) *viscera misericordiae, benignitatem, humilitatē, modestiam, patientiam: supportantes inuicem, & donantes vobismetipsis, sicut quis aduersus aliquem habet querelam, sicut & Dominus donauit vobis, ita & vos. Super omnia autem haec, charitatem habete, quod est vinculum perfectionis: & pax Christi exultet in cordibus vestris, in qua & vocati estis in vno corpore, & grati estote.* Haec diuina verba explicari populo debent, & diligenter amplificari. Monet nos vocationis nostrae, quia *electi Dei sumus, sancti & dilecti.* Decet tales omnis mansuetudo, vel ne seipsos contaminent, vel ne Deo ingrati appareant. Proponit exemplum Christi, quod imitari debemus. Adfert in medium pacem Christi, qui debet esse finis, & summum bonum nostrum. Alibi verò ab alio capite hoc idem docet: *Omnis sermo malus ex ore vestro non procedat, sed si quis bonus ad adificationem fidei, ut det gratiam audientibus. Et nolite contristare Spiritum sanctum Dei, in quo signati estis in die redemptionis. Omnis amaritudo, & ira, & indignatio, & clamor, & blasphemia tollatur à vobis cum omni malitia. Estote autem inuicem benigni, misericordes, donantes inuicem, sicut & Christus donauit*

Ephes. 4.

donauit vobis. Docet maledicos, & ad hoc contumeliam promptos contristare Spiritum sanctum quem acceperunt. Ille enim non est spiritus commotionis, sed sibilus aura tenuis. 3. Reg. 19.
 Si contumelia in viro Principe res indigna videtur, multo magis in homine Christiano, *diuina natura consorte, electo Dei, sancto & dilecto, & Spiritus sancti habitaculo*: nisi forte 2. Per. 1.
Coloss. 3.
1. Cor. 7.
 totam vocationem nostram verbalem tantum esse putamus, nec verò eam esse quæ in Scripturis vocatur. Acutè, iustè, Brusoni lib. 3.
cap. 14.
 meritò, & grauiter Philippo Consuli respondit Crassus, quum eum contumelia afficeret: *Non es mihi Philippe Consul, quia nec ego tibi Senator sum.* Meritò & iustè, quum in fratres contumeliosi sumus, respondebit nobis Christus: Non es mihi filius, quia nec ego tibi pater sum. Noli à me misericordiam expectare, qui erga fratrem tuum tam es immitis & ferus. Non te pro filio agnosco, qui mihi tam es dissimilis. Non te pro oue habeo, qui tibi pastor non sum; qui canis magis, & lupus, aut vrsus videris mordens, allatrans, lacerans conuicijs fratres tuos, quàm gregis mei ouicula mansueta, simplex, & benigna.

Exemplum.

4. Si offers munus tuum ad altare, & ibi recordatus fueris quòd frater tuus habet aliquid aduersum te, relinque munus tuum ante altare, & vade priùs reconciliari fratri tuo; & tunc veniens offeres munus tuum.

Locus moralis de necessaria & non differenda reconciliatione fraterna. Sic necessaria est reconciliatio vbi vel odium, vel contumelia intercessit; vt, donec ea facta fuerit, nullam Deo munus nostrum, nulla hostia, nulla oblatio, nulla pietas, nullum bonum opus placeat. Sine charitate fraterna nihil Deo gratum est. *Qui non est in charitate, manet in morte.* 1. Ioan. 3.
 Si tradidero corpus meum vt ardeam (quæ est magna victima, singularis hostia, munus & sacrificium ex nostra parte maximum) & charitatem non habuero nihil mihi prodest. Frustra diligis & colis Deum, id est, per opera externa te diligere & colere fingis (neque enim verè Deum diligit, qui proximum non diligit: *Quomodo enim Deum diligit, quem non videt; qui proximum, quem videt, non diligit?* (si fratrem non diligis, si vlla tibi cum fratre similitudo est. Si (inquit Christus) habet aliquid aduersum te: non addit, iustè, quia siue iustè offendatur contra te siue iniustè, tu tamen reconciliare illi: tu fac quod in te est, iuxta illud Apostoli: *Cum omnibus pacem habentes,* Roman. 12.
quantum in nobis est: & nulli aliquid debentes, nisi vs inuicem & diligamus. 13.

Ephes. 4.

Simile.

Homil. 18. in

Matth.

Exempla.

1.
In vita eius
lib. 3. cap. 6.

2.
In vita eius
apud Surium
tom. 1.

3.
Cap. 310.

diligamus. tu inimicitias omnes deponere, siue ille eas deponat siue non, siue ille reconcilietur siue non. *Sol non occidat super iracundiam vestram.* Noli differre reconciliationem. Sicut sapiens medicus (ait in hunc locum Chrysostomus) non modo imminentes morbos praueniens remedijs excludit, verum etiam iam tenentes alio medendi genere iam repellit: ita hoc loco Christus facit. Nam fatuum quidem vocare prohibendo, aduersus inimicitias auditorum corda pramunit. Reconciliationem vero post inimicitias imperando, vim morbi iam obtinentis e medio tollit. Hæc ille. Sed quod modò diximus, reconciliari nos debere, omnesque charitate complecti qui habent aliquid aduersum nos, siue iuste id habeant siue iniuste, aliquod exemplis illustrabitur. De diuo Bernardo sic legimus: *Vsq̃ue ad eò omnes homines germano amplectebatur affectu, ut eorum scandalo grauius vreretur, quibus nullam videretur scandali occasionem prauisse. Plus enim piissimum pectus, grauius alterius affligebat scandalum, quam propria immunitas conscientia. Siquidem minùs sperabat posse sanari, quod vade procederet, non videbat.* Vides non esse negligendos qui iniuste offenduntur, sed potius commiserandos, ideoque aut per amicabilem cõmunicationem, aut alio aliquo modo, quantum in nobis est, ad charitatis copulam reducendos. Sanctus Ioannes Eleemosynarius, Patriarcha Alexandrinus, incruentum offerens sacrificium, ea ipsa hora in qua sacrum velam à sanctis donis auferitur, (id est, post consecrationem, quum esset recitanda oratio Dominica) recordatus cuiusdam clerici contra eum offensi propter suspensionem iniustam, significat diacono, ut connexam resumat petitionem, & saepe dicat, donec ipse redierit. Ipse autem ventrem prætexens, egressus est ab altari, & iubet celestiter vocari ad se clericum illum: quo veniente, procidit Patriarcha ad pedes eius, coram omnibus veniam postulans. Quo facto motus clericus, & ipse quoque procidens, veniam petit. Sic fratri reconciliatus ad altare redit, & cum fiducia canit: *Dimitte nobis debita nostra, sicut & dimittimus debitoribus nostris memor verbi Saluatoris.* Si offers munus tuum ad altare, & cætera. Hæc ibi. In Prato Spirituali sic legimus: Inter duos vicinos Episcopos orta similtas est, quum alter eorum diues & astutus, alter valde humilis & simplex esset; quærebátque astutus alium lædere. Hoc comperito, dixit alter die quodam solenni clero suo: Sequimini me, & quicquid me videris facere, & vos facite: & victores erimus. Venit igitur ad Episcopum

copum illum diuitem, & pertransiente Litaniam, populoque totius ciuitatis congregato, procedit ad pedes eius cum toto suo clero, dicens: Ignosce nobis Domine. Serui tui sumus. Stupfactus ille atque compunctus in tanta Episcopi humilitate & charitate, tenuit pedes illius, dicens: Tu meus & dominus & pater es: factaque est inter eos ex illa die magna charitas & concordia. Simile charitatis exemplum vide in S. Godefrido, Episcopo Ambianensi apud Surium.

^{4.}
In vita eius
lib. 3. cap. 2.
tom. 6.

Quod si exempla Sanctorum minus mouent, quasi magis ardua, tuisque viribus maiora; accipe ethnicorum exempla: quibus paria præstare non posse, nostra nunc consilio est, & in die iudicii condemnatio erit. Aristippo philosopho cum Æschine oratore (quum prius amici fuissent) aliquid iræ inciderat. Quum ergo illi quidam diceret: O Aristippe, ubi nunc amicitia vestra? respondit: Dormit; sed ego eam excitabo. Adiensque Æschinem, Adeone, inquit, tibi videor modis omnibus infelix & insanabilis, ut ne moueri quidem merear abs te? At Æschines: Non mirum, inquit, si cum in omnibus me præcellas ingenio, hic quoque prior videris quid facto opus esset! Et ne soli philosophi hanc animi moderatibnem tenuille videantur (quorum tamē philosophia nisi inane erat & falsum sapientiæ nomen) viri in seculo Principes spontaneam hanc cum inimico reconciliationem, ut viris magnis ac prudentibus digna sequuti sunt. Philippus Macedonia rex, hortantibus amicis ut Archadionem perpetuo illi maledicentem puniret, quum occurrisset homini, humaniter cum illo loquutus, mox etiā donis ad eum missis, percontari eos postea iussit, quomodo iam de se apud Græcos loqueretur. Cunctis testificantibus, iam mirum eum Philippi laudatorem esse factum, Ego igitur, inquit, melior medicus fui quàm vos. Alcibiades, Hipponico viro clarissimo propter iniuriam filio illatā, ei grauius offenso, postridie summo mane Hipponici domum proficiscitur, ostiumque ingressus, ubi in conspectum illius venit, deposita raptim veste, corpus nudum verberandum homini obtulit, multis precibus rogans, ut debitis verberibus caderet. Hic autem iniuriæ confestim oblitus, non modò veniam Alcibiadi præbuit, sed & filiam ei in matrimonium tradidit. Si potuerunt ethnici vel ex animi moderatione, vel ex prudentia humana, sic sponte reconciliari fratribus suis, & suas iniurias vel illatas agnoscere, vel acceptas condonare, surgent illi profecto in iudicio, & nos condemnabunt, qui fratribus nostris, qui habent aliquid aduersum

Exempla
ethnica.

1.
Plutarch lib.
de coh. lib. 2.

2.
Plutarch. ubi
supra.

3.
Plutarchus in
Alcibiade.

Pfal. 118. nos, reconciliari; vel ut rem indignam, vel ut arduum quid & impossibile, exhorrescimus. Dicit David: *Super inimicos meos prudentem me fecisti mandato tuo, quia in aeternum mihi est.* Hæc est vox omnium fidelium, quos Christi gratia illustravit. Illa enim certè prudentes nos fecit super omnes inimicos nostros, super omnes ethnicos & paganos, in Dei mādato & voluntate; quia in æternum nobis est, quia eius cognitio perpetuò auribus nostris insonat: eius meditatio assidua nobis est. Quotidie oramus: *Dimitte nobis, sicut nos dimittimus.* Hæc sola oratio prudentes nos facere debet, ut vel nunquam irascamur fratribus, vel si irascimur, quàm celerimè in gratiam redeamus.

Reconciliandi
necessitas.

Obserua autem quanta sit huius rei necessitas. Si offers (inquit Christus) *munus tuum ad altare.* Hoc autem quotidie faciendum. Non enim de sacrificio propriè dicto hîc loquitur Christus (hoc enim est offerre in altari) sed de quouis munere ad altare oblato: de eleemosyna, de oratione, de quocunque Dei cultu. Nihil horum Deo placet, nisi prius reconcilieris. Reconciliari autem non est quocunque modo satisfacere aut veniam petere: sed in pristinam gratiam & amicitiam redire, quantū ex te est. *Relinque munus ad altare;* id est, desiste tantisper à cultu Dei, donec reconcilieris. Adeò non vult Deus extra charitatem cum proximo aliquid ipsi offerri. Sed & vide utilitatem. Addit enim: *Et tunc veniens offeres munus tuum.* Hoc est, tunc munus tum erit pergratum, quum fratri tuo reconciliatus fueris, quum vel ille tibi pepercerit, vel tu illi noxam fratri remiseris. Quum enim noxam fratri remittis, perinde tecum agitur, ac si ille aureis regulis te lapidasset, quibus læsus fortè ad tempus fueris, sed illis mox collectis, magnas opes acquisieris: quarum si amator es, optas ut sic te sapiùs lædat. Maximas opes ex fratrium iniuriis acquirimus, quū eas dimittimus; quia sic fit ut nostra nobis dimittantur peccata, munusq; nostrum ad altare gratum Deo fiat. De huius reconciliationis fraternæ & necessitate certa, & utilitate amplissima, vide suprà in aliis Dominicis, Domi. 3. Quadragesi. text. 3. Dominica Passionis, text. 3. & 8. Dominica in albis, text. 2. Dominica 1. post Pentecosten, text. 3. Non ut huc illa omnia congerat Concionator, sed ut de illis omnibus delectum faciat: Lector verò vno intuitu, quæ ad hanc tam necessariam virtutem capessendam valent, conspiciat. Quod semel dictum, in vniuersum Lector accipiat.

Simile.]

IN DOMIN. VI. POST PENTEC. ¹¹⁹
 EVANGELIVM DOMINICÆ
 VI. POST PENTECOSTEN.

IN diebus illis iterum cum turba multa es- ^{Marc. 6.}
 set, nec haberent quod manducarent, con-
 uocatis discipulis, ait illis: Misereor super
 turbam; quia ecce iam triduo sustinent me,
 nec habent quod manducent: & si dimisero
 illos ieiunos in domum suam, deficient in via; quidam enim
 ex eis de longe venerunt. Et responderunt ei discipuli sui:
 Vnde illos quis poterit hic saturare panibus in solitudine?
 Et interrogauit eos: quot panes habetis? Qui dixerunt,
 Septem. Et praecepit turba discumbere super terram, Et
 accipiens septem panes, gratias agens fregit, & dabat dis-
 cipulis suis ut apponerent: & apposuerunt turba. Et
 habebat pisciculos paucos: & ipsos benedixit, & iussit
 apponi. Et manducauerunt & saturati sunt: & sustule-
 runt quod superauerat de fragmentis, septem sportas. Erāt
 autē qui māducauerāt quasi quatuor millia: & dimisit eos.

PERICOPE moralis huius Euangelij.

1. Cum turba multa esset, nec haberent quod manducarent, ait: Misereor
 super turbam. Locus duplex. 1. De prouidentia Dei circa necessaria. 2. De
 operibus misericordiae erga egenos.
2. Quia ecce iam triduo sustinent me. De perseverantia in bono.
3. Si dimisero eos ieiunos in domum suam, deficient in via. De praesentis
 vitae solatiis à Deo concessis.
4. Vnde illos quis poterit hic saturare panibus in solitudine? Contra dis-
 fidenciam: & de pia in Deum fiducia.
5. Et sustulerunt quod superauerat de fragmentis, septem sportas. De vir-
 tute liberalitatis.

1. Cum turba multa esset, nec haberent quod mandu-
 carent, ait: Misereor super turbam.

LO C V S moralis duplex. De prouidentia Dei circa neces- ^{Prouidentia}
 saria vnus: De operibus misericordiae alter. Christus ^{Dei circa ne-}
 enim ut Deus erat & homo, sic his verbis & hoc facto Dei ^{cessaria.}
 prouidentiam erga mortales, quae nunquam deficit, in ne-
 cessariis aperte docet: simulque hominum erga proximos
 indigentes qualis affectus, quae misericordia esse debeat,
 ostendit. Necessitati eorum non habentium quod māduca-

*Domini. 4. post
Epiph. text. 2.
Domi. 1. Quadr.
text. 5. & 4.
Quadr. text. 1.
Simile.*

rent, prospexit mirabiliter, vt Deus : miseretur præsentî necessitati, vt homo. Vtrumque hunc locum iam in aliis Euāgeliiis aliquoties tractauimus, quæ huc referri possunt. Hic tamen pauca addemus prout Deus dabit. Ac primum de prouidentia Dei, quæ nunquam dormit, nunquam deficit; circa etiam temporalis huius vitæ necessaria. Si in Regis palatium ingrediens, in aula eius mensam pretiosis mappis instratam, & delicatissimis cibis ornatam videres, in qua milliones, aliæque viles personæ accumberent; quibus etiam postquam appositæ epulæ absumptæ essent, aliæ semper atque aliæ de nouo apponerentur, magna in copiâ & varietate. meritò multum mirareris, quæ tandem & quàm splendida foret mensa, quantus apparatus, quæ magnificentia epularum, vbi Rex ipse cum filiis & amicis suis manducaret. Atqui in hoc mundo omnibus etiam impiis & peccatoribus apposuit Deus mensam omni rerum genere instructam & adornatam, multos agros omnium fructuum varietate vberrimos, prata multa herbarum & florum venustate florentia : innumera alia sapida gustui, grata aspectui, odorifera olfactui. Carnium verò tantam copiam & abundantiâ, vt pro vnaquaque anni tempestate aliæ atque aliæ inueniantur; sed & pro cuiusque palato, singula suppeditentur. Similiter & de piscibus. Quòd si talis est mensa quam Deus omnibus etiam impiis apparauit; qualis erit illa quam iustis & amicis suis incessanter adornat? Non potest mentiri Scriptura, quæ dicit : *Nunquam visi iustum derelictum, aut semen eius quarens panem.* Rursum : *Vniuersi qui sustinent te, non confundentur.* Videtur quidem suos aliquando Deus ad tempus deserere; sed vbi ad probationem id modicè fecerit, celeriter eos consolatur. Sic in Abraham, in Tobia, in filiis Israël in deserto eum fecisse, alibi ostensum est. De qua erga illos perpetua Dei prouidentia ait Moyses : *Portauit te Dominus Deus tuus, vt solet homo paruulum gestare filium, in omni via quam ambulastis, donec veniretis ad locum istum.* Sicut enim hi qui agonibus præsumunt, eos qui ad certamen veniunt, non vtcunq; neque fortuita inter se sinuat inire certamina, nec raptim & promiscuè quemlibet eodem armant modò; sed diligenti examinatione facta, prout corpora viderint vel ætates, æquissima ratione pares cum paribus iungunt, & armâ cuique apta & sufficientia suppeditant : ita planè de diuina prouidentia cogitandum est, quòd omnes qui in huius vitæ agones descendunt, æquissima ratione dispenset

*Psal. 36.
Psal. 24.*

Deuter. 1.

*Orig. lib. 3. cap. 2.
de principiis.
Simile.*

dispenset atque disponat, vt alius quidem contra carnem, alius contra paupertatem, alius rursus contra ipsa diuitias, & sic alij aduersus alia impedimenta pugnent; ideoque alijs & diuersis armis quisque induatur, & maiori aut minori robore donetur, quo hostem sibi constitutum vincat: *Fidelis enim Deus est, qui non patitur quenquam tentari supra id quod potest: sed (quoad amplius est) facit etiam cum tentatione prouidentum.* Non enim sicut agonothea in certaminibus, vbi cerratores armauerit, arena & palestra egreditur, spectaturus cum cæteris; sed ipsemet in singulis adiuuat, & minus fortes maioribus subsidijs subinde reficit, valentiores minori, sed assidua tamen virtute roborat. Tanta certè & tam vigilans est Dei prouidentia circa mortales, maximè autem fideles, vt hoc nomine omnia amoris nomina & vocabula sibi attribui voluerit. Vnde sanctus Chrysostomus: *Deus suum nobis nostra salutis amorem significaturus, gallinarum in nobis charitatem, patrum curam, matris misericordiam, sponsi amorem profert: non quia tantum duntaxat amat, sed quia maioris istis alia non sunt apud nos amoris argumenta.* Dat ergo semper necessaria, quatenus expedit, & plus quàm necessaria, quando id nihil nobis obesse cognoscit. Quemadmodum enim infantulo sphæram, pilam, & trochum abscondimus, ne impediatur à necessarijs; cum autem ea contempserit, & non iam deliderio eorum tenetur, omnia talia ei liberè permitimus, quia stulta cupiditate cessante, eum à necessarijs talia amplius nō auocabunt: sic omnino Deus ab electis suis multa aufert, quàm diu eos vana eorum cupiditate teneri cernit; quibus postea, extincta ea cupiditate, eadem & multo plura suppeditat.

2. Cor. 10.

Diffimile.

Super Psal. 114.

Simile.

Prouidentia
diuina exēpla.

1.

Isidorus Clarus
Orat. 50. c. 10. 11.

Sed ne circa homines, maximè Deum timentes, eius sancta prouidentia deesse aliquando videatur, eadem circa vnā bettiolam docere nos potest. Alcyon marina auicula est, ac in maris littoribus nidificare consuevit, collocatis in ipsa arena ouis, idque in media hyeme: quo tempore multis ac violentis flatibus mare ac terra perturbantur. Et tamen tam diu quiescunt marini fluctus, dum Alcyon fouet oua, septem videlicet diebus. Hoc enim spatium excludit pullos. Quoniam verò alimento est illis opus, & spatium quo crescant, septem alios dies ad pullorum educationem & incrementum munificentissimus Deus huic minimæ auiculæ largitur. Quam rem & nauæ intelligentes, dies illos Alcyonios appellant. Quo exemplo docemur, quanta sit Dei prouidentia erga

H 5

cum

2.
Basil. Homil. 3.
Hexameron.

eum cui cætera omnia animantia subiecit. Accipe vnum adhuc aut alterum aliud exemplum. Locustæ per integras acies agros interdum depopulantur, vbi eas Deus vi venti impulerit. Ne tamen ea perniciēs nimirum grassaretur, utque facta quam Deus vult ita age, statim e medio tollatur, Seleucis auis insatiabilem à Creatore edendi naturam sortita, eas insequitur, breuique temporis momento vniuersas absumit. Hæc autem auis ab incolis Casij montis nunquam conspicitur, nisi quā locustæ agros vastarunt, ipsaque necessitas postulat. Piscis quidam Noruegici maris, illo idiomate *Suamfsjæck* dictus, quum sit crassus & valde pinguis, urgente periculo, carnem, pinguedinem, & pellem (veluti facit hericius, siue à periculo libi cauens, siue etiam poma ab arboribus decussa in victum colligens) super caput reduplicat, & contrahendo se caput abscondit, suarum interim carniū esu seipsum sustentans. Hæc ad sui conseruationem diuinæ prouidentię instinctu animalcula faciunt. Sed & illud quoque diuinæ prouidentię præclarum erga homines ipsos argumentum est, quod eodem in opere idem commemorat Olaus.

3.
Olaus magnus
histo. lib. 31. c. 35.

4.
Lib. eod. cap. 15.

Quum vehementia frigorū in extremis partibus Septentrionis, & validæ tempestates ibidem non sinant in altum crescere arbores, è quibus erigi possent necessariae ædes, ideoque Dei prouidentia incolis prospexit ut ex ingentissimis belluarū marinarum costis fabricare domos valeant, & reliqua in eisdem necessaria. Eadem Dei prouidentia vbi regiones frigidiores sunt, lanæ & pellium copiam propter pecorū, quæ illa gerunt, abundantiam suppeditauit; vbi calidiores, ferici & bombicum. Sic etiam obseruare licet, vbi vina calidiora & fortiora crescunt; ibi aquas esse dulcissimas, & ad potandum purissimas, ut in Hispania, Italia, & Gallia; vbi autem aut non crescunt vina, ut in Anglia, Scotia, Hibernia; aut tenuiora nascuntur, ut in Germania; aquas potabiles vel non inueniri vel raras & minus dulces. In Indiæ Orientalis insula quadam Celiam dicta, colubri quidam frequentes sunt valde perniciosi, qui leui etiam morsu homines interimant. Sed eodem in loco salutaris quadam arbor passim nascitur, cuius rami si quis in manu gestet, ita eius odore ac virtute colubrum sopit ac incantat, ut is etiam in sinu positus nihil noceat, neque loco moueatur, ita ut possis cum pro libito vel occidere, vel cadere. Innumera sunt huius admirabilis Dei prouidentię argumenta: quibus singulis docemur, quæ certa

5.
Ludo. Granat.
Conc. 2. in Domi.
31. post Pentec.

& infal-

infallibilis sit circa homines eadem; utque de ea nullus relinquitur ambigendi locus.

Alter locus moralis hic est, de operibus misericordiae proximo indigenti exhibendis, exemplo Redemptoris, qui esuriens turbæ, & non habentis quod manducaret, misertum se esse proficitur, Beatus Iob de seipso ait: *Ab infantia crevit mecum miseria, & de utero matris mea egressa est mecum.* Merito Raab exploratoribus, quos domi suæ receperat, postquam ipsos à morte eripuit, dixit: *Nunc ergo iurate mihi per Dominum, ut quomodo ego misericordiam feci vobiscum, ita & vos faciatis cum domo patris mei.* Sic erga proximum misericordes, à Deo misericordiam iusto quodam titulo exposcunt. Sanctus Elzearius Comes, quum quodam die multas auri vncias, & pannum coccineum, oblata illi munera repudiasset; ingrediens cubiculum suum, ut sancta meditatione animum suum in Deum colligeret, huiusmodi verbis utebatur: Tu mihi Domine Deus in paradiso debes centum auri vncias, & duos pannos coccineos. Tantum enim recusauerat. Hanc fiduciam Scriptura nos docet: *Benefac iusto, & inuenies retributionem magnam, etsi non ab ipso, certe à Domino.* De hac retributionis mēsurā in alia Dominica diximus. Habet autem opus misericordiae suam mercedem, siue ille dignus sit misericordia, siue non, cui miseremur. Est enim misericordia (ut eam Augustinus describit) *aliena miseria in corde nostro compassio*, qua utique si possumus subuenire, compellimur; idque propter Deum communem patrem orphanorum & egenorum. Rex Dauid Miphiboseph hlio Ionathæ amici sui dixit: *Ne timeas, quia faciens faciam in te misericordiam propter Ionatham patrem tuum, & restituiam tibi omnes agros Saul patris tui, & tu comedes panem in mensa mea semper.* Hanc misericordiam fecit ei Dauid, etsi utroque pede claudō, propter patrem eius Ionatham, ipsi Dauidi coniunctissimum. Si Dei amor in nobis est, pauperibus, etsi utroque pede claudis, qui nec patientiam in aduersitate, nec humilitatem in paupertate habent, facile & libenter miserebimur propter Deum patrem ipsorum, & nostrum. Hinc diuus Ioannes: *Qui habuerit substantiam huius mundi, & viderit fratrem suum necessitatem habere, & clauserit viscera sua ab eo, quomodo charitas Dei manet in eo?* Impossibile est diu ferrū esse in fornace absque eo quod emolliatur. Sic nec cor humanum in fornace charitatis esse potest, absque eo quod viscera eius in alterius miseria commoueantur. Est enim ferrum humano corde durius

Misericordiae
opera proximo
exhibenda.
Iob 31.

Exempla.

1.
Iosue 2.

2.
In vita eius ca.
27. apud Suriū,
tom. 5.

Eccli. 12.

Dominic. 11. post
Pentecosten, text.
1. & 4.
De Cuius. Dei
lib. 9. cap. 13.

3. Reg. 9.

Exemplum.

1. Ioan. 9.

Simile.

Psal. 40.

rius; & est diuinus ignis hoc materiali nostro fortior. Qui ergo se in pauperis miseria commoueri nō sentit, certō sciat, charitate Dei cor vacuum se habere. *Beatus qui intelligit* (id est, qui commouetur) *super egenum & pauperem: in die mala liberabit eum Dominus*; id est, ei⁹ quoque, quum miser fuerit, miserebitur. Qui ad miserendum & elargiendum proterui, & duri, parci & auari sunt, ad accipiendum verō faciles & prompti, largas & apertas manus habent; sunt similes spongię quę facile liquorem imbibit, soloque tactu attrahit & exhaurit: illum autem, nisi prius comprimatur, non reddit. Sic enim auarus minimo digito pecuniam colligit; sed de largiendo quum agitur, citius clauam ē manu Herculis extorqueas, aut aquam ē pumice haurias, quā ab illo teruncium elicias. Sunt quædam vasa fictilia, quę angustū admodum foramen seu rimulam potiùs habent (quales etiam sunt pyxides æneæ pauperum in ecclesiis positæ) in quam rimulam nummi facile demittuntur, sed postquam intus sunt, nihil ab illis educi potest, etiam si millies huc atque illuc illa inuoluas & inuertas; ideoque vt nummos inclusos elicias, frangi vas fictile debet, aut si ænea pixis & ferrata est, clauē aperiri oportet. Sic auarus ita nummos suos mordicus inclusos tenet, vt quomodocunque hominem agites atque conuoluas, seu Dei comminationes, & auaritiæ pœnas ac sordes, seu misericordiā & beneficentię ingentes retributiones, honestatē & virtutem ei proponas, nihil proficias. Sola mors vas fictile confringens, omnes eius thesauros effundit, & in rapaces hæredes dispergit: sola mors, instar clauis, omnes eius arces aperit, & conclusa recludit.

Auarus crudelis.

Exemplum.

1. Reg. 18.

Nihil auaro crudelius homine immiserico corde nihil immanius. Plus ille cani & mulo, quā fratri necessitati prospectum volet. Rex Achab post triennij sterilitatem & famem ingentem, dixit dispensatori domus suæ: *Vade in terram ad vniuersos fontes aquarum, & in cunctas valles, si fortē possumus inuenire herbam, & saluare equos & mulos, & non penitus iumenta intereant. Diuiseruntq; sibi regiones vt circuirent eus. Achab ibat per viam vnā, & Abdias dispensator eius per viam alteram.* Ecce de equis & mulis sollicitus est, de pauperibus, viduis, de pupillis, de fratribus toto regno afflictissimis, nullam curam habet. Tales adhuc in ipsa Christi Ecclesia multi sunt, qui canibus & equis suis plus quā pauperibus prospiciunt. Alij pauperes fortiter obiurgant, in nulla re adiuuant. Amici Iob, quū cum in sterquilinio sederent viderunt, &

Aliud.

Iob & seqq.

testa

IN DOMIN. VI. POST PENTECOS. 125
testa faniem radentem, multis verbis vsi sunt, vt eum alicuius
sceleris arguerent, propter quod sic eum Deus percusserat;
multum accusauerunt, sed toto illo tempore nec pannum
quidem, quo vulnera sua mundaret, ei porrexerunt. Quare &
iratus est illis Deus, nec nisi ipsius Iob precibus placari voluit.
Aliud nos docet Christus, misericordia motus super turbam
non habentem quod manducaret. Vide plura infra, Domini-
ca 8. post Pentecosten, text. 3. loco magis proprio.

2. *Quia ecce iam triduo sustinent me.*

Locus moralis de perseuerantia in bono. Hanc enim suæ
Lecuræ, & sollicitudinis, & misericordiæ erga turbam esu-
rientem, nec quod manducaret habentem, causam adfert
Christus, *Quia ecce iam triduo me sustinent.* Dicens, ecce, ob-
seruari docet causam facti sui, Dicens, ecce, laudat patien-
tiam & perseuerantiam auditorum suorum, quæ toto triduo
sine cibo & potu audiendo Christo vacabant. Ideo miseretur,
ideo non deserit suos Deus, quia & ipsi Deum non deserunt.
Sic Apostolis suis dixit Christus: *Vos estis qui permansistis me-* Perseuerantia
in bono,
cum in omnibus temptationibus meis: & ego dispono vobis regnum,
vt comedatis & bibatis in mensa Patris mei. Huius conuiuij
celestis, quod perseuerantibus in bono redditur, figura &
exemplum fuit hodierni Euangelij conuiuium, quo audito-
res suos vsque ad saturitatem Christus pavit in deserto.
Veteranus miles assuetus laboribus, nec globorum nimbum Luca 22.
super se, nec multitudinem cadentem ante se, nec tormento-
rum tonitrua circa se, nec hostium agmina prope se formida-
bit, sed imperterritus finem pugnæ expectabit. At delicate
domi nutritus, ad primū belli strepitum fugit, nec detineri
potest. Ille victoriam & gloriam, hic interitum & ignomi-
niam reportat. Idem fit in militia Christiana. Qui perseuerat
in charitate Dei & proximi, in timore, in cultu, in obsequio
Dei, in bonis operibus exercitatus & assuefactus, nec impio-
rum impropria super se, nec multitudinem peccantium an-
te se, nec dæmonū fremitus circa se, nec mūdi & carnis blā-
ditias prope se respiciet, vt à Dei seruitio abstrahatur; sed per-
seuerabit vsque in finem, æternum gloriæ pondus reportatu-
rus. Qui molles & flaccidi sunt, ad primam temptationem suc-
cumbunt. Huius rei causa inter cætera est horum ingrati-
tudo, illorum perpetua Dei beneficiorū memoria. *Filij Ephraim* Simile.
Non perseue-
randi causa,
obliuio.

inten

Psal. 77.

intendentes & mittentes arcum, id est, vocati & apti ad militiam cælestem, conuersi sunt in die belli, tempore tentationis recesserunt, non custodientes testamentum Dei, & in lege eius noluerunt ambulare: & obliti sunt, id est, quia obliti sunt bene-

Psal. 118.

Non perseuerandi causa,
factura tua non sum oblitus.

At contrā iustus dicit: *Viam veritatis elegi, inducia tua non sum oblitus.* Posterius reddit causam prioris. Alia causa non perseuerandi in bono est, quia non ex puro Dei amore, sed ex timore pœnæ ad Deum conuertimur. Sic Aegyptij multis Dei flagellis afflicti, metu magis quàm charitate commoti, urgebant populum Israel exire velociter de terra. Sed

Exod. 13.

Exemplum.

mox eos pœnituit, & exeuntem Israel vsque ad mare rubrum persecuti sunt. Quæ autem ex amore fit conuersio, firma est, nec tentationi cedit. Beatus Hieronymus acriter à dæmone tentatus, vt castitatem violaret, opem Domini implo- rans, tam diu in oratione perseuerauit, vt à tentatione liberaretur. *Memini (inquit) me clamantem, diem crebrò iunxisse cum nocte, nec prius à pectoris cessasse verberibus, quàm rediret. Domino imperante, tranquillitas.* Clamat igitur nobis Scriptura: *Expecta Dominum, & viriliter age, & confortetur cor tuum, & sustine Dominum.* Abraham cum aliquando sacrificium Deo immolaret, & aues ad illud descenderent, nihilominus tamen ipse abigebat eas, neque vnquam propter illarum importunitatem à sacrificio cessabat. Idem nobis animus, eadem alacritas, idem perseuerandi studium, in cuiusvis opere virtutis esse debet. *Viam trium dierum (vt docet sanctus Bernardus) necesse est nobis in hoc deserto agere. Primus dies est timor pœnæ, qui nostræ primordia conuersionis exercet. Secundus est pietatis dies, quæ respiramus in luce miserationum Dei. Tertius est obedientia, quam præstare necesse est mandatis Dei.* Quod enim timor inceptit, spes veniæ promouet: sed nihil fit, nisi

Psal. 26.

Gen. 15.

Allegoria.

Serm. 1. de E-
uang. 7. panum.

Locus contra
hæreticos.

Simile.

Cant. 1.

obedientia mādatorū sequatur: à quo tertio hæretici hodie abhorrent: duobus primis contenti, eaque sufficere arbitrati. Sed isti triduo Christum non sustinent; quare de eius panibus non gustabunt. Quando canis venaticus leporē, vel aliud aliquod venationis genus inuestigat, si nullum vestigium inuenit, piger & iners ambulat: at si animalis vestigium nares eius attingit, solertissimè & diligentissimè currit, quousque feram inueniat. Ita nos, si verè Deum gustamus, si odor eius longè suauissimus ad nares nostras peruenit, si beneficia præsencia, mercedem repromissam diuinæ sapientiæ dulcedinem verè odoramus & intelligimus, *curremus* haud dubiè post odorem unguentorum istorum, trahetq; nos post se, & vsque

que ad finem alacriter currendo perseverabimus, *latantes in* psal. 137.
his qua dicta sunt nobis in domum Domini ibimus. Ceterum ad
 quorum nares harum rerum odor non pervenit, qui non *gustaverunt* Hebr. 6.
donum celeste, nec quàm suavis est Dominus, & quàm psal. 33.
bonus Deus Israelis qui recto sunt corde, illi pigri ambulant, psal. 73.
 nec vel vno die Christum sequuntur, imo nec vna hora cum
 Christo possunt vigilare; sed post carnem suam ambulant, &
 post concupiscentias eius. De hoc argumento vide plura in
 aliis Dominicis. *Dom. 2. post*
Epsph. text. 6.
Dom. 5. Sexa-
ges. text. 7.
Dom. Quin-
quages. text. 3.

3. Si dimisero eos ieiunos in domum suam, deficient in via.

LO CUS moralis de presentis vitæ solatiis à Deo concessis, Deus enim etiam electos suos variè tentat, & multis in
 hac vita difficultatibus exponit, variis tamen & intermixtis
 solatiis reficit; nec, si ieiunos, omnique solatio destitutos in
 domum suam, quæ est cuiusque mors temporalis, dimitteret,
 deficerent in via peregrinationis huius, nec ferendis labori-
 bus ac molestiis pares essent. Huc pertinet illa mensa Dei,
 rebus omnibus nõ necessariis tantum, sed etiam ad honestam
 voluptatem comparatis plena, quam in primo huius Evan-
 gelij loco descripsimus: de qua etiam Apostolus loquitur,
 dicens: *Divitibus huius seculi præcipe non sublimè sapere, neque* 2. Tim. 6.
sperare in incerto divitiarum, sed in Deo vivo, qui præstat nobis
omnia abundè ad fruendum. Quod & Propheta Regius ceci- psal. 144.
 nit, dicens: *Oculi omnium in te sperant Domine, & tu das illis*
escam in tempore: aperis tu manum tuam, & implebis omne ani-
mal benedictione. Sed totam hanc admirabilem Dei bonita-
 tem in alio Psalmo ex proposito canit, ex parte nõ hominum
 tantum, atque animantium, sed & rerum omnium animata-
 rum, atque adeò creaturarum: post quorum ferè omnium enu-
 merationem concludit. *Omnia à te expectant, ut des illis escam* psal. 103.
in tempore. Dante te illis, colligent; aperiente te manum tuam,
omnia implebuntur bonitate. Sed hæc Dei bonitas in homine
 maximè elucet, propter quem inferiora hæc omnia creavit:
 & in ipsa hominis cura, circa animæ salutem ac statum, se-
 cundum quam ad imaginem Dei creatus est. Hanc enim, ne
 deficiat in via, assidue consolatur, docet, reficit, ac re-
 creat. *Conversi ad Deum peccatores* (ait sanctus Gre- Homil. 21. in
 gorius) *in presentis vitæ via deficiunt, si in sua conscientia sine* Exch.
doctrinæ sanctæ pabulo dimittantur. Ne ergo lassetur in
 huius peregrinationis itinere, pascendi sumus sacra admo-
 nitione. Sed hæc maximè indigent qui de longè venerunt.

vt in hoc Euangelio quidam ex iis qui triduo Christum sequuti fuerant, hoc est, qui ex grauioribus peccatis, & longiori peccati consuetudine conuersi sunt. Sic filius prodigus in gratiam receptus, opulenta & copiosa patris mensa fruitur, occiso vitulo saginato, etiam vsque ad inuidiam senioris fratris.

Voluptas virtutis maior quam vitij.

Domin. 3. post Pascha, text. 2.
Similia.

Plin. lib. 31.
cap. 2.

Ioan. 4.
Exemplum.

Confess. lib. 9.
cap. 1.

Nulla in re longius falluntur peccatores, quam dum existimant in virtute non posse tantum solatium aut voluptatis inueniri, quantum in suis luxuriis inuenire se opinantur. Quantum distat *siliqua porcorum*, qua se satiare voluit filius prodigus, à *vitulo saginato*, quem pater ei apposuit, tantum est discriminis inter sordidas & vanas luxuriosorum & secularium desideriorum voluptates, atq; veras & solidas iustorum laeticias. Quod in alia quadam Dominica tractauimus. Quemadmodum nutrices amarissimo absinthio ybera sua intingunt, vt infantes ab yberibus depellant: sic Deus labores & difficultates varias seculi voluptatibus studio immiscuit, vt illis relictis, cœlestia quæreremus. Contrà verò quemadmodum qui naturæ historiam scribunt, lacum esse quendam aiunt, cuius epota aqua abstemios reddit: sic aqua Christi talis est, vt qui eam bibit, amplius non sitiat, id est, vt eius gustus omnes alias mundi delicias fastidire faciat. Hunc in se gustum Augustinus recenter ad Christum conuersus sensit, vt de seipso his verbis scripsit: *Quàm suauē mihi subitò, factum est carere suauitatibus nugarum!* & quas amittere metus fuerat, iam dimittere gaudium erat. Ejciebas enim eas à me vera tu & summa suauitas: ejciebas, & intrabas pro eis omni voluptate dulcior, sed non carni & sanguini, omni luce clarior, sed non iam sedenti in tenebris, omni honore sublimior, sed non sublimibus in se. Iam liber erat animus meus à curis mordacibus ambiendi & acquirendi, & volutandi atque scalpendi scabiem libidinum, & gestiebam tibi charitati meæ, & diuitijs meis, & saluti meæ, Domino Deo meo. Hæc ille. Vide simile exemplum de beato Cypriano ad Christum conuerso Domin. 4. Aduent. text. 5. Hæc est symphonia & musica, hæc epulæ, hoc conuiuium, hic vitulus est saginatus, peccatori ad Deum veraciter conuerso datus. Huiusmodi nouis solatijs perfunditur, qui Christum laboriosè sequitur; non dimittitur ieiunus, non caret ingenti consolatione & gaudio.

Math. 11.

In declamat. de bonis deferendis. Mutantur ista in iustis, non tolluntur. Hoc est quod Christus dixit: *Tollite iugum meum super vos, & inuenietis requiem.* Quod sic explicat diuus Bernardus: *Mira nouitas, sed eius qui facit*

facit omnia noua : & eius qui fingit laborem in praecepto. Fictus in praecepto labor est, onus leue, iugum suauis, crux iuncta oleo. Quod Abrahæ dictum est. Tolle filium tuum quem diligis Isaac, & offeres eum mihi in holocaustum, labor fictus est in praecepto. Oblatus siquidem Isaac sanctificatus est, non mactatus. Et tu igitur si vocem Domini audieris intus in animo, ut offeras Isaac, id est, ut quodcumque est gaudium tuum, immoles Deo (Isaac enim interpretatur risus) constanter obedire ne timeas. Non Isaac, sed aries morietur. Non peribit tibi latitiae, sed contumacia. Non mactabitur Isaac, sed uiuet. Crucifixus mundo, uiues Deo. Tantumquam tristes, sed semper gaudentes. Hæc ille. Nempe non tollitur, sed mutatur, & ad meliora conuertitur iustorum in hac vita gaudiū, latitiae, consolatio. Petrus qui piscatione piscium delectabatur, fit piscator hominum, dicente illi Christo: *Ex hoc eris homines capiens.* Nolo ut artem tuam deferas: imò eandem illustriorem reddam. Saulus ex zelo legis persequens Ecclesiam Dei, fit ex zelo fidei, persecutor Iudaismi, dicente Christo: *Ostendam illi quantum oporteat eum pro nomine meo pati.* Magi ex Oriente, qui Astronomiæ scientia delectabantur, per astrum ad Christi cognitionem ducuntur. Delectati astrorum scientia, per astra ad gaudium fidei trahuntur. Visa enim stella quum staret supra domum in qua Christus erat, *gausi sunt gaudio magno valde.* Populus Israëliticus, quem ollæ Ægyptiacæ delectabāt, ut ex Ægypto egredierentur, hanc promissionem acceperunt: *Introducet vos Dominus ad terram fluentem lacte & melle.* Quasi diceret: Delectat vos rerum copia. Illa habebitis, sed ex me, & in terra quam ego dabo. Sic iisdem Israëlitis permessa sunt sacrificia cruenta & carnalia; sed ut vero Deo illa offerrent, quæ alioqui idolis immolaturi erant. Sic Apostolus prohibens diuites *sperare in incerto diuitiarum*, iubet eos *sperare in Deo uiuo.* In his omnibus non affectus, sed obiectum mutatur. Sperare, gaudere, concupiscere non prohibetur, sed ad res honestas, laudabiles, solidas, atque diuinas, affectus conuertitur. Quotquot ergo Christum sequuntur, omnia mundi gaudia illicita abdicantes, non dimittuntur ieiunii, sed habent alia vera & solida gaudia quibus se oblectēt. Pro allijs & cepis Ægyptiacis, manna de cælo; pro siliquis porcorum, vitulus saginatus; pro panibus in deserto, cibus qui non perit, sed permanet in vitam æternam; pro carnalibus spiritualia cordis gaudia subministrantur. Qui serui erant immunditiæ, serui fiunt iustitiæ. Mutata seruitute, mutantur affectus, voluptates, gaudia.

Iustorum latitiae non tollitur, sed mutatur.

Exempla.

Luca 5.

1.

2.

Act. 9.

3.

Matth. 2.

4.

Exod. 3.

5.

6.

1. Tim. 6.

Iustorum solatia.

Rom. 6.

Mutantur, sed non tolluntur. Avarus gaudet in pecunijs suis, & sibi plaudit, dum nummos tacitus contemplatur in arca. Apostolus *gloriatur in infirmitatibus suis*. Superbus gaudet honore & laude populari. Iustus dicit: *Gloria nostra hac est, testimonium conscientia nostra*. Voluptuarius gaudet in Venere & Baccho. Sobrius gaudet, quia *viatum & vestitum habens, contentus est*.

4. Vnde illos quis poterit hîc saturare panibus in solitudine?

Contra diffi-
denciam.

Marc. 6.

Matth. 15.
& 16.

Sap. 1.

Exemplum.

3. Reg. 17.

Locus moralis contra diffidentiam. Discipuli enim Christi quum paulo antè vidissent miraculum de quinque panibus & duobus piscibus, quibus quinque millia hominum Christus pavit (vt diuus Marcus præcedenti capite commemorat) tamen adhuc dubitatione & diffidentia laborant, nec tam recentem Christi potentiam recordantur. Sed & hanc eorum incredulitatem paulo pòst hoc exhibitum miraculum grauitèr illis exprobrauit. Quum enim dimissa turba ascendisset in nauiculam, & discipuli eius venissent trans fretum, obliiti accipere secum panes, Christusque illis diceret, *Cauete à fermento Phariseorum & Sadduceorum*; illis cogitantibus inter se quòd panes non acceperant, dicit illis Iesus: *Quid cogitatis inter vos modica fidei, quia panes non habetis? Nondum intelligitis neque recordamini quinque panum & quinque millia hominum, neque quot cophinos sumpstistis? neque septem panum in quatuor millia hominum, & quot sportas sumpstistis?* Displicet multum Deo omnis de eius bonitate dubitatio ac diffidentia, placet ei fiducia *Sentite de Domino in bonitate, & in simplicitate cordis* (non in prudentia humana) *querite illum*; quoniam inuenitur ab his qui non tentant illum: *apparet autem eis qui fidem habent in illum*. Tentat Deum, qui postposita fiducia in eum, suæ innititur prudentiæ, multo magis qui suæ confidit malitiæ. Verbi gratia: In necessitate aliqua constitutus, non ad Dei auxilium confugit, honesta tantum confestans media, quibus necessitati subueniat, & quod reliquum est, Dei bonitati committens: sed malis artibus, dolo, fraude, mendacio, per fas nefasque vitæ necessaria, aut etiam superfluas opes conquiret. Tales erant Israëlita, quum reiecto Samuele, & regimine sacerdotali, Regem sibi postularent, more cæterarum gentium, quibus Samuel dixit: *Scietis & videbitis, quia grande malum feceritis vobis in conspectu Domini, petentes vobis Regem*.

Annotanda

Annotanda hîc grauiſſima omnium ferè peccatorum ab-
 ſurditas : vt victum , veſtitum , opes, honores acquirant, to-
 tum in humanis artibus, nihil in Dei bonitate ponunt: furtis,
 mendacijs, rapinis operam dant: mentiuntur , adulantur, ca-
 lumniantur , nulli ſceleri parcunt. Sed quum tam multa &
 magna peccent , Deum tamen miſericordem iſtis fore con-
 fidunt. Sic Deum in neceſſitatibus ſuis crudelem aut negli-
 gentem ; in ſcelere ſuis miſericordem ſibi fingunt. Atqui
 debebant Dei prouidentiam circa neceſſaria & honeſta,
 certa fiducia concipere; de Dei miſericordia in tot ſuis fla-
 gitijs non præſumere. *Qui* pontem anguſtum poſitis ante
 oculos perſpicillis tranſit , quum hoc modo maior pons ap-
 pareat, quàm ſit , facilè ponit pedem in aëre , & de ponte la-
 bitur. Sic de Dei miſericordia, quæ pons ſalutis eſt, per quam
 in cælum tranſire neceſſe eſt, ſed pons vt pœnitentibus am-
 pliſſimus , ita flagitiſoſis, atque in flagitio perſeuerantibus
 peranguſtus, qui cum vanæ fiduciæ perſpicillis iudicat, pro-
 fecto facilè ea excidet , & in barathrum æternæ-damnatio-
 nis corruet. Bona eſt & laudabilis , & Deo grata , circa ho-
 neſta & neceſſaria vitæ præſidia, in Deum fiducia ; ſed circa
 peccata & flagitia, timenda iuſtitia, non præſumenda miſe-
 ricordia. Sic caſtiſſima Suſanna, poſita in peccati ab vna , &
 infamiæ ac mortis discrimine ab altera parte , fiduciam ha-
 buit in Deum , non circa peccatum perpetrandum , ſed circa
 mortis periculum euadendum. Vnde & ſic loquitur: *Anguſtia*
ſunt mihi undique. Si enim hoc egero, mors mihi eſt: Si autem non
egero, non effugiam manus veſtras. Sed melius eſt mihi abſque
opere incidere in manus veſtras (id eſt, in periculum mortis
 temporalis) *quàm peccare in conſpectu Domini.* Habuit fi-
 duciam non in miſericordia Dei poſt peccatum , ſed in pro-
 tectione Dei abſque peccato. *Quare & cum accuſaretur à*
ſenioribus illis, ſtens, ſuſpexit ad cælum: erat enim cor eius fidu-
ciam habens in Domino. Sed & poſtea quum liberabatur, cir-
 cunſtantes *benedixerunt Deum, qui ſaluat ſperantes in ſe.* Sic
 S. Ioseph maluit dominæ ſuæ grauiſſimam indignationem
 cum periculo ſtatuſ ſui ſubire, committens reliqua Deo,
 quàm in eius gratiam, ſtatûſque ſui conſeruationem Deum
 offendere, dicens: *Quomodo poſſum hoc malum facere, & pec-*
care in Deum meum? Genef. 39. Similiter tres pueri in cami-
 num ignis à Nabuchodonosor conijciendi, fiduciam habue-
 runt non de miſericordia Dei poſt adorationem ſtatux, ſed
 de adiutorio Dei circa liberationem à morte. Vnde quum

Fiducia præ-
poſt. 12.

Simile.

Fiducia recta.
Exempla.

1.

Dan. 13.

2.

3.

Daniel. 3.

Angliæ schismatici.

Allegoria.

** Domin. 4.
post Epiph. text.*

*4. Dominica
Quinq. text. 3.*

& 4. Domin.

1. Quadr. text.

5. Domin. 4.

Quadr. text. 2.

Domin. Pasch.

text. 4. Domin.

in Albis text. 2.

Domin. Pent.

text. 5.

*Liberalitatis
virtus.*

Psal. 144.

Psal. 102.

Exempla.

1.

1. Reg. 30.

eis Nabuchodonosor diceret: *Quis est Deus qui eripiet vos de manu mea? responderunt ei: Deus noster, quem colimus, potest nos eripere de camino ignis ardentis, & de manibus tuis, o Rex, liberare. Quod si noluerit, notum sit tibi, quia deos tuos non colimus.* Quam innumeri hodie in Anglia schismati cesserunt, sperantes forte vt citò se inde extricarent, à Deo misericordiam consecuti, qui tamen ab eo nunquam postea emergerunt, sed ex timidis schismaticis, hæretici obdurati facti sunt! Quam innumeri quotidie peccant peccato carnis, mendacij, fraudis, rapinæ, sperantes se hoc solo peccato perpetrato, statim ad meliorem vitam conuertendos, qui de peccato in peccatum progressi, totam vitam in eo consummarunt, miserèque perierunt! Israëlita quum in Ægyptum descenderent, existimabant se non nisi per annos quinque, quàm diu durabat fames, in ea commoratuos: at illi totis quadringentis annis illic hærescunt. Est ergo circa subsidia necessaria fiducia in Deum nunquam deponenda. Non est in malis artibus, in prudentia aut malitia humana, spes ponenda. De hac pia in Deum fiducia, & contra diffidentiam, in alijs * Dominicis iam aliquoties diximus.

5. Et sustulerunt quod superauerat de fragmentis septem sportas.

Locus moralis de virtute liberalitatis. Christus enim sic in deserto Auditores suos cibo abundanter refecit, vt non solum manducantes saturati fuerint, sed etiam de fragmentis quæ superfuerant, sustulerint, secumque abstulerint septem sportas, id est, quantum septem sportæ continere poterant. Commendat hoc facto Christus non solum simplicem eleemosynam, sed etiam liberalem. Sic Deus aperiens manum suam, *implet omne animal benedictione.* Non benedicit tantum, aut simplici benedictione impartit, sed etiam *implet benedictione.* Sic alibi: *Qui replet in bonis desiderium tuum.* Non satisfacit tantum, sed & replet. Dauid nactus ex Amalecitis prædam optimam, non solum inter pugnantes eam distribuit, sed & alijs ducentis qui ad sarcinas remanserant (multis murmurantibus) liberaliter diuisit: nec in illos modo, sed & in absentes liberalis, *misit dona de præda sexio ribus Iuda proximis suis, dicens: Accipite benedictionem de præda hostium Domini. Sed & reliquis qui erant in his locis, in quibus commoratus fuerat Dauid, Saulem fugiens, & viri eius, dona misit.*

misit. Ita suæ liberalitatis neminem ex amicis suis expertem
 esse voluit. Filij Israël, quum filiorum Iuda captiuos maximo
 numero cepissent; *apprehendentes eos, omnes qui nudi erant,* 2. Paral. 28.
vestierunt de spolijs; cumque vestissent eos & calceassent, &
refecissent cibo ac potu, unxiseruntque propter laborem, & ad-
hibuissent eis curam, quicunque ambulare non poterant, &
erant imbecillo corpore, imposuerunt eos iumentis, & adduxe- 3:
runt Iericho ad fratres eorum. Nabal negato David & viris 2. Reg. 25.
 eius liberali subsidio, celeri & inopinata morte extinctus
 est. Contrà Abigail vxor eius magna liberalitate erga Da- 4.
 uid & viros eius vsa, ipsi postea David matrimonio est iun- Tob. 1. & 2:
 cta. In hoc liberalitatis genere excelluit Tobias, qui esu-
 rientes fratres pascebat, nudos vestiebat, mortuos, relicto
 prandio, sepeliebat, & quum haberet prandium bonum, ali-
 quos de tribu sua, timentes Deum, vocauit vt epularentur
 cum illo. Iob quoque *non comedit buccellam suam solus; erat* Iob 29. & 31.
pes claudus, oculus cecus, pater pauperum, & cor viduæ consolatus Illiberalitatis
est. Hac quoque virtute excelluerunt ceteri, iusti, Abraham, vindictæ.
 Iudic. 8.
 Ioth, Isaac, & Iacob, & quocunq; Deo placuerunt. Huius vir-
 tutis defectus multos perdidit. Dixit Gedeon *ad viros Socoth;*
Date obsecro panes populo qui mecum est, quia valde defecerunt,
vt possimus persequi Reges Madian. Quod quia auarè & illibe-
raliter negarunt, rediens victor Gedeon, tulit seniores ciuitatis, Aelianus ver.
& spinas deserti ac tribulos, & carnes eorum contriuit cum eis. histor. lib. 14.
 Corinthi in summa rerum caritate & inopia, Theocles &
 Thrafonides, Mytilene quoq; praxis, ciuibus suis hortatores
 & suatores fuerunt, vt paupertatis onus egentibus releuaret.
 Reliquis obtemperare nolentibus ipsi sua debita remisert;,
 quo lucrati sunt non quidem argentum, sed animam & vitâ.
 Etenim quibus condonata sua debita non fuerunt, ij facto
 in creditores impetu, cū armis, quæ suppeditabat ira ferox;
 & paupertas inexpugnabilis, mortem illis intulerant. Titi *Exempla*
 Imperatoris illa vox erat celebris, quum semel in cœna re- *ethnica.*
 cordatus esset, se eo die nemini quicquam prestitisse, *Amici;* Suetonius in
 inquit, *diem perdidit.* Alexander Seuerus descriptum habe- Tito.
 bat, quid cui prestitisset. Qui nihil aut minimum petissent, *Apophthe-*
 eos appellabat, dicens: *Quid est, cur nihil petis? An me tibi sma.*
vis fieri debitorem? Pete, ne priuatus de me queraris. Dionysius
 Siculorum Rex, quum ad Ilium ingressus, cōspexisset vascu- *Ælius Lam-*
 lorum aureorum & argenteorum magnam vim, exclamans, *prid. in vita.*
Non est, inquit, in te regius animus, qui his poculis, quæ à me tam Plutarch. in
multa accepisti, neminem amicum tibi feceris. Regum Apophe.

*Exempla
sancta.**Gregor. Dial'og.
lib. 3. cap. 1.**In vita eius
apud Surium.
tom. 7. pag. 435.**Domini. 4. Qua-
drag. text. 5.*

omnes, ad conciliandam hominum benevolentiam & gratiam (sine qua nec imperia tuta sunt, nec vita communis iucunda esse potest) quantum in liberalitate & beneficentia momentum positum sit. Sancta autem & insignis fuit sancti Paulini Episcopi Nolani erga ciues suos liberalitas; quos à Vandalis captos, omnibus pecuniis opibusque exhaustis, redemit: & quum vnicum viduæ filium vnde redimeret non haberet, seipsum pro eo in seruitium barbaro dedit. A quo postea, viri sanctitate barbaro diuinitus patefacta, cum reliquis omnibus captiuis ciuibz libertate donatis, domum remissus est. Sanctus Bernardinus quum à Duce Mediolanensi, vt pecunias acciperet, cogeretur (etsi ille non iuuant, sed tentandi eum causa hoc fecerat) vir sanctus mox ad carceres Senenses abiens, omnes illic ære alieno pressos, ex Ducis pecunia liberauit: duobus tantum exceptis, quibus non suffecit illa pecunia: quos tamen paulo post populus ipse, viri sancti exemplo motus, & precibus flexus, facta collecta similiter liberauit. De hoc argumento, & de liberalitatis mercede amplissima à Deo retributa, in alia Dominica diximus:

EVANGELIVM DOMINICÆ VII.

POST PENTECOSTEN.

Matth. 7.

Attendite à falsis prophetis, qui veniunt ad vos in vestimentis ouium, intrinsecus autem sunt lupi rapaces. A fructibus eorum cognoscetis eos. Nunquid colligunt de spinis aut de tribulis ficus? Sic omnis arbor bona bonos fructus facit: mala autem arbor malos fructus facit. Non potest arbor bona malos fructus facere; neque arbor mala fructus bonos facere. Omnis arbor quæ non facit fructum bonum, excidetur, & ignem mittetur. Igitur ex fructibus eorum cognoscetis eos. Non omnis qui dicit mihi, Domine, Domine, intrabit in regnum cælorum: sed qui facit voluntatem Patris mei, qui in cælis est, ipse intrabit in regnum cælorum.

PERICOPE Moralis huius Euangelij.

1. Attendite à falsis prophetis, qui veniunt ad vos. De studio cauendi & fugiendi hæreticos.

1. A fru-

2. *A fructibus eorum cognoscetis eos. De noxiis & pestiferis hæreticorum nostri temporis fructibus.*

3. *Omnis arbor bona bonos fructus facit: & non potest arbor bona malos fructus facere. De virtutis & bonorum operum necessitate.*

4. *Omnis arbor quæ non facit fructum bonum, exciderit, & in ignem mittetur. De duplici pœna peccati omissionis.*

5. *Non omnis qui dicit mihi, Domine, Domine intrabit in regnum cælorum; sed qui facit voluntatem Patris mei, qui in cælis est. De necessaria observatione mandatorum Dei.*

1. *Attendite à falsis prophetis, qui veniunt ad vos in vestimentis ouium, intrinsecus autem sunt lupi rapaces.*

Locus moralis de cauendis magno studio & fugiendis hæreticis. Falsi enim prophetae, quos Christus hic denotat, iuxta omnes veteres interpretes, sunt hæretici omnium temporum; qui sub nomine Christiano, aliisque sanctitatis & doctrinae vestimentis, pietatem promittentibus, intrinsecus rapiunt, mactant, & perdunt ouile Christi. Hunc locum in altero Promptuario latè explicauimus; & nostri temporis hæretici, quot modis sint lupi rapaces sub vestimentis ouium, studiosè ostendimus. De hæreticis quoque fugiendis, & nullo modo audiendis, in eodem Promptuario, circa illa Christi verba: *Oves meæ alienum non sequuntur, sed fugiunt ab eo;* differuimus. Hic tamen aliqua addemus, ut de re ad pietatem & salutem imprimis necessaria. Attendendum maximè & cauendum ab hæreticis, quia simulati & occulti hostes sunt, ut hic Christus docet. Cur autem, & quomodo sint tales, paucis explicandum.

Quædam vera cum falsis docent, ut tanto efficacius fallant. Sicut enim sutor apri seu porci subtili seta utitur, ut aliud suum filum duplicatum, pice delibutum & crassum in corium introducat, eam in fronte alterius adaptans; quæ propter suam subtilitatem in corij foramen facillimè ingreditur: sic hæretici, ut crassas suas & falsitatis teterrima pice delibutas sententias, in animos auditorum intromittant, ponunt in fronte subtilem, veram, & sanam aliquam doctrinam; quam suæ hæresi adaptantes, eam pariter introducunt, falsumque pariter cum vero sophistica connexionem coniuncta, suorum animis instillant. Quam eorum pestilentem fraudem similitudine apposita diuus Irenæus expressit: Quemadmodum qui Regis imaginem ex auto & gemmis pretiosis à solerte artifice fabricatam, dissoluunt, & transferunt aurum illud & gemmas in canis imaginem, quam ex

eadem materia conficiunt; aiunt post imaginem suam canis, esse Regis imaginem, quoniam idem est aurum, & iidem pretiosi lapilli: sic omnino hæretici fidei imaginem dissolunt, & ex iisdem sacre Scripturæ autoritatibus perperam ac falso expositis atque transpositis, imaginem perfidiæ suæ conficiunt & ornant, dicentes illam esse fidei & veritatis imaginem, eo quòd ex iisdem S. Scripturarum locis est constructa. Sic enim imperitæ plebi facilè imponitur, quæ de materia quidem iudicare potest, aureane sit an plumbea, verba Scripturæ norunt; sed de forma iudicium ferre nequit, de sensu & connexionem Scripturarum sana ac legitima iudicare nescit. Non enim habet sensus exercitatos ad discretionem veri ac falsi. Impius ille Propheta Balaam, multa bona verba dixit. Sic enim populum Dei benedicebat: *Quàm pulchra tabernacula tua Iacob, & tentoria tua Israël, ut valles nemorose, ut horti iuxta fluuios irrigui, ut tabernacula quæ fixit Dominus.* Idem tamen falsus Propheta Regi Balac consilium dedit, ut populum peccare faceret per mulieres Moabitidas, ut sic ad idola pertraherentur; *mittens scandalum coram filiis Israël, edere & fornicari.* quod & factum est: *Fornicatus est populus cum filiabus Moab, quæ vocauerunt eos ad sacrificia sua; at illi comederunt, & adorauerunt deos earum.* Sic hæretici hodie sacram Scripturam, Dei verbum, Christi Evangelium, magnificis verbis prædicarunt, populòq; Christiano benedixerunt. Sed ut eos Regi Moab, qui diabolus est, subiicerent, consilia carnis dederunt, & doctrinam Balaam tenuerunt: nihil prodesse ieiunia, cœlibatum rem esse impossibilem, confessionem peccatorum non esse necessariam, satisfactionem superfluum, pœnitentias inanes, cultus externos, peregrinationes, preces prolixas, sacrificia, res esse superstitione plenas, nullis denique Ecclesiæ legibus hominem Christianum teneri, sed nec ipsas Dei leges aut mandata esse ad salutem necessaria, sola fide omnes saluari. His acceptis consiliis, fornicatus est populus Christianus cum filiabus Moab; dæmonum libidini, voluptatibus carnis sese totos prostituerunt.

Numer. 24.

Apocal. 3.
Numer. 25.

Hæretici hodie doctrinam Baal tradiderunt.

Hæretici moderni veteribus audaciores.

Atqui, ut nostrorum hodie hæreticorum lupinam rabiem clariùs intelligas, & luculentiùs populo exponas, sic accipe. Veteres hæretici, non ausi Ecclesiam Christi, (quam ut acie terribiliter ordinatam, & ut ciuitatem super montem positam, & murmuris fortissimis sacrorum Canonum circumdatam, propugnaculis sanctorum Patrum defensam conspex-

runt) aperte impugnare, cuniculos egerunt; & ipsum fundamentum fundamentorum, atque lapidem angularem Christum Dominum, ex cordibus hominum (operante per eos satana) tollere conati sunt. Hinc contra personam eius modò quoad diuinitatem, vt Cerinthus & Ebion; modò quoad humanitatem, vt Marcion, Valentinus, Manichæi, Apollinaris; modò iterum quoad diuinitatis veritatem, vt Arius & Eunomius; rursus quoque contra veram diuinitatis cum humanitate coniunctionem, vt Nestoriani, Eutychiani, Monothelitæ, & sectæ illorum innumeræ, donec tandem ex his omnibus monstrum Mahometanum, Christo excluso constaretur. At hæreses hodiernæ audaciores & impudentiores, totum Ecclesiæ corpus, quasi lupi rapacissimi totum gregem, acerrimo impetu aggressi, impugnaverunt. Primum enim vtraque domus huius latera fortissimè concusserunt; videlicet cultum Dei externum, & vitam spirituales, seu cultum omnem internum. Vt cultum Dei externum euertèrent, sub vestimento tamen *Reformata religionis*, omnem de *Reformato-* Sacramentis & sacramentalibus doctrinam orthodoxam con-*res.* taminarunt. Sanctorum quoque inuocationem, imaginum & reliquiarum venerationem, & quæcunque eò pertinent, penitus sustulerunt. Vt vitam spirituales destruerent, sub vestimento *Euangelica libertatis*, omnem de peccatis & virtutibus sanam doctrinam venenatis suis dogmatibus infecerunt: *Euangelici.* primum exaggerando peccatum originale, & corruptionem naturæ inde consecutam, adeò vt liberum arbitrium negent, & peccati morbum incurabilem doceant; deinde negando ullam bonorum operum veram iustitiam, aut ad salutem necessariam, & consequenter omnia in sola fide collocando, vnde emerfit certitudo gratiæ ex parte nostra, & imputatiua ex parte Christi. Concussis lateribus domus huius magnæ, fundamenta quoque ipsa aggressi sunt, quæ Christus lapis angularis posuerat, sibi quæ arctissimè connexerat. Hoc vt perficerent, Ecclesiæ totam auctoritatem, sub specioso *Protestantium* titulo & vestimento, omni ex parte *Protestantes.* subvertere conati sunt. Ex parte subiecti in quo illa consistit, ab Episcopis, pastoribus, & doctoribus quos Christus posuit, ad congregationem & promiscuam plebem, vel ad quosdam de plebe (tales enim, & non alij sunt omnes eorum quos vocant, ministri) transferendo. Ex parte obiecti, ad quod illa se extendit, negando illi, vel circa Scripturarum canonem consignandum, vel circa Scripturarum interpretationem,

rationem, vel circa Traditiones extra Scripturam suam quàm à Christo habet potestatem & facultatem. Ex parte qualitatis & dignitatis quam in se formaliter habet, ponendo eam probabilem tantum merè humanam, & errori obnoxiam, quum Christus eam posuerit planè necessariam, infallibilem, & suo quodam modo diuinam. Ex parte mediocorum omnium quibus ad fidei stabilimentum uti solet, negando Conciliorum decreta, SS. Patrum consensum, Regulam fidei, & his consimilia. Postremò, ut nullus relinqueretur eorum impudentiæ & impietati modus, ipsam tandem in se Catholicam & Apostolicam Christi Ecclesiam penitus negauerunt: non secus certè quàm perfidi rebelles, qui ubi primum de potestate Regis, eiusque abusu disputarunt, postea ipsum Regis titulum ac ius in dubium vocant. Sic hodie profecerunt in peius, tales lupi rapaces extiterunt.

Simile.

Lupi rapaces & famelici, vna ouicula comprehensa, eam ita certatim lacerant, ut nullum eius membrum intactum relinquant. Sic hæretici hodie Ecclesiam, & omnia dogmata, sacramenta, & Sacramentalia eius. Et quia pastores gregis sibi cõmissi causam diligenter agere, canesque vocales, verbi prædicatores strenuos ac fortes habere hi lupi aduerterunt, hos ab ouili arcere, horum authoritati derogare, existimationem imminuere, personas denique è medio tollere omnibus viis & modis conati sunt. Philippus Macedonum Rex quum Athenas obideret, misit ad ciuitatem Legatos, qui dicerent: Date mihi Oratores decem quos ipse elegero (illi enim Rempublicam vestram perturbant) & ego ab obsidione cessabo, atque amicitias vobiscum faciam. Cuius postulato Demosthenes sic respondit; Lupi pastoribus aliquando sic dixerunt: omnis discordia quæ internos ac vos agitur, propter canes vestros exorta est: eos si nobis tradere vultis, arcto vobiscum amicitiae fœdere coniungemur.

Plutarc. in Demosthene.

Illis ergo traditis, dum somnum pastores caperent, lupi gregem inuadunt, & quotquot volunt, deuorant. Hoc studio hæretici hodie primum omnium ordinum religiosos, posteaque sacerdotes, pastores, & Episcopos, infensissimo odio prosequuti sunt. Hæc lupina hæreticorū rabies sub vestimento ouium, singulare diaboli commētum fuit, quo animas perderet. *Quemadmodum enim in bello* (ait S. Chrysostomus) *militēs strenuos, atque animā profundere paratos, inimicus*

Simile.

Orat. 2. de Providentia.

conspiciens,

conspiciens, qui nulla eos ratione ladere queat, neque à studio in Regem remouere, neque ad timorem traducere, neque machinis superare potest; hac via tamen suadendo corrumpit, frustra illos ac temerè tantos suscipere labores, vt sic robur labefactet, animi robur extinguat, & à bellicis curis amotos, nudos & inermes cernēs captiuos trahat: sic & diabol⁹ facit. Posteaquā videt Dei gratia gētilium errores passim irrideri, sermones de pietate ubiq; acceptissimos esse, magnam impietatis depulsionem fieri, non ausus est procedere, ac palàm dicere, Deficite à Christo; &c. Nouit enim ita magis à suo imperio recessuros, & vehementi⁹ illum exosuros. Propterea recta via ad accusandum non pergit, sed circuitione quadam perreptās, venenum iniquarum opinionum clāculum spargit, hoc relinquēs, vt videantur quidē homines in fide permanere: re autem vera radicitus eam extrahit, & omnia veritatis instituta perfringit, & multū apud homines sibiobedientes, Deo calumniam offundit. Non sectus sanè, quàm si quis puerum ingenuum ac liberum, sed simplicem & incallidum dextera prahēsa, è domo paterna non eijceret, sed ea preciperet faciēda, quibus designatis, volens nolens paterna domo eijciendus & exhaeres esset. Hæc ille. Sic per hæreticos diabolus hodie operatus est, sic blandimentis & fallacijs infinitas animas, quasi sub vestimētis ouium, lupi rapaces, & nostri, & omnium temporum hæretici seduxerunt.

Inter alia ouium vestimenta, quibus isti lupi rapaces, hæretici, se tegunt vt fallāt, S. Scripturę abusus vel potissimū est, sicuti in altero Prōptuario tum super hoc Euangeliū annota- uimus, tum in alia Dominica latius deduximus. Sed & hoc quoq; suasore & instigāte diabolo faciūt; vt his verbis docet sanctus Basilius: Sicut per qua putabant homines Deū cognoscere, per ea maximè Gentiles ignorare Deum diabolus fecit, (mundus enim opificis sui iudex propositus quum sit, illi non per visibilia Dei eum cognouerūt, sed suasore diabolo seruierunt creatura, Solē ipsum, & cetera pro dijs adorātes) sic vnde oportebat Christū agnoscere, ex Scripturis scilicet Christū predicātib⁹, inde maximè Christi ignorationē diabolus introducere molitus est, hæreticas intelligētias callidè ingerēdo. Hæc ille. De hac etiā hæreticorum impostura maximè tum vulgari, tum speciosa Origenes: Sicut pirata solent in mari in locis vadosis, occultisq; scopulis, per obscurum noctis lumen accendere, quo nauigātes sub spe cōfugiendi ad portum salutis, ad naufragia perditionis inuitēt: ita & istud lumē falsa sapiētia, & falsa fidei per Scripturas prolatas ab hæreticis accenditur, vt salutis suæ cupidos hac luminis specie ad fidei

Dominica 2.

Quadrag.

In lib. de vera
virginitate.

Simile.

In epist. ad
Rom cap. 14.
Similia.

fidei & salutis naufragiū pertrahant Sanè sicut aucupes quidam frondem mortuam instar arboris circumferendo: & aues mortuas perinde ac viuæ essent, in ramis collocat visco illitis; quò accedentes viuæ aues, quasi ad socias & amicas, irretitæ capiuntur: ita planè hæretici sermonem Scripturarū vocibus cōtextum proferunt, & verba mortua (est enim spiritus literæ qui viuificat, sine quo litera occidit) quæ sonat tamē vt viuæ, sermoni interfert, visco falsæ & venenatę interpretationis illita, qua corda simpliciū, quæ indocti & instabiles, quasi ad Dei verbū auidè accurrentes, cum certa animarum pernicio capiuntur. Tales sunt sub vestimentis ouium lupi rapaces & tanquam à talibus attendere, id est, attentè cauere, iubet saluator.

Attenditur à falsis prophetis, ab hæreticis, duobus maxime modis. Vno modo, eorū voces & verba nullo modo audiendo de quo in altero Promptuario latè diximus. Altero modo: eorum libros & scripta non legendo. Vtrobique enim par periculum est. De hoc ergo posteriori, hoc loco, satis proprio, pauca suggeremus. Qui libros hæreticorum legere, aut nullū piaculū putant; aut etiam commodè permitti posse atque debere existimant, non aduertunt quantum valeat quod Christus hīc dixit: *Attendite à falsis prophetis*. Quid enim est attēdere, quā sibi ab illis cauere? Aut vbi magis ab illis cauendū est, quā in quo fallere maximè contendunt? At eorum libri summo studio ad fallendū compositi prodeūnt. In eorum libris lupina rabies sub vestimentis ouīū callidissimè & accuratissimè occultatur. Ibi enim verborū lenocinia, sermones phalerati, sophismata elaborata, paralogismi magno studio concinati conspiciuntur. Ibi Scripturæ torquentur, adulterantur, deprauantur, mutilantur. Patrū sententiæ, Conciliorum decreta, veteres historiæ in eorum libris vel sugillantur, vel corrumpuntur. Sanctus Ephrem duos Apollinaris magni hæretici libros, qui hæreses eius complectebantur, à quadam femina quę eos custodiuit, mutuo acceptos, ita per singula folia cōglutinauit, vt nunquā postea vsui cuiquam esse possent, optimè se de Ecclesia meritū hac ratione arbitratus. In Præto spirituali sic legimus: Abbas Cyriacus presbyter Lauræ Calamonis iuxta iordanē vidit in somnis beatam virginem ante cellam suam transeuntem. Quūq; multū precaretur, vt ingredi vellet, Quomodo (inquit) ingrediar in cellā tuā, quum ibi teneas inimicum meum? Et his dictis abscessit. Ille autem euigilās, miratus quid hoc sibi vellet, tandē totā cellam suam

Hæreticorum
libros non esse
legendos.

Exemplum.
In vita eius apud Surium.

Exemplum.
Cap. 46.

discutiendo, inuenit in quodam Isychij volumine, quod tenebat, duos impij Nestorij libellos in fine voluminis assutos. Quos statim reddens ei à quo mutuatus fuerat, & causam narrans, effecit vt statim impij illi libri cremarentur. Tiberius Imperator Euty chij librum hæreticū, postquam à sancto Gregorio Legato tunc Pōtificio conuictum vidit hereticum, suis ipse manibus in ignem coniecit. Dei iudicio, & singulari Ecclesiæ industria factum est, vt ex tot hæreticorum voluminum myriadibus, nulla prorsus hodie veterum hæreticorum scripta extent, nisi paucorum apud Patres, qui eos confutarent, fragmenta. *Quamuis enim sint* (ait sanctus Leo) *in hæreticorum criptis quadam qua videantur eruditionis & pietatis speciem habere, nunquam tamen vacua sunt venenis. Nam* (vt scribit sanctus Gregorius) *miscent recta peruersis, vt ostendendo bona, auditores ad se pertrahant; & exhibendo mala, latenti peste corrumpant.*

Exemplū.

In vita sancti Gregory.

Epist. 93. c. 15.

Moral. lib. 5. cap. 11.

2. A fructibus eorum cognoscetis eos.

Locus moralis de noxiis & pestiferis hæreticorum fructibus, hoc maximè tempore in orbem Christianum inuectis. Quemadmodum enim Christus, quum Iudæi illum in horto aggredierentur, eus quidem diuina voce bis repulsi ceciderunt in terram retrorsum, tandem tamen accepta potestate quicquid liberet faciendi, dixit illis *Hæc est hora vestra, & potestas tenebrarum.* id est, nunc tempus & potestatem habetis, omnem in me libidinem ac rabiẽ vestram exercendi; & quicquid vobis princeps tenebrarum suggererit, in corpus meum exequendi, & quemadmodum diabolus potestatem à Deo accepit cōtra S. Iob, primū quidem circa bona & substantiam eius vniuersam, quam propterea totam rapinis & incendio vastauit, liberis quoq; eius omnibus interfectis; deinde & in corpus ipsum, quod propterea vlcere pessimo totum percussit: sic in nostra hac ætate, partim ad pœnas peccatorum, partim ad probationem electorum, & vt manifesti fierẽt qui probati sunt in nobis; Diabolus à Deo potestatem accepisse videtur, vt per ministros suos, nostri temporis hæreticos, immanissimos & horrendos fructus produceret, & ingentes in Ecclesia strages daret, Christi q; corpus mysticum, tam quæ ad ea quæ circa illud sunt, vt totus religionis cultus, & sacramenta; quàm quæ id ipsum est, vt tota eius in terris potestas & autoritas, pro sua libidine ac rabiẽ, quocūque vellet modo vexaret, turbaret, perderet. Qui horrēdi fructus & strages

Hæreticorum fructus.

Ioan. 19.

Luca 22.

1. Cor. 11.

ex iis consecutæ, vt clariùs populo exponantur, breuem hoc loco enumerationem proferam earum nouitatum ac mutationum omnium, siue quoad fidem, siue quoad mores, quas istæ hæreses introduxerunt.

Nouitates
nostri tempo-
ris circa reli-
gionem.

1.

Lib. 4. cap.

2.

3.

4.

5.

6.

7.

8.

9.

10.

11.

12.

13.

14.

15.

16.

17 Rom. 13.

18.

19.

Mutata est religio Christianorū, vel, vt hæretici nostri loquuntur, reformata est, ab vna & vniformi, omniumq; gentium consensu, in varias, quàm plurimas, & maximè dissentientes sectas: de quibus vide Apologiā priorem Friderici Straphyli Dubitatorium Guilielmi Lindani, & Opusculū nostrum de Principiis fidei doctr. Mutata & reformata est ab antiqua & Apostolica, ad nouam & paucorum annorum, à Martino Luthero coepta anno Christi 1517. A Catholica & omnium gentium communione, ad paucitatem & singularitatem cuiusq; gentis, prouinciæ, ac propemodum ciuitatis. Ab ordinata monarchia sub vno Christi vicario, (qualē Christus Petrum dedit, cuius iste successor est) ad anarchiā, vel certè fœdam polycratiam, aut popularem, aut Principū (& in his modò sub puero, modò sub fœmina supremo capite, vt in misera Anglia) aut denique consistorialem, prorsus turbulentā. Ab illa in qua piscatores fiebant Apostoli, laici fiebāt clerici, & seculares facti sunt religiosi, ad illā in qua Apostolorū successores fiunt apostatæ, clerici non distinguuntur à laicis, religiosi, redeunt ad seculum, atque adeo redire coguntur, vel certè redeunt laudantur. Ab illa quæ orabat pro defunctis fratribus, ad illam quæ omnia pro defunctis orandi collata subsidia instituta collegia, constructa monasteria expilauit, Ab eleemosynarū largitione, ad xenodochiorum subuersionem. A vita claustrali, ad luxum aulicum. A voto castitatis, ad monachorum connubia, id est adulteria approbata. A velandis virginibus, ad stuprandas matronas. A vinculo thori coniugalis, ad frequentia diuortia, & superinductas vxores, id est, concubinas domesticas, superstite relicta. A voto paupertatis, ad professas & legibus probatas vsuras. Ab obediētia voluntaria ad arrogantiam affectatā, effrontē & effrenē. A paucorum superstitione, ad impietatem communem. Ab hypocrisis quorundam, ad iniquitatem iactabundam, vt qui antea castitatem simulabat, nunc inter adulteros esse castus erubescat. A certis ieiuniis, ad perpetuam ingluuiem & *carnis curam in desiderio*. A vigiliis nocturnis, ad somnolentiam diurnam. A precibus ecclesiasticis ad prædicationes laicas. A concionibus doctorum, ad lecturas adolescen

fcentum & muliercularum. A memoria Sanctorum, ad re- 20.
 liquiarum exustionem. A peregrinatione ad loca sancta, ad 21.
 frequentanda lupanaria. A fide Christiana, ad fiduciam Lu- 22.
 theranam, aut persuasionem certam Calvinianam. A timore
 & tremore, quo iubet nos Apostolus *operari salutem*, ad cer- 23.
 titudinem & præsumptionem, quam docet Calvinus, timore 2 Cor. 7.
 vacuam. A studio virtutis, ad contemptum peccati. A vere- 24.
 cundia peccatorum confessione, ad gloriandum in iniquita- 25.
 te, & exultandum in rebus pessimis. A minorum peccatorum
 scrupulo, ad contemptum maximorum. Ab illa religione quæ
 omnes hæcenus hæreses damnauit, ad illas sectas quæ om- 26.
 nes ferè veteres hæreses resuscitarunt. Ab Ecclesia visibili, 27.
 notissima, illustri, & super montem posita, iuxta Scripturas;
 ad latitantem in deserto, ad fugitiuam meretriculam, iuxta
 misera paucorum perfugia. Ab Ecclesia Patrum & omnium 28.
 Sanctorum, ad conuenticula hominum nouorum, quibus
 merito dici debet, quod Manichæis dixit Augustinus: *Vos De utilit. cred.*
tam noui, tam pauci, tam turbulenti, haud dubium quin nihil di-
cap. 7.
gnum autoritate proferatis. A veritatis magistra: ad scholas
 mendaciorum. A certis & firmis dogmatibus ad religionem 30.
 negantem. Ab illa cuius sunt certa & firma fundamenta, ad 31.
 illam cuius totum fundamentum suus cuique animus est: 32.
 qui illud in Scripturis & Ecclesiæ dogmatibus quod volunt
 credunt; quod nolunt, non credunt, ideoque nec Scripturis, *Lib. 3 cap. 3.*
 nec Ecclesiæ, sed sibi ipsis credunt, & vt ait Irenæus, *semeti* 33.
ipsos prædicant. A doctrina spiritus, ad doctrinam carnis. A to- 34.
 to Scripturæ Canone, ad mutilatores Canoniarum Scriptu-
 rarum. A voce interpretantis Ecclesiæ, ad sensus Scripturæ
 cuiusque priuatos & proprios. A Spiritu viuificante, ad lite- 35.
 ram occidentem. A verbo Dei distincto & formato per vo- 36.
 cem loquentis Ecclesiæ à Spiritu sancto edoctæ, ad confu- 37.
 sum & informem sonum verbi. A verbo Dei integro, ad tex-
 tus corruptos. Ab vna versione Catholica, ad innumeras no- 38.
 uas. A Patrum consensu, ad Patrum vel contemptores, 39.
 vel corruptores. A iugi sacrificio, ad abominationem de- 40.
 solationis. A cultu præsentis Christi, ad horrendam ido- 41.
 latriæ Christianæ calumniam, seu blasphemiam po- 42.
 tius. A fide & bonis operibus, ad solam fidem iustifican-
 tem atque saluantem. A studio merendi vitam æternam,
 & violenter rapiendi illam, ad doctrinam præsumendi
 gam, & absque certamine coronandi. A mandatorum ob- 45.
 seruatione

46. seruatione studiosa; ad doctrinam de impossibilitate obseruandi ea. Ab efficacia sanātis gratiæ & noua in Christo creatura, ad doctrinam de insanabili natura, & vetustate in Adam permanente. A libero arbitrio, ad necessitatem peccandi.
 47. A reuerentia sacerdotum, ad occisionem eorum. A consecratis & ornatis templis, ad demolitiones eorum. A veneratione Sanctorum, ad eorum statuas deturbandas. A religiosi festorum solennitatibus, vt de populo Christiano circa
 48. Martyrum memorias Augustinus loquitur; ad politicas celebrationes, vt de ipsis Christi festis isti noui magistri loquuntur.
 49. A legibus Ecclesiæ; ad placita Principum. A septem sacramentis, ad duo, vel secundum alios, ad tria; vel, vt quidam
 50. eorum volunt, quatuor. A baptismo ad salutem necessario, ad anabaptismum, secundum quosdam; ad non necessarium, iuxta Calvinum; ad virtutem eius abnegatam, secundum
 51. omnes. A liturgia Catholica, ad cœnas Calvinisticas. A fide solo verbo satis confirmato, ad periuria scripta & signata.
 52. Ab amicitia fiduciali inter proximos, ad suspiciones & fraudes inter omnes. A simplici veracitate, ad circumuentiones
 53. in dolo. A sacerdotio ordinato, consecrato, & cœlibe, ad ministerium politicum, profanum, & vxoratum. A clero hospitali, ad ministerium rapax. A pijs & amplis foundationibus, vel ad Dei cultum, vel ad literarum studia, vel ad pauperum subsidia erectis & institutis, ad omnium huiusmodi vel ex-
 54. pilationem, vel subuersionem. Ab illa religione quæ neminem ad fidem cogit, quam nunquam tenuit; ad illas sectas, quæ cruentis legibus (vt in Anglia) cogunt ad nouas hæreses amplectendas, & fidem omnium gentium abiurandam. Ab illa religione in qua perfectionis studio, quotquot voluerūt, Christum sequi possunt, relictis omnibus quæ possident; ad illas sectas, quæ neminem hoc facere permittunt, & facientes à sancto proposito depellunt, omnéque perfectionis studium damnant. Ab illo sacerdotio ad quod in bonis literis, artibus, & sacris studiis instituti promouentur; ad illud ministerium, in quo ex officinis mechanicis ad cathedras ecclesiasticas sese, qui volunt, proripiunt. Ab illa religione quæ sexum muliebrem, & vtriusque sexus pueros ac iuuenes in modestia ac verecundia metuque maiorum continebat; ad illas sectas, in quibus nec pueri, nec fœminæ quicquam erubescunt. In quibus videlicet naturali verecundiæ succcessit impudentia; pudori virginali, effrons lasciuia; munditiæ, fucus; oculis demissis, elati & leues; parcitati verbo-
 55. rum,

*Contra Faust.
lib. 11. cap. 22.*

rum, superba loquacitas; operi assiduo, lusus perpetui; acui & filo, chartæ & tripudia; libellis precum, cantilenæ amatoriaræ; frugali parsimoniaræ, luxus immodicus; rosarijs beatæ Virginis, plumulæ crispata, pectines, verriculi; erubescentiæ de futuris nuptijs, risus effusi de rebus venereis. Hæc iuuentutis in Anglia (postquam hæretica esse cœpit) mutatio facta est. A freno & impedimentis peccatorum, ad calcar iniiciendum. A metu peccati, ad verecundiam iustitiæ, ubi scortatores fiunt, ne Papistæ videantur, vt in Anglia hæretica. Ab illa religione, quæ proposita operis mercede inuitat ad iustitiam; ad illam sectam, quæ spe præmij temporalis inuitat ad nequitiam. A conscientia cæremoniarum, ad contemptum sacramentorum. A contrito corde, ad cor induratum. Ab agnitione peccati, ad celanda & neganda peccata cum periurijs. A iuramentis raris & religiosis, ad crebra & quotidiana periuria. A satisfactione pro peccato per opera pœnalia, ad frequentationem peccati absque metu conscientiaræ, eo quod solus Christus pro omnibus satisfecit. Ab honore sanctuarij, ad omnem sacrilegam prophanationem. Ab his fructibus hæreticos nostri temporis cognoscere licet. Sunt & alia multa quæ prudens & cordatus Concionator obseruare poterit. Atque hi sunt proprij hæreticorum nostræ ætatis fructus, quia vel propria eorum dogmata complectuntur, vel eam vitæ impuritatem, flagitia, scelera quæ ex ipsa eorū impia doctrina nascuntur & promanant: ex quo duplici capite fructus hæreticorum proprij dignoscendi sunt, vt in altero nostro Promptuario explicauimus. Nempe de spinis nemo colligit uvas, nec de hæresi fructum bonum. Sicut enim spina vel tribulus, ex quacunque parte illam conspexeris, aculeos habet, nec facile contrectaueris absque læsione; sic hæreses hodiernas, ex quacunque parte eas consideraueris, seu ex parte doctrinæ, seu ex parte operum, quatenus quidem ipsis hæc propria sunt, iniquitate & turpitudine plenæ sunt. Sub huiusmodi spinis nihil latet, nihil requiescit, nisi serpentes, & animalia venenata. Nihil hodierna hæresis fouet, nisi impietatem, & secularia desideria: nec secundum illam aut piè creditur, aut sobriè, iustè, castè viuere quis potest.

3. *Omnis arbor bona bonos fructus facit, & non potest arbor bona malos fructus facere.*

Locus moralis de virtutis & bonorum operum necessitate. Arbor bona, bona voluntas est in Christo renata & reformata. *Bonorum operum necessitas.*

Pars Æstiuæ.

K

reformata

66.

67.

68.

69.

70. 71.

72.

73.

74.

*Pag. 134. b.
& 135. b.
Simile.*

Marth. 15.

Matth. 5.

Psal. 1.

Esais 5. & 30.

Rom. 5.

1. Cor. 12.

Mortis hora
non est tem-
pus iusti.

Eccli. 14.

Similia.

1.

2.

3.

4.

reformata, vel iustus ipse & ex Deo natus; qui velut arbor radicem, corticem, folia, flores, & fructus non nisi bonos habet. De corde tanquam de radice exeunt cogitationes bonæ, sicut de corde malo malæ exeunt, ut Christus docuit. In cortice gerit boni operis exempla; ut luceat lux eius coram hominibus. In folijs sermones sanctos habet, sicut decet sanctos. In floribus sancta desideria; in fructu opera virtutum. Talis bona arbor est noua in Christo creatura: de qua Propheta Regius: *Erit tanquam lignum quod plantatum est secus decursus aquarum, quod fructum suum dabit in tempore suo.* Omnis in Christo renatus, est verè vir Iuda, germen Domino acceptabile, germen plantationis eius, plātatum secus decursus gratiarum eius: qui abundantiam gratiæ, & donationis, & iustitiæ accepimus in vno Christo, ut in vita regnemus per eum. Talis arbor, tale germen, tale lignum fructum suum dabit in tempore suo: id est, tempore tentationis ad malum, vel occasionis oblatae ad bonum. Qui iniuria afficitur, habet tempus ad fructum patientiæ producendum. Qui carnis tentationes patitur, habet tempus proferendi fructum castitatis. A quo pauper eleemosynam petit, habet tempus proferendi fructum misericordiæ. In huiusmodi tentationū & occasionum tempore cognoscet quisque seipsum, an sit arbor bona. Dabit quoque vnumquodque lignum fructum suum; neque enim ficus uvas, aut vitis ficus producit. Dat quisque fructum suum, non alienum, operando iuxta vocationem & statum suum, non iuxta alienum; ut clericus & sacerdos, quæ clericorum sunt tractet, non quæ militum, mercatorum, agricolarum, & sic in cæteris: *Vnusquisque secundum vocationem suam, in qua vocatus est, ambulet. Non omnia membra eundem actum habent.* Non est oculorum audire, aurium videre; non ad pedem pertinet loqui, nec ad linguam ambulare. Qui bona opera differunt vsque ad mortem, non sunt arbores bonæ, quæ faciunt fructum in tempore suo, sed prorsus id agunt, vel agere potius conantur tempore non suo. Hinc monet sacra Scriptura: *Ante mortem benefac amico tuo, & secundum vires tuas exporrigens da pauperi. Non defrauderis à die bono, & particula bona diei non te pratereat.* Qui eleemosynam non facit nisi post mortem, similis est homini portant lumen post tergum. Nauis cum per rimulas aquam bibit, in portu, non in fieto sarcinda est. Murus disruptus, in pace, non in bello reficiendus. Arma ante pugnam, non in ipsa pugna præparanda sunt. Alexander Magnus, instructa

iam

iam ad prælium acie, cùm cerneret militem quendam id *Exemplum.*
temporis amentum telo adaptantem, vt inutilem submouit *Plutarc. in*
ab exercitu, qui id temporis appararet arma, cùm his vtendi *Grac. apophit.*
tempus adesset. Tales sunt qui nouam vitam tunc inchoant,
quando antea actæ vitæ præmia capere oportebat: & qui tunc
arma virtutum parant, quando maximus est cum hoste con-
flictus. Equis in ipso cursu nemo iniicit frena, sed longè antè. *Simile.*
In mortis articulo passionēs tristes & melancholicæ sic men-
tem occupant, vt se ad virtutem erigere nequeat. Tot aliæ
curæ circumstant, morbi acerbitas, rei familiaris sollicitudo,
amicorū derelictio, mortis horror, iudicij futuri terror, sa-
tanæ tunc maximè suarum rerum satagentis varia & hor-
renda vexatio, vt eo tunc tempore de fructu virtutum co-
gitare, perinde sit, ac in media hyeme fructum ab arbore
expectare. Qui sanus & hilaris Deo seruire non potuit, quo-
modo totus tristis & æger id præstabit? Qui per totam vitam
Dei est oblitus, quomodo expectat vt in extremo articulo
Deus illius sit memor? Si quis per annos quinquaginta aut *Simile.*
sexaginta continuos tibi semper infestus & inimicus, te tan-
dem ad regiam dignitatem præter omnem spem euectum
cernens, tibi se supplicem exhiberet, num eius amicitia fi-
deres, aut tua gratia cum dignum existimares? Impœnitens
nequam, qui per totam vitam sceleratè vixerat, iactitare
solebat, se in vltimo articulo, tribus tantum verbis recitatis *Exemplum.*
saluum fore. Hic tandem necdum adèd senex, equo pontem *In vita Thom.*
diffRACTUM transiens, titubante equo, quum illum erigere *Mori, cap. 32.*
conaretur, nec posset, sed necessario sibi in aquas cadendum
præcipitem videret, laxatis habenis cadens, exclamat: *Capiat*
omnia demon: atque cùm his tribus verbis suis immersus
periit. Non sunt bonæ arbores, quæ non nisi sub mortem de
virtute capeffenda cogitant. Imò non sunt bonæ arbores, nisi
quæ & vberem fructum, & quauis data occasione profe-
runt. *Ante languorem adhibe medicinam, & ante iudicium*
interroga te ipsum, & in conspectu Dei inuenies propitiationem. *Eccli. 18.*
Non impediaris orare semper, & ne verearis vsque ad mortem
iustificari: quoniam merces Dei manet in æternum. Ne fueris
mediocris in contentione ex fœnore, (id est, in operibus mise-
ricordia, per quæ fœneramur Domino) & non sit tibi nihil *Simile.*
in sacculo, eris enim inuidus vite tue. Sed sicuti homines auari
nec minima lucra contemnunt, sed semper cumulo addunt:
ita nos nec minimas benefaciendi occasiones prætermi-
tere conuenit; ne felicitati nostræ, salutis certitudini, &

Domi. Septuag. text. 4. & 5. gloriæ apud Deum ipsimet inuidere videamur. *Quodcumque potest, operetur manus tua.* De qua re in alia Dominica plura diximus.

Similia.

1. Arbor bona altas & fixas radices habet, nec vlllo vento aut tempestate loco mouetur. Voluntas bona fixam habet in Deo radicem, nec vlla tentatione aut difficultate à virtutis
2. tramite diuellitur. Non ex folijs, non ex cortice, nec ex radice sed ex fructu solo certò arbor cognoscitur. Non ex verbis, non ex generis nobilitate, non ex splendore diuitiarum aut honorum, non ex status dignitate, sed ex solis operibus, bonisque actionibus in recta fide factis, vir iustus certò cognoscitur. Arbor infrugifera multum est opaca, multam
3. vmbra habet, ampla folia, densum truncum, & durum corticem. Impij telluris sunt inutile pondus: alijs malo exemplo nocent, & virtutem obscurant, multa verba habent, ventrem
4. curant, externo splendori operam dant. Dicebat Plato, hominem esse arborem inuersam, quæ radicem habet sursum,

In Timao.

& ad cœlum erectam, vnde verum capit alimentum, sicuti plantæ & arbores radicem habent in terra vnde aluntur. At qui terrena sapiunt, nec nisi carnis fructus proferunt, plantæ potius & arbores terrestres sunt, quàm homines. Verus homo cœlestia appetit, & (vt dixit Seneca) *hoc argumentum habet diuinitatis suæ, quòd eum cœlestia delectant.*

Pintus in Ezechiel. cap. 15.

Similia.

1. Aded isti Philosophi videre potuerunt, quòd ad cœlestia nati & facti sumus, non ad huius vitæ voluptates, brutorum more, cōsectandas. Si ad hoc nati, multo magis ad hoc in Christo renati sumus. Quod enim corrupta peccato natura vel extinxit, vel certè multum oblitterauit, hoc Christi gratia in nobis resuscitauit. Quemadmodum surculus arboris fructiferæ insitus in trunco & stipite arboris agrestis, eam trahit ad naturam suam, vt iam alia folia, & alios fructus ferat: sic Christi doctrina insita in anima nostra sterili, eiúsque gratia voluntati ad malum procliui admota, eam mutat, & ad seipsam traducit & conuertit, vt iam alia verborum folia, alios virtutum fructus producamus. Sed quemadmodum
2. necesse est, vt ramos veteris trunci amputemus, quo surculus insitus vberius proueniat, & copiosius succum trahat: sic planè necesse est, ramos peccatorum amputare, quo in nobis Christus inseratur, nòsque lætissimos ex eo fructus proferamus.

Arbor bona, quatenus bona, & quàm diu bona est, non potest malos fructus ferre. Nemo simul & turpibus voluptatibus

luptatibus oblectatur, & cælestibus gaudijs perfundatur. Nemo simul *ea quæ sursum sunt, & ea quæ super terram sunt*, Coloss. 3. sapere, amare, appetere potest. Arbor simul sterilis & fecunda esse non potest. Si mundum diligis, infructuosus es; si Deum fructuosus. *Qui manet in me, & ego in eo, hic fert fructum multum*. Nemo se dicat manere in Christo, nisi fructum multum (id est, multa bona opera) faciat. Hoc de Christi gratia, verèque Christianis prædixit Ezechiel: *Super torrentem orietur in ripis eius, ex utraque parte omne lignum pomiferum, non defluet folium ex eo, & non deficiet fructus eius*, id est, nec in verbis stultum aliquid loquetur, nec in factis perperam & contra Deum peccabit, De Samuele scriptum est: *Non cecidit ex omnibus verbis eius in terram*. De arbore fructifera dixit David: *Omnia quacunque faciet, prosperabuntur*: quod alijs verbis Apostolus dixit: *Diligentibus Deum omnia cooperantur in bonum*. Huiusmodi enim & prosperis moderate & aduersis fortiter vtentur. Speciem gloriæ despiciunt, mundi opes fugaces existimant, verum decus in virtute ponunt, mentis oculos in Deum intentos ferunt. Sicuti solam ex arboribus laurum fulmen non lædit, sic solum inter homines iustum nec aduersa nec prospera mutant. Quemadmodum in eo qui rectè valet, calor naturalis omnia alimenta in bonum sanguinem conuertit; sic in Deo radicans, omnia quæ possunt accidere, materiam virtutis facit. Diuitiæ sunt illi instrumenta misericordiæ; inopia humilitatis causa; bona valetudo ferendis laboris vires; ægritudo, patientiæ materiam suppeditat. Sic arbor bona, bonos fructus facit, & malos facere non potest.

Ioan. 15.

Ezech. 47.

1. Reg. 3.

Psal. 1.

Rom. 8.

Similia.

4. *Omnis arbor quæ non facit fructum bonum, excidetur, & in ignem mittetur.*

Locus moralis de duplici pœna peccati omissionis. Ait Christus, quòd arbores infrugiferae, homines steriles bonorum operû & infructuosi, hoc ipso quòd tales sunt, hoc ipso quòd bonos fructus non fecerunt, hoc ipso quòd benè agendi occasiones omiserunt, hoc ipso quòd iuxta talenta & facultates quisque suas, bonum operatus nō est; excidentur, & à visione Dei excludentur pœna damni afficiendi; & præterea in ignem mittentur, pœnâ sensus & tormentorū locum subituri. Tremenda sententia, & benè expendenda. Tantundē alibi dicit: *Omnem palmitē in me non ferentem fructum, tollet Pater meus*, Ioan. 15.

Omissionis
pœna duplex.

Matth. 25.

Domin. Septua.
text 5.Domin. 1. post
Epiphan. text. 1.

Domin. 5. post

Epiphan. text. 2.

Domin. in rami
palma. text. 4.Domin. Pasch.
text. 3.

Philip. 2.

Similia.

1.
Carere visio-
ne Dei, & so-
cietate Sancto-
rum.

Tobia 10.

Psal. 76.

& in ignem mittet. Et iterum : *Inutilem seruum projcite in te-
nebras exteriores.* Et in extremo iudicio forma condemna-
tionis erit : *Esuriui, & non dedistis mihi manducare, &c.* His
omnibus in locis damnantur homines, non vt adulteri, fu-
res, homicidæ, superbi, sed vt minus boni quàm par erat, vt
steriles, vt infructuosi. De hac materia plura diximus super
illa verba : *Quid hic statis tota die otiosi?* quæ huc referri pos-
sunt; & adhuc in aliis Dominicis, vbi vel contra oscitantiam
& negligentiam in causa salutis, vel pro feruore & diligen-
tia in exercendis bonis operibus multa produximus: Notan-
dum hoc loco quod Christus dicit: *Omnis arbor* (nemine cu-
iuscunque status excepto) *quæ non facit fructum*, quæ non as-
siduè operatur; non enim dicit, fecit, aut faciet, ac deni-
que *fructum bonum*, id est, Deo gratum, & proximo vti-
lem: non dicit, magnum, splendidum, honorificum. Hanc
bene operandi assiduitatem Apostolus propriam esse cui-
uis benè Christiano docuit, dicens : *Ea quæ retrò sunt, obli-
uiscens; ad ea quæ antè sunt, me extendens.* Qui in agone cur-
rit, & ad metam contendit, & brauium reportare desiderat,
non quantum in cursu profecerit, sed quantum adhuc illi
viæ restat, perpetuò cogitat. Cupiditates terrenæ nullum
modum habent: sed quo quis plus adeptus est, eo plura con-
cupiscit. Talis esse debet sancta cupiditas, Dei & rerum di-
uinarum appetentia. Hoc diuina meretur bonitas, hoc no-
stra requirit salus: hoc illa meretur gloria quam expecta-
mus. Quæ si non mouent, vide pœnas horrendas negligen-
tibus statutas : *Excidentur, & in ignem mittentur.*

Arbor infrugifera excidetur, & è cœtu sanctorum exter-
minabitur, sicuti ex pomario sterilis ficulnea, dicente patre-
familiâs: *Succide illâ; vt quid terram occupat?* Hæc prima pœ-
na est, carere societate sanctorum, exterminari à facie Dei.
Mater iunioris Tobiaæ *flebat lachrymis irremediabilibus* de ab-
sentia vn ci filij, dicens : *Lumen oculorum nostrorum, baculus
senectutis nostra, solatium vita nostra, spes posteritatis nostra.*
*Omnia simul in te vno habentes, te non debuimus dimittere ab-
ire à nobis.* Quanto infinities maior dolor erit dimittere à se
Deum, carere eius visione & gloria, qui multo veriùs est lu-
men Angelorum, gaudium beatorum, solatium miserorum,
spes æternitatis nostræ, & in quo vno simul omnia habe-
mus, quia in eo vno sunt omnia, vt in fonte riuuli, vt in ra-
dice rami, vt in principio conclusiones ! Iustus etiam in hac
vita nullam sine Deo consolationem accipit. *Renuit consolari
anima*

*anima mea. Memor fui Dei, & delectatus sum. Solâ memoria
 si reficit, visio quid faciet? Rursum: Fuerunt mihi lachrymae* *Psal. 41.*
*mea, panes die ac nocte, dum dicitur mihi quotidie, Vbi est Deus
 tuus? Et iterum: Auertente te faciem, omnia turbabuntur.* *Psal. 103.*
 Appositè hac de re Chrysostomus: *Novi quia plurimi perti-* *Homil. 24. in*
mescant gehennam. Ego tamen illius gloria amissionem multo *Matth.*
*amarius, quam ipsius gehenna dico esse supplicium. Si verò id
 non possum sermone monstrare, nihil est omninò mirandum. Ne-
 que enim nouimus illorum beatitudinem premiorum, ut infelici-
 tatem quoque de eorum amissione scire possimus. Et paulo post
 ex verbis Pauli id colligit, qui causam desiderij sui erga al-
 teram vitam hanc posuit, frui conspectu Christi: Cupio dis-
 solui, & esse cum Christo. Quare iterum subiungit: Est satius* *Philip. 1.*
*mille fulmina sustinere, quàm vultum illum Christi mansuetu-
 dinis pietatisque plenum, nos tamen auersantem, in extremo iu-
 dicio videre, & illos totius tranquillitatis oculos nequaquam
 nos aspicere sustinentes; denique vocem illam audire: Nescio vos.*
 Hæc ille. Sed hoc vernaculum non capiunt, nisi quorum
 corda Christi amor tetigit. Vnde alibi scripsit idem sanctus
 Chrysostomus: *Sunt quidam absurdi iudicij: ij duntaxat amant* *Ad Theod. lap.*
effugisse gehennam. Contrà ergo multo durius esse tormentum *Paran. 1.*
asserò, non assequi tantam gloriam, & ea excidisse. Quando Re- *Simile.*
*gem videmus frequenti satellitio palatium adequitantem,
 eos qui illi proximè cohærent, sermonis consilijque & ma-
 iestatis eius participes, felices iudicamus; nòsque miseros,
 licet aliis multis bonis abundemus, existimamus, quòd sola
 Regis præsentia & familiaritate caremus. At Regum terræ
 gloria & brevis & incerta est, & multa seruitute mixta. Dic* *Simile.*
*obsecro. Si quis te in theatrum induceret, vbi magna multi-
 tudo hominum sederet amicta stolis aureis, & in medio om-
 nium alium quendam ostenderet gemmis eximiè adorna-
 tum, regio vestitu insignem, coronam habentem in capite,
 deinde polliceatur te assumpturum in numerum eorum, an
 non omnia faceres quæ ipse iuberet? Euola nunc animo in
 cælum; cogita non montem Sion, non theatrum, non cir-
 cum quemlibet huius mundi; sed ciuitatem Dei viuentis, le-* *Heb. 12.*
rusalem cælestem, & multorum millium Angelorum frequen-
tiam, & Ecclesiam primitiuorum, conscripti sunt in cælis, & iu-
dicem omnium Deum; & spiritus iustorum perfectorum, & te-
stamenti non mediatorem Iesum. Arbor quæ facit bonum
fructum, in horum numerum & societatem cooptabitur;
quæ non facit, ab ea societate exterminabitur: locum apud

Regem, locum in theatro, locum in Dei ciuitate non habebit. Nónne hoc vnum & solum maximæ calamitatis loco ducendum? Pectori generoso non tam molestum est rerum angustia premi, quàm abundantia & gloria priuari.

Simile.

Gehennæ timor.

Exempla.

Histor. gent.

Angl. lib. 3. c. 19.

Lib. 5. cap. 19.

Dialog. lib. 4. cap. 36.

Sed nō hoc solum malū est. *In ignem quoque arbor infructuosa mittetur. Hic erit fletus & stridor dentium.* Has ignis infernalis pœnas animo fixas & impressas qui gerit, a bor fructuosa, ne ad eas accedat, facillè fiet. Narrat venerabilis Beda, sanctum Furseum, oppidi Peronenſis in Picardia patronum, propter infernales pœnas ei in visione ostensas, solitum postea, acerrimo hyemis tempore glaciēque constricto, tenui veste indutum, ex magnitudine timoris, non secus quàm in media æstate sudare. Alium quoque memorat, qui similia in ecitafi viderat, tempore hyemali in congelatas glacie aquas sese immisisse, mortificandi corporis causa; & rogatum, quo tandem modotantam frigoris asperitatem tolerare potuerit, hoc solum respondisse: *Frigidiora ego vidi.* Sed & diuus Gregorius de quodam Illyricano similia scribit: *Tantis (inquit) se postmodum ieiunijs vigiliisque constrinxit, ut inferni eum vidisse & pertimuisse tormenta, etiam si taceret lingua conuersatio loqueretur.* Hæc ille. Ideo Scriptura hæc nobis cogitanda proponit, dicens de impiis: *Ignis & sulphur, & spiritus procellarum, pars calicis eorum.* De his pœnis infernalibus iam diximus, quæ huc referri possint, in Dominica 3. post Epiphan. text. 10.

5. *Non omnis qui dicit mihi, Domine, Domine, intrabit in regnum cælorum. sed qui facit voluntatem Patris mei, qui in cælis est.*

Mandatorum obseruatio necessaria.
Psal. 118.

Simile.

Deuter. 6.

LO C U S moralis de necessaria obseruatione mandatorū Dei. Facere enim voluntatem Dei, quæ per præcepta eius nobis innotescit, est ea facere quæ iubet. Intellexit hoc sanctus Dauid, dicens: *Tunc non confundar, quum perspexero in omnibus mandatis tuis.* id est, quum per mandata tua intellexero quæ sit sancta voluntas tua. Sicuti qui obtusam habent oculorum aciem perspicillis vtuntur, & ab ãque eis nihil contuentur; sic mentis humanæ acies ac diuina caligans, vt quæ sit sancta Dei voluntas intelligat; mandatis eius in Scripturis reuelatis, tanquam perspicillis vti perpetuo debet. Ideo de Lege veteri dictum est Iudæis: *Erunt hæc verba qua ego præcipio tibi hodie in corde tuo, eruntque & mouebuntur*

buntur ante oculos tuos : sicut sanè perspicilla ante oculos il-
lorum semper sunt, quorum caligant oculi. Qui aliquem *Simile.*
inuitat, aut amicè excipere vult, parat studiose cibos non
suo, sed hospitis palato gratos. Sic Deo placere per opera no-
stra si volumus, ea facere oportet quæ ipsi placent & grata
sunt, non quæ nostris cupiditatibus conueniunt. Nec verbis
tantum inuitat amicum hospes, sed re ipsa opiparum parat
ei conuiuium. Sponsa in Canticis, non ad colligenda viren-
tia folia, sed ad edendos fructus sponsum inuitat, dicens: *Cant. 5.*
Descendat dilectus meus in hortum suum, & comedat fructus *Simile.*
pomorum suorum. Qui dicunt tantum, Domine, Domine,
nec faciunt; quasi ad virentia folia, & crudas herbas Deum
inuitant. Oramus quotidie, & dicimus Patri nostro cæle- *Matth. 6.*
sti: Fiat voluntas tua sicut in cælo, & in terra. Atqui in cælo
Angeli non laudant Deum tantum, sed & in omnibus faciunt *Psal. 103.*
voluntatem eius, iuxta illud Dauidis; Benedicite Dominum
omnes Angeli eius, potentes virtute, facientes voluntatem eius.
Si Angeli faciunt, quidni homines? hoc nos argumento pre-
mit illa oratio. Sed adhuc magis premit, quod de seipso *Ioan. 6.*
Christus dixit: Ego non veni ut faciam voluntatem meam,
sed eius qui misit me, Patris. Angelis faciunt, Christus facit;
& nos non faciemus voluntatem Dei Patris? Nemo tam *Simile.*
ignauus miles, qui Ducem aut Regem ipsum in pugnam
descendentem videns, pugnare detrectet. Deinde quanta *Matth. 7.*
merces? Qui facit voluntatem Patris, intrabit in regnum cælo-
rum. Voluntatem Principum etiam turpem atque absurdam,
innumeri mortales faciunt; non ut regni participes, aut hæ-
redes fiant, sed ut minutum aliquid beneficij aut honoris
reportent. Hæc nos in Dei iudicio confundent. Rursum
ipsam nostram voluntatem rectificat, ac beatam facit, quan- *De diligendo*
do Dei voluntatem facit ei que prorsus conformatur. Quod *Deo.*
his verbis eleganter docet D. Bernardus: O dulcis & suavis
affectio: ô pura & defacata intentio voluntatis, eo certè defa-
cator & purior, quo in ea de proprio nihil iam admixtum relin-
quitur. Quomodo stilla aqua modica, multo infusa vino deficere *Similia.*
à se tota videtur, dum & saporem vini induit & colorem; quo-
modo ferrum ignitum & candens, igni simillimum fit, pristina,
propriæque forma exutum; quomodo solis luce perfusus aër in
eandem transformatur luminis claritatem, adeò ut non tam il-
luminatus, quàm ipsum lumen esse videatur: sic in sanctis hu-
mana omnis affectio quasi à semetipsa liquefcit, & in Dei peni-
tus transfunditur voluntatem. Hæc ille. Beata ergo ipsa in se

*De Resurrect.
Domin. Ser. 3.*

Enarrat. in

Psal. 35.

"Domi. Septua.

text. 1. 3. 5.

Domini. 1. post

Epipha. tex. 1.

Domin. 2. post

Epipha. tex. 4.

Domin. 3. post

Epipha. text. 9.

Domin. 5. post

Epipha. tex. 2.

Domin. 4. post

Pasch. text. 3.

voluntas, quæ Dei voluntatem in omnibus faciendo diuinæ conformatur. Contrà nihil propria voluntate, & quæ diuinæ repugnat, infelicius. Vnde idem D. Bernardus: *Cesset propria voluntas, & infernus non erit. In quid enim desauiet ille ignis, nisi in propriam voluntatem? Etiam nunc quum frigus, aut famem, aut aliquid tale patimur, quod leditur, nisi propria voluntas? Quod etiam his verbis docet Augustinus: Voluntas Dei est aliquando ut sis sanus, aliquando ut egrotas. Si quando sanus es, dulcis est voluntas Dei, quando autem egrotas amara; non es recto corde. Quare? Quia non vis voluntatem tuam dirigere ad voluntatem Dei, sed vis curuare ad tuam. Illa autem recta est, sed tu es curuus. Hæc ille. De necessaria executione voluntatis Dei, deque perfecta & omnimoda mādatorum Dei obseruatione, iam in aliis* Dominicis aliquoties diximus; quæ huc referri possunt. Sed & in Promptuario nostro Catholico eam astruximus.*

EVANGELIUM DOMINICÆ

VIII. POST PENTECOSTEN.



HOMO quidam erat diues, qui habebat villicum: & hic diffamatus est apud illū quasi dissipasset bona illius. Et vocauit illum, & ait illi: Quid hoc audio de te? Redde rationem villicationis tuæ. Iam enim non poteris villicare. Ait autem villicus intra se: Quid faciam, quia Dominus meus aufert à me villicationem? Fodere non valeo, mēdicare erubescō. Scio quid faciam, vt quum amotus fuero à villicatione, recipiant me in domos suos. Conuocatis itaque singulis debitoribus domini sui, dicebat primo: Quantum debes domino meo? At ille dixit: Centum cados olei. Dixitque illi: Accipe cautionem tuam, & sede citò, & scribe quinquaginta. Deinde alio dixit: Tu verò quantum debes? Qui ait: Centum coros tritici. Ait illi: Accipe literas tuas, & scribe octoginta. Et laudauit dominus villicum iniquitatis, quia prudēter fecisset: quia filij huius seculi prudentiores filijs lucis in sua generatione sunt. Et ego dico vobis: Facite, vobis amicos de māmōna iniquitatis, vt cū defeceritis, recipiant vos in aterna tabernacula.

PERICOPE moralis huius Euangelij.

1. *Redde rationem villicationis tue.* De bona & vera dispensatione rerum ac bonorum temporalium.

2. *Filij huius seculi prudentiores sunt in generatione sua, quàm filij lucis.* Contra ignauiam & fociordiam in causa religionis & veræ pietatis, & de prudentia filiorum lucis.

3. *Facite vobis amicos de mammona iniquitatis, ut, quum defeceritis, recipiant vos in æterna tabernacula.* De æterna retributione elemosynarum.

I. *Redde rationem villicationis tue.*

Locus moralis de bona & legitima dispensatione rerum
 Lac bonorum, seu temporalium, seu spiritualium. Docet Ratio reddendā
 Christus in hac parabola, diuites huius mundi non dominos, da omnium.
 sed villicos & dispensatores esse bonorum quæ à Deo acce-
 perunt, ideoque dissipanda ea non esse, sed prudenter & piè
 dispensanda, huiusque dispensationis in hora mortis ratio-
 nem reddendā esse. Superbus quidem & auarus dicit: *Diues*
sum, & nullius egeo: sicut ille Nabuchodonosor; *Nōne hæc est*
Babylon magna, quam ego ædificauī in robore fortitudinis meæ, Apocal. 3.
& in gloria decoris mei? sed magnæ stultitiæ & insanix hæ vo- Dan. 4.
 ces sunt, diaboli voci consimiles, qui Christo dixit: *Omnia*
regna mundi tibi dabo, quia mea sunt; & cuicumque voluero, do Matth. 6.
illa. Nouæ nuptæ pauperes, quæ ad diem nuptialem non ha- Luca 4.
 bent vestem, omnia à vicinis accommodata accipiunt, ab a- Simile.
 lia pallam, ab alia tunicam, ab alia mitram petentes. Die nu-
 ptiali transactō, vnaquaque vicina quod commodauit repe-
 rente, ipsæ repentē nudatæ, & omnibus ornamentis spoliatæ
 manent. Sic huius mundi diuites, vita præsentī tan-
 quam die nuptiali transacta, sicut nihil in hunc mun-
 dum intulerunt; ita nihil secum auferunt. & sicut ineptus
 esset, qui nouam nuptam, alienis ornamentis vestitam, diui-
 tem existimaret; sic planè deceptio est, quempiam propter
 bona temporalia absolutè diuitem iudicare. Scriptura vocat
 diuites huius seculi, & mammonam iniquitatis cum hoc ad- 1. Tim. 6.
 ditamento. Absolutè cum loquitur, eas quæ in cælo sunt aut
 spirituales intelligit: *Gloria & diuitiæ in domo eius.* Rursum. Psal. 131.
Corona sapientum, diuitiæ eorum. Quare Christus post hæc E- Prou. 14.
 uangelij verba vocat diuitias huius seculi, bona quædam a-
 lienæ, non nostræ. *Si in alieno fideles non fuistis? quod vestrū est,* Lenit. 16.
quis dabit vobis? Illud certè nostrum est, quod in nostra pote-
 state & plena libertate est, & quod iniustis nobis auferri à
 nobis

Simile.

nobis non potest. Sicut aqua fluuij transeuntis non est alicuius propria, quia transit per ciuitates, & vnusquisque de ea accipit quod satis est; sic diuitiæ huius seculi non sunt alicuius propriæ, quia dominos vel potius possessores suos in dies & annos perpetuò mutant. Percurre in vna ciuitatis platea, quam inhabitas, domos illius: & perpende quàm multos inquilinos habuerit vnaquæque domus. Sic fluunt diuitiæ ab vno in alium. Qui sedet ad mensam magni Principis, vbi multa vasa argentea apponi videt, ridiculus diceretur, si propter præsentis conuiuij vsum, cuius ille pars est, vasa illa sua esse, seque illorum proprietarium cogitaret vel diceret. At quæcunque in hoc mundo possidentur, ex magna illius Dei mensa sunt, in qua omnibus dat affluenter; de qua suprâ in alia Dominica diximus. Non ergo domini, sed possessores & vusufructuarij, cum dispensationis & reddendæ rationis onere, sumus earum rerum omnium quæ in hac vita possidentur.

Simile.

Vnusquisque sibi dictum à Deo existimet, & quidem quotidie (hora enim mortis incerta est) *Redde rationem villicationis tuæ*. Si esses magni Principis dispensator, qui tibi imperaret vt sub vesperam diei præsentis rationem ei reddas multorum millium ducatorum, nõne statim libros tuos inspiceres, & rationes tuas, vt cunque benè constitutas, iterum ad calculum reuocares? Quòd si non ad huius diei vesperam, sed ad quamlibet cuiusvis diei horam te paratum esse iuberet ad reddendas rationes, nõne eandem diligentiam adhiberes? Non est dubium quin hoc faceres, si dominum, vt par est, timeres, tuique honoris & status curam haberes. Atqui prorsus ita se res habet inter vnumquemque nostrum & Deum. Reddenda vnicuique ratio est accepti & dati. *Simile est regnum calorum homini regi, qui voluit rationem ponere cum seruis suis.* Rursum alibi quum dixisset Christus, *Vigilate, quia nescitis neque diem neque horam: subiurgit; Sicut enim homo peregre proficiscens, vocauit seruos suos, & tradidit illis bona sua: & paulò post; Post multum temporis venit dominus seruorum illorum, & posuit rationem cum eis.* Porro tam exacta omnium reddetur ratio, vt dicat alibi Christus: *Bonus homo de bono thesauro suo* (quem Deus ei cōcredidit) *profert bona, & malus homo de malo thesauro suo* (quæ sua sibi malitia & impænitentia thesaurizauit) *profert mala.* Dico autem vobis, quoniam omne verbum otiosum quod locuti fuerint homines, reddent rationem de eo in die iudicij. Vides de bonis & malis sic reddendam

Simile.

ratio

*Matth. 18.**Matth. 25.**Matth. 13.*

est regnum calorum homini regi, qui voluit rationem ponere cum seruis suis. Rursum alibi quum dixisset Christus, *Vigilate, quia nescitis neque diem neque horam: subiurgit; Sicut enim homo peregre proficiscens, vocauit seruos suos, & tradidit illis bona sua: & paulò post; Post multum temporis venit dominus seruorum illorum, & posuit rationem cum eis.* Porro tam exacta omnium reddetur ratio, vt dicat alibi Christus: *Bonus homo de bono thesauro suo* (quem Deus ei cōcredidit) *profert bona, & malus homo de malo thesauro suo* (quæ sua sibi malitia & impænitentia thesaurizauit) *profert mala.* Dico autem vobis, quoniam omne verbum otiosum quod locuti fuerint homines, reddent rationem de eo in die iudicij. Vides de bonis & malis sic reddendam

ratio

rationem, vt etiam omne verbum otioſum in rationes veni-
re debeat. Hoc in ſymbolo Athanaſij canit & credit Catho-
lica Eccleſia: *Vnſquiſque de propriis factis ſuis reddet ratio-
nem.* Sic vnique dicitur; de bonis acceptis, ſeu naturæ, ſeu
fortunæ (vt cum vulgo loquamur) ſeu gratiæ: *Redde rationem
viliſſationis tuæ.* Dixerat Chriſtus ſeruis ſuis: *Negotiamini do-* *Luca 19.*
nec veniam. nempe donec ad iudicium veniam, vbi factę ne- *2. Cor. 5.*
gotiationis reddetur ratio. *Omnes enim nos manifeſtari oportet
ante tribunal Chriſti, vt accipiat vnſquiſque prout geſſit in
corpore, ſiue bonum, ſiue malum.* Et rurſum: *Vnſquiſque noſtrū* *Rom. 14.*
pro ſe reddet rationem Deo. Et de omnibus impiis Petrus
dicit: *Reddent rationem ei, qui paratus eſt iudicare viuos &* *1. Pet. 4.*
mortuos.

Hæc omnia qui nouit, qui credit, qui memoria tenet, quo- *Negligentiæ
noſtræ abſur-
ditas.*
modo de acceptis à Deo ſeu fortunæ, ſeu naturæ, ſeu gratiæ
bonis, tanquam de abſolutè ſuis gloriatur & ſuperbit? quo-
modo illis ad libitum & voluptatem abutitur? quomodo de
ſollicita & prudenti eorum diſpenſatione & adminiſtratio-
ne non cogitat? quomodo de reddenda Deo omnium & ſin-
gulorum ratione, quotidie non deliberat? quomodo bona
fortunæ, opes, diuitias, honores, ad luxum, ad voluptates, ad
vana & noxia conquirenda diſſipat? quomodo naturæ bona,
ingenij acumen, animi induſtriam, memoriæ vires, transfert
ad vana, ad ſcelera, ad flagitia, ad fraudes, ad iniurias? quo-
modo gratiam Dei in vanū accipit, nec fidei, nec charitatis,
nec ſpei fructus vllos proferens? Dicit Deus Ezechieli Pro- *Ezech 5.*
phetæ: *Sume gladium acutum, & capillos tibi rade, & assumes
ſtateram ponderis, & diuides eos. Tertiam partem igne combures
in medio ciuitatis: tertiam gladio concides: tertiam verò aliam
diſperges in ventum.* Quid ſibi vult hæc ceremonia? quid do-
cet hæc prædicatio non verbis, ſed rebus & ſignis facta? de
quo genere doctrinæ Dei ſapientiæ vſitato in alia Domini- *Domin palm.
text. 3.*
ca diximus. Ad literam docet percuſſionem Iudæorū, quo-
rum alij à Chaldæis comburendi, alij gladio occidēdi, alij in
captiuitatem abducendi erant.

At verò myſticè ſignificatum eſt, quàm profanè & im- *Simile.*
piè bona huius mundi homines diſſipent & conſumant.
Sicut enim capilli ſi nimis creſcunt, nimisq; multiplicantur,
oculorum aciem impediunt, & reſecari propterea debent: ſic
diuitiæ & bona temporalia ſi multum ac reſcant, niſi ſuper-
flua reſecentur, & in bonos ac pios vſus cōuertantur, aciem
mentis penitus obtundent, ne cæleſtia quis appetat aut intel-
ligat.

ligat. Partem horum capillorum in ignem illi mittunt, qui diuitias & facultates suas in carnis illecebris ac voluptatibus effundunt: nec pauperibus eleemosynas erogant, nec domesticorum suorum curam habent. Altera pars horum capillorum gladio diuiditur, in rixas, iurgia, & lites impeditur, atque ambitioni subseruit. Tertia pars in aërem proicitur, quia non nisi in vanis collocatur, & iis quæ ad oculorum concupiscentiam comparantur: in pulchris ædificiis, vestimentorum luxu, venationis, alex, chartarum studio. Hanc nobiscum rationem reddit Scriptura: *Pondus & statera iudicia Dei sunt.* Sicut nummularij monetas in statera ponderant, & falsam reiiciunt, bonam in arca recondunt; qui autem falsam monetam cuderit, pariter cum illa collo suo appensa comburitur: sic iudicabit actiones nostras Deus, falsa ne an bona moneta fuerint, bonis eius acceptis recte ne an perperam vti fuerimus. Qui autem falsam monetam cuderit, & sub inscriptione regia cuprum pro auro supposuerit, sub professione Christiana vitam nefariam duxerit, *dissipans bona à patre accepta cum meretricibus*, id est, cum insanis huius mundi amoribus & cupiditatibus, ille *ut inutilis seruus proiectus in tenebras exteriores*, & tanquam *zizanium colligabitur cum suis malis operibus in fasciculum ad comburendum*. Nam ut de iustis dicit Scriptura, *opera illorum sequuntur illos*; ita maximè de impiis est verum: quorum peccata *vel precedunt eos ad iudicium, vel subsequuntur*. Omnia autem impiorum peccata sunt malæ villicationis peccata; quia *exhibuerunt membra sua*, id est, dona naturæ, gratiæ atque fortunæ, *arma iniquitatis peccato*: facientes ea, instrumenta peccandi, & subseruire *immunditiæ & iniquitati, quæ debebant seruire iustitiæ in sanctificationem*, ut Apostolus docet. Diligenter ergo villicationis nostræ rationem nobiscum inire, & per frequens conscientiæ examen ad reddendas Domino nostro rationes, parati esse debemus. Hoc Ezechias Rex fecisse videtur, quum dixit: *Recogitabo tibi omnes annos meos in amaritudine animæ meæ.* Lugent Prophetæ negligentiam mortalium qui hoc non faciunt.

Proverb. 16.

Simile.

Lucæ 15.

Matth. 25.

Matth. 11.

Apocal. 14.

1. Tim. 5.

Rom. 6.

Conscientiæ
examen.

Esaia 38.

Ierem. 12.

Esaia 44.

Dicit per Ieremiam Deus: *Posuerunt vineam meam in dissipationem* (hi sunt qui bona animæ dissiparunt) *luxitque super me, desolatione desolata est omnis terra, quia nullus est qui recogitet corde.* Et expressius per Esaia: *Nescierunt neque intellexerunt: obliui enim sunt, ne videant oculi eorum, & intelligant corde suo. Non recogitant in mente sua, neque cognos-*

cunt.

erunt, neque sentiunt. Totum hoc dicit Propheta de filiis Israel, qui de fœdis idololatriis ab ipsis perpetratis nihil cogitarunt, qualem de tot sceleribus Deo rationem redderent. Idem de nobis dicitur, qui de nostræ villicationis ratione reddenda nihil cogitamus.

Magna fidelium erit confusio, ipsa Gentilium hac in parte industria: *Duorum temporum* (dicebat Pythagoras) *est tibi habenda ratio, mane & vespere: in altero gerenda prospice, in altero respice quæ gessisti.* De hac re sic scribit Seneca, non ut Philosophus, sed ut Christianus, adeoque ut religiosus: *Animus* *quotidie ad rationem reddendam vocandus est.* Faciebat hoc *Sexius*, ut consummato die, cum se ad nocturnam quietem recepisset, interrogaret animum suum, quod hodie malum tuum sanasti? cui vitio obstitisti? qua parte melior es? Desinet ira, & erit moderatior; desinet cupiditas, & erit temperantior; desinet superba vanitas, & erit cautior; qua sciet sibi quotidie ad conscientia iudicem veniendum. Quid ergo pulchrius hac consuetudine excutiendi totum diem? Qualis ille somnus post recognitionem sui sequitur? quàm tranquillus, altus, ac liber? Vtor hac potestate, & quotidie apud me causam dico. Hæc Seneca, ut moraliter bonus esset, & conscientiam iudicem non offenderet. Quanto id nobis accuratius præstandum, ut iusti apud Deum simus, & Deum iudicem non offendamus, cui reddenda est ratio villicationis nostræ? Facit hoc exactè Societas Iesu, iuxta eorum Cōstitutiones saluberrimas.

De hac villicationis nostræ ratione reddenda, sic suos docuit sanctus Chrysostomus: *Dedit tibi vitam Deus, ut se coleres. Tu eam incassum & inutiliter consumis. Quaris quod sit dānum? Si vel parum argenti temerè consumpseris, id omnino damnum appellas. Sin totos dies in diaboli operibus consumpseris, nihil amisisse opinaris. Opus est in sacrificiis & precibus vitam omnem impendere. Tu ad clamores, perturbationes, obscœna verba, contentiones, voluptates, vitam tuā cōsumis. Dic, qua so, si cui filiorum tuorum præciperes ut aliam artē disceret, ille autem vel domi, vel alibi tempus frustra contereret, possētne apud magistrū excusari? Hæc & vobis dicēda sunt. Nā exiget à nobis Deus rationē. Vobis (inquit) tēpus dedi, ut pietatē, ut rectē vivēdi artem erudiremini. Cur incassum & inutiliter hoc tēpus consumpsistis? Hæc ille. Qui de reddenda ratione villicationis suæ nihil re-*

Apothegma.

De ira lib. 3. cap. 36.

Hom. 57. in Ioan.

Simile.

Simile.

1.

via

2.

3.
Matth. 21.

Luca 19.

Apocal. 3.

* Domin. infra
cœstauam Natiui.

Domin. text. 2.

Domin. 3. post

Epipha. text. 6.

Domini. 5. post

Epipha. text. 2.

Domin. Septua.

text. 2. & 3.

via intenti, obliuiscuntur ad quid erant missi : sed domum reuerſi flagra reportant. Similes etiam sunt filio alicuius magni Principis, qui extructo sibi à patre magnifico palatio, & magna mercede conductis magistris, qui illum bonas artes doceât, nihil aliud quàm chartis & aleis totos dies ac noctes in palatio ludit. Deniq; similes sunt illis malis agricolis, quibus pater familias locauit vineam suam, posteaque seruos suos, alios post alios, ad colligendos fructus misit, à quibus tum serui, tum etiam filius ipse postmodum missus, malè accepti, vexati, & interfecti sunt, nullo relato fructu. Sed tam ganeo- nem filium pater, quàm malos agricolas pater familias *ma- lè perdet, & vineam suam locabit alijs*, dona sua largietur alijs, qui rectius vtentur; gloriam alijs conferet, qui melius eme- riti fuerint: iuxta illud Christi, *Auferte ab eo mnam sum. Ha- bent enim* (id est; rectè vtenti quod habet, rectè villicanti) *dabitur, non habenti auferetur*. Et de gloria dicit Scriptura: *Tene quod habes, ne alius accipiat coronam tuam*. De hac recta villicatione, de legitimo vsu acceptæ gratiæ, de necessario profectu nostro, & de ratione eius reddenda iam in alijs

* Dominicis aliquoties diximus, quæ ferè omnia huc re- ferri, & hic locum habere possunt. Loci quoque omnes con- tra negligentiam salutis huc pertinent, quos vide in Indice.

2. Filij huius seculi prudentiores sunt in generatione sua, quàm filij lucis.

Ignauia in cau-
sa religionis.

Exemplum.

Similia.

L O C V S moralis contra ignauiam & socordiam in causa religionis & veræ pietatis. Villicus iniquitatis ad victum sibi & necessaria huius vitæ parâda, prudens & vigilans fuit, fecitque sibi amicos quando opportunum erat: Filij huius seculi, id est, qui secundum hoc seculum viuunt, in suis negotijs ac rebus gerendis cauti, vigilantes, attenti sunt. Sed filij lucis, id est, quorum professio est ad æternam lucem pertinere, & vt eò pertingant, acceperunt interim lucem gratiæ, vt faciant opera lucis, in sua generatione, in suis negotijs, & causis, non perinde prudentes aut vigilantes sunt. Ostendit Christus quid accidere soleat, non quid debeat. Simon & cæteri Apostoli, Christo orante & vigilante, in horro dormiunt. Iudas non dormiuit, sed satellites cum armis & fustibus ad hortum perduxit, vt Christus caperetur. Bufones & noctuæ etiam noctu vident, sed de die nihil vident. Impij in malo lyncei, in bono talpæ sunt. Felis acutiùs videt quam homo;

sed

sed ad capiendum mures, non ad legendum litteras. Tota filiorum huius seculi prudentia & vigilantia ad malum est. *Insidiatur ut rapiat pauperem; rapere pauperem dum attrahit eum: fraude videlicet & dolo, non vi. In laqueo suo humiliabit eum.* Mittit nos ergo Christus ad impios, ut ab illis discamus prudentiam, id est, prouidentiam: hoc enim significat vox Græca *φρονιμίτης*. Sic alio in loco mittit nos ad serpentes. *Estote (inquit) prudentes sicut serpentes.* ubi iterum utitur verbo *φρόνιμοι*. Serpentis autem prudentia, est cautela & vigilantia ad sui conseruationem. Totum enim corpus iētibus exponit, ut caput occulter, quo saluo, reliqua saluantur omnia. Ad hanc prudentiam hortatur Scriptura, quum dicit: *Vtinam saperent & intelligerent, ac nouissima prouiderent.* Isthuc est sapere, hoc est prudentem esse. *Memorare nouissima, & in aeternum non peccabis.* Prouidere de futuris proprium est prudentiæ. Hoc faciunt filij seculi circa bona terrena; serunt, plantant, negotiantur, propter fructum & lucrum non præfens, sed futurum. Hoc arguit Christus in filiis lucis, quia non faciunt. Non faciunt hic amicos, ut acquirant tabernacula æterna. Non aduigilant, non prospiciunt rebus futuris. *At omnis qui in agone est* (ait Apostolus) *abstinet se ab omnibus: & illi quidem, ut corruptibilem coronam accipiant, nos autem incorruptam.* Iterum exemplo filiorum huius seculi, arguit Spiritus sanctus ignauiam & socordiam filiorum lucis. Illi abstinent ab omnibus; nihil de cibo, de potu, de vestitu, vel alia aliqua de re cogitant athletæ in arenam descensuri: sed toti in hoc sunt, ut coronam accipiant, & brauium reportent: quod tamen vnus aut alterius dici gaudium est, facileque corrumpitur alijs aduersis. Nos expectauimus coronam incorruptam, & in agone positi sumus: & tamen nihil minus cogitamus, ventri, otio, & voluptati dediti. *Qui in certamine Olympiaco palmam reportauerat, ad suam ciuitatem rediens, non per patentes vrbs portas intrauit, sed maioris triumphi causa, per diruta vrbs mœnia inuectus ferebatur.* Debemus per corporis nostri & fortunarum ruinas, oportet nos per multas tribulationes intrare in regnum Dei. *Regnum cœlorum vim patitur, & violenti rapiunt illud.* In optima causa nostra, maximus agendum viribus. Memorabile est, & humius discriminis filiorum seculi, & filiorum lucis illustre exemplum, Pompeius & Cæsar; ille pro Reipubl. libertate, hic pro suo honore & imperio dimicans. In pugna Pharsalica, quum starent horum Ducum acies, Pompeius Reipublicæ

Psal. 9.

Marth. 10.

Deut. 32.

Eccli. 7.

1. Cor. 9.

Simile.

Mor. 14.

Marth. 11.

Exemplum.

blicæ causam agens, exclamat ad militem: *Parce civium sanguini*. Cæsar pro sua gloria decertans, exclamat: *Miles faciem feri*. Ita dum ille quasi filius lucis, in causa iustitiæ molliter & flaccidè agit, & seipsum, & Rempub. totam perdidit: hic in sua generatione prudens & vigilans, & ad victoriâ attentus, victor triumphavit. Hodie hæretici ad suam hæreticam prauitatem vel conseruandâ, vel propagandam, etiam alienas terras inuadere, etiam contra Reges suos Catholicos rebellare ausi sunt: contrâ, Catholici vix sub Catholico Principe suam tueri domi religionem possunt. Tres in vna ciuitate ciues hæretici, plus potuerunt ad ciuitatem perdendam, quàm tria Catholicorum millia ad eam conseruandam. Laban idololatra, Iacob electo Dei, & in Lia supponenda, & in mutanda mercede decem vicibus imponere potuit. Sed & illi feni ac sanctissimo viro, decem filij per totos annos viginti illuserunt, occisum esse Ioseph, per intinctam sanguine tunicam persuadendo. Absalom impius, contra Dauidem patrem, *virum secundum cor Dei*, totum regnum ad rebellionem concitare. Hierosolymam occupare, exercitum ducere potuit. Sic filij seculi in sua semper generatione prudentiores sunt. Sed de hoc argumento, id est, de feruore spiritus in causa Dei & salutis nostræ, vide in compluribus alijs * Dominicis iam prolata, quæ hîc (loco magis proprio) in vsum depromi poterunt.

* Domin. 1. post
Epiph. text. 1.

Domin. 5. text.

2. Dominica

Sept. rex 4 &

5. Dominica

Palm. rex. 4.

Domin. Pasch.

text. 3.

Exempla prudentiæ filiorum lucis, quoad fortitudinem.

1.

Sozom. lib. 2.

cap. 24.

2.

Theod. lib. 5.

cap. 38.

Cæterum ne quod Christus hîc de facto pronunciat, necessariò quis fieri existimet, & huic ignauitæ suæ in causa religionis & salutis pretextum quærat, aliqua hîc exempla proferam de prudentia & feruore filiorum lucis in sua generatione. Paphnutius Episcopus, videns Maximum Episcopum Hierosolymitanum in Concilio Tyri inter Arrianos, qui contra Athanasium conspirauerant, sedentem; surgens de medio, manu eum apprehensum è subsellio detraxit, dicens: Nolo Maxime, vt qui eadem mecum Domini stigmata fers (nam & oculo vno orbaris, & nerui succisionem passus pro fide fuerat, sicut Paphnutius) cum impijs sedeas, & eorum impietatis contra sanctum Athanasium particeps fias. Persarum Rex Hormisdas, virum nobilem, quia Christum abnegare noluit, dicens hoc nec ipsi Regi esse vtile, quia qui Deum suum negat, faciliè Regem negabit, omnibus bonis exutum, & laceris indutum, custodem camelorum fecit. Accidit postea vt ei fortè occurrens Rex totum iam squalido & puluerulento, pristinæ fortunæ recordatus & commiseratus,

miseratus, cum nobiliter vestiri, & in palatium reduci iussit. Quo facto, Nunc, inquit Rex, filium fabri nega, & pertinaciam depone. Ille hoc audito, byssinas illas & pretiosas velles statim discindens atque exuens, Si propter ista, inquit, me fidem velle abnegare existimas, ea tibi denuo accipe. Atque ita cum ignominia à Regis facie extrusus, Deum & fidem suam fortiter seruauit. Benjamin diaconus Persa, postquam duobus annis in carcere maceratus ^{3.} *Theodor. lib. 5. cap. 38.* esset. Legatis Romanis interuenientibus, liberatus fuit ea conditione, vt Euangelium magis non prædicaret. Sed ille hanc conditionem recusauit, respondens, se non debere talentum acceptum abscondere; memor videlicet villicationis suæ. Dimissus nihilominus denuo prædicauit, & post annum denuo captus, atque à Rege iussus vt Christum abnegaret, respondit: Si mortem commeretur qui te Regem suum, quum ex subditis tuis sit, negare veller; meritò & ego morte plectendus essem, si Deum meum negare vellem. Constantius Arrianus Imperator, mittit ad Eusebium Samosatenum Episcopum, vt Concilij Ariminensis decretum ad eum mitteret. Quo negante se id facturum, nec depositum apud se alienaturum sine consensu Patrum eorum qui id apud se deposuerant, Imperator iratus iterum mittit, minitans dexteram ei præscindere ni reddat. Episcopus lecta epistola, porrigit nuncio vtramque manum, dicens: Vtramque præscinde. Neque enim decretum hoc, quod tam illustre est prauitatis hæreticæ testimonium, reddam Imperatori. & laudauit ipse Imperator Episcopi constantiam. Atque hæc feruoris & fortitudinis exempla sunt, pauca de innumeris, quæ nunc occurrerunt. Addam adhuc ^{5.} *Theod. lib. 4. cap. 39.* vnum aut alterum. Terentius dux, magna cum victoria ex Armenia reuersus, quum eum Imperator Valens petere quam veller mercedem iuberet, id tantum petiit, vt vnâ Antiochiæ Ecclesiâ Catholicis daretur. Iratus Imperator, petitionis schedulam lacerauit; & vt aliud aliquid peteret, iussit. Terentius fragmenta schedulæ recolligit, & Hoc, inquit, de tua Majestate totius mercedis loco accipiam; nec aliud petam. Deus inter te & me iudicet. Memorabilis hæc pietas fuit, & fortitudo egregia. Sed illustrior est, quam veræ pietati Theodosius iunior Imperator præstitit. In grauissima Regis Persarum cōtra Christianos persecutione, mul- ^{6.} *Socrat. lib. 7. cap. 18.* ti Persæ ad Imperatoris Theodosij iunioris regna profu-

gerunt. Repetit ab Imperatore fugitivos suos Rex Persa. Negat Imperator Catholicus: bellóque asperissimo super hac contentione orto, nobilissimas victorias reportavit. Hæc fuit prudentia filiorum lucis nihilo inferior filiis seculi. Cuius quod nunc subiicimus adhuc celebrius exemplum est. Iovinianus in Imperatorem electus, non aliter se Imperij administrationem suscipere velle dixit, nisi omnes, quibus imperaret, Christiani esse vellent: quod & effecit. Præclarum quoque & istud. Maior Armenia, quæ sub Persarum dominatu erat, sicut minor Armenia sub Romanorum Imperio, gravissimas persecutiones propter fidem passa, facta cum Iustino iuniore Imperatore occulta amicitia, & fœdere inito de libertate religionis potiunda, Magistratus suos & Præfectos omnes repentè e medio sustulit: Armeniæ sese adiunxit. Hæc de prudentia feruoris, fortitudinis, & vigilantix in causa fidei.

7.
*Theod. lib. 4.
cap. 1.*

8.
*Euagr. lib. 5.
cap. 7.*

Exempla prudentiæ filiorum lucis quoad astum bonum.

1.
*Euseb. lib. 1.
de vita Constant. cap. 11.*

2.
*Ambrosius
Sermon. 69.*

Nunc prudentiæ vt cautelam & astum bonum significat (in qua præcellere solent filij huius seculi) aliqua etiam exempla proferam. Quod de Paphnutio modò protulimus, ad hoc genus magis propriè pertinet. Constantius Constantini Magni pater initio Imperii sui, vocatis omnibus domesticis suis, ait, eos qui sacrificare diis vellent, apud se mansuros loco & honore pristino; qui id recusarét, vt recederent, gratiasque agerent, quòd eos gravius non persequeretur. Quibusdam ergo Christianis sacrificantibus, aliis verò aula potiùs quàm fidem deferentibus, hos apud se retinuit, magnóque in honore habuit, illos aula sua & comitatu expulit. Hac ille prudentia vsus est, non vt filius huius seculi, sed vt filius lucis, vt non nisi fideles apud se ministros haberet. Quum à Dionysio Episcopo Albanensi Arriani subscriptionem ad hæresem extorsissent, Eusebius Vercellensis Episcopus hoc comperto, finxit apud Arrianos, se velle quoque propter bonum pacis subscribere. Data ergo illi schedula subscriptionum, visio Dionysij nomine inter primos, quasi ad rem bonam stomachatus; Quare, inquit, inuenis ille, & meus discipulus me præcedit? Istuc ferendum non est. Fiat alia schedula, vt me priore loco subscribente, sequatur ille Patres suos. Arriani mox illa schedula combusta, aliam parant, cupientes illi satisfacere, eiusque subscriptionem obtinere. At ille hoc facto, squaliter subridens, nec ego (inquit)

nec

nec filius meus Dionysius vestris impietatibus subscribere-
 mus. Ex quo eius facto concludit Ambrosius: *Vnde cūm*
dicat Euangelium in hac generatione prudentiores filios tene-
brarum esse quā lucis, ecce hic ipsis tenebris prudentior filius
lucis inuentus est. Nec minor fuit sancti Athanasij ad elu-
 dēdos Arrianos, & vel suam innocentiam, vel causam Ca-
 tholicam defendendam prudentia. Mulier ab Arrianis sub-
 ornata fuerat, quæ Athanasio stuprum cum ea perpetratum
 obijceret: resque ad publicum iudicium deducta est. Sed ubi
 mulier coram Episcopis in vnum conuocatis hæc obijceret,
 Timotheus presbyter Alexandrinus, qui astabat Athanasio *Sozom. lib. 2.*
 (sic enim inter eos clām conuenerat) ita affatur mulierem: *cap. 24.*
 Egone te per vim compressi? Tum illa; An non tu, quæso,
 inquit: tempusque & locum in quo compressa fuerat, ostē-
 dit. Sic ridicula apparuit accusatio, & calumnia inanis. Epis-
 copi innocentia etiam inimicis iudiciis patefacta est; Ar-
 riani summa ignominia affecti. Pari prudentia apud Con-
 stantium Imperatorem Arrianum, pro Catholicæ reli-
 gionis libertate vsus est. Ad preces, vel etiam minas Con-
 stantis fratris, qui in Occidente Catholicus imperabat,
 Athanasium ab exilio reuocauit Constantius, & Antio-
 chiam Syriæ ad se vocatum, liberum ei ad Episcopatum re-
 gressum offert: sed vnum (inquit) est, in quo mihi gratificari
 debes, vt vnā Arrianis Ecclesiam in tua ciuitate conce-
 das: cui quum ille respondisset, se quidem id Imperatori
 negare non velle: sed æquum esse, vt & illi tantundem con-
 cedat Imperator, vt Antiochiæ Catholicis vna quoque Ec-
 clesia concedatur. *Que* res quum ab altera parte magis
 Arrianis incommodaret, quā vna Alexandriæ Ecclesia,
 præsentē illic Athanasio, commodare potuisset; Impera-
 tor ex Arrianorum consilio à postulato abstinuit, virique *Niceph. lib. 9.*
 prudentiam admiratus, Non frustra (inquit) hunc vnum *cap. 24.*
 virum tantopere Arriani exagitant. Sed & magna pruden-
 tia Flauianus Antiochiæ Episcopus Catholicus, contra
 Adelphium hæreticum, & Massalianorum Principem vsus *5.*
 est, vt totum pestilentis hæresis venenum quod occulte-
 uerat, & clanculum multis instillauerat, nec de vllō con-
 uinci poterat, sua sponte effunderet. Hominem ad se An-
 tiochiam euocat, benignè tractat, propriè assidere iu-
 bet. tum ad eum: Nos, inquit, ô senex, ad longam
 iam ætatem prouecti, multoque vsu rerum edocti, &
 dæmonum fraudes perspectas habemus, & dona Spiritus

sancti edocti sumus. Isti iuvenes spiritualium sermonum necdum capaces, occultiora Dei mysteria non percipiunt. Itaque mihi, quæso, aperias, quomodo ad nos Dei Spiritus adueniat, & contrarius spiritus quomodo à nobis recedat. His verbis delinitus senex totum cordis sui arcanum patefecit, & pestilentis suæ doctrinæ virus totum effudit. Quo audito, & seni verbis acerrimis maledixit, & totam illam Massalianorum pestem (cui simile quiddam Anabaptismus hodiernus est) tota Syria expulit. Sunt ergo & filij lucis, si euri esse debent, prudentes in generatione sua, quoties ad id animum, Dei auxilio inuocato, se iò & strenuè applicare contendunt. Iehu in Regem à Deo vinctus, singulari prudentia omnes sacerdotes Baal in templum euocatos ad vnū trucidauit. Cui simile est quod de Cabade Persarum Rege Paulus Diaconus meminit. Manichæi Phatuarsæ filio Cabadis persuadent, se illi à patre iam sene regnum obtenturos, si eorum religionem. Promittit ille. Rex senex hoc intellecto, conuocat omnes regni sui Ordines, ac Manichæos omnes cum Episcopo suo Indagara, cum vxoribus quoque & liberis, fingens se velle dictum filium Regem creare. Laudatis itaque in pleno conuentu Manichæis, & dicens se filium suum illis Regem daturum, monet vt seorsim omnes consistant, ad eum solenniter acceptandum. Illis ergo seorsim stantibus, immissa militari manu, vniuersos occidit in conspectu totius nobilitatis, & omnium Christianorum Catholicorum. Sed & liberos eorum omnes postea combussit. Hac prudentia, & insigni stratagemate, Baal illud Manichæum in tota Persia deletum & extinctum fuit. Non est igitur quod vel pij & Catholici ex prudentia filiorum huius seculi, ignauix suæ prætextum quærant, vel impij in sua prudentia glorientur, qui sæpe incidunt in foveas quas fecerunt: quia non est sapientia, non est prudentia, non est consilium aduersus Dominum.

3. *Facite vobis amicos de mammona iniquitatis; vt, quum defeceritis, recipiant vos in aterna tabernacula.*

Eleemosynarū
retributio
æterna.

LO C V S moralis de æterna retributione eleemosynarum. Docet Christus hanc nostram debere esse prudentiam, vt de mammona iniquitatis, suæ de iniquo māmōna, iuxta phrasem Hebraicam, non quia iniquè parata est, aut possidetur; sed quia multæ iniquitatis, causa esse solet (*vermis enim*

enim diuitiarum superbia, ait sanctus Augustinus, & radix omnium malorum, cupiditas pecuniarum φιλαργυρία, ait Apostolus) faciamus nobis amicos eam bene & prudenter non dissipando, sed dispensando, pauperibus eam distribuendo: ut, quum nos defecerimus, & vilicare amplius non poterimus, per mortem diuitiis omnibus exuti, isti quos per eleemosynas amicos fecimus, pauperes & indigentes, de quibus bene meriti sumus, recipiant nos, id est, recipi faciant, siue precado pro benefactoribus suis, si boni pauperes sunt, Deoque grati; siue, quia non illi, sed quod illis praestitum est, misericordiae opus recipi faciat in aeterna regni caelorum tabernacula. Hunc esse huius loci & litterae sensum in altero Promptuario contra haereticos ex SS. Patribus ostendimus. Nunc quoad mores, eum paucis tractabimus: nam de hac eleemosynae virtute ac mercede iam in aliis Dominicis semel atque iterum diximus; quae etiam huc referri possunt. Iosephi prudentia & sapientia laudatur, qui per septem annos fertilitatis in Aegypto collegit tanta copia frumentum in horrea regia, ut per septem alios sterilitatis annos totam Aegyptum aleret, & quintam eius partem regio dominio subiiceret. Praesens diuitum & locuplerum vita sunt anni fertilitatis ipsorum. Prudenter faciunt si futurae sterilitati post mortem prospiciant (post mortem enim omnibus exuentur, nec villicare poterunt, & illa est nox in qua nemo *potest operari*, ut Christus praemonuit) & diuitias suas in Dei horrea, pauperibus distribuendo congregent. Illi enim (ut dixit tyrannos sanctus Laurentius) in caelestes thesauros illas reportant. *Operemur bonum ad omnes, dum tempus habemus*, ait Apostolus. *In die bonorum ne immemor sis malorum*, ait Sapiens: *Formica in aestate congregat, quod in hyeme comedat*. Componit cumulos (ut scribit Plinius) & in secretiori parte domus abscondit. Sic eleemosyna in sinu pauperis abscondenda, & largiter componenda ut ipsa exoret pro nobis. Hericulus illam prudentiam habet, ut duo sibi foramina faciat: vnum ad Septentrionem, quod se recipiat tempore aestus & caloris; alterum ad meridiem, quod contra frigus petit. Haec quoque nobis prudentia documento esse potest, ut contra frigus & aestum, contra propriae deuotionis & pietatis frigus, contra purgatorii ignis & iusti iudicii Dei aestum atque calorem, apertam habeamus vtramque manum ad eleemosynam & beneficentiam: & ita apertam atque exporrectam, ut nec sciat dextera quid facit sinistra, nec sinistra aduertat

Domini. 1. post

Pent. text. 4.

Domin. 6. post

Pentec. text. 1.

Allegoria.

Galat. 6.

Eccles. 11.

Proverb. 6.

Aristot. lib. de
animalib.

Simile.

Psal. 111.

2. Corint. 9.

Eccles. 4.

Ibidem.

Obiurgatores
pauperum.

Eccles. 4.

Esaia 58.

Rom. 12.

Psal. 103.

Eccles. 11.

Pratum spiritua-
le, cap. 195.Exemplum re-
tributionis.

quid porrigat dextera. Dicit regius Propheta: *Iucundus homo qui miseretur ac commodat: disponit sermones suos in iudicio.* Iucundus est qui eleemosynam dat, quia *hilarum datorem diligit Deus. Non ex tristitia aut necessitate.* Et Sapiens idem monet: *Inclina pauperi aurem tuam sine tristitia.* Et iterum: *Congregationi pauperum affabilem te facito.* Docet non esse obiurgandos aut multum abigendos pauperes. Noli illi otium aut vagam vitam improperare. Si in otio viuit, satis carè hoc otium emit, famem, nuditatem, frigus ferendo. Deinde si iustitiæ zelo obiurgas, quid tot alios in ciuitate ignauos non mones? quid diuites summo otio tempus terentes, vsq; ad multum diem dormitantes, non arguis? quid teipsum non consideras, quo fortasse nihil est otiosius, aut ignauum magis? An fortè piratā, qui parua scapha & vnica naui prædatur, suspendio dignum; Alexandrum verò, qui tota classe deprædatur, imperio dignum existimabis? & in paupere scelus erit, quod in diuite laudi ducetur? At Scriptura dicit: *Ne exasperes pauperem in inopia sua, & cor inopis ne afflixeris.* Os enim tuum & caro tua est. Ideo hanc causam Propheta eleemosynæ subiunxit: *Si videris nudum, operi eum: & carnem tuam ne despexeris.* Iucundus ergo homo, non tristis, non rudis, non acerbus, non asper, qui miseretur, iuxta illud Apostoli: *Qui miseretur, in hilaritate.* Et Psalmista: *Vt exhilaret faciem in oleo,* scilicet misericordiæ. Porro qui miseretur pauperi, idem cõmodat, vt Dauid adiecit; non simpliciter omne à se dominium trāsferat, sed cõmodato dat. Vnde alibi Scriptura: *Mitte panem tuum super transeuntes aquas* id est, super afflictos & egenos *quia post multa tēpora inuenies illum.* Quo autem tardior est solutio, eo copiosius lucrum recipies.

Euagrius philosophus à Synesio philosopho & Episcopo Cyrenensi ad fidem Christi conuersus, dedit ei postea ad vsum pauperum trecentas auri partes, accepta ab Episcopo cautione, quòd Christus ei redderet in futuro seculo. Moriens postea Euagrius, iussit filios suos cautionem illam in manibus eius ponere, & vnà cum eo sepelire. Tertia die post mortem apparuit Synesio Episcopo, dicens ei: *Veni ad sepulchrum meum, & recipe chirographum tuum.* Accepi enim debitum, & mihi vbertim satisfactum est. Fecit ita Episcopus, & cum clericis ac primariis ciuitatis accedens ad sepulchrum, eo aperto inuenerunt iacentem Philosophum, & chirographum, manu Episcopi conscriptum, manu tenentē. Accipientes ergo illud, & aperientes, inuenerunt in eo no-

uiter

uiter manu philosophi Euagrii subscriptum, hunc in modū.
 Ego Euagrius philosophus tibi sanctissimo Domino Synesio
 Episcopo salutem. Accepi debitum in his literis manu tua
 conscriptum, satisfactumque mihi est, & nullum contra te
 habeo ius propter aurum quod dedi tibi, & per te Christo
 Saluatori. Cautio autem illa seruata est in Ecclesia Cyren-
 nensi multis post annis. Hæc ibi. Hic philosophus post mul-
 ta tempora inuenit pecuniam suam. Sic per mammonam
 iniquitatis recipimur in æterna tabernacula. Sic fit quod in
 Psalmo citato sequitur: *Disponit sermones suos in iudicio*: id
 est, in die iudicii, facile inueniet quod respondeat summo
 iudici, scilicet ad illa iudicis verba: *Esurui, sitiui; nudus,*
captiuus, hospes fui. Soli immites, auari, immisericordes, seue-
 rum Dei iudicium subibunt, quia in iudicio, quod pro se
 respondeant non habebunt, nisi mendacem ignorantiam: *Matth. 25.*
Domine, quando uidimus te esurientem, &c. Rex terrenus, la-
 trocinio, homicidio, aut cuiusque flagitio veniam dare
 potest, ubi non est pars læsa: sed cum iniuria & detrimento
 tertij, ubi per homicidium, per latrocinium, aut aliud scelus,
 filij, nepotes, vxor, proximi grauiter læduntur, nisi illis facta
 prius satisfactione, condonatio iniusta erit. Sic in die extre-
 mi iudicii, soli immites, & in pauperes auari, atque cru-
 deles, vel certe præcipue illi durissimum; & sine misericor-
 dia iudicium subibunt; quia, sicut contra Iudæos Niniuitæ,
 & meretrices poenitentes; sic contra auaros diuites, vi-
 duæ, pupilli, pauperes, quibus perentibus eleemosynas
 negauerunt, & qui per eorum crudelitatem fame & nudita-
 te aut perierunt, aut intolerabilem vitam & miseram ege-
 runt, surgent in iudicio, tanquam partes læsæ, & satisfactio-
 nem postulabunt. Imò iudex ipse, illis tacentibus, pro illis
 iudicabit. Dicet enim: *Quod uni ex his minimis non fecistis, mi-*
hi non fecistis. Quare ut sibi ipsi factam iniuriam certissime
 vindicabit, dicens: *Ite maledicti in ignem æternum.* Contra ve-
 rō eleemosynas facientibus dicet: *Venite benedicti Patris mei,*
possidete regnum, &c. Tunc fiet quod Esaias prædixit: *In illa*
die auferetur iugum tuum, & computrescet iugum à facie olei.
 id est, multa peccata per quæ iugo satanæ subicimur, prop-
 ter opera misericordie delebuntur, iuxta illud Danielis: *Daniel. 4.*
Peccata tua eleemosynis redimo. Itemque illud diui Petri: *1. Petr. 4.*
Charitas operat multitudinem peccatorum.

Cur soli immi-
 sericordes te-
 uerum subibūt
 iudicium.

Simile.

Matth. 25.

Ibidem.

Esaia 10.

Daniel. 4.

1. Petr. 4.

Diuitis auari
 cæcitas.

Magna diuitum auarorum cæcitas, qui tantum eleemo-
 synæ fructum non aduertunt. Magna & crassa, sed vulgaris
 L 5 maximè

maximè absurditas eorum est, in conuiujs instruendis, in excipiendis amicis, diuitibus, potentibus viris, etià ultra facultates saepe effundere; quum ad eleemosynam faciendam occasio se offert, statim sensus suos reputare, & ne quid effusius largiantur, anxie cogitare. Sed huius absurditatis causa est, magnus amor mundi, paruus amor Dei & proximi. Alia etià causa est, diffidentia & incredulitas

Allegoria.

circa Dei promissa, & certissimam eleemosynæ benè collocatæ mercedem. Vidua Elisæi quamdiu ex vase suo oleum infudit in vasa vacua, sensit crescere oleum: quum verò non ampliùs infudit, stetit oleum. Si vasa vacua, id est, pauperes oleo eleemosynarum impleueris, augebuntur tibi diuitiæ: sin autem sistere eleemosynam volueris, cessabit affluentia. Sicut aquæ puteales, quo frequentius hauriuntur, eo largiùs fluere solent; sic quo liberalior quis est in pauperes, eo magis rem facit. Dicit Scriptura, & verum dicit: *Da altissimo secundum datum eius, & in bono oculo adinventionem facito manuum tuarum, quoniam Dominus retribuens est, & septies tantum reddet tibi.* Certè sicuti oleum,

Simile.

Eccles. 35.

Simile.

quod ex ipsis oliuis ex sola pinguedine, absque eo quòd prematur, spontè effluit, multo præstantius & purius, & ad multa medicamenta vtilius est quàm illud quod per vim in torculari exprimitur; quod etià in vino verum est: sic eleemosyna voluntaria, prompta & hilaris, absque importuna obsecratione fluens, Deo gratissima est, & ad meritum vberiùs efficacissima. Ideo monet Sapiens: *Ne dicas, vade, vade, cras dabo tibi; cum possis statim dare.* Eleemosyna est viaticum in mundo, & thesaurus in cælo. Posterius Christus apertè docuit, dicens: *Facite vobis sacculos qui non veterascunt, thesaurum non deficientem in cælis.* Prius hac comparatione elucescet. Sicuti qui ad magnum flumen transeundum (cuius transitus omnibus est necessarius) pontem magno suo sumptu, maiori labore construxit, æquissimum postulat, vt qui pontem transeunt, aliquod ei pedagium aut vectigal soluant, siue ad sumptus recuperandos, si illis opus habet; seu certè ad tanti beneficij recognitionem; siue denique quia hanc illi conditionem apponere placet: sic omnino, quia Christus Redemptor noster pretio sui sanguinis, & laborum atq; ærumnarum quas præterea in terris pro nobis passus est, pontem misericordiæ extruxit, & *viam sanctorum propalaui, æterna redèptione inueta*: per quem necesse est omnes de hoc mundo transire ad Patrem cœlestem, simulque

Eccles. 11.

Eleemosyna
viaticum in mû-
do, thesaurum
in cælo.

Luca 12.

Simile.

Hebr. 9.

ordinauit,

ordinauit, vt qui hac eius misericordia & redēptione gaude-
 re volumus, opera misericordiæ faciamus, & vt per mammo- Luca 6.
 nam iniquitatis in æterna tabernacula recipiamur; quia hac ille
 conditionem apposuit, vt iudicium sine misericordia fiat ei qui Iacob 2.
 non fecit misericordiam; vt si damus, dabitur nobis; vt qua men- Luca 6.
 sura mensi fuerimus proximo nostro eadem ab illo remetiatur
 & nobis; non quia vel bonis nostris ille indiget, vel solius gra-
 titudinis ergo (vt hæretici hodie falluntur) hoc à nobis flagi- Locus contra hæreticos.
 tat; sed quia æquitatis & iustitiæ ratione hoc exigit; hancq;
 viam nobis præscripsit & præcepit, cui obedire par est profe-
 ctò necesse est opera misericordiæ exercere, eleemosynas lar-
 guri, & facere nobis amicos de mammona iniquitatis. Chri- Hebr. 5
 stus enim per passionem consummatus, factus est causa salutis
 omnibus obtemperantibus sibi. Hinc Propheta inter reliquas
 iniquitates & causas ruinæ Sodomorum hanc ponit: Et ma- Ezech. 16.
 num egeno & pauperi non porrigebant. Hoc enim vnum si fe-
 cissent, fortè aliarum iniquitatum pœnas superbie, saturitatis
 panis, abundantia & otij, euasisent. Ideo enim his sceleribus
 hanc immisericordiam subiunxit Propheta. Quare paulo
 pòst inter remedia peccati, & reconciliationis cum Deo me-
 dia necessaria, hoc ponit: Si panem suum esurienti dederit, & Ezech. 15.
 nudum operuerit vestimento.

Sanè qui secus faciunt, & non nisi vanitati diuitias im- Simile.
 pendunt suas, similes sunt fluminibus aquas suas in mare mit-
 tentibus, terras autem sitientes minimè rigantibus In vacua
 vasa, non in plena, bonum liquorem infundi par est. Quid illis
 mēsam amplam adornas, qui magis videntur fame ad dige-
 rendum cibum, quàm cibo ad nutriendum corpus indigere?
 Bene dixit Sapiens. Alij diuidunt propria, & ditiores fiunt: alij Prouer. 11.
 rapiunt non sua, & semper in egestate sunt. Frumentum in hor-
 reo reconditum, non augetur, imò sæpe à curculione corro- Simile.
 ditur, à muribus vastatur, situ corrumpitur: at in terram pro-
 iectum, vberissimum fert fructum. Sic pecunia in arcula re-
 condita, sæpenumero direptioni committitur, & cum suis ip-
 sa custodibus aufugit, illis corruptis; multis quoq; aliis mo-
 dis intercidit: in pauperes autem collocata fructū centuplum
 in hac vita producit, & postea vitā æternam. Relinquere enim Relinquere agros propter Christum.
 patrem, matrem, fratres, sorores, & agros propter Christum,
 non solum est, illis in totum relictis, & omnibus diuenditis,
 pauperratem perpetuam ex voto profiteri; sed est etiam, sua
 bona propter Christū pauperibus elargiri, & totius cognati-
 onis carnalis curā (quando non indigent) propter pauperes
 subleua

Simile.

subleuandos negligere. Sicut putei & lacus aquarum viuentium sordibus obturati & inquinati, si exhausti fuerint, fluēt vberiore & pulchriore aqua, dimissi verò & quieti corrumpuntur: sic opes distributæ crescunt, asseruatæ seruantem, sicuti tinea vestem, corrodunt atque consumunt: *Dispersit, dedit pauperibus, iustitia eius manet in seculum seculi.* Omnia animantia manus habentia, illi terram attingunt, præter hominem, qui manus à terra habet eleuatas. Ipsa naturæ compositio docet, manus nostras nō debere esse in arca pecuniaria, nec vel in colligendis diuitiis rapaces, vel in asseruandis tenaces, sed ad cælum erectas, & in illis operibus versari, quibus ad cælum pertingamus, ad quod fruendum nati & formati sumus. *Beatus vir, qui post aurum non abiit, nec sperauit in pecunia thesauris.* Abiit post aurum, & seruus fit eius, qui pauperi petenti, quum potest, aurum non elargitur. *Sperat in pecunia thesauris,* qui metu futuræ inopiæ abstinet ab eleemosyna; confidens non in Domino, sed in arca sua. Sed beatus est qui neutrum facit, quia per eleemosynam beatitudinē consequetur. Aquila generosa auis est, & auium princeps. Illam,

*Psal. 111.**Etol. 31.*

quum prædam agit, cæteræ aues turmatim sequuntur, vt partem prædæ habeant. Solet enim, vbi naturæ satisfecit, reliquam prædæ partem aliis auibus relinquere. Contrà vultur facit, qui totam prædam vel deuorat vel occultat. Idem inter quadrupedia facit leo quod aquila, & idem lupus quod vultur. Renatus in Christo generosi pectoris esse debet, vt Dei se filium esse ostendat: & sit misericors, sicut Pater eius cælestis est. *Qui miseretur pauperis beatus erit, Qui credit in Domino, misericordiam diligit.* Qui ergo misericordiæ opera negligunt, ostendunt se in Domino non credere, & miseros fore. Paxilli qui ad vites sustentandas ponuntur, si id probè nō faciunt, in ignem à Domino vineæ mittuntur. Diuites qui ad aliorum sustentationem & consolationem, tanquam dispensatores, non sibi ipsis, vt domini absoluti, diuitias à Deo acceperunt, si pauperes ex eis non sustentant, in ignem æternum in die iudicii à summo iudice proiicientur, sicuti apud

*Simile.**Prouer. 14.**Simile.*

Matth. 25. Matthæum disertis verbis Christus prædixit.

EVAN



VM appropinquaret Iesus Hierusalem, vidēs ^{Luce 19.} ciuitatem, fleuit super illam, dicens: Quia si cognouisses & tu, & quidem in hac die tua quæ ad pacem tibi, nunc autem abscondita sunt ab oculis tuis. Quia venient dies in te, & circundabunt te inimici tui vallo; & circundabunt te, & coangustabunt te vndique, & ad terram prosternent te, & filios tuos qui in te sunt, & non relinquet in te lapidem super lapidem; eo quod non cognoueris tempus visitationis tue. Et ingressus in templum, cepit eijcere vendentes in illo & ementes; dicens illis: Scriptum est, quia domus mea, domus orationis est. Vos autem fecistis illam speluncam latronum. Et erat docens quotidie in templo.

PERICOPÆ moralis huius Euangelij.

1. *Videns ciuitatem (Hierusalem) fleuit super illam.* De deflendis peccatis, seu nostris, seu alienis.

2. *Quia si cognouisses & tu, & quidem in hac die tua, quæ ad pacem tibi, nunc autem abscondita sunt ab oculis tuis.* De alta obliuione futurorum propter pacem rerum præsentium.

3. *Quia venient dies in te, & circundabunt te inimici tui vallo, & circundabunt te, & coangustabunt te vndique, &c.* De iustitia Dei, & pœna peccatorum certissima, vbi peccato modus non ponitur.

4. *Eo quod non cognoueris tempus visitationis tue.* Contra dilationem penitentiae aut conuersionis ad Deum tempore opportuno.

5. *Ingressus in templum cepit eijcere vendentes in illo & ementes.* Contra variam prophanationem templorum.

6. *Domus mea, domus orationis est.* De orationis studio in templis Deo consecratis potissimum frequentando.

1. *Videns ciuitatem (Ierusalem) fleuit super illam.*

LO C V S moralis de deflendis peccatis, seu nostris, seu alienis. Christus Dominus in media illa pompa & celebritate, qua faustis omnium acclamationibus in Hierosolymam receptus est, populo ramos palmarum manibus gestante, Apostolis & discipulis vestimenta sua a sino imponētibz, aliis fron

Peccata deflenda.

frondes in via sternentibus, pueris Hofanna clamantibus, tota ciuitate ad eius occursum effusa; neq; hac celebritate motus, neq; externo verbis splendore, & præfenti pace affectus; ad ea quæ intus latebant & quæ futura erant, mentis oculos cõiecit. Peccata, scelera, & flagitia illius populi præfentia, & futuri am flagitiorum pœnam prospiciens; fleuit super ciuitatem, & verba lachrymosa singultu quæ plena protulit: fractis verbis, & imperfecto sermone animi sui ingentem dolorem patefaciens. Docet hoc factò Christus, quantum quisque sua debeat de flere peccata, postquam ille sic fleuit aliena. Docet etiam quantum opere proximorum peccata, & totius mûdi scelera à pio quouis pectore deffenda sunt. Quæ duo hîc tractari salubriter possunt. Fletum & gemitum, peccatorum nostrorû proprium quoddam esse & validum remedium, variæ Scripturæ docent. *In quacunque hora ingemueris peccator, omnium iniquitatum eius non recordabor.* Quum Christo crucem suam baiulâte, filiæ Hierusalem flerent super eum, dixit ad illas: *Nolite flere super me, quia peccator non sum; sed flete super vos & filios vestros: quia vos peccatores estis, & hoc remedio indigeris.* Petrus post abnegatum Christum, *exiuit foras, & fleuit amarè:* moxq; respexit eum Christus, & post resurrectionem ante omnes alios discipulos illi apparuit. Notæ sunt Magdalænæ *lachrymæ, quibus pedes Christi rigauit.* deffens flagitia sua. Davidis pœnitentis illa vox erat: *Lauabo per singulas noctes lectum meum,* (id est, per singula peccata cor meum, vt exponit diuus Ambrosius) *& lachrymis meis stratum meum rigabo.* Rursum: *Sacrificium Deo spiritus contribulatus, cor contritum & humiliatum non despicies.* Et iterum: *Qui seminant in lachrymis, in exultatione metent.* Beata sunt semina, quæ tantum gaudium producunt. Hinc Christus: *Beati qui lugêt, quoniam ipsi consolabuntur.* Si magnificamus aquas florum aut herbarû, quia abluunt oculos, aut medentur nonnullis vulneribus; cur non magnificamus lachrymas quæ abluunt animæ sordes, eiusque vlcera curant? Hoc significauit Salomon quum *mare fusile & luteræ in templo cõstituit.* Nam per mare fusile & æneum, in quo lauabantur sacerdotes Deo sacrificium oblaturi, significabatur confessio peccatorû cum lachrymis coniuncta, quam sacerdotes nouæ legis sacrificaturi adhibere debent. Luteræ, in quibus carnes in altari holocaustorum offerendæ abluebantur, lachrymæ sunt contritionis, quibus quilibet Christianus lachres suas abluere debet, vt fiat

Lachrymæ
peccatorum
remedia.

Ezech. 18.

Luca 23.

Luca 22.

Luca 7.

Psal. 6.

Psal. 50.

Psal. 125.

Matth. 5.

Simile.

1. Reg. 5.

Allegoria.

fiat Domino sacrificium & holocaustum. Neq; enim cōburi potest, quod prius non lauetur. Exardescere in amorem Dei, & fieri holocaustum nemo potest, nisi qui prius peccata omnia, & peccati affectum lachrymis, veraq; contritione abluerit. Omnes fluuij non possunt prunā vnā extinguere purgatorij, sed piæ cōtritionis lachrymæ illam extinguunt. Sicuti quum domus aliqua incendio flagrat, qui eam volūt à flammis eripere, ad aquas confugiunt: sic cuius anima cupiditatum flammis accenditur, ad pœnitentiæ lachrymas confugit, quo restinguatur. Sicut nummus in pelui aqua plena melius cernitur; sic peccata cuiusq; in lachrymis, & per lachrymas, multo euidentius apparēt. Sicuti enim nube per pluuiam delapsa, aër serenatur; sic mens peccatoris, tristitiæ & peccati nube per lachrymas resoluta, serenor fit, tum ad seipsum, tum ad Deum cognoscendum. Aqua lachrymarū est veluti mare rubrum, vbi Pharaō, hoc est, vitiorum exercitus obruitur, & flagitiorū capita confringuntur; iuxta illud: *Contribulasti capita draconum in aquis.* est quasi natatorium Siloe, vbi oculi animorum abluuntur. Sicuti hydria liquore plena, si fuerit subito reuoluta, liquorem fundit; sic pium cor lachrymarum plenum, ex subita peccati compūctione, quasi à summo ad imum reuoluitur, & lachrymas vbertim profundit. Ad sola peccata valent lachrymæ, non ad alia quæcunque rerum damna, vt in alia Dominica ostensum est. Sicuti cineres & pulueres combustæ viperæ (vt ex philosophorum sententia tradit Lactantius) ad ipsius morsum venenosum præsens afferunt remedium; sic dolor peccati, & eius iam extincti tristitia, contra peccati præteriti pœnam, & iterandi cautelam præsentissimum est remedium. De hoc argumento vide in aliis Dominicis plura.

*Similia.**Allegoria.**psal. 73.**Simile.**Domin. 4. post**Pasch. text. 1.**De ira Dei.**ca. 13.**Simile.**Voi suprā. 6.**Dom. 10 post**Pentec. text. 6.**Peccata aliena
& publica esse
desenda.*

Docet Christus, aliena peccata, proximorum delicta, totius mundi flagitia amaris lachrymis esse deploranda. Ideo Christus super Ierusalem fleuit, quia eum venientem non receperunt: quia nec doctrina eius, nec miraculis, nec patientia & humilitate, vt in eum crederent, vitamque & mores sceleratissimos in melius commutarent, adduci poterant. At & hodie Christi doctrina, patientia, passio, mors, beneficia innumera, ab illis contemnuntur, qui vel non credunt, vel credentes, impiè & sceleratè vitam transigunt. Hæc mundi ingratitude, & quotidiana proximorum flagitia, cuius iusto & Deum timenti perpetuam lachrymarum & fletus materiam præbent.

Impicta

Exempla.

sacra.

Sophon. 3.

Jerem. 9.

Jerem. 6.

Osee. 13.

Psal. 118.

Ibidem.

2. Reg. 13.

3. Reg. 18.

2. Reg. 1.

1. Reg. 15.

Esaia 16. & 21.

Ezech. 27.

Ezech. 9.

Roman. 6.

1. Corint. 5.

2. Corint. 11.

2. Corint. 5.

Actor. 20.

Impietates Iudæorum veteres Prophetæ amarè flebāt. Sic Sophonias: *Va prouocatrix & redempta ciuitas: coluba non audivit vocem, & non suscepit disciplinam. In Domino non est confisa, ad Deum suū non appropinquavit.* Ieremias exclamat: *Quis dabit capiti meo aquam, & oculis meis fontem lachrymarum, & plorabo die ac nocte, interfectos filia populi mei?* Sed & sic eum Dominus alloquitur: *Percute manum tuam, & allide pedem tuum, & dic: Heu, heu, ad omnes abominationes malorū domus Israel.* Forrò lamentationes quas scripsit, non solum populi captiuitatem, sed, ipsa populi peccata, quæ captiuitatis causa erant, flebilibus vocibus deplorant. Nec aliter Oseas: *Consolatio abscondita est ab oculis meis: quia ipse inter fratres diuidet & adducet vrentem ventum Dominus de deserto ascendētem, &c.* Prophetæ regius sic aliorum peccata defleuit, vt diceret: *Exitus aquarum deduxerunt oculi mei, quia non custodierunt legem tuam: scilicet peccatores in terra.* Et iterum: *Tabescere me fecit zelus meus, quia obliti sunt verba tua inimici mei.* Sed & idem Prophetæ sanctus, qui pro paruulo filio ægroto in cinere, & cilicio, & ieiunio diu plorauit, eo autem mortuo, statim deposita tristitia, cibum hilariter sumpsit, audita morte filij Absalonis, incōsolabiliter fleuit, dicēs: *Absalom fili mi, fili mi Absalō, quis mihi det vt ego moriar pro te?* Causa discriminis est, quòd Absalom in peccatis suis mortuus erat. Sic accepta Saulis cæde, magnum planctum fecit, quia in peccatis suis mortuus erat. Samuel luget Saulem à Deo reprobatum. Quid, quòd Esaia etiam Moabitarum hostium Dei excidium plorat? *Super hoc (inquit) plorabo in fletu Iazer.* & paulo pòst: *Super hoc venter meus ad Moab quasi cithara sonabit.* Iubetur Ezechiel assumere super Tyrum lamentum. Et alibi dixit Dominus ad eum: *Transi per mediam ciuitatem in medio Ierusalem, & signa Tau super frontes virorum gementium & dolentium super cunctis abominationibus quæ fiunt in medio eius.* Hi signantur & seruantur ad vitam, qui in colluue flagitiorum non sua tantum, sed & aliena aduersus Deum admissa scelera piè deplorant. Sic Apostolus Iudæorum casum & ruinam deflebat: *Tristitia mihi magna est, & continuus dolor cordi meo: optabam enim anathema esse à Christo pro fratribus meis.* Sic Corinthij fornicarij flagitium lugebat; & eos qui luctum non habuerunt, grauitè reprehendit. Denique dicit: *Quis infirmatur, & ego non infirmor?* Et alibi: *Quamdiu sumus in hoc tabernaculo, ingemiscimus grauati.* Et rursum Ephesiis vale dicens, *Per triennium, inquit, nocte*

nocte & die non cessavi cum lachrymis monens unumquemque vestrum. Postremò luger eos omnes qui non egerunt pœnitentiam super immunditia & fornicatione sua. Iam verò Christus ipse non solum hîc super Ierusalem quasi transiens fleuit, sed & in cruce cum clamore valido & lachrymis preces Deo Patri Hebr. 5. pro nobis obtulit. Quem nunc non pudeat in tot gentibus grassantes hæreses, tot hodie mundi scelera & flagitia, tantam Ecclesiasticæ disciplinæ depravationem, publicæ iustitiæ violationem siccis oculis præterire? Moyses & filij Israël Num. 25. flebant peccata sociorum, & fratrum filiorum suorum ante fores tabernaculi. Iob sanctissimus, Flebam, inquit, super eo Iob 10. qui afflictus erat. Paulus iterum: Multi ambulant de quibus Philip. 3. dixi, & nunc iterum flens dico, inimici crucis Christi, quorum Hebr. 11. Deus venter est. Denique maluit Moyses affligi cum populo Dei, quàm gaudere cum Pharaone. Sic Sapiens monuit: Me Eccles. 7. lius est tibi ire ad domum luctus, quàm ad domum conuiuij. Melius est sentire gemitus columbæ, & compati laboranti in peccatis Ecclesiæ, quàm laudare peccatores in desiderijs psal. 9. anima ipsorum, & iniquos benedicere.

Luctus & compassio de peccatis alienis, argumentum est charitatis erga alios. Vnde Apostolus: *Ex multa tribulatione, 2. Cor. 3. & multa angustia cordis scripsi vobis per multas lachrymas, ut sciatis quam charitatem habeam abundantius in vobis.* Argumentum quoque est propriæ innocentiae, & amoris erga virtutem, odij erga vitium. Magis quippe vitiosi minùs ea dolent. Quando mare propter peccatum Prophetæ Ionæ intumuit, ait Scriptura: *Clamauerunt viri ad Deum suum, & Ionæ 1. miserunt vasa quæ erant in naui in mare, ut alleuiaretur ab eis, & Ionas descendit ad interiora naui, & dormiebat sopore graui.* Qui sine culpa illius tempestatis erant, anxij & solliciti remedium, ne naui periret, adhibere contendebant. Sic in mari tempestuoso huius mundi accidit. Impij, propter quos Ecclesia bellis hæresibus, multisque alijs calamitatibus affligitur, dormiunt & altum stertunt. Pij & innocentes anxie Deum orant pro pace Ecclesiæ, pro fine bellorum, pro pietatis & diuini cultus conseruatione. Quum totus ferè Israël *Exempla. 3. Reg. 19. deos alienos sequeretur, solus Elias in spelunca latitat, zelo zelatus pro Domino Deo exercituum, quia reliquerunt pactum Domini filij Israël. Quum populus Israëliticus totis iam septuaginta annis in captiuitate mansisset, solus Daniel, vir desideriorum, confiteretur peccata sua & populi sui, ut inueniret misericordiam à Deo. Posuit faciem suam ad Dominum Dan. 9.*

Esaie 64.

Exod. 3.

In vita eius
apud Syrium,
tom. 3. pag. 461.

Ierem. 4.

In epitaphio
Nepotiani.Oblivio fu-
turorum.

Ecclesi. 3.

1. Thessal. 5.

Simile.

Homil. 12. in
Evangel.

Deum, rogare & deprecari in ieiunijs, sacco, & cinere. Tales zelatores Deus requirit, qui iram & vindictam eius impediunt. De cuius defectu conqueritur Propheta: *Cecidimus quasi folium uniuersi, & iniquitates nostra quasi ventus abstrulerunt nos. Non est qui inuocet nomen tuum, qui consurgat, & teneat te. Quum totus populus in deserto viculum aureum adoraret, etiā ipso consentiente aut certē conniunte Aaron, solus Moyses anxie clamat ad Dominum: Dimitte illi hoc peccatum, vel dele me de libro vite.* Sancta Lutgardis virgo ex reuelatione diuinitus ei facta, totis septem annis ieiunauit in pane & cereuisia, vt iram Filij Dei placaret, quæ generatim imminabat vniuerso orbi. Quodd hodie tot passim grassentur & alicubi dominantur hæreses, quodd in tam multis locis impia causa meliori sit fortior, non tam ex peccatis nostris sit (quanquam & ex illis) quàm ex eo quodd peccati sensum amisimus, *nec est qui recogitet corde, nec qui plangat, vt auertatur ira furoris Domini à nobis.* Dixit diuus Hieronymus de suo tempore: *Barbari fortes sunt. Nostri vitij superatur exercitus.* Multo verius de nostris temporibus dici potest: *Hæretici fortes sunt. Nostri vitij Catholicus superatur exercitus, Catholica vexatur religio.*

2. Quia si cognouisses & tu, & quidē in hac die tua, quæ ad pacem tibi. Nunc autē abscondita sunt ab oculis tuis.

Locus moralis de alia obliuione futurorum, propter pacem rerum præsentium. Hoc in Iudæis deplorat Christus, quodd pace, & affluentia, & gloriâ rerum præsentium fruētes, non cognoscunt, nec vident, quid eorum capitibus diuinæ vltionis immineat. Monet Scriptura: *Ne dixeris: Peccaui, & quid mihi accidit triste? Altissimus enim est patiens redditor.* Cum enim dixerit peccator *pax & securitas, tunc repentinus ei superueniet interitus, sicut dolor in utero habentis, & non effugiet.* Nam vt grauidæ mulieri repentinus sæpenu-mero superuenit partus, sic peccatori, peccatis grauido, repentina Dei vindicta. Peccati enim fetus & proles, Dei iustitiâ est. Nonne aries retrò quum cedit, fortius vrget? Sic Deus tarditatem vindictæ grauitate compensat. Sapienter diuus Gregorius in hunc locum: *Peruersa anima rebus præsentibus dedita, in terrenis voluptatibus resoluta, abscondit sibi mala sequentia, quia prauiderere futura refugit, quæ præsentem lætitiâ perturbent: dumque in præsentis vitæ oblectationibus se deserit, quid aliud, quàm clausis oculis ad ignem vadit? Ne hæc obliuio*

obliuio animis fidelium surrepat, monet Apostolus, *ut gaudentes simus tanquam non gaudentes*: hoc est, ut (quod monet Sapiens) *in die bonorum non simus immemores malorum*. Nunc autem accidit peccatoribus circa præsentia mundi gaudia, quod accidit viatori circa arboris umbram, sub qua ad vitandum æstus solis, in medio itinere requiescit. Nam quem admodum talis viator sub umbra arboris requiescens, sæpenuerò ex fatigatione præcedenti in somnum incidit, cui tam diu indulget, donec circūactō sole, & recedente umbra, æstuque ad locum accedente, euigilans tandem, se prorsus ad solis radios expositum videt, vnde & sudorem contraxit, & capitis dolorem, ac fortè etiam & febrem continuam: sic omnino huius mundi amatores, dum fugacem eius umbram captantes, honores, diuitias, voluptates, in illis quiescunt & obdormiunt; vitæ cursu tandem circumactō, vbi dormierint, *somnum omnes viri diuitiarum*, per mortem tandem euigilant, & non solùm nihil inuenerunt in manibus suis, quia illa iam umbra penitus euauit, de qua Propheta dixit: *Dies mei sicut umbra declinauerunt*, verùm etiam ad ignem inferni se iacere animaduertunt, innumeris doloribus atque ærumnis obnoxij. fortè etiam & sempiternis ignibus additi. Huc pertinet quod Dauid cecinit: *Homo quum in honore esset, non intellexit*. Oblitus est datoris omnium bonorum, oblitus est finis sui. *Comparatus est iumentis insipientibus, & similis factus est illis*. illa enim non nisi præsentia vident. Cras ad macellum ducenda, hodie in pascuis saginantur. Homo phreneticus quanto infirmior, & sepulturæ proximior est, eo magis ridet, flentibus tamen caris eius. Homo impius, quanto est diuino iudicio propinquior, eo gaudet & triumphat magis in delicijs; condolentibus tamen illis qui curam eius habent, bono angelo, animarum pastore, quolibet iusto. Ieremias populi sui calamitatem deflens, dixit: *Sordes eius in pedibus eius: nec recordata est finis sui*. Hæc est omnium impiorum misera deceptio. Accipiunt peccatum per caput, non per caudam. Considerant principium voluptatis; non attendunt exitum calamitatis. *Fauus distillans labia meretricis, nouissima autem eius amara quasi absinthium*. Iacob quum nasceretur, tenuit fratrem Esau per plantam pedis. Iustus & electus Dei considerat peccatum in fine suo. Vita hominis quasi flumen pertransiens. Flumina autem quum dulcia sint, currunt semper & desinunt in mare salsum. Volens Deus subuertere regnum Israël propter peccata ipsorum, & hoc per Ieremiam

Simile.

Psal. 75.

Psal. 101.

Psal. 43.

Simile.

Thren. 1.

Prov. 5.

Allegoria.

Simile.

Jerem. 18.

Prophetam prædicare, dicit ei: *Surge, & descende in domum figuli, & ibi audies verba mea.* quumque vidisset figulum ex vno vase dissipato mox alterum facere, prout volebat; infert Deus: *Nunquid sicut figulus iste non potero vobis facere, domus Israël?* Docet Prophetam, & per eum populum, ut recogiter se in manu Dei sic esse, ut vas in manu figuli, quouis momento dissipandum ad Dei voluntatem, suæque fragilitatis perpetuam memoriam habere. Quare ibidem subiungit: *Repente loquar aduersus gentem, & aduersus regnum; ut eradicem, destruam, & disperdam illud.*

Simile.

Mundi amor
fallax & va-
nus.

Sed interim blanda mundi facies, & rerum omnium præsens affluentia; hæc Dei iudicia à facie nostra abscondunt. Quemadmodum adolescentes nobiles & opulenti, sed rerum adhuc parum experti, diuersorium aliquod in via ingressi, videntes se ab hospite hilari & liberali vultu excipi, omnes quas habent pecunias temere expendunt, & largiter consumunt, donec omnibus exhaustis, non absque graui dolore inde exeant, hospitii iam erga eos vultu mutato, solamque ignominiam & nuditatem reportantes: sic omnino huius mundi amatores, rerum cælestium & solidarum virtutum ignari & in experti, præsentii rerum affluentia, & mundi blanditijs deliniri, omnem suam in eo substantiam dissipant, omnes animi vires & cogitationes in eo consumunt; donec consumptis omnibus tristes è mundo abeant, onusti peccatis, virtutum inanes, nec nisi iudicium & infernum ante oculos habentes. Est enim spes hominis impij, *quasi memoria hospitii vnius diei prætereuntis.* Ideo Christus in hoc Euangelio totam impiorum voluptatem vnum diem vocat: *Et quidem in hac die tua.* Habent enim impij suum diem. Sed habet Dei iustitia dies multos. vnde postea dicit: *Venient dies in te.* Dicit Christus ludæis: *Hæc est hora vestra.* Quemadmodum ignis pro ratione subiecti, in quod operatur, aut parum aut multum durat; atque ideo in supra statim extinguitur, in firmo robore multum diuque ardet: sic gaudium, voluptas, honor, circa res huius mundi, quia fluxæ & caducæ sunt, celerimè transeunt; circa solidas virtutes in æternum permanent. Rectè monet Salomon: *Quia non citò profertur contra malos iudicium, absque ullo timore filij hominum perpetrant mala.* Et iterum: *Sunt impij cogitantes non rectè. Venite (inquiunt) fruamur bonis quæ sunt, & utamur creatura tanquam in iuuentute celeriter.* Omnes istos cœpit obliuio futurorum, propter pacem & affluentiam rerum præsentium.

Eccles. 8.

Caterum

Cæterum quemadmodum sanguis veneno infectus & *Simile.*
 deprauatus, ad cor ipsum statim quasi ad præsidium & ar-
 cem confluere solet, & propterea vnde remedium spera-
 bat, inde certum sibi & præsens exitium parat: sic homines
 voluptuarij, & huius seculi amatores, quum ex corrupto
 affectu, & gustu deprauato, falsas voluptates toto animo
 prosequuntur & complectuntur, summam in illis felicitate-
 tem ponentes; vnde se beatos fore, & vitam iucundissimè
 traducere existimabant, ex eo sibi ipsis interitum perpe-
 tuum conciliant. Perinde quippe faciunt atque illi qui the-
 sauro in arca incluso ipsis ostenso atque oblato, clauibus *Simile.*
 quæ diuersis in medium allatis, quarum alteræ ferreæ sint,
 & ad aperiendum aptæ, alteræ aureæ, sed ad referendam ar-
 cam ineptæ; aureas illas potius propter valorem præsentem,
 quàm ferream propter spem latentis thesauri, eligere ma-
 lunt. Sic enim præsentis voluptates, spei futurorum bono-
 rum anteponunt impij. Sic propter exiguas ad manum de-
 licias, bonis sempiternis excidunt. Clavis enim ferrea est,
 crux, labor, mortificatio, quæ viam ad cælum aperit. Sed
 malunt isti compedes aureas in seruitute peccati & diaboli
 gestare, quàm cum moderato victu & vestitu libertate spi-
 ritus in hac vita, & sempiterno post gaudio frui. Appositè
 horum stultitiam taxauit Salomon: *Nescit homo finem suum: Eccles. 9.*
sed sicut pisces capiuntur hamo, & aues laqueo comprehendun-
tur, sic capiuntur homines tempore malo. Piscis enim esca de-
 lectatur, hamum non videt; & auis cibo se recreat, laqueum
 non aduertit. Sic voluptuarius, cui pax est in bonis suis, vo-
 luptate præsentis se beatum putat, sed hamo cupiditatum, &
 laqueo diaboli se fortissimè stringi non aduertit. Scribit *Natur. histor.*
 Plinius, lupis quos ceruarios vocant, etiam in fame surrepe-
 re obliuionem cibi si paululū respexerint, ac protinus alium
 querere. Lynces quoque hoc insitum habent, ut post tergum
 respicientes, obliuiscantur penitus priorum, tam memoria
 obtusi, quàm oculis acuti. His prorsus sunt similes, qui præ-
 sentibus bonis oblectati, totius doctrinæ rerum cælestium,
 quàm edocti fuerunt, penitus obliuiscuntur. Sic enim Iudei,
 quos Christus hîc alloquitur, quum in die Palmarum omni
 illum honore, & miris laudibus prosequuti fuissent, *laudantes Deum (ait D. Lucas) voce magna super omnibus quas vide-*
rant Christi virtutibus, & dicentes: Benedictus qui venit Rex in
nomine Domini, pax in calo, & gloria in excelsis; paucis tamen
post diebus horum omnium obliti, clamant & vociferantur:

Deuter. 32.

D. Bernard.
Sermo. 1. de Ad-
uent. Domini.
Simile.

1. Reg. 13.

Simile.
Homil. 26. ad
Hebr.

In histo. de Bar-
laam & Iosa-
phat cap. 13.
Parabola.

Crucifige, crucifige. Hactine reddis Domino populo stulto & insipiens? Hoc scilicet est, presentibus inhaerere bonis, sicut Iudæi, ne principes suos & seniores offenderent, in Christi necem conspirarunt. Quemadmodum quum merfi in aquis periclitantur, videas eos tenentes tenere, nec vlla ratione deferere, quod primum occurrerit manibus, quicquid sit illud, licet tale sit, vt omnino prodesse non possit; sicuti radices herbarum, cæteraque similia, imo & eos qui ad subueniendum adnatant, apprehensos secum inuoluunt, vt vtrique simul pereant: sic planè in huius seculi fluctibus & transitoriis bonis, sic pereunt miseri dum peritura sectantes, & vana ac noxia auidè apprehendentes, pariter cum illis, quia iuuare non poterant, pereunt. Sapienter Samuel Iudæos monuit: Nolite declinare post vana quæ non proderunt vobis, neque eruent vos, quia vana sunt. Sicut qui graui & dulci somno detinentur (ait sanctus Chrysostomus) non solum nocte, sed & ipsa luce veniente, & claro die facto, iacent in lecto, & non erubescunt suæ voluptati indulgere, tempusque operationis tempus segnitiae faciunt: sic nos qui mundi voluptates & presentia bona sectamur, die lucente, ea quæ noctis sunt operamur, dormientes, somnia videntes, & falsis imaginibus rerum nos ipsos, ac tempus nostrum fallentes.

Diuus Damascenus hanc crassam obliuionem, & miseram deceptionem apposita parabola expressit: quam, etsi paulo prolixior, hîc ascribam. Qui presentibus (inquit) inhiant negotiis, & nullam futurorum habent memoriam, sed delectationes corporales incessanter desiderant, similes esse arbitror homini fugienti à facie furentis vnicornis; quem dum fugeret ne deuoraretur ab eo, incidit in barathrum, seu vastum terræ hiatum. Dum autem caderet, manibus extensis arbusculam quandam apprehendit, & fortiter tenuit, & in basi quadam pedibus impressis, visum est sibi in pace de reliquo fore & stabilitate. Respiciens ergo, vidit duos mures, album vnum, alterum nigrum, corrodescentes radicem arbusculæ, & iam propè erat vt absunderent. In imo barathro vidit draconem aspectu terribilem, ignem, spirantem, & deuorare eum cupientem. Intuens verò rursus basim illam super quam pedes habebat firmatos, vidit quatuor aspidum capita de pariete prodeuntia. Eleuans autem oculos, vidit de ramis arbusculæ illius exiguum mel distillans. Dimittens ergo considerare quæ circumdederant eum mala, seipsum dulcedini illius mellis tradidit. Hæc similitudo est eorum qui

qui seductioni præsantis sæculi adhæserunt. Vnicornis figuram tenet mortis, quæ semper persequitur genus humanum: Barathrum verò mundus est plenus omnibus malis & mortiferis laqueis. Arbuscula quæ à duobus muribus incessanter incidebatur, quam apprehendimus, vitæ nostræ mensura est, quæ consumitur & diminuitur per horas diei & noctis. Quatuor aspides constructionem humani corporis ex quatuor elementis significant, quibus inordinatis compago dissolvitur. Draco infernus est, quo recipiuntur qui delectationes præsentes futuris præponunt. Stilla verò mellis, dulcedinem significat delectationum mundi. Hæc ibi. Verè enim præsens fructio nisi stilla quædam dulcedinis est, qua ad tempus delinuti miseri peccatores, obliuiscuntur celestia, non attendunt quæ peccato debentur tormenta, nesciunt se rapido cursu ad mortem ferri. De hac miseranda deceptione in alia Dominica latius diximus, super illa Petri verba in monte: *Domine, bonum est nos hic esse*. Certè tota mundi voluptas meretriculæ instar est, quæ ubi sua pulchritudine vecordem iuvenem attraxit, eum omnibus expoliatum, de domo turpiter elicit: quanti domo eiectus miser tunc demùm meretricem fuisse cognoscit, non verè amantem. Sic enim insanos voluptuariis sola mors docet, falsas fuisse totius mundi voluptates.

*Domini. 2. Quæ
drage. rex. 4.
Simile.*

3. *Quia venient dies in te, & circumdabunt te inimici tui vallo, & circumdabunt te, & coangustabunt te undique.*

LOTVS moralis de iustitia Dei, & pœna peccatorum certissima, ubi peccato modus non ponitur. Deslet & deplorat Christus Iudæorum cæcitatem, & crassam obliuionem futuræ iustitiæ Dei, propter præsentem rerum omnium pacem & affluentiam; Dei quæ vindictam longè acerbissimam, quæ illis superuentura est, disertis verbis prænuntiat. Quæ fuerit & quanta Hierosolymorum vastatio, quam acris obfidio, quot captiuorum millia, occisorum myriades, quam horrenda intus fames, ita vt paruulos suos matres comederint, quam atrox foris bellum, lege apud Iosephum oculatum testem. Hæc est impiorum & amatorum huius mundi catastrophe. Poterat Sedechias Rex impius Ieremiam Dei Prophetam præcipitare in foueam, fame vexare, alimenta per vncias suppeditare, Domino tacente: sed postea capitur Sedechias à rege Babylonis, regno priuatur, coram Hierusalem captiuus trahitur, in conspectu regis Babylonis, illo

Iustitia Dei contra peccatores,

Exemplum.

Lib. 6. & 7. de bello Iudaico.

Ierem. 37. 6. 16.

4. Reg. 25.

inspectante, filij eius trucidantur, ipse oculis priuatur, & in
Hester 3. 6. & 7. perpetuos carceres Baby lonem abducitur. Potuit Aman in
Domin. 2. Qua- aula Assueri Regis triumphare, Iudæorum necem à rege im-
drage text 3. petrare, primus post regem haberi: sed in patibulo suspendi-
Psal. 74. tur, quod Mardochæo parauerat. Plura exempla vide (supra
Proverb. 1. in alia Dominica. Vox Dei est. *Cum accepero tempus, ego ius-*
Lucæ 17. *titias indicabo.* Rursum. *Vocaui, & renuistis: ego quoque in in-*
Joan. 8. *teritu vestro ridebo, & subsannabo, cum vobis, id quod timeba-*
Iob 24. *tis, aduenerit.* Rursum ad Iudæos, & ad omnes planè pecca-
Esaia 5. tores, qui Christi gratia & donis abutuntur: *Venient dies,*
Simile. *quando desiderabitis videre vnum diem filij hominis, & non vi-*
Simile. *debitis.* Dies filij hominis, est dies misericordiæ & humilita-
 tis Christi, quæ in hac vita nobis offertur: quam qui non
 acceptat, diem iusti iudicij eius perferent. vnde & alibi di-
 cit: *Ego vado, & quæretis me, & in peccato vestro moriemini.*
 Nempe, quia non quærebant, dum tempus erat. De impio
 enim dicit Iob: *Dedit illi Deus locum poenitentia, & ille abu-*
titur in superbiam. Contra hos etiam clamat Esaia: *Va qui*
trahitis iniquitates in funiculis vanitatis, id est, texentes vnum
 peccatum ex alio, sicuti ex diuersis filiis contextis fit funi-
 culus; & *quasi vinculum plaustrum, peccatum.* Peccata enim
 multiplicata pondus efficiunt, & seruitutem iniiciunt, qua-
 sique necessitatem tum noui peccati, tum infligendæ poenæ.
Simile. Sicut cæci, si in aliquos in via impingunt, eos cæcos vocant,
 quum ipsi cæci sint: sic impij, quum Dei iustitiam & manum
 sentiunt, murmurant contra Deum, quasi eius iustitia cæca
 esset; sua scelera non agnoscunt, propter quæ Deus percu-
 tit. Magna hominum cæcitas, qui multis modis à Deo fla-
 gellati, se tamen percuti non vident. Si quis pascentem in
 agro bestiam, & viridem herbam suauiter manducantem,
 fagitta semel atq; iterum percutiat, nec tamen loco moueri,
 aut pascua relinquere vllò modo velit, nõne plurimum mi-
 raretur, & bestiam illam supra modum ventri deditam, pla-
 nèque insanam aut insensatam iudicaret? At tales sunt pec-
 catores, qui nullis Dei vel comminationibus vel poenis ab
 huius mundi cupiditatibus deterrentur. De quibus sic Pro-
Jerem. 32. pheta conqueritur: *Percussisti eos, & non doluerunt, attriuiti*
Esaia 33. *eos, & renuerunt accipere disciplinam.* Indurauerunt facies suas
 supra petram, & noluerunt reuerti. Cæterum iustitia Dei
 contra huiusmodi duros & impoenitentes peccatores acerti-
 mè vigilat. Clamat Esaia: *Va qui pradaris, nõne & tu pra-*
ueris

ueris depra^dationem, depra^daberis; cū fatigatus desieris con-
 temnere, contemnēris. Quando perdix rubo inclusa est, & vn- *Simile.*
 dique videt canes circumlatrantes, & ad prædam hiantes,
 supra caput autem in aëre accipitres ad capiendum intentis-
 simos, homines quoq; multos fustibus & lignis rubum per-
 cutientes, & quolibet ictu mortem minitantes; quo quæso
 timore misera illa auicula concutietur? Atqui non meliori
 loco est anima peccatrix, & multorum sibi sceletum cōscia,
 in hoc corporis ergastulo, quasi in rubo auicula, delitescēs.
 Videt enim se peccatorum multitudine circumdatam, & con-
 scientiæ flagris incessanter allatrantis, ad exeundum per
 confessionem compelli; videt se à dæmonibus & principi-
 bus aëris huius ad prædam peti, qui perpetuò circueunt,
 quærentes quem deuorent. Videt Dei iustitiæ administros,
 verbi concionatores, perpetuò illos inclamare, vt vel à pec-
 cato exeant, vel ad pœnam deposcant. Sed & præter hæc
 omnia iratum iudicem ipsorum capiti imminere, ignorare
 non possunt, perpetuò clamantem: *Venient dies in te, &*
circundabunt te inimici tui. Deuorabunt & dilacerabunt te
 infesti dæmones. Quemadmodum enim columba fugiens *Simile.*
 ante faciem accipitis insequentis, mutat se de loco in lo- *Damascē. ibid.*
 cum, nunc huic nunc illi insidens arbori, vnde rursus mota *cap. 14.*
 vepribus se immergit, deinde in cauernis petrarum, aut in
 densis spinarum se conatur occultare; nec vsquam locum
 tutum inueniens, ipso motu fatigata, hosti in prædam ce-
 dit: eodem modo se habent, qui res præsentēs ad stuporem
 vsque mirantur, quippe qui inconsiderato quodam impetu
 miserè laborent, nec quicquam omnino firmum aut stabile
 habeant, sed diuina eos iustitia, conscientiæ terrore, gehē-
 næ metu assidue persequente, quò se recipiant, aut qua ra-
 tione inde se eripiant, nisi vita in melius mutata (quod illis
 pessima cōsuetudo quodāmodo impossibile fecit) non videt.
 Hunc peccatoris statum describit Dauid, dicens: *Cor meum Psal. 54.*
conturbatū est in me, & formido mortis cecidit super me. Timor
& tremor venerūt super me & cōtexerunt me tenebra. Et dixi:
Quis dabit mihi pēnas sicut colūba, & volabo & requiescā? Ecce Psal. 138.
elongaui fugiens, & mansi in solitudine. Rursum alibi: Quo ibo
à spiritu tuo? & quò à facie tua fugiam? Si ascendero in cœlum,
tu illic es; si descendero in infernum ades. Si sumpsero pennas
meas diluculo, & habitauero in extremis maris: etenim illuc
manus tua deducet me, & tenebit me dextera tua. Et dixi, for-
sitan tenebræ conculcabunt me, & nox illuminatio mea in delicijs
meis.

Joan. 9.

meis. (*Qui enim malè agit, odit lucem :*) Quia tenebra non ob-
 scurabuntur à se, & nox sicut dies illuminabitur. Docent hæc

Thren. 3.

Scripturæ, nullam esse peccatori requiem, nullum refugium,
 vbi semel Dei patientia in iram versâ est. Quare in persona
 obdurati peccatoris dixit Ieremias : Nos iniquè egimus, & ad
 iracundiam prouocauimus, idcirco inexorabilis es. Operuisti in
 furore, & percussisti nos: occidisti, nec pepercisti. Opposuisti nu-
 bem tibi, ne transeat oratio. Nempe quum vindictæ diuinæ

Psal. 31.

tempus aduenit, densa nubes peccatorum nostrorum, omnes
 diuinæ bonitatis radios à nobis abscondit. Quod significare
 volens Dauid, dixit : Veruntamen in diluuio aquarum multa-
 rum, id est, in quadam generalitate peccatorum, non appro-
 ximabunt tibi : scilicet, Sancti ad deprecandum. Quanto opere
 verò Deus à peccatore tempore vindictæ separatur, & quàm

Ezech. 4.

Esaia 59.

his verbis docere voluit : Sume tibi sartagine ferream inter
 te, & inter ciuitatem : & obfirmabis faciem tuâ ad eam. Docet
 sic peccata diuississe inter homines & Deum, vt Esaia loquitur,
 talèq; interstitium posuisse, vt sicut per sartagine ferream
 nullus oculus penetrat, sic per peccata nulla Dei misericordia
 transeat. Ex hac consideratione dixit Apostolus, Horrendū est
 incidere in manus Dei viuētis. Sed quæ tandē causa ita rigidū
 nobis & auctum Deum facit, locus subsequens declarabit.

Hebr. 12.

4. Eo quod non cognoueris tempus visitationis tuæ.

Dilatio pœni-
 tentiæ.

LO C V S moralis contra dilationem pœnitentiæ, aut con-
 uersionis ad Deum tempore opportuno. Habent omnes
 peccatores à Deo, eiûsque sanctissima gratia, tempus visita-
 tionis suæ, sicut Hierosolyma in Christi doctrina, exemplo,
 miraculis suam habuit. Nullus est peccator cuius cor Deus
 non pulset, cui conuersionis media non suggerat, etsi alij plus
 alij minùs hanc visitationem accipiant. Qui autem plus, illi
 maius iudicium acceperunt, si eo rectè non vtantur. Acerba
 & grauis fuit populi Iudaici castigatio, quum totus ab Assy-
 riis in captiuitatem duceretur. Sed hanc eius causam assignat
 Scriptura : Mittebat Dominus patrum suorum ad illos per ma-
 num nuntiorum suorum, de nocte consurgens, & quotidie com-
 monens, eo quod parceret populo & habitaculo suo. At illi sub-
 sannauerunt nuntios Dei, & parui pendebāt sermones eius, illu-
 debantq; Prophetis: donec ascenderet furor Dei in populum eius,
 & esset nulla curatio. Vides quomodo nō cognouerunt tēpus
 visitationis suæ. De hoc conqueritur Ieremias: Miluus in caelo

Exemplum.
 à Paralip. 36.

Jerem. 2.

cognominis

cognouit tempus suum; turtur, & hirundo, & ciconia custodierunt tempus aduentus sui: populus autem meus non cognouit iudicium Domini. Sed & quàm diligens & sollicita Dei fuerit visitatio, his verbis efficacissimis explicat Propheta: *Quomodo si contemnat mulier amatorem suum, sic contempsit me domus Israel, dicit Dominus.* Comparat se Deus amantibus, qui nullum non mouent lapidem, nihil intentatum relinquit, omnia perquirunt media, quibus amata mulierculæ mutuo potiatur amore. Sic Deus suos visitat. quod in alia Dominica de oue perditâ à Deo quæsitâ, explicatum habes. De hoc autem amoris & visitationis suæ contemptu magis conqueritur, magis offenditur De^o, quàm de ipso peccato. Quum Petrus ter Christum negaret, quod erat maximum peccatû; facile Christus eum respexit & lachrymanti pepercit. Sed quum idem Petrus iussus à Domino pedes porrigere ad lauandum, id recusaret, dicens: *Non lauabis mihi pedes in æternum* (quod erat specialem Christi gratiam & fauorem pertinaciter reiicere) Christus ei asperè respondit: *Nisi lauero te, non habebis partem mecum.* Grauius Deum offendit neglecta eius visitatio, siue per doctrinam eorum quos mittit, siue per inspirationes bonas, siue per aliorum exempla, quæ ante oculos peccatoris proponit, ut illis edoctus caueat; quàm quodcunque simplex peccatum. Dicit Deus per Ieremiam: *Vidit prauaricatrix soror eius Iuda, quia pro eo quod mæchata est auersatrix Israel, dimissem eam, & dedissem ei libellum repudiij, & non timuit prauaricatrix soror eius Iuda, sed abiit & fornicata est etiam & ipsa, & facilitate fornicationis suæ contaminauit terram, & mæchata est cum lapide & ligno. Et in omnibus his non est reuersa ad me prauaricatrix soror eius Iuda.* Hoc est ergo quod grauissimè Deus per Prophetam arguit, noluisse Iudam exemplo alterius sibi cauere, & hanc Dei visitationem in sororis suæ pœna, quasi in proximi parietis incendio, cognoscere. Sicut enim nos monemur, quum proximi domus ardet: sic nos visitamur à Deo, quum proximi ab eo puniuntur. Ex hac consideratione sic domum Iuda alloquitur Oseas: *Populus non intelligens vapulabit. Si fornicaris tu Israel, saltem non delinquat Iuda.* Quod quum progressu temporis factum postea fuisset, & in captiuitate filiorum Israel, visitationem suam domus Iuda cognoscere noluit, sed eadem scelera, easdem idololatrias perpetrare; vide quibus verbis Ezechiel Propheta sub figura duarum sororum Oollæ & Oolibæ, quarum illa Samariam & decem tribus Israël, hæc Ierusalem & domum Iuda significat,

Ierem. 9.

Dom. 3. post.

Pentec. text. 4.

Visitatio contempta, grauissimum peccatum.

Exempla.

Ierem. 13. & 18.

Ierem. 9.

Simile.

Oseas 4.

Ezech. 16.

ficat, grauissimam Dei indignationem exprimat: *Fornicata est super me Oolla, & insaniuit in amatores suos, &c. Propterea tradidi eos in manus amatorum suorum, in manus filiorum Assur, &c. Quod quum uidisset soror eius Ooliba, plus quam illa insaniuit libidine, & fornicationem suam super fornicationem sororis sue ad filios Assyriorum praeuix impudenter, &c. Vnde mox infert Propheta: Propterea Ooliba, hac dicit Dominus De^o: Ecce ego suscitabo aduersus te omnes amatores tuos, de quibus satiata est anima tua. Et paulo post: In via sororis tua ambulasti, & dabo calicem eius in manu tua. Calicem sororis tua bibes profundum & latum. Eris in derisum, & in subsannationem qua est capacissima. Ebrietate & dolore repleberis, calice mœroris & tristitiae, calice sororis tua Samaria, & bibes illum, & epotabis usque ad feces, & fragmēta eius deuorabis; ubera tua lacerabis, quia ego locutus sum, ait Dominus Deus. Grauissimis & significantissimis verbis indignationem Dei exponit Propheta in hoc genere peccati, quod post tam illustrem Dei visitationem committitur. Hac autē omnia in figura contingebant: illis scripta sunt verò ad correptionem nostram. Dei visitationem non cognoscere, est iram Dei non prouocare tantum, ut omnia solent peccata, nec accersere tantum, ut grauiora peccata, sed prorsus cumulatē aduersum seipsum suscitare, & ut Apostolus loquitur, thesaurizare. Tu (inquit) secundum duritiam & impœnitens cor tuum, thesaurizas tibi iram in die ire. In hoc autem maxime apparet durum & impœnitēs cor, quòd Dei visitationes non agnoscit, quòd Dei patientia, benignitate, doctrina, inspiratione, castigatione, siue in se, siue in aliis, ad terrorem abutitur, ea omnia contemnens aut negligens: An nescis quia patientia Dei, & benignitas ad pœnitentiam te adducit? id est, idcirco tibi cōcessa est, ut ad pœnitentiam te adduceret? Hac igitur visitatione abuti, Deum acerbissime offendit, & eius iram thesaurizat. De quo iterum sic Ieremias: Nunquid seruus est Israel aut vernaculus? Quare, ergo factus est in pradam? Vide autem in qualem pradam datus est. Super eum rugierunt leones, & dederunt vocem suā: id est, potentissimi Principes alienigenæ, Assyrii, Idumæi, Aegyptij, comminati sunt ei, & exprobrarunt: nec hoc tantum, verum etiam posuerunt terram eius in solitudinem: ciuitates eius exusta sunt, & nō est qui habitet in eis. Filij quoque Mempheos & Taphneos, hoc est, Aegyptij, constuprauerunt te usque ad verticem; hoc est, summa ignominia & contumeliis affecerunt. Sed quare hoc totum? Sequitur: Nunquid non istud factum est tibi, quia*

1. Cor. 11.

Iram Dei thesaurizare.

Rom. 12.

Rom. 2.

Ierem. 2.

*quia dereliquisti Dominum Deum tuum, eo tempore quo ducebat te per viam? Hoc est, eo tempore, quo te specialiter visitabat per suos Prophetas, quos ad te milit, per ingentia beneficia quæ tibi contulit, per admirabilis opera, quibus te ab hostibus tuis liberauit? Non dicit Propheta simpliciter quia dereliquisti, sed addit eo tempore, &c. vt intelligas, hoc potissimum esse, vnde Dei iram thesaurizamus. quod non cognoscimus tempus visitationis nostræ. Medicum non offendit morbus; sed morbi medicina neglecta, recusata, reiecta, magnopere offendit. Sic Deus, qui dissimulat peccata hominum, nunquam dissimulat duriciam cordis, & neglectas visitationes, quæ sunt medicinæ eius. Sic sæpe ipse non morbus, sed morbi neglecta curatio corpus interficit. Dicit Scriptura: *Honora medicum propter necessitatem: etenim Deus creauit illum.* Si propter necessitates corporeas honorandus, id est, nō contēendus, diligenter auscultandus est medicus corporis, ei usque visitationis præscripta exactè seruanda; quanto infinities magis Dei visitationes, propter animæ necessitatem exactissimè seruati debent! Sanctus Iob à Deo castigatus, sensit & cognouit hanc Dei visitationem ad animæ suæ salutem, dicens: *Visitatio tua custodiuit spiritum meum.* Custodiuit, quia custos virtutum est humilitas, quam illa castigatio mirabiliter auxit. *Prauam mentem* (ait sanctus Gregorius) *omnipotens Deus multis modis visitare consuevit.* Nam assidue hanc visitat præcepto, aliquando autem flagello, aliquando verò miraculo. Sed quia visitationis suæ tempus minimè cognoscit, illis in extremo vita inimicis traditur, cum quibus in aeterno iudicio damnationis perpetuæ societate colligatur; sicut scriptum est: *Cum vadis cum aduersario tuo ad Principem in via, da operam. liberari ab illo: vel, vt nos legimus, Esto consentiens aduersario tuo in via, ne fortè trahat te ad iudicem, &c. Aduersarius quippe noster in via est sermo Dei, contrarius nostris carnalibus desiderijs in presenti vita.* Hæc ille. Omnis ergo verbi Dei prædicatio, est Dei circa nos visitatio. Nec multo aliter de varia Dei visitatione diuus Bernard⁹: *Quatuor (inquit) modis visitat nos Deus: In Sententijs, Exhibitione præcepti, Asperitate flagelli, Nouitate miraculi, Inspiratione subtili.* Harum quatuor prima & postrema omnibus communes sunt; secunda eorum est quos Deus magis amat; tertia quos maximè diligit. Secundam Dei visitationem supra in alia Dominica obiter explicuimus. De prima quoq; & postrema, iam aliquoties diximus, quum Dei vocationes, &*

Simile.

Sapient. 11.

Eccli. 38.

Exemplum.

Iob 10.

Homil. 39. in Euang.

Visitatio Dei qualis.

Domin. 3. Aduent. text. 3.

gratias

*Domin. 3. post
Pentec. text. 3.
& 7.
Ser. 57. in Cant.*

gratias multiplices circa salutem nostram tractaremus. De postrema quæ omnium est maximè cōmunis, sed ratō à plenique aduertitur, sic diuus Bernardus: *Qui cor suum tradidit ad vigilandum diluculo, ad Dominū qui fecit illum, & in conspectu altissimi deprecatur; qui votis omnibus studet parare vias Domini rectas facere semitas Dei sui (quod quale sit, & quomodo fieri ab vnoquoq; debeat, in alia Dominica explicatū est) ut possit cū Propheta dicere, Oculi mei semper ad Dominū, Prouidēbā Dominum in cōspectu meo semper: hic benedictionem accipiet à Domino, & misericordiam à Deo salutarī suo. Visitationis profecto frequenter, nec unquam ignorabit tempus visitationis suæ, quantumlibet is qui in spiritu visitat, clandestinus veniat & furtiuus, ut pote verecundus amator. Hæc ille. Sed & alibi qualis sit hæc Dei visitatio, & quomodo in nobis fiat, per suam experientiam docet vir sanctus. Quaris (inquit) cū sine omnino inuestigabiles vita Dei, unde cognoscā aduenisse Spiritum eius? Viuis & efficax est, moxq; ut intus expergefecit dormitantem animā meam; mouit, & molliuit, & vulnerauit cor meum, quoniā durum lapideumq; erat, & malè sanum. Cœpis quoque euellere & destruere, edificare & plātare, rigare arida, tenebrosa illuminare, clausa reſerare, frigida inflammare, neenō & mittere praua in directā, & aspera in vias planas (quod quomodo Deus faciat in nobis, in alia Dominica dictum est) ita ut benediceret anima mea Domino, & omnia quæ intra me sunt, nomini sancto eius. Et paulo pōst: Eo motu cordis intellexi præſentiā eius; & ex fuga vitiorum, carnaliumq; cōpressionē affectuum, aduerti potētiā virtutis eius; & ex discussione siue redargutione occultorum meorum admirātus sum profunditatem sapientiæ eius; & ex quantulacūq; emendatione morum meorū, expertus sum bonitatē mansuetudinis eius; & ex renouatione spiritus mei, percipi utcūq; speciem decoris eius; & ex contuitu horum omnium simul, expaui multitudinem magnitudinis eius. Hæc ille vir sanctus de visitatione Dei efficaci, ideoq; magis percipibili. Est tamen & frequens admodum Dei visitatio, vbi tales effectus non subsequuntur vitio nostro. Nam vt idem ignis ligna arida facilliter, humida difficillimè adurit: & vt idē sol ceram liquefacit, lutum indurat; & vt eadē pluuia terram penetrat & emollit, arenam penetrat quidem, sed non emollit: saxum verò nec penetrat, nec emollit: sic omnino eadem Dei visitatio in quibusdam est efficacissima, vt duros emolliat, frigidos accendat, aridos humectet; ab aliis ne cognoscitur quidem nec aduertitur, propter duritiā cordis,*

*Serm. 74 in
Cant.*

*Domin. 4. Ad-
uent. text 7.*

Similia.

aut nimium abundantes cupiditatum humores. Vnius Iona *Exemplum.*
 prædicatio Niniuitas conuertit, tot Prophetarum ac demum
 Christi ipsius prædicationes, exempla, miracula, Iudeos con-
 uertere non potuerunt propter duritiem cordis ipsorum. Huc
 pertinet quod Apostolus dixit; *Terra sapa venientem super se* *Hebr. 6.*
bibens imbrem, proferens autem spinas ac tribulos, reproba est &
maledicto proxima, cuius consummatio in combustionē. Imbrem
 bibere, est à Dei gratia, siue per diuini verbi prædicationem,
 siue per occultas inspirationes visitari. Qui sic edoctus dili-
 genter, nihil nisi peccatorum spinas profert, tribus modis à
 Deo punitur. 1. *Reprobis* declaratur, id est, à facie Dei eiectus,
 & quem Deus amplius visitare non vult. 2. *Maledicto proxi-*
mus, id est, illam sententiam tremendi Iudicis certò expecta-
 bit, *Ita maledicti.* 3. Finis eius est ignis æternus. Nihil acerbius
 comminari, nihil efficacius dicere Apostolus potuit. Ad hunc
 locum pertinent, & huc referri possunt, quæcunque de duro
 corde, de consuetudine peccandi, de abusu gratiæ Dei, de vo-
 catione cuiusque studiosè conseruanda, de admirabili Dei in
 nos amore, & Christi gratia, de excolenda vinea Domini, de
 bonis fructibus arboris bonæ, in variis * Dominicis iam tra-
 ctata sunt. Tot enim modis Dei visitationes ignorari, negli-
 gi, & contempni solent,

§. *Ingressus in templum, cepit eijcere vendentes in il-*
lo, & ementes.

LOcus moralis contra variam tēplorum prophanationem. *Templorum*
 Christus Dominus in hac eiectione vendentium & emē- *prophanatio.*
 tium è templo, duobus modis eisdemque illustribus ostendit,
 quantopere templorū, quæ orationi & cultui diuino cōse-
 crata sunt, prophanatio ei displiceat. Primū insigni quodā mira-
 culo. Maximum enim miraculum erat, Christū hominē iner-
 mem sine satellitio, sine autoritate vlla humana, in conspe-
 ctu sacerdotum & scribarū, quibus maximè exosus fuerat,
 qui eum iam ad mortem conquiesierant, quorum vtilitati &
 lucro vendentes illi & ementes in templo subseruiebant; ho-
 mines quoque ipsos lucri sui auidos, & , vt apparet , satis
 multos , & qui honestum aliquem suæ negotiationis præ-
 textum habebant (quæ enim illic vendebantur , ad sacrifi-
 ciorum vsum erant , & vt ad manum essent, tam ciuibus
 quàm aduenis , qui sacrificij desiderio tenebantur ; idque
 iuxta legem Moyſis) eos tamen sine tumultu, sine strepitu,
 sine

sine vlla contradictione, eijcere de templo potuisse. Sola enim hac in re autoritate planè diuina utebatur, qua omniū corda sic percelluit, vt resistere nec auderent, nec possent. Deinde eo hic doctrinæ modo vsus est, quo nusquam aliàs. Non enim sola reprehensione, sed vi quadam & executione externa, eijciendo de templo, & alia quidem vice, *facto ex funiculis flagello percutiendo*, nunc verò, vt Marthæus scribit, *mensas nummulariorum subuertendo*, vsus fuit. Quam enim contra omnia alia peccata solam doctrinam, vel vt plurimum acrem aliquam reprehensionem, cum humilitate tamen & mansuetudine semper coniunctam, adhibuerit; hoc vno in loco & peccato etiam disciplinam externam, & castigationem, atque præsentem correctionem adhibere voluit. His ergo duobus modis docere & inculcare voluit, quantum esset scelus, templa Dei prophanare, quanto per eum ei charus esset templorum honor, qui certè totus ad Dei honorem redundat, vt & templorum prophanatio ad Dei contumeliam. Quare in hoc facto meritò recordati sunt discipuli eius, quod scriptum erat, *Zelus domus tue comedit me*. Verè enim qui zelo domus Dei tanguntur, qui diuini honoris cura afficiuntur, ab omni templorum prophanatione, tanquam à scelere maximo abhorrent. Piorum vox illa est: *Dilexi decorem domus tue, & locum habitationis glorie tue*. Impiorum proprium est, templa non prophanare modò, sed & spoliare. Exempla in Scripturis habes Nicanoris, Antiochi, Balthasaris regis Babylonie, eorumque exitus horrendos. Sed & Heliodori audacia templum spoliaturi, euidenti miraculo punita est. Quòd si templum illud vetus, in quo præter orationis vsus, carnalia vel ymbratica erant omnia, tanto in honore haberi Deus voluit; si vbi Deus Moyti primùm apparuit, terram sanctam vocauit Deus, & non nisi discalceatum accedere Moysen permisit; si vbi Deus Iacob apparuit, terribilem locum Iacob vocauit, omni videlicet reuerentia dignum; si sacerdoti Aaron & filiis eius præcipiebat Dominus, ne illotis manibus & pedibus sanctuarium Domini ingrederentur; si nihil immundum absque varia purificatione vetus illud templum ingredi potuit; si nec vas per templum illud transferri voluit Christus; hoc est, nec in minimo profano opere violari permisit: manifestum est, quantum hodie piaculum sit, templa Christianorum violare aut prophanare. Nam vt *altare habemus, de quo edere potestatem non habent qui tabernaculo deserviunt*: sic Ecclesias Dei & templa habemus, in quibus orare non licet,

Iean. 2.

Marth. 21.

Psal. 68.

Psal. 25.

Exempla.

1. Machab. 9.

2. Machab. 15.

Daniel. 5.

2. Machab. 3.

Exod. 3.

Gen. 28.

Exod. 40.

Marc. 11.

Hebr. 13.

licet, qui vel Iudæi, vel ethnici, vel hæretici excommunicati sunt. Et quemadmodum *nouum testamentum in melioribus re-* Hebr. 9.
promissionibus sancitum est, nouique testamenti sacrificium
 tanto est veteribus, quibus omnibus hoc vnum successit, præ-
 stantius & excellentius, quanto umbram veritas, figuram
 res, manna Christus excellit: sic sunt templa nostra illo veteri
 magis honoranda. Si acriter est puniendus, qui fontem, vnde Simile.
 tota ciuitas aquam potandam haurit, veneno inficeret; non
 secus acerrima poena dignus erit, qui templa Christianorum
 violat, ex quibus tanquam ex perenni fonte omnium gratia-
 rum aquas fideles hauriunt. In illis enim sacramenta salu-
 ris, verbum prædicationis, orationes publicæ, sacrificia,
 Christus ipse, fidelibus administrantur. Contra Donatistas,
 qui altaria subuertebant, eleganter Optatus ait: *Cur con-* Lib. 6. contra
cidistis precibus viam, & ne ad Deum supplicatio de more solito Parm.
ascensum haberet, impia manu quodammodo scalas subducere
laborastis? Christus quum templi prophanatores flagellis ca- Ioan. 2.
 deret, manifestè ostendit, tales homines seruire genus esse, &
 flagris dignos, nec iam filiorum Dei, sed seruorum & man-
 cipiorum diaboli loco habendos esse. Hinc Deus apud Pro-
 phetam cum magna indignatione dicit: *Quid est, quòd di-* Ierem. 22.
lectus meus in domo mea fecit scelera multa? quasi diceret:
 Non est dilectus meus; impossibile est vt sit dilectus meus,
 aut filius meus, qui in ipsa domo mea, meo nomini & cul-
 tui consecrata facit scelera multa. Est exaggeratio grauis.
 Malum est etiam ab inimico iniurias pati; peius ab amico.
 Durum est obiter in via ab amico alapam accepisse: durius
 est, si in domum tuam veniat, vt ibi te percutiat. Graue est,
 quòd in domo tua te percutit: sed grauius, si sepe & multum
 id facit. Totum hoc dicit Propheta, quia dilectus Dei po-
 pulus, in ipsa domo Dei fecit scelera multa. Tantundem de
 omnibus malis Christianis dicendum, qui in Ecclesia Dei
 faciunt insolentias multas. Quòd Mahumetanus aut Paga-
 nus Deum offendat, mirum non est. Quòd quilibet Christia-
 nus vel in foro Deum inhonoret, turpe & miserandum est.
 At in propriam Dei domum, in templum eius cultui conse-
 cratum, non modò quemlibet Christianum, sed & ipsos
 Dei sacerdotes, amicos, & notos, & honoratos ministros sic
 venire, vt ibi Christum percutiant, offendant, inhonorent,
 hoc maximè miserandum, & summum scelus est. Meritò Exemplum.
 Assuerus rex contra Aman exclamauit: *Etiam reginam vult* Hester 7.
opprimere, me presente, in domo mea. Appositè sanctus Chry-
 stostomus:

Homil. 15. in
Epist. ad Hebr.

Isotomus: *Stat sacerdos Dei, orationem offerens cunctorum. Tu autem rides, nihil timens. Non contremiscis, non colligis teipsum? Et in aulam quidem regiam intraturus, & habitu, & oculis, & incessu, & in cunctis alijs componis & ornas temetipsum. Huc autem ingressurus, ubi est aula regis, & talis qualis cœlestis est, rides? garris, ambulas, negotiaris, & quidvis potius agis, quàm ad quod venire debebas? Vide, obsecro. Dicit Christus de seipso: Filius hominis non venit ut iudicet mundum, sed ut saluetur mundus per ipsum. Et tamen in hoc vno templi eius abusu & prophanatione, quasi solitæ mansuetudinis & aduentus sui oblitus, iudicium exercet, flagello percutit, mensas subvertit, æs effundit, templo eijcit, idque manu propria, & per seipsum. Si Rex à curia in hanc urbem veniret, & suis proprijs manibus delictum aliquod puniret, argumentum esset, quòd illud delictum maximè detestaretur. Venit Christus de cœlo, ut suis proprijs manibus templi sui prophanationem, & insolentias in loco sacro puniret. Peccauit Adam, & misit Angelum qui eum è paradiso eijceret. Peccauerunt pessimi Sodomitæ & Gomorrhæi. Misit Angelos, & pluit in eos ignem de cœlo. Peccauit totus mundus libidini & voluptati immersus: Pluit aquas de cœlo, & diluuiò perdidit. Peccauit David numerando populum, & misit Angelum, qui peste percuteret. Peccauerunt senes in Susannam: misit Deus Daniele puerum, qui iudicium faceret. Solum hoc peccatum suis proprijs manibus punit. Nec Angelos, nec ignem, nec aquas, nec Prophetas mittit, sed ipsemet de eo vindictam sumit. Quoniam singularum ferè urbium certa sint publicæ iustitiæ loca, & in quibusdam locis certa tantum eius tempora, & vel menstrua, vel trimestria, vel semestria iudicia; si singulare aliquod scelus, insignis proditio, aut immane flagitium perpetratur, anteuertit Princeps vel magistratus iudicij tempus, locum quoque mutat, & vel in ipso foro, vel perpetrati criminis loco, nouis patibulis erectis, publicum supplicium sumit, & iudicium exercet: estque hoc totum argumentum alicuius nefarij sceleris: fit ad maiorem terrorem: docet Principem vel magistratum grauissimè offensus, aut certè Rempubl. maximè & notabiliter læsam fuisse. Idem in hoc Christi facto considera. Anteuertit iudicium extremum, in quo omne iudicium dedit Pater Filio, & ubi sedebit Iudex viuorum & mortuorum. Mutat locum, & in ipso perpetratæ insolentiæ loco iudicium exercet. Fecit hoc totum ad maiorem huius sce-*

ris

Ioan. 3.

Simile.

Philip. Dix.
Fer. 6. post
Domin. 3.
Quadrages.

Genes 3. 12.
& 7.

2. Reg. 24.

Daniel. 13.

Simile.

Ioan. 3.

ris detestationem, ad terrorem & correptionem nostram : vt ostenderet Dei honorem grauissimè in hoc peccato violari, totamque Rempub. Christianam, totam fidelium communitatem grauiter lædi. Nam vt omne peccatum cum scandalo coniunctum, hoc ipso vehementer aggrauatur, sic maximè templi prophanatio propter piorum offensionem grauius fit crimen. Sicut ille grauius comites suos lædit, qui *Simile.* non solum ipse errat in via, aut hæret in via, aut studio impingit, & lasciuit in via; verum etiam alios in deuia abducit, alios iniecta manu sistit, alios protrudit & deijcit, ne progredi possint, cæptumque iter perficere : sic qui insolentius in templo se gerunt, quò omnes fideles conueniunt, grauissimè in fratres suos peccant, quia non solum ipsi id totum prætermittunt, propter quod ad templum veniunt, sed suo etiam pessimo exemplo, risu, cachinnis, fabulis, deambulationibus, aliorum orationes impediunt, perturbant, abrum-punt. Sicut vir prudens ac iustus discrimen esse nouit inter loca & tempora, & *Diffimile.* *tempus esse loquendi, tempus tacendi, tēpus mittendi lapides, tempus colligendi illos; tēpus plantandi, tempus metendi :* sic ab altera parte stultus & impius, nec temporum, nec locorum rationem habet; id agit in templo quod domi suæ, quod in foro, quod in popina. Sicut sus ibi ponit *Simile.* pedem, vbi ponit os, & non est illi discrimen inter cibum & lutum, inter comedendum & palpandum : sic impius & prophanus, ibi loquitur cani suo, vbi Deo; & non est illi discrimen inter cœlestia & terrestria, inter diuina & domestica.

Appositè & sapienter sanctus Chrysostomus : *Apud primos* *Homil. 36. in*
Christianos ipsa domus ecclesia erant, nunc verò ecclesia domus *1. ad Corint.*
fit; imò domo qualibet prophana magis. Nam in domo quidem
ordo seruari solet. Hera thronum occupat, omni cum venustate
famula tacitè sedentes texunt : familiarium quisque quod im-
peratum est, in manibus habet. Hic verò magnus tumultus,
magna confusio, nihilque à caupona differunt nostra : tanta
turba, tantus risus quantus in balneis, quantus in foro, claman-
tibus omnibus, tumultuantibus omnibus : atque hec quidem in
Urbe nostra solum. Nam alibi ne amicum quidem, in quem post
longum tempus incidisti, compellare licet, sed foris ista sunt, &
rectè quidem. Neque enim constrina aut vnguentaria taberna
ecclesia est, aut officina forensis, sed locus Angelorum, locus
Archangelorum, regia Dei, cælum ipsum. Hæc ille. Et paulo
post ibidem: Quid? domos ad nungandum non habetis? Ecclesiam

Dei contemnitis? Si quis est qui modestus, qui tacitus esse velit, corruptus? Atqui incundum colloqui cum familiari. Esto sanè, Non veto. Sed domi, sed foris, sed in balneis fiat. Ecclesia enim non disceptandi, sed discendi locus est. Nunc autem foro nil differt; & si non sit temerarium dictu, fortè nec scena ipsa: adeò prostitutis scortis petulantius quæ huc mulieres congregantur, sese comunt & ornant, & sine dubio non paucos hic sollicitant homines intemperantes. Si quis corrumpere matronam conatur, locum hunc maximè idoneum putat. Emere quid aut mercari lubet? magis idonea ecclesia est quàm forum. Sæpius enim de his rebus hic quàm in officinis loquuntur. Dicere mala, audire mala vis? etiam hoc frequentius hic quàm foris, Omnia denique hic facilius quàm ecclesiam deprehendas. Hæc rursus ille. Videat hic prudens concionator, an tantus sit domus Dei abusus, tanta prophanatio (quàm alicubi esse non ignoramus) ut hæc opportunè depromere valeat. Alio qui peccatum magis docebit quàm emendabit. Certè surgent Philisthæi, & contemptum nostrum circa Dei domum condemnabunt. Sic enim de illis sacra Scriptura commemorat: Tulerunt Philisthæi arcam Dei, & intulerunt eam in templum Dagon, & statuerunt eam iuxta Dagon. Cùmque surrexissent diluculo Azotij altera die, ecce Dagon iacebat pronus in terra ante arcam Domini. Et tulerunt Dagon, & restituerunt eum in locum suum. Rursusque mane die altera consurgentes, invenerunt Dagon iacentem super faciem suam in terra coram arca Domini. Caput autem Dagon, & duæ palme manuum eius abscissæ erant super limen. Porro Dagon solus truncus remanserat in loco suo. Propter hanc causam non calcant sacerdotes Dagon, & omnes qui ingrediuntur templum eius, super limen Dagon in Azoto usque in hodiernum diem. Hæc sacra historia duo nos docet. Primum nihil esse commune rebus sacris vero Deo consecratis cum templis idolorum, & nullum esse posse Deo cum Belial commercium. Secundò, quanta religione templa & idola sua infideles Philistæi coluerint, adeò ut nec limen tangere voluerint, in quo Deo suo iniuriam factam existimabant. Nos autem non solum ab alijs factam templo Dei iniuriam non vindicamus, nec exhorrescimus; verum etiam ipsi iniuriam facimus, & domus Dei limina impudenter calcamus. Inter alia peccata & flagitia populi Africani, propter quæ horrenda illa Vandalorum persecutio Ecclesiam Catholicam Africanam acerrimè diuexavit, hoc in primis commemorat Saluianus

1. Reg. 5.

Exemplum.

Exemplum.

Massiliensis

Massiliensis Episcopus, ea scelera describens, quæ tantam persecutionis rabiem commeruerant: *Ecclesias vel potius De prouident. Deï, lib. 3.* templa atque altaria Dei, minori in reuerentia, quidam habent, quàm cuiuslibet minimi ac municipalis iudicij domum. Siquidem intra ianuas non modò illustrium portarum, sed etiam præsidum, aut præpositorum, non omnes passim intrare præsumunt, nisi quos aut index vocauerit, aut negotium traxerit, aut ipsa honoris proprii dignitas introire permiserit: ita ut si quisquam introgressus insolenter fuerit, aut cadatur, aut propellatur, aut aliqua verecundia atque existimationis suæ labe mulsetur. In templa autem vel potius in altaria atque sacraria Dei, passim omnes sordidi ac flagitiosi, sine ulla penitus reuerentia sacri honoris irrumpunt: non quia non omnes ad exorandum Deum currere debeant, sed quia qui ingreditur ad placandum, non debet egredi ad exacerbandum. Neque eiusdem officij est, indulgentiam poscere, & iracundiam prouocare. Hæc ille. Sanè in veteri Ecclesia hæc saluberrima disciplina viguit, ut pro foribus templorum Ostiarij ad hoc initiati excubarent, qui ex sacerdotis præscripto, indignos arcerent; ne vlla templo Dei ex ipsorum cõsortio macula inferretur, nève illi ingredi sinerentur, qui illud prophanaturi verisimiliter viderentur. Templi honor quàm Deo sit carus, ostendit eius vindicta circa earum rerum abusum & prophanationem quæ ad templum pertinent, ut vasorum atque ornamentorum sacrorum, vel contumelia, vel direptio. Iulianus senior Iuliani apostatæ anunculus, quum vasa sacra ex ecclesia Antiochena Syriæ abripuisset; proiectis illis in terram, cœpit petulanter post multas in Christum contumelias, super ipsa vasa sedere. At illico post, membrum genitale, & meatus illi quos natura ad necessitatem circa illud dedit, ei contabescunt, & carnes adiunctæ putrescunt, atque in vermes conuertuntur: quo tandem morbo, medicorum omnium operis frustra tentatis, interijt. Felix, thesauri regij sub Iuliano quæstor, sacrorum vasorum magnificentiam cõspicatus, Ecce, inquit, quàm sumptuosus vasis Mariæ filio ministratur. Qui repente flagello cælitus impacto oppressus, sanguinem dies noctesq; ex ore fudit; quo vniuerso exhausto, statim extinctus est, idque antequam aulæ regię limen transcenderet, ait Chrysostomus, hanc quoque historiam commemorans. In historia tripartita scribitur de quodam Thymelico saltatore, qui vestem sacram, in conferendo baptismo ab Episcopo gestari solitam (quam Cyrillus Hierosolymorum Episcopus famis

Veteris Ecclesie disciplina.

Vindicta Dei circa prophanatores rerum sacrarum. *Sezem. lib. 5. cap. 7.*

Theodor. lib. 3. cap. 11. & 12.

In lib. contra Gentiles tom. 5. Lib. 3. cap. 37.

grauissimæ tempore cum aliis ecclesiæ ornamentis diuenderat) à se emptam, in scena theatri personatus gestabat; subitòq; in theatro diuinit⁹ percussus, quia in religionis contumeliam gestauerat, interit. Tormenta paucorum, exempla sunt omnium. Qui diuini honoris zelum habet, vt Christus sui Patris habuit, dicens: *Nolite facere domum Patris mei domum negotiationis*, nec hæc exempla mirabuntur, sed Dei potius in tam multis hodie sacrilegiis patientiam, nec tam temerè Dei templum vel suis insolentis violabunt, vel ab alijs violari sinent.

Ioan. 2.

6. *Domus mea, domus orationis vocabitur.*

Orandum in templis.

LO C V S moralis de Orationis studio, in templis Deo consecratis potissimum frequentando. Orationes & preces ad Deum factas plus in templo valere, quàm extra templum, Deoque gratiores esse, in altero Promptuario contra hæreticos ex tribus causis ostendimus: simulque hunc esse templorum vsum maximè proprium, vt Deus illic per pias preces inuocetur, declarauimus. De ipsius Orationis assiduitate, vtilitate, conditionibus requisitis, totaque efficacia admirabili, iam in aliis Dominicis latè diximus. Hic tamen loco proprio pauca addemus, prout Deus dabit. Vult Deus domum suam, templum suum (in quo quomodo & quatenus Deus habitat, vel non habitat, in altero Promptuario explicatum est) non domum auxilij, non domum scientiæ, non disciplinæ, non iustitiæ, non misericordiæ, non denique domum Dei, sed domum Orationis vocari, vt doceat hunc esse potissimum, & maximè principalem templorum vsum, in illis assidue Deum orare. Qui igitur in templo non orat, perinde est ac si in conuiuio non edat, in schola non discat, in prælio non pugnet, in itinere non ambulet, in lecto non dormiat. Si domus Dei domus Orationis est, profectò qui hanc domum frequentant, maximè qui in ea ministrant, magni debent esse oratores, non potatores, venatores, negotiatores, &c. Est templum Dei velut pharmacopolium, vnde contra omnia mala, tam corporis quàm animi, remedia petantur & impetrentur. Est quasi inter medios hostes, & hostium gladios inexpugnabile asylum; quò qui se recipit, & officium facit, lædi non potest. Est cella vinaria, imò penu ditissimum Dei, vbi omnia sua bona Deus tibi reposuit; sed instrumentum quo hauries, Oratio est. Sicut vetus populus habebat multas ciuitates refugij, easque

*Domini. infra
Ost. Mat. Domi.
text. 5.
Domini. 3. post
Epiphan. text. 2.
Domini. 3. post
Pasch. text. 1.*

Similia.

*Numer. 35.
Typus.*

ita per totam terram promissionis dispositas, vt vbicunque quis proximum casu læsisset, ante solis occasum eò se recipere potuisset; etsi vnicum tantùm templum, in quo publicè orare & sacrificare licuit: ita nobis frequentia Deus concessit Orationis loca, ad quæ semper cōfugiamus, vt iniurias quas vel proximo inferimus, vel patimur, celeriter expiemus, dicentes: *Dimitte nobis, sicut & nos dimittimus.* Vt nunquam in pectoribus postris desit charitas, radix bonorum omnium. Si fugabatur diabolus; quum Dauid citharam percutiebat; quanto acrius fugabitur, quum in templo laudes diuinæ cantantur? quum votis communibus quasi vi facta, diuina virtus imploratur? De hoc Orationis loco prædixit Ioel: *Inter vestibulum & altare plorabunt sacerdotes ministri Domini, dicentes: Parce Domine, parce populo tuo; & ne des hereditatem tuam in opprobrium.* Non personas tantùm quæ orare debent, nec verba tantùm quibus vtentur, nec populi tantùm conuentū (vt in præcedentibus) sed locum quibque Orationis designat, in templi quasi meditullio; docere volens, eo demum loco maiorem vim Orationes habituras. Videndum ergo cuique cur in Ecclesiam veniat, & quid acturus ad templum accedat. *Seminans* (ait S. Chrysostomus) *non propter hoc seminat vt tantum seminet, sed vt metat: quod nisi fieret, etiam damnum sementis pateretur.* Mercator non propter hoc nauigat vt tantum nauiget, sed vt peregrinatione maiorem faciat rem; sine quo damnoſa erit nauigatio. Sic nos in Ecclesiam conuenimus, non propter hoc solum vt illic immoremur, sed vt aliquod magnum lucrati, & spirituale lucrum, discedamus. Sanctus ille senex Simeon, venit spiritu in templum, & ibi Christum inuenit, inuentum in vlnis complexus est, complectendo confessus est; confitendo sic gauisus est, vt cuperet statim dissolui, & esse cum Deo. Qui venit in templum spiritu, non carne; affectu spirituali, non carnali, Christum inueniet, quia *omnis qui querit, inueniet.* Nec ad templum modò Orationis causa accedere, sed orationis finem in eo expectare, veteres Christiani piè ac religiosè solebant: ad quod suos, segniùs id præstare incipientes, sic hortatur Chrysostomus: *Medicamentum si tibi adhibeatur, nec te purget, nonne altera die rursus id ipsum adhibes? Sit quispiam incisor arborum, ô homo, velut que quercum incidere; accipit asciam, deinde radicem incidit. Quid si vno ictu arbor non cecidit, nonne & alterum ictum addit, non quartum, non quintum, non sextum, non decimum? Itidem tu facito. Ingressus es in Ecclesiam, ô homo; dignatus es Christi*

2 Reg. 16.

Ioel. 2.

Homil. 5. ad pop. Antioch. Similia.

Luca 2.

Matth. 7.

In Homil. de non contemnenda Ecclesia Dei.

Cant. 47.

Cant. 28.

consortio. Ne exeat nisi dimittare. Nam si ante missionem exieris (id est, antequam dicatur: Ite missa est) perinde ac fugitiuus reposceris. Totum diem in his qua ad corpus spectant insumis, & duas horas spiritualibus non vacas. Ad theatrum saepe adis, neque inde discedis, donec dimittaris (donec dicatur. Valet & plaudite) & in Ecclesiam ingressus, priusquam diuina mysteria peragantur, abis? Hac de causa in vetustissimis Conciliis, Agathensi & Aurelianensi primo cautum est, vt ante benedictionem à sacerdote acceptam, quæ sub finem dari solet, populus è templo non discedat. Adeo proprium & peculiarem Orationis locum templum esse, maiores nostri crediderunt.

EVANGELIVM DOMINICÆ

X. POST PENTECOSTEN.

Lucas 18.

DIXIT Iesus ad quosdam qui in se confidebant tanquam iusti, & aspernabantur ceteros, parabolam istam. Duo homines ascenderunt in templum vt orarent: vnus Phariseus, & alter publicanus. Phariseus stans hæc apud se orabat: Deus, tibi gratias ago, quia non sum sicut ceteri hominum, raptores, iniusti, adulteri; velut etiam hic publicanus. Ieiuno bis in sabbato, decimas do omnium quæ possideo. Et publicanus à longè stans, nolebat nec oculos ad cælum leuare; sed percutiebat pectus suum, dicens: Deus, propitius esto mihi peccatori. Amen dico vobis, descendit hic iustificatus in domum suam ab illo: Quia omnis qui se exaltat, humiliabitur, & omnis qui se humiliat, exaltabitur.

PERICOPE Moralis huius Euangelij.

1. Dixit ad quosdam qui in se confidebant tanquam iusti. Et illud: Non sum sicut ceteri hominum. Contra vanam & pestilentem sui ipsius complacentiam.

2. Et aspernabantur ceteros. Et illud: Velut etiam hic publicanus. Contra contemptum aliorum, alteram superbix speciem.

3. Ieiuno bis in sabbato, decimas do omnium quæ possideo. Contra vanam ostentationem bonorum operum.

4. Publicanus à longè stans. Peccatori ante omnia miseriam propriam, & longam à Deo distantiam esse agnoscendam.

5. Nolebat oculos ad cælum leuare. De verecundia peccatoris ad Deum post penitentiam reuertentis.

6. Percutie-

6. *Percutiebat pectus suum. De contritione cordis pœnitenti necessaria.*

7. *Omnis qui se exultat, humiliabitur. De pœna superbiæ.*

8. *Et qui se humiliat, exaltabitur. De certa & amplissima mercede humilitatis.*

1. *Dixit ad quosdam qui in se confidebant tanquam iusti. Et illud: Non sum sicut ceteri hominum.*

Locus moralis contra vanam & pestilentem sui ipsius *Vana sui ipsius*
complacentiam. Vanum & impium est, sibi ipsi quen- *complacentia.*
quam placere, in seipso quenquam gloriari, seipsum iustum,
sanctum, doctum, sapientem existimare, & confidenter iudi-
care; quantumcunque sit verè doctus, sapiens, aut certis vir-
tutibus præcellens. Hoc primum est quod Christus in hoc
admirabili Euangelio condemnat, exemplo Pharisei propo-
situs, qui se iustum esse pronuntiabat, & non, sicut ceteros
homines, iniustum. Verus Christianus *si gloriatur, in Domino* *1. Corinth. 1.*
glorietur. Non enim qui seipsum commendat, ille probatus est,
sed quem Deus commendat. Nulla ratio est, ut in se quisquam
glorietur. Magna & necessaria ratio est, ut in solo Deo glo-
rietur, quisquis gloriatur. Primum, quia quicquid homo ha-
bet, à Deo habet, non à seipso. *Quid habes quod non accepisti?* *1. Corinth. 4.*
Si autem accepisti, quid gloriaris quasi non acceperis? Non su- *2. Corinth. 3.*
mus sufficientes cogitare aliquid ex nobis, tanquam ex nobis; sed
sufficientia nostra ex Deo est. Quòd si verò ne ad cogitandum
quidem bonum sufficientes sumus, quāto minus ad agendū!
Sine me nihil potestis facere, ait Veritas. *Omne datum optimū,* *1. Ioan. 15.*
& omne donum perfectum desursum est à Patre luminum. *Iacob. 1.*
In nostra potestate, & ex nobis solum peccatum est, boni pro-
fus nihil. *Perditio tua ex te Israël, saluatio tua ex me.* *Osee 13.*
Navis per se descendit in gurgitem, sed per se ascendere non potest. *Similia.*
Terra spinas & tribulos per se profert, triticum & bonum
granum non, nisi exculta, & humana arte adiuta. *Nunquid* *Esaia 10.*
ergo gloriabitur securis contra eum qui secat in ea? aut exalta-
bitur serra contra eum à quo trahitur? At: nemo venit ad me
(ait Christus) nisi Pater meus traxerit eum. Quomodo si eleue- *1. Ioan. 6.*
tur virga contra eleuantem se, & exaltetur baculus, qui utiq;
lignum est. Nihil igitur est unde homo sibi complacet: quia
quicquid habet, non ex se, sed ex Deo habet; ideòq; non in
se, sed in Domino gloriari, videlicet illi gloriam & gratiam
referre debet. De quo sic pulchrè D. Bernardus: *Origo fon-* *Sermo 12. in*
tium & fluuiorum omnium mare est, virtutum & scientiarum *Can.*
Dominus Iesus est. Quis enim Dominus virtutum, nisi ipse est *Psal. 25.*

1. Reg. 3.
Coloss 2.
Simile.

Rex gloria? Sed & iuxta Anna canticum, ipse Dominus scientiarum est. Omnes thesauri scientia & sapientia in eo reconditi sunt. Casta consilia, iusta iudicia, sancta desideria, fontis illius rivuli sunt. Quod si copia aquarum secretis subterranei, & recurribus incessanter aquora repetunt, ut inde rursus ad visus, vsusque nostros ingi & insatigabili erumpant obsequio; cur nō etiam spirituales rivuli, ut arua mentium rigare non desinat, proprio fontis sine fraude & sine intermissione reddantur? Ad locum unde exeunt, reuertantur flumina gratiarum, ut iterum fluant. Remittatur ad suum principium cæleste profluvium, quo vberius terra refundatur. Quomodo, inquit? Sanè ut dicit Apostolus: In omnibus gratias agentes Deo. Quicquid sapientia, quicquid virtutis te habere confidis, Dei sapientia, & Dei virtuti Christo deputa. Hæc ille. Qui sic omnia deputat Christo, in seipso gloriari, vel sibi ipse placere non potest.

Nostra quæ
sunt, à Deo
sunt.

At inquires, Deū agnosco authorem: Sed interim meū est, quod mihi Deus dedit. Sanè tuū est; sed ita tuum, sicut ille tuum esse voluit qui dedit. Voluit autē, ut acceptis eius donis ex illis non superbires, sed potiùs de recto eorum usu sollicitus esses. Dedit tibi ut rectè utaris, nō ut inde glories. Pater dat filio pulchrā vestem, non ut inde superbiat, etiam si à patre datā agnoscat; sed ut ea utatur vel ad necessitatē, vel ad honestatem. Quicquid à Deo accepimus, sic accepimus, ut reddenda sit ratio villicationis nostræ. quod in alia Dominica explicatū fuit. Ridiculi nobis videntur pueri, qui de noua tunica, aut plumula in galero, sibi vehementer placent, & pulchelli propterea videntur. Sed nos magis Deo & Angelis non ridiculi modo, sed & exosi sum⁹, qui propter ingenij, prudentiæ, pietatis dona à Deo accepta, inflamur & extollimur, ambulātes in mirabilibus super nos. Qui ex modico accepto vino, aut etiam mediocri cereuisia inebriantur, ostendunt se debilis esse cerebri, & caput infirmum habere. Qui ex qualibet virtute, quolibet bono opere, aut Dei dono statim extollitur, ostendit se in vera pietate valde paruulum & debilem esse. At verò non modò sibi placere, sed & in ipso confidere, hoc multo & vanius est, & nequius. Sibi enim tribuit quod Deo proprium est, & baculo nititur sculneo. De hac necessaria humilatione nostri ipsius, & confidentia non nisi in Deo ponenda, iam in aliis * Dominicis aliquoties diximus; sed & infrà in alio loco huius Euangelij plura dicemus.

Simile.

Domin. 3. post
Pentec.
Simile.

Simile.

* Domin. 3.
Aduent. text. 8.
Domin. 4. Aduent.
text. 6.
Domin. 3. post
Epiph. text. 8.
Domin. Passio.
text. 5.
Domin. 4. post
Pentec. text. 3.

Nunc id vnum annotabimus, quàm singulare præ cæteris omnibus peccatis vitium sit superbia, & sui ipsis complacentia.

centia. Primum, cætera vitia interdum quiescunt, nec semper, nec ubique in homine apparent. Gulosus & ebriosus, si domi peccant, non item foris. Libido nec semper, nec in omni loco flagrat, frigetque tandem, vel naturæ fragilitate, vel vitij tædio. Ira nisi irriteretur, non molestat. At superbus in lecto, in mensa, in foro, in templo, domi forisque, in omni loco ac tempore, arrogantiae suæ indicia profert, & actiones exercet; sicut hic Phariseus etiam in ipso templo, etiam inter orandum, superbiæ suæ notas profert. Rursum alia vitia consortio gaudent, ut libido, luxus, edacitas, avaritia. Superbia solitudinem querit, societatem non admittit, omnia sibi defert; se solum superbus in pretio haberi, omnibus anteponi vult. *Nec quengquam iam ferre potest Cæsarve priorem, Pompeiisve parem.* Sic duo superba capita Romanam Remp. perdiderunt, dum hic parem non sustinet, alter superiorem non tolerat. Sic noster Phariseus: *Non sum sicut ceteri hominum.* Vult esse homo per se. Præterea omnia alia vitia non nisi à vitiis, & à materia vitiosa generantur, fouentur, perficiuntur. Otium inuitat ad gulam, gula ad luxuriam, luxuria ad prodigalitatem, prodigalitas ad rapinas & furta, furtum ad iniuriam, iniuria ad malevolentiam: quæ omnia vel generant vicissim, vel generantur, vel fouent mutuò, vel fouentur; sed eadem omnia virtutibus extinguuntur & corriguntur. Sola superbia ex ipsis virtutibus nascitur, non nisi bonis insidiatur, ex pietate ortum & incrementum capit. Quemadmodum enim ignis sulphureus aqua iniecta roboratur, ipsa aqua materiam ei & alimentum præbente, quæ tamen cæteros ignes solet extinguere: sic superbia, crescente virtute, & rebus præclare gestis, magis inflammatur; illis quasi materia vititur, quæ cætera vitia solent perimere. Iam verò cætera vitia singula singulas perdunt virtutes: avaritia liberalitatem, libido castitatem, gula temperantiam, iracundia benevolentiam. At vna superbia omnes virtutes perdit, omnia bona tollit, omnia præclare gesta euacuat, mercede spoliatur, Deo reddit exosa; ut in ieiuniis ac decimarum persolutione huius Pharisei apparet. Edidisset Eleazarus præclarum facinus occiso elephante, nisi illato imperitè vulnere, ab eodem etiam fuisset interfectus. Quoties aut peccato resistimus, aut virtutem operamur, quasi elephantem occidimus, ut vel mundum, vel diabolum, vel carnem; sed nisi à blandiente propriæ laudis memoria caueamus, ab eodem bono opere ipsimet occidimur.

1.
Superbiæ cum
aliis vitiis cõ-
paratio.

2.

Lucanus lib. 1.

3.

Simile.

4.

1. Mach. 6.

Allegoria.

Deinde

1.

Deinde cætera peccata saltem cum ætate languescunt, & vinci se tandem patiuntur. Libidinem ætas exstinguit, odium & malevolentiam redintegrata amicitia absumit: auaritiam inducta liberalitas profligat: gulam & ebrietatem parsimonia sæpe necessaria interdum spontanea reprimat. Solius superbiæ tanta est pertinacia, vt aliis vitiis omnibus profligatis, sola audeat in campo manere, virtutiq; pugnam per totam ætatem inferre. Quemadmodum enim umbra corpus, nisi vndequaque corpus illustretur, vt quum in Zenith capitis sol stat, semper consequitur, vel antè, vel retrò, vel ad dexteram, vel ad sinistram: sic superbia virtutem semper comitatur, & ex aliquo latere insidiatur, nisi quis ita luce virtutis effulgeat, vt vitiorum tenebris nihil loci relinquat, totusq; & vndique cautus ab omni parte sibi prospiciat: Vide aliã non minus insignem superbiæ singularitatem in Dominica 4. Aduentus.

Simile.

Text. 6.

2. *Et aspernabantur ceteros. Et illud: Velut etiam hic publicanus.*

Contemptus
aliorum.

Locus moralis contra despectum aliorum, alteram superbiæ speciem. Hic enim Phariseus non contentus seipsum laudare, magnificare, & ceteris omnibus præferre, etiam aspernatur ceteros, & despicit presentem publicanum, eum digito ostentans, ac dicens: *Velut etiam hic publicanus*, eum cõdemnans vt raptorem, iniustum, adulterum. Omnia enim hæc vitia à seipso remouens, ea publicano impingit. Horrenda hæc est & terra superbiæ species, quam Christus in hoc Euãgelio specialiter taxare voluit. Aman à rege Assuero, cui intus erat, rogatus *quid ei Rex faceret, quem voluerit honorare*, seipsum solum illum esse à Rege honorandum existimabat; ideoq; id honoris genus Regi suggessit, quem ipsemet vehemēter ambiebat: quò quum se delusum videret, totumq; in pium Mardocheum esse translatum, quem vnum præ omnibus mortalibus despexerat, contempnūq; habuerat, peracto honoris ministerio ex Regis mandato. *festinauit ire in domum suam lugens & operto capite, narrauitq; uxori suæ, & amicis omnia quæ euenissent sibi: sed & eodem die iubente Rege, suspendio interiit, eidem patibulo affixus, quod Mardocheo, quẽ vnice despexit, parauerat.* Hic fuit impotentis proximi contemptus infamis exitus. Qui speculum lutulentum inspicit, suam terram faciem videre nō potest. Sic peccator,

Exemplum.
Hester 6.

Simile.

qui

qui alios omnes quasi nequiores se contuetur, & non nisi maculas in illis vel videt, vel videre se putat; ille suam ipsius fœditatem nunquā poterit agnoscere. Sāctus David dicebat: *Lauabo inter innocentes manus meas.* id est, opera mea ad exēpla iustorum conformabo, illos inspiciam & considerabo; vt, qualia sint facta mea, cognoscam. Superbus autem non nisi sordidos considerat, quibus se præferat; vel sordes imaginatur in alijs, vt suæ excellentiæ opinionem foueat. Bonus Ge-^{Superbi pro-}deon quum Angelus ei diceret, *Dominus tecum, virorum fortissime,* piē existimans non secus cum alijs Deum esse, quam secum, respondit: *Obsecro mi Domine, si Dominus nobiscum est, cur ergo apprehenderunt nos hac omnia?* Iustus non cogitat se aliquid præ cæteris habere. Superbus cogitat se omnia præ cæteris obtinere. Vide superbi vocem inanissimā: *Non sum sicut ceteri hominū.* Certē, vt acutē alicubi scripsit Aristoteles, *qui non est sicut ceteri homines, aut aliquid melius est omni homine, ma-*^{Apophteg-}*sicut Deus; aut aliquid vilius omni homine, sicut bestia.* Eligat vtrum velit homo superbus. Profectō Nabuchodonosor, quia ^{Dan. 4.} cor eius sic eleuatum erat, vt cæteris omnibus terræ principibus sese anteponeret, hanc à Deo sententiam accepit: *Cor eius ab humano mutetur, & cor bestia detur ei.* Porro ad eum cæterorum despectum plurimos peruenisse, vt se deos esse sibi persuaderent, multa exempla docuerunt, non principum tantum, vt Alexandri Magni, Neronis, Caligulæ, sed etiam philosophorum quorūdam, vt Menecratis cuiusdam, de quo in alia Dominica diximus.

Hic autem aliorum despectus innumera gignit mala. Sicut enim mare, vt mundet, solet vicina sibi & adhærentia littora fœdare, euomens in illa sordes omnes: ita superbus, vt seipsum mundet, vt suam tueatur excellētiā, omnibus alijs maledicit, opprobria aspergit, vitiorum sordes & notas impingit, sicut hic publicano Pharisæus. Sicut aër visceribus terræ inclusus, exitum sibi quærens, tandem erumpit, & terram ingenti motu quatit, & facit contremescere, multa interim conuoluens & subuertens: sic gloriæ & excellentiæ appetitus superbi hominis animo inclusus, erumpens tandem, multorum famam lædit, multos infantes opprimit, multis bonis insidiatur, multum tumultum facit.

Deinde, vt hæc pestis nihil alijs nocuementi inferat, ipsum tamen superbū maximis damnis mulctat. Omnia enim quæ fecit bona, disperdit. Vnde diuus Bernardus sic Pharisæū hic nostrum alloquitur: *Cū te ceteris anteponis: deles quæ feceras*^{Serm. 23. super Cant.}
opera.

Esaia 48.

opera. Si quid praeclarus egisti, debebas dicere: Servus inutilis sum: quod debueram facere feci. Audi quid dicat Deus: Gloriam meam alteri non dabo. Si ergo solus cuncta fecit, quem socium habebit? Cur instaris contra publicanū? qui ideo non habet quod tu, quia non accepit quod tu. Hæc ille. Certè si quis, quia in manu statuarij videns stipitem vilem, contemneret lignum, quia informe videtur, velletque illud in ignem conicere, turpiter erraret; quia artifex nouit illud sic dolare & expolire, ut pulcherrimam ex eo statuam conficiat. Eodẽ modo si quid aliis deesse virtutis videtur: quo nos fortè non cauemus, non ideo conuenit eos despiciere, quia potest Deus etiam ex lapidibus istis filios Abraha facere. Qui se existimat stare, videat ne cadat. Tu quis es, qui iudicas alieum seruum? Domino suo stat, aut cadit. Stabit autem. Potens enim Deus statuere illum. De hoc aliorum contemptu, vide plura in Dominica 1. post Pentecosten.

*Simile.**Matth. 3.**1. Cor. 10.**Rom 14.**Text. 2.*

3. Ieiuno bis in sabbatho: Decimas de omnium quæ possideo,

Ostentatio boni operis.

*Simile.**Exempla.**Iosue 9.*

Alianus de var. hist. lib. 7.

LOcus moralis contra vanam ostentationem bonorum operum. Non enim hæc Pharisei opera Christus dānat, sed vanissimi hominis vanam, & stolidam, & importunam ostentationem. Venit in templum oraturus, & à Deo vel peccatorum veniam vel benè viuendi gratiam, profectum, perseuerantiam petiturus; quasiq; iam totus plenus ac satur, modicum quod fecerat, ostentat. Ineptus & ridiculus ille esset, qui eleemosynā petiturus, se prijs annulis, torquibus aureis, & vestibus pretiosis ornaret, existimans ea sibi adiumento fore; talia enim ostendunt eum omnium minimè indigere. Pauperes sua potiùs mala, miseras suas patefaciunt, ut alios ad misericordiam inflectant. Gabaonitæ ut à Iosue gratiam & misericordiam obtinerent, venerūt ad eum, induti veteribus vestimentis, calceamenta gestantes perantiqua & trita, quæ ad indicium vetustatis pitacijs confusa erant. Contrā, vana ostentatio odiosa est, & odium prouocat. Cæcus quidam ætate prouectus, venit Lacedæmonem; & cum turgeret superbia, canos suos oculere tinctura conabatur. Itaque quum in conspectum Lacedæmoniorum venisset, ostenso tali capite, exposuit quorum gratia venerat. Confurgens autem Archidamus res Lacedæmoniorum; Quid (inquit) hic sani diceret, cuius non solum animus, verum etiam caput fucis contaminata

minatum est? Explosit eius dicta, hominis ingenium ex vana ostentatione redarguens. Quemadmodum ægrotus, qui à *Similia.*
 medico ictus, puriorem sanguinem emittit, grossiorem retinet, deficit; ille verò qui puriori retento, inutilem, grossum, & corruptum emittit, conualefcit: sic peccator qui bona sua prædicat, & mala tacet, salute excidit; ille autem viuit Deo, qui bonis silentio compressis (neque enim ea vel ignorat vel obliuiscitur Deus) quicquid mali habet, coram Deo medico sapientissimo exponit. Rursum, qui sana membra medico ostendit, & vulnera tegit, nunquam curabitur, imò potius quotidie deterius se habebit. Sic qui boni magis videri appetunt quàm esse, dum bona sua iactitant, & mala tacet, bonorum mercedem amittunt, malorum remedium non inueniunt. Gallinæ quum oua excusserint, statim clamitant, suoque efficiunt clamore, vt oua sua statim auferantur. Sic bona opera iactabundi dæmones deprædantur. Nullus ponit amico suo poma, quæ vento ab arbore deciderunt, sed quæ manu colliguntur. Sic Deo non sunt apponenda bona opera quæ vento vanæ gloriæ deiiciuntur; sed quæ laboriosè confecta, in apotheca pectoris reposita fuerunt. Iusto satis amplum theatrum & frequens est Dei tribunal, suæque conscientiæ testimonium. Vnde Apostolus de priori: *Qui me iudicat, Dominus est:* De posteriori: *Gloria nostra hæc est testimonium conscientiæ nostræ,* Dicit Christus: *Noli tuba canere ante te.* Tuba canit ante se, qui bona sua opera alijs iactat; qui suas canit laudes; qui suorum gestorum historiographus est, & buccinator. Nemo ad suam concionem campanam pulsat, nisi vbi id necessitas postularet, aut euidens vtilitas: quæ etiam faciunt, vt & seipsum laudare, & aliorum laudes coram efferre sit laudabile. Vtrunque fecit Apostolus, sua bona opera Corinthijs enumerās, & Hebræorum bona opera ipsimet commemorans, adeoque in memoriam reuocans. Sed extra hos casus pura vanitas, interdum & magna impietas est. Præcepit Deus filijs Israel, *ne tonderent primogenita ouium.* Qui virtutis initium, & bonum quod fecit, alijs enarrat, primogenita ouis tondet; quia sublato secreto, quo quasi quodam velle-re virtus ipsa tegebatur, tonsa postmodum virtus manet, omnique vera laude nudata.

Quanta porro hæc iniquitas sit, sanctus Iob his verbis pronuntiat: *Silatum est in abscondito cor meum, & osculatus sum* *laetantiæ impietatis.*
manum meam ore meo, quæ est iniquitas maxima, & negatio *Iob 31.*

Moral. lib. 22.
cap. 10.

Ostentationis
gradus tres.

Vbi supra cap. 8.
Simile.

Similia.

contra Deum altissimum. Ille manum suam ore proprio osculatur, qui opera manuum suarum ore proprio narrat, commendat, buccinat. *Qua in re* (ait sanctus Gregorius, hunc locum exponens) *quis despicitur, nisi is, qui ipsa operandi munera largitur? Nam authoris sui gratiam negare conuincitur, quisquis sibi tribuit quod operatur.* Hæc est iniquitas maxima; quoniam omne peccatum quod ex infirmitate est, spem nequaquam perdit, quia à superno iudice veniam requirit. *Praesumptio autem virtutis propria, tanto grauius in desperatione est, quāto longius ab humilitate.* Cumq; vires sibi tribuit operis, ad adiutorium non recurrit authoris. Hæc ille. Tres sunt videlicet huius vanitatis gradus. Primus est, quum letatur in abscondito cor nostrum, & sola cogitatione nobis ipsis applaudimus, memores eorum quæ benè operari videmur. Secundus est, quum etiam in proprias laudes erumpimus, aut certè nostra benefacta cupidè commemoramus, & aliis quasi venalia exponimus, inanem laudem captantes. Tertius est eorum qui ab hac duplici stultitia & iniquitate liberi, alienis tamen fauoribus & laudibus exultant. De his tribus sapienter D. Gregorius: *Sic profectus est hominum, sicut incrementa esse conspiciamus arborum.* Vis quippe futura arboris prius in semine est, postmodum in ortu, atque ad extremum producit in ramis. Sic vniuscuiusque virtus crescit operantis. Seminatur namque in intelligentia, oritur in operatione, conualescit ad profectus latitudinem. Sed cum quemlibet sua intelligentia extollit, arbor qua oriri poterat, in semine purest. Cum verò post operationem bonam elationis & ostentationis peste corrumpitur, quasi iam orta scatur. Cum verò neque intelligentia, neque operatio corrumpit, sed fauor laudantium operantis animum euertit, linguarum ventos arbor pertulit; & omne quod in ea robustum creuerat, tempestas fama radicitus euulsi. Hæc ille. Nemo igitur sua bona prædicare, suas virtutes ore proprio buccinare debet.

1. Esset quidem Dux supplicio dignus, qui castrum regium sibi vsurparet; sed multo maiori dignus, si regnum ipsum. Sic multum Deo displicet in bonis temporalibus, Deum largitorem non agnoscere; maximè verò, quando in spiritualibus bonis id fit. Christus enim per gratiam regnat in cordibus fidelium. Amygdalus, prunus, & aliæ quædam arbores, quia præcoces nimium producant flores, sapius fructu carent. At morus semper retinet fructum suum, quoniā seriùs floret. Stomachus validiùs hyeme quàm æstate cibū cōcoquit: quia calor qui in æstate externa corporis occupat, & per ea diffunditur,

diffunditur, in hyeme latet in corpore. Aratores post satum
 frumentum gelido tempore gaudent, calidum detestantur;
 quia gelu terra erumpentia gramina cohibet, donec altiùs
 & firmiùs radices agat: at calor statim malè hærentes her-
 bas euocat, & tenuiores, ac minùs fructuosas reddit. Eodem
 planè modo accidit illis, qui bona opera quæ faciunt, intus
 apud se non continent, donec ea Deus manifesta faciat,
quando reuelabit occulta cordium, & laus erit unicuique à *1. Cor. 4.*
 Deo; sed humano iudicio & commendationi ea exponunt in
 præsentì, vnde apud Deum gloriæ fructum non assequuntur.
 Iussit Deus in veteri Lege, vt et si ex omnibus alijs sacrificijs *Allegoria.*
 quædam pars sacerdoti cederet, thus tamen totum sibi of-
 ferretur. Postea nihilominus apud Esaïam dicit: *Incensum* *Esaia 1.*
abominatio est mihi. Vnde hæc tam contraria Dei sententia?
 Sanè quia qui incensum offerebant, pleni erant vani-
 tate, immunditia, iniquitate, vt ibidem Propheta co-
 piosè describit. Sic displicent Deo quæcunque bona opera
 cum vanitate & ostentatione coniuncta. Sicut optimi cibi *Similia.*
 inordinate sumpti ægritudinem adferunt; venenum verò in
 medicina sumptum, vt in theriaca, sanitatem operatur: sic
 aliqui cum virtutibus ipsis tumescunt, & animæ perniciem
 sibi conciliant, vt hic Phariseus: alij in peccatis humiliantur,
 vt hic publicanus, & interdum ad maiorem perfectionem
 resurgunt, sicut Dauid, cuius hæc vox erat: *Priusquam hu-* *Psal. 118.*
miliarer, ego deliqui. Qui vas aliquod plenum pretioso li-
 quore portat, quanto ipse liquor pretiosior est, & vas ple-
 nius, tanto maiori cura ac diligentia illud fert, ne quid ef-
 fundat. Eodem prorsus modo, quanto quis virtute plenior
 est, eaquæ præstantiore, eo attentius cauere debet, & cau-
 tius prospicere, ne temere prædicando eas effundat, totum-
 quæ vas suum euacuet.

Omnis artifex quanto altiùs parietem ædificauit, tanto
 in opere vigilantius & cautiùs procedit, ne cadat. Altitudo
 enim loci, hominis cerebrum naturaliter perturbat, & è
 sublimi despicientem, aliquando præcipitat. Sic iustus
 quanto altiùs spirituale suum ædificium erexit, quanto
 plus in pietate profecit, quanto excelsiorem bonorum ope-
 rum structuram condidit, tanto modestiùs ambulare, tanto
 minùs se vento humanæ laudis committere, tanto pareiùs
 ad inferiora despicere debet, ne statim ex magna illa alio-
 rum à se distantia inflatus præcipitetur, & sui ipsius ingen-
 tem ruinam edat. Talis videtur eius ruina fuisse, de quo

Apoc. 3.

sic in Apocalypsi legimus: *Vtinam aut frigidus esses aut calidus*, id est, aut aperte malus, aut perfectè bonus. *Nunc autem quia tepidus es, incipiam te euomere ex ore meo.* id est, quia aliquas habes apparentes virtutes, sed illis non nisi ad iactantiam abuteris, es in proximo periculo perditionis. Etsi enim frigidus, & omni virtute carens te multo deterior est, tamen facilius sanari potest quàm tu, quia peccata sua facilius cognosceret, eo quòd omni virtutis fūco careat, tu verò morbum tuum cognoscere (sanus enim videris tibi ipsi) nullo modo potes. Ideo sequitur statim apud diuum Ioannē: *Quia dicis quòd diues sum, & locupletatus, & nullius egeo* (hæc est vox iactantis Pharisei) *& nescis quia tu es miser, & miserabilis, & pauper, & cacus, & nudus.* Tam verè ni-

Similia.

1. hil es, & nescis; & quia nescis, incurabilis es. Infirmus, qui se morbo oppressum nescit, medicinam non quærit. Superbus, quia se virtute plenum existimat, Christi gratiam & medicinam non implorat. Quemadmodum nemus vmbrosus prima fronte amœnum, tanta oblectatione pascit oculos, virentium plantarum varietate & densitate, vt videatur non nisi voluptatis causa comparatum; quum intus sit plenum serpentibus venenatis, lupis rapacibus, fortè & latronibus: sic hypocrita, & vanus ostentator sui, cum foris sanctus appareat, propter opera secundum substantiam bona, oblectat oculos videntium; at intus latet superbia, ambitio, inuidia, cæteraque scelera, indomitæ ferarum more, in miseri cordis situa passim vagantia. Omnia quippe non nisi vanitati seruiunt. Sicut organorum pulsatores, nisi eis ventosos folles quis leuet, nullum penitus sonum efficiunt; & nauis non soluunt è portu, nisi ventum nacti opportunum: sic planè superbi homines, nisi laudibus efferantur, in virtutis actionem non incumbunt. Hi non rectè facta, sed rectè factorum præmia sequuntur; ac si quis agrum coleret, triticique sementem iaceret, non propter triticum, sed propter varios illos flores qui tritico adnasci solent, spontèque succrescere. Sic enim vera laus virtutem non quæsita, sed vltro sequitur. Sunt etiam hi illis similes, qui quæ longo temporis interuallo, magno studio & labore adepti sunt, aleis, aut pictis chartis ludentes vna horula amittunt. Sic enim iste Phariseus sua ieiunia, suasque eleemosynas vna iactabunda oratione prodegit. Sicut Dauid noluit seruos suos in conspectum eius venire, qui dimidiam barbam ramsam habebant, sed præcepit eis manere in Iericho, donec
- 2.
- 3.
- 4.
- 5.
- 6.

2. Reg. 20.

tota

tota succresceret : sic Deus in suum conspectum & fauorem non admittit opera dimidiata, id est, quæ secundum substantiam operis, & in genere suo bona sunt, sed secundum modum agendi, & ex parte intentionis ac finis, vanæ videlicet ostentationis gratia, mala sunt. *Si qua ciuitas* (ait sanctus Gregorius) *contra insidiantes inimicos magno ualletur aggere,* 7. Moral. lib. 19. cap. 17. *fortibus cingatur muris, ex omni parte in somni muniatur custodia, vnum verò in ea foramen tantummodò immunitum per negligentiam relinquatur, inde procul dubio hostis ingreditur, qui undique exclusus videbatur.* Sic Phariseus iste bonis operibus utcumque vallatus, per vnum iactantiæ foramen hostem intromisit, & periit. Sola quippe destructa humilitate, & intromissa superbia, tota virtutis structura corrui-
 8. *Quemadmodum enim domus non propter trabem vnā collapsam, aut tigna corrupta, sed basi & fundamento corrupto ac putrefacto, tota necessario corrui-
 destructa, & Dei gloria (quæ omnium bonarum actionum finis ac fundamentum est) sublata, vanæque & humana in locum eius suffecta, tota spiritualis ædificatio corruat necesse est. Laudet te alienus, & non os tuum,* ait Sapiens. Prou. 27. Certè laus in ore proprio, mendacij laudantem arguit. *Quis enim credat parieti* (ait sanctus Bernardus) *si se dicat parturire radium quem suscipit per fenestram? Aut si glorientur nubes quòd imbres genuerint, quis non irrideat? Mihi liquidò constat, nec de canalibus oriri riuos aquarum, nec de labijs vel dentibus verba prudentia, etsi sensus ultra corporeus non attingat. Si qua in sanctis digna laude intueor, clara veritatis luce intueor laudabilem alium apparere, alium esse : & laudo Deum in sanctis suis. Nec laus calami, laudabilis est pictura siue scriptura; nec gloria lingua aut labiorum, sermo bonus.* Sed ut illa, sic totus homo instrumentum potius virtutis est, quàm causa; certè nec sola, nec principalis causa est; quare nec se solum laudare, nec principaliter debet; nisi qui apertum Deo bellum indicat. Plura de hoc absurdissimo vanæ ostentationis vitio iam suprà in alijs Dominicis protulimus, quæ huc referri possunt.

4. Publicanus à longè stans.

Locus moralis, ad peccatoris instructionem, ut ante omnia suam miseriam agnoscat, & itatum peccati in quo est, longè miserrimum conuiceatur. Publicanus enim iste peccator grauis ideo à longè stat, non audens ad Dei sacra-

*Domin. 3 post
Epiph. text. 3;
Dom. 4. Qua-
drag. text. 6.*

Prou. 18.

Luca 15.

Osea 2.

Psal. 22.

Psal. 118.

Simile.

Rom. 12.

Exemplum.

rium propius accedere, eo quòd se per peccatū à Deo elongatum esse, multumque recessisse, humiliter & veraciter agnouerat. *Iustus in principio sermonis accusator est sui.* Si iustus humiliter, multo magis peccator veraciter à sui accusatione incipit; idque non verbis tantum, sed & factis, totoque corporis gestu. Tale fuit conuersionis principium in filio prodigo. *In se reuersus* (id est, elongatus tam à seipso, qui prior fuerat in domo paterna in statu gratiæ, quàm à Deo, de redeundo cogitans) *Quanti* (inquit) *mercenarij in domo patris mei abundant panibus, ego autem hic fame pereor! Surgam, & ibo ad patrem meum.* Nouerat se longè à patre suo abesse: ideo dicit: *Surgam, & ibo.* Sic in Osea Propheta peccatoris cōuersio describitur. Quum enim peccator peccandi adhuc studio delinitus diceret: *Vadam post amatores meos, qui dant panes mihi, & aquas meas lanā meam, & linum meum, oleum meum, & potum meum;* Dei misericordia volens peccatorem saluum facere, & quærens ouem perditam, contrā sic dicit: *Ecce ego sepiam viam tuam spinis & sepiam illam maceria, & semitas suas non inueniet; & sequetur amatores suos, & non apprehendet nos; & quæret eos, & non inueniet* (hoc est, impedimenta iniiciam, quo minùs liberè pecces, vel tribulationem immittens, vt filio prodigo iam fame pereunti, vel occasiones peccati rescindens, vel oportunitates auferens) *& dicet: Vadam, & reuertar ad virum meum priorem, quia mihi melius erat tunc quàm nunc.* Hic vir prior, Deus est, cui in prima creatione, vel in secunda per Christum regeneratione, anima desponsata est. Ab hoc viro priore anima peccatrix in primo conuersionis puncto se longè distare cognoscit, ideòque reuerti desiderat. Absque hac agnitione desiderium reuertendi nullum est. Peccatores impœnitentes non aduertūt se longè esse à Deo, imò in medijs voluptatibus atque peccatis omnia sibi salua ac tuta promittunt. At vbi primùm cōuersionis studio tanguntur, vident se longissimè abesse à salute, dicentes cum Propheta: *Longè à salute mea verba delictorum meorum.* & agnoscetes illud: *Longè à peccatoribus salus.* Qui in foueam aut fossam decidit, si casu delectatur, optimo loco videtur esse: At vbi primùm emergere cōtendit, tūc demùm se malo loco esse aduertit, & auxilium implorat, suæ sibi miserix conscius. Primus ad indulgentiam gradus est, agnosce delictum, fateri miseriam. Vnde Paulus consulit, dicens: *Non vos defendentes charissimi.* Iudas filius Iacob, licet innocens esset, propter scyphum inuentum in sacco Benjamin, seipsum

seipsum tamen accusauit, vt Ægypti principem flecteret, di- *Gen. 44.*
 cens: *Quid respondebimus domino nostro? Deus inuenit iniqui-*
tatem seruorū suorum. Loquens Propheta Oseas cum populo
 Israëlítico, sic ait: *Conuertere Israël ad Dominū Deum tuum,* *Osea 14.*
quoniam corruisti in iniquitate tua. Sed vnde conuersionis ex-
 ordium sumant, mox explicat, dicens: *Tollite vobiscum verba,*
& conuertimini ad Dominum, & dicite ei: Omnem aufer ini-
quitatem, & accipe bonum, & reddemus vitulos labiorum no-
strorum. Vitulos labiorum vocat Propheta verba humilia,
 quæ à corde contrito exeunt, eiúsque miseriam patefaciunt.
 In huiusmodi enim verbis lingua & labia quasi mortificātur.
Manfuetorum & humilium semper tibi placuit deprecatio, ait *Iudith 9.*
 sancta Iudith. *Deus enim (ait Sapiens) dissimulat peccata homi-* *Sap. 11.*
num propter pœnitentiam. Vide quanta humilitate etiam iusti *Exempla.*
 ad Deum accedunt; vt sic, quid peccatorem facere cōueniat,
 certius intelligas. Abraham volens pro Sodomitis interce-
 dere: *Quia (inquit) semel cœpi loquar ad Dominū meum, quum* *Gen. 19.*
sim pulvis & cinis. Quasi dicat, ne irascaris mihi quod pro
 alijs oro, quum sim ipse peccator. Sic & Iacob faciebat, quum
 timeret à facie fratris sui Esau: *Domine Deus, minor sum om-* *Gen. 32.*
nibus miserationibus tuis. Nec aliter Dauid, quum iam in altis-
 sima pace maximāq; rerum affluētia regnaret: *Quis (inquit)* *1. Reg. 27.*
ego sum Domine Deus, aut qua domus mea & patris mei, quod
adduxisti me vsque huc? Sic & socij Danielis in medijs flāmis
 ambulantes Deū, benedicebāt: *Iustus es in omnibus qua fecisti* *Dan. 3.*
nobis, & vniuersa opera tua vera, & via tua recta, & omnia
iudicia tua vera. Deniq; ipse Daniel pro se, & pro populo suo
 oraturus, ab hac humili confessione orditur: *Peccauiumus, ini-* *Daniel. 9.*
quitatem fecimus, impiē egimus, & recessimus & declinauimus à
mādatīs tuis & iudicijs. Tibi Domine iustitia, nobis autē confusio
faciei. Vides quā longè stat, & quā longè se ponit à Deo,
 suam & suorum miseriam agnoscens. Si sic iusti se humiliant,
 quomodo erecta ceruice stabit impius? Si sic columnæ con-
 tremiscunt, quomodo tabulæ sibi firmæ videntur? Si amici
 & domestici tam timidè fores pulsant; extranei, & à Deo per
 peccatum diuisi, quanto cum tremore ad Deum debent ac-
 cedere? Plura de hoc necessario humilitatis exordio in ne-
 gotio pœnitentiæ, & reconciliationis cum Deo, in alijs iam
 Dominicis diximus, quæ huc referri possunt.

5. Nolebat oculos ad cælum leuare.

Locus moralis de verecundia peccatoris ad Deum per
 pœnitentiam reuertentis. Quum enim iste publicanus peccatoris.

Domin. 3. post
Epiph. text. 8.
Domin. 1. post
Pasch. text. 4.

Verecundia

Exempla
2. Esdr. 9.

Luc. 7.
Oratio Manaf.

Jerem. 2.

Jerem. 9.
Simile.

Exempla.

Matth. 9.

3. Reg. 3.

2. Esdr. 6.

In Psal. 37.

Ambr. D. quid.
cap. 10.

Ambr. cor.
1. 1. 1.

ut exemplum quoddam pœnitentium à Christo hic propo-
natur; singulæ orationis eius circumstantiæ documentum
præbent. Noluit ergo præ pudore & verecundia scelerum
suorum oculos ad cœlum, id est, ad Deum cœli leuare. Est
dras quum pro populo oraret, cum hac verecundia accessit.
dicebat enim: *Deus meus, confundor & erubescō leuare fa-*
ciem meam ad te, quoniam iniquitates nostræ multiplicatæ sunt
super caput nostrum. Magdalena peccatrix, indignam se re-
putans quæ faciem contrā Christum leuaret, *stetit retrò secus*
pedes Domini. Rex Manasses in sua oratione sic loquitur:
Non sum dignus intueri & aspicere altitudinem cœli præ multi-
tudine iniquitatum mearum. Appositè Propheta Ieremias:
Quomodo cōfunditur fur quando deprehenditur, sic confusi sunt
domus Israël, ipsi & reges eorum, principes, & sacerdotes, &
propheta eorum, dicentes ligno, Pater meus es tu. Hoc est, sic
confundi deberent. Alioqui tanta erat eorum impudentia,
tanta est quorumlibet peccatorum qui in malitia sua obsti-
nati sunt, pertinacia, ut de illis verum sit, quod idem Prophe-
ta de illis alibi dixit: *Frons meretricis facta est tibi, noluiſti eru-*
berescere. Sicut mulier à viro in adulterio deprehensa maximè
confunditur: sic anima peccatrix violata inde cum Deo, cō-
fundi debet. Mulier illa sanguinis profluuium passa, non au-
debat coram ad Christum accedere, sed retrò veniens, *sim-*
briam tantum vestimenti tetigit, & sanata est. Cùm Asael
frater Ioab Ducem Israelitici populi Abner fugientem inse-
queretur, dixit illi Abner: *Recede, & noli insequi, ne compel-*
lar te confodere cum terra, & non potero leuare faciem meam
ad Ioab fratrem tuum. Si propter occisum in bello, idque in
sua necessaria tutela, sic vultus potentis ab ipsis potentibus
formidatur; quanto magis Dei Patris facies timenda nobis
est, ne ad eum oculos leuare audeamus, postquam peccato
lethifero, Filium eius vnice dilectum iterum crucifiximus
ut Apostolus loquitur! Est autem hæc verecundia non minùs
peccatori utilis quàm necessaria. Vnde sic de ea D. Ambros.
Plurimum suffragatur reo verecundā confessio, & pœnam, quā
defensione euitare non possumus, pudore subleuamus. Et iterum
alio in loco: *Quem commissi pudet, nescit postea tale aliquid*
committere, unde similiter erubescat. Hæc ille. Habes plura
in loco proximè præcedente.

6. *Percutiebat pectus suum.*

L O C U S moralis de contritione cordis pœnitenti neces-
saria, quàm hac externā pectoris tunctione publicanus
prohte-

profitebatur, ut in altero Promptuario latius dictum est. Percutiebatur pectus ubi erat cor, ex quo omnia peccata pullulant, iuxta illud Saluatoris: *De corde exeunt quae inquinant hominem, furti, homicidia, adulteria.* Deus per Ioel sic poenitentes alloquitur: *Scindite corda vestra, & non vestimenta vestra:* id est, non tantum exterius signa doloris ostendite, sed & interius verum dolorem habetote. Sicut arbor quae radicitus euellitur, terram in qua haerebat, deiicit & comminuit; sic peccatum quod radicitus & omnino euellitur, cor in quo haesit, necessariò commotum valde & afflictum relinquere debet. Vbi cordis afflictio non sentitur, ibi adhuc peccatum haeret radice tenus, etsi fructus proferre ad tempus desinat. Quemadmodum vermes qui in puerorum intestinis generantur, pharmanis quibusdam vehemèter acerbis & amaris excutuntur; ita peccatum in intimis animi secessibus habitans, poenitentiae & doloris acrimonia extinguit. Doloris de peccato summam necessitatem, si rectè conuerti volumus, disertè Scriptura docet: *Conuertimini ad me in toto corde vestro, in fletu & planctu.* Dole & satage filia Sion quasi parturiens. Postquam percussisti me, egi poenitentiam; & postquam ostendisti mihi, percussi femur meum. Quod plangentis & super errore pristino plorantis indicium est, ait sanctus Hieronymus. Sed regius Propheta, qui & poenitentis personam accuratè egit clarissimè hoc docet: *Sacrificium Deo spiritus contribulatus, cor contritum & humiliatum Deus non despicies.* Et rursum: *Rugiebam à gemitu cordis mei: lauabo per singulas noctes lectum meum, lachrymis meis stratum meum rigabo.* Quod à nobis quemadmodum fieri debeat, docet Ambrosius: Ille qui sui sollicitus gubernator est, atque ingemiscens & dolens, lapsus superioris offensam quarit quomodo ablui fluctibus poenitentiae, hic lauat per singulas noctes lectum suum, id est, per singula peccata cor suum mundat. Sed & rursum sanctus Dauid: *Deus meus, vitam meam annuntiabo tibi, posuisti lachrymas meas in conspectu tuo.* Vbi pulchrè D. Ambrosius: *Lachryma*, inquit, *legationem solent suscipere pro delictis.* Sic Petrus abnegato Christo exiuit foras, & flevit amarè. Paulus quoque: *Quae secundum Deum, inquit, tristitia est, poenitentiam in salutem stabilem operatur.* Ecce enim hoc ipsum secundum Deum (id est, propter offensum Deum) contristari vos, quantam in vobis operatur sollicitudinem, ne denuo peccetis: sed defensionem coram iudice Deo, sed indignationem de praeteritis commissis: sed timorem de futuro relapsu, sed desiderium

*In Comment.
ibidem.*

Psal. 118.

*Sermo. 5. de
lapsis.*

*Homil. 50. En-
chirid. cap. 63*

*Past. cura. par. 3.
Admonuit. 31.*

*Homil. 7. ad pop.
Antioch.*

*Homil. in Mar.
Iuiv.*

*Domin. 9. post
Pentec. text. 1.*

*Superbiæ pœ-
na.*

desiderium nouæ vitæ, sed æmulationem gloriæ Dei, vt per nouam vitam eum glorificetis, quem peccato inhonorastis, sed vindictam. In seipso enim vindicat (ait Ambrosius) qui se causa delicti affligit. Quod ita sanctus Dauid fecit, vt diceret: Exitus aquarum deduxerunt oculi mei, quia non custodierunt legem tuam. Hunc igitur de peccato dolorem, vt certum peccati remedium, vt Deo sacrificium acceptum, vt iustam offensæ vindictam, diligenter iuxta Scripturas docent sancti Patres. Cyprianus plenam pœnitentiam vocat quæ dolentis & lamentantis animi probat mœsticiam: & eorum cæcitatem grauius reprehēdit, qui nec agnoscunt delicta, nec plangūt. Augustinus ait, satisfieri Deo per pœnitentiæ dolorem. Et iterū: Pœnitentiam certam non facit, nisi odium peccati, & amor Dei: quare in pœnitētia non tam considerata est mensura temporis, quàm doloris. Et D. Gregorius: Nequaquam satisfacimus si ab iniquitate cessamus, nisi voluptates quas dileximus, è contrario appositis lamentis insequamur. Neque enim Deus nostris cruciatibus pascitur, sed delictorum morbos medicamentis contrariis medetur. Quod adeò verū est, vt verissimè scribat Chrysostomus: Tristitiam nobis Deus non ob aliud indidit, nisi propter solum peccatum. Quod alio in loco latius ex eo deduximus. Horum sententiæ accedit sanctus Basilus: Fle super peccato: peccatum luctus est & implacabilibus lamentis dignum. Ob peccatum profluant effusissima lachryma, nec desinat ex imo pectoris recessu ingiter prosilire suspiciosus gemitus. Flebat Paulus inimicos crucis Christi: flebat Ieremias internecionem peruentis populi: flebat Dauid, & dixit: Defectio tenuit me pro peccatoribus derelinentibus legem tuam. Plura huc pertinentia vide suprā in alia Dominica. Hæc sacræ Scripturæ, hæc sanctorum Patrum manifesta doctrina est, dolorem cordis, sanando peccato necessarium esse. Sic publicanus iste acerbō peccati dolore tactus, percutiebat pectus suum.

7. Omnis qui se exaltat, humiliabitur.

LO C V S moralis de pœna superbiæ. Reddit Christus causam cur Phariseus cum omnibus suis virtutibus cōdemnatur, & in domum suam descendit non iustificatus. Quia videlicet seipsum exaltauit, seipsum prædicauit, seipsum glorificauit, in seipso sibi complacuit, in seipso confidebat, tanquam ex seipso iustus. Hæc sententia cum altera illi coniuncta (*Qui se humiliat, exaltabitur*) ter à Christo in Evangelio repetitur, vt eam tum tanto certius verissimam esse intellige-

intelligeremus, tum intellectam memoriae firmitus impressam teneremus. Nam & bis à D. Luca, & semel à sancto Mattheo diuersis vicibus à Christo pronunciata legitur. *Luca 14. & 29. Matth. 23.* Tanto igitur adhuc diligentius pertractanda est, etsi de hoc argumento iam in aliis Dominicis iterum atque iterum dictum sit: sicuti in duobus primis huius Euangelij locis annotatum est. At primum non dicit Christus, *Qui exaltatur*; sed, *Qui se exaltat*. Non potestas aut status, sed elatio, & uana sui ipsius exaltatio condemnatur, quocunque ea modo fiat, siue per ambitionem, & desiderium celsitudinis, siue per vanam complacentiam acquisiti honoris, siue per despectum aliorum, siue per confidentiam & gloriationem in seipso. Tot enim modis homo se exaltat per superbiam: & tot modis Deus irritatur ut superbientem humiliet. Angelos superbientes, & seipsos exaltantes, ad ima detrusit Deus. Dauidé, quia eleuatum est cor eius, & iussit populum numerari, ut gloriaretur in potentia, acerba peste inminuto populo puniuit. Chore, Dathan, & Abiron, quia seipsos exaltare uoluerunt, dicente illis Moyse, *Multum erigimini filij Leui*, uiui in infernum descenderunt: Alia ex Scripturis exempla alibi prolata sunt. Nummus qui descendit in statera, in thesaurum mittitur; qui uero ascendit, reprobatur. Sic superbi reprobantur à Deo. *Et ipsi* (inquit Dauid) *de manu tua repulsi sunt, & proiecasti eos dum alieniarentur*. Sicut lanx trutinæ, quanto leuior est, tanto amplius sursum ascendit: sic quanto homo uanior est & inanior, tanto se exaltat magis. Sicut fauus eo plenior melle esse solet, quo in imo magis alueario resederit, & quanto excelsior est, tanto ferè inanior conspicitur: ita superbus & arrogans inanis à Deo relinquitur, humilis gratia repletur. *Esurientes impleuit bonis, & diuites dimisit inanes*. Aquila in altum admodum testudinem eleuat, inde uel inter immania saxa, ut cibum extrahat, misere præcipitat. Sic in persona superbiorum dicit Iob Deo: *Eleuasti me, & quasi super ventum ponens me, allisisti me ualide*. Vnde Sapiens: *Ante ruinam exaltatur cor hominis*. Luctator ut aduersarium fortius deiiciat, eum sursum in aërem leuat. Sic superbus, uel à seipso, uel à diabolo exaltatur, ut grauiori casu ruat. Esaïas Propheta quum de superbo dixisset, *Nunquid gloriabitur securis contra eum qui secat in ea, &c.* subiungit: *Propter hoc mittet dominator Dominus exercituum in pinguibus eius tenuitatem, & subtus gloriam eius succensa ardebit quasi combustio ignis*. Docet citò & acerbè perituum,

Se exaltare
quid.

Exempla.
2. Petr. 2.
2 Reg. 24.

Numer. 16.

Similia.

1.

Psal. 72.

2.

3.

4.

Iob 30.

Prouerb. 18.

5.

Esaïa 10.

*Exempla.**Esaia 37.**Ezech. 28.**Ezech. 31.**Esaia 16.**Paulus à Palatio in cap. 23.
Matth.*

1.

2.

*Job 41.**Apocal. 16.*

3.

*Eccles. 10.**Genes. 16.*

4.

qui contra Deum superbit, seipsum exaltans. Ad Sennacherib verò regem Assyriorum, qui per Rabfacem seruum suū exprobrauerat ciuitati Hierusalem, & Deo habitatori eius, sic per Prophetam Deus loquitur: *Cum fureres aduersum me, superbia tua ascendit in aures meas. Ponam ergo circulum in naribus tuis, & frenum in labijs tuis, & reducam te in viam per quam venisti.* Porro ad principem Tyri sic per Ezechielem Deus loquitur: *Eo quòd eleuatum est cor tuum sicut cor Dei, idcirco ecce ego adducam super te alienos robustissimos gentium: Interficient te, & detrahent te, &c.* Sed & Pharaoni principi Ægypti similiter comminatur Deus: *Pro eo quòd sublimatus est in altitudine, & dedit summitatem suam virentem atq; condensam, & eleuatum est cor eius in altitudine sua; tradidi eum in manus fortissimi gentium, faciens faciet ei. Iuxta impietatem eius eieci eam.* Alexander Magnus, quum Dario dimidium regni sui offerenti responderet, nec terrā duos soles, nec Asiā duos reges ferre posse; non ira multo pòst in florenti ætate moritur, veneno sublatus. Cōtra superbus Moabitas sic intonat Esaia: *Audiuius superbiam Moab. Superbus est valde: Superbia eius, & arrogātia eius, & indignatio eius plus quā fortitudo eius. Idcirco ululabit Moab ad Moab, vniuersus ululabit:*

Sed exemplorum non est numerus. Causas breuiter annotabimus. Deus est purissima veritas: non potest igitur non maximè odisse mendacium. At mendacium grauissimum est, putare te aliquid esse, quum nihil sis. Nec obstat, quòd pari ratione iniustitia erit maximè quoque Deo exosa, quia Deus est iustitia. Grauior enim est corruptio quæ in fundamento latet, quàm quæ in tecto aut pariete. At putare te aliquid esse quasi ex te, quum nihil sis, corruptio quædam est in ipso esse, ac fundamento omnium virtutum atque operationum. Rursus superbia vexillum diaboli est. *Ille enim est princeps super omnes filios superbiam.* Odit igitur Dominus eos *qui charactere bestia sunt insigniti.* Deinde, qui se exaltat, necesse est vt alios deprimat, veluti qui cubito omnes deiciat, vt primum in theatro locum obtineat. Omnibus ergo bellum indicit superbus. Meritò igitur odibilis Deo *& hominibus superbia.* Meritò cuiusuis manus contra eum, *postquam manus eius contra omnes est.* Iam verò originem suam inquirat superbus. Genus, opes, fortuna fundantur in corpore: virtus, eruditio, pietas, scientia, fundantur in anima. At hæc nōne ex nihilo creata sunt? Egrègium verò celsitudinis fundamentum. Quomodo se exaltat

se exaltat cuius fundamentum nihil est? Porro vt humani ge-
 neris Redemptor te, superbe, seruaret, quousq; descendit, vt
 te inueniret, indeq; te eriperet? Nónne ad inferiora terræ?
 Qui tam iacet profundus, quomodo se exaltat? Sed & quò
 tendas vide, nisi Dei te misericordia saluet. An non in infer-
 ni barathrum? Quomodo se exaltat, qui inferno dignus est?
 Nam quòd peccatores, & vtcunque in quibusdam placeas, in
 multis tamen offendis (*nam in multis offendimus omnes*) pec-
 catum autem te Deo inimicum, cupiditatis mancipium, dia-
 boli captiuum facit; quomodo te exaltas, quem tam vilem
 peccatum fecit? Postremò, qui ad tot & tanta Dei beneficia
 obsurdescis, qui Christi humilitatem vel cæcus non vides, vel
 videns imitari non potes, tam surdus, cæcus, & claudus, atque
 adeò in peccato suo mortuus, quomodo se exaltat? Hæc vt
 summo odio sunt digna, sic odibilem Deo reddūt superbū,
 & idcirco necesse est vt humilietur. Pronunciat per Prophe-
 tam Deus: *Incuruabitur homo, & humiliabitur vir, & oculi su-*
blimum deprimentur. Et alius Propheta: *Vidi impiū superexal-*
tatum super cedros libani; & transiui, & ecce non erat. Aptè
 quoque Abacuc: *Quomodo vinum potantem decipit, sic erit vir*
superbus. Sicut enim capitis vertigine laborans, & vino cap-
 tus, in omnem lapidem impingit, & mille periculis obno-
 xius est: sic qui seipsum exaltat, quasi homo læsi cerebri, &
 nimio sui amore quasi vino captus, faciliè humiliatur & im-
 pingit; multa absurdè facit, multis se ridiculum præbet. Si
 quis cum statura cubitus sit, instar montium, imò etiam altiore
 se putet, ac ideo seipsum quasi montes excessurus erigat; nullū iam
 aliud signum eius insania quæreremus. Sic cum hominem infla-
 tum vides, qui seipsum præ ceteris exaltat, nullum aliud signum
 ve cordia hominis exquiras. Quum Benadad rex Syriæ arro-
 ganter dixisset, *Hæc faciant mihi dii, & hæc addant si suffecerit*
pulus Samaria, pugillis omnis populi qui sequitur me: appositè
 ei respòdit Achab rex Israel, *Ne glorietur accinctus & què vt di-*
scinctus, id est, noli canere triumphum ante victoriam; ne sic
 glorietur adhuc ad prælium accinctus, atque ille qui finito
 prælio, & parta victoria, discinctus arma deponit. Qui se in
 hac vita exaltat, gloriatur adhuc accinctus. Sed Deus tales
 humiliat, vt illum Benadad humiliauit, cuius numerosum
 exercitum per pueros principum prouinciarum numero 132.
 profligauit.

Fumus à loco ignis erumpens in altum extollitur, & ipsa
 elatione in magnum globum intumescit; sed quanto fiet
 globus

5.

6.

7.

Iacob 2.

8.

Esaia 5.
Psal. 36.Abac 2.
Similia.Chrysost. Hom.
59. in Matth.Exemplū.
3. Reg. 20.

Similia.

August. enar. in
Psal. 36.

globus ille grandior, tanto fit vanior. Sic impius quo magis exaltatur, eo magis deficit. Sicut in area extollitur palea super granum, non quòd sit dignior, sed quòd sit leuior: sic in hac vita superbus fertur super humilem, non propter virtutem, sed propter vanitatem.

*Ecclesi. 10.
Parabola.*

Verissimè qui se exaltat, humiliatur: quia sese exaltando, peccatum incipit, & virtutem abrumpit. Nam vt *initium omnis peccati superbia*; sic ruina omnium virtutum est arrogantia, vt in superioribus ostensum est. Volebant duo homines ingredi in magnificam aulam per postem depressum. Vnus se inclinans, transiuit: alter erectus, & magno impetu se intrudens, leso grauitè capite, cedit retrò. Hæc magnifica aula est domus cælestis, cuius *via arcta & angusta est*, cuius ostium humile & depressum est: *Christus enim est ostium, mitis & humilis corde*. Qui se humiliat, in eam intrat: qui se exaltat, reieicitur, & in terram, imò in infernum cadit. Docet nos Christus: *Cùm inuitatus fueris ad nuptias, non discumbas in primo loco, ne fortè honoratior te sit inuitatus ab illo, & veniens is, qui te & illum vocauit, dicat tibi, Da huic locum; & tunc incipias cum rubore nouissimum locum tenere*. Hæc nuptiæ, sunt nuptiæ Agni, & cæna magna ad quam omnes inuitati sumus.

Matt. 7.

*Ioan. 10.
Marth. 11.*

Luca 14.

Exempla.

Qui se exaltans vult primo loco accumbere, cum ignominia derudetur in infimum. Talia iudicia exercuit Deus in Abimelech filio Gedeonis, in Absalone regnum patris affectante, in Athalia regnum occupante, in Adonia paternum quoq; regnum ambiente, in Vasthi regina Assuero viro parere nolente, aliisq; multis supra in hoc Euangelio, & in alia Dominica commemoratis. Sicut in hyeme frigore vigète, & æstate nimio calore omnia inflammante, rariò cadunt ingentia fulmina, vt refert Plinius, sed vere & autumnò quando aër est serenus & tranquillus: sic ærumnæ & calamitates à Deo immissæ, non eos quærunt, qui in humili statu laborant (nisi rariùs ad probationem & maiorem ipsorum gloriam) sed illos repentino vulnerant in petu & deiciunt, qui in tràquillo prosperitatis superbia extolluntur, & inani mundi gloria insolescunt. Non gloriatur fumus quia ascendit, nam ascendendo euanesceat. Vnde Propheta regius: *Sicut deficit fumus, ita deficiant*. Adeò semper verum est: *Omnis qui se exaltat, humiliabitur*.

Simile.

*Natural. hist.
lib. 2.*

Psal. 67.

8. Et omnis qui se humiliat, exaltabitur.

Locus moralis de certa & amplissima humilitatis mercede. Hūc locum etſi in alijs Euāgelijs iam ſemel atq; iterum tractauimus, tamen, propter ſaluberrimę huius doctrinę explicationē vberiorē, quædam hīc addemus, prout Deus dabit. Nō qui ſimpliciter humiliatur, puta propter peccata ſua, vel ab extrinſeco quod inuitus patitur; ſed qui ſeipſum humiliat, ille exaltabitur à Deo, ſiue in hac vita, ſiue in altera. Sed quia de humilitate ſæpe diximus, & nunc iterum dicendum eſt, in quo illa cōſiſtat, deq; eius gradibus pauca ad captū popularē annotabimus. Vt in omni virtute & pietatis actione, ſic in humilitate tres ſunt hominū gradus: primus eſt incipientiū, ſecundus proficientiū, tertius perfectōrū. Quū autem humilitas duplex ſit, ſiue quoad alios, ſiue quoad ſeipſum, in vtraq; ſpecie tres hi gradus inueniuntur. Circa humilitatem quoad alios, incipiens & vulgaris Chriſtianus paratus eſt maioribus ſuis, ſiue ætate, ſiue ſcientia, ſiue virtute deferre, ſeq; ſubmittere, eorū aut mandata iuſta tolerando, aut etiā conſilijs, vbi res poſtulat, obſequendo; nec ſe vnquam præfert æquali. & hæc eſt neceſſaria humilitas. Proficiens vero & melior Chriſtianus etiā æqualibus ſuis, ſiue ætate, ſiue ſcientia, ſiue virtute deferre, ſeq; inferiorē iudicare, eorum quoq; conſilia nō aſpernādo, non dubitabit: minoribus quoque ſuis ſuo ſe iudicio non præferet. & hæc eſt humilitas à Chriſto & Apoſtoliſ laudata & commēdata; quā ſanctus Auguſtinus vocare ſolet *propriam diſciplinā Chriſtianorum*. Nam prima officioſa magis eſt quā pia, ipſiſq; ethnicis cōmunis. Perfectus verò Chriſtianus, & qui proximē ſequi Chriſtum cupit, etiā minoribus ſuis, quocūque reſpectu huiusmodi, ſe ſubmittere, ſe inferiorē & deteriore iudicare nō verebitur, eiſdē etiā, ſi res poſtulat, vel conſulentibus morem gerere; vel etiā iubentibus quæ licitè & honeſtè iuberi poſſunt, parere paratus. Hæc eſt heroica & excellens humilitas, quam Chriſtus redēptor in ſua benedicta perſona primus exercuit, *veniens miniſtrare, non miniſtrari, lauans pedes diſcipulorū ſuorum, ſubditus patri putatio*: quā etiam imitatus eſt Paulus, *factus omnibus omnia, vt omnes lucrificeret*; & ſic inter fideles conuerſatus, vt dicerent Corinthij: *Præſentia corporis infirma, epistoſa fortes*: propter humilem ipſius inter eos conuerſationem. Ad hāc hortatur Scriptura, & huic maximè exaltationis merces. repromittitur, etſi etiam de ſecundo gradu veriſſimū ſit,

Humilitatis
ampliſſima
merces.Humilitatis
gradus & par-
tes.

Epist. 56.

Chriſti humi-
litas.

Matth. 20.

Ioan. 13.

Luca 2.

1. Cor. 9.

2. Cor. 10.

Humilitas
quoad seipsū.

Matth. II.

Psal. 68.

2. Cor. 6.

Ioan 1.

Luca 1.

Matth. 8.

Similia.

Eccli. 3.

fit, quod qui sic se humiliat, exaltabitur, ut mox ostendetur. Circa alteram humilitatis speciem quoad seipsum in vnoquoque, incipiens & vulgaris Christianus de nullis suis bonis sibi placet (contrarium enim superborū est, ut ex dictis patet) culpā quoque suā facile agnoscit (alioqui enim impius est, & grauius, imò immedicabiliter peccat) & hæc est humilitas veritatis, vnicuique necessaria, solo rationis lumine perspicua. Proficiens & melior Christianus culpam suā, etiam ubi non est, agnoscit, & quod de seipso humiliter credit, hoc etiā ab alijs de ipso iudicari libenter permittit. & hæc est humilitas charitatis, qualē Christus habuit, dicens: *Discite à me quia mitis sum, & humilis corde*, id est, paratus ab alijs vilipendi: et si in Christo ac nobis hoc discriminē sit, quod ille sola voluntate ita se humiliavit, & impropria exprobrantiū ceciderūt super eum, quia sic voluit: nos verò necessitatem habemus sic humiliādi nos; quia nostro vitio id ut plurimum meremur, ut alij nos vilipendant & despiciant. Nostro tamen vitio talis despectus prouocandus non est, nec offensionem dare proximo debemus: Sed ut tales ab hominibus iudicemur, quales coram Deo & conscientia nostra sumus, id verò Christiana humilitas flagitat. Alioqui de numero illorum fueris, qui apparere boni quā esse mallent. Perfectus autem in hoc genere, quum sit omnium optimus, se omnium esse pessimū arbitratur; qualis maximē erat vir ille incomparabilis sanctus Franciscus, ut alibi annotauimus. Qui se humiliat secundo modo, exaltabitur; sed magis qui tertio modo. Sic se humiliavit sanctus Ioannes Baptista, dicens: *Non sum dignus corrigiam calceamenti eius soluere*. Sic diuus Petrus: dicens: *Exi à me Domine, quia peccator ego sum*. Sic Centurio ille: dicens: *Domine, non sum dignus ut intres sub tectum meum*. Quæ omnia loca in alijs iam Dominicis tractauimus. Hac ergo explanatione præmissa, verba Christi elucidanda sunt.

Qui se humiliat, exaltabitur, eo quod humilitas virtus est, ut in se præstantissima, ita Deo gratissima. Sicut enim quanto profundior est puteus, tanto eius aqua est dulcior: sic quanto quisque humilior fuerit, tanto Deo gravior est. Sicut lanx trutinæ quanto plenior & grauior, eo descendit magis: sic anima virtute & vera pietate plena se humiliat magis iuxta id quod scriptum est: *Quanto maior es, tanto te humilia in omnibus, & coram Deo inuenies gratiam*. Et expende causā quas subiungit Scriptura: *Quoniam magna est potentia Dei solius, &*

ab

ab humilibus honoratur. Duo dicit: Quod solus Deus per se, & ex se magnus & potens est, omnes alij beneficio illius; ideoque quo quisque Dei beneficio maior est, eo obstrictior & obligatior manet, magisque Deo obnoxius & subiectus. Quare qui de bonis vel temporalibus vel spiritualibus gloriatur, perinde facit, ac si diceret: Plurima debita quæ soluere non possum, debeo. 2. Quia quum diuinæ potentiae debeat honor, hunc soli humiles Deo deferunt: tum quia tales faciliè obsequuntur, tum quia talium obsequio Deus delectatur. Hinc autem fit vt faciliè exaltentur à Deo. Ait enim: *Quicumque honorificauerit me, glorificabo eum: qui autem contemnunt me, erunt ignobiles.* Quod si in hoc Euangelio humilitas publicani cum peccatis tantum valuit, vt Pharisei sanctitatem superaret, Deumque ad misericordiam flecteret; quid faciet humilitas cum vera pietate coniuncta? Quemad-

1. Reg. 2.

modum vt ignis in sublimem flammam & splendentem exsurgat, flabello prius multum deprimi debet: sic humiliari oportet, qui exaltari à Deo desiderat. Hinc diuus Petrus: *Humiliamini sub potenti manu Dei, vt vos exaltet in tempore visitationis.* Quodenim anchora in naui, hoc humilitas in mente operatur, vt inter feroces mundi fluctus, & vel vanos seculi honores, vel aduersæ fortunæ tumentes vndas, humiliter compressa, in tuto ac tranquillo maneat. *Qui iacet in terra, non habet vnde cadat.* Qui humiliter de se sentit, ideoque tum sua sorte contentus est; tum quicquid à Deo immitritur, æquanimiter fert, imò grauiora se commertum arbitrat; illum nihil è statu suo dimouere potest. Vide quibus verbis, quo affectu, quanto studio, ad hanc animi demissionem & humilitatem Philippenses suos hortetur A-

Simile.

1. Pet. 5.

Simile.

postolus: *Si qua (inquit) consolatio in Christo si quod solatium, si qua societas spiritus, si qua viscera miserationis, implete gaudium meum.* Vides quàm enixè obsecrat, quasi que coniurat. Si accepisti (inquit) aliquam consolationem ex Christi doctrina & conuersatione; si experti estis in vobis aliquod charitatis solatium, si cum diuino Spiritu aliquam societatem aut similitudinem habetis; si viscera vestra aliquo amoris affectu tanguntur, per hæc omnia vos adiuro, hanc mihi vnâ gratiam præstate, eamque non modicam, sed quæ mihi plenum gaudium allatura est. Quæ demum hæc tanta res est, quam ita anxie tantus Apostolus tot verbis flagitat? Sequitur: *Vt idē sapiatis, eandē charitatem habentes, vnanimos idipsum sentientes; nihil per contentionem, nec per inanē gloriam,*

Ezech. 17.
Similia.

riam, sed in humilitate superiores sibi inuicem arbitantes, non quæ sua sunt singuli considerantes, sed ea quæ aliorum. Sic ille ad humilitatem, & (quæ sine ea non est, imò per eam & generatur, & conseruatur) ad pacem, ac charitatem fraternam adhortatur. Dicit Deus apud Prophetam: *Ego Dominus humiliavi lignum sublime, & exaltaui lignum humile.* Humilitas est gossipium, in quo conseruatur virtutum moschus, præstantissimum spirans odorem. Sicut in arte Arithmetica quædam notula est, quæ vocatur siphra, quæ nihil valet, sed facit valere, & auget valorem quum nullum ipsa habeat, coniuncta enim vnitati, facit decem, & cōiuncta denario numero, facit centum, ac denique coniuncta centum, facit mille: ita planè humilis animi submissio, sui quæ abiectio, quum ex se in hac vita nihil apud homines valeat, sit quæ res sua natura abiectissima, & nullius valoris, tamen facit omnes alias virtutes apud Deum valere; & coniuncta vni virtuti, facit valere decem, vt hîc in publicano vni orationi coniuncta, coniuncta pluribus virtutibus, facit infinitè valere, vt in beata Virgine, Ioanne Baptista, diuo Petro, aliisque humilitate insignibus fecit, sicuti in alia Dominica explicatum est. Sicut prima materia omnium formarum capax est; quo autem quæque materia plures formas iam habet, eo minùs nouarum capax est: sic anima humilis nihil sibi attribuens, omnium Dei gratiarum capax est; & sicut tabula rasa, omnes à Deo figuras capit. Quo autem quisque sibi plus tribuit, eo minùs à Deo gratiarum capax est. Hinc Scriptura: *Iuxta est Dominus his qui tribulato sunt corde, & humiles spiritu saluabit.* Et iterum: *Quoniam tu populum humilem saluum facies, & oculos superborum humiliabis.* Vix aliud frequentius docet Scriptura.

Psal. 33.

Psal. 17.

Illud admiratione dignum est, ipsos etiam Gentiles hoc videre potuisse, quod post tot diuini Spiritus oracula, vix adhuc nos Christiani credimus; certè ita passim superbimus, vt nihil minùs credere videamur. Chilo enim Lacedæmonius interrogatus ab Æsopo quid ageret Iupiter, respondit: *Excelsa humiliat, & humilia extollit.* Magni artifices, quo maiorem sibi gloriam parent, viliorum materiam pulcherrimo operi subiiciunt. Deus vt pulcherrimum opus faciat, humiles & abiectos exaltat. Omnes res exiguæ aspectum nostrum magis oblectare solent, & elegantiores videntur, exiguus puer, vitulus, catellus. Qui Homeri Iliada in nuce vna conclusit, mirabile opus fecisse videbatur. An hic instinctus

Lært. lib. 1.

Simile.

Causæ cur
humiles ex-
altentur.

1.

ex diuino emanauit, cuius illa vox est: *Nisi efficiamini sicut paruuli, non intrabitis in regnum cælorum?* Paruulis delectatur Deus. Rursum ideo Deus humiliatum exaltat, quia generosum & magnificum est. Regia enim & magnifica vox est: *Parcere subiectis, & debellare superbos.* Quod leonī principi animalium in more est, qui nec hominem, nec bestiam lædit ante pedes prostratam. Porro quum Deo proprium sit misereri, miseros quærit, quorum misereatur: eos videlicet, qui se miseros profitentur & agnoscunt, quod soli humiles faciunt. Imò cum nulla in Deo maior sit virtus, quàm misericordia, & bonitas sui diffusua, nihil magis amat quàm humiles, in quos se effundat; sicut homo liberalis & largus, eīs maximè delectatur, quibus se liberalem præstare potest. Fontes & flumina non per accliuia decurrunt, nec montes petunt, sed per decliuia & valles labuntur. Sic *omne datum optimum de sursum est, descendens à Patre luminum.* Si descendit ergo in humiles, non in elatos. Sed & ex parte nostra, humiles soli sunt diuinæ gratiæ capaces. Ait Christus de sua gratia: *Si quis biberit ex hac aqua, fiet in eo fons aqua salientis.* Si salientis, ergo ex imo loco saliet: ergo ex humili corde. Ideo non dixit currentis, aut defluentis, sed salientis. Rursum. *Flumina de ventre eius fluent aqua viua.* Si de ventre, qui locus infirmus & abiectus est, certè in humilem & abiectam sui ipsius considerationem deriuabitur gratia infusa. Ideo non dixit, ex capite, ex pectore, sed de ventre fluent. Iā verò si Christus non nisi per humilitatem exaltatus est (*Humiliauit enim semetipsum vsque ad mortem, &c. propter quod & Deus exaltauit illum, &c.*) tu, qui te Christi membrum profiteris, insanis, si alia via te exaltandum putas. *Non est discipulus super magistrum, nec seruus maior domino suo.* Denique in cælo tota curia humilium est. Omnes enim illic procidunt in facies suas, *mittentes coronas suas in conspectu Agni.* Vnicum illic negotium est, perpetuum humilitatis exercitium, quo Deus laudatur de beneficijs acceptis. Noli putare superbos in militia, triumphaturos in humilitate. Hinc Sapiens: *Vbi humilitas, ibi sapientia, & simplicitas iustorum diriget eos.* Hanc viam ad ecclum Deus constituit. Noli aliam quærere.

At enim alia Scriptura dicit: *Noli esse humilis in sapientia tua, ne humiliatus in stultitiam seducaris.* His verbis nostris temporis Pharisei abutuntur, vt suum supercilium speciosè tueantur. Sed sensus est: Noli esse deiecti animi, & pusillani-

Simile.

5.
Iacob. 1.
6.

Ioan. 7.

7.
Philip. 3.

Matth. 10.

8.
Apoc. 4.

Prou. 11.

Eccli. 13.

Eccli. 7.

mis, qui in autoritate & officio constitutus es, *ne non valeas perrumpere iniquitatem*; vt eadem Scriptura alibi dicit. Datæ potestatis iustam administrationem, non superbi animi elationem, aut externum fastum ac typhum hæc Scriptura docet. Imò eadem Scriptura paulo antè dixit: *Sapientia humiliati exaltabit caput illius, & in medio magnarū cōsedere illum faciet.* Sapiens enim seipsum humilians, vel etiam ab alijs humiliatus, nihilominus tamen in sapientia sua manens, exaltabitur. Exemplum primi, Daniel, qui protestatus se non ex sua sapientia, sed ex Deo arcana reuelare, à Nabuchodonosor exaltatur. Exemplum posterioris, Ioseph, qui venditus, incarceratus, & maximè humiliatus, exaltatur à Pharaone. Sed dictum illud Ecclesiastici, aurea illa diui Gregorij Papæ sententia explicat, qua dicit: *Quum culpa non exigit, omnes secundum rationem humilitatis æquales sunt.* Docet, omnes totius orbis Episcopos Sedi Apostolicæ Romanæ ita subditos esse, vt quum autoritate contra delinquentes Episcopos, vel alios quosuis vtendum est, & ex officio aliquid agendum, tunc quidem non humiliari in sapientia sua, sed pro autoritate qua pollet, rem præsentem agere, & superiorem se ostendere Pontificem debere (quod & in quouis alio superiore, suorum respectu subditorum, locum habet) at verò extra hanc causam perpetuam semper humilitatem seruare, seque cæteris omnibus æqualem iudicare omnem superiorem oportere. Quanto magis qui solo titulo maiores, nullam in alios iurisdictionem habent? Talis quoque erat D. Chrysostomus, qui erga Principes viros, ipsumque Imperatorem Arcadium (quum ad preces Gainæ templum Arrianis Constantinopoli dari vellet) & Eudoxiam Imperatricem, quam pro Callitropæ viduæ vinea in os arguit, excelsum se, & rigidum præbuit: cum cæteris autem omnibus, sed magnis, seu paruis, in nullo contra Deum delinquentibus, familiarissimè cum omni suauitate & humilitate conuersatus est, vt in vita sancti Porphyrij Gazæ Episcopi, apud Surium videre licet.

Eccli. 17.

Exempla.

Daniel. 2.

Gen. 41.

In Registro.

lib. 7. epist. 64.

In vita eius

apud Surium.

tom. 1.

Tom. 1. pag.

407.

EVANGELIVM DOMINICÆ XI.

POST PENTECOSTEN.

Mat. 6. 7.



Xiens Iesus de finibus Tyri, venit per Sidonem ad mare Galilææ, inter medios fines Decapoleos. Et adducunt ei surdum & mutum; & deprecabantur eum, vt imponat illi manum. Et apprehendens eum

eum de turba seorsum, misit digitos suos in auriculas eius, & expuens tetigit linguam eius. Et suspiciens in cælum, ingemuit; & ait illi: Ephpheta, quod est, adaperire. Et statim aperta sunt aures eius; & solutum est vinculum lingue eius, & loquebatur rectè. Et præcepit illis ne cui dicerent. Quanto autem eis præcipiebat, tanto magis plus prædicabant, & eo ampliùs admirabantur, dicentes: Bene omnia fecit; & surdos fecit audire, & mutos loqui.

PERICOPÆ moralis huius Euangelij.

1. Adducunt ei surdum & mutum; & deprecabantur eum, ut imponat illi manum. De iuuandis proximorum necessitatibus, & de zelo animarum.
2. Surdum & mutum. De statu peccatoris longa consuetudine obdurati.
3. Et apprehendens de turba seorsum. De peccati occasione & conuerfatione noxia ante omnia fugienda.
4. Misit digitos suos in auriculas eius. De inuocanda Dei gratia, ut auditum fidei & obedientiæ in nobis aperiat.
5. Et expuens tetigit linguam eius. De gustu spiritali rerum cœlestium, per sapientiæ donum diuinitus concessum.
6. Et suspiciens in cælum, ingemuit. De miserando hominis in peccato statu, & ipsius peccati turpitudine, enormitate, horrore.
7. Et præcepit illis ne cui dicerent. De fuga gloriæ, & exultationis propriæ.
8. Quanto autem præcipiebat, tanto magis plus prædicabant, &c. Locus duplex. Primus, quod gloria fugientes sequitur. Secundus, contra torporem fidei.

1. Adducunt ei surdum & mutum; & deprecabantur eum ut imponat illi manum.

Locus moralis de iuuandis proximorum necessitatibus, Proximorum
 siue de zelo animarum. Quod enim isti circa corporales necessitates
 huius surdi & muti necessitates præstiterunt, ut eum ad iuuandæ.
 Christum adducerent, nec adducerent tantum, sed & pro
 eo deprecarentur; hoc à nobis sedulò imitandum esse circa
 proximorum nostrorum necessitates, non corporales mo-
 dò, sed multo magis spirituales, ipsa Christi Redemptoris
 bonitas in hoc surdo & muto liberando luculenter docet.
 Nam non solum huic surdo & muto imponit manum (quod
 solum rogatus fuerat) sed etiam eum prorsus sanat: aperit
 eius aures, soluit vinculum lingue, & ita soluit, ut loqueretur.

tur rectè, id est, non secus exactè atque perfectè, quàm si nullum vnquam loquendi impedimentum passus fuisset: Sanat igitur, atque perfectè sanat. Sed & præterea modo quodam admirabili, & qualem præterea in Christi factis non legimus, eum sanare voluit, arijs adhibitis ceremonijs, quas postea singulas tractabimus, quia singula habent morum documenta. Adeò Christo grata & accepta fuit horum hominum erga proximi salutem cura, beneuolentia, charitas. Hanc & nos studiosè imitari par est, vt aberrantes in via morum proximos nostros, vel consilio & auxilio ad Christum adducamus, vel certè pijs precibus Christo commendemus. Nihil hac pietate & charitate Deo gratius. Maxima fuit Moylis laus & commendatio zelus salutis populi sui, quem his verbis expressit: *Aut dimitte eis hanc noxam; aut si non facis, dele me de libro tuo quem scripsisti.* qua incredibili charitate se flecti passus est Deus. Magna laus Abraham, qui pro Sodomis & Gomorria etiam quarta vice Deum orauit, eumque pro flagitiosissimis hominibus tam diu orantem Abraham audire Deus voluit, quàm diu ipse Abraham orandum sibi esse putauit. Nec enim priùs Angeli ab orante Abraham recesserunt, quàm ipse orandi finem fecisset. Sed & Lot iustus non contentus sua & suorum è Sodomis liberatione, adhuc pro ciuitate Sogor vicina intercessit, & impetrauit, respondente ei Angelo: *Ecce etiam in hoc suscepi preces tuas, vt nō subuertam urbem pro qua locutus es: Festina, & saluare ibi: non enim potero facere quicquam donec ingrediaris illuc.* Vix quicquam laudabilius David fecit, quàm cū percutienti Deo populum se obijciens dixit: *Ego sum qui peccaui, ego iniquè egisti, qui oues sunt quid fecerunt? vertatur obsecro manus tua contra me.* Sed & in Apostolo Paulo hæc in proximi salutem charitas incredibiliter flagrauit; primum ad lucrandos Iudæos, quum diceret: *Optabam anathema esse à Christo pro fratribus meis, qui sunt cognati mei secundum carnem.* Et vide atque expende quale hoc sit. Anathema esse à Christo, est reprobū & deserrū esse à Christo. Sic enim alibi dixerat: *Si quis non amat Dominum nostrum Iesum Christum, anathema, maranatha.* Atqui idem Paulus in verbis ferè proximè præcedentibus pronitetur, quòd nihil eum à charitate Christi separare potest, *neque mors, neque vita, neque Angeli, neque principatus, neque virtutes, neque instantia, neque futura, neque altitudo, neque profundum, neque creatura alia: nō tribulatio, non angustia, non fames, nō nuditas,*

Exempla.
Exod. 32.

Gen. 18.

Gen. 19.

2. Reg. ult.

Rom. 9.

1. Cor. 16.

Rom. 8.

non periculum, non persecutio, non gladius Nihil horum potuit, & tamen charitas erga salutem proximi hoc potuit. Opat hoc ergo non simpliciter, sed ob magnitudinem charitatis, cum qua, si fieri posset (quod fieri non potuit) etiam Christo carere solus maluit, quàm ut tot ceteri careant. Deinde ad conservandos in Christo iam credentes, vide eius charitatē. 2.

Coarctor (inquit) *è duobus; desiderium habens dissolvi, & esse* Philip. 1. *cum Christo, multo magis melius: permanere autem in carne, necessarium propter vos. Et hoc confidens scio, quia manebo & permanebo omnibus vobis ad profectum vestrum, & gaudium fidei.*

Merito hic exclamat Chrysostomus: *Pa pa, quis est hic Apostoli animus? Nihil illi par unquam vel fuit, vel erit: futura mentis, (timeo enim, dixit, ne quum alijs predicauero, ipse reprobis efficiar) innumeris malis obnoxius es. (In tribulationibus, in angustijs, in plagis, in carceribus, in seditionibus, in ieiunijs, &c) & apud Christum tamen esse non vis? Quis mercator nauem habens mercibus plenam, cum liceat iam ad portum appellere, adhuc tamen in mari nauigare vellet? Quis athleta cupit amplius certare, quum iam liceat coronari? Quis miles, quum iam liceat cum triumpho domum reuerti, & omnium rerum affluetia frui, adhuc in bello sudare, & periclitari sustineat? Sed hoc fecit charitas diui Pauli, non sua quærentis, sed quæ aliorum; ut in eadem epistola paulo post alios suo hoc exemplo celeberrimè adhortatur: Non quæ sua sunt singuli considerantes, sed ea quæ aliorum. Sanè quum duplex sit peccati facies, vna peccantium malitia, altera eorum miseria & infelicitas; qui illam solum considerant, odio illos prosequuntur & auersantur; sed qui hanc posteriorem aspiciunt, commiseratione & auxilio dignos arbitrantur. Plura de hac materia iam in alijs * Euangelijs protulimus, quæ hic locum habent, & huc referri possunt.*

In Comm. ibid.

1. Cor. 9.

2. Cor. 11.

Similia.

Philip. 1.

** Domin. 2. post*

Epiph. text. 2.

Domin. 3. post

Pentec. text. 1.

& 3. Domin. 9.

post Pent. text. 1.

Domin. 2. post

Pasch. text. 2.

Consuetudo

peccati.

2. *Surdum & mutum.*

Locus moralis de statu peccatoris in peccatis longa consuetudine obdurari. Talis enim verè surdus & mutus est spiritu, sicut hic corpore fuit. Et tales surdos ac mutos hic à Christo sanatus nobis figurauit, quem propterea insolito & admirabili modo sanare voluit, ut nos doceret quam sit difficile & arduum, peccati consuetudinem vincere, vel obduratum in peccato, qui nec audire Dei verbum, ut sanetur, sustinet, nec os ad Deum aperire, vel ad peccati confessionem, vel ad Deum exorandum valet, sanare, & integræ animitati restituere; sic ut rectè loquatur, aurisque ad Deum

Miracula Christi apertas habeat. Nullo enim modo dubitandum est, totum
 sti spirituali- hoc miraculum etiam iuxta literam spiritualiter esse intel-
 ter intelligēda. ligendum, eaque de causa & Christum cum tot ceremoniis

1.

2.

3.

De verb. Domi-
 ni, Sermo. 44.

Simile:

Tractat. 24. in
 Ioan.

Matth. 21.

Homil. 2. super
 Euang.

Domini 3. Qua-
 drag. text. 1.

hunc surdum & mutum (quem etiam cæcum fuisse Mat-
 thæus addit) sanasse, & Euangelistam Marcum omnes cir-
 cumstantias diligenter perstrinxisse, & Ecclesiam hoc mira-
 culum inter alia magis illustria Christi facta proponere vo-
 luisse. Dominus enim noster Iesus Christus (ait S. Augustinus)
 ea quæ faciebat corporaliter, etiam spiritualiter volebas intelli-
 gi. Neque enim tantum miracula propter miracula faciebat;
 sed ut illa quæ faciebat mira essent videntibus, vera essent in-
 telligentibus. Quemadmodum qui videt literas in codice optimè
 scripto, & non nouit legere, laudat quidem antiquarij manum,
 admittans apicum pulchritudinem: sed quid sibi velint illi api-
 ces, nescit, & est oculis laudator, mente non cognitor; alius au-
 tem & laudat artificium, & capit intellectum: ita qui viderūt
 Christi miracula, & non intellexerunt quid sibi vellent, mirati
 sunt tantum quia facta sunt; alij verò & facta mirati, & intel-
 lecta assecuti. Tales nos in schola Christi esse debemus. Hæc ille:
 quæ & in tractatu super Ioannem repetit. Sed & certa ra-
 tione probat quod dicit: Qui enim (inquit) dicit, Christum
 propterea tantum fecisse miracula, ut non essent nisi miracula,
 potest illum etiam dicere nescire quod non esset tempus pomorū,
 quando ficus quæsiuit in arbore. Non enim erat illud pomi tem-
 pus, sicut Euangelista testatur, & tamen esuriens poma quæsiuit
 in arbore. Christus nesciebat quod rusticus sciebat? Significauit
 ergo aliquid se aliud esurire, & aliquid aliud querere. Nam ar-
 bore maledixit, & aruit. Qua culpa arboris infæcunditas?
 Illorum est culpa sterilitas, quorum fæcunditas est voluntas.
 Erant ergo Iudei habentes verba Legis, & facta non habentes,
 pleni folijs, & fructus non ferentes. Hæc ille. Sic & D. Grego-
 rius: Miracula Domini, & Saluatoris nostri sic accipienda sunt,
 ut & in veritate credantur facta, & tamen per significationem
 nobis aliud innuant. Opera quippe eius, & per potentiam aliud
 ostendunt, & per mysterium aliud loquuntur. Sic ergo & in
 hoc maximè Euangelio, per surdum & mutum à Christo sa-
 natum, peccatorem grauiter in peccato induratum intelli-
 gere oportet. Et quidem de peccatoribus tam surdis, quàm
 mutis, quàm etiam cæcis, eo loco quædam diximus, vbi de
 dæmonio muto quod Christus eiecerat, quod erat etiam
 dæmonium surdum ac cæcum, planèque idem fuisse vide-
 tur miraculum quod hic Marcus recitat, disseruimus. De
 surdis

furdus quoque multa dicta sunt in illis Euangelis, quæ de audiendo verbo Dei tractant, vt in Dominica Sexagesimæ, tertia Quadragesimæ, & Passionis. De mutis tunc etiam diximus, quum de Confessionis peccatorum, atque item Orationis ad Deum necessitate & vtilitate tractauimus. Hic tamen de vtrisque pauca addemus, prout Deus dabit.

Surdus ille est, qui Dei verbum nec forinsecus audit per surdus Dei negligentiam, nec auditum in corde tēinet per duritiam.

Huius hominis conditio misera & lamentabilis est. Maximum enim ad salutem medium est Dei verbum animo hau- *Sapient. 16.*
stum atque retentum. Hinc Sapiens: *Non herba, aut mala.* *Iosue 7.*

gma sanauit eos, sed sermo tuus Domine, qui sanat omnia. Cum *Allegoria.*

sacerdotalibus tubis sacerdotes cecinerunt, illico muri Iericho corruerunt. Hoc significare Dominus voluit, mundi

potentiam atque tyrannidem sacerdotalibus tubis, sermone Domini, Apostolica & Ecclesiastica prædicatione fran-

gendam. Dicit Propheta: *Ossa arida, audite verbum Domi-* *Ezech. 37.*

ni. Volebat Deus illis vitam tribuere: sed vt viuerent, opus

erat verbum Domini audire. Esaias inducit Christum ita

loquentem: *Posuit os meum quasi gladium acutum.* Hic est *Esaia 49.*

gladius, de quo Apostolus ait: *Et gladius spiritus, quod est ver-* *Ephes. 6.*

bum Dei. Hoc enim gladio penetrantur dura corda, vt fiant

molliora; auferuntur lapidea, vt fiant carnea.

Sed facit consuetudo peccati, vt surdo narretur fabula. Consuetudo

De hoc conqueritur in Euangelio Christus, Phariseorum peccati.

duritiam & obstinationem taxans: *Similes sunt pueris seden-* *Luca 7.*

tibus in foro, & loquentibus ad inuicem, atque dicentibus: Can-

tauimus vobis tibijs, & non saltastis; lamentauimus, & non plo-

raastis. Peccator videlicet peccandi consuetudine obduratus,

nec præmijs gaudiorum sempiternis ad spem erigitur, nec

gehennæ pœnis propositis terrore concutitur; sed quum in

profundum venerit, contemnit. Sicut vnum peccatum in

aliud suo pondere trahit; ita diu pertractum, quasi in pro-

fundo barathro demergunt. Qui cerasa manducant, non *Similia.*

nisi duo aut tria manducare proponunt; sed illa tria sua dul-

cedine ad viginti, interdum etiam ad centum trahunt, & va-

letudinem grauitè lædunt. Qui iter facit, & riuium ali-

quem inuenit, quem leui saltu poterat transire, sæpe illum

negligit, & dicit: Inferius facilius illum transibor: qui quan-

to magis descendit, tanto eum ampliorem, & ad transmeā-

dum difficiliorem inuenit: quem tamen transnatare volens,

ne redeundi laborem sumat, aliquando vel immersus perit,

3. vel ita fundo hæret, vt non nisi magno aliorum adiumento extricari valeat. Facilius vnum vulnus quam multa curantur; & melius recentibus vulneribus, quam veteribus medicina paratur. Idem de peccatis, & animi vitiis ac morbis cogitandum est. Qui diu neglexit audire quæ ad salutem faciunt, tandem obsurdescit prorsus, salutaris doctrinæ factus impatiens. De quo Scriptura dicit: *Cor fatui quasi vas confractum, omnem sapientiam non tenebit. Quicquid infundis, in pertusum hauris dolium.* Et rursus: *Quasi in percussura cribri remanebit puluis, sic aporia* (id est, scoria seu feculenta & deficiens materia) *hominis in cogitatu illius.* hoc est, non percipit, nec cogitat, aut animum adiungit, nisi rebus immundis, fæcibus & scoriis huius seculi. Horum hominum miserandum stuporem Deus per Prophetam designauit, dicens: *Audi popule stulte qui non habes cor, qui oculos habentes, non videtis; & aures, & non auditis.* Dicit stultum, carnalem, & seculi amore captum, non habere cor, quia rebus præsentibus, & peccati dulcedine sic afficitur, vt nec periculi, aut morbi sui magnitudinem agnoscat: nec remedium quærat. Bombyces, qui serica fila nectunt, ita tonitruorum sonitu grauantur, vt interdum etiam moriantur. Quo fit, vt qui eos nutriunt, tympana frequenter pulsant, vt sonitui meliori assueti, à grauiori non lædantur. Sic homines carnales, & seculi voluptatibus ac curis immerfi, ita harum rerum strepitu & affectu præoccupatos sensus habent, ita his assueuerunt, vt ad ipsa etiam comminationum tonitrua penitus obsurdescant. Sunt enim viridibus lignis persimiles, quæ subiecto igne vsque aded non accenduntur, vt ipsum frequenter ignem suo humore extinguant: quibus Apostolus dicit: *Nolite Spiritum extinguere: Prophetias nolite spernere. Omnia probate: quod bonum est, tenete.* Surdi enim isti nihil probant, omnia reiiciunt, interpretationes spernunt, diuini Spiritus flammæ crassis suis cupiditatibus extinguunt. Nihil his hominibus infelicius, nihil desperatius:

Muti Deo.

Eccles. 35.
Allegoria.

Nec meliori loco sunt muti, qui nec ad Deilaudes nec ad peccatorum suorum confessionem, nec ad orationes & preces ora possunt relaxare. Dicit Scriptura: *Qui conseruat Legem, multiplicat orationem.* Qui igitur ad orationem mutus est, quomodo Legem seruabit? Deus populo suo, quem ex Ægypto ad terram promissionis ducebat, duos duces prouidit, Mosem & Aaron. In Mose legislatore, legem Dei intelligimus: in Aarone sacerdote orationis studium acci-

pimus:

primus Hi duo duces ad salutis iter nobis necessarij sunt, nec
 alterum sine altero retinere possumus. Eſaias audiens An-
 gelos Dei laudes concinentes, ſeipſum redarguit, quòd in
 eo genere mutus eſſet, dicens: *Va mihi, quia tacui, & quia* Eſai. 6.
vir pollutis labijs ego ſum. Polluta ſua labia dicit, quia ad ea
 quæ Dei ſunt loquenda, mutus; ad ea quæ mundi & carnis
 erant garrienda, loquax erat. Loquitur enim non tam in
 perſona ſua, quàm in figura impiorum. Vnde ſubiungit:
Quia in medio populi polluta labia habentis ego habito. Lamen-
 tatur Propheta ad Dei laudes, ad orationis ſtudiũ elingues
 ac muros; ad vana enarranda loquaces. In talium quoque
 perſona dicit alius Propheta: *Quoniam tacui, inueterauerunt* Pſal. 31.
offa mea, dum clamarem tota die. Clamabat tota die, & cla-
 mans tacebat, quia ad ſalutaria efferenda, mutus; ad vana,
 & inutilia, & noxia effutienda, clamofus erat: ideòque *offa*
mea (inquit) *inueterauerunt.* id eſt, tota virtus animæ meæ
 conſumpta & exhausta eſt. Vnde alibi: *Omnia offa mea* Pſal. 54.
dicent tibi: Domine, quis ſimilis tibi? Offa non loquuntur, ſed
 virtutes animi ſunt quæ Deum benedicunt & glorificant.
 Hæc offa inueteraſcunt & areſcunt, Deiſque memoria,
 amor, cultus prorfus euaneſcit, quoties non niſi in vanjs,
 noxijs, & impijs ſermonibus lingua occupatur. Quod alio
 in loco idem Propheta regius luculenter expreſſit: *Cuius* Pſal. 9.
os maledictione plenum eſt, & amaritudine, & dolo; ſub lingua
eius labor & dolor. id eſt, talis lingua laboris & doloris mul-
 tum loquenti procurat. Primus ad gratiam motus eſt, poſſe
 loqui Deo; vnde adoleſcens à Chriſto reſuſcitatus, ſtatim vt Luca 7.
 reſedit in loculo, cœpit loqui: ſicut primus humanæ con- Similia.
 uerſationis actus, eſt ſermones mutuos miſcere; & prima
 parentum voluptas, quum ſari ſuos paruulos audiunt. Ideo
 Deus apud Prophetam: *Attendi & auſcultavi, nemo quod bo-* Iſa. 58.
num eſt, loquitur: nullus eſt qui agat pœnitentiam ſuper peccato
ſuo, dicens: Quid feci. Hunc primam pœnitentis vocem ex-
 pectat Deus. In hac voce incipit in pœnitenti delectari Deus:
 hæc vox initium familiaritatis hominis cum Deo. Dixit So- Apophtheg-
 crates, adducto ad ſe in diſciplinam puero: *Loquere, vt te* m. 4.
videam. Etſi perſonam viderat, tamen hominem niſi loquē-
 tem videre non potuit. Sed quemadmodum qui ex natura Simile.
 ſurdi ſunt, iidem & muti ſunt, quia inſtrumentum diſcipli-
 næ qua loqui diſcitur, auditus eſt: ſic qui ſpiritualiter ſurdi
 ſunt, nec audiunt quid loquatur in illis Dominus; iidem & ſpi- Pſal. 115.
 ritualiter muti ſunt, nec Deo, aut diuina loqui poſſunt, quia

Rom. 10.

fides ex auditu est; & disciplina rectè loquendi iuxta Deum; ab auditu Dei, & eorum quos Deus mittit, nascitur. Quare qui utroque hoc malo laborat, ille maximè de salute periclitatur. Quomodo tamen sanari queat, loca subsequētia declarabunt.

3. *Et apprehendens eum de turba seorsum.*

Occasio peccati fugienda.

LO C U S moralis de peccati occasione, & conuersatione noxia ante omnia fugienda. Prima huius surdi & muti sanandi ceremonia, quam Christus extra ordinem adhibuit; hæc erat, ut eum à turba semoueret: non quia etiam in media turba sanare eum non poterat, sed ut doceret hoc grauissimi morbi genus, hominēque in peccato obduratum; non prius sanari posse à Deo, non prius remedium salutis à Deo accepturum, quàm peccati in quo est, occasiones fugerit, conuersationem noxiam declinauerit, irritamenta malorum penitus excusserit. Ut quid enim periculo se adhuc committit, qui à malo in quo est, emergere contendit? Quid de ægrotante homine sperandum esset, qui baculo innixus, vix pedibus consistere posset, si quis illum externa vi impellere, atque prosternere conaretur? Eodem modo anima nostra spiritali ægitudine laborans, quum ob ingentiam infirmitatem, longamque peccati consuetudinem, quasi alteram naturam, frequentissimè labatur, quo loco erit, aut quando sanabitur, si voluptatis conspectus, peccandi opportunitas, occasiones mali, ad peccandum adhuc alliciant? Sicut in venis silicis quædā ignis scintillæ latent, quæ ubi silex ferro ictus fuerit, emicant protinus, quibus facillè ignis accenditur; eodem modo cum tam corruptę naturę vitio, quàm ex deprauatæ consuetudinis noua tyrannide, cupiditatum scintillæ & semina in imo pectore velut in silice lateant, ubi peccandi opportunitas oblata fuerit, & obiecta mouerint potentiā, protinus quæ sopitæ erant, excitantur, & quæ intus latebant, foras erumpunt. Sapienter S. Vvolstanus Vigornienſis in Anglia Episcopus cuidam sæpius eadē peccata contenti respondit: *Opportunitas, ut video, facit latrones: ideo consulo ut monachus fias, & sic vitiorum importunitate carebis.* Sanè sicut sanctus Propheta: *Sedebam (inquit) Domine solus, quia comminatione replesti me. Non sedi in concilio ludentium, & gloriatus sum à facie manus tuæ.* Et hic enim impiorum confortia (quos ludentes vocat, id est, impiè idola colentes,

Similia.

Exemplum.

In vita eius
apud Surium,
tom. 1. pag. 433.
Ierem. 15.

colentes, quo sensu Ismaëlem ludentem cum Isaac paruulo, *Gen. 21.*
 & idololatriam docentem, expulit domo Sara) deuitabat,
 declinans à turba. Sic & alius Propheta: *Ecce elongaui fugiens, Psal. 54.*
& mansi in solitudine. Quod & Sapiens his verbis docet: *Qui*
tangit picem, inquinabitur ab ea; & qui communicat superbo, in- *Ecclesi. 10.*
duet superbiam. Sic monet suos Apostolus per epistolam: *Ne* *1. Cor. 5.*
commisceamini fornicarijs; & cum huiusmodi nec cibum sumite.

Et paulo antè: *An nescitis quòd modicum fermentum totam*
massam corrumpit? Et alio in loco: *Corrumpunt bonos mores*
colloquia praua. Cùm pestis alicubi grassatur, ciuitates quæ ab
 huius infestatione immunes sunt, incredibili solertia, ma-
 ximè vbi purior est aër, omnes aditus præcludunt, ne quis
 hoc morbo infectus, clanculum irrepat. Si qua ouis morbida
 à pastore animaduertitur, statim à reliquo grege separatur.
 Sed & in fructibus ab ijs quæ putrida sunt, sana inficiuntur:
Vuaq; conspecta liuorem ducit ab uua, nisi maturius seiungan-
tur. Multo magis circa animæ salutem, & quidem quo purior
 anima est, ab omni improbo consortio studiosè cauendum.

Verbum est Spiritus sancti: *Cum electo electus eris, & cum per-* *Psal. 17.*
ueris peruerteris. Apes hyberno tempore, suæ sibi imbecilli- *Simile.*
 tatis conscia, in aluearibus latent; & quæ illa non habent, in

cauernis terræ se abscondunt, timentes, si in publicum pro-
 deant, se vel ab aëre & vento rapiendas, vel à pluuiâ suffo-
 candas, vel etiam frigore enecandas esse. Nostram similiter
 in causa salutis æternæ fragilitatem agnoscere, & sapienter
 potius latitare oportet, quàm sic in publicum nos dare, vt vel
 à vento vanitatis, & auræ popularis in superbiam rapiamur,
 vel à vento vanitatis, & auræ popularis in superbiam rapia-
 mur, vel à curis & cupiditatibus suffocemur, vel aliorum fri-
 gore & ignauia conspecta, nos quoque in Dei cultu satis
 tepidi, penitus efficiamur frigidi. De huiusmodi viro sa-
 piète dicit Propheta: *Et erit vir sicut qui absconditur à vento, &* *Esai. 31.*
celat se à tempestate. Sanè sicut naufragium pati meretur, qui *Simile.*
 valido spirante vento, & toto æquore acerba tempestate ia-
 ctato, mari se tamè vult committere. & vela expandere, vel
 suæ aut naucleri peritiæ, vel nauis robori confusus: sic à Deo
 deserti & vel in peccatum cadere, vel peccato insistere & im-
 mergi meretur, qui ventos & tempestates tentationum &

occasionum peccati vitare, quum potest, non contendit, aut, *Dom. 1.*
 quod deterius est, sponte incurrit, aut etià querit, vel de Dei *Quadr. text. 6.*
 auxilio, vel de sua cōstantia confidēs. Hoc enim tentare Deū *Exemplum.*
 est, vt alio in loco ostendimus. Cùm Abimelech rex Saram *Gen. 28.*

Abrahæ

Abrahæ vxorem in domū suam adduxisset, vbi primū in-
tellexit alterius vxorem esse, se ipsum excusauit, dicens: *In sim-
plicitate cordis mei, & in munditia manuum mearum feci hoc.*
Dixitq; ad eum Deus: Et ego scio quia in simplici corde feceris, &
ideo custodiui te ne pecces in me, & non dimisi vt tangeres eam.
Duo nos hoc exemplum docet. Primū, donum Dei esse pe-
culiare, non consentire peccato, postquā in eius occasionem
quispiā vel inciderit, vel se intromiserit. Secundò, illum qui
per malitiā se in occasionem intromisit, dignum esse quē do-
minus permittat cadere. Sanè adeo peccandi occasiones om-
nes, qualescunque tandem illæ sint, fortiter rescindendæ &
reiiciendæ sunt, vt nec charissimis pignoribus hoc in genere
parci debeat. Hoc enim est quod Christus dixit: *Veni*
separare hominem aduersus patrem suum, & filiā aduersus ma-
trēm suam, & nurum aduersus socrū suam. & inimici hominis
domestici eius. Rursum alibi: *Si quis venit ad me, & nō odit pa-*
trēm suum & matrem, & vxorem, & filios, & fratres, & so-
rores, adhuc autem & animā suam, non potest meus esse discipu-
lus. nempe quoties in occasionem peccati hæc illi vertuntur.
Vnde & alibi: *Si scandalizauerit te manus tua, abscinde illam; si*
pes tuus, amputa illum; si oculus tuus, eijce eum. Bonum est tibi
debile, claudum, & luscum introire in regnum Dēi, quā duas
manus, pedes, oculos habentem, mitti in gehennam ignis. Vides
quā nulli affectui, pignori, commodo, voluptati, operationi
quālibet ex se honestæ parcendum est, quod in occasionem
peccati se offert. Rescindendæ ad vnā omnes mali occasiones.
Hinc per Prophetā Deus: *Si reuerteris Israel, ad me conuertere:*
si abstuleris offendicula tua à facie mea, non commoueberis. Hoc
est, firma & stabilis erit tua conuersio, si omnia ad malum
inumenta è medio sustuleris. Si quis habet capitalē hostem,
non solū eū pertimescit, cauet, fugit, sed etiam omnes qui
eius sunt factionis, eiusque partes tuētur. Podagricus nō so-
lum ne quis eum tangat sed etiā ne quis prope eum accedat,
vllō modo patitur. Sic non solū à peccato, sed ab omni eius
occasione fugiendū. Quod certè fieret, si sic peccatum, vt ta-
tum podagricus abhorresceret. Quod etiam quā diu nō fit,
frustra à Deo sanitatē expetis. Appositè diuus Chrysostomus:
Quā diu quis in fornace voluptatū cōsistit, etiam si exēplis abū-
dat infinitis, ipsi res esse supra vires apparet: caterū si vel leniter
cœpit illinc egredi, identidē procedens, vim ignis à tergo relinquit,
videtque ante se, & ad pedes propemodum viam roscidam, atq;
enimia facilitatis. Tantā vim habet vt apprehendat nos Chri-
stus

Matth. 10.

Luce 14.

Marc 9.

Ierem. 4.

Similia.

Paran. 1. ad
Theodor. la-
psum.

stus de turba peccatorum, vel ipsius peccati seorsum, ut noxia
 conuersatione, & peccandi occasione resecta, sic primum &
 necessarium ad salutem gradum figamus. De peccati occa-
 sionibus studiosè vitandis, de confortio malorum noxio, de
 bono solitudinis, in aliis * Dominicis aliquoties diximus,
 quæ & huc non incommodè referri possunt.

* Domin. 1.
 Quad. text. 1.
 & 6. Dom. 3.
 Quad. text. 5.
 Dom. in Albis
 text. 5. Dom. 4.
 Aduert. text. 2.

6. Misit digitos suos in auriculas eius.

LOcus moralis de inuocanda Dei gratia, ut auditum fidei Inuocanda Dei
 & obedientiæ suo sancto Spiritu in nobis aperiatur. Surdigratia.
 enim aures nisi Christus aperiatur, surdus manebit. Nisi digitos
 suos, id est, Spiritus sui vim, in auriculas cordis nostri immit-
 tat, ad fidem & obedientiam mandatorum dura & lapidea
 corda circumferemus. Vnde in hæc verba D. Gregorius: *Quid* Homil. 10. in
est quòd Creator omnium Deus, quum surdum & mutum jana- Ezech.
re voluisset, in aures illius digitos misit? Quid per digitos Re-
demptoris, nisi dona sancti Spiritus designantur? unde cum in alio
loco eiecisset demonium, dixit: Si in digito Dei eicio demonia, pro- Luca 11.
fectò peruenit in vos regnum Dei. Quod alius Euangelista sic re- Matth. 12.
fert: Si ego in Spiritu Dei eicio demones, igitur peruenit in vos
regnum Dei. Ex quo utroque loco colligitur, quia digitus Spiritus
vocatur. Digitos ergo in auriculas mittere, est per dona Spiritus
sancti mentem surdi ad obediendum aperire. Hæc ille. Quare in- Matth. 11.
ter cætera sua miracula etiam hoc Christus posuit, quum Ioã-
ni in vinculis renunciari fecit an ille esset qui venturus erat.
Surdi audiunt. Quod & Esaias Propheta clarissimè prædixit: Esai. 35.
Deus ipse veniet, & saluabit vos, & aperientur oculi caecorũ, au-
res surdorum patebunt, &c. Quemadmodum enim diabolus Luca 8.
tollit verbũ fidei de corde audientium, ne credentes salui fiant, 1. Ioan. 4.
sic eccontrà Christus, qui venit ut dissoluat opera diaboli, mittit
digitos suos in auriculas surdorum, Spiritum suum in corda Gal. 4.
nostra, in quo clamamus, Abba Pater. Non enim sic vulpis ad
tonitrua aures suas obturat, ne audiat & terreatur; nec sic
tauros molesti canes de illorum auriculis pendentes ad ma-
cellum ducunt; sicut diabolus homines per auriculas com-
prehenso in barathrum demittit, canes suos, voluptatum
ministros & suggestores mittens, qui sic occupatas mentis
auriculas teneant, ne vel Dei tonitrua & comminationes, vel
aliquid salutare audire sustineant. Similia.

Scribunt

Plin. lib. 8. ca. 13.
natur. histor.

Simile.

Proverb. 20.

Act. 16.

Exempla.

2. Parap. 30.

Ioan. 6.

Simile.

1. Cor. 1.

Tract. 3. in epist.
Ioan.

Apoc. 3.

Esaia 50.

Proverb. 2. & 4.
& 28.

Scribunt de dracone, quòd per ipsum auditum interficere elephantem soleat, ore quidem suo aures eius obturando, & cauda pedes constringendo. Non aliter dæmon homines interficit sibilo oris sui, suggestione improba, quasi Sirenum cantibus, hominum aures ita replendo, ut ad cælestia & salutaria audienda patere nequeant. Contra hunc igitur tantum hostem, & contra hoc tantum malum, Digitus Christi vnicum remedium est: *Oculum enim videntem, & aurem audientem, Dominus fecit utrumque.* Lydia in Actis Apostolicis, aperuit cor Dominus intendere his quæ à Paulo dicebantur. Quum rex Ezechias mitteret nuncios per vniuersum Israël & Iudam, qui ex regis imperio hæc prædicarent, Filij Israël, reuertimini ad Dominum Deum Abraham, Isaac, & Iacob; aliis irridentibus & subfannantibus eos: *In Iuda facta est manus Domini, ut daret eis cor vnum, ut facerent iuxta præceptum Regis & Principum, verbum Domini.* Hoc est quod in Evangelio Christus dicit: *Omnis qui audit à Patre, & didicit, venit ad me.* Quemadmodum enim frustra agricola semen in terram spargit, nisi cælestis influxus adsit qui semina alac, nutriat, & ad maturitatem perducatur: ita frustra per externam prædicationem verbi Dei semen in terram cordis humani spargitur, nisi cælestis virtus adsit, quæ hæc semina foueat & fecundet, *Neque enim qui plantat, est aliquid, neque qui rigat, sed qui incrementum dat, Deus. Cathedram in calo habet, qui corda docet,* ait sanctus Augustinus. Attamen aperit Deus aurē volentium audire. Neq; enim sic hoc Dei opus est, ut vel solus, vel violenter hoc faciat; sed sic Deus aperit aures surdorum, ut & omnium aperire aures ipse paratus sit, & in potestate cuiusque positum sit, pullanti Deo aperire. Vox enim Dei est: *Ego sto ad ostium (cordis) & pulso. Si quis mihi aperuerit, intra-bo.* Et Propheta dixit: *Dominus erigit mane, mane erigit mihi aurem, ut audiam quasi magistrum.* Dominus Deus aperuit mihi aurem: ego autem non contradico, retrorsum non abij. Quare sic vnumquemque hortatur sacra Scriptura: *Si suscepis sermones meos, ut audiat sapientiam auris tua, inclina cor tuum ad cognoscendam prudentiam.* Et iterum: *Fili mi ausculta sermones meos, & ad eloquia mea inclina aurem tuam.* Et rursum: *Qui declinat aures suas ne audiat Legem, oratio eius erit execrabilis.* Denique & idcirco in hoc Evangelio dixit Christus surdo, postquam in auriculas eius digitos misisset: *Ephpheta, hoc est, adaperire:* ut videlicet ostenderet spiritualiter surdos (quos in externa hac sanatione significare voluit) debere Deo coopera-

rari,

rari, & diuina gratia operante suas ipsorum aures aperire. De hoc concursu liberæ voluntatis cum diuina gratia, vide plura in altero Promptuario Catholico. Docet ergo hic locus, tum Dei gratiam suppliciter inuocandam, ne verbi diuini surdi auditores simus; tum nostram promptitudinem & obedientiam, vt digitos sui Spiritus mittente Christo, non obturemus aures nostras, nec obturemus corda nostra. De auditu verbi Dei & necessario & fructuoso, deque impedimentis horum, iam in aliis Dominicis identidem & copiosè diximus.

*In Dominica
Sexagesima.*

§. *Et expuens tetigit linguam eius.*

Locus moralis de gustu spirituali rerum cælestium, per sapientię donū diuinitus concessum: *Quid enim est* (ait sanctus Gregorius) *quodd Christus expuens linguam eius tetigit? Salina nobis ex ore Redemptoris, est sapientia accepta in eloquio diuino. Salina quippe ex capite defluit in ore. Ea ergo sapientia quæ ipse est, dum lingua nostra tangitur, mox ad predicationis verba formatur.* Hæc ille. Qui spiritualiter mutus est, nescit loqui cælestia, & animæ salutaria; nullum eorum gustum percipit. *Prudentia enim carnis inimica est Deo: legi Dei, subiecta non est.* Rom. 8. *Nec enim potest.* Sicut enim nix, nisi solis calore, liquefieri nō potest; sic homo carnalis, nisi nouo diuinæ sapientiæ igne succensus, sapere, gustare, aut affici erga ea quæ Dei sunt, non potest. *Animalis homo non percipit ea quæ Dei sunt. Stultitia enim est illi.* Ezechiel Propheta vtriusq; personam & spiritualis & animalis expressit. In persona spiritualis dixit de seipso: *Comedi volumen illud, & factum est in ore meo sicut mel dulce.* 2. Cor. 2. Vbi diuus Gregorius: Ipsi de omnipotenti Domino sciunt suauiter loqui, qui hunc didicerunt in cordis sui visceribus veraciter amare. In eius quippe ore Scriptura sacra dulcis est, cuius vitæ viscera mandatis illius replentur: quia ei suavis est ad loquendum, cui interiùs impressa ad viuendum fuerit. Hæc ille. Personam carnalis & muti, nescientis cælestia vel loqui vel gustare, his verbis describit: *Omnis domus Israel attrita fronte est, & duro corde.* Attrita frons est (ait super hæc verba Gregorius) in huius mundi actibus assueta: quia sicut sunt nonnulli, qui quietem cunctis mundi præmiis atque honoribus præponunt; ita sunt nonnulli, qui vt in hoc mundo aliquid esse videantur, terrenis laboribus insu-

*Gustus spiri-
tualis.
Homil. 10. in
Ezech.*

2. Cor. 2.

*Ezech. 3.
Vbi supra.*

*Ezech. 3.
Vbi supra.*

dant,

Osee. 10.

Exemplum.

Philipp. 3.

Simile.

Exemplum.

Simile.

Ephes. 6.

Coloss. 3.

dant, insistent causis, permiscuntur iurgiis. Et quamvis se corpore deficere inter labores sentiant; amore tamen terrenarum rerum deuicti, delectabiliter fatigantur. Quibus per Prophetam dicitur: *Ephraim vitula docta diligere trituram*. Vitula enim in tritura aræ assueta, etiam si relaxetur à labore, sponte redit. Sic quibusdam prauis mentibus nihil est difficilius, quàm si eis præcipitur, ut in huius mundi actibus non laborent. Hæc Gregorius. Talis erat Turrianus ille, qui post annum 90. cum vacationem procurationis à Cæso Cæsare ultro accepisset, componi se in lecto, & velut exanimem à circumstanti familia plangi iussit: nec finiuit antè tristitiam, quàm labor illi sors restitutus est. Hæc Seneca lib. De breuit. vitæ, cap. 20. Isti omnes præpostero gustu sic terram amant, & *terrena sapiunt*, ac si nihil aliud quàm terra essent, *quorum gloria in confusione est*, ait Apostolus. In horum linguam ut sapientiæ suæ saluam expuat Christus, necesse est. Sicut enim lippos oculos solis splendor offendit, sanos delectat: sic terrena sapientibus veræ sapientiæ deliciæ fastidio sunt; spiritualibus autem & sanis admirabilem dulcedinem afferunt. Nam ut Iudæi carnales mannâ cibum cœlestem, & omne delectamentum in se habentem fastidiebant, cucumeres, pepones, cepe, & allia Ægypti ei præferentes: sic seculi amatores carnis voluptates, honores, diuitias pro summo bono habent; eorum verò quæ ad Dei honorem, aut animæ salutem faciunt, nullo gustu afficiuntur. Hunc ingentem animi morbum ut Christus significaret, huius hominis muti non solum loquelam reddidit, sed & gustum restituit; imò idcirco prius salua sapientiæ linguam retigit, & gustum reparauit, ut sic postea loqueretur: *Ecce*. Scribit Solinus, Bucephalum, Alexandri equum, quum armatus ad prælium esset, suisque phaleris regiis ornatus, nullum alium sessorem admittere voluisse, quàm ipsum Alexandrum; non armatum verò neque ornatum, quemuis agalōnem aut famulum conscendere permisisse. Eadem est differentia animi cœlesti armatura induri, diuinæ sapientiæ donis & gratijs exornati, atque eisdem vacui. *Indutus enim armaturam Dei*, non nisi Christum animo suo infidere patitur, non nisi *ea quæ sursum sunt sapit, ubi Christus est, in dextera Dei sedens*. Hac cœlesti armatura qui caret, sapit ea quæ sunt super terram. Sed nos Christiani in Baptismo nostro diuinæ sapientiæ gustum accepimus, sub eadem cæremonia, qua hîc Christus usus erat. Si adhuc terrena sapimus, meminerimus à Baptismi gratia

nos excidisse; & per secundam pœnitentiæ tabulam eam reparare contendamus, Christi quæ opem implorare, vt imponat nobis manum.

6. *Et suspiciens in cœlum, ingemuit.*

Locus moralis de statu hominis in peccato miserando, Peccati status & de ipsius peccati turpitudine, enormitate, horrore. & turpitudine. Christus enim hoc loco (quod in alijs sanandis nunquam fecisse legitur) idcirco *suspiciens in cœlum*, quasi quæ diuinam opem flagitans, vel potius ingenti quodam Dei auxilio atq; fauore in re præsentis opus esse significans, *ingemuit*, & vt in Lazaro quatruiduano suscitando fecit, *infremuit spiritu*, & *turbauit semetipsum*, vt doceret hominis spiritualiter surdi & muti, id est, in peccatis obdurati, omni quæ pietatis sensu & gustu destituti, quanta esset miseria, quam acerbæ calamitas, quam difficilis curatio: ideo quæ quantis nos in cœlum desiderijs & suspirijs suspicere, quantos gemitus edere conuenit, vt ex tam miserando peccati statu liberemur. *Suspiciens Christus in cœlum, ingemuit* (ait sanctus Gregorius) non quod ipse necessarium gemitum haberet, qui dabat quod postulabat, sed nos ad eum gemere qui cœlo præsidet, docuit: vt & aures nostra per donum Spiritus sancti aperiri, & lingua per salinam oris, id est, per scientiam diuinæ locutionis solui debeat ad verba prædicationis. Hunc locum tum de peccati in se turpitudine atque horrore, tum de eius statu, siue in nobis, siue in alijs amare deslendo, in alijs Dominicis iam latè tractauimus. Hic tamen aliqua addemus, prout Deus dabit, in materia enim tam vtili & necessaria vix vnquam satis dici potest.

Ac primùm, maximum malum esse debet, quod omnipotenti Deo gemitum excutere potuit. Sic olim in prima mundi ætate, quando *omnis caro corruerat viam suam*, Deus dolore cordis tactus intrinsecus fuisse dicitur. Non quod dolor in Deum cadat, sed quod tam odiosa, horrenda, vilis, & absurda res peccatum sit, vt nullo satis dolore plangi queat, Deum quæ acerrimè offendar. Et vide breuiter quid sit Deum offendere. Primùm in omnium bonorum authorem & beneficentissimum tibi Patrem peccas. Et hic omnia tam in genere, vel totius mundi, vel omnium fidelium communia, quam in particulari propria cuique à Deo collata beneficia enumerari possunt. Parum certè homo ab hominè peteret, qui id solum postularer, vt si quando bñficia aliqua ipso actu

Pars Æstiuæ.

Q in

Ioan. 11.

Homil. 10. 2.
Ezech.

Domin. Pass.
tex. 1. Domin.
9. post Pont.
tex. 1. 6.
Dom. 10. post
Pente. tex. 6.

Gen. 6.

Peccati enormitas.
1.

Simile.

Solus amor
amore repen-
ditur.

Luca 13.
2. Matth. 8.
Psal. 103.
Job 9.
Apocal. 1.
1. Reg. 2.
Psal. 144.
Hebr. 12.
Simile.

Psal. 78.

Luca 22.

1. Reg. 21.

Psal. 9.
Matth. 16.

in eum exerceret, tum temporis diligeret. Quid enim minus peti potuit? Quum enim omnes alia opera & labores alterius generis mercede compensari possint, nec est opus, ut qui pro altero iter fecit, verbi gratia, ab eo vicissim id expectet, ut pro se iter faciat, sed pecunia, vel quavis alia mercede talis labor compensari potest; solus amor amore reppenditur: qui amat, amari vult, nec amanti te vnquam satisfacies, nisi vicissim ames. Deum ergo perpetuo nos amantem, singulis horis atque momentis actu beneficientem, quia & esse, & vitam, & victum, & gratiam in statu virtutis, patientiam in statu peccati (omnia beneficia excellentia) nobis confert: si non redamamus, si offendimus, nec minimum illi mutui amoris officium reddimus; hoc vno nomine graviter & acerbè peccamus. Quòd si tam tui amantem offendere nullo loco ducis; at vide in quàm potentem impingas. In illum stupidè offendis, & contra illum calcitras, qui potestatem habet mittendi animam tuam & corpus in gehennam ignis æterni: qui nutu suo terram concutit, qui tangit montes & fumigant, cuius ira nemo resistere potest, sub quo curvantur qui portant orbem, qui claves habet vitæ & mortis, qui deducit ad inferos & reducit, cuius magnitudinis non est finis, in cuius manus incidere horrendum est. An non illum insanum dicas, qui obuerso capite in columnam aneam magno impetu impingat? At multo insanior est, qui sciens & prudens omnipotentem Deum audacter offendit. Deinde quis tu es qui Deum offendere non vereris? Nónne pulvis & cinis, & terræ vermiculus? Vide quid oret Deum Propheta: *Memor esto huius. Inimicus improperavit Domino, & populus insipiens incitavit nomen tuum.* Petit à Deo vindictam, quòd vilis pulvisculus infinitam Dei maiestatem contemnere audeat. Denique quæ tandem tanta causa est, ut tu talis tantum ac talem Deum tam beneficum, tam potentem, tam temere & identidem offendas? Aliquod fortè ingens bonum tuum? aut aliqua vrgens necessitas tua? Sit ita, aliquando sic se rem habere; ut quum Petrus metu mortis Christum negavit, vel quum Saul non veniente tempestivè Samuele, ne populus ab eo nouello rege dilaberetur, sacrificium obtulit, & sacerdotale munus sibi arrogavit. At tu, quoties modici lucelli, breuissimæ voluptatis causa in Deum peccas, & hamo aureo pisciculum venaris! Propter hoc exclamat Propheta: *Propter quid irritavit impius Deum?* Et fortius exclamat Christus: *Quam dabit homo commutationem pro anima sua?*

aut quid proderit homini, si vniuersum mundum lucrifaciat, anima verò sua detrimentum patiatur? His ergo de causis suspiciens Christus in cœlum, ad peccatoris insignem audaciam, temeritatem, stultitiam ingemuit.

Sicut pius pater phrenetici filij insanam lætitiā, illo ridente, deplorat, & quo magis ille ridet, eo magis gemit: ita Deus nostram in peccando dementiam deflet; sibi quē acriter displicere, multis modis ostendit. Peccator quidē quā diu in peccato suo est, & affectum ac voluntatem peccandi retinet, tam diu nec dolet nec ingemiscit, nec sentit vel onus vel turpitudinem peccati: quia videlicet peccatum adhuc in suo loco sibi connaturali sistit & manet, nempe in voluntate & affectu. Locus enim peccati proprius & subiectum proprium neque corpus est, quia lapides & ligna non peccant, neque sensus est, quia bruta animantia non peccant; neque etiam ipse intellectus, quia eius est dictare & dirigere, non facere aut exequi; sed sola deprauata voluntas.

Quemadmodum ergo elementum in suo loco non ponderat, vt de aqua manifestum est; in qua si quis ad tempus immergatur, vt in profundo maris aut fluuij sit, supernantis aquæ pondus non sentit omnino; at extra aquam positus, vna aut altera aquæ amphora humeris imposita, vehementer se grauari sentit: sic omnino peccatum adhuc in actu & voluntate manens non ponderat, non grauat, non molestat; sed voluntatem semel egressum, & affectu deposito, intolerabile onus videtur.

Dauid perpetrato adulterio, quā diu in peccati voluntate mansit, nullum onus sensit, sed de peccato in peccatum processit, & adulterio homicidium adiunxit, innocentem Vriam interficiens. Atqui vbi primum, comminante Nathan Propheta, facti poenitere cœpit, dicens, *Peccaui*, iam quē mutata voluntas esset, & suum locum peccatum excefferat, vide quid dicat: *Iniquitates meæ supergressæ sunt caput meum, & sicut onus graue grauata sunt super me. Anxius sum, & humiliatus sum nimis, & rugiebam à gemitu cordis mei.* Eleganter & sapienter Seneca: Omnium aliarum artium peccata artificibus pudori sunt, offendunt quē deerrantem: vitæ peccata delectant. Non gaudet nauigio gubernator euerso; non gaudet ægro medicus elato; non gaudet orator, si patroni culpa reus cecidit: at contra omnibus crimen suum voluptati est. Lætatur ille adulterio, alius furto, mendacio alter; nec antè illis culpa, quā culpæ

Simile.

Peccati sensus
non amittitur.

Simile.

Exemplum.

2 Reg. 11. & 12.

psal. 57.

Epist. 98.

Diffimilis.

fortuna, casus aut exitus acerbus displicuit. Hoc totum facit peccati affectus & voluptas adhuc manens.

Peccati re-
morius.
Ibidem.

Ad hunc hominum in suis peccatis stuporem Christus hic ingemuit. Ipsa enim natura horrorem peccati animis nostris iniecit. Vnde Seneca: *Tuta scelera esse, secuta non possunt. Multos fortuna liberat poena, metu neminem. Quare? Quia infixa nobis eius rei auersatio est, quam natura damnavit.* Sed sic naturam consuetudo peccandi deprauauit, ut nec rectum videre, nec peccati sensum habere possit. In quo ethnicis detiores nos Christiani sumus. Epicurus voluptatis assertor, quum nihil iustum esse naturam diceret; improbe & impie: tamen adiecit, *crimina vitanda esse, quia vitari metus non possit. Potest enim* (inquit) *nocenti contingere ut lateat, latendi fiducia non potest.* Et alius Philosophus, Lucretius: *Multis se quisque modis semper fugit.* Varias voluptates confectando, & sicut ægri corpore solent, mutationibus loci, cibi, strati, quasi remedijs inaniter utendo; *sed quid prodest, si se non effugit? Sequitur se ipse, & urget grauissimis comes, animi morbus, & conscientia massix.* Atque hæc quidem illi. Sed maior videtur nostra impietas, & ulterius progressa iniquitas, qui identidem peccando, & sensum peccati amisimus & notitiam. In omni corporis ægritudine, quum principia dubia sint, & nomen morbi queratur, progressus certi sunt; & quo magis inualefcit, eo & acrius sentitur, & certius dignoscitur. At contra in animi morbis, in peccatis, quum principia clara sint, & primis scrupulis magis stimulemur, quo quis peius se habet, eo minus sentit: quo quis sapius peccat, eo minus compungitur; & in multo progressu excusationes queruntur; ac demum virtus aliqua esse videtur, quod magnum scelus est. Nam febrem quidem, maximè paulo acriorem, nemo sanitatem dixerit; nec tabem paulo diuturniorem quis bonam corporis habitudinem appellauerit; nec podagram pedum velocitatem, aut pallorem ruborem esse aliquis affirmauerit: vitij tamen, & quidem quo magis inualuerint, virtutum nomina imponuntur: ut iræ animi fortitudo, amoris amicitia, inuidiæ æmulatio, superbiæ magnanimitas, calliditatis prudentia, avaritiæ frugalitas; ignauiæ cautela ac diligentia. Ita singulis ferè vitij patrocina virtutum inuenta sunt: nec peccata agnoscimus quidem, tantum abest ut eorum sensu tangamur. Sic in luce gratiæ constituti, naturæ lumen amisimus. Hic est horrendus peccati exitus,

hæc

Seneca ubi su-
pra.
Apophthe-
gma.

Diffimilia.

hæc labes, hoc venenum. Et hodie verum est, quod de suo tempore, florente tunc imperio Romano, scripsit Seneca: *Cum videris forum multitudine refertum, & septa concursu* Lib. 2. de Ira, *omnis frequentia plena, & illum circum in quo maximam sui* cap. 8. *partem populus ostendit, hoc scito, istic tantundem esse vi-*
tiorum, quantum hominum. Hanc peccati cæcitatem, enormitatem, frequentiam, suspiciens in cælum ingemuit Christus.

7. Et præcepit illis ne cui dicerent.

Locus moralis de fuga gloriæ, & existimationis propriæ, Gloriæ fuga.
 siue de non appetenda ex bonis operibus laude ab hominibus. Hunc locum directè, & ex similibus Christi verbis iam tertio tractauimus, Dominica 3. post Epiphaniam, textu & loco 3. vbi Christus sanato cæco dixit: *Vide nemini dixeris.* Dominica 4. Quadragesimæ, textu & loco 6. vbi Christus facta panum multiplicatione, *videns quia volebant turba rapere eum, ut facerent Regem, fugit in montem ipse solus.* Dominica passionis, textu 5. vbi Christus Iudæis dixit: *Si ego glorifico meipsum, gloria mea nihil est.* Indirectè verò toties hic locus tractatus iam fuit, quoties vel contra superbiam, ambitionem, vanam sui ipsius ostentationem; vel pro humilitate, & de sui ipsius humiliatione diximus. Quorum prius iam in sex locis, posterius in quinq; locis tractauimus. Contra superbiam, & vanam gloriæ affectationem, Dominica 3. Aduentus, text. 6. Domin. 4. Aduentus text. 6. Domin. 2. post Pentec. tex. 4. Domin. 5. post Pentec. tex. 1. in fine, & Dom. 10. post Pentec. textibus 1. 2. & 7. De præstantissima humilitatis virtute, & necessaria sui ipsius humiliatione, dictum est, Domin. 3. Aduentus, text. 8. Dominica 3. post Epiphaniam, tex. 8. Dom. in ramis Palmarum, tex. 3. Domin. 4. post Pentec. tex. 5. & Dominica 10. post Pentecost. text. 8. Fuit ergo hic locus iam quater decies explicatus. Inde depromat Concionator, quæ hîc dicenda putabit. Paucula tamen, donante Christo addemus, quia nulla vel acerbior, vel magis vulgaris est animarum atque virtutum pestis, quàm vana sui ipsius vel ostentatio, vel complacentia, vanæque laudis & existimationis affectatio. Sanctè cecinit, & salubriter monuit Anna Samuelis mater: *Nolite multiplicare loqui sublimia, gloriantes.* 1. Reg. 2.
Recedât vetera de ore vestro id est, vaniloquia quibus assueuistis. Taxat Phenennâ alteram viri sui uxorem, quæ de prole

sua gloriabatur, & sterilitatem Annæ exprobrauerat: *Deus scientiarum Dominus est, & ipsi preparantur, cogitationes.* Ille nouit & omnium rerum quæ accidunt causas, & cordium nostrorum occulta: quæ duo ad non gloriandum mouere debent. Quicquid enim vel nobis boni, vel aliis mali accidit; aut datum est; quum huius discriminis causam solus Deus sciat, non est quod quisquam superbiat, sed quod Dei occultum iudicium reformidet, qui quosdam *elevans alidit*, quosdam *humilians exaltat*: qui *cuius vult miseretur, & quem vult indurat*. Rursum quum Deus solus scrutetur corda & renes, & Dominus nouit hominum cogitationes, quoniam *vana sunt*, id est, quod malunt in seipsis inaniter inflari, quàm in Deo omnium largitore solidè subsistere; frustra suam gloriâ affectat superbus, etsi homines latens, Deum tamen non latens. Totum illud Annæ canticum in laudibus humilitatis versatur, & contra superbix vanitatem declamat. Quid profuit Roboam filio Salomonis vanissima illa sui iactatio qua dixit: *Minimus digitus meus grossior est dorso patris mei*? Nónne ex duodecim tribubus quibus imperabat, decem amisit? Sanctè monuit suum filium Tobias senior: *Superbiam nunquam in tuo sensu, aut in tuo verbo dominari permittas. In ipsa initium sumpsit omnis perditio.* Quod & Propheta regius cecinit: *Disperdet Dominus uniuersa labia dolosa, & linguam magniloquam.* Et per alium Prophetam Deus dicit: *Auferam de medio tui magniloquos superbix tue, & non adijcies exaltari* (id est, superbire) *amplius in monte sancto meo. Et derelinquam in medio tui populum pauperem & egenum, & sperabunt in nomine Domini.* Prædicat Propheta quales futuri erant filij noui Testamenti, eo semel per Christum propalato, humiles videlicet, qui non in seipsis gloriarentur, sed in Deo sperarent. Talis erat Paulus, qui hanc superbix vanitatem longissimè fugiens, ita scribit: *Non audemus inferere aut comparare nos quibusdam, qui seipso commendant, sed ipsi in nobis nosmetipsos metientes, & comparantes nosmetipsos nobis, non in immensum gloriabimur.* Docet suo se quemque metiri pede, nec inaniter supra id quod est efferri. Aptè Phocion Atheniensium dux cuidam iactabundo respondit: *Cuppressis sunt planè similes sermones tui. Illi enim magni sunt, nec ullos fructus ferunt.* Sic apud nos fagi, vlmus, aliæque multæ arbores. Holophernes dum superbissimè gloriaretur, dicens ad Achior: *Cum percussero omnes Iudeos quasi hominem tuum, tunc etiam ipse cum illis Assyriorum gladio interibis;*

Psal. 101.

Rom. 9.

Psal. 7. & 93.

Exemplum.

3. Reg. 12.

Tob. 4.

Psal. 11.

Sophon. 3.

Exemplum.

2. Corint. 10.

Apophthegma.

Bruson lib. 3.

cap. 21.

Exemplum.

Judith. 3.

adeo nihil fecit, ut saluis omnibus Iudæis, ipsius caput mulieris Iudææ manu præseinderetur, totusq; eius exercitus à Iudæis deletus fuerit. Idem accidit Sennacherib per Rabfacem suum exprobranti, & certum interitum Hierosolymæ comminanti: periit enim ipse cum toto exercitu suo, stante & florente ciuitate. Sicut canes multum latrantes minus mordent; sic multum iactabundi minus præstant.

Atque hæc quidem iactantia absque actione virtutis assumitur, & de necdum factis, sed quæ facienda præsumitur, inflatur; tanto vanior quanto prorsus inanior. De quo genere vide plura in Dominica 3. Aduentus, text. 2. Sed nec de ipsa iam peracta virtute, non de rebus vtcunque præclare ac laudabiliter gestis, vel gloriandum apud nos ipsos, vel alienam laudem captandam esse, docet in hoc Euangelio Christus, præcipiens surdo & muto, quem sanauerat, ne cui diceret. *Qui enim in bonis operibus ab hominibus, non à Deo gloriam quærit, perspicuè ostendit, se non Dei filium, sed hominum seruum esse; ideoque hominibus placere cupiens, & Christi seruus non est, & Christum grauissimè offendit.* Aquila probat pullos suos genuinos ac germanos esse, si apertos oculos in solem intrédunt: quod qui non faciunt, in terram deiicit ut supposititios, non suos. Sic Deus probat opera nostra, si recta intentione in eum ferantur, si eius gloriam & obsequium ante oculos habent. Quæ enim non Deum respiciunt, sed ad hæc inferiora referuntur, non pro filiorum suorum operibus agnoscit, sed in terra dimittit, ut hinc mercedem suam totam accipiant. Nonne verò vxor illa viro suo maximè displicet, eumque grauissimè offendit, quam quotidie videt curiosè se ornantem, ut aliorum oculis placeat, non viro suo? nonne eam certissimè adulteram iudicabit? Sic planè Deum offendunt, qui circa virtutis actiones solliciti, non nisi ut hominibus placeant, & ab hominibus laudem caprent, id faciunt. horum animus fornicatur à Deo, ut seruiat creature. Vnde Iacob⁹: *Adulteri, nescitis quia amicitia huius mundi inimica est Dei?* Deinde huiusmodi vani ostentatores, vtcunque momentanea aliqua laudis voluptate titillantur, ad extremum sempiterno dolore torquerentur. Quemadmodum enim mimi in theatro tota die saltant, & corpora miris modis agitando fatigant, ob id solum modò, ut spectatōribus placeant, & plausum theatralem cum aliquo lucello pecuniario accipiant; sed nocte adueniente, & spectaculo finito, maximam omnium membrorum fatigationem re-

Simile.

*Galat. 2.
Similia.*

Iacob. 4.

Sapient. 5.

portant; & ante ætatem fracti, debiles ac claudi sunt: sic omnino vanæ gloriæ cupidi, mille modis pietatem simulant & circa externa virtutum opera variè se cruciant; sed sub mortem nihil illis superest nisi labor & dolor; & lassati in viâ iniquitatis, id est, fictæ virtutis, verè vias difficiles ambulauerunt: quia magnis & honestis laboribus infernum mercati sunt, quia sol iustitia non illuxit illis, quia Dei gloriam ante oculos non habuerunt, sed suam in omnibus quæsierunt. Quod ne fieret, Christus sanato surdo & muto, rei gestæ famam & commendationem studiosè auersatur.

8. *Quanto autem ei præcipiebat, tanto magis plus prædicabant, & eo amplius admirabantur.*

Locus moralis duplex. Vnus, quòd gloria fugientes sequitur, sicut hîc Christus à populis eo magis prædicabatur, quo magis ab illis prædicari recusauit. Alter, contra torporem fidei & ignauiam nostram, qui accepto mandato, *ut omnis lingua confiteatur quia Iesus Christus est in gloria Dei Patris*, Christum tamen non confitemur, non prædicamus, non admiramur: quod isti, Christo etiam prohibente ne id eo tunc tempore fieret, fecerunt tamen, & studiossimè fecerunt, dicentes: *Benè omnia fecit: & surdos fecit audire & mutos loqui.* Prior locus iam aliquoties tractatus est, quum de humilitatis amplissima mercede, & hac maximè propria, quòd quanto quis se humiliat, tanto exaltatur magis, disseruimus: vt in Dominica 3. Aduentus, tex. 8. Dominica 4. post Pentecost. text. 5. & Domin. 10. post Pentec. tex. vltimo. Posterior locus etiam in superioribus explicatus est, in Dominica in ramis Palmarum, text. 4. & Domin. Paschæ, text. 3. De sensu verborum Christi aliquid tantum hoc loco notabimus. Christus hîc præcipiens sanato surdo & muto, eiusque amicis, qui eum sanandum adduxerant, ne cuiquam hoc dicerent, non ea intentione præcepit, ne id facerent, vt verba sonant; sed vt ostenderet se illam gloriam non captare, simulque vt hac prohibitione eorum fides illustrior redderetur. Sic quum sanato leproso dixisset Christus, *Vide nemini dixeris*; adiunxit Euangelista, vtique in hominis laudem, non vituperium: *Ille autem egressus cepit predicare & diffamare sermonem.* Similiter sanata filia archisynagogi, *præcepit illis Christus vehementer, ut nemo id sciret.* Refert tamen alijs Euangelista de hoc facto: *Et exijt fama hac in vniuersam terram.* vtique referentibus illis qui præsentibus aderant, & quibus præce-

Matth. 8.

Marc. 1.

Marc. 5.

Matth. 8.

præceperat, ne quis id sciret. Denique post illam nobilissimam Petri confessionem, quòd Christus esset filius Dei: *Matth. 16.* &c. præcepit Christus discipulis suis, ut nemini dicerent quia ipse esset Iesus Christus: quos tamen postea, ut hoc dicerent ac prædicarent, misit binos & binos ante faciem suam: *Luca 9.* & ut in illo nomine baptizarent, & miracula facerent. *Ioan. 4.* Est ergo hoc Christi præceptum doctrina, non obligatio: quam eius mentem isti optimè assecuti, tanto magis prædicabant Christum, quanto ne id fieret præcipiebat magis; hoc est, ut id fieret docebat magis. Sic amantes vetant interdum fieri, quod maximè cupiunt, ut amàrium suorum amorem certius probent. Verè enim amantes hoc genus præcepti & optimè intelligunt, & alacriter adimplent.

EVANGELIVM DOMINICÆ

XII. POST PENTECOSTEN.



BEATI oculi qui vident quæ vos videtis. *Luca 10.* Dico enim vobis, quòd multi Prophetae & Reges voluerunt videre quæ vos videtis, & non viderunt; & audire quæ auditis, & non audierunt. Et ecce quidam legisperitus surrexit, tentans illum, & dicens: Magister, quid faciendo vitam æternam possidebo? At ille dixit ad eum: In Lege quid scriptum est? quomodo legis? Ille respondens dixit: Diliges Dominum Deum tuum ex toto corde tuo, & ex tota anima tua, & ex omnibus viribus tuis, & ex omni mente tua, & proximum tuum sicut teipsum. Dixitque illi: Rectè respondisti. hoc fac, & viues. Ille autem volens iustificare seipsum, dixit ad Iesum: & quis est meus proximus? Suscipiens autem Iesus, dixit: Homo quidem descendebat ab Hierusalem in Iericho, & incidit in latrones, qui etiam despoliauerunt eum; & plagis impositis, abierunt, seminuo relicto. Accidit autem ut sacerdos quidam descenderet eadem via, & viso illo præterijt. Similiter & leuita, quum esset secus locum, & videret eum, pertransiit. Samaritanus autem quidam iter faciens, venit secus eum, & videns eum: misericordia motus est. Et appropians, alligauit

vulnera eius, infundens oleum & vinum: & imponens illum in iumentum suum, duxit in stabulum, & curam eius egit. Et altera die protulit duos denarios, & dedit stabulario, & ait: Curam illius habe, & quodcunque supererogaueris, ego, cum rediero, reddam tibi. Quis horum trium videtur tibi proximus fuisse illi qui incidit in latrones? At ille dixit: Qui fecit misericordiam in illum. Et ait illi Iesus: Vade, & tu fac similiter.

PERICOPE moralis huius Euangelij.

1. Beati oculi qui vident qua vos videtis. De vera laude iustorum, etiam in hac vita.
2. Et ecce quidam legisperitus surrexit, tentans illum, & dicens. De doctrina & scientia cum virtute & pietate necessariò coniungenda.
3. Diliges Dominum Deum tuum ex toto corde tuo, & ex tota anima tua, & ex omnibus virtutibus tuis, & ex omni mente tua. De amore Dei super omnia.
4. Et proximum tuum sicut teipsum. De dilectione proximi.
5. Ille autem volens iustificare seipsum, dixit. Contra hypocrisim, & falsam sanctitatis opinionem affectatam.
6. Videns eum, misericordia motus est, &c. De misericordiae operibus erga proximos.
7. Vade, & tu fac similiter. De bonorum operum necessitate.

I. Beati oculi qui vident qua vos videtis.

Laudanda virtus.

LOCVS moralis de vera laude iustorum, etiam in hac vita. Etsi enim laudis cupiditas à iusto penitus excutienda est, ad necessariam humilitatis custodiam, & propter superbix periculum; tamen, ut ipsa virtus laudem meretur, sic eam à nobis laudari conuenit; nec virtus tantum ipsa, verum & virtute præditi, iusti & boni studiosè interdum laudandi sunt. Christus Ioannem Baptistam accuratè laudauit, ut in alia Dominica dictum est, ubi & hunc locum tractauimus. Laudauit quoque Nathanaëiem, dicens: Verè Israëlita hic est, in quo dolus non est. Laudauit etiam coram & in facie Centurionem, & Chananæam mulierem, huic dicens: O mulier, magna est fides tua; de altero præsentem dicens: Non inueni tantam fidem in Israël. Sed & sanctus Iob in Scripturis à Deo laudatur: Nonne considerasti seruum meum Iob, quod non sit ei similis in terra, homo simplex, & rectus, acti-
mens Deum, & recedens à malo? Sic hoc in loco laudat Christus discipulos suos, eos beatos vocat propter ea quæ viderant, id est, propter fidem & obedientiam in doctrinam eius. Nam corporaliter Christum omnes ferè Iudæi viderant, quos tamen adeò beatos non vocat, ut gentem prauam

Matth. 11.

Domin. 2. Ad-
uent. text. 8.

Ioan. 1.

Matth. 15.

Matth. 8.

Iob 1.

Matth. 12 & 16.

*prauam atque peruerſam nuncupet, futurum aſſerens, vt Ni-
niuitæ, meretrices, peccatores ſurgant in iudicio, qui eos con-
demnent. Beatos igitur eos vocat, quia cum fide viderunt, &
cum obedientia audierunt Chriſtum, & doctrinam eius.*

*Hæc autem laus & commendatio pietatis ex triplici ca-
pita vtilis eſt. Primùm ex parte iuſtorum, quia tum hæc illis
laus debetur (vt in alia Dominica ex Chriſti verbis explica-
tum eſt) tum virtus laudata creſcit, ſi vera virtus eſt. Quo-
do enim probatur in ſufflatorio argentum, & in fornace aurum,
ſic probatur homo ore laudantis. Quando ſegetes multum cre-
uerunt, ita vt ſpicas iam proferant, & ad maturitatem tendât,
cupiunt earum domini vt venti quidam ſpirent, quibus gra-
na tumefcant, & grandiora ac pleniora fiant. Quod vt in ſo-
lidis granis vtile eſt, & ſpicam turgentem iuuat, inanem ve-
rò & tenuia grana exiccat & vrit ventus: ſic ſolidam virtu-
tem auget laus, quia animum iuſti ad eius pulchritudinē ma-
gis accendit, tenuem & debilem virtutis actionē penitus cor-
rumpit; quia dum laude inflatur, euaneſcit. Qua de re ſic diuus
Gregorius: Cùm humane lingua atteſtatione laudamur, occulta
pulſatione requirimur quid de nobis ipsis ſentiamus, vt in hoc hu-
miles permaneamus. Superba etenim mens etiã quum de ſe falſa
dicuntur, exultat, quia nō apud Deum qualiter viuat, ſed apud
homines qualiter innotefcat, excogitat. At contrà, ſi cor veraciter
humile eſt, bona qua de ſe audit, aut minimè recognoſcit, & quia
falſa dicuntur metuit; aut certè ſi ad eſſe eā ſibi veraciter ſcit, eo
ipſo formidat, ne ab æterna Dei retributione pereant, quo hæc cō-
ſiderat hominibus diuulgata. Qua ex re agitur, vt electorū ani-
mus magno laudum ſuarum igne crucietur, atq; ab omni torpo-
ris ſui rubigine mœrore cogitationis excoquatur. Cauta enim cō-
ſideratione trepidat, ne aut de his in quibus laudatur & nō ſunt,
maius Dei iudiciū inueniat; aut de his in quibus laudatur, & ſūt,
competens premium perdat. Vnde plerunque fit, vt ſicut iniuſtus
ex laude ſua polluitur, ita vir iuſtus audita laude ſua purgetur.
Hæc ille. Huius rei exemplum ſanctiſſimus Pater Auguſtinus
præbuit. Quum enim à ſancto Paulino miris laudibus per e-
piſtolam extolleretur, reſpondit: Putet me quidem tantum bo-
ni de me credere, ſed plus piget tibi non credere. Eſt quod faciam.
Non me credam talem, qualem putas, quoniam non agnoſco: &
credam me abſ te diligi, quoniã ſentio & planè perſpicio. Ita nec
in me temerarius, nec in te ingratus extitero. Et paulo poſt, quia
per ſam-liariſſimum & ſui amantiſſimum quendam hæc epi-
ſtolam dederat, adiecit: Nequa huic ſam familiari amico meo
velim*

Virtutis laus
propter tria
vtilis.

1.
Domin. Paſſ.
rex. 2.

Prouer. 27.

Simile.

Moral. lib. 22.
cap. 9.

Exemplum.

Epist. 33.

velim credas, quæ de me fortè laudans dixerit. Senti enim etiam ipsum sape non mentiendi studio, sed amandi propensione falli iudicantem, & arbitrari iam me accepisse quædam, quibus accipendis à Domino patente ore cordis inhiarem. Et si hoc in os meum, quis non conijciat, quanta de me absente meliora quàm veriora latus effundat! Rursum alio in loco: Non mihi placet, cùm à charissimis meis talis esse existimor, qualis non sum. Profectò enim nò me, sed per me aliũ sub meo nomine diligũt, si nò quod sum, sed quod nò sum diligũt. Fuit ergo sancto huic viro laus in eũ sepe cõgesta humilitatis materia, & purgationis argumẽtũ, ut tãto tibi attẽtius prospiceret, quãto se ab aliis maiorẽ existimari cerneret. Sic in alia epistola perspicuè scripsit: Quod de nobis tã bene existimas, ut fideles Dei seruos nos esse credas, idq; ipsum in nobis corde purissimo diligas, gratulãdũ potius tuæ beneuolentiæ quàm tibi gratiæ agẽdæ sunt. Tibi enim prodest ipsam diligere bonitatem: quam profectò diligit qui eũ diligit quẽ credit bonũ, siue ille talis sit, siue non. Quapropter tibi hac de re gratulandum est. Quales autem nos simus, quantumq; in Deum promouerimus, ipse viderit, cuius non solum de hominis bono, sed hominẽ ipso non potest errare iudicium. Gratias verò tibi uberes agimus, quòd nos cùm laudas, tanquam tales simus, mirabiliter hortaris, ut tales esse cupiamus. Hæc ille. Sic nimirum virtus laudata crescit, quãdo & per humilitatem seipsam deprimat, & per proficendi studium seipsam erigit. Sic enim conatus humanos diuina gratia secundat, qui humiles repleuit bonis, & diuites dimisit inanes: hoc est, qui sibi diuites, pleni, saturi videntur.

Luca 1.

2. Virtutis laus
alios extimulat.

Moral lib. 23.
cap. 7.

Simile.

Text. 9.

Ex altero capite laus virtutis utilis est, quia alios ad virtutem extimulat. De quo diuus Gregorius: Plerunque ad exercenda bona opera, aliena nos utiliter exempla persuadent. Et cùm mente humili opinionis alienæ bona suscipimus, nostra vel ad melius bona producimus, vel aut bonum mala permutamus. Cumq; nos de vitæ proximi fama splendor irradiat, mens nostra, quæ ad obtinendum virtutis iter se dirigit, quasi in lunæ lumine gressus ponit. Sicut enim lunæ lumen à sole mutuatum, hæc inferiora, etsi obscurius, quadamtenus tamen illuminat: sic proximorum laudabiliter facta, ex diuinæ gratiæ lumine profecta, etsi tenuius, aliquatenus tamen ad virtutem excitant. Sic Miltiadistrophæa Athenis erecta, dormire Themistoclem non sunt passa. De qua re vide plura in Dominica 2. Aduetus. Sic excitat hoc loco Christus discipulorum suorum animos, ut maximo hoc beneficio intellecto, quale veteres Patriarchæ non acceperant, & propter quod beati eorum oculi discernere

cerentur, ad Christum diligendum & audiendum magis ac magis inflammarentur.

Tertia causa laudandę virtutis est, Dei gloria, & nostra er-
ga eum gratitudo. Ad hoc hortatur Apostolus: *Omne quod-
cunque facitis in verbo, aut in opere, omnia in nomine Domini
nostri Iesu Christi facite, gratias agētes Deo, & Patri per ipsum.* 3. Ad Dei glo-
riam laudanda
virtus.
Coloss. 3.

Gratitudo est veluti clavis viscerum Dei, qua plerunque ipsa
aperiuntur, vt inde ingentes thesauri prodeant. Ad hanc per- *Allegoria.*

petuā animi gratitudinē veterem populum excitauit Deus,
quum iuberet in Arca fœderis virgam Aaronis, quę florue- *Exod. 15.*

rat, & duas tabulas Legis in monte Sina acceptas recondi at- *Exemplum.*
que asseruari: vt videlicet ex illorum præsentia, accepta à

Deo beneficia recordarentur. Quum exploratores terrę
Chanaan in ciuitate Iericho à Raab meretrice absconsi di-
mitterentur, illa quę huius beneficij vicissitudinem ab illis re-
posceret, dixerunt illi exploratores: *Innoxij erimus à iura-
mento hoc quo adiurasti nos, si ingredientibus nobis terram, signū
non fuerit funiculus iste coccineus, & non ligaueris eum in fene-
stra per quam dimisisti nos.* *Iosue 2.*

Obserua iussisse eos, vt in eadem
fenestra, per quam dimissi fuerant, & in qua beneficium ac-
ceperant, nec alibi, signum apponeret, vt eo conspecto, bene-
ficij accepti recordarentur. Oportet nos vias & modos quę-
rere, quibus ad Dei beneficia recolenda, & grato animo cō-
memoranda excitemur. Inter alia hoc vnum est, vt aliorum
virtutes, quę Dei dona sunt, pleno ore prædicemus. Sic ami-
co suo, qui eū laudauerat, gratulabatur Augustinus, eo quod
ipsum laudans, Dei dona laudaret atque diligeret. *Tibi (in-
quit) ad mercedem beatitudinis, quod ad hanc rem attinet, satis
est, quod nos tales credens, quales oportet esse seruos Dei, toto si-
nu cordis amplecteris.* *Philosophi huius mundi, quia scientes
Deum non sicut Deum glorificauerunt, id est, debitas gratias
non egerunt, nec Deo accepta retulerunt, sed sibi, quę inue-
nerant, tribuerunt (hoc enim est Deum non glorificare sicut
Deum, sicut Regem aut benefactorem tanquam talem ille
glorificat, qui eius accepta beneficia gratanter recolit) ideo
traditi sunt in reprobum sensum, in desideria cordis turpissima;
quę pœna fuit omnium acerbissima. De hac in Deum grati-
tudine iam in aliis Dominicis latè diximus.* *Roman. 1.*

*Domini. 3. post
Epiph. text. 5.
Domini. Palm.
text. 5.*

2. Ecce quidam legisperitus surrexit, tentans illum, & di-
cens.

Locus moralis, de doctrina & scientia cum virtute & pie-
tate

Scientia cum
virtute con-
iungi debet.

tate necessariò coniungenda. Iste legisperitus iuxta titulum & professionem suam clauem scientiæ tenebat, sed ea inani- ter inflatus, Christum, quem vt Prophetam omnes habebant, tentare maluit quàm audire; nec quærere, vt discat; sed vexa- re, vt in verbo capiat: nec deniq; eius sanctis præceptis obe- dire, vt saluus fieret; sed eum superbè examinare, vt doctus ac celebris videatur. Cauendus summopere hic hominum lite- ratorum morbus, qui ferè vnus omnium in Ecclesia hære- sum causa fuit, dum non ab Ecclesia discere, sed singulariter sapere volunt: qui etiam ipsis doctis, aliòqui Catholicis & orthodoxis, maximum salutis æternæ impedimentum esse solet, dum sua scientia confisi, nec conciones audire, nec vul- garia pietatis exercitia subire, nec publicas orationes fre- quentare, nec denique à quoquam vel in vsu Sacramentorũ, vel extra, doceri, moneri, corripì dignantur. Propter hoc ex-

Confess. lib. 8. c. 8.

Exemplum.

In vita eius a-
pud Surium,
tom. 4. p. 155.

Apophthe-
gma.

Surgunt indocti, & calum rapiunt; & nos cum doctrinis nostris ecce in carne & sanguine volumur. Magis quippe ad pietatem dociles sunt, quorum minor est doctrina, quia magis illi humiles & pauperes spiri- tu esse solent. Magnus ille Arsenius, vir in seculo literarum & eruditionis nomine celebris; ideoque ex magno doctorum numero vnus Romæ delectus, qui inde Cōstantinopo- lim vocatus, duobus Theodosij Magni filiis Arcadio & Ho- norio, qui & postea imperarunt, pædagogus esset; postea ere- mita factus, solebat de animi cogitationibus ac tentationi- bus Ægyptium quendam monachum, rudem prorsus & illi- teratum, frequenter percontari. Rogatus cur id faceret, res- pondit: *Quia huius rustici illiteratam planè inscitiam fateor me nondum didicisse.* moxque adiecit: *Diuinitus me edoctum non agnosco, etsi ex acqui- sita doctrina non pauca sciam.* Quare idem Arsenius ab Euagrio monacho in Græcis disciplinis multum versato, interrogatus cur monachi Ægyptij indocti & rudes tot insignes essent virtutibus; alij autem magnam assecuti doctrinam, ne mediocria quidem rectè gerere pos- sent, respondit, *Nos, qui alienis scilicet confidimus laboribus & disciplinis, ideo ex bonis tanquam propriis non facillè possumus fru- ctum aliquem facere aut percipere. Ij autem, qui sunt in so- lis propriis occupati laboribus, meritò proprios quoque fructus col- ligunt.*

Voluit dicere, viros doctos alienas virtutes magis ad- mirari, callere, & obseruare, quàm exsequi & imitari: pios verò indoctos in ipsis pietatis operibus totos exercere; ideoque

ideoque proprios fructus carpere, magnasque virtutes operari. Sic obseruare licet frequentiora & celebriora miracula ab illis seu nostri temporis, seu antiquioribus religiosis facta esse, quorum institutum in sui ipsius maceratione & mortificatione consistit, quàm ab illis, quorum professio in omni-gena quadam omnium disciplinarum cognitione, & in aliis docendis, varietate instituendis, siue per conciones, siue in scholis publicis versatur. Quod si in illis ita accidit, quorum cum summa pietate excellens eruditio coniuncta est, quid aut quantulum erit sola doctrina, à pietate seiuncta? Eleganter Seneca: *Omnia suo bono constant. Vitem fertilitas commendat, sapor vinum, velocitas ceruum. Quàm fortia dorso iumenta sint quaris, quorum hic vnus est vsus, sarcinam ferre. In cane sagacitas prima est si inuestigare debet feras; cursus, si consequi; audacia, si mordere & inuadere. Id in quoque optimum est cui nascitur, quo censetur. Homo Deo fruendo nascitur. Ratione antecedit animantia cetera. Virtute igitur & pietate prestare debet.* Hec ille, vt Philosophus planè Christianus. Quemadmodum enim Hippomachus Aliptes (vt refert Plutarchus) quibusdam laude efferentibus praelongū quendā ac praelongis manibus hominem, tanquam ad pugilum certamen idoneum; apertè respondit; Sanè ita, si suspensa in alto corona foret detrahenda: eleganter notans corporis proceritatem, nisi robur membrorum, & fortitudo animi accedat, ad certamen athleticum parum aut nihil facere: eodem modo frustra virum doctum, & quantalibet scientia præditum laudaueris, nisi vera pietate, & solidis virtutibus animum præterea excoluerit, quia corona gloriæ cælestis non eruditione, sed pietate obtinetur: *nec venit regnum Dei cum obseruatione, Luca 17.* vt curiosis Phariseis respondit Christus; sed in omni sollicitudine expectantibus Dominum suum donec reuertatur *Matth. 25.* à nuptiis, oleumque bonorum operum in fidei & scientiæ lampadibus gerentibus, venit sponsus, venit Dominus & merces eius cum eo: nec denique speculatores subtiles, & *Esaiæ 62.* auditores docti, sed factores verbi iustificantur: quia re- *Rom. 2.* gnium calorum vim patitur, actione studiosa comparatur; *Matth. 11.* & violenti rapiunt illud; actiuosi & feruidi in opere, à desidiis aliis, solaque præclara scientia contentis, quasi manu iniecta, auferunt illud.

Quare verbi doctores & magistros sic monet Salomon: *Bibe aquam de cisterna tua, & fluenta putei tui deriuentur foras. Prou. 5.*

Quod

*Cura pastor.
par. 3. admon.
25.*

Quod sic exponit sanctus Gregorius: *Aquam predicator de cisterna sua bibit, quum ad cor suum rediens, prius audit ipse quod dicit, fontes foras derivare, est exterius alius vim predicationis infundere.* Quemadmodum enim qui multam & purā aquam in cisterna domestica collectam habens, eam aliis liberaliter dispensat, sed ex ea nunquam, aut nisi parcissimē bibit ipse, stultus meritō & insanus habebitur, quin & siti perire poterit: sic qui multa sciunt, & alios præclare docent, nihil interim ipsi eorum quæ docuerunt, opere exequentes, graviter insaniunt; & bonorum operum vacui, exitio sempiterno mulctantur. Vnde iterum Salomon: *Pigredo immittit soporem, & anima dissoluta esuriet.* Quæ verba sic explicat sanctus Gregorius: *Piger rectē sentiendo quasi vigilat, quamvis nil operando torpescat. Sed tandem rectā sentiēdo, vigilantia ipsa amittitur, dum à bene operandi studio cessatur. Ideoque mens quia se ad superiora stringendo non dirigit neglectam se inferius per desideria expandit. unde infra dicitur: In desideriis est omnis otiosus.* Ita nempe comparatum est, ut qui vident meliora probantque, sed ex animi pigritia facere negligunt, & deteriora sequuntur, ex pigritia tandem, utcumque vigili, in altum somnum decidunt, ipsamque virtutem nec videant, nec probent ampliùs; sed tum opere, tum affectu & iudicio eam exhorreant: *gloriantes in iniquitate, latantes quum malè fecerint, & exultantes in rebus pessimis.* Horū postea mens dissoluta, & pravis desideriis corrupta esuriet, quia in ipsis nunquam satiabitur. Hic exitus esse solet doctrinæ & scientiæ à virtutis actione seiunctæ.

Prov. 29.

*Vbi supra, ad
monit. 16.*

*Psal. 61.
Prov. 2.*

*Exemplum.
Matth. 2.*

Scribæ & Pharisei Herodem docere potuerunt Christum in Bethlehem nasciturum: sed ibi eum cum Magis quærere & adorare noluerunt. Ipse quoque Herodes diligenter inquit de puero Iesu: non ut eum adoret, sed ut interficiat. Tales sunt omnes legum diuinarum & humanarum doctores: qui non ideo sunt docti, ut legibus obediāt, sed ut scientiæ famam & lucrum confectentur. Similes sunt dentibus insititijs, quibus ad loquendum tantum, non ad comedendum edentuli utuntur. Quid prodest famelico cognoscere naturas ciborum, & nihil gustare? aut morienti præ frigore de vi ignis posse disputare? Benè dixit Thomas à Kempis: *Malo sentire compunctionem, quàm scire definitionem.* Dicit Sponsus in Canticis: *Murenulas aureas faciemus tibi, vermiculatas argento.* Quis vnquā tale vidit? Si dixisset, *Faciemus tibi murenulas argenteas, vermiculatas auro;* nihil præter id quod

Similia.

*Apophthegma.
De imitat.
Christi, cap. 3.
Cant. 1.*

quod fieri solet, dixisset. Solet enim quod vilius est, eo quod pretiosius ducitur, vermiculari, expoliri, ornari; non e contra. Dicit autem Spiritus sanctus murenulas vermiculandas argento; quia aurum purissimæ charitatis exornatur scientia, & virtutem celebriorem facit eruditio, quæ absque virtute nihil est, vt dixit Apostolus: *Si omnem scientiam habuero, charitatem autem non habeo, nihil sum.* Quare virtus scientiam non ornat, sed eius planè basis ac substantia est, vt pote sine qua nihil est; quum virtus absque scientia planè multum sit: quia *melius est parum cum iustitia, quam multi fructus cum iniquitate.* Vnde & Propheta regius: *Bonitatem, & disciplinam, & scientiam doce me.* Prius dixit: *Bonitatem & disciplinam,* & postea *scientiam.*

Super virtutis fundamento bonæ literæ optimè sedebunt. Si cadauer mille vestibus oneres, nunquam calefiet; quia ab intrinseco nullum calorem natuum habet, qui vestimentis foueatur. Sic hominem impium, & Deo ac pietati mortuum, frustra mille præceptis instrues, frustra quoque & ipse omnem scientiam inuestigabit; quia amorem Dei & virtutis in se non habet, quod est principium vitæ spiritualis. Scientia fouet virtutem, non gignit; & eum accendit ad opus, qui iam diuini Spiritus calore antea tactus fuerat: & hoc sensu est machina per quam assurgat charitas, vt scripsit sanctus Augustinus, quia ex eius dictamine crescit & augmentum capit. Dæmones sapientissimi sunt, & vix illis mortalium quicquam scientia comparandus. Hoc vnum tamen ignorant, quomodo à pœnis inferni liberentur, aut aliquid piè cogitent, quia Dei amor prorsus in illis extinctus est. Quemadmodum ex nimia stomachi repletione, & ciborum redundantia oritur obstructio illa, quam medici oppilationem vocant; ex qua producitur continuus capitis dolor, & phrenesis ad insaniam perducens: sic ex deprauata vitæ cupiditate, & morum corruptela, oppilatio illa oritur, & obliuio Dei, de qua Scriptura dicit: *Oblitus sum comedere panem meum.* ex qua producitur contemptus pietatis, & insana obduratio in peccatis, vt omnis scientia in occasionem peccati vertatur. sicut iste legis peritus sua peritia non nisi ad tentandum Christum abutitur. De huiusmodi dicit Propheta: *Ornamentum monilium suorum in superbiam posuerunt, & imagines abominationum suarum & simulachrorum fuerunt ex eo.* Nam vt Iudæi isti ex auro ad vsum legitimum concesso idola fabricauerunt; sic impij omnem suam scientiam in superbiam oc-

caſionem, & in voluptatum idola conuertunt. Hunc locum in alijs quoque * Dominicis explicatum vide.

* Domin. 2.

Aduen. rex 4.

Domin. infr 4.

Off. Natiuit.

text. 2. Domi-

nica 3. Quad.

text. 7.

Amor Dei su-

per omnia.

Matth. 22.

Maximum
mandatum.

1. Ioan. 2.

Matth. 10.

De ciuit. Dei,

lib. 15 cap. 2.

Genes. 2.

3. *Diliges Dominum Deum tuum ex toto corde tuo, & ex tota anima tua, & ex omnibus viribus tuis, & ex omni mente tua.*

Locus moralis de amore Dei super omnia. *Hoc est maximum & primum mandatū*, ait Christus apud Matthæum. Verè maximum: quia maximè à Deo requisitum, maximè à nobis curandum, maximam in hac vita pacem, in altera mercedem afferens, si impleatur; maximè in inferno puniendum, si negligatur. Maximus Deus, maxima affectio amor. Sicut ergo in maximorum duorum connubio, maximus & nobilissimus est partus: sic amoris diuini nobilissima sunt opera. Maximum mandatum, sine quo reliqua nihil sunt: *Qui enim non diligit, manet in morte.* Maximum mandatum, cum quo ipsa parua magna fiunt. *Qui enim dederit calicem aquæ frigide tantum in nomine discipuli, non perdet mercedem suam*, id est, amplissimam accipiet. Maximum mandatum, quia amor, vita & forma virtutum est, perfectio bonorum operum, siue *vinculum perfectionis*, & omnium affectionum quidam Deus, quia fons & origo est. Nulla virtus, sine charitate Dei, vera virtus est, sic vt Deo ad meritum placeat, quia *nihil aliud virtus est, quàm ordo amoris* (ait Augustinus) siue amor ordinatus. Omnis virtus vt vitam & formam, sic & perfectionem à charitate accipit: quia quanto ex maiori charitate proficiscitur, tanto Deo acceptior est. Omnes aliæ affectiones, gaudium, tristitia, spes, metus à charitate ordinantur, & ex ea deriuantur, quia propter ea gaudemus & tristemur, quæ vel acquisita amplectimur, vel amissa lamentamur: ea speramus, quæ amamus: ea metuimus, quæ exhorrescimus. Maximum ergo & præcipuum hoc mandatum est; nec ordine tantum, sed & dignitate, & necessitate, & natura primum. Diligendus autem Deus *toto corde*, id est, tota voluntate: quæ est actionum omnium in anima principium, sicut motuum omnium in corpore principium est cor. *Tota anima*, id est, toto appetitu inferiori seu sensitiuo (quo sensu scriptum est *Factus est homo in animam viuentem*, id est, vita animali & sensibili cœpit viuere:) quem etiam appetitum mouet voluntas, sicut sphaera superior suo motu orbis inferiores mouet. *Ex totis viribus*, id est, per omnes potentiâs motiuas, & executiuas eius quod voluntas imperat, sic vt illæ

illæ omnes Deo seruiant in sanctificationem iustitiæ, sicut in impijs seruiunt iniquitati ad iniquitatem. Deniq; *ex tota mente*, id est, toto intellectu, qui per voluntatem charitate informatam mouetur ad credendum de Deo quæ sunt credenda ad meditandum de Deo dilecto, ad ea inuestiganda quæ ad Dei cultum & gloriam faciunt. Sic ergo diligendus Deus, vt tota nostra voluntas, appetitus, actio, intellectus in eum feratur; nec horum quippiam mundo, carni, diabolo, aut peccato seruiat. Pharaon filios Israël tandem aliquando dimissurus, ait illis: *Ite sacrificate Domino Oue tantum vestra* Exod. 10.
& armenta remaneant. Sed respondit Moyses: *Cuncti greges ibunt nobiscum. Non remanebit ex eis vngula; quæ necessaria sunt in cultum Dei nostri.* Hoc in figura contingebat illis. Diuino cultui totos nos consecrare & mancipare debemus; diabolo nec vngula, nec aliqua nostri particula relinquenda. Omnia nostra, voluntas, intellectus, appetitus, potentiæ, & vires ad Dei cultum necessaria sunt: *Præsertim quum ignoremus* (vt adiecit Moyses) *quid debeat immolari, donec ad ipsum locum perueniamus*: id est, quum nesciamus, in quem Dei cultum, & ad quam Dei gloriâ, affectus & vires nostras omnes conuertere debeamus, donec iuxta vocationem cuiusque, & occasionem virtutis, Deo seruiendi tempus aduenierit. Omnia igitur integra seruanda sunt Deo; ne alijs amoribus præoccupati, quum ad locum immolandi, ad occasionem Deo seruiendi ventum fuerit, auersi & impediti præstare id non poterimus, quod præstare oportebat. Docet hoc sanctus Augustinus, ita scribens: *Quum dicit, toto corde, tota anima, tota mente, nullam vite nostræ partem relinquit, quæ vacare debeat, & quasi locum dare, vt alia re frui velit: sed quicquid aliud diligendum occurrit, illuc rapiatur, quod totius dilectionis impetus currit.* id est, non nisi in ordine ad Deum dirigatur.

Allegoria.

De doctr. Crist. lib. 1 cap. 23.

Nunc vide quàm sit hoc præceptum variæ & certæ rationi consentaneum. Primum hic amor Dei super omnia prorsus naturalis nobis est, id est, naturæ nostræ conueniens, & ex naturæ nostræ conditione necessarius; non sic naturalis, vt solis naturæ viribus eum consequi valeamus. Naturale est vnicuique rei, vt finem suum appetat. Deus vltimus finis noster est, & sola beatitudo. Naturale est, vt vnaquæque pars diligat suum totum. At Deus totum quoddam nostrum est, nosque particula eius non per naturam, sed per gratiam, quæ nos consortes diuinæ naturæ fecit. Naturale est, illud

Amor Dei rationi maxime consentaneus.

^{1.} Amare quod suum est.

amare quod nostrum est. Amat vnusquisque quod suum est. Pater filium suum, & filius patrem: sponsa sponsum suum, & contrà: agricola agrum suum, &c. Propterea hic dicitur: *Diligas Dominum Deum tuum*. Noster enim est beneficijs Pater, potestate Dominus, electione Deus. Elegit enim nos in Filio suo renatos, in peculium & populum suum; sicut olim in amico suo Abraham, & electo suo Isaac, & dilecto suo Iacob, veterem populum elegerat. Caterùm nouo redemptionis beneficio, quo Filius Dei factus est caro nostra, & frater noster, non iam solum Dominus Deus noster, sed & Pater noster est, quo eum titulo quotidie inuocamus. Naturale est, vt filius patrem, seruus dominum, populus regem suum diligat. Hactenus ergo præceptum hoc naturale est.

2. Locus hominis proprius Deus est.

Quod vt magis intelligas, considera vbi sit locus tuus, & ad quid factus es. Omnia quæ facta sunt, suum certum locum & terminum habent in quo tanquam in suo centro & fine permaneant. Creauit Deus cælum, & Angelis impleuit. Creauit terram, & animantibus, reptilibus, fructibus ac plantis eam impleuit. Creauit mare, & piscibus impleuit. Creauit aërem, & volatilibus impleuit. Quis homini locus proprius restat, aut quid nunc homini Deus dabit in quo quiescat? Cætera omnia præoccupata sunt. Nam ignis elementum homini conuenire non poterat, faciliè, quoad corpus, corruptibilis; & quoad animam, varijs cupiditatibus per peccatum plus satis accenso, & inflammato. Quum nihil ergo donandum supererat, Deus homini seipsum dedit, solus Deus hominis hæreditas esse voluit. *Dominus pars hereditatis meæ, & portio mea in terra viuentium*, id est, in loco & numero rerum omnium animatarum. Sicut ergo auibus naturalis est aër, & piscibus aqua: sic proprius hominis locus est Deus. Hinc sanctus Augustinus: *Fecisti nos Domine ad te, & inquietum est cor nostrum donec quiescat in te*. Auicula cauea inclusa, et si optimis cibus abunde nutriatur, nunquã tamen quiescit, sed perpetuò saltitat, exitum è cauea quærens, & malit foris simplici herba sustentari, quàm in cauea delicatissimè ali. Sic anima cauea corporis inclusa, vtcunque falsis cupiditatibus deprauata, quietem tamen & satietatem nisi in solo Deo non inuenit. Ideo Deus hominem solum *ad suam imaginem & similitudinem creauit*. Vide ergo & animam tuam, hoc est, reipsū ô homo considera. *Cuius es imago & inscriptio?* Dei sanè. *Redde ergo quæ Dei sunt, Deo*, Da animam tuam Deo: illum colat illi seruiat, illum amet.

Psal. 15.

Confess. lib. 1.
cap. 1.

Simile.

Genes. 1.

Math 20.

Porro

Porro ex hac naturali ratione sequitur necessitas huius 3. Amoris Dei
 amoris. Viuit corpus cibo, viuit anima amore. Necesse est necessitas.
 vt aliquid ames, quia otiosa esse anima non potest. Sed ma-
 gis necesse, vt illud ames vnde viuas. Dicit Apostolus: *Fra-* Rom. 2.
tres, debitores sumus non carni, vt secundum carnem viuamus.

In quæ verba Augustinus: *Vnaquæque res secundum id viuat,* Sermon. 13. De
vnde viuut. Vnde viuut caro tua? de anima tua. Nam illa sepa- verbis Apost.
rata, caro moritur. Vnde viuut anima tua? de Deo tuo. Vna-
quæque harum secundum vitam suam viuut. Caro sibi non est
vita, sed anima carnis est vita. Anima sibi non est vita, sed Deus
est anima vita. Debet ergo secundum Deum viuere. Non vi-
uet autem secundum Deum, id est, secundum eius volun-
tatem, nisi Deum super omnia amet; vt eius in omnibus vo-
luntatem faciat.

Iam verò vt naturalis ac necessarius, ita maximè nobis 4. Amor Dei
 ipsis utilis hic Dei amor est. Iubet Deus vt illum diligamus: maximè utilis.
 non quia amor noster illi vel necessarius, vel utilis est, sed
 quia nobis utilissimus. Hoc enim Dei amore nobilitamur,
 amicitia coniuncti Deo. *Si quis diligit me, Pater meus diligit* Ioan. 14.
eum, & ad eum veniemus, & mansionem apud eum faciemus.
 Hoc Dei amore ipsum Deum nobis conciliamus, nostrique
 amantem reddimus. Ait enim: *Ego diligentes me diligo.* Hoc Prover. 8.
 Dei amore Deo fruimur, ei adhæremus, in eo manemus.
Qui enim manet in charitate, manet in Deo, & Deus in eo. Hoc 1. Ioan. 4.
 Dei amore omnia alia præcepta mira facilitate exequimur.
Qui enim diligit me, sermones meos seruabit. Denique hoc Dei Ioan. 14.
 amore omnia dura, aduersa, difficilia patienter sustinemus,
 libenter toleramus, hilariter superamus. Hæc singula in alijs
 iam Dominicis explicata sunt.

His accedit, quòd totus hic amor Dei nisi mutuus est, &
 amplissimis eius in nos beneficijs debitus. Vox Dei est:
Quid est quod debuisti facere vineæ meæ, & non feci? Huc perti-
 nent indefessa eius circa nos prouidentia, liberalitas im-
 mensa, longanimitas prolixa, misericordia infinita, charitas
 ineffabilis, vt in alijs iam Dominicis sæpe dictum est. Hæc
 huiusmodi sunt, vt absque vllò præcepto Deum super omnia
 amare vnumquemque meritò moueant. Sola gratitudinis
 erga Deum ratio (de qua iam aliquoties diximus) hunc à
 nobis amorem extorquet: maximè, quia nunquam cessat
 nobis benefacere, & nihil æquius, quàm actu semper bene-
 facientem redamare.

5. Amor Dei
 non est nisi
 mutuus.
 Esaias 5.

6. Amor Dei,
 præceptum
 facile.

Porro quid hoc præcepto facilius? Si aliquis rex ita clemēs

R ; esset,

Simile.
Esaia 43.

esset, vt nulla alia à suis tributa aut vectigalia exigeret, nisi solum amorem; nōne clementissimus ille rex videretur? Vnde sic nos Deus alloquitur: *Non me inuocasti Iacob, nec laborasti in me Israël. Non te seruire feci in oblatione, nec laborem tibi prabui in thure.* Hoc est, dura & difficilia à te nō postulauī. Quid enim facilius, aut suauius quam diligere? Ad amandum nemo est imbecillis, insipiens, pauper. Ad cæteras virtutes exequendas, robur corporis, animi fortitudo, ingenij vis, diuitiæ, valetudo, requiruntur. Ieiunare æger & debilis non potest. Eleemosynas dare nequit pauper. Vt pupillum, vt viduas defendas, ingenio, consilio, opibus opus est. Vt multis benefacias, multa aduersa sustineas, multos doceas, magna media, magna animi fortitudo, multum sciētiæ adesse debet. Deum verò benedictum & beneficentissimum amare æquē potest mendicus ac rex potentissimus, æquē ægrotus vt sanus, non secus idiota quàm doctissimus. perinde insipiens vt sapientissimus: non minùs debilis quàm robustissimus. Ab amore nihil est quod excuset. Qui amare se nō posse affirmat, vel maliciosum se apertè prodit, vel prauis cupiditatibus sese miserè præoccupatum agnoscit.

7. Amor Dei,
maximè delectabilis.

8. Amor Dei
præceptum verè
recundum.

Simile.

Quid, quòd amor res ex seipsa maximè delectabilis est, & sui ipsius sufficientissima merces? Quàm sit iucunda res amare, ille intelliget, qui, quàm sit res molesta, negotiosa, suspicax, inquieta, quenquam odisse, animaduertet. Quæ omnia quum ita sint, tamen datur hoc præceptum de diligēdo Deo, tum ex parte nostra verè recundum, tum ex parte Dei amantissimum. Si enim rex quisquam potentissimus aliquē ex infimo loco ad summam à se dignitatem euectum, iuberet postea, Vide vt me diligas; quod si non facis, capite te mulctabo: nōne hoc illi verè recundum videatur præceptū, qui tot iam acceptis beneficiis tam regi obnoxius factus esset? Nōne meritò Regi suo diceret: Quid hoc mi Domine iubes, quum tanta sint tua in me beneficia, vt nisi te mea sponte amem, & ardentè amem, & præ omnibus mortalibus amem, hac luce indignus sim? Tale est hoc Dei præceptum de se diligendo nobis datum: & sic ex parte nostra verè recundum. Ex parte Dei amantissimum præceptum est, quia illud iubet, quod ex re nostra maximè est; quòdque ideo iubet, vt coronæ sempiternæ nobis conferendæ occasionem capiat. Quis vnquam vidit aut audiuit, vt sitienti & aquam postulanti non solum aqua tribuatur & ministretur, sed etiam inuiteretur pecuniis vt illam bibat? Quis vnquam vidit

esurienti

9. Amor Dei,
præceptū amantissimum.

Similia.

esurienti cibum ministrari, simulque pecunias pro comestitionis labore persolui? Sed sic amantissimi parentes proteruos interdum paruulos, & à cibis salubribus pertinaciter abhorrentes, ac noxiorum appetentes, munusculis inuitant, ut cibos ipsis necessarios capiant. Tale est hoc præceptum de diligendo Deo super omnia.

Quæ tamen omnia si non essent, vel hoc solo nomine maxime & præ cæteris rebus omnibus diligendus Deus esset, quia amore nostro ille vnus per seipsum & ex seipso dignissimus est. Est enim summum bonum, & omnium rerum quæ vel cogitari, vel desiderari, vel amari possunt, in se perfectiones habet. Si homines quos nunquam vidimus, & à quibus nullum beneficium expectamus, amamus tamen frequenter, & videre atque familiares & amicos habere cupimus, propter alicuius in eis virtutis celebritatem, aut eruditionis, aut fortitudinis bellicæ, aut sapientiæ, quam admiramur & colimus; (sic enim vt Liuium viderent, ex vltima Græcia aliqui Romam peregrinati sunt; & in certaminibus Olympicis, in vnum Themistoclem omnium oculi conuersi erant, relictis spectaculis alijs) quanto magis Deum Optimū Maximum, in quo omnis perfectissimè virtus, sapientia, fortitudo, pulchritudo, gloria subsistit, etiam propter se solum amare, & videndi desiderio teneri nos oportebat, etsi alioqui amor eius & visio nullam nobis vtilitatem conferret, nisi voluptatem quandam momentaneam? Quid enim, si sapientiam admiraris, nonne in eo *omnis scientia & sapientia thesaurus reconditus est?* Si pulchritudinis amator es, nonne Filius eius homo factus, *speciosus est forma præ filijs hominum?* nonne lucerna cœli *Agnus est?* nonne in Dei Spiritum *Angeli desiderant prospicere;* & *vultu suo ille latificat omnes?* Si potentia & fortitudine delectaris, nonne ille *Dominus fortis & potens est, Dominus potens in prælio?* Si gloria & diuitiæ animum tuum tangunt, nonne *gloria & diuitiæ in domo eius?* & *laudent illum astra matutina,* & *cœli enarrant gloriam eius?* Si voluptate caperis, nonne *delectationes eius usque in finem in dextera eius?* Si saturitas & abundantia tibi placent, nonne *inebriantur ab ubertate domus eius qui possident eum?* Ergo vel propter seipsum Deus supra omnia amandus est.

Atqui si non propter seipsum, saltem propter teipsum Deū ama. Si enim proprium obiectum voluntatis, est bonum; & omnia naturaliter appetunt bonum, ita vt nihil diligatur nisi sub specie boni: necessario Deus super omnia diligendus,

10. Deus amore nostro dignissimus.

Simile.

Plutarch. in Themistocle.

Coloss. 1.

Psal. 44.

Aocal. 21.

1. Petr. 1.

Psal. 15.

Psal. 29.

Psal. 111.

Iob 38.

Psal. 18.

Psal. 15.

Psal. 35.

11. Ama Deum propter teipsum.

Simile.

*In lib. de vera
virgin.*

Simile.

qui & in se fons bonitatis est, & nostrum est cuiusque super premium bonum. Si radium exiguum bonitatis eius in aliqua creatura amas, & guttula fontis huius mirabiliter tibi arridet; quomodo solem ipsum iustitiæ, & fontem perennem non admiraris, amas, colis? Appositè sanctus Basilius: *Sicut is, qui in sole magistrum alloquitur, non magnopere curat intueri umbram manuum ipsius motum consequentem, totiusque formæ & lineamenta imitantem, sed totus ex ore præceptoris pendet: ita anima humana omnem corpoream pulchritudinem non nisi umbram diuinæ reputans, ideoque eam vel non inspiciens, vel certè negligens, ad præceptorem, sponsûmque suum, Deum, tota intentione conuersa, huius tantum pulchritudinem admiratur, & præcepta exequitur.*

12. Amor Dei
omnes virtutes
continet.
Epist. 52.

In vno Dei amore quatuor cardinales virtutes contineri, his verbis docet sanctus Augustinus: *Adherere Deo per amorem, est prudentia, quia prospectissimè adhaerebit bono quod non amittatur: est fortitudo, quia firmissimè adhaerebit bono, unde non auellatur: est temperantia, quia castissimè adhaerebit bono, ubi iam non corrumpatur: est iustitia, quia rectissimè adhaerebit bono, cui meritò subijciatur.* Rursum diligendo eligere Deum, prudentia est: nullis inde auerti molestijs, fortitudo est: nullis illecebris eum deferere, temperantia est: nulla superbia ab eo excidere, iustitia est. In veteri Lege præcepit Deus, ut filij Israël primogenita sua omnis generis Deo consecrarent: reliquorum omnium liberum illis reliquit dominium. Primogenitus noster in rebus spiritualibus, amor noster est. Hic principalis affectus est, solus proprius, & in nostra potestate, solus amorì diuino respondens, ut partim hîc, partim aliis suprà in locis explicatum est. Hunc si Deo consecramus, reliquorum affectuum vsum liberum habemus: quia non nisi ordinari erunt, nostrisque vîsibus non nisi rectè & legitime seruient.

Exod. 15.

Allegoria.

*Domin. 1. Quæ
drage. text. 10. &
Domini præced.
tex. 6.*

Typus.

Leuit. 6.

4. Reg. 2.

Allegoria.

Deuter. 33.

Afor. 2.

Hic amor Dei est ignis, quem Deus in altari semper ardere præcipiebat: ut in ara cordis nostri, omnia nostra desideria, omnemque voluntatem igne charitatis immolarem. Diuinus hic amor currus est igneus, quo ascendit Eliás in cælum, nosque illuc asportabit. Et quoniam Christi Euangelium Lex est amoris, ait vetus Scriptura apparuisse eum de monte Pharan, Legem igneam dextera tenentem; quam ob causam, quum promulgandum hoc erat Euangelium, apparuerunt Christi discipulis dispersitæ linguæ tanquam ignis, & repleti sunt Spiritu sancto. De quo etiam igne Christus dixit:

dixit : *Ignem veni mittere in terram ; & quid volo, nisi ut ac-* Luca 12.
cendatur? Hæc terra cor nostrum est, terram sua sponte post
 peccatum amans, & terrena sapiens. Et quemadmodum Simile.
 frigidum hoc & infimum terræ elementum in media est
 mundi sede conglobatum, sic cor humanum in medio corpo-
 ris est constitutum.

Hoc cor vult Deus, ut diuina concipiat, quæ illud amore
 incendant, & studio immortalitatis inflamment. Vnde apud
 Salomonem Deus : *Præbe mihi fili cor tuum.* Totum cor no- Prouerb. 14.
 strum postulat à nobis : quia & totum meretur, nec nisi to-
 tum ei placere potest. Filij Aaronis, quoniam in thuribu- Leuit. 10.
 lum alienum ignem posuerunt, fuerunt igne combusti. Typus.
 Ignis alienus in thuribulo, est amor mundi in corde. Con-
 tra hos amatores Dei partiales sic intonat diuus Iacobus : Iacob. 4.
Adulteri, nescitis quòd amicitia huius mundi inimica est Dei?
Quicumque igitur voluerit amicus esse huius seculi, inimicus Dei
constituitur. De his etiam & Oseas : *Diuisum est cor eorum,* Osea 10.
nunc interibunt. Diuisio cordis, mors animæ est. Nam ut cor- Simile.
 pus diuisum non viuit, sic cor diuisum nullā habet vitam. De
 hac diuisione in alio loco plura diximus : *Sicut casta mulier* Chrysost. hom. 26.
quæ virū suum amat, nullum alium amat; si autem alium ama- ex varijs in
uerit, iam non amat virum: ita & homo si Deum amat, mundū Matth. locū.
non amat. Si autem mundum amauerit, iam Deum ex toto
 corde non amat. Rursum ibidem. Perfectus amor & perfe-
 ctum odium, verum iudicium non cognoscit. Si perfecte
 odias aliquem, qualiacunque fuerint apud illum, omnia Similia.
 tibi displicent, siue quæ loquatur, siue quæ agit : etsi sunt
 bona, tamen tibi mala videntur. Sic & si perfecte aliquem
 amas ; quæcunque sunt apud eum, tibi placent, siue quæ
 loquitur, siue quæ agit : etsi mala sunt, tamen tibi bona vi-
 dentur.

Sic omnis anima Christiana, quæ sponsa est Christi, ita
 debet diligere Deum, ut nihil sit in mundo quod amet præ-
 ter eum. Talis erat anima Pauli, quum diceret : *Mihi mū-* Galat. 6.
dius crucifixus est, & ego mundo. Et iterum : *Iam non vivo ego* Epist. 2. ad Hu-
sed viuit in me Christus. Sapienter sanctus Anselmus : *Sic est* gonem.
de corde hominis & amore Dei, quomodo de vase & oleo. Simile.
Nom
sicut vas, quanto magis habet aquam, aut alium similem li-
quorem, tanto minùs capit oleum; ita cor, in quantum occupa-
tur alio amore excludit diuinum. Cæterum hoc præceptum
 quum sit affirmatum, non obligat, nisi tempore occasionis Amoris præ-
 oblatæ, vel virtutem exercendi, vel vitium fugiendi : extra ceptum qua-
 tenus obligat.

quæ tempora alia præter Deum in ordine ad Deum rectè amari possunt. Nec etiam ut intensissimè ames præceptum hoc iubet, sed in rerum æstimatione primum locum debet amor Dei occupare cæterisque omnibus præferri. Magis intensè quis familiarem amicum amat, quàm Principem suum, quem tamen propter amicum offendere nollit, si casus occurreret, quo officium erga Principem, priuata amicitie contrarium aliquid postularet. Plura vide in Dominica prima Quadragesimæ, textu ultimo, & in Dominica Pentecostes, textu primo.

4. Et proximum tuum sicut teipsum.

Amor proximi.

Matth. 22.

Homil. 72. in

Matth.

Enarrat. in Psal.

118. Concil. 8.

In lib. de diligendo Deo.

Tracta. 17. in

Euang. Ioan.

1. Ioan. 4.

LOCVS moralis de dilectione proximi. Hoc etiam *mā-*
datum simile primo dixit esse apud Matthæum Christus. Et quare sit simile, eleganter exponit Chrysostomus: *Quoniam* (inquit) *hoc illud inducit, & ab illo rursus munitur.* Præceptum de diligendo Deo inducit dilectionem proximi, èltque causa illius. Nam (ait sanctus Augustinus) *ut sciat homo diligere proximum tanquam seipsum prius debet diligendo Deum diligere seipsum.* Sic & diuus Bernardus: *Ut perfecta fiat iustitia in dilectione proximi, Deum in causa habere necesse est.* Alioquin proximum purè diligere non potest, qui Deum non diligit. Oportet ergo Deum diligi prius, ut in Deo diligatur & proximus. Hæc ille. Sic igitur dilectio Dei inducit dilectionem proximi. Rursus præceptum de diligendo Deo, ab altero de diligendo proximo munitur, roboratur, perficitur. Vnde sanctus Augustinus: *Dilectio Dei prior est ordine præcipiendi, sed proximi dilectio prior est ordine faciendi.* Neque enim qui præciperet tibi dilectionem illam in duobus præceptis, prius tibi commendaret proximum, & postea Deum, sed primò Deum, & postea proximum. Tu autem quia Deum nondum vides, diligendo proximum promeris quem videas; diligendo proximum, purgas oculum ad videndum Deum; euidenter Ioanne dicente: *Qui non diligit fratrem suum, quem videt, Deum, quem non videt, quomodo potest diligere?* Est ergo hoc posterius præceptum priori simile: quia ut inchoatio charitatis in Dei dilectione est; ita perfectio charitatis per proximi dilectionem acquiritur. Ut scias rectè diligere proximum, prius diligendus est Deus: sed ut perfectus has amator Dei, exercere te debes in amore proximi. Sic hoc præceptū alteri simile est, quia similiter ad salutē necessarium

sarium est; quia cognatum est alteri; quia sic effectus prioris est, ut augmentum tamen suę originis faciat. Quemadmodum *Simile.*

enim calor corporis naturalis) ut iam antea dictum est, sed & hic ex alia causa dicendum est) vestimenta illi imposita calefacit, quę ipsa vestimenta calorem naturalem postea fouent, conseruant, atque perficiunt: sic ignis amoris diuini ad proximum amandum cor accendit, & ipse amor proximi hunc postea ignem fouet atque adauget Nam ut calor natu- *Similia.*

ralis & internus corporis exercitio fouetur, torpore flaccescit: sic externis in proximum charitatis operibus, amor in Deum voluntati insitus mirificè excitatur & feruet; absque externo charitatis exercitio marcescit, & paulatim extinguitur. Sicut vitę animalis argumentum est motus membrorum: sic vitę spiritualis certum indicium est amor erga proximum,

& opera charitatis in illum. Hinc diuus Ioannes: *Translati* *1. Ioan. 3.*

sumus de morte ad vitam, quia diligimus fratres. id est, hoc argumento euidenter apparet nos ita gratiæ viuere. Contrā sicut mortis aut desperatę valetudinis argumentum est, stupor membrorum, & cessatio motus: sic extinctę gratiæ clarum indicium est, non affici erga proximum, & ab eius dilectione cessare. Vnde iterum diuus Ioannes: *Qui habuerit* *1. Ioan. 3.*

substantiam huius mundi, & viderit fratrem suum necesse habere, & clausit viscera sua ab eo, quomodo charitas Dei manet in eo? Adcō sunt hæc duo præcepta cognata & similia, de Dei & proximi dilectione.

Quod adhuc magis ex modo diligendi proximum apparebit: *Diliges* (inquit Christus) *proximum sicut te ipsum.* At te ipsum non nisi in ordine ad Deum diligere debes, quia toto

corde tuo, tota anima & mēte tua, ex totis viribus tuis Deus à te diligendus est. Diligendus ergo proximus propter Deū: vel quia creatura Dei est, & natura nobiscum communis; vel quia ad eandem nobiscum beatitudinem participandam creatus est; vel quia omnia quę diliguntur, ad Deum referenda sunt, velut media ad finem. Prima consideratio in hoc Euangelio docetur, ubi ille docetur esse proximus noster, qui nostra ope & misericordia indiget: nosque illi proximi sumus, cui laboranti auxilio esse non recusamus. Sic Samaritanus ostendit se fuisse proximum ei qui inciderat in latrones, & eū tanquam proximum dilexit. *motus misericordia super eum.*

Sacerdos & leuita, qui laborantem proximum præterierunt ostenderunt se ei proximos non fuisse, nec eum pro proximo habuisse. Atqui ut omnis homo nobis proximus est: ita ille

In Psal. 118.
Concil. 8.

ille maximè, qui nostra ope indiget, & quem iuuare tum facultas nostra potest, tum oblata occasio iubet. *Omnis homo* (ait Augustinus) *est homini proximus; nec ulla est cogitanda longinquitas generis, ubi est natura communis.* Quod quidem ut Deus homines efficacissimè doceret, quum cæterorum omnium viuencium & animatorum, pecudum, piscium, volatiliū diuersas species creasset, totius rationalis creaturæ non nisi vnā hominū speciem esse voluit, qui solo numero differrent. Atq; adè ex vno singulari homine, totum humanum genus propagauit. *Vnum ac singulum* (ait sanctus Augustinus) *Deus creauit hominem, non utique solum sine humana societate deserendum, sed ut eo modo vehementius ei commendaretur ipsius societatis unitas, vinculumq; concordia; si non tantum inter se natura similitudine, verum etiam cognationis affectu homines neſcerentur, quando nec ipsam fœminam copulandam viro, sicut ipsum creari illi placuit, sed ex ipso, ut omne ex vno homine diffunderetur genus humanum. Sic omne hominum genus ex vno, ad commendandam concordiam est propagatum.* Hæc illè.

Proximus
quis.

De doctrin.
Christ. l. 6. c. 28.

Sed quum hac ratione omnis homo quasi vnus homo sit, nec omnibus tamen prodesse quilibet potest; ille homo tibi proximus, & pro tempore propinquissimus censendus est, qui tua præsentī charitate indigens sese tibi offert. quòd his verbis docet sapienter Augustinus: *Cum omnibus prodesse non possis, his potissimū cōsulendum est, qui pro locorum & temporum, vel quarumlibet rerum oportunitatibus constrictius tibi quasi quadam sorte iunguntur.* Sicut exim, si tibi abundaret aliquid, quod dari oporteret ei qui non haberet, nec duobus dari possit; si tibi occurrerent duo, quorum neuter alium vel indigentia, vel erga te aliqua necessitudine superaret; nihil iustius faceres quàm ut sorte eligeres, cui dandum esset, quod dari utrique non potest: sic in hominibus, quibus omnibus consulere nequeas, pro sorte habendum est, prout quisque tibi colligatius temporaliter adharere potuerit. Hæc ille. Hoc igitur sensu diuitis proximus est pauper, sapientis ignarus, sani ægrotus, liberi captiuus, felicitis miser, quoties vel hic illius opē flagitat, vel ille huius indigentiam videt & iuuare potest. Quum illa vox in Comœdia audiretur: *Homo sum, humani nihil à me alienum puto; huic sententia* (ait Augustinus) *theatra tota plena stultis indoctisq; applausisse ferunt.* Ita quippe omnium affectum naturaliter attigit societas humanorum animorum, ut nullus ibi hominum nisi cuiuslibet hominis proximum se esse sentiret. Quare hanc potissimum dilectionis causam ut naturalē, & ex naturæ principiis ortam,

Epist. 52.

ortam, docent iuxta hoc Euangelium Patres. Omnes proximi sumus (ait Augustinus) conditione terrena natiuitatis, & etiam *Serm. 59. de spe celestis hereditatis.* Sic & beatus Prosper: Proximum sicut temp. oportet diligimus, si non propter aliquas utilitates, non propter *De vita contemplat. lib. 3. cap. 15.* sperata beneficia vel accepta, non propter affinitates vel consanguinitates, sed tantum propter hoc, quod natura nostra participes sunt, diligamus: quia non eos sicut nos ipsos amamus, quando propter illa superius dicta diligimus. Hæc ille. Sic & diuus Gregorius: Ille (inquit) veraciter charitatem habet, & qui amicum diligit in Deo, & inimicum diligit propter Deum. Nam sunt nonnulli qui diligunt proximos, sed per affectum cognationis & carnis: quibus tamen in hac dilectione sacra eloquia non contradicunt. Sed aliud est quod sponte impenditur natura, aliud quod præceptis Dominicis ex charitate debetur obedientia. *Homil. 27. in Euang.*

Atque hæc quidem vna, & certa, & naturæ insita consideratio est, qua omnes homines ut natura proximos diligimus sicut nos ipsos, sicut nostram naturam. Similitudinem enim dilectionis præceptum sonat, non æqualitatem. Quapropter (ut loco citato scribit beatus Prosper) hæc proximi tota dilectio, ut bonum quod tibi conferri vis, velis & proximo; & malum quod tibi nolis accidere, nolis & proximo. At alia & altior adhuc est in proximi dilectione consideratio; ut eum sicut nos ipsos diligamus, non solum ex parte præsentis vitæ, sed etiam in ordine ad futuram. Vnde sanctus Augustinus: Sciētiā iam diligere seipsum propter Deum, cum mandatur de proximo diligendo sicut seipsum, quid aliud mandatur, nisi ut ei, quantum potest, commendet diligendum Deum? Sic & Prosper loco citato: Secundum nos proximos omnes diligimus, quando ad mores bonos, & ad æternam vitam consequendam, sicut nobis saluti eorum consulimus, quando nos in eorum peccatis ac periculis cogitamus, & sicut nobis subueniri optamus, ita eis pro viribus subuenimus. Huc pertinet zelus animarum, de quo in aliis Dominicis iam dictum est. Hic quoque amor proximi ex triplici amicitia patet. Est enim amicitia inter homines triplex, consuetudinis, rationis, pietatis; quam sic tradit Augustinus: Amicitia consuetudinis oritur ex occasionibus cohabitandi, colloquendi, simul conuersandi, ut contristetur homo quando deseritur ab amico, cum quo solet colloqui, & familiarius agere. Hæc quidem est hæc amicitia & laudabilis. Sed habent illam & pecora. Est alia superior amicitia non consuetudinis, sed rationis, qua diligimus hominem propter fidem & mutuam beneuolentiam in ista vita

Proximus quomodo diligendus.

Prosper ubi supra.

De Ciuit. Dei, lib. 10. ca. 4.

Amicitia triplex.

Homil. 38. ex

Homil. 50.

vita mortali. Superius quicquid est, iam diuinum est. Incipiat homo amare Deum, & non amabit in homine nisi Deum. Et paulo post: Si omnis qui amat, saluum vult habere quod amat, si intelligat quæ sit vera salus, incipit illam amare in se, & sic ipsam cogitur mox amare in amico. Quia ergo tu salutem desideras quæ æterna est, ad illam salutem diligis amicū tuum; & totū quod vis amico tuo præstare, hoc est, ut illā tecū teneat salutem. Hæc ille. Hoc est verè diligere proximum sicut teipsum. Hæc est dilectio non consuetudinis, non rationis, non carnalis, non humana, non fordida; sed pia, liberalis, diuina, & quæ in hoc Euangelio traditur. Hanc proximi dilectionem tum explicat, tum probat Augustinus his verbis: *Velle debemus, ut omnes nobiscum diligant Deum, & totum quod vel proximos adiuuamus, vel adiuuamur ab eis, ad vnum illum finem referendū est. Si enim in theatris nequitia, qui aliquem diligit histrionem, & tanquam magno vel etiam summo bono eius arte fruitur, omnes diligit qui eum diligunt secum, non propter illos, sed propter eum quem pariter diligunt, & quanto est in eius amore feruentior, tanto agit, quibus potest modis, ut à pluribus diligatur, & tanto pluribus cupit eum ostendere; & quem frigidiorē videt, excitat eum quantum potest laudibus illius; si autem contrauenientem inuenerit, odit in illo vehemēter odium dilecti sui, & quibus modis valet, instat ut auferat: quid nos in societate dilectionis Dei agere conuenit, quo perfrui, beatè viuere est, & qui se vult diligere, non ut sibi aliquid, sed ut eis qui diligunt æternum premium conferatur?* Hæc ille. Sanè infinitè magis ad Dei dilecti amorem omnes, quos possumus, pertrahere debemus, quàm ad chari sui histrionis amorem stultus amicus, quos potest, trahit; si tamen sic Deum amamus, ut suos histriones magnates interdum amant. Nam cum Dei charitate simul intrat proximi dilectio, ait sanctus Chr. Iosotomus; & una eademq; charitate Deum ac proximum diligimus, ait probatq; prolixè sanctus Augustinus. Ideo sanè Apostolus dixit: *Qui diligit proximum, Legem impleuit.* Et iterum: *Omnis lex in vno sermone impletur: Dilige proximum tuum sicut teipsum.* Quod & Christus Dominus disertè docuit, dicens: *Omnia quæcunque vultis ut faciant vobis homines, ita & vos facite illis.* Hæc est enim Lex & Propheta. Hæc ideo dicuntur, quia nec proximum diligere potest ut seipsum, nec seipsum ut oportet, qui Deum super omnia non diligit: nec Deum diligere potest, qui proximum non diligit; quia ut vnum alterius causa, sic aliorum prioris argumentum & perfectio est. Vnde diuus Ioannes: *Qui dicit*

se

De doctrin.
Christi, lib. 1.
cap. 29.

Simile.

Homil. 34. ad
pop. Antioch.
De Trinit. lib. 8.
cap. 8.
Rom. 13.
Gal. 5.

Matth. 7.

1 Ioan. 2.

se in luce esse, & fratrem suum odit, in tenebris est usque adhuc. Qui diligit fratrem suum, in lumine manet, & scandalum in eo non est. hoc est, perfectus est, & Legem impleuit. Sic exponit hæc verba Augustinus: Manifestum, quòd iustitia perfectionem in fratris dilectione posuerit. Nam in quo scandalum non est, utique perfectus est. Et tamen dilectionem Dei videtur tacuisse: quod nunquam faceret, nisi quia in ipsa fraterna dilectione vult intelligi Deum, nempe propter quæ, & in quo proximus diligitur, quando sicut oportet diligitur. Dilectio proximi seruat omnia mandata secundæ tabulæ, honorat parentes, non moechatur, non occidit, non furatur, &c. Vnde Paulus dixit, omnia illa mandata in hoc vno sermone recapitulari: Diliges proximum tuum sicut teipsum. Hæc est huius præcepti vis, dignitas, necessitas, & amplitudo.

De Trinit. lib. 8. cap. 8.

Rom. 13.

Diximus verba illa, *Sicut teipsum*, non æqualitatem, sed similitudinem & modum significare. Non enim tantum diligere proximum, quantum nos ipsos diligimus, iubet præceptum; imò ordo naturæ & charitatis habet, ut diligam me plus quàm proximum; sed modum diligendi præscribit. Hunc modum breuiter diuus Thomas & sapienter tradit, dicens, Diligendum esse proximum sanctè, iustè, & verè. Sanctè, quia propter Deum, ex parte finis; iustè, quia in solis bonis diligendus est, ex parte regulæ dilectionis; verè, ut velis illi bonum simpliciter, non propter propriam aut utilitatem aut delectationem, ex parte rationis & causæ in diligendo. Hanc proximi dilectionem & nostra natura, & pecudum ipsa consuetudo docere potest. In nobis Deus præcipua membra gemina esse voluit, binas aures, oculos, manus, pedes, ut alter alterum, quum necesse est, iuuaret, ut notauit sanctus Basilius.

2. 2. q. 4. art. 7.

Epist. 68.

Sanè ipsa membra mutuis officiis carere, ut & caput indigeat pede, pesque capite, & sic in cæteris omnibus, ostendit Apostolus: ut doceat non ordinem tantum, sed & pacem ac charitatem in societate humana necessariam esse. Hanc sociale dilectionem docent bruta, in gruibus, ceruis, formicis, aliisque ferè omnibus. Grues sic turmatim volant, quum nouas sedes transmarinas petunt, ut propter prolixum maris transitum sibi muruò innitantur; sed ita, ut quæ prima agmen ducit, vbi lassari incipit, eo quòd nulli nixa fuerit, ad extremam redeat, cui tantisper incumbat, donec omnibus id successiuè facientibus, iterum prima fiat. Idem obseruatur in ceruis, quum ad noua quærenda pascua la-

Rom. 12. & 1. Cor. 12.

Similia.

Euseb. Emiss. Hom. de arund. quassat non confring.

*Chrysost. orat. 5.
contra Iudaos.*

*Idem Homil. 15.
in Matth.*

cus ingentes transnataant. Fornicæ laborantes suas & oneri succumbentes, coniunctis operis subleuant, & mortuas efferrunt. Porro & hanc dilectionem Christianam cuiuslibet ferè artis socij nos docent. Milites, si quos suorum aut etiam hostium viderint inter mortuos, spirantes adhuc, nec lethale vulnus habentes, his in tentoria sublatis, multam adhibent curationem, extracto telo, accersitis medicis, absterfo sanguine, pharmacis porrectis, reliquaque omni curatione admota, ad sanitatem reducunt. Nautæ, quum alias naues procul cernunt naufragij periculum incidere, continuo vela tendentes, maxima contentione properant, vt eiusdem artis homines periculo eximant. Idem faciunt in agris & viis aurigæ, nec moras itineris deprecantur, vt sociorum curribus luto herentibus, aut detrimento alio affectis, auxilio prestito, sint. De varia proximi dilectione vide plura in aliis * Dominicis. Dom. 2. post Epiph. tex. 2. Dom. 3. post Epiph. tex. 3. Dom. 4. Quadr. text. 5. Dom. Palma. tex. 1. Dom. 1. post Pentec. tex. 1. 2. 3. 4. Dom. 5. post Pent. tex. 2. 3. & 4. Dom. 6. post Pentec. text. 1. Dom. 9. post Pent. tex. 1. Dom. 11. post Pentecost. tex. 1.

5. Ille autem volens seipsum iustificare, dixit ad Iesum:
Et quis est meus proximus?

Vana sui ostentatio.

Matth. 23.

Locus moralis contra hypocriticam & vanam ostentationem, falsamque sanctitatis opinionem affectatam. Iste enim legisperitus quærit à Christo, quis esset eius proximus; non vt hoc disceret, nec quia hoc se ignorare putabat, sed tale expectans à Christo responsum, vnde seipsum posset iustificare, & Legis obseruatorem fuisse ostendere. Hoc erat perpetuum horum hominum crimen. Vnde Dominus illis dixit: *Va vobis Scribæ & Pharisei, qui iustificatis vos coram hominibus.* Putabat nempe hic legisperitus, Christum illi responsurum, omnem Iudæum esse illi proximum, iuxta errorem Iudæorum, qui solos suos contribules diligendos esse, cæteros odio prosequendos, opinabantur. Sic enim ille mox intulisset: At ego omnem Iudæum diligo vt fratrem, ideoque Legem seruaui. Hæc fuit hominis vanitas & superbia, cum crassa ignoratione & manifesta impietate coniuncta. Docet enim Christus Samaritanum fuisse Iudæo proximum, & pro proximo suo Iudæum habuisse, quando in illum misericordiam fecerat, quam sacerdos & leuita Iudæi ei negauerant. Hunc vanæ ostentationis & hypocrisis locum

iam * aliquoties tractauimus. Tantum pauca è Scripturis ^{* Domin. 3. Ad. uent. text. 6.} exempla proferam affectatæ sanctitatis & iustitiæ, cum insi- ^{Domin. 3. post Epiph. text. 3.} gni maleficio coniunctæ. Absalom cum patrem regno spo- ^{Domin. Pass. text. 5. Domin. 10. post Pentecost. text. 1. 2.} liare decreuisset, vt hoc tantum facinus perpetraret, patri re- ^{& 3. Domin. 11. post Pent. text. 7.} ligionem, populo iustitiæ zelum prætexit. Populo enim di- ^{Exempla. 2. Reg. 15.} xit, singulorum apprehendens & osculans manus: *Videntur mihi sermones tui boni & iusti: sed non est qui te audiat consti- tutus à Rege. Quis me constituat iudicem super terram, vt ad me veniant omnes qui habent negotium, & iustè iudicem?* Patri verò dixit: *Vadam, & reddam vota mea quæ voui in Hebron.* Impius Aman sumpturus de innocenti Mardocheo suppli- cium, Regis & Reipubl. emolumentum, & cultum pietatis prætexit, dicens Regi Assuero: *Est populus per omnes prouin- cias regni tui dispersus, nouis vtens legibus & ceremonijs, &c. Decerne vt pereat, & decem millia talentorum appendam ar- carijs gaza tue.* Caiphas Christi necem decernens, Reipubl. bonum prætexit: *Venient Romani & tollent gentem nostram, & locum.* Filij Iacob, vendito fratre Ioseph, afferunt patri tunicam eius hœdi sanguine tinctam, volentes scipsos iusti- ficare, & non solùm scelus simulare, sed etiam suam diligen- tiam, & fratris curam patri probare. Herodes volens Chri- stum occidere, prætexit studium adorandi eum. Sacerdotes Babylonij epulis sacrificialibus iam priuati, eorum fraude per Daniele detecta, religionis zelum prætexentes, eum ad necem postulant, dicentes Regi: *Trade nobis Daniele qui Bel destruxit.* Non dicunt, qui nostris epulis & cibis sacrifi- calibus nos priuauit. Iudas quum fur esset, pauperum curam simulabat. Communis hic morbus est, sed quem semper tristis & infamis exitus consequitur, vt in omnibus citatis exemplis videre licet.

6. *Videns eum, misericordia motus est, &c.*

Locus moralis de misericordiæ operibus proximo indi- genti exhibendis. Nec sacerdos, nec leuita hunc à latro- nibus sauciatum pro proximo agnouerunt, sed solus Sama- ritanus, toto vitæ genere & professione à Iudæo læso discre- pans: qui propterea à Christo vërus proximus fuisse declara- tur. Probatio dilectionis est exhibitio operis. Si proximum diligis, illi indigenti confestim subuenies. Sicut cor ipsum in medio corporis loco situm, in sinistram tamen & leuam par- tem videtur magis propendere, tamen si reuera toti corpori

Pars Æstimalis.

S

& mem

Misericordiæ opera proximo exhibenda.

Simile.

& membris vniuersis vitam inspiret: ita planè tametsi & cui libet, & in quauis fortuna dilectionem impendere Christianus debet, ipsaque nostra charitas in omnes diffundenda est; tamen indigenti & afflictæ parti magis dilectionem impendere, & illi iuuando procliuior esse charitas debet. Sicut enim in sæua tempestate lucidum interuallum, & in medijs tenebris facula accensa maiorem adfert voluptatem, magisque elucet; sic afflictis rebus exhibita misericordia. Charitas & dilectio proximi in societate humana, est instar sanguinis in corpore naturali, qui vitam illi subministrat atque conseruat. Sicut ergo sanguis in omni corporis necessitate ad partes fluit magis indigentes, vt in repëtino metu ad cor retrahitur; in læso pudore, aut periclitante existimatione ad faciem se recipit; vnde metuens pallefcit, verecundatus erubescit: sic charitas proximi ad maximè indigentes continuò se vertit, vt opem ferat: Appositè Theophrastus, quum ei à discipulis duo monstrarentur, quos familiares amicos esse dicerent, quorum vnus tamen opulentus valde, alter indigens esset, respondit: *Si amici sunt, quorsum alter ita diues, alter ita pauper est?* Atræus philosophus dicebat, iucundius esse amicum facere quàm habere, quomodo artificii iucundius est pingere quàm pinxisse. Nam opere completo, artis quidem suæ fructu fruitur; sed dum pingeret, ipsa arte fruebatur. Sic verus Christianus, & dilector proximi sui, in opere misericordiæ exhibendo magis delectatur, quàm in amico possidendo, quem ex opere comparauit. Amici enim possessio, aliquis est eius operis fructus: sed charitatis opus, virtus erat tum Deo gratissima, tum ipsi operanti periuicunda. Lucullus quum Græcos quosdam per dies aliquot magnificè tractasset, atque illi dicerent, se mirari, uòd tantum impendiorum sua causa facerent, respondit: *Nonnihil ò hospites vestra causa, sed maxima pars Luculli gratia.* Sic qui in pauperes & egentes misericordem se præbet, nonnihil sanè illorum causa facit, quia diligit vt proximos; sed etiam sua causa multum facit, sibi bene facit, quia delectatur in opere, & hilariter facit. Sicut qui proprium fundum possidet, eum semper studet reddere meliorem; qui autem non nisi ex conducto tenet, non nisi præsentem voluptatem aut vilitatem in eius vsu spectat: sic qui proximum diligit tanquam seipsum, ei omnibus modis benefacere studet; qui autem amator potiùs quàm amicus est, nec vt se diligit proximum, sed vt aliquid suum, ille afflictum deseret, quia nullam iam in eo ampliùs

aut

*Simile.**Simile.**Apophthegma.**Seneca epist. 9.**Apophthegma.**Simile.**Plutarc. in Rom Apoph.**Apophthegma.**Simile.*

aut voluptatem aut vtilitatem capere potest. Verus Christianus pro magno beneficio habebit, posse benefacere, memor verbi Domini: *Beatus est dare quàm accipere*; siue ingrato detur, siue grato; siue multum in potestate habeat, siue parum. Senecæ præclara vox erat: *Si spes mihi præcidatur gratum hominem reperiendi, malim non recipere beneficia, quàm non dare.* Ad facultatem quod attinet, *vidua duo minuta à Christo laudata*, abundè nos docent. Vide ne quod ipse potes, in alios reijcias qui plus possunt. Appollicè Chrysostomus: *Tu cùm videris aliquem curatione vel corporis, vel animi egentem, ne dixeris apud teipsum, Quare ille & ille à morbo non curauerunt? sed tu à morbo libera. Si inueneris aurum iacens, non dicis apud teipsum, Quare illi aut illi hoc non sustulerunt? sed festinas ante alios rapere. Itidem & de fratribus collapsis cogita, putatòque te thesaurum reperisse, occasionem illis medendi. Beatus enim qui intelligit super egenum & pauperem: in die mala liberabit eum Dominus.* De hoc argumento in alijs * Dominicis iam aliquoties diximus.

Astor 20.

De benef. lib. 1.

cap. 2.

Apophthe-

gma.

Orat. 5. aduersus

Iudeos.

Simile.

* Domin. Palm.

text. 1. Domin. 1.

post Pent text. 1.

Dominic. 6. post

Pent. text. 1. loc. 2.

Dominic. 11. post

Pentec. text. 1.

7. Vade, & tu fac similiter.

Locus moralis de bonorum operum necessitate. Hæc Lenim verba respondent per modum conclusionis quaestioni legisperiti, interrogantis, *quid faciendo vitam æternam possideret.* Respondet Christus, opera misericordiæ esse facienda, quorum propterea in extremo iudicio examen speciale facturus est, vt apud Matthæum docuit. De hoc argumento tum in altero Promptuario contra hæreticos sæpe, tum in hoc Morali in alijs * Dominicis iam decies, aut amplius differuimus, quæ in hunc locum conferri possunt. *Domin. infra Oct. Natiuit. text. 4. Domin. 1. post Epiph. text. 1. Domin. 2. post Epiph. text. 4. Domin. 3. post Epiph. text. 9. Dom. 5. post Epiph. text. 2. Domin. Sept. text. 2. 3. 5. Domin. 4. post Pasc. text. 3. Domin. 5. post Pentec. text. 1. Domin. 7. post Pent. text. 5.*

Matth. 25.

EVANGELIUM DOMINICÆ XIII.

POST PENTECOSTEN.



DUM iret Iesus in Hierusalem, transibat per mediam Samariam & Galileam. Et cùm ingrederetur quoddam castellum, occurrerunt ei decem viri leprosi. Qui steterunt à longè, & leuauerunt vocem,

Luca 17.

S 2 dicentes:

dicentes : Iesu præceptor , miserere nostri. Quos ut vidit, dixit : Ite , ostendite vos sacerdotibus. Et factum est , dum irent , mundati sunt. Unus autem ex illis , ut vidit quia mundatus est , regressus est , cum magna voce magnificans Deum : & cecidit in faciem ante pedes eius , gratias agens. Et hic erat Samaritanus. Respondens autem Iesus , dixit , Nonne decem mundati sunt ? & nouem ubi sunt ? Non est inuentus qui rediret , & daret gloriam Deo , nisi hic alienigena. Et ait illi : Surge , vade , quia fides tua te saluum fecit.

PERICOPE moralis huius Euangelij.

1. *Occurrerunt ei decem viri leprosi , qui steterunt à longè. De consortijs malorum longè fugiendis.*
2. *Occurrerunt ei decem viri leprosi , & leuauerunt vocem suam , &c. De diligentia exhibenda circa animæ lepras sanandas.*
3. *Iesu præceptor , miserere nostri. Ad Dei misericordiam in statu peccati confugiendum.*
4. *Ite , ostendite vos sacerdotibus. De obedientia & cooperatione nostra ad Dei beneficia consequenda : & de reuerentia sacerdotali.*
5. *Regressus est , cum magna voce magnificans Deum , & cecidit in faciem ante pedes Iesu , gratias agens. De animi gratitudine erga decepta Dei beneficia.*
6. *Nonne decem mundati sunt ? & nouem ubi sunt ? De bono perseverantiæ ad salutem necessario.*
7. *Nisi hic alienigena : & hic erat Samaritanus. De inani vocationis aut status titulo , ubi res nomini non responder.*

1. *Occurrerunt ei decem viri leprosi , qui steterunt à longè.*

Consortia mala fugienda.

Locus moralis de consortijs malorum longè fugiendis. Quòd enim leprosi isti etiam Christum compellare & obsecrare volentes , tamen à longè steterunt , nec propius accedere ausi fuerunt , id ex præscripto veteris Legis faciebant , quæ leprosos extra castra versari , & ab hominum consortio abstinere iussit , ciuitatem omnem ingredi prohibuit. Hoc autem in figura factum est illis , ut à spiritualis lepræ seu peccatorum consortio quantopere cauendum esset , doceretur. Primum ferè Sapientis præceptum hoc est : *Fili mi , si te lactauerint peccatores , ne acquiescas eis , ne ambules cum eis ; prohibe pedem tuum à semitis eorum : pedes enim illorum ad malum*

malum currunt. Iosaphat rex pius hoc solo nomine à Propheta Iehu grauitè reprehenditur, quòd cum impio Achab copias coniungeret. *Impio* (inquit) *præbes auxilium, & his qui* 2. Paral. 19. *oderunt Dominum amicitia coniungeris: idcirco iram Domini merebaris.* Sed & eam ob causam de vita sua in prælio cum 3. Reg. 22. impio Achab vehementer periclitabatur bonus Iosapha. In veteri Lege omnia connubia cum alienigenis & idololatræ populo Israëlítico strictè interdixit Deus: *Non accipies uxorẽ* Exod. 34. *de filiabus eorum filijs tuis, ne fornicari faciant filios tuos in deos suos.* Imò omne cum illis commercium propterea Lex interdixit: *Caue ne unquam cum habitatoribus terræ illius iungas* Ibidem. *amicitias, quæ sint tibi in ruinam.* Porro omnes illæ prohibitiones: *Anima quæ tetigerit immundũ, rea est.* Item, *Qui mor-* Levit. 5. & 12. *ticinum eorum tetigerit, polluetur.* Et rursum: *Ne tangatis quicquam eorum, ne immundi sitis:* hanc spirituales cautelam docent, vt ab improborum consortio & cõtagine omni studio caueatur. Prima mundi corruptio, quæ & diluuium orbi inuexit, ea erat, quòd filij Seth, quos angelos, propter pietatẽ, Scriptura vocat, filias Caim in vxores acceperunt. Vnde sapienter monet Sapiens: *Ne delecteris in semitis impiorum, nec* Prov. 4. *tibi placeat malorũ via: fuge ab ea, nec transeas per illã, declina & desere eam: nõ enim dormiunt nisi malefecerint.* Nulla est in morbis cõtagio, quæ sictactum sequatur, vt mali mores per consuetudinem se insinuant. Sicuti in aduerso flumine cymbam remigando vrgerè difficile est, sic inter media vitia virtutem seruare. Boni cum malis in Ecclesia mixti, vocantur in Scriptura *lilium inter spinas.* Difficile est, vt lilium molle ac tenerum inter spinas illæsum maneat. Propter hanc cum impijs conuersationem Iudæos taxaturus Propheta dixit: *Vinum tuum mixtum est aqua.* Nam vt vinum aqua dilutum, vim suam aliqua ex parte amittit, & vtcunque forte sit, saltẽ colorem mutat, etsi vim retineat; sic malorũ societas bonos si non corrumpit, saltẽ aliqua aspergit infamiæ macula. Facile enim in suspiciõẽ peccati venit, qui cum peccatoribus frequenter & libenter cõuersatur. *Qui decubenti agrotato proximus affidet,* eius gemitus & suspiria facile audit; qui à longè stant, omnino nõ audiunt. Eodem modo, qui corporalibus & carnalibus desiderijs coniuncti sunt, à minimo corporis vel dolore vel periculo statim commouentur, & causas mali fugiunt, ac remedia quærunt; animi autem vel dolorem vel periculum in quotidiana malorũ societate nec gement, nec sentiunt: quia ab anima sua valde seiuncti viuunt,

Exod. 34.

Ibidem.

Levit. 5. & 12.

Allegoria.

Gen. 6.

Prov. 4.

Simile.

Cant. 2.

Esaia 1.

Similia.

corpori & carni toti immerſi. Contrà verò vir ſpiritalis, & de animæ ſuæ ſalute ſollicitus, animæ pericula celerrimè proſpicit, gemitum ſtatim exaudit; ideòque & publica peccata, aut tolerata, aut probata vehementer gemit, & à priuatis malorum congreſſibus attentiffimè ſibi cauēt. Sed & eandem ob cauſam homines toti carnales, & terrena ſapiētes, quum ita ſuos carnaliter diligant, vt ſi quo morbo cōtagioſo laborant, ſuos omnes propius accedere vetent; ita neminem ſpiritaliter diligunt, vt omnes vitiſſimorum ſuorum prurigines, & fædas cupiditates aliis omnibus affricare, & in peccati conſortium omnes pertrahere, vehementer cupiant. Ex his apparet cauſa, cur malorum ſocietas aut nullum aut paruum peccati periculum pleriq; videatur. Aliud ſanè ſpiritus ſanctus nos docet: *Discede ab iniquo, & deficiant mala ab te. Non ſemines mala in ſulcis iniuſtitiæ, & non metes ea in ſeptuplum.* Ille ſeminat mala in ſulcis iniuſtitiæ, qui trita impiorum veſtigia calcans, & pariter cum eis ambulans, occaſiones & ſemina peccati ſibi ipſi quærit. Ille amans periculum, peribit in illo. Vnde iterum eadem Scriptura: *Quis miſerebitur incantatori à ſerpente percuſſo, & omnibus qui appropriant beſtijs? Sic & qui comitatur cum viro iniquo, & obuolutus eſt in peccatis eius.* Non eſt commiſeratione dignus, qui à tam euidenti periculo non cauit. Sed & rem eſſe per ſe abſurdiſſimam, & cum diuini honoris contumelia coniunctam, Scriptura docet: *Omnis homo ſimili ſui ſociabitur. Si communicabit lupus agno aliquando, ſic peccator iuſto. Quæ communicatio ſancti hominis ad canem? Quòd aliis verbis Apoſtolus dixit: Nolite iugum ducere cum infidelibus. Quæ enim participatio iuſtitia cum iniquitate? Aut quæ ſocietas luci ad tenebras? Quæ autem conuentio Chriſti ad Belial? Aut quæ pars ſideli cum infideli? Qui autem conſenſus templo Dei cum idolis? vos autem eſtis templum Dei viuī. Quare hanc cum hominibus impiis conuerſationem grauiffime interdicit Apoſtolus ſuis Theſſalonicenſibus: *Denunciamus vobis fratres in nomine Domini noſtri Ieſu Chriſti, vt ſubtrahatis vos ab omni fratre ambulante inordinatè, & non ſecundum traditionem quam acceperunt à nobis.* Si verbis tam ſolemni- bus hoc denunciat Apoſtolus contra traditionum & præceptionum ſuarum violatores; quid de manifeſtè ſcleratis & impiis iudicadum eſt? Iuber ille ſanè cum fornicarijs & ebriſis fratribus ne cibum quidem ſumere. Quæ etſi diſciplina horum temporum non ſit, quia ſic de hoc mundo etiam fortè alicubi*

Diffimile.

Eccleſ. 7.

Eccleſ. 12.

Eccleſ. 13.

2. Corin. 7.

2. Theſſ. 3.

1. Corin. 5.

alicubi exeundum foret; tamen doctrina & ratio horum & omnium temporum est, *ne corrumpant bonos mores colloquia praua*. Plura de hac materia in aliis locis diximus.

1. Cor. 13.

Dom. 11. post Pē-
recost. text. 3 &
locus ibi notatus.

2. Occurrerunt ei decem viri leprosi, & leuauerunt vocē.

LOCVS moralis de diligentia adhibenda circa animæ lepras sanandas. Leprosi isti, quia ciuitates & oppida ingredi, in quibus Iesus docere consuevit, suæque conferre beneficia, non poterant, occurrunt, & obuiam ei prodeunt in ipso itinere, & via publica. Transitum eius obseruant; & quia propè accedere non licuit, saltem à longè stantes, alta voce clamant, misericordiam eius flebili & pia admodum oratione flagitantes. Totum hoc eorum studium quærendi Christum, occurrendi ei in via, clamandi, precandi, misericordiam expetendi, exemplo nobis & documento esse debet, vt & nos, quia leprosi omnes plus minùs sumus, ad nostrorum peccatorum expiationem, quæramus etià in via Christum, id est, quaslibet occasiones salutis non prætermittamus; illi venienti, & per gratiam suam ad nos accedenti obuiam eamus pleno consensu, & desiderio salutis: quo concepto, clamandum fortiter, & misericordia eius imploranda. Sicut canis funiculo ligatus, audita domini sui voce, profilit statim, allatrat, nec quiescit donec vel solutis vel fractis vinculis illi obuiam procedat: sic oportebat vnumquemque fidelium audito bono motu cordis, & verbo inuitantis atq; pulsantis Dei, mox omni studio contendere, vt in clamato & implorato auxilio Dei, animæ salutem consequatur. Quibus est apud Regem negorium, omnia temporis & locorum media obseruant, vt aditum ad Regem inueniant, nec per multos dies colloquium Regis frustra expectasse tædet, quàm diu spes est, vt tandem audiantur, & causæ suæ finem operatum consequantur. Atqui nullo vnquam aut tempore aut loco impedimentum est, quo minùs Deum adeas. in hac saltem vita quæ tempus pœnitentiæ est: quod si præterfluere inaniter nostra patimur negligentia, ipsa nostra in rebus huius mundi diligentia nos in iudicio condemnabit. Qui ianuam pulsant arcis alicuius aut castri, eo adhuc tempore quo stratis pontibus omnibus accessus patet, facili à custode intronititur: at si idem noctu pulset, sublati iam pontibus, & obseratis fortissimè ianuis, quantiscunque fores ictibus laceffat, non exaudietur, nec intronitetur. Eodem modo ianua vitæ cœlestis, & diuinæ misericordiæ, dum adhuc

Diligentia circa animæ salutem.

Similia.

1.

2.

3.

Matth. 7.

Matth. 25.

Aſtor. 1.

Rom. 12.

Aſtor. 3.

Exempla.

1.

Valer. Max. lib.

3. cap. 7.

2.

3.

4.

5.

Ecclef. 12.

Ioan. 8.

Hebr. 4.

Allegoria.

Iudic. 7.

viuis & vales, dum adhuc dies ſalutis eſt, dum adhuc pontes miſericordiæ & gratiæ tibi & omnibus viuētibus ſternūtur, neceſſariò pulſanda eſt, ſi eò ingredi, & ad illam intromitti cupis. *Pulſanti enim aperietur.* Quòd ſi noctem & mortis elapſæ tempus expectas, fruſtra pulſabis, fruſtra clamabis: *Domine, Domine aperi nobis: quia clauſa eſt ianua,* & pontes miſericordiæ & gratiæ tibi, omnibūſque hac vita defunctis penitus ſublatis ſunt. *Non eſt noſtrum noſſe tempora, qua Pater poſuit in ſua poteſtate.* Operandum igitur dum tempus habemus. Eunuchus Candacis regiſſæ etiam in itinere legebat Eſaiam Prophetam, quum necdum intelligeret. Quid nobis domi noſtræ, & in ſummo otio faciendum, Scripturas iam ad noſtram conſolationem per fidem intelligentibus? Carneades philoſophus ira ſe mirificè doctriſe operibus addixerat, vt cūm cibi capiendi cauſa recubuiſſet, cogitationibus inhærens, manum ad menſam porrigere obliuiſceretur, & Meliſſa ſua inediæ ſuccurrendi officio dexteram ſuā neceſſariis vſibus aptabat. Cato iunior ne in curia quidem, dum Senatus cogitur, temperare ſibi voluit, quo minùs Græcos libros leſtaret: qua quidem induſtria oſtendit aliis tempora deeſſe, alios temporibus ſuper-eſſe. De Varro-ne ſcribitur, quòd in eodem lectulo & ſpiritus eius, & egre-giorum operum curſus extinctus eſt. Cleanthis philoſophi tam pertinax fuit diſcendi ſtudio, vt, ne diuturno tempore à Chryſippi lectionibus abeſſet, nocturnum extrahendæ aquæ ad inopiam ſuam ſuſtentandam impenderet. Hac horum hominum circa humanas diſciplinās aſſequendas induſtria & diligētia, noſtram circa res diuinas & animæ ſalutem procurandam, ſupinam negligentiam & ignauiam ſi non vehementer nunc excitat, poſtea grauiter condemna-bit, Monet Scriptura, nullo vnquam tempore ab hac cura ceſſandum eſſe: *Memento Creatoris tui in diebus iuuentutis tuæ, antequam veniat tempus afflictionis, & appropinquent anni, de quibus dicas, Non mihi placent.* Ad ſingulos noſtrū dictum putemus, quod Chriſtus Iudæis dixit: *Ego vado, & quæretis me, & in peccato veſtro moriemini.* Ideo monet Apoſtolus: *Festinemus ingredi in illam requiem.* Ignauos & ſocordes Deus non admittet. Cuius rei vide mirabile myſterium in pugna Gedeonis contra Madianitas. Erant cum Gedeone pluſquam triginta millia hominum. Primū iubentur omnes formidoſi domum redire: & diſceſſerunt viginti duo millia, decem millibus remanentibus. Sed & ex iſtis fa-

eta apud aquas probatione, soli trecenti remanserant. Atqui nec isti trecenti pugnaverunt, sed percussis tantum vacuis lagenis, & illis vlulantibus, solus Dominus pugnavit, & Madianitarum gladios in seipso conuertit. Quid ergo opus erat non nisi fortissimis & strenuis viris? Quia sanè isti, etsi non pugnaverant, sic tamen affecti erant, ut si opus esset, in illa causa mori non dubitarent. Cæteros dimisit, quia ignavi erant, & sic affecti, ut ad fugiendum magis quam ad pugnandum comparati essent. Sic Deus nostram animi alacritatem, industriam, vigilantiam in salute nostra procuranda desiderat, etsi ille sit, qui pugnet pro nobis, & omnem salutem conferat, non tam ut ipsi semper operemur, aut operando salutem nostram ipsimet consequamur, quam ut hoc tanto beneficio non indignos nos esse ostendamus. Insinuat hoc Sapiens dicens: *Vidisti virum velocem in opere suo? Coram regibus stabit, nec erit ante ignobiles.* Via ad cœlestem gloriam laboriosa virtus est. Sic Michæas Propheta: *Indicabo tibi ô homo quid sit bonum, & quid Dominus requirat à te. Vtique facere iudicium, & diligere misericordiam, & sollicitum ambulare cum Deo tuo.* Cætera virtutum opera cum ingenti cura & sollicitudine præstanda sunt. De hoc argumento, & de necessaria diligentia circa salutis curam, Deique obsequium, iam aliquoties in aliis * Dominicis diximus. *Domin. 1. post Epiphan. text. 1. Domin. 5. post Epiph. tex. 2. & 3. Domin. Septuage. tex. 5. Domi. Quinquage. tex. 3. Dom. 2. Quadrage. text. 1. Domin. Palma. text. 4. Domin. Pasch. text. 3. Domin. 6. post Pentecost. text. 2.*

Prouerb. 22.

Mich. 6

3. Iesu Præceptor, miserere nostri.

LOcus moralis, ad Dei misericordiam in statu peccati confugiendum esse. Leprosis istis vnica salus erat, Iesum adire, & eius misericordiam implorare. Non sunt alia peccatori quærenda remedia, & est hoc vnum maxima contentione quærendum remedium. Ille enim est *qui sanat omnes infirmitates nostras, & qui redimit de interitu vitam nostram.* Hoc perpetuum Dauidi confugium erat: *Ad Dominum, cum tribularer, clamaui: & exaudiuit me.* Prodigus filius ad patrem iuit. Omnium sanctorum ab orbe condito hæc pietas fuit, teste Dauid: *In te sperauerunt patres nostri: sperauerunt, & liberaasti eos. Ad te clamauerunt, & salui facti sunt.*

Misericordia Dei imploranda.

Psal. 102.

Psal. 119.

Luca 15.

Psal. 27.

sunt : in te sperauerunt, & non sunt confusi. Qui in statu peccati, aut aliqua tribulatione constituti, neglecta Dei misericordia, alia quærunt remedia, & humana solatia, vel, quod deterius est, de Dei sapientia aut iustitia conqueruntur, fatum accusant, necessitates suas prætexunt, aut aliò quocunque se vertunt; hoc grauius Deum offendunt, quàm in ipso perpetrato peccato: & similes sunt impio Regi Ochozia, qui æger decumbens, consuluit Beelzebub, Deum Accaron: cui propterea Propheta Dei nomine sic nunciauit: Quia misisti nuncios ad consulendum Beelzebub Deum Accaron, quasi non esset Deus in Israël, à quo posses interrogare sermonem; ideo de lectulo super quem ascendisti, non descendes, sed morte morieris.

Exemplum.

4. Reg. 1.

Sicut ille infidelis Rex, quia vidit Accaronitas prosperè agere, ideo illorum idolum pro potenti aliquo Deo existimans, illum consulere voluit: sic hodie innumeri infideles Christiani, quia quosdam hæreticos prospere agere vident, illorum Beelzebub colunt, cum illis amicitiam & fœdus ineunt, eorum quoque hæreses probant, quasi non esset Deus in Israël, nec veritas & misericordia in Ecclesia Christi Catholica, quam in Symbolo profiteamur.

Contra hos, & contra omnes qui, Dei misericordia non implorata, alia malorum suorum remedia inquirunt, sic per Prophetam protestatur Deus: *Non gloriatur sapiens in sapientia sua, & non gloriatur fortis in fortitudine sua, & non gloriatur diues in diuitijs suis; sed in hoc gloriatur qui gloriatur, scire & nosse me, quia ego sum Dominus qui facio misericordiam, & iudicium, & iustitiam in terra. Hac enim placent mihi, ait Dominus.*

Jerem. 9.

Exemplum.

Jerem. 2.

Nulla in re acerbius Deum offenderunt Iudæi, nec in eius Maiestatem grauius peccarunt, quàm in eo, quèd Dei postposito auxilio, desperata misericordia, ab Assyrijs & Aegyptijs auxilia petierunt. quod plurimis verbis expressit Ieremias Propheta: *Vide (inquit) verbum Domini. Nunquid solitudo factus sum Israël, aut terra serotina? Quare ergo dixit populus meus; Recessimus, non veniemus ultra ad te? Nunquid obliuiscetur virgo ornamenti sui, aut sponsa fascia pectoralis sue? populus verò meus oblitus est mei diebus innumeris. Et paulo post: Quàm vilis facta es nimis, iterans vias tuas: id est, multiplicans peccata tua. Sed vide quale peccatū dicit. Sequitur: & ab Aegypto confunderis, sicut cōfusa es ab Assur. Nam & ab ista egredieris, & manus tua erūt super caput*

caput tuum, quoniam obtriuuit Dominus confidentiā tuā, & nihil habebis prosperum. Docet eos ab Ægyptiis æquē nihil auxilij reportaturos, atque ab Assyriis prius reportauerant. Ab his enim gentibus auxilia petierant. Et hoc peccatum grauissimē Deo displicuit. Asa rex Iuda initio pius & bonus, quā diu in Domino Deo spem suam ponebat, parua suorum manu *Exemplum.* Æthiopes vsq; ad internecionem percussit. Quā autē Dominum dereliqueret, & à Benadad rege Syriæ contra Basan regē Israel auxiliū peteret, à Domino quoque derelinquitur. Dixit enim ei Hanani Propheta: *Quia habuisti fiduciā in rege* *2. Para. 14. 6.* *16.* *Syria, & nō in Domino Deo tuo, idcirco euasit Syria regis exercitus de manu tua. Nōne Æthiopes & Libyes multo plures erāt, quadrigis, & equitib⁹, & multitudine nimia, quos, quū in Domino credidisses, tradidit in manu tua? Oculi enim Domini contemplantur uniuersam terram, & præbent fortitudinē his, qui corde perfectō credūt in eum. Ita Deo duplicet, ad aliū quam ad ipsum in quouis necessitatis articulo suos cōfugere. Istos leprosos ad primam vocem exaudiuit Christus. & dimisit; vt ostenderet, quā illi rem gratam faciunt, qui ad eius misericordiā se recipiūt. Hinc Apollolus: Adeamus cum fiducia ad* *Hebr. 4.* *thronum gratia eius, vt misericordiā inueniamus in auxilio opportuno. Nam vt alia scriptura nos animat: Pius & misericors est* *Eccli. 2.* *Deus, & remittet in die tribulationis peccata, & protector est omnibus exquirentibus se in veritate. Vnde sic vt loquamur Deo,* *Oseas. 14.* *docet nos Oseas Propheta: Assur nō saluabit nos, super equum non ascendemus (id est, nullo humano auxilio nitimur) nec dicemus ultra, dñi nostri opera manuum nostrarū (id est, in nostris adinuētionibus & studiis non cōfidemus) quia eius qui in te est, misereberis pupilli. Sanabo contritiones eorum, diligā eos spontaneē, quia auersus est furor meus ab eis, scilicet ita Deū inuocantibus. Vt Dei misericordiā paratissimam semper esse, & amplissimā intelligeremus, solet scriptura, quum de Dei misericordia loquitur, id duplicare, vt apud sanctum Dauidē: Mifer-* *Psal. 85 & 102.* *ricors & miserator Dominus, escam dedit timentibus se. Et iterū: Mifericors & miserator Dominus, longanimis & multum misericors. Et apud Esaiam: Miserens miserebitur tui. Hæc geminatio certitudinē designat. Certitudo designatur, vt imensa Dei bonitas magis elucescat. Dei bonitas ideo elucescit, vt eam cum fiducia petamus. In petenda enim Dei misericordia, incredibilis à nobis exercetur audacia, quæ etiam, nisi à Deo petere,* *Esai. 30.* *Misericordiā à Deo petere, quanta res sit.* ipse Deus ad eam flagitandam nos hortaretur, singularis foret impudentia.

*Simile.**Gal. 7.**Exod. 32.
Allegoria.**Dan. 2.**Ioan. 16.*

Qui enim sceleris sibi conscius, misericordiam à Deo petit, non simpliciter gratiâ & fauorem postulat; sed id petit, vt leges, quas cōtra peccatores sanxit, frāgi, violari, & abrogari patiatur. Si quid tale latro & homicida quispiam à Rege aliquo peteret, dicēs, Iube quēso Rex serenissime, vt leges quas contra latrones & homicidas promulgasti, in mei nunc fauorem abrogentur, aut irritæ fiant: nōne audax facinus, & reprehensione, imò pœna dignum patrasse meritò videretur? At tantundē omnis lethaliter peccās Deo dicit, quum ait: Misere mei Deus, quia lethaliter tuam Maiestatem offendi. Quum enim lex Dei de fornicariis, immundis, avaris, superbis, inuidis, dicat: *Qui talia agunt, regnum Dei non possidebunt:* tu immunde, auare, superbe, &c. qui veniā petis, & regni cælestis aditum tibi denuò aperiri flagitas, id petis, vt illa Dei lex, in tui gratiā irrita tantisper fiat ac violetur. Sed tanta est Dei misericordia, vt hanc audaciam non permittat tantum, sed & probet; nec probet modò, sed ad eā nos inuitet. Quæ eius bonitas satis amplificari non potest. Quum Moyses de monte Sina descēderet, portans secum tabulas Legis Dei digito scriptas, audiens symphoniam & choros, populiq̃ horrenda idololatria intellecta, statim ipsas tabulas ad radicem montis confregit. Nec ideo à Deo reprehenditur, etsi in diplomate regio quo leges inscriberentur nouæ, idem patriare capitale esset, sed hoc admirabili factō docuit, salutem peccatorum omnium hanc vnā esse, vt Dei leges ad radicem montis confringantur. Hic mons est Filius Dei incarnatus: qui *excisus de lapide sine manibus*, natus de virgine sine opere humano, *factus est in montem magnum*. Radix & infima pars huius montis est Christi humanitas. Contra hanc frangūtur tabulæ Legis diuinæ, quando propter illum & *in nomine eius quicquid à Deo petierimus*, obtinemus, maximè peccatorum veniam & misericordiam, sicut ipse nos docuit facere, & impetraturos nos promisit, vt in alia Dominica latè explicuimus.

4. *Ite, ostendite vos sacerdotibus.*

*Sacerdotalis
reuerentia.*

Locus moralis duplex. Vnus ex parte iubentis Christi, alter ex parte obedientiæ horū leproforum. Primus locus docet reuerentiā sacerdotalem, & Ordinis in Ecclesia à Deo positi debitā ac legitimā obsequentiam, Deumq̃ sic suas nobis gratias cōferre, etiam extra Ordinem, velut hīc sanando decem

decem leproſos ſola voluntate, vt velit tamē Ordiniſ eccleſiaſtici honorem non violari, authoritatē retineri , poteſtatem agnoſci. Ideo enim mittit eos, per ſe miraculoſè ſanandos, ad ſacerdotes, vt, iuxta legem Moysi, eorum iudicio & authoritate ſanati declarentur. Hunc locum in aliis Dominicis latè tractauimus, vbi alteri leproſo apud Matthæū ſanato Chriſtus ſimiliter dixit: *Vade, oſtende te ſacerdoti*, & alibi. Alter locus docet, in omnibus Dei beneficiis, noſtrā obedientiam, cooperationem noſtrā, variamq; præparationem concurrere oportere. Magna fuit in iſtis leproſis nō fides tātūm, ſed & obedientia, quōd iubente Chriſto ad ſacerdotes irent, vt illis ſe oſtenderent, necdum ſanati à lepra. Neque enim Chriſto hoc iubente adhuc ſanabantur; ſed *dum irent, mūdati ſunt*. Nec vt ſacerdotibus ſe oſtenderent vlla ratio erat, niſi priuſ ſanarentur. Non enim ſanare lepram illi poterant, ſed declarare tantūm, verēne ſanata eſſet, an nō, & cōmunis conuerſationiſ facultatē ſanatiſ decernere. Eunt tamen iubente Chriſto, tum quia credebant ſe à Chriſto ſanandos, tum quia illi iubenti obtemperandum eſſe proriuſ iudicabant. Hanc obedientiam, hanc ex parte noſtra qualemcunque cooperationem hoc facto commendare Chriſtus voluit, ne ita à ſola Dei benignitate pendeamus, & peccatorum remiſſionem, emendationē, abolitionē à ſolo gratiæ beneficio ſic emanare putemus, vt nihil interim ex parte noſtra præſtandum ſit, quo hoc ad nos tantum ac tale beneficium deriuetur. Hūc locum de præparatione noſtra iam ſemel atq; iterum tractauimus, ſuper illa verba: *Dirigite viam Domini*, Dominica 3. Aduētus; & ſuper illa verba: *Implete hydrias aqua*, Dominica 2. poſt Epiphaniā. De obedientia verò noſtra ad ſalutem & ſanitatē cōſequēdam neceſſaria, in variis quoque Dominicis diximus. Domin. 2. poſt Epiphaniā, tex. 4. Domin. 2. Quadrageſimæ, tex. 5. Dom. 7. poſt Pentec. tex. 5. ex quibus omnibus in hūc locum transferri poſſunt, quæ dicenda videbuntur.

*Domin. 3. poſt
Epiph. tex. 4.
Domin. Paſſ.
tex. 4.*

*Cooperatione &
obedientia noſtra.*

*Text. 4.
Text. 5.*

5. *Regreſſus eſt, cum magna voce magnificans Deum, & cecidit in faciem ante pedes Ieſu, gratias agens.*

Locus moralis de animi gratitudine erga accepta Dei beneficia. Quum enim decem à Chriſto mundarentur, vnus tātūm regreditur vt gratias agat, ſuamq; gratitudinem officioſè exponit. Nam & *Deum magnificat*, laudat ac prædicat, & *magna voce* id facit, Iudæorum inuidiam, aut hominū iudicia

*Gratitudo ani-
mi.*

1.
2.

3.

4.

iudicia nihil moratus; & *cadit in faciem ante pedes Iesu*, maximam animi demissionem ostendens, & dilectis verbis *gratias agit*. Placuit Christo hæc hominis gratitudo, placuit pietatis officium; deo quæ factum sedulo laudat, dicens: *Nonne decem mundati sunt? & nouem vbi sunt? Non est inuentus qui rediret, & daret gloriam Deo, nisi hic alienigena.* Docet accurate Christus, hanc animi gratitudinem obsequium esse tibi gratissimum; ad Dei gloriam pertinere; singularem commendationem mereri; ingratos verò & in huiusmodi officio negligentes graui reprehensione dignos esse. Hoc enim sonat illa Christi expositulatio, *Nouem vbi sunt?* Hunc locum iam in aliis * Dominicis tractauimus. Sed hic loco maximè proprio, aliqua addemus, prout Deus dabit. Vix quisquam est, qui non maiora accepit à Deo beneficia, quàm hic sanatus leprosus; nisi fortè vel tot peccatorum condonationem, vel à tot peccandi periculis liberationem, vel tantam Dei in peccatorum perseverantia longanimitatem, è quibus tribus vnum vnusquisque necessariò expertus est, vni corporis lepræ sanationem postponendam, tam demens sit quisquam vt iudicet. Seipsum ergo quisque conueniat, vt huius exemplo gratias agat, semperque agere pergat. *Glorificantes enim Dominum quantumcumque potueritis* (ait scriptura) *superualebit adhuc, & admirabilis magnificentia eius. Benedicentes Dominum, exaltate eum quantum potestis: maior enim est omni laude.* Primum peccatum quod Eliaas Propheta, iubente Deo, veteri populo exprobauit fuit ingratitudo erga accepta beneficia. Sic enim incipit: *Audite celi, & auribus percipe terra, quoniã Deus locutus est. Filios enutriui & exaltaui, ipsi autem spreuerunt me. Cognouit bos possessorem suum, & asinus præsepe Domini sui: populus autem meus non cognouit me.* Sicut nullius virtutis firmitior est memoria quam accepti beneficii, sic vix vllum vitium ingratitudine deterius. Apud Romanos libertas seruo concessa, postea ingratitudinis culpa reuocari poterat. Sicut miramur monstra, quia naturæ repugnant, vt Cætauros, Satyros, hominem quadrimanum, & similia; canes, lepores, lupos non miramur: sic cetera vitia ex naturali nostra corruptione ac fragilitate profecta, gulam, ebrietatem, libidinem, iracundiam non ita miramur; ingratitudinem verò, quasi monstrum quoddam, mirantur & detestantur omnes. Sicut enim naturale est amantem redamare, quia amor solus amor rependitur (vt alibi ostensum est) ita monstrum est.

* Dom. 3 post
Epiph. rex. 5.
Domin. 4 post
Pasch. text. 3.

Eccli. 43.

Esai. 1.

Exemplum.
Simile.

est, amanti, atque adeò beneficienti, maximè Deo, gratum se non præbere.

Surgant ethnici ac pagani, & Christianorum hominum erga Deum ingratitude condempnent. Cùm Tarentini à Romanis obsiderentur, periculumque esset, ne fame ad deductionem compellerentur, Rhagini decimo quoque die ieiunium decernentes, victum concesserunt Tarentinis. Preinde cùm decedentibus Romanis liberarentur, memores calamitatis Tarentini, festum constituerunt, quod Ieiunium appellabant. Metellus pius dictus, Consul Romanus quum esset, non dubitavit pro Quinto Callidio, Prætoris candidato, supplicatè populo, quod is tribunus plebis legem, qua pater Metelli in ciuitatē restitueretur, tulerat. Quin etiam patronum eum domus & familiæ suæ semper dictavit. Octauij Cæsaris illustre habes exemplum suprà in alia Dominica Parū est, homines sine Deo in hoc mundo Christianorum ingratitude condempnare, & plus potuisse rationis & honestatis scintillas, quàm fidei lumen, aut pietatis flammæ apud nos possunt.

Exempla gratitudinis.

Adrianus de var. hist. lib. 5.

Valer. Max. lib. 5. cap. 2.

Ipsa bruta animantia ingratitude nostram coarguunt: *Exempla brutorum.*

& naturæ instinctus plus apud ea valuit, quàm apud nos pietas valere solet. Ciuitas est in Achaia, nomine Patræ. In ea

Ælianus li. 13.

puer draconem paruulū emebat, magnaque eum cura educabat: cumque creuisset, loquebatur quasi cum intelligente, ludens ac dormiēs cum ipso. Cùm verò ad ingentem magnitudinem draco peruenisset, in solitudinem à ciuibus est dimissus. Pòst, cùm puer adolescens factus, reuersus à spectaculo quodam cum aliquibus æqualibus in latrones incidisset, & clamorem extulisset, ecce draco præstò est, & alios in fugam vertit, alios interimit, ipsum verò saluum conseruat. Quid dracone inhumanius? humanitatis tamen, vt benefactori se gratum ostenderet, obliuisci non potuit. Sed & Pantherà vix animal ferocius, aut magis indomabile. Nec tamē ea benefactori vult esse ingrata. Quum catulos eius de quadam fouea quidam liberalisset, accedens illa, comitem se ei adiunxit blanditur ei cauda & facie, & extra deserta loca

Ioan à S. Geminiano. lib. 5. cap. 56.

tutum eum deduxit. Leo animal est ferocissimum, & homini inimicum. Insignis tamen est historia de Androdo seruo fugitiuo, qui in leonis spelunca per errorem se abdens, quum regressi à præda leonis pedem sanasset, spinam ei euellens; tum eum longo pòst tempore mea spelunca

Aulus Gell. noſt. Attic. lib. 5.

leo

leo aluit, carnibus in magna copia ei semper allatis; tum postea eundem ex fuga retractum, & Romæ eidem leoni, eodem quoque tempore à venatoribus capto, obiectum ut devoraretur, adblandiens cauda recognouit, attingere noluit, omnibus benevolentia signis prosequutus est. Vnde & dato homini cum vita leone, non secus ac canis per urbem obsequutus est, dicente populo: Ecce leo hospes hominis; ecce homo medicus leonis. Quid; quòd & aues eandem virtutem ad nostram confusionem prorsus inexcusabilem exercent? Messor in agro ad fontem à sociis missus, quum iret, incidit fortè in serpentem, qui immani cauda miseram aquilam cinxerat & oppresserat, eandemque iam semimortuam reliquerat. Quod cum vidit, falce serpentem percutiens, eundem interfecit, & aquilam liberauit. Quæ cum videret illius se beneficio liberatam, volitando eum ad socios redeuntem comitatur: cumque sigillatim socij ex aqua quam de fonte attulerat, biberent; isque, qui aquam hauserat, bibere quoque vellet, & urnam ori admoueret, continuò aquila stridore suo atque impulsu urnam confregit. Quo ille turbatus primùm atque commotus, ubi socios respiciens, alium hinc, alium ibi extinctos vidit, aquilæ erga se gratitudinem intellexit, quæ vetuit ne aquam biberet, serpentis veneno infectam. Sed inter omnes aues, gratitudinis & ingratitudinis documentum maximè illustre præbet pelicanus fœmina. Illa enim super pullos suos à serpente vulneratos percussu suo pectore ad eos sanandos sanguinem suum fundit, pullisque bibendum exhibet: quo effuso sanguine, illa sic debilitatur, ut pulli ad quærendum cibum exire, matrèmq; ad tempus alere cogantur. Qui igitur ex pullis diligenter hoc officium præstant, postquam resumpsit vires, tenerrimè diligit, & sollicitè nutrit. Sed illos qui tanquam degeneres, nullam matris curam gesserunt, tanquam ingratos è nido deturbat, & suo còuictu frui non permittit. Hæc avis Christum repræsentat, iuxta illud Psalmistæ: *Similis factus sum pelicano solitudinis*. Ille nos à serpente percussos, suo fuso sanguine sanauit, viuificauit, pavit. Quos hoc accepto beneficio gratos videt, & à Dei laudibus nō cessare, ei obsequium & obedientiam exhibere, eum in suis pauperibus quasi laborantem pio affectu alere, vestire, visitare, hos pro suis recognoscit, tenerrimè diligit, ad cœlestem beatitudinem cum illo communem adducit. Ingratos verò & degeneres è statu gratiæ deturbat, & à suo beato còuictu in æternum abdicat. Sic dicit

Pierius Valerianus
Hieroglyph.
lib. 19.

Joan. à S. Gemi.
lib. 4. cap. 39.

Psal. 107.

dicit Scriptura: *Qui reddit malum pro bonis, nō recedet malum* Prov. 17.
de domo eius. Sic Iudæos ingratissimos abdicavit. Ait enim; Jerem. 18.
Nunquid redditur pro bono malum? quia foderunt foveā anima-
mez. Recordare quōd steterim in conspectu tuo, ut loquerer pro
eis bonum, & auerterem indignationem tuam ab eis. Propterea
 (propter hanc ingratitudinem) *da filios eorum in famem, &*
deduc eos in manus gladij. Fiant uxores eorum absque liberis &
viduæ, & viri eorum interficiantur morte, &c. Hæc enim, &
 his grauiora Iudæis acciderunt, non solum pro Ieremia ve-
 xato, quum ab Assyrijs captivi abducerentur; sed multo
 magis pro Christo crucifixo, quum à Romanis victi, in per-
 petuum exterminium dati sunt. Eandem ingratitudinis vin-
 dictam prædixit illis Esaïas: *In die illa erunt ciuitates fortitu-* Esaïa 17.
dinis eius derelictæ, sicut aratra & segetes, quæ derelictæ sunt à
facie filiorum Israël, & erit deserta; quia oblita es Dei Saluato-
ris tui, & fortis adiutorij tui non es recordata.

In veteri lege holocaustum quod offerebatur pro gratia, Leuit. 7.
 rum actione, & caro victimæ non erant in crastinum ser- Typus.
 uanda: quia gratiarum actiones non sunt differendæ. Noë Exempla.
 ubi primùm exiit de Arca, liberatus à diluuiō, statim facit Genes. 8.
 altare Domino, & sacrificia obtulit, gratias agens Deo.
 Christus in Euangelio, post multiplicationem panum, iussit
colligi fragmenta ne pereant, id est, ut in memoriam accepti Ioan. 6.
beneficij asseruarentur.

Qui de acceptis beneficijs gratus est, maiora accipere
 meretur. Ideo Deus ingratitudinem odio habet maximo,
 non sua causa, sed nostra; quia illa manus Dei claudit, & fa-
 ciem à nobis auertit. Ait enim Scriptura: *Ingrati spes tanquā* Sapient. 16.
hybernalis glacies tabescet, & disperiet tanquam aqua superua- Apophthe-
cua. Qui gratè beneficium accipit primam eius pensionem soluit, gma.
 ait Seneca. Nullo magis Cæsarem Augustum demeruit, & Lib. 2. cap. 22.
 ad alia impetranda facilem sibi reddidit Furnius, quàm quod, De benefic.
 cū patri Antonianas partes secuto, veniam impetrasset, Ibid. cap. 25.
 dixit: *Hanc unam Cæsar habeo iniuriā tuam. Effecisti ut vine-*
rem & morerer ingratus. Hęc eius animi gratitudo Cæsarem
 ad maiorem in eum beneuolentiam acrius concitauit. Pul-
 chrum est in duobus fratribus Eumene & Perseo gratitu- Exemplum.
 dinis exemplum, quod ad nostram arguendam ingratitudi-
 nem valere potest. Eumenes Pergami rex insidijs petitus à Plutarch. in
 Perseo credebatur extinctus. Is rumor cū Pergamum Reg. apoph,
 esset perlatus, Atralus eius frater, imposito sibi diademate,
 ductaque fratris vxore, regnum occupauit. Cæterum quum
 Pars Æstivalis. T audisset

audisset illum viuum, profectus est illi obuiam, vt solebat, cum satellitibus hastam gestans. Eumenes autem amanter eum amplexans, dixit in aurem: Ne festines ducere priusquam mortuum videris. Nec præterea per omnem vitam, vllam offensi animi significationem vel dicto vel facto dedit: quinetiam moriens, fratri & vxori regnum reliquit. Cuius animi memor Attalus, cum multos ex se liberos haberet, nullum tamen regno educauit, sed Eumenis filio, postquam adoleuisset, adhuc viuens principatum tradidit. Singularis fuit Eumenis clementia, sed maior Attali gratitudo. Quomodo ergo in immensa Dei erga nos clemētia & ineffabili ac perpetua beneficentia, tā nulla aut parua nostra est gratitudo? Sicut nubes solis virtute per varias exhalationes in altum subuectæ, ipsum postea solem offuscant: sic ingrata anima per varia Dei beneficia multum nobilitata, sua ingratitudine Dei gloriam obscurat, *non dans gloriam Deo*, vt isti nouem à Christo sanati. Sicut mare omnes aquas dulces accipit, sed falsas à se remittit: sic ingratus pro bonis reddit mala, & alterius beneficentiam in suam vertit perniciem. Sicut mulus à matre lactatus, calcibus ferit matrem, animal hoc nomine infame: sic ingrati à Deo *impinguati & incrassati recalcitrant*, vt de Iudæis dixit Moyſes; populus hoc nomine maximè infamis, de quo Scriptura dicit: *Odio oderunt me gratis*. Sed quorum exitum perhorrescimus, eorum facta imitari perhorrescere debemus.

6. Nōne decem mundati sunt? & nouem vbi sunt?

Perseuerantia
positum.

Locus moralis, de bono perseuerantia ad salutem necessario. Omnes decem isti leprosi benè cœperunt. Omnes Christum benè quæſierunt. Omnes ei in via occurrerunt. Omnes vocem leuauerunt, dicentes: *Iesu præceptor, miserere nostri*. Sed ex illis omnibus vnus tantum perseuerauit. Vnus tantum ad gratias agendum rediit. Vnus tantum in fide permansit. Reliqui enim nouem, siue à sacerdotibus, ad quos missi erant, corrupti, qui eos à Christo auerterant, dicentes, non Christi beneficio sed propter Legis obseruantiam eos sic sanatos fuisse; siue propria leuitate & malitia in deterius mutati, ad Christum amplius non redierunt. Hanc illorum defectionem grauitè reprehendit Christus. Hanc vnus perseuerantiam studiosè laudat: *Non est inuentus qui rediret, & gloriam daret Deo, nisi hic alienigena*. Multorum est incipere, paucorum perseuerare, quia *multi vocati, pauci electi*. Multos flores

Marth. 10.
Similia.

flores quævis ferè arbor fructifera producit, sed paucos fructus maturos. Omnes ferè agri multum promittunt in herba, sed vberem messem pauci adferunt. *Rhetorum schola* *De utilit. cred. cap. 7.*
 (ait Augustinus) *per totum ferè orbem adolescentum gregibus* *perstrepunt; sed Tullianam facundiam assequuntur pauci, agunt & sunt Oratores pauciores, clarescunt paucissimi. Tale quiddam est Religio. Multitudo imperitorum & peccatorum frequentat ecclesias, pauci eius religionis mysterijs perfecti sunt.* Hæc ille. In via ac ratione virtutis, principia frequenter feruent, progressus tepescunt, fines & exitus frigent. Huius rei figura fuit statua, quam vidit in somnis Nabuchodonosor, quæ incepit in auro, & desijt in luto: quæ vt ad literam, principatum huius mundi mirabilitatem significat, sic mysticè pietatis & virtutis inconstantiam docet. Caput huius statuæ aureum, purum Dei amorè, & bona opera, à quibus ad Deum conuersi, incipiunt feliciter, significat. Pectus statuæ argenteum, bona verba & laudem virtutis notat, quam adhuc ad tempus retinet, qui bene facere desijt. Sed hoc argētum paulatim efficitur æs, quum bona verba, quæ bona intentione ad tempus loquebatur, laudans virtutem quæ non præstabat, nunc ad vanitatem, & vt ab alijs bonus videatur, loquitur. Sed & hoc æs in ferrum tandem vertitur, quando, ipso quoque prætextu virtutis neglecto, durus ad emendationem, durus ad salutaria audienda consilia efficitur. Postremò denique totum in lutum vertitur, quum totus voluptati deditus, qui *Galat. 3.*
spiritu cœpit, in carne consummatur, vt de Galatis scripsit Apostolus. Hanc deplorandam in virtutis inconstantiam, his verbis lugebat Ieremias: *Filij Sion inclyti & amici auro purissimo, quomodo commutati sunt in vasa testea, opus manuum figuli? nec dissimiliter Esaias: Quomodo facta est meretrix ciuitas fidelis, plena iudicij? Iustitia habitauit in ea: nunc autem homicida. Argentum tuum versum est in scoriā; vinum tuum mistum est aqua.* Hæc est mutatio, non dexteræ excelsi, sed proficientium in peius. *Thren. 4.*
Esaiæ 1.

Atqui beatus erit, non qui bonum facit, sed qui perseueranter facit. Philistæi remittentes arcam Dei, & super plaustrum ponentes, quod vaccæ ducebant, quarum vituli domi recludebantur, hoc pro signo & argumento, quod veri Dei esset illa arca, proptèrque illam tot plagis multati fuissent, acceperunt; si vaccæ illæ, quarum sic vituli domi recludebantur, recto itinere in terram filiorum Israël pergerent; nec ad suos vitulos reuerterentur, donec arcam Dei in locum *Allegoria.*
1. Reg. 6.

Psal. 33.

Luca 9.

1. Petri 1.

Matth. 11.

Philip. 1

Dies Christi
& noster.

1. Cor. 9.

Simile.

1. Thess. 5.

Marc. 13.

Philip. 2.

Genes. 19.

proprium deduxissent. Quando anima fidelis pro Christo, & pro fide, vel multa mala patitur, vel multa bona facit, signum & argumentum est, quod veræ pietatis illa opera, illaque fuerint, si recto itinere in studio virtutis pergat, *ambulans de virtute in virtutem, donec videatur Deus deorum in Sion*. Quæ enim anima ad vitulos domi reclusos redit, quæ ad proprias passiones, & appetitus sensuales, veterisque hominis reliquias reuertitur, quasi canis ad vomitum, ostendit se non veri Dei arcam portasse, non verum & viuum Dei templum fuisse. *Qui enim mittit manum suam ad aratrum, & respicit retrò non est aptus regno Dei*. Qui necessariam virtutem, & vitij fugam aggreditur, & recta via non pergit, nec perseuerat, non est idoneus, id est, ostendit se nec dum idoneum esse regno Dei. *Qui dixit Christo, Sequar te Domine, sed prius renuntiare his qui domi erant, amicis & parentibus voluit, simplicem & necessariam omnibus Christi sequelam profitebatur, velle se videlicet Christi discipulum esse, in illum credere, eius mandatis & doctrinæ obedire*. Tales enim sequuntur Christum. *Qui igitur Christianum se profitetur, qui ad aratrum obedientiæ mandatorum manum misit, qui bonum opus ad salutem necessarium inchoauit; cui etiam opus perfectionis & consilij per obligationem stabilem semel aggressus est, & retrò respicit, regreditur ad pristina, configuratur prioribus seculi desiderijs, ille certè non est aptus & idoneus miles, qui regnum cælorum, quod vim patitur, violentè rapiat*. Oret Deum vt aptus fiat. *Qui enim incepit in nobis opus bonum perficiet usque in diem Iesu Christi*, ait Apostolus. Dies Christi ille est, in quo totam suam voluntatem Deus exequetur; sicut dies nostri sunt hæc vita, in qua voluntates nostras miseri mortales facimus. Dies extremi iudicij, est dies Domini. Usque ad illum diem perficiendum est bonum opus quod incepimus, vsque ad finem perseuerandum. Quod his verbis docet Apostolus: *Nescitis quod hi, qui in stadio currunt, omnes quidem currunt, sed vnus brauium accipit? Sic currite vt comprehendatis*. Cursus in stadio perpetuus est, vnoque fit impetu, absque respiratione, absque intermissione vlla. *Qui sic currebat, ille ab astantibus laudibus extollebatur*. Talis est vita Christiana: perpetuè currendum est, *sine intermissione orandum est, semper vigilandum est, omni custodia cor custodiendum est: ea qua retrò sunt obliuiscences, ad ea qua priora sunt extendere se oportet*. *Qui non proficit, deficit; qui in via subsistit, in luto hæret; qui retrò respicit, cum uxore*

Lot peribit. Vade ad formicam ô piger. Formicæ quum tenuis- *Allegoria.*
fima sint animalia, tamen assidue laborandi & tran- *Prou. 6.*
seundi, in durissima rupe vestigia relinquunt; & tritæ semitæ *Simile.*
notas manifestas ponunt.

Tam est necessaria perseverantiæ virtus, ut in tota oratione Dominica nihil ferè aliud à Deo expetere iubeamur, quàm perseverantiæ donum. In ipsa Oratione Dominica (ait *Lib. de bon.* Augustinus) quando oratur à sanctis, nihil penè aliud quàm per-*perseverant.*
 severantia posci intelligitur. Quod mox in singulis huius Ora-*cap. 2.*
 tionis partibus demonstrat. Quum dicimus Sanctificetur nomen tuum: ut sanctificatio in nobis permaneat, oramus. Quum dicimus, Adueniat regnum tuum: num aliud poscimus nisi ut veniat nobis, quod esse venturū non dubitamus omnibus sanctis? Ergo & hi, qui iam sancti sunt, quid orant, nisi ut in ea sanctitate quæ illis data est, perseverent? Perseverantiam petunt sancti, qui *Cap. 3.*
 faciunt voluntatem Dei, dicentes in oratione. Fiat voluntas tua. Cū enim iam facta sit in eis, cur ut fiat adhuc petunt, nisi ut perseverent in eo quod esse cœperunt? Quarta petitio est. Panem *Cap. 4.*
 nostrum quotidianum da nobis hodie, quæ verba sic exponit beatus Cyprianus: Hunc panem dari nobis quotidie postulamus; ne *In exposit.*
 qui in Christo sumus, & Eucharistiam quotidie ad cibum salutis *Orat. Domin.*
 accipimus, intercedente aliquo graviore delicto dum absentes, & non communicantes à cœlesti pane prohibemur, à Christi corpore separemur ut videlicet in ea sanctitate permaneamus, qua nulum, quo inde separari mereamur, crimen admittatur. In sola *Cap. 5.*
 quinta petitione, non poscitur perseverantia, sed peccatorum con- *Cap. 6.*
 donatio. Atqui quum dicunt sancti, Ne nos inferas in tentationem, sed libera nos à malo: quid aliud, quàm ut in sanctitate perseverent, precantur? Hoc enim concesso dono, ne quis inferatur in tentationem, ne tentationi succumbat, nemo sanctorum est, qui non teneat usque in finem perseverantiam sanctitatis. Hæc Augustinus.

Hanc perseverantiam cōmendavit Apostolus, dicens: In- *Rom. 13.*
 duimini Dominum nostrum Iesum Christum. Et rursum: Quot- *Gal. at. 3.*
 quot in Christo baptizati estis, Christum induistis. Induere enim aliquid iuxta phrasim Scripturæ, est ita alicui rei vniri, ut ab ea nunquā discedatur. Vnde David: Fiat ei maledictio sicut vestimentū quo operitur, & sicut zona qua semper pracingitur. Et iterū: Operiantur sicut diploide cōfusione sua id est, maledictio & cōfusio nunquā ab eo recedat. Sic de Christo dicit Esaias: Erit iustitia cingulū lumborū eius, & fides cinctoriū renū eius. *Esaias 11.*
 id est, omnes virtutes Christo inseparabiliter adhærebunt.

Iob 3.

Galat. 3.

Ephes. 1. & 6.

2 Cor. 5.

Similia.

Ioan. à S. Geni.
lib. 5. cap. 69.

Allegoria.

Simile.

Ezech. 18.

Sic de impiis Iob : *Qui oderunt te , induantur confusione , & tabernaculum impiorum non subsistet.* Hunc ergo in modum induere Christum, induere nouum hominem, induere armaturam Dei debemus, vt ea postea non deponamus ; sed veniente Christo, *vestiti, non nudi inueniamur.*

Qui post ægritudinem conualefcens , frequenter reciduat, ostendit, in prima sanatione omnem malum humorem, & morbi causam satis expurgatam non fuisse. Qui Christum semel indutus, & ab eo sanatus, mox eum exiuit, induens arma tenebrarum, manifestum facit quòd omnè peccandi affectum in prima sua reconciliatione non eiecerit.

Leopardus non persequendo sed saliendo prædæ capit: quã si tertio vel quarto saltu non ceperit, præ indignatione desistit, & quasi victus retrocedit. Tales sunt, qui quasi per saltum volunt esse perfecti, & in primo pietatis impetu ab omni tentatione liberi : ideòque si semel arque iterum tentatio recurrit, à bono opere desistunt. Atqui currendum, non saltandum est, & in opere perseverandum. Si tantum in orationis & feruoris studio homo perseveraret, quantum pauper ad ostium diuitis pro eleemosyna, citius haud dubiè spiritualem eleemosynam à Deo impetraret, quàm corporalem à diuite pauper impetrare solet. In veteri Lege nullum animal sine cauda offerebatur. In causa salutis nullum bonum opus sine bono fine & perseverantia Deo in sacrificiũ offerri potest. Sicut in ludo scacario, vno ictu aut tractu, vel non facto quum fieri oportebat, vel malè & per errorem facto, totus ludus lucrumque amittitur : sic vno necessario opere virtutis neglecto, aut vno peccato lethifero perpetrato, totus iustitiæ fructus amittitur, dicente Deo per Prophetam:

Si auerterit se iustus à iustitia & fecerit iniquitatẽ (nota vtrũque) omnes iustitiæ eius, quas fecit, non recordabuntur. Tam est ad salutem necessaria perseverantiæ virtus: & ita verum est quod Christus in alio Euangelio dixit : *Qui perseverauerit vsque in finem, hic saluus erit.* Vide plura in aliis Dominicis. Dom. 2. Aduent. tex. 9. Dom. infra oct. Natiuit. Dom. tex. 2. & 5. Dom. 2. post Epiph. tex. 6. Dom. Quinquage tex. 3. Dom. 2. post Pentecost. tex. 7. & Dom. 6. post Pentecost. tex. 2.

7. *Nisi hic alienigena. Et hic erat Samaritanus.*

Vocatio pè ad
salutem non
sufficit.

LOCVS moralis de inani vocationũ, professionum, aut status cuiusque titulo, nisi nominibus res respondeat: & sæpe accidere vt minus præstent, à quibus ratione status & vocatio-

vocationis plura expectantur. Omnes illi nouem qui acce-
 pro à Christo beneficio ingrati extiterunt, quique à cœpta
 pietate defecerunt, Iudæi erant, vocatione fideles, & profes-
 sione vnius veri Dei cultores. Vnus ille qui rediit, gratias
 agens, & in fide atque obedientia erga Christum persevera-
 uit, alienigena erat, Samaritanus erat; in impietate, & veri
 Dei ignorantia educatus. Sic mulier Samaritana ad puteū
 edocta, facile Christo credidit, Christi que verba optimam
 in partem accepit: quæ postea audientes Iudæi, vehementer
 sunt scandalizati & cauillati, vt supra in Dominica Passionis
 ostendimus. Sic qui erga hominem in latronem incide-
 rem misericordia vsus fuerat, Samaritanus erat; Sacerdos,
 aut Leuita, aut Iudæus non erat. Sic mulieris Chananæ, &
 Centurionis hominis gentilis fides maximè à Christo lau-
 datur: quum tanta in Israël non inueniretur. Sic hodie om-
 nique ætate maiora sæpe pietatis officia præstant homines
 rudes, indocti, laici, seculares, quàm magni theologi, sacer-
 dotes, religiosi. Tractari hic locus potest ad ignauiam mul-
 torum excutiendam ex aliis Euangelicis locis, iam supra in
 hoc opere pertractatis. Quæ enim de profectu nostro in
 Christianâ professione diligenter examinando super illa
 verba, *Hic positus est in ruinam multorum in Israël*, diximus;
 quæ de grauiori iudicio eorum qui maiora à Deo virtutis
 adiumenta acceperunt, ad illa verba, *In testimonium illis*, pro-
 lata sunt; quæ ostenderunt, vocationem & professionem ex-
 ternam non sufficere ad pietatem & salutem, super illa ver-
 ba, *Filij regni eijcientur in tenebras exteriores*; quæ contra
 iniquitatis abundantiam, abundante Christi gratia dicta
 sunt, ad illa verba: *Vnde ergo habet xixania?* quæ in medium
 allata sunt, vt Deum ab omnibus laudandum esse, ab omni
 statu, sexu, ætate, ostenderetur propter illa Euangelij verba,
Turba quæ precedebant & quæ sequebantur, clamabant dicen-
tes: O sanna filio David; quæ de condemnatione impiorum,
 propter varium diuinæ gratiæ abusum deprompsimus ad illa
 Christi verba, *De iustitia verò Spiritus sanctus arguet mundū*;
quia ad Patrem vado, & iam non videbitis me; quæ postremò
 de vocatione nostra ad salutē studiosè ac sollicitè conseruā-
 da protulimus super illa verba: *Exi citò in plateas & vicos ci-*
uitatis, & pauperes, ac debiles, & cæcos, & claudos introduc huc;
 illa omnia ad hunc locū pertinent, & huc referri possunt, &
 ad hanc Christi notationem de solo alienigena ac Samarita-
 no officium pietatis exequente, salubriter tractari poterunt.

*Dom. infra o. 34.
 nat. Dom. text. 3.*

*Domin. 3. post
 Epiph. text. 6.*

Ibid. text. 9.

*Domin. 5. post
 Epiph. text. 4.*

*Domin. Palma.
 text. 5.*

*Domin. 4. post
 Pasch. text. 3.*

*Domin. 2. post
 Pentecost. text. 7.*

Math. 6.



NEMO potest duobus dominis servire. Aut enim vnum odio habebit, & alterum diliget; aut vnum sustinebit, & alterum contemnet. Non potestis Deo servire & Mammonæ. Ideo dico vobis: Ne solliciti sitis anima vestra quid manducetis, neque corpori vestro quid induamini. Nonne anima plus est quàm esca, & corpus plus quàm vestimentum? Respicite volatilia cæli, quoniam non serunt, neque metunt, neque congregant in horrea, & Pater vester cælestis pascit illa. Nonne vos magis plures estis illis? Quis autem vestrum cogitans, potest adijcere ad staturam suam cubitum vnum? Et de vestimento quid solliciti estis. Considerate lilia agri quomodo crescunt: non laborant, neque nent. Dico autem vobis: quoniam nec Salomon in omni gloria sua coopertus est sicut vnum ex istis. Si autem fœnum agri quod hodie est, & cras in clibanum mittitur, Deus sic vestit; quanto magis vos modicæ fidei! Nolite ergo solliciti esse, dicentes. Quid manducabimus, aut quid bibemus, aut quo operiemur? Hæc enim omnia Gentes inquirunt. Scit enim Pater vester cælestis, quia his omnibus indigetis. Querite ergo primum regnum Dei, & iustitiam eius: & hæc omnia adijcientur vobis.

PERICOPE moralis huius Euangelij.

1. Nemo potest duobus dominis servire. De solius Dei cultu, seruitio, & obsequio amplectendo.

2. Aut enim vnum odio habebit, & alterum diligit; aut vnum sustinebit, & alterum contemnet. De necessario odio diaboli, vt Deum diligas; vel tolerando necessario diabolo, si Deum contemnis.

3. Non potestis servire Deo & Mammonæ. Contra pestilens & vulgare avaritiæ idolum.

4. Ideo dico vobis, ne solliciti sitis anima vestra quid manducetis, neque corpori vestro quid induamini. Contra curas & sollicitudines huius vitæ, avaris proprias.

5. Hæc omnia Gentes inquirunt. Scit enim Pater vester cælestis, quia his omnibus indigetis. Contra diffidentiam de perpetua Dei providentia.

6. Primum querite regnum Dei, & iustitiā eius: & hæc omnia adijcientur vobis. Rerum cælestiū, & diuinæ voluntatis faciendæ primam curam & sollicitudinem esse debere: in cæteris, Deum suis nunquam defuturum.

1. Nemo potest duobus dominis seruire.

LOcus moralis de solius Dei cultu, seruitute, & obsequio amplexando. Duo enim domini hinc significant Deum, & quicquid Deo contrarium est, siue Mammona, id est, diuitiarum cupido, vt postea Christus exempli gratia ponit; siue diabolus, siue mundus eiusque ambitio, siue caro & voluptates eius. Sub his enim dominis duram seruitutem peccatores seruiunt. *Omnis qui facit peccatum, peccati seruus est: & à quo quis denictus est, huic & seruit. Nescitis quoniam cui exhibetis vos seruos ad obediendum, serui estis eius cui obeditis?* His ergo & Deo pariter seruire, ex his est quæ fieri non possunt. *Qua participatio iustitia cum iniquitate? qua societas lucis ad tenebras? qua autem conuentio Christi cum Belial? Non potestis mensa Domini participes esse, & mensa demoniorum.* Quemadmodum impossibile est, vt altero oculo terram, altero cælum simul aspicias: ita fieri non potest, vt Deum, quæque Deo contraria sunt, simul diligas. Samaritani reprobi erant, & à populo Dei segregati, eo quod & Dominum colebant, & pariter diis Assyriorum seruiebant; vnde Christus illis dixit: *Vos adoratis quod nescitis: salus ex Iudæis est.* Deus per Prophetam maledixit eis, *qui iurant in Domino, & iurant in Melchon, idolo sic dicto.* Elias Israëlitas grauiter increpat: *Vt quid claudicatis induas partes? Si Dominus est Deus, sequimini illum; si autem Baal, sequimini illū.* Non fuit datū populo Israël cœleste māna, donec cōsumpta est farina, quā ex Ægypto secū portauerāt. Manete seruitute & affectu peccati, Deo seruire non potes, vt eius gratiæ sis particeps. Voluit permittere Pharaō Hebræis, vt in Ægypto victimas Deo immolarent. Sed Moyses respondit: *Non potest ita fieri. Abominationes enim Aegyptiorum immolabimus Deo nostro?* Abominabantur enim Ægyptij, pastores ouium, & victimas earum. Abominatur diabolus & mundus, ea quæ ad verum Dei cultum pertinent, charitatem, humilitatem, paupertatem, patientiam, castitatem, reliquasque virtutes. In Ægypto igitur manens, in diaboli & mundi seruitio positus, Deo seruire, ei que gratas virtutes exercere non potes. Dicit Scriptura: *Sentite de Deo in bonitate, & in simplicitate cordis querite illum.* Quisquis vult diligere Deum (ait Augustinus) & cauere ne offendant, non se arbitretur duobus dominis posse seruire; & intentionem cordis sui rectam ab omni duplicitate explicet. Nam, vt alia Scriptura dicit: *Vt duplici corde, & labijs*

Deo soli seruiendum.

Ioan. 8.

2. Petr. 2.

Rom. 8.

2. Cor. 6.

2. Cor. 10.

Simile.

Exemplum.

4. Reg. 17.

Ioan. 4.

Sophon. 7.

3. Reg. 18.

Exod. 14.

Allegoria.

Exod. 8.

Typus.

Sapient. 1.

De sermo. Dom.

in monte, libr. 2.

cap. 22.

Eccles. 2.

ſceleſtis, & manibus malefacientibus, & peccatori terram ingredienti duabus vijs. Duplici corde eſt, & duabus viis ingreditur, qui Deo ſe ſervire profiteretur, ſibiſque fortè perſuadet, quum interim & malè loquatur, & ſceleratè viuat, ſerviens diabolo. Vna haſta nullus duobus ducibus inferuire poteſt. Vno pileo non poſſunt ſimul duo capita cooperiri. Vno calceo duo pedes non poſſunt calceari. Vno corde Deo & diabolo ſervire nequiſ. Non potuit itate idolum Dagon in eodem altari cum Arca Dei. *Coanguſtatum eſt ſtratum, ita ut alter decidat; & pallium breve utrumque operire non poteſt.* Eſt quædam ſpecies aquilarum quæ venatur in aqua, quæ reſpectu aliarum, naturæ eſt multum degeneris: nam & à coruo ſuperatur. Iſta autem habet vnum pedem clauſum, more anſeris, cum quo natat; & alium acutum, more cæterarum aquilarum, cum quo rapit. Tales ſunt, qui volunt duobus dominis ſervire, Deo, appetendo cœleſtia; & diabolo, amando terrena. Habent ſemper cum pede aquilino pedem anſerinum, cum affectu ſpirituali affectum terrenum. Ad vtramque ripam volunt paſcere, & hîc cum delicioſis natare in fluxis fortunæ bonis; & ſuſum cum viris ſpirituſalibus euolare, ut prædam cœleſtem rapiant. Sed iſti degeneres ſunt; & à coruo, qui diabolum notare poteſt, facilè ſuperantur. Sunt etiam ſimiles hippocentauris, onocentauris, & Satyris, qui mixtas habent naturas & formas, ex parte vtilis & honeſtas, ex alia parte deformes, & noxias. Ideo pro monſtris habentur. Pantherâ propter odorè aromaticum, qui ex ore eius egreditur, omnia animalia ſequuntur, præter draconem, qui odorem eius reputat pro veneno; & eius vocem non ſuſtinens, fugit ad cauernam, & in ſeiſo deficit ac torpeſcit. Deum laudant & amant omnes creaturæ præter diabolum, & qui ab eo decipiuntur. *Hic eſt enim draco ille magnus, ſerpens antiquus, qui vocatur diabolus.* Sicut ergo Pantheram ſequi, & draconi adhærere nullo animal poteſt: ſic Deo & diabolo ſervire impoſſibile eſt. Hæc magis eluceſcent, ſi, quid ſit ſervire Deo, quid diabolo, explicetur. Servire Deo, homini eſt proprium, ſalutare, honorificum: Servire diabolo, alienū ab humana natura, homini ſempiternū dedecus, & certum exitium eſt. Deus eſt propri⁹

Similia.

*1. Reg. 5.
Eſaia 28.*

*Plutar natur.
hiſt. lib. 10. cap. 3.*

Simile.

*Petr. Berchor.
Reductor.
Mor. lib. 7. cap. 2.*

*Idem lib. 10.
cap. 76*

*Apocal. 12.
Simile.*

*Deus Dominus
noſter propri⁹.
Lib. contra Her-
mogenem.*

homini Domin⁹: quia non niſi creato homine cœpit Deus in ſcriptura vocari Dominus, ut ſapienter notavit Tertullianus ex illis verbis: *Formavit igitur Dominus Deus hominem.* Eſt

autem

autem Dominus absque præscriptione antiquissimus, quia à principio creationis rerum, atque adeò ipso creationis titulo (quo nullū antiquius) Dominus est rerū omnium, nedum hominum. Est Dominus absq; limitatione amplissimus, & vt in Scriptura vocatur, *Dominus vniuersorū*: iuxta illud: *Cūcta quæ in calo sunt & in terra, tua sunt.* Est Dominus absq; superiori supremus: *Rex regum & Dominus dominantium.* Solus Dominus, & solus Altissimus super omnem terram. Ex his emergit seruitij & obedientiæ necessitas. Sic in fronte Decalogi præmittitur: *Ego Dominus Deus tuus* Sic in fine veterū præceptorum frequentissimè additur: *Ego Dominus.* Sic prophetice passim habent comminationes: *Dicit Dominus exercituum.*

1.

2.

2. Machab. 14.

1. Paral 29.

Deut. 10.

3.

Psal. 82.

Leuit. 20. 21. 32.

Hinc illè in Scripturis Dei voces: *Me, inquit Dominus, non timebitis? & à facie mea non dolebitis? Qui posui arenā terminū mari; præceptū sempiternū quod nō præteribit, & cōmoueantur, & non poterunt; & intumescant fluctus eius, & non transibunt illud.* Populo autem huic factū est cor incredulum & exasperans: recesserunt & atierunt; & non dixerūt in corde suo: Metuamus Dominum Deum nostrum, qui dat nobis pluuiam temporaneam & serotinam in tempore suo, &c. Rursum idem Propheta: *Quis non timeat te, o Rex gentium? quia tuum est decus.* Inter cunctos sapiētes gentium, & in vniuersis regnis eorum nullus est similis tibi. Sic & per alium Prophetam: *Filius honorat patrē, & seruus dominū suum.* Si ergo Pater ego sum, ubi est honor meus? & si Dominus ego sum, ubi est timor meus? dicit Dominus exercituum. Quare non seruire Domino Deo, tot & tam supremis titulis Domino nostro, vt incredib le portentum abominatur Scriptura. Obstupescite cali super hoc, & porta cali desolamini: *vehementer.* id est, decorem omnem vestrum, quem ex me habetis, deponite, luctumque induite. Sed quare? *Duo mala fecit populus meus: Me dereliquerunt fontem aqua viua, & foderunt sibi cisternas dissipatas.* Relicto Deo, seruiūt diabolo. Si homo natus fuisset vt demonē coleret, minimè mirū videri debeat, si ei seruiat. At natus est homo, vt Deo fiueretur: *Nūquid seruus est Israel aut vernaculus? Quare ergo factus est in prædam?* Sed nūc vide alios domini diuini titulos, nobis Christianis proprios. Dominus noster Deus est titulo redemptionis, quia populus sumus acq; uisionis. *Non sumus subtractionis filij,* seu filij subtracti, in perditionem; sed fidei, seu fideles, in acquisitionem animæ, *Empti sumus pretio magno.* Dominus noster est titulo plus quàm iustæ cōmutatiōis, quia non qualitercunque redemit

Jerem. 5.

Jerem 10.

Ala'ach.

Jerem 2.

Ibidem.

4.

Hebr. 10.

1. Cor 6.

5.

1. Pet. 1.

6.

Luca 1.

7.

Gal. 3.

1. Cor. 6.

Ephes. 2.

Psal. 110.

Seruire Deo,
quid & quale.

1.

Eccles. 6.

2.

Matth. 11.

1. Cor. 3.

Similia.

demit nos, sed pretio iustissimo. *Non corruptibilibus auro & argento redempti estis à vana conuersatione vestra, sed pretioso sanguine quasi agni immaculati Christi.* Adhuc Dominus noster est iure datæ libertatis. Redimuntur enim sæpe ab vnus captiuitate, qui in alterius transeunt. Sed nos sic redempti sumus à seruitute diaboli & peccati, vt liberi maneamus. Dedit se nobis, vt *sine timore de manu inimicorum nostrorum liberati, seruiamus illi in sanctitate & iustitia omnibus diebus vitæ nostræ.* Præterea Dominus noster est titulo iustæ donationis, pactiq; indissolubilis ex parte nostra. *Quotquot enim in Christo baptizati sumus, Christum induimus, hoc est, nomē ei & fidē dedimus, quod ei adhærebimus, vt vnus spiritus cum eo, & eum portabimus & glorificabimus in corpore nostro, sicut duo in carne vna. Hoc enim Sacramentum magnū est in Christo & in Ecclesia: in Deo & in anima credētis baptizati.* Sed & abs; his omnibus, perpetua gubernatione, prouidentia, misericordia, quotidianis beneficiis, gratiis, donis multū *miserors & miserator Dominus est, escām dans, id est, omnia tam spiritualia quàm tēporalia necessaria subministrans timētib; se.* Sic exgo, & tot modis Dominus noster Deus est Nūc vide, quid & quale sit, huic tātō & tot modis Domino nostro seruire. Quæ iubet, pauca sunt, & quæ magis exonerāt quā onerāt. Si enim nihil iuberet, obligaremur tali ac tanto Domino ad omnia. Nunc certa quædā præcipiens, ab eorum quæ nō præcipit, obligatione nos liberat. Iubet seruari mādāta, quæ nisi decem sunt; & obedire Ecclesiæ, cuius præcepta tot nō sunt. Deinde quæ iubet, nobis ipsi sunt maximè salutaria, non illi vtilia, vt alio in loco ostēsum est: ideoq; talia, vt etiam eo non iubente, vel solo rationis lumine, vel ex sola fidei gratitudine præstari deberent. Decem mādāta humanę etiā leges ex naturę lumine præcipiunt; Ecclesię præcepta pius & nō ingratus fidelis sua spōte, dictante fide, & vrgēte charitate, adimpleret. Hinc Scriptura: *Vincula illius alligatura salutis.* Deinde quicquid iubet, per Christi gratiam fit facillimum, ipsa dicēte Veritate: *Iugum meum suauē est, & onus meū leue.* Iugū vocat, quia pariter nobiscum illud portat. Non ego (ait Paulus) *sed gratia Dei mecum.* Gratia dat vires, vt fiat leue; charitas Dei dat gustum, vt fiat suauē quicquid à Deo præcipitur.

Sicut bonum ceruicibus iugum imponitur quodā subiecto puluillo, ne excoriantur ceruices: ita hominibus Dei lex imponitur, subiecto charitatis puluillo, ne asperum iugum fiat.

Charitas

Charitas enim patiens est, benigna est, omnia suffert, omnia sustinet. Vestis aspera & rustica, mollibus pellibus suffulta, si superiori facie versus carnē inuersa feratur, intolerabilis est; sed si eo modo quo instituta est, gestetur, pellibus versus carnem positis, mollissima & iucundissima vestis est, propter suffulturam: ita planē Lex mandatorum in substantia operis, & in exteriori eius facie, dura & aspera, si carni proxima ponatur; si iudicio carnis subiiciatur, dura & intolerabilis videtur; & iugum importabile, quod neque nos, neque patres nostri (ait *Ast. 15.* diuus Petrus) portare potuerunt. Cæterum eadem Lex charitate suffulta, & suauissima Christi gratia sociata, si intrinsecus ponatur, & spiritui coniuncta, facilis, suavis, ac iucundissima videbitur, iuxta illud Dauid: *Viam mādatorum tuorum cucurri, cū dilatasti cor meum: id est, charitate & dilectione aperuisti.* Mens enim diuinis desideriis inflammata, (ait sanctus Gregorius) *supernis coniungitur, ab inferioribus separatur, amore feruoris sui se aperit, ut capiat, & capiens inflammatur.* Sed de hac re vide plura, Domin. 4. Aduen. super illa verba: *Erūt praua in directa, & aspera in vias planas.* Et rursus super illa verba: *Qui diligit me sermonem meū seruabit.* Rursus suo seruitio & obsequio Deus amplissima præmia repromisit. de quibus vide super illa verba: *Voca operarios, & redde illis mercedem suam.* Item super illa verba: *Pater meus diliget eum, & ad eum veniemus, & mansionem apud eum faciemus.* Sed & in hac vita seruientibus ei, maximas & perpetuas consolationes impartit, ut in alia Dominica explicatum est. Sicut enim in splendidis conuiujs, interim dum cibi parantur, quædam afferuntur bellaria, ut illis gustatis, tempus suauiter consumatur, prandiumque libentius expectetur; ita Dominus Deus, antequam ad mensam eius in cælo splendidissimam accumbamus, multis & miris modis suorum corda consolatur, & ut Paulus ait, *replet omni gaudio ita ut semper in Domino gaudeant.* His omnibus adde, quod seruire Deo, regnare est. Ideo quos Lucas vocat Reges, dicens, *Multi Propheta & Reges voluerūt videre qua vos videtis, &c.* hos Matthæus vocat iustos, dicens, *Multi Propheta & iusti, &c.* Deinde si iusti coronas habent, iuxta illud: *Mittentes coronas suas ante thronum Dei,* bene sequitur, illos Reges esse. Sanè quia *melior est patiens viro forti, & qui dominatur animo suo, expugnatore urbium:* qui Deo seruienti cupiditatibus suis omnibus imperat, quouis Rege terreno gloriosior est. Deinde si Regi terreno seruire, honori ducitur; quomodo Dei seruū, imò amicum esse, maxime

1. Cor. 13.

Ast. 15.

Psal. 118.

Moral. lib. 15.

cap. 20.

Text 7.

Domin. Pent.
text. 1.

Dom Sept. text.

7. Domin. Pent.
text. 2. & 3.Domin. 3. post
Pasch. text. 1.

Simile.

Roman. 15.

Luca 11.

Matth. 19.

Apocal. 4.

Prouer. 16.

Simile.

ximè non erit honorificum? Atque ex his quidem, quid sit, & quale, Domino Deo seruire, intelligi & explicari ex parte potest. Huc etiam pertinent quæ de Deo super omnia diligendo & colendo, iam in aliis * Dominicis deprompta sunt.

* Domin. 1.

Quad. text. 10.

Domin. 12 post

Pent. text. 3.

Diaboli serui-

tus.

1.

Esaia 14.

Iob 41.

2.

3.

Gen. 3.

4.

Iacob. 4.

5.

Rom. 6.

6.

7.

8.

9.

10.

11.

12.

13.

14.

15.

16.

17.

18.

19.

20.

21.

22.

23.

24.

25.

26.

27.

28.

29.

30.

31.

32.

33.

34.

35.

36.

37.

38.

39.

40.

41.

42.

Nunc quid sit alteri domino, diabolo, seruire, vide. Diabolus est dominus intrusus, & v'surpatione propria. *Ascendam ad Aquilonē, & similis ero Altissimo. Princeps & rex est super omnes filios superbia:* id est, super superbos omnes. Nullam legitimam, sed omnem v'surpata[m] potestatem exercet. Deinde fraude & dolo malo in homines dominari cœpit. *Decepit Evam serpens, quum esset callidior cunctis animantibus.* Quanquam non tam sua fraude, quàm nostra nūc ignavia dominari pergit. Scriptū est enim: *Resistite diabolo, & fugiet à vobis.* Quid, quòd ex deditiōe nostra spontanea dominium accipit, dicente Apostolo: *Nescitis, quoniam cui exhibetis vos servos ad obediendum, serui estis eius cui obeditis?* Sed nec in nos potestatem vllam haberet, nisi propter peccata nostra datum esset ei de super, ex permissione diuina, ad nostrę ingratitudinis pœnam, vt in alia Dominica explicatum est. Porro seruitus diaboli vilissima est, quia, qui ei seruit, infinitis cupiditatibus, eisdemq; vilissimis seruire debet. Alexādro se dominū orbis vēditanti, re-ctē Diogenes respondit: *Tu seruus seruorum meorum es.* Illis enim cupiditatibus quibus ego impero, tu mancipium es, illis in omnibus morem gerēs, & ad eas explendas cælum & terram miscens. Tales cupiditates erant, ambitio, auaritia, luxus. Sed & eidem Alexandro Brachmannus quidā scripsit: *Quid tibi prodest totius orbis dominum fieri, qui infima & abiecta rei interim seruias? Inimicos externos subuertis, vt internos foueas ac sustentas.* Dura est diaboli seruitus, quia contraria imperat, cupiditatibus contrariis animam infestans. Superbia enim sumptus ingentes, pompam & fastum postulat. Auaritia sumptus fugit, sordes & tenebras amat. Gula & ebrietas lautas epulas desiderant. Pigritia & otium mendicitatem inducunt. Inuidia & odium nec æquos quidem aspectus admittunt. Ambitio tamen, & habendi cupiditas, eisdem quos odit, adulari & assentari cōpellit. Sic contrariis vitiis diaboli mancipia torquentur, ideoq; duram seruitutem seruiunt. Quibus illud Prophetæ applicari potest, *Seruietis dijs alienis die ac nocte, & non dabunt vobis requiem.* Rursus diaboli seruitus absolutè sumpta, & in singulis obsequiis tota vitiosa, tota molesta, & innumeris difficultatibus plena est, vt in alia Dominica, super illa verba, *Mundus autem gaudebit*, partim expli

Domin. 3. post

Psalm. text. 1.

Explicatum est, partim alia explicationis factę loca designata sunt. Sed vnus Prophetę locus satis hoc expressit, vbi dicitur: *Va qui trahitis iniquitatem in funiculis vanitatis, & quasi vinculum plaustrı peccatum.* Impij enim, ad explendas suas vanitates & voluptates, magno labore, quasi certis funiculis trahunt ad se illas, seque ipsos innumeris malis inuoluunt, & miseriis constringunt. Sicut enim funes nectuntur ex filiis paruo sanę labore, sed semel connexi fortiter astringunt: sic peccata facیلẽ admittuntur, sed fortiter ligant. Et vt hla producendo ac cõplicando, funes texũtur, quibus varię res postmodum astringuntur: sic peccata multiplicando, & alterum alteri addendo, fit pessimę consuetudinis, & nouę tyrānidis vinculũ quasi plaustrı, id est fortissimum, sicut vincula plaustrı esse solent. His autem funiculis vanitatis, id est, per repetita peccata ex vanis desideriis & libidinibus contexta & deducta, trahimus multo labore, magnis curis & molestiis, iniquitatem; vel quia propter vnā libidinem explendam, multa peccata committimus, vt, verbi gratia, propter pretiosum vestitum, aut mensę apparatus, qui statum & facultates nostras excedat, mille fallaciis, fraudibus, mēdaciis, iniuriis, rapinis, multo xre alieno illam vanissimā vanitatem comparamus, atque ita iniquitatem trahimus, id est, producimus ac dilatamus egregiẽ, committendo centum pro vno; vel quia etiam absque specie peccati (si quasi possibile id esset) ad quamuis explendam libidinem, seu turpi amorı, seu auaritię, seu ambitioni studeas, mille tibi molestiæ, curæ, vexationes subeundæ sunt. Hoc est *trahere iniquitatem funiculis vanitatis*, & nostra ipsius ineptia atque insania quærere nobis ipsis malum, prouocare peccatum, occasionem perditionis accersere. Talis est diaboli seruitus, cui his verbis maledixit Prophetā. Postremò diaboli seruitus hanc vnā mercedem reddit, vt seruientes sibi omnes in altera vita, in pœnæ societatem inuoluat; quod alio loco explicatum est, atque in pręsenti vita, perpetua conscientię laniena & carnificina excruciet; quod etiam in alia Dominica declaratum est. Sed & mox hac de re plura.

9.

10.

2. Ant

2. *Aut enim vnum odio habebit, & alterum diligit, aut vnum sustinebit, & alterum contemnet.*

Diaboli odiū
necessarium.

Locus moralis de necessario odio diaboli, vt Deum diligas; vel tolerando necessario diabolo, si Deum contemnis. Sic hi duo domini contrarij sunt, Deus & diabolus; sic vtrique seruire impossibile est: vt planè necesse sit, vel vnum diligendo, alterum odisse; vel vnum contempnendo, alterum vt durum ac pessimum dominum sustinere. Impij diabolum sustinent (nam diligere nequeunt, vtcunque ei officiosissime seruiant) Dei præcepta, & sanctissimam voluntatem contemnendo. Pij & iusti diabolum odio habent ac detestantur, vt Deum super omnia benedictum purè diligant. Sicut lux in instanti vel habetur, vel amittitur, & non per temporum momenta, quia inter lucem & tenebras nihil est medium, etsi ipsius lucis ac tenebrarum certi sint gradus; sic charitas, & purus Dei amor, quæ est vera lux animæ (*qui enim diligit fratrem suum*, multo magis Deum, *in lumine manet*;) nec infunditur, nec amittitur per partes, sed tota simul, etsi magis ac minùs in alijs atque alijs intensa sit. Cum minimo enim peccati mortalis affectu, cum minimo diaboli aut operum eius amore stare charitas Dei & proximi non potest. Per quodlibet peccatum mortale à Deo ad diabolum transitur, Deus contemnitur, diabolus qualiscunque Dominus sustinetur. Rursum cum minima, sed pura Dei charitate, cum paruo, sed vero odio peccati & operum diaboli, Deus diligitur, diabolus odio habetur. Diabolum iustus odio habet, id est, nec audire, nec videre ea sustinet quæ diabolus suggerit. Hæc enim sunt signa odij. Si auscultare incipis, & attendere ad ea quæ diabolus suggerit, iam cum amare incipis, odisse desinis. Et vide cur & quantum sit odio habendus diabolus. Primum est hostis noster capitalis, inimicus homo, aduersarius, vt in alia Dominica latius ostensum est. Deinde sic hostis est, vt omne bonum nostrum impediat, quia *tollit semen verbi Dei*, id est, omne principium diuinæ opitulationis præscindit. de quo aliàs dictum est. Rursum omne malum suggerit. Ideo vocatur in Scripturis, *tentator*, & *is qui tentat*, & *qui seducit vniuersum orbem*: ipsa quæ peccata vocantur *opera diaboli*, & *desideria diaboli patris impiorum*. Vide Dominicam 1. Quadragesimæ, textu 3. Porro ita aliquando violenter suggerit, vt excæcet mentes mortalium, iuxta illud: *Deus huius seculi excæcavit mētes infidelium*. Deinde fraudu

Simile.

1. Ioan. 2.

Odium diaboli quale.

1.
Domin 5. post
Epiph. text 3.
& 5.

2.
Dom. Sexages.
text. 4.

3.
1. Cor. 7.
Apo. 12.
Ioan. 8. &
1. Ioan. 3.

4.
2. Cor. 4.

fraudulentus hostis est, dicente Apostolo: *Ne circumueniamur à satana.* Non enim ignoramus cogitationes eius. Quos autem blanditijs cepit, in eos postea violenter dominatur. *Operatur in filijs diffidentia princeps potestatis aeris huius. Captiuos tenet suos ad voluntatem suam.* Est ille fortis armatus custodiens atrium suum. Porro facta humani generis redemptione, ira & inuidia eius vehementer excreuit, estque nunc propterea hostis iratus, & cædis cupidissimus. Vnde in Apocalypsi: *Va terra & mari,* id est, hominibus terrena sapientibus, & fluxa appetentibus, quia descendit ad vos diabolus, habens iram magnam, sciens quia modicum tempus habet. Sed nec minus assiduus, diligens, & pertinax hostis est. *Circuit tanquam leo rugiens, veluti famis rabie concitatus, quarens quem deuoret.* Antiqua hæc illi diligentia, & non insueta nostræ perditionis fames. Sic enim in historia Iob vetustissima loquitur: *Circuiui terram, & perambulauit eam.* Iam verò audacissimus hostis est, qui ita factus est, ut neminem timeat, ait sanctus Iob. Nam & ideo ipsum Redemptorem mundi, Christum Dominum, tentare non est veritus. Sed & ita pertinax atque audax hostis est, ut non solum impios, verum etiam pios ipsos & iustos incessanter apud Deum accuset, & aduersus eos Deum, quantum in se est, calumniando irriter. Hinc diabolus proprio vocabulo, id est, calumniator dicitur. Sic sanctum virum Iob falso apud Deum bis accusauit. Primum, *Nunquid frustra Iob Deum colit? nonne tu vallaſti eum, ac domum eius, uniuersamque substantiam per circuitum? operibus manuum eius benedixisti, & possessio eius creuit in terra. Sed extende paululum manum tuam, & tange cuncta quæ possidet; nisi in faciem benedixerit tibi.* Accusauit ut avarum, & huius mundi amatorem, sed falsò. Omnibus enim spoliatus Iob, Deum benedicere non cessauit. Secundò accusat eum ut hominem mollem, suique ipsius magis quam Dei amantem. *Pellem, inquit diabolus, pro pelle, & cuncta quæ homo habet, dabit pro anima sua. Alioquin mitte manum tuam, & tange os eius & carnem, & tunc videbis quod in faciem benedicat tibi,* id est, maledicat. Sed nec sic percussus Iob, à Dei laudibus cessauit, aut Deum amare destitit. Sic vocatur in Apocalypsi accusator fratrum nostrorū, qui accusat illos ante cōspectum Dei die ac nocte. Postremò post omnem pugnam, & de miseris peccatoribus victoriam, de ipsis arroganter contra Christum blasphemè insultat. Vnde eius verba ex Cypriano & Basilio in alia Dominica. Hic est durus & perniciosus dominus quæ

sustinere compellitur, qui Deum non diligit.

3. Non potestis Deo seruire & Mammonæ.

Auaritiæ
idolum.

Lucæ 16.

Simile.

Radix malorū
auaritia.

Homil. in diuites
auaros.

2. Tim. 6.

Similia.

Locus moralis contra pestilens & vulgare auaritiæ idolum. Christus Dominus non contentus, sub indefinita & generali propositione dixisse, duobus dominis seruire neminem posse; moxque ex his dominis diabolum esse alterum insinuasse, qui videlicet omnis ferè peccati author & instigator est; adhuc definitè & expressè maledictam auaritiam, & communem ferè omnibus diuitiarum cupiditatem in medium adfert, disertè asserens: *Non potestis Deo seruire & Mammonæ*, hoc est, diuitijs, vt in alio loco: *Facite vobis amicos de mammona iniquitatis*. Seruit diuitijs, & vir diuitiarum non dominus est, quisquis eas vel auarè appetit, vel cupidè retinet. Talis Deo seruire non potest. Sicut terra quæ aurum ex se producit, ad cætera omnia sterilis est, nec herbam, nec fruges, nec arbores fert, sed penitus inculta iacet: sic misera anima auri cupida, & congerendis diuitijs intenta, ad nihil aliud vtilis est, nec Deo, nec Reipubl. nec tibi ipsi, seruire potest. Merito ab Apostolo vocatur cupiditas diuitiarum *παραπύπια*, *radix omnium malorum*. Nam vt virtute radices pullulant stipes, rami, frondes, flores, & fructus; sic vitio cupiditatis pullulat pecuniæ amor, seruitus, cultus, Dei contemptus, proximi odium, omnium etiã coniunctissimorum despectio. *Cupiditas* (ait sanctus Basilius) *est transgressionis mater, magistra nocendi, primipilaria iniquitatis, auriga malitiæ, fscaria virtutum, seditionis origo, fouea scandalorum*. An ergo illi & Deo seruire poteris? An aliud Apostolus docet? *Qui volunt* (inquit) *diuites fieri incidunt in tentationem, & laqueum diaboli, & desideria multa inutilia & nocua, quæ mergunt homines in interitū & perditionē*. Sicut radix habet oris officiū,

1. quia per eā plāta suscipit nutrimentū, sicut animal per os: ita cupiditas & mammonæ seruitus omnibus vitijs nutrimentum præbet, superbiæ, contemptui Dei, odio & immisericordiæ erga proximum, furtis, rapinis, fraudibus, aliisque sceleribus, quibus cōparantur diuitiæ. Rursum sicut per radicem arbor terre inhæret, & ab ea humorem accipit, quo nutritur; & sicut planta, mediante radice, nutritur terræ humido: sic cor hominis, mediante cupiditate, pascitur terreno lucro, &
2. illo solo cibo delectatur. Sed & sicut arborum & plantarum radices stercore impinguantur; sic insana auaritia solo stercore diuitiarum satiatur, quantum satiari potest. Sicut leo-
3. pardus

pardus accepto aliquo in præda veneno, quærit stercus humanum, ut eo venenum extinguat; unde venatores fimum illum super arborem in vase suspendunt, ut in illū leopardus intentus dum salit, facilius interficiatur: sic avarus suæ cupiditatis venenum (est enim *charitatis venenum auri cupiditas*, De consil. vii. & virt. cap. 9.) ait sanctus Augustinus) terræ stercore, quod aurum est; & temporali lucro; quod pro stercore habuit Apostolus, extinguere & satiare nituntur: ideoque diabolus animarū venator robustus, hoc simi genus nō nisi in sublimi loco ponit, in excelsis huius mundi dignitatibus: ad quas dum homines intentē aspirant, omniq̃ studio cōtendunt, eos facile circa alia occupatos, in barathrum perditionis & interitum perducit, iuxta Apostoli verba modō citata. De avari rapinis & tyrannide conquerens Propheta, ait: *Respice in testamentum tuum, quia repleti sunt, qui obscurati sunt terra, domibus iniquitatum.* id est, quia impij homines obscuratū in terra cor habentes, pleni sunt habitaculis iniustitiæ, facti sunt diuites, & repleti ex rapinis & iniustitijs, quas in nos, populum fœderis & testamēti tui, exercuerunt. Vocat rapaces avaros, ac mammonæ serviētes, *obscuratos terra*, siue terram obscuram atq; vmbrosam, iuxta perpetuam Hebraicam phrasim. Verē avarum auri terræ vmbrosæ, seu vmbra comparantur, quia auri sicut vmbra lumen impedit, sic avaritia lumē gratiæ; & sicut vmbra terræ facit eclipsim lunæ, terra videlicet inter solem & lunā recto diametro interposita, sic terrena ista cupiditas generat ingentem animæ eclipsim, maximas illi tenebras offundit, terreno videlicet amore, & metalli cupiditate inter Deum & animam interposita. Ideo enim amare Deū avarus nō potest, quia magis amat aurum suum. Ideo elemosynas non facit, ideo nec in pauperes misericors, nec in proximos liberalis, nec ad Dei cultum expeditus, in oratione gravis ac stupidus, in meditatione rerum cœlestium vecors & insensatus, in Dei beneficiorum memoria lethargicus est, quia totus in auro suo est, & in mammonæ servitio veluti in vmbra & spelunca occupatus. Sibi plaudit, dum nūmos tacitus contempletur in arca. Rursum sicut vmbra calorem reprimit, planēque extinguit, calor enim esse non potest quō sol non pertingit: sic avaritia Dei & proximi amorem penitus extinguir. Vnde diuus Ioannes: *Si quis diligit mundum, non est charitas Patris in eo.* Præterea sicut vmbra sterilitatem inducit; vix enim aliquid crescit vbi continua est vmbra; sic diuini verbi semina crescere, aut fructum facere in ea anima non possunt,

*Domin. Sexag.
text. 6.*

3.

4.

2. Cor. 6.

Psal. 102.

Allegoria.

Simile.

*Auarus Christi
hostis.*

Epist. 34.

*Joan. à S. Ge-
miniana, lib. 5.*

cap. 10.

Idem lib. 4.

cap. 9.

possunt, quam amor & sollicitudo diuitiarum semel occu-
pauit. de quo in alia Dominica multa diximus, moxque in
textu sequenti plura dicemus. Porro sicut umbra est serpen-
tium amica, & colubros nutrit; ita auaritia diabolo est grata,
& innumera fouet vitia, animæque serpentes. Denique sicut
maturitatem fructuum retardat umbra, sic dignos pœniten-
tiæ fructus plurimum retardat auaritia, maxime si ad resti-
tutionem veniendum est, aut eleemosynis emendanda præ-
scribitur. Postremo sicut umbra somnum prouocat, idque
propter frigiditatem; sic auaritia inducit alium in pietate
somnia, facitque animum ad opera virtutis penè immobi-
lem. Aded verum est, Deo & mammonæ seruire neminem
posse; & quod Apostolus dixit: *Qua societas luci ad tenebras?*
Quare ut omnium impiorum, ita maxime auari hominis illa
vox est: *Dies mei sicut umbra transierunt, & ego sicut fœnum
arui.* In creatione rerum omnium, solis animantibus terræ
Deus non benedixit, magno mysterio insinuans, terrena sa-
pientes, & terræ bonis affixos, à Dei benedictione excidere.
Sicuti qui in altissimi montis caeuum conscendere neces-
sario deberet, ineptissime faceret, si multa humeris onera
imponeret, planèque ostenderet, se nihil minus cogitare,
quàm in montem conscendere: sic tu Christiane ad ecclesia
vocatus, quum tot tibi in terris impedimenta conquiris, &
onera multiplicas, planè doces, te de cœlo nec cogitare
quicquam nec curare. Qui mammonæ & diuitijs seruit, ex
pauperis Christi phalange exijt; ad alterius ducis, qui prin-
ceps est huius mundi, castra defecit. De Christo dicitur: *De-
posuit potentes de sede, & diuites dimisit inanes.* Inexorabilis
pugna est inter Christum & potentes auaros. Vtrique serui-
re non potes. *Hæc enim terrena & superflua* (ut sapienter scri-
sit Augustinus) *arctius adepta quàm concupita constringunt.*
*Vnde ille diues tristis discessit, quum à Christo consilium euange-
licum audiret Aliud est enim nolle incorporare quæ desunt, aliud
iam incorporata diuellere. Illa velut cibi repudiantur, ista velut
membra præciduntur.* Hæc ille. Sed & facilius est à cibis super-
fluis abstinere, quàm sumptos euomere. Difficilius ergo Deo
seruit, qui collectis iam diuitijs auarè incubat, quàm qui
nondum adeptas concupiscit. Isti sunt similes formicis In-
diciis, quæ aurum custodire dicuntur, & pro eo conseruando
contra homines bellum gerere, etsi eo non vtantur. Quales
etiam gryphes esse dicuntur, qui custodiunt montes, in qui-
bus gemmæ pretiosæ inueniuntur. Monet nos Scriptura:

Noli

Noli anxius esse in diuitijs iniustis, id est, quæ iniustitiæ causâ Eccli. 8.
sunt. *Non enim proderunt tibi in die obductionis & vindictæ.*
Quod alijs verbis dixit Dauid: *Dives cum interierit* (hic est Psal. 48.
dies tenebrarum & vindictæ) *non sumet omnia, nec descendet*
cum eo gloria eius. Sicut enim simia, quæ duos habet fœtus, *Simile.*
filium quem magis diligit, in brachijs portat, alium verò in
humeris gestat; sed quando fugiendi necessitas instat, dile- *Isidorus lib. 19.*
ctum filium dimittere cogitur, ab alio autem quem humeris *etymol.*
gestat impedita, eiûsque pondere pressa, facilius à venatore
capitur: sic homo avarus pro filio dilecto mundum eiûsque
diuitias habet; spiritum verò, & meliorem sui partem ita ne-
glectam gerit, vt quasi à tergo eam portet: vnde ita portatus
ac neglectus spiritus, multis necessarijs peccatis oneratur.
Morte igitur accedente, quæ ex hac vita in alteram fugere
compellit, mundus eiûsque diuitiæ dilectæ necessariò relin-
quuntur: spiritus homini adhæret innumeris peccatis onu-
stus, quem ideo ad cœlum euolare non valentem, venatores
dæmones ad prædam illo tunc momento attentissimi (vt in *Domin. Penit.*
alia Dominica explicatum est) miserè rapiunt. *text. ult.*
Simile. Navis pre-
tiosis mercibus onusta, in pleno mari vento secundo velifi-
cans, iucundissimum est domino spectaculum. At in portum
vbi appulit, velis detractis, mercibus omnibus in terram ex-
positis, sola illa in aquis consistit, ex pristino splendore & opu-
lencia nihil nisi fæces & sordes, & immunditias varias, ex ijs
quæ gestauit, contractas secum retinet. Sic avarus plenus di-
uitijs in hoc mundo, sibi secundo vento nauigare & trium-
phare videtur. Sub mortis horam, omnibus quæ collegit in
terra relictis, ille cum suis peccatis & sordibus nudus manet.
Adedò *nihil diuitia proderunt in die obductionis & vindictæ*, vt
scripsit Sapiens. Parum est eas nihil prodesse contra iram
Dei, aut mitigationem pœnæ peccatis debita, si etiam vehe-
menter non nocerent, animæque salutem penitus non va-
starent. Imperator Traianus thesaurum principum cum lie-
ne comparabat. *Vt enim crescente liene reliqui artus tabescunt;*
sic crescente fisco tyranni, debilitantur facultates subditorum, *Sextus Aureo-*
quum eas ille diripiat, vt suas augeat. Sed & eodem mo- *lius in vita Lu-*
do avaritia quæuis lieni comparatur. Nam vt eo in corpo- *liani.*
re crescente, alia membra decrescunt; sic crescente avari- *Apophthe-*
tia, deficiunt penitus virtutes, arefcit benignitas, friget cha- *gma.*
ritas, dormit iustitia, negligitur veritas. Sicut Iudæi aurum *Simile.*
& argentum, quod singulari Dei beneficio ab Ægyptijs, *Exemplum,*
Exod. 32.

quum egrederentur, acceperunt, ad vitulum aureum fabricandum impiè conuerterunt: sic homines auari bona huius mundi, Dei benècio ipsis ad vsum legitimum ac dispensationem liberalem concessa, in auaritiæ idolum impiè conuertunt. De hoc conqueritur apud Prophetam Deus: *Argentum multiplicavi & aurum quæ fecerunt Baal.* Quod enim Iudæi in deserto, idem postea Israëlita in terra promissionis fecerunt, diuitias sibi concessas, in idola verterunt.

Osea 3.

Apophthegma.

Plutar. in Grac.

Apoph.

Appositè Chilo Lacedæmonius dixit, *id quod Lydius lapis est auro, hoc esse aurum homini.* Nam vt lapis Lydius suo affricu prodit quale sit aurum; sic aurum prodit qualis sit homo. Si auro rectè, prudenter, liberaliter vtitur, vt bonus dispensator, mercedem à Deo accipiet. Si auarè retinet, seruienti ei, eiúsque cupiditate & amore captus, Deo seruire non potest, ad diaboli seruitium transit, eandem cum eo pœnam subiturus. Auaris enim pecuniæ suæ seruientibus, eleemosynas facere nolentibus, dicetur in extremo iudicio: *Esuriui, & non dedistis mihi manducare; &c. Ite maledicti in ignem æternum, qui paratus est diabolo & Angelis eius.*

Matth. 23.

Simile.

Quemadmodum quæ naturæ in cibum non conueniunt, manducantur tamen, adedò non prosunt, vt interitum afferant, veluti si quis ligna lapides, sulphur, ignem, comederet: sic quæ animæ proprius cibus non sunt, nec ad æternitatem alunt, animo tamen concupiscuntur, & amantur, & toto affectu vel quærantur, vel possidentur, veluti diuitiæ, opes, pecuniæ; adedò animam non pascunt, vt sempiternum illi exitium machinentur. *Melius est modicum iusto super diuitias peccatorum multas.* Si potuit Crates Thebanus, homo sine Deo in hoc mundo, suas diuitias, quas amplas habebat, in altum maris gurgitem profundere, dicens. *Abite pessima mala cupiditates; ego vos mergam, ne ipse mergar à vobis;* quia à Diogene didicerat, se cum illis diuitiis philosophari, & virtutem colere non potuisse: pudebit profectò Christianos, quando cum amore & seruitute diuitiarum Deo seruire, & frui se non posse, Christo docente didicerint, quòd eas à se via aliqua honesta & pia non abdicant; ne illis auarè retentis, in barathrum propter illas præcipitentur. *Auaritia enim hominis mentem quasi arcem possidet,* ait Chrysostomus: *unde per dies singulos, præcepta eis plena iniquitatis imponit; nec est omnino aliquis qui non obediat operanti.* Noli igitur ex superfluo argumentari. *Semel enim pronunciauit hoc Deus, impossibile esse dicens, Deo seruire & mammonæ.* Ne ergo tu dixeris hoc

Psal. 36.

Laert. lib. 6.

Exemplum.

Apophthegma.

Ma.

Homil. 23. in

Matth.

hoc esse possibile. Quando enim te unus Dominus etiam proprijs exui iubet, alter verò etiam aliena diripere; quando ille te iubet omnia despicere, alter verò in hac re atque inhiare presentibus: quando ille ad eleemosynas, ad liberalitatem, ad æquitatem hortatur ac iubet; alter verò parsimoniam indicit, & iniustitias audacter perpetrat: ista duo tam contraria, quomodo tandem poterunt convenire? Vide de hoc argumento plura in alijs * Dominicis præcedentibus.

*Domin. Saxe.
tex. 6. loc. 2.*

*Domin. 1. Qua-
drag. tex. 8.*

*Domin. 2. post
Pent. tex. 5.*

4. Ideo dico vobis, ne solliciti sitis anima vestra quid māducetis, neque corpori vestro quid induamini.

LO C V S moralis contra curas & sollicitudines huius vitæ, Sollicitudo
hominibus avaris proprias. Christus Dominus, quum vitæ.
in hoc Euangelio contra avaritiam; & amorem huius mundi, totus esse vellet, eamque ex auditorum suorum animis penitus extirpare, postquam dixisset, fieri non posse, ut avarus qui est, idem Dei servus existat; remedium nunc huius insanæ cupiditatis docet, iubens omnem rerum etiam necessariarum, quanto magis superfluarum, sollicitudinem, curam, & anxium amorem deponere: quod etiam postea multis argumentis suadet. Primum, à maiori ad minus. *Nōne anima plus est quàm esca?* Qui ergo animam dedit, & vitæ spiritum subministravit, alimentum vitæ necessarium non dabit? Absurdum hoc, & Deo indignum fuerit. Secundò, ab exemplo aliarum creaturarum. *Respicite volatilia cæli, & lilia agri.* Illa pascuntur; hæc vestiuntur absque vlla cura & sollicitudine. *Nōne vos magis pluris estis illis?* Tertiò quia hæc sollicitudo nihil ad rem facit; nec illa necessitatibus nostris subueniet, sed mœrorem augebit. *Quis vestrum cogitans potest adicere ad staturam suam cubitum unum?* Quartò, quia diffidentiae & infidelitatis scelus hoc est, vel diuinæ providentiæ non se committere, vel suam sollicitudinem ei anteponere. *Hæc enim omnia Gentes inquirunt.* Ad infidelitatem gētilitiam, quæ Deum ignorat, hæc sollicitudo pertinet. *Scit enim Pater vester, quia his omnibus indigetis.* Eius providentia nec ignara est, nec dormit. Ad eam fidei oculos conicere oportet. Quintò, quia servi Dei est, in Dei cultu atque obsequio primam suam curam, totamque sollicitudinem ponere, reliqua ex Dei liberalitate expectare. *Primum ergo querite regnum Dei, &c. & hæc omnia adiciētur vobis:* ex Dei scilicet liberalitate. In huius loci explicatione, quem ita diligenter Christus Dominus tractare vo-

1.

2.

3.

4.

5.

Partitio loci.

Sollicitudo
quare⁹ & que
prohibetur.

luit, videndum primò, quis sit huius præcepti sensus, & quatum valeat. Postea quàm sit hoc & salutare & necessarium præceptum. Sensus verborum ex Christi illatione aduertí potest. Quia nemo potest Deo & mammonæ seruire, ideo dico vobis, *Ne solliciti sitis*, id est, ne sic solliciti, vt per sollicitudinem vestram seruire mammonæ videamini. Ille autem per sollicitudinem seruit, siue Deo, siue mammonæ, qui ad ei seruiendum anxius est, qui in eo de quo sollicitus est, confidit, qui eius rei primariam curam habet. Hæc tria in Dei seruitio laudabilia sunt, in seruitio mammonæ partim impia, partim noxia. Et hæc tria in rationibus suis inductis, Christus tangit. Impium est sic de mammona, atque adeò de huius vitæ necessariis (prætextu quorum mammonæ seruitur) sollicitum esse, vt in illa tua sollicitudine confidas, quia in solo Deo confidendum est. Impium est, primariam curam in temporalibus acquirendis collocare, quia primùm quærite regnū Dei. Noxium est, & certa pestis animæ, circa temporalia, & huius vitæ etiam necessaria, multo magis superflua, sollicitum & anxium esse. *Vult Deus hoc præcepto* (ait D. Basilus) *non esse nos nimium sollicitos, sed quòd cōsidamus in Domino.* Rursum: *Labor exercendus est, sollicitudo tollenda*, ait D. Hieronymus. *Non hîc reprehenditur nisi nimia sollicitudo*, ait D. Augustinus, *Non dixit, quia seminare non debeas, sed quia sollicitus hinc atque anxius esse non debes.* Nec ait, *non oportet operari, sed quia pusillanimum esse non oportet. & curarum angore distendi.* Et in opere imperfecto in Matthæum: *Dixit Deus primo parenti: In sudore vultus tui comedes panem tuum; non dixit, in sollicitudine & cura.* Ergo non sollicitudine spiritus, sed labore corporis acquirendus est panis. Damnat igitur sollicitudinem anxiam & inquietam circa temporalia. Hæc enim suffocat affectum spiritualium, iuxta illud in alio Euangelio: *A sollicitudinibus, & diuitijs, & voluptatibus huius vitæ euntes suffocantur.* Quem locum latè tractauimus in alia Dominica. Damnat sollicitudinem, quæ diuinæ prouidentię diffidat. Appositè Chrysostomus: *Quam tu opinaris causam tibi esse curandi, hanc ego idoneam esse dico, quæ te ab omni liberet intentione curarū.* Si enim dixeris, *Propterea me oportet esse sollicitum, quia sunt necessaria; ego è regione respondeo; Propterea non oportet esse sollicitum, quia sunt vtiq; necessaria.* Si enim essent superflua, non deberes de eorum præstatione considerare. Nunc verò quia necessaria sunt, prorsus non oportet ambigere. Hæc est vis verborum

Interrogat. 207.

In Commen. hic.
de Sermo. Dom.
in monte, lib. 3.

cap. 26.

Homil. 23. in
Matth.

Homil. 16.

Luca. 8.

Domin. Sexage.
text. 6.

Homil. 23. in
Matth.

borum Christi. Hanc ille sollicitudinem prohibet, non primariam tantum, sed simpliciter circa temporalia, quia & noxia est, suffocans spiritualium rerum amorem; & superflua, quia cogitando & sollicitudinem adhibendo nihil proficimus; & impietatis speciem habet, quia cum quadam erga Deum diffidentia coniuncta est. Labor, & prouidentia rerum temporalium necessaria non prohibetur; sed sollicitudo, & quæ illi comes est, ex parte Dei diffidentia, ex parte nostra confidentia. In sua enim cura, prouidentia, sollicitudine, confidunt avari, & seculi amatores, diuinæ prouidentiae diffidunt. De prouidentia necessaria Paulus dicit: *Qui domesticorum curam non habet, infidelis est.* Sed dicit *πρωοῖ*, non *μεριμνᾷ*, quo verbo Christus hîc utitur. Curam habere & prospicere rebus necessariis, laudabile ac necessarium est. Sollicitum esse vetat Christus. Est quippe *μεριμνᾷ* sollicitudo, quædam cum cogitatione ægritudo, & anxietas; & hanc vim illa vox habet. Utitur illo verbo Paulus, dicens: *Mulier nupta sollicita est quomodo placeat viro; innupta quomodo placeat Deo.* Nec ibi sollicitudinem nuptæ laudat Apostolus: unde quidam inferunt, de liberis quoque sollicitos esse parentes, & de rebus necessariis sollicitum esse quemque posse, quia & Paulus circa eleemosynas, & collectas pauperum faciendas, *sollicitum se fuisse* scribit (*quod etiam*, inquit, *sollicitus fui seruare*) sed hanc viri & vxoris sollicitudinem narrat Paulus, ut rem molestam, & nuptiis consequentem; non ut laudabilem. Hæc enim vna causa est, cur à nuptiis dehortetur, & virginitatem anteponat. Paulus verò ad Galatas non utitur verbo, *μεριμνᾷ*, sed *σπουδάζω*. Ait enim, *ὁ ἡγεῖς πρὸς δάσκαλόν αὐτόν τὸ τοιοῦτον ποιεῖν*: quod etiam studui facere. Prorsus igitur sollicitudinem, & animi anxietatem, curamque vehementem & intēsam circa temporalia, in quantum talia, prohibet Christus, ut rem homine Christiano, qui spem suam ponere debet in Deo, indignam, & ut spiritualium amoris & desiderio planè noxiam. Quod nunc secundo loco explicandum est, ut, quàm sit hoc præceptum salutare, intelligatur.

Ait Christus in alio Euangelio: *Attendite vobis ne grauentur corda vestra in crapula, & ebrietate, & curis huius vite, & superueniat in vos repentina dies illa.* Vnam causam repentini & non expectati iudicii extremi, vnam causam obliuionis Dei & iudiciorum eius, vnam causam neglectæ salutis ponit Christus *grauari corda curis huius vite*. Utitur Christus verbo, *μεριμνᾷς βιωτικαῖς*, sollicitudinibus circa hanc

1.
2.

3.

1. Timot. 5.

1. Cor. 7.

Paulus à Paulac. in Matth. 6.

Galat. 2.

Luca 21.
Sollicitudo
quare prohibetur.

vitam, sicut in præsentī Euāgelio. Dicit hac sollicitudine sic grauari cor hominis, ut alterius vitæ memoriā habere, ut spiritus curam tenere, ut de extremo iudicio cogitare, nec vacet, nec libeat, nec possit. Ideo subdit statim Christus: *Tanquam laqueus enim superueniet in omnes* (scilicet dies illa) *qui sedent super faciem omnis terra.* id est, qui errenis rebus inhærent, qui sedent affixi illis, qui solliciti tenentur & occupantur circa illa. Neque enim nullus erit iustus in terra, qui eius iudicij memoriā habebit, illudque expectabit. Sed *sedere super faciem terra* dicuntur, quorum corda grauantur, & deorsum semper in terram flectuntur ac deprimuntur sollicitudine, cura, & pondere rerum terrenarum, quibus affixi sunt, solliciti semper quid comedant, quo vestiantur, quomodo durescant, & illustres in seculo fiant. Ideo Christus in hoc Euangelio sollicitudinem omnem rerum temporalium à mentibus nostris longissimè abarcere & profligare vult: ne, quod alibi monet, hac sollicitudine grauentur corda; grauata, iudiciorum Dei non recordentur; non recordando, tanquam laqueo ab illis capiantur. Sicut cœli machina cum terræ globo nulla vnquam arte coniungi potest; ita nec terrenarum rerum ac cœlestium sollicitudo, & (qui sollicitudinis causa est) amor simul habitare poterit. Amoris & affectuum nostrorum certa & finita proportio est. Quam enim omnium actionum nostrarum fons sit ipsa voluntas, sit in eius affectibus quod in fontis riuulis.

1. *Quemadmodum enim si vnum tantum cursum fons teneat, pleno alueo fluit; sed si in varios canales se diffundit, in singulis minor est: sic si voluntatem in sola rerum cœlestium sollicitudine, amore, affectu contineas, toto impetu eò feretur. Sin verò eam in terrena ista distribuas, ut partem quidem vestium, partem ciborum cura, partem pecuniæ, partem honores, partem voluptates habeant, tum in singulis minor erit, tum à rebus cœlestibus, quæ cum illis omnibus nullam affinitatem habet, quàm longissimè se abstrahet. Monet Paulus regeneratos in Christo: Si consurrexistis cum Christo, qua sursum sunt sapite, ubi Christus est, in dextera Dei sedens: qua sursum sunt quarite, non qua sunt super terram. Nec sapere, nec quærere, id est, nec affici, nec sollicitum esse circa res terrenas Christianus debet.*

*Similium cō-
geries.*

Co'oss. 3.

3. Quemadmodum arboris truncus terræ adhærens, radicem suam vndeque in terra diffundit, & varios quasi cuniculos agens, in multa se brachia diuidit, quæ terræ visceribus

visceribus adnascuntur: sic hominis circa terrena solliciti animus in curas huius vitæ, & sollicitudines innumeras dispergitur, eisque tenacissime adhæret. Eleganter sanctus Augustinus: *Amor rerum terrenarum, est viscus spiritualium pennarum.* *Serm. 33. de verb. Dom.* Sicut enim tinea vestem, & vermiculus lignum corrodit atque consumit, ex quibus tamen orta & enata sunt: sic planè curæ huius vitæ, quæ animum terrenum vehementer affligunt & angunt, ex prava animi concupiscentia oriuntur, ipsamque demum animam & hominem perdunt atque consumunt. 4.

Est autem hæc sollicitudo rerum temporalium animæ vehementer noxia tribus modis. Primum, quia mentis lumen offuscat. Secundò, quia ad pietatem multum difficultatis adfert. Tertiò, quia animum paulatim enecat atque consumit. Sollicitudo noxia tribus modis.

Quod ad primum attinet, *quemadmodum oculus iste corporeus* (ait diuus Basilius) *continuo circumactu versatus, & nunc hor-* 5. *Epist. 1.* *sum atque illorsum deflexus, nunc sursum deorsumque erectus, vicissim ac depressus exactè cernere nequit, sed obtutu incumbere in rem visam eum oportet, qui perspicuè cõtemplari vult: sic humana mens sexcentis mundi curis distracta, euidenter cernere veritatem vix unquam poterit.* Nempe fit tunc in mente humana, quod in sera accidit distorta, cuius videlicet dentes & receptacula casu aliquo in obliquum conuersa sunt. Nam ut 6.

in tali sera, propter turbata receptacula, clavis inserta tunc claudit, quando aperire deberet; & tunc aperit, quando claudere oporteret; omniaque in contrarium vertuntur: sic planè animus humanus curis rerum humanarum afflictus & impeditus, totusque turbatus atque distractus, rationem quidem; quæ clavis actionum est, aliquouſque intromittit & audit; cæterum sensibilibus amore captus & affectibus animi deordinatis, nec eam totam, ut oportet, admittit, nec salutaribus monitis acquiescit; sed tunc claudit quum aperire deberet; tunc aperit, quando claudere oporteret: Deo claudit, mûdo aperit; cælestia reiecit, terrena recipit; eaque toto studio & conatu prosequitur. Sicut enim oculi læsi, debiles, & lusi in locis umbraticis & obscuris clariùs vident quàm in rutilante sole; sic oculi mentis curis huius vitæ & sollicitudinibus affecti & occupati, læsos intuitus habent, pessimè vident; non nisi obscura & caliginosa cernunt, non nisi vana, caduca, & noxia appetunt; ad Deum se & diuina attollere nequeunt. Nam ut 7. *Ibidem dial. 2. cap. 10.*

speculum (ait sanctus Basilius) *si pollutum est, imaginum impressiones recipere nō potest: sic nec anima secularibus occupata curis,* 8. *Epist. 64.*

illumina

illuminationis Spiritus sancti capax esse valebit. Imitanda igitur nobis hac in re venatorum industria atque solertia. Illi enim, ut canis venatici olfactum purum atque integrum seruent, & peculiari tantum officio idoneum reddant, acriusque & certius feræ vestigiis inherere faciant, nullo modo sinunt eum aberrare, & quemlibet odorem persequi; sed loris restringunt, reuocantque, ut prædam tantum propositam persequatur. Idem & aucupes faciunt, quum accipitris caput capitis velant, nec vagari oculis sinunt, donec ad prædæ capiendæ locum ac tempus veniatur; ut videlicet ad solam prædam intentus reddatur, & ne aliis conspectis, quæ naturaliter appetit, ad illa consequenda vim sibi faciat, euolare contendat, & persequi studeat. Idem nobis faciendum est. In Dei amore, rerumque diuinarum cura & sollicitudine animus continendus, nec ad huius vitæ & seculi curas, sollicitudines, affectus anxios, diuagari permittendus. Propria animi humani prædæ cælum est. Hoc appetere, de hoc sollicitum esse, hoc per vim rapere, huc omnem curam & sollicitudinē conuertere oportet. Si in alia excurrit, huius prædæ odorem & conspectum amittet. Si de temporalibus sollicitus est, cælestia non curabit. Sicut vigilia oculos corporis grauat, in somnū declinans; sic sollicitudo temporalium grauat oculos mentis, in terrena deprimens. Sicut vigilia visum hebetat, dolorem capitis generat, corpus ipsum debilitat & enervat; sic sollicitudo temporalis hebetat visum contemplationis spiritualis, turbationem mentis inducit, iuxta illud Christi ad Martham: *Sollicita es, & turbaris erga plurima: & totius animæ virtutē enervat.* Nam sicut mola in gyro ducta, triticum comminuit, & à se proiicit in farinam redactum; sic mundi actio, dum multas curas colligit, humanas mētes quasi per gyrum vertit, atque ex se velut farinam proiicit; quia agitato corde, minutissimas & infinitas cogitationes gignit, iuxta illud Salomonis: *Fecit Deus hominem rectum, & ad cælestia appetēda stabilem & erectum: ipse autem infinitis se miscuit quæstionibus*, id est, multis se & innumeris curis inuoluit, turbatus erga plurima, quum vnum tantum esset necessarium. Ad secundū quod attinet, maximam ad virtutum opera difficultatem hæc sollicitudo adfert; ideoque eam qui admittit, Deo seruire non potest. Quemadmodum enim, quod vno tantum simplici nodo contritum est, facile dissoluitur (nodus enim simplex vnico attractu apperitur) quod autem pluribus & circumflexis nodis (quos cæcos vocant) constringitur & alligatur,

non

non nisi difficillimè, multoque labore & sudore dissoluitur, ita vt vngues, atque etiam dentes interdum adhibere oporteat, adeoque ad Gordium nodum dissoluendum Alexandri gladio opus fuerit: sic omnino animus ille, qui vnico tantum diuini amoris nodo ac vinculo omnibus rebus creatis astringitur, nec nisi in ordine ad vnū Deum illis afficitur, facilè & nullo negotio pietatem colet, nec vnquam propter earum amorem Dei leges violabit; quia proposita aliqua rerū creatarum, vel honesta necessitate, vel voluptate inhonesta, quā nec illa appetat, nisi in ordine ad Deum, nec hanc admittat, quia contra Dei amorem est, vno hoc simplici attractu, vna hac simplici diuini amoris & honoris consideratione pietatem non deserit, tentationem reiicit: At verò qui pluribus nodis creaturis se astrinxit, nec in ordine ad Deum, sed inordinatè per varias & diuersas cupiditates erga illas afficitur, ideoque variis & diuersis curis ac sollicitudinibus illas persequitur, & adipisci contendit; profectò iste vel difficillimè, vel vix vnquam pietatem colet. Totò enim impetu & cursu dum in id fertur quod amat, vel Deum illis rebus cōtrarium amare non potest; vel Deum, & diuina illis rebus excelsiora, nisi difficillimè quæret, & vt difficultate careat, omninino non quæret. *Quemadmodum enim sol est quidem clarus (ait sanctus Chrysostomus) & in medium cunctis propositus, & non habemus opus eum quarere; si verò nosmetipsos in terram defoderimus, & undique adumbrauerimus, multum laborandum est vt solem videamus: sic, si in curis rerum secularium defoderimus nosmetipsos, & totos implicauerimus, vix poterimus oculos aperire, & lumen gratiæ, quod omnibus exponitur, animo intueri.* Hæc ille. Sic ingentem ad pietatis opera difficultatem inducit hæc temporalium sollicitudo quod in Dominica Sexagesimæ pluribus explicatum vide, circa illud Christi: *A sollicitudinibus & diuitiis suffocantur.* Ad tertium quod attinet, sollicitudo rerum temporalium ipsam animā paulatim enecat & ad cœlestia appetenda prorsus ineptā reddit. *Quemadmodum enim hederæ, quum ex se ipsa radicē & ortum accipiat, eo tamen modo crescit & surgit, vt arborē vicinam arctissimè cōplectatur, eamq; complexa, eius ope & fulcimento in altū se attollat; ceterum ipsam postea arborē ita suo cōplexu stringit, & constrictam tenet, vt ampliùs succum admittere, ac germinare nequeat, ideoque suffocato quasi spiritu emori necesse abeat: eodem planè modo cura & sollicitudo*

14.
Homil. 22. in
epist. ad Hebr.

15.
Hector Pontus,
dialog. par. 1.
diab. 6. cap. 4.

- tudo rerum terrenarum, animam ipsam, cuius opera & industria in terrenis conquirendis vitur, ita postea obruit, & totam irretitam tenet, ut planè suffocata & aggrauata, ad celestia aspirare nequeat. Quare curis huius seculi animum immergere, & ad Deum eum simul attrollere velle, tam est impossibile, quàm cum ratione insanire. Nam ut mentis compos non est, nec orationis vsum tenere potest qui insanit; sic animum quo ad celestium amorem prorsus enecavit, qui eum res terrenas deperire, & earum cura & amore insanire permittit. Sicut vigilia corpus desiccatur, & calorem generat vel auget; sic rerum temporalium sollicitudo animum humore pietatis euacuat, aridam reddit, & insipidam circa celestia, amorem verò & æstum cupiditatis vel generat, vel inflamat vehementer. Sicut qui oleum aqua permiscet atque confundit, vtrumque destruit, quum eadem separata suam & pulchritudinem & naturam conseruent; oleum enim aquæ supernatat & fulget, aqua suam puritatem limpida retinet: sic qui curis huius vitæ & sollicitudine distinetur, simulque Deo seruire se posse arbitratur; circa neutrum rectè se gerit, sed tam Dei cultum quàm temporalium vsum destruit. Cæterùm si rebus terrenis iusto quidem & necessario labore ac providentia, sed absque sollicitudine, absque animi anxietate incumbat, mentem Deo, rebusque diuinis fruendis liberam semper seruet, in vtrisque se rectè & feliciter geret. Diuinarum rerum amor, cura, sollicitudo, sicut oleum, omnibus eius actionibus supernatabit, atque fulgebit, quia non nisi in ordine ad Deum rebus omnibus vitetur. Imò oleum diuini amoris ipsos necessarios labores vehementer leniet, facilesque & suaues reddet. Ipsæ verò res terrenæ, comedere, bibere, mercari, possidere, magistratum gerere, & quæcunque huius vitæ actiones aliæ, suam honestatem seruabunt, cor & animum possidentis, laborantis, vrentis hoc mundo non grauabunt. Vide plura in Dominica Sexagesimæ, textu 6. loco 1. & 2.

5. *Hæc omnia Gentes inquirunt. Scit enim Pater
vester celestis, quia his omnibus
indigetis.*

Diffidentia in
Deum.

Locus moralis contra diffidentiam circa perpetuam Dei
pro

prouidentiam. Docet Christus sollicitudinem illam & animi
 anxietatem circa temporalia adipiscēda, maximē necessaria,
 infidelis cuiusdam esse diffidentiae signum, & quasi negatae
 prouidentiae Dei argumentū. Quemadmodū enim ingens fi- *Simile.*
 lij familias sollicitudo & cura circa res domesticas, ipsius pa-
 tris familias negligentia & incuriam coarguit, cui diffidens
 filius sua diligētia mederi vult: sic planē qui in temporalibus
 conquirendis sollicitudinem exercent, & curis huius vitae
 anxie distinentur. Dei prouidentiam tacitē accusant, quasi il-
 le suorū curam non haberet. Adhibenda est rebus necessariis
 humana industria, sed non in ea confidendum, verū in Dei
 bonitate & prouidentia tota fiducia collocanda est. Iudaei, vt
 terram promissionis ingrederentur, pugnaverunt quidem, & *Exempla.*
 armata manu Chanaan eos eiecerunt. Tamen Dei erat victo- *1.*
 ria, non illorum. *Nec enim in gladio suo possiderunt terram, & Psal. 43.*
brachium eorum non saluauit eos; sed dextera tua, & brachium
tuum, & illuminatio vultus tui: quoniam complacuiisti in eis. *2.*
 Dauid rex bellator erat fortissimus. Dicit tamen in eodem Psal-
 mo: *In te inimicos nostros ventilabimus cornu, & in nomine tuo*
spernemus insurgētes in nobis. Non enim in arcu meo sperabo, &
gladius meus non saluabit me. Saluasti enim nos (tu Domine) de
affligentibus nos, & odientes nos confudisti. Vir fortissimus, Iu-
 das Machabaeus, tota ratione rei militaris constituta, conclu- *3.*
 dit: *Sicut autem fuerit voluntas in calo, sic fiet.* Docet Christus, *1. Mach. 3.*
 ad Dei prouidentia omnia studia & conat⁹ nostros esse refe-
 rēda, & nō ex nobis ipsis, nostrisq; mediis pēdere. Sic Paulus:
Diuitibus huius seculi praecepe non sublime sapere, non sperare in *1. Tim. 6.*
incerto diuitiarum, sed in Deo uiuo, qui praestat nobis omnia abū-
dē ad fruendū. Sic & diuus Iacobus: *Ecce nunc qui dicitis, Hodie* *Iacob. 4.*
aut crastino ibimus in illam ciuitatem, & faciemus ibi quidem
annum, & mercabimur, & lucrum faciemus: pro eo ut dica-
tis, Si Dominus voluerit; &, Si vixerimus, faciemus hoc aut il-
lud. Nunc autem exultatis in superbis vestris. Talis erat stultus
 ille diues, quem Christus in parabola inducit dicentem: *Ani-* *Luca 12.*
ma mea, habes multa bona posita in annos plurimos. Requiesce,
comede, bibe, epulare. Cui statim dicitur: *Stulte, hac nocte*
animam tuam repetent à te. Qua autem collegisti, cuius erunt?
 Certē nec tua, nec eorum, quibus ea fortē reposuisti. Quare
 contra hanc impiam de bonis huius seculi confidentiam, ad-
 dit ibi Christus: *Videte & caute ab omni auaritia: quia non*
in abundantia cuiusquam vita eius est ex his quae possidet. Tol-
 lere Christus vult omnem pecuniae affectum, omnem in
 ea stultam

ca stultam & impiam confidentiam. Hoc enim maximè nomine, idolorum seruitus auaritia ab Apostolo vocatur, quia in suis pecuniis stulti homines cōfidunt, non in Deo. Quare quū alibi dixisset, *Sint mores sine auaritia contenti presentibus*: adiecit, *Ipse enim dixit, Non te deseram neque derelinquam*. Sic aliæ docent Scripturæ, non in prudentia, non in solertia, industria, sollicitudine nostra, sed in sola Dei benedictione fiduciam ponendam esse. *Omnem sollicitudinem vestram* (ait diuus Petrus) *proicietes in eum, quoniam ipsi est cura de vobis. Noli laborare ut diteris* (ait Salomon) *sed prudentia tua pone modum*. Sic Ecclesiasticus: *Est homo laborans & festinans, & tanto magis non abundans. Est homo marcidus, egens recuperatione, plus deficiens virtute & abundans paupertate, & oculus Dei respexit illum in bono, & erexit illum ab humilitate ipsius, & exaltauit caput eius*. Dicunt avari, & prudentes huius seculi: De futuro prospiciendum est. Nescis quid serus vespere

Homil. in diuites auaros.

aduehat. Quibus respondet sanctus Basilius: *Non ergo Dominus tibi praeceptor erit, nec Euangelium formam vita dabit, sed tu tibi ipsi iura dices ac statues. Prohibuit enim ille tibi, ne sollicitus esses in crastinum. Et paulo post: Etsi incerta sit* (ut ais) *tua futura necessitas, longè tamen incertior est defossi & reconditi thesauri tui usus. nec tamen pœna incerta, sed certissima, qua tuorum morū manet inhumanitatem, atque in Deum diffidentiam. Contra hos diuites auaros, & huius seculi prudentes cōfidentes in thesauris suis, clamat Propheta Amos: Va qui opulenti estis in Sion, & confiditis in monte Samaria. Iurauit Dominus Deus in anima sua: Detestor ego superbiam Jacob, & domos eius odi. Et paulo post causam reddens, ait: Qui latamini in nihili, & dicitis: Nunquid non in fortitudine nostra assumpsimus nobis cornua? Omne robur humanum, rem nihili vocat Propheta. Confidentiam in potentia & brachio humano, detestatur Deus. Beatus vir, qui inuentus est sine macula, sine diffidentia in Deum macula: & qui post aurum non abiit, sollicitè illud quærendo, vel inordinate appetendo: nec sperauit in pecunia thesauris, iam acquisitis, vel relictis; sed in Deo viuo. Quis est hic, & laudabimus eum? Fecit enim mirabilia in vita sua. id est, communem hominum errorem correxuit, hominūque iudicio mirabilia fecit, quia inusitata.*

Eccl. 31.

Talis erat Esdras sacerdos magnus, qui populum sub Dario ex captiuitate reduxit. Sic enim de se scribit: *Erubui petere Regem auxiliū & equites, qui defenderent nos ab inimico in via; quia dixeramus Regi: Manus Dei nostri est super omnes qui*

Exemplum.

1. Esdr. 8.

querunt

quarunt eum in bonitate, & imperium eius, & fortitudo eius, & furor super omnes qui derelinquunt eum. Ieiunauimus autem, & rogauimus Deum nostrū super hoc, & euenit nobis prosperè.

Et sanè quid est, quòd de Dei prouidentia & bonitate in rebus necessarijs, faciens interim quod in se est, quisiuam dubitet? Si de eius potentia, Deus est: si de eius voluntate, Pater est. Si de necessitatū nostrarum rerum scientia; ecce ipse dicit: *Scit Pater vester, quia his omnibus indigetis.* Profectò qui credit Deum suas cognoscere miseras, & non sperat diuinum adiutorium, iam fatetur se in inferno esse damnatum. Damnatorū enim miseras & calamitates nouit Deus, & perpetuò illis subuenire recusat. De viuis hoc cogitare, & quidem in eum credentibus, & amantibus, summa esset blasphemia. Vix enim grauiori scelere in Deum peccatur, quàm in horum altero; aut in eius bonitatem fiduciam abiicendo, aut de nostris viribus & diuitijs præsumendo. Vtrunque in hoc Euangelio Christus è suorum pectoribus eliminat. Superbæ de seipso confidentiæ acerrimè à Deo vindicata exēpla in Scripturis occurrunt multa, quæ breuiter proponi circa hoc Euāgelium possunt vt sollicitudine abiecta, in solo Deo spem ac fiduciā ponere doceatur auditor. Contra Moabitas clamat Esaias: *Audiuimus superbiam Moab: superbus est valde; superbia eius, & arrogantia eius, & indignatio eius, plus quam fortitudo eius. Idcirco ululabit Moab ad Moab: vniersus ululabit. His qui latantur super muros cōsti lateris, loquimini plagas suas. Cōtra superbam Babylonem, & vniersam Assyriorum potētiam sic idem Propheta insonat: Dixisti, In sempiternum ero domina. Non posuisti hac super cor tuum, neque recordata es nouissimi tui. Et nunc audi hac delicata, & habitans confidenter, quæ dicis in corde tuo: Ego sum, & non est præter me amplius. Non sedebo vidua, & ignorabo sterilitatem. Venient tibi duo hac subitò in die vna; sterilitas & viduitas. Quia fiduciam habuisti in malitia tua, & dixisti, Non est qui videat me. Azotij contra Assyrios ab Ægypto & Æthiopia auxilia petierant: à quibus etiam auxilium petere, De auxilio neglecto, Iudæi decreuerant. Sed contra hanc eorum vanam fiduciam sic loquitur Propheta: *Dicet habitator in sula huius in die illa: Ecce hac erat spes nostra ad quos cōfugimus in auxilium, vt liberaret nos à facie regis Assyriorū: & quomodo effugere poterimus nos? Docere vult Propheta, Iudæos in nullo mortaliū, sed in solo Deo fiduciā ponere, Damascus in qua Israël spem posuerat, fuerat euerfa. Iudæa fidit Ægypto. Fuit Ægyptus ab Assyrijs**

Deo diffidere
quàm absur-
dum.

Confidentiæ
sui ipsius pu-
nitæ exēpla.

1.
Esaiæ 16.

2.
Esaiæ 47.

3.

Esaiæ 30.

4.

tribus annis vastata. Ægyptij confugiebant ad Æthiopes: at Æthiopes fuerunt ab Assyrijs superati. Assyrij victorij elati, fuerunt postea à Medis & Persis grauius oppressi. Persæ & Medi ab Alexandro fuerunt contriti. Ipse Alexander in flore ætatis veneno sublati perijt. Eius regnum in multas partes diuisum Romani occupauerunt. Hæc sunt Dei iudicia in eos qui de suis gloriantur viribus. Nec fretum tot habet vicissitudines, nec rota facilius mouetur, quàm potentia & præsumptio humana. Dicit Deus superbis Assyrijs. *Pro eo quod sublimatus est in altitudine, & dedit suauitatem suam virètem atque condensam: & eleuatum est cor eius in altitudine sua, tradidi eum in manus fortissimorum gentium: faciens faciet ei iuxta impietatem eius eieci eum.* Sed in ipso populo Dei hæc impia confidentia acerbius taxata, & acrius punita fuit. Vnde Osæas: *Vidit Ephraim (hoc est decem tribus) languorem suum, & Iudas vinculum suum: & abiit Ephraim ad Assur, & misit ad Regem ultorem: & ipse non poterit sanare vos, nec soluere poterit à vobis vinculum. Quoniam ego quasi leona Ephraim, & quasi catulus leonis domui Iuda: id est, ferocissimè in eos commoueor propter peccata eorum. Ego, ego capiam & vadam: tollam, & non est qui eruat. Vadens reuertar ad locum meum, donec deficiatis, & quaratis faciem meam.* Nempe Manahe rex Israël cōfugit ad Phul regem Assyriæ, & ei millæ argenti talenta dedit, vt firmaret regnum eius. Osæ vectigalis ut Salmanassar Assyriæ regi, ne vastaretur ab eo. Achaz rex Iudæ confugit ad auxilium regis Assyrij, dans ei omne aurum, quod inueniri potuit in templo Dei. Sed frustra hi omnes hominum auxilia quærebant, cum suo populo nihilominus pereuntes. Quare iterum Propheta sic eos alloquitur: *Comedisti frugem mendacij, id est, vanæ spei, eo quod confisus es in vijs tuis, in multitudine fortium tuorum.* Et paulo post: *Ephraim pascit vëtum, & sequitur astum: tota die mendacium & vastitatem multiplicat, & fœdus cum Assyrijs inijt, & oleum in Ægyptum ferebat.* Harum gentium amicitias ambiebat, neglecta in Dominum Deum spe & conuentia. Iudicium ergo Domini cum Iuda, & visitatio super Iacob, iuxta vias eius & iuxta adinuentiones eius reddet ei.

Hæc in Deum diffidentia, innumeris peccatis causam dat. Totâ vitam, adeoq; omnes penè vitæ dies & horas in curis & negotijs secularibus impendimus, minimam vitæ partem in Dei laudibus, oratione, cœlestium rerum studio, cognitione, desiderio collocamus; quia omnem fiduciam in manibus nostris, in negotiatione & prudentia nostra, sitam habemus;

parum

5.
Ezech. 31.

6.

Osæ 5.

4. Reg. 19. 18.
& 17.

Osæ 18.
Osæ 13.

Diffidentia in
Deum, pecca-
torum causa.

parum aut nihil in Deo. Sed vide quæso. Esau homo durus, *Exemplum.*
 pilosus, laboriosus, perrexit ad venationem, montes & colles
 peragrauit, & fatigatus est: patris tamen benedictione cum
 toto labore suo excidit. Iacob homo lenis, domesticam &
 quietam vitam agens, sed in Dei meditatione assiduus, pri-
 mogeniturā rapit, & patris benedictione fruatur. De plerisq;
 Christianis dici potest, quod de impio scripsit Abacuc Pro-
 pheta: *Immolabit sagena sua, & sacrificabit reti suo, quia in ipsis Abac. 1.*
incrassata est pars eius, & cibus electus eius. Nempe artem quif-
 que suam, industriam, ingenium admiratur & adorat, eique
 totam vitæ victusque rationem in seculo adeptam attribuit,
 ei immolat, ei sacrificat. Sed talibus Scriptura dicit: *Arro- Ierem. 49.*
gantia tua decepit te, & superbia cordis tui, qui habitas in cauernis
petra, & apprehendere niteris altitudinem collis. Cum exalta-
ueris quasi aquila nidū tuum inde detraham te, dicit Dominus.
 Qui de suis viribus glorientur, eos confundit Dominus: *spe- Psal. 16. 17.*
rantes autem in se, non confundet. De hac necessaria in Deum
 confidentia ac fiducia, iam in alijs Dominicis iterum atque
 iterum dictum est. Vide in Dominica 6. post Pentecosten,
 textu 4. & alia loca ibi annotata. Vix alio in genere aut gra-
 uius aut crebrius peccatur. Quare de hoc argumento vix
 vnquam satis dici potest, nec illud iam decies tractasse piget.
 Faciet ex omnibus delectum pro sua prudentia prudens pa-
 terfamilias, & seruus domini fidelis.

6. Primū quærite regnum Dei, & iustitiam eius: & hæc omnia adiicientur vobis.

Locus moralis, quod rerum cœlestium, & diuinæ volun- *Cœlestia quæ-*
 tatis exequendæ prima cura ac potissima sollicitudo *rentibus, tem-*
 nostra esse debeat, quia in cæteris Deus suis non deerit. Hic *poralia non*
 est scopus Christi in tota huius Euangelij concione: vt omni *deerunt.*
 reiecta sollicitudine rerum temporalium, vel quia superflua
 est, vel quia spiritualiū studio noxia, vel quia in Deum blas-
 phema, Regnum Dei & iustitiam eius ante omnia, id est, pri-
 maria ac maximè intensa cura ac sollicitudine quæramus.
 Illud enim, *primū*, intensiōem vehementem magis notat,
 quā ordinē. Sic in alijs interdū Scripturæ locis: *Hoc primū 2. Pet. 1. & 3.*
intelligentes, quod omnis prophetia propria interpretatione non
fit. Rursum: *Hoc primū scientes, quod venient in nouissimis*
diebus illutores: Et iterum: *Obsecro primū omnium fieri obse-*
crationes, &c. Neque enim hīc ordo faciendi, sed facti inten- *1. Tim. 2.*
 tio commendatur. Sic hæc verba s. Gregorius exponit:

Moral. in Job
lib. 15. cap. 30.

Cœlestia cur
non appetun-
tur.

1. Reg. 15.

In Orat. seu
Epist. de Peti-
tione Consula-
tus.

Simile.

Ephes. 2.
1. Ioan. 3.

Genes. 3.

*Se magis Dominus, quàm ea quæ condidit, vult amari, æterna potius quàm terrena postulari, sicut scriptum est: Quærite primum regnum Dei, & hæc omnia adicientur vobis. Quia enim non ait, dabuntur vobis, sed adicientur, profectò indicat aliud esse quod principaliter datur, aliud quod superadditur. Quia enim nobis in intentione æternitas, in usu verò temporalitas esse debet. & illud datur, & hoc ex abundanti superadditur. Hæc ille. Iubet ergo Christus quæri, & intèrissimè quæri regnū Dei. Et quis rem tam excellentem meritò non quærat? Aut quare tantā oblatam dignitatem & felicitatem ambabus vniis omnes non amplectuntur? Quia animum adhuc regium non habemus, sed seruiilem, abiectum, & infimis contentum. Quia Spiritus Dei nondum insiluit in nos. Quia animales adhuc & terreni, non nisi talia sapimus. Saul ad primum Samuelis verbum de regno contempsit & risit, dicens: Nunquid non filius Iemini ego sum? Quare ergo loquutus es mihi sermonem hunc? At ubi oleo vinctus est, & insiluit in eum Spiritus Domini, animum regalem sumpsit, & quæ rege digna erant, cogitare cœpit, mutatus in alium virum. Quintus Cicero ad Marcum fratrem de petitione Consulatus (amplissimæ tunc toto orbe dignitatis) scribens, hoc eum semper ob oculos & mentem habere, siue domi resideat, siue in forum descendat, siue in Senatum eat, sibi quæ hoc dicere monet: *Novus homo es. Consulatum petis. Roma est.* Hæc enim singula ingentes illi virtutum stimulos apponere posse putabat. 1. quod non ciuis Rom. natus, nec patritius, sed Arpinas, loco obscuro ortus. 2. quod supremam dignitatem peteret. 3. quod in vrbe Roma, amplissimo totius orbis theatro, & in maximo selectissimorum competitorum numero eam ambiret. Atqui nos Christiani omnes & singuli non in vna vrbe Consulatum, sed extra totum orbem regnum cœlorum ambimus, eiusque candidati sumus. Dicat ergo sibi vnusquisq; nostrum. *Novus homo es. Gloriam & beatitudinem æternam petis. Cælum est.* Non sumus ciues regni cœlestis nati, vt olim in paradiso voluptatis, & statu innocentiae primus noster parens fuit: sed sumus naturā filij ira, hospites, & aduena, & peregrini in terra, nati in mundo, qui totus in maligno positus est; nati ex carne, & in peccato concepti. Sumus in terra maledicta. *In sudore vultus nostri comedere debemus panem nostrum.* Ad hanc vetustatem & corruptionem exuendā, magna pugna adeunda, multæ tentationes superandæ, variæ tribulationes perfe-*

rendæ

tenda sunt. Gloriam æternam petis, non vnius anni Consulatum. At non sunt condigna passionēs huius temporis ad futuram gloriam quæ reuelabitur in nobis. De qua re in alia Dominica dictum est. Quis non vellet decem annis priuatam vitam agere, vt postea quinquaginta annis regnaret? Omnes qui in agone contendunt, ab omnibus se abstinēt. Cibum & vestes corpori detrahunt, oleum addunt: vt nudi & agiles luctentur, & aduersario tenēdi ansas eripiant. Oleo enim delibuta caro, difficillimē prēhensa tenetur. Sic sollicitudinem cibi & vestimentorum deponere debemus, oleum quæ misericordiæ & charitatis adhibere: vt nulla nos terrena impediāt, hostique diabolo inuadendi nos facultatem eripiamus: *Charitas enim operit multitudinem peccatorum*: & ille nisi per peccata nos non comprehendit. Et illi quidem hoc faciunt, vt coronam accipiant corruptam, breuem, caducam, momentaneam, vanam opinionis laudem: nos autem vt in corruptam, solidam, sempiternā. Romæ via ad Consulatum erat, popularem esse, bona officia Reipub. pauasse, multos priuatim iuuisse. Nobis ad gloriam cœlestem via est, totius vitæ sanctitas, integritas, incorruptio, Dei cultus assiduus, proximi amor indefessus. Apparuit enim gratia Tit. 3. Saluatoris nostri Dei, vt abnegantes impietatem, & secularia desideria, sobriè, iustè, piè, (sobriè, quoad nos, & temperatè; iustè, quoad proximum, & innocenter; piè, quoad Deum, & obsequenter) viuamus in hoc seculo, expectantes beatam spem, & aduentum gloriæ magni Dei. Hæc est ad regnum Dei via, quam Christus vno verbo hîc tetigit, dicens, *Et iustitiâ eius*. Non est satis regnum Dei quærere, vel sollicitè optare, aut nescio quibus operibus promereri: sed oportet quoq; huius regni, vel potius Dei iustitiam quærere, sollicitèque circa eam adimplendam satagere. Datur enim non otiosis in foro, sed operarijs in vinea merces quod in alia Dominica explicatum vide. Postremò, cœlum est quod tendimus, & in quo cum Deo regnare volumus. Atqui regnū cœlorū vim patitur, *Matth. 11. & violenti rapiunt illud*. Vis viam ad cœlum scire? Pete ab illis qui per hanc viam ambulauerunt. Respondebunt tibi: *Ludibria & verbera experti, & vincula, & carceres, lapidati sunt, secti sunt, tentati sunt, in occisione gladij mortui sunt. Circueierunt in melotis, in pellibus caprinis, egentes, angustati, afflicti, quibus dignus non erat mundus*. De hac via iustorū, & vera via ad gloriam cœlestē adipiscendam, vide plura in alijs suprà Dominicis.

Domin. 3.
p. 106.

Matth. 11.

Hebr. 12.

Domin. 4. Ad
gent. text. 4.

Domini. 3. Quadrage. text. 1.

Qui vult ad Iudæos negociandi causa pergere, laborem navigandi non recusat. Qui à morbo graui sanari desiderat, medicamenta non respuit. Qui fundum emere parat, de pretio statim incipit cogitare. Sic qui regnum cœlorum petit, laborem cogitet oportet; qui pretium eius est, vt multis aliis in locis iam dictum est. *Qui omne studium, totamque curam*

Similia.

Homil. 23. in Matth.

(ait Chrysostomus) *pro illis ineffabilibus gerere debes bonis, valde te ipsum dedecoras atque confundis, qui erga cupiditates rerum fluxarum temetipsum impendis. Quemadmodum qui graui morbo laborat*

Epist. 56.

(ait sanctus Augustinus) *peruersè facit, qui delitiosas & tenerrimas vestes potius quàm medicamenta, medicosque conquirunt: sic qui de temporalibus sollicitus, regnū cœlorum non querit. Nam vt nisi sano corpori non quaeruntur pulchræ vestes; sic nili primùm mente cœlestium bonorum desiderio flagrante, querenda sunt tēporalia*

Simile.

Homil. 24. in Genes.

Quemadmodum enim (ait sanctus Chrysostomus) *qui humanam gloriam captant, diuina prorsus excidunt; ita qui diuinam sectantur continuò neque hac priuantur; id quod Christus hoc loco promissit, dicens: Cetera omnia adjicientur vobis. Illustris est illa in veteri Lege promissio, qua dicitur. Nullus insidiabitur terra tua, ascendente te & apparente in conspectu Domini Dei tui ter in anno. Quum enim ex vniuersa Iudæa ad templum ter in anno proficiscer dum erat, solis domi relictis paruulis & mulieribus, pleræque autem tribus aliquot dierum itinere à templo distarent; promittit Deus nihil eos in re familiari detrimenti accepturos, & quodd nullus hostis aut prædo, illis domo profectis, terræ & possessionibus eorum insidiabitur.*

Simile.

Exod. 34. Typus.

Hæc in figura contigerunt illis, vt & nos sciamus, interim dum regnum Dei quaerimus, & iustitiam eius, dum obsequio diuino vacamus, nihil nos in temporalibus detrimenti accepturos; sed eorum curam Deum habiturum, qui, vt illi seruiant, curam habent. Pater eius filij curam deponit, quem videt ad suam solius rem attētum esse, & omne patris ministerium & obsequium negligere. At quem filium pater videt in suo ministerio ita totum occupari, totumque tempus collocare, vt sui ipsius propemodum obliuisci videatur, huius curam pater diligenter habet, & ne quicquam illi desit, studiosè prospicit. Multo fidelius & amantiùs erga filios suos adoptiuos Pater cœlestis hoc facit, eis necessaria subministrans, quos in suo obsequio assiduos & diligentes videt. Aliqua hîc huius rei exēpla subiiciam. Exemplum curæ

Simile.

Exempla.

& prou-

& prouidentia diuinæ de ijs qui ante omnia eius cultum quærent, in sancto Hugone Lincolnensi Episcopo satis perspicuum apparuit. Sanctus ille Episcopus in itinere aliquando quum esset, cum aliis prælatis & clericis, cæterisque primo manè abire vellent, propter viarū pericula; *Quò*, inquit, ibimus, matutinis precibus nondum persolutis? Illis dicentibus, preces postea esse recitandas, sed nunc properandum, ne propter moram à prædonibus capiatur; respondit: *Qui* capit, capiat. Ego hinc non exibo, donec solito more preces matutinas persoluero. Mira res. Solus Episcopus per illam viam equitans, nihil mali passus est. Alij dum prudenter facere volunt, & suæ prius incolumitati consulere, quàm Dei iustitiam facere, in periculum, quod cauere moliebantur, inciderunt, à prædonibus capti & spoliati. Sic ille vir sanctus Dei cultum, priuati negotij celeritati anteponebat, à Deo tutatus est. Sed & præclarum huius rei exemplum est, quod in Prato spirituali legitur. Nobilis quidam Constantinopolitanus magnas eleemosynas faciens, & pecunias omnes distribuens, moriens, Christum reliquit filio suo curatorem: & filius conditionem libens acceptauit. Non longè post diues quidam in eadem ciuitate, vnicam habens filiam, & sollicitus cui eam collocaret, vxori dixit; vt post orationes factas ad Ecclesiam iret, & qui primus ingrederetur, filiam suam coniugem acciperet. Ingressus est primus adolescens iste, alterius magni Eleemosynarij filius; & magno cum parentum gaudio, filiam illam, splendide dotatam, in vxorem accepit. Hæc ibi, cap. 201. Illustre quoque & illud tam fiducia in Deum, quàm adiutorij diuini exemplum est, quod Adrianus I. Pontifex Romanus fecit. Quum enim Desiderius Longobardorum Rex Romam cum exercitu peteret, specie quidem salutandi ex voto Apostolorum limina, verè autem vt urbem dolo caperet, Carolūque Magnum præueniret, quem ab Adriano euocatum intellexerat; Adrianus Pontifex, reſeratis prius templis, atque vrbis portis, misit qui Desiderio sub anathematis pœna imperarent, ne propius ad urbem accederet. Barbarus Rex, quem arma non mouerant, simplici anathematis denuntiatione territus, sententia mutata, retrò exercitum conuertit. Magna fuit Pontificis in Deum fiducia, magna pietas: maior Dei & præsentissima opitulatio. Sic Attilam, flagellum Dei, ex Italiæ finibus Leo Magnus, Roma Pont. Dei numine inuocato, abarcuit. Ad eò, si primum quæritur regnum Dei, cætera omnia

*In vita eius
cap. 22. apud
Surium, tom. 6.*

*Baptista Fulgo
sius lib. 1. cap. 2*

*Fulgos. lib. 1.
cap. 1.*

*Albertus Noui-
camp. in orat. ad
Hungar. Princ.*

*Aelius Lampri-
dus in Ale-
xandro.*

Ezech. 8.

Allegoria.

Epist. 120. cap. 5.

*Homil. 23. in
Marth.
Similia.*

Joan. 7.

adiicientur nobis. Hoc ita impressum etiam Gentes, verum
Deum ignorantes, tenuerunt, vt rebus omnibus religio-
nem & numinis cultum anteferrent. In Senatu Romano ea
semper primo loco proponebantur, quæ ad religionem fa-
ciebant. Hodie Turcarum princeps, quoties cum suis proce-
ribus delibet, professor legis eorum adesse iubetur, atten-
tè obseruans, ne quid contra religionem concludatur. Ale-
xander Seuerus, Imperator ethnicus, audita cōtrouersia in-
ter Christianos & caupones quosdam Gentiles, de loco &
fundo quodam publico, quem Christiani orandi in eo causa
occupauerant, asserentibus cauponibus eum ad se locum an-
tea pertinere; pronunciauit, *Quoquo modo sit, satius est eo in
loco Deum coli, quàm cauponas exercere.* Hæc illorum etsi
falsa, ordinata tamen religio erat, Dei cultum, & iustitiam
primùm quærere, & quærendam decernere. Apud Ezechie-
lem: quum multas populi abominationes Deus Propheta
inspiciendas ostendisset, vltimo loco, & pro omnium gra-
tissima hanc ponit: *Introduxit me atrium domus Domini
interius, & ecce in ostio templi Domini, inter vestibulum & al-
tare, quasi viginti quinque viri dorsa habentes contra templum
Domini, & facies ad Orientem, & adorabant ad ortum solis.*
Per hos designantur qui à Deo, diuinisque rebus auersi, ocu-
los suos in mundanæ felicitatis splendore dehxos habent,
qui terrena sapiunt, cœlestia fastidiunt; qui non primum re-
gnum Dei, & iustitiam eius quærunt, vt cætera eis adiciā-
tur; sed primùm bona temporalia sollicitè parant, & Deum
non nisi ad illa adipiscenda, & quum eius auxilio in illis cō-
parandis opus habent, respiciunt. Isti *utuntur Deo, fruuntur
nummo*, ait Augustinus; *abijcientes & conculcantes fidem suā,
estimando eam mercede vilissima; quasi ad hoc seruientes Deo,
vt terrenam felicitatem adipiscantur.* Atqui docet nos Chri-
stus nihil absolute & principaliter querere nisi regnum Dei,
& iustitiam eius: cætera enim adicienda esse, vt quædam
vel necessariò dependentia, vel sua sponte consequentia. Ap-
positè Chrysostomus: *Neque ad conuiuium quisquam iturus
opulentum, de ipsius diei cibo se curare patietur: nec ad fontem
aliquis accedens, sollicitudinem de sitis necessitate patietur. Ne-
quaquam ergo etiam nos, cum habemus liberalitatem & prou-
dientiam Dei, cunctis omnino fontibus affluentiozem, inopes nos
putemus. Nempe eamus ad cœnam magnam, ad quata inui-
tati sumus; cibo nō indigebim⁹ in via. Petamus fontem illū,
qui dixit: Si quis sitit, veniat ad me; potu nō carebimus in via.*

At multi

At multi pij, Paulus verbi gratia, qui primùm & ante omnia quærebant regnum Dei; *in fame, in siti, in ieiunijs, in frigore & nuditate*; hanc vitam tranſegerunt. Sed vide animum eius; Ego didici in quibus sum ſufficiens eſſe. Scio abundare, ſcio & penuriam pati. Adiiiciuntur ergo neceſſaria pijs, vel re ipſa, vel quantum ipſi deſiderant. Nihil ille opus habet, qui nihil deſiderat. Qui Deo plenus eſt, quærens regnum Dei, &c. illi pauciſſima ſufficiunt. Potuit vnus Philoſophus dicere, viſis nundinis omni rerum varietate reſertiſſimis: *Quã multis ego non egeo! Si cogitantibus ſapenumero nobis ali-* Bafiliius Conſt. monaſt. cap. 5.
quid de rebus vitæ huius, mente acriter in aliquâ cogitatione de-
fixa, neque oculi, neque aures muneribus funguntur ſuis, ani-
miſque, relictis ſenſibus, totus in ea commentatione hæret: pro-
fectò vehemens noſtra in Deum intentio, & amor fixus, omnem Simile.
à nobis vel leuiſſimam de libidinibus & ſuperſtitijs voluptatibus
cogitationem facile depellet. Omnia ergo illi à Deo adii-ciun-
tur, cui nihil deeſt, cui Deus eſt omnia, qui didicit, in qui-
bz eſt ſufficiens eſſe, vt Apoſtolus loquitur, id eſt, qui quic-
quid habet, ſufficiens putat, nec plus appetit quàm habet.

Sed & infirmioribus quoque Deum adicere quæ neceſſaria ſunt, non æſtimatione tantùm, ſed & re ipſa, idque abundanter, & larga manu, tum Scripturæ docent, tum innumera exẽpla demonſtrant. Vide, ad hanc rem quod attinet, quæ de admirabili & certiffima Dei prouidentia circa ſuos omnes in qualibet neceſſitate iuuãdos, in alijs Domini- cis prolata ſunt, circa illa verba: *Iſpe autem dormiebat, quum nauicula fluctibus operiretur.* Item ad illa Chriſti verba: *Non ex ſolo pane viuit homo, ſed ex omni verbo quod procedit de ore Dei.* Rurſum ad illa verba. *Vnde ememus panes, vt mandu-* Domini. 4. poſt. Epiph. tex. 2.
cent hi? Ac demũ, quũ non habente turba quod manducaret in deſerto, dixit Chriſt⁹: *Miſereor ſuper turbam, &c.* Vide quo- Domini. 1. Qua- drag. tex. 6.
 que quæ de fiducia in Deum nunquam deponenda, ſeu circa Domini. 4. Qua- drag. tex. 1.
 ſubſidia vitæ neceſſaria, ſeu in alia quauis conſolatione no- Domini. 6 poſt. Pent. tex. 1. & 3.
 ſtra, varijs in locis deprõpta iam ſunt. Primũ ad illa Chri- ſti verba: *Quid timidi eſtis modica fidei?* Item ad illa verba: Domini. 4 poſt. Epiph. tex. 4.
Stans Ieſus, iuſſit illum adduci ad ſe. Rurſum ad illa Apoſto- Domini. Quin- qua. tex. 4.
 lorum verba diffidentia plena: *Ducentorum denariorum pa-* Domini. 4. Qua- drag. tex. 4.
nes non ſufficiunt, vt vnusquisque modicum quid accipiat. ac de- Domini. 4. Qua- drag. tex. 4.
 nique ad alia illis ſimilia verba in Dominica 6. poſt Pente- Domini. 4. Qua- drag. tex. 4.
 coſten. In his locis abundẽ docetur, verum illud eſſe quod canit Eẽcleſia: *Sicut te colimus, ſic nos tu viſita.* Porro pri- Domini. 4. Qua- drag. tex. 4.
 mũ & antẽ omnia quærendũ eſſe regnũ Dei, & iuſticiã

eius; ex illis locis ostendi potest, quæ vel de amore Dei super omnia, vel contra nostram circa salutis causam negligentiam, vel de feruore colendi Deum, in variis iam Dominicis tractata sunt. Hæc enim omnia ad huius nobilissimi loci explicationem faciunt. Vide de primo Dominica 12. post Pentecostem, tex. 3. & loca illic annotata. De secundo vide Dominicam 13. post Pentecost. tex. 2. & loca ibi designata. De tertio vide Dominicam 6. post Pentecost. tex. 2. & ad quæ illic præterea loca remitteris. Amplissimus enim hic locus est, & multis partibus fecundus, quæ singulæ ad ædificationem & salutem audientium salubriter tractari possunt.

EVANGELIVM DOMINICÆ

XV. POST PENTECOSTEN.

Luca 7.

IBAT Iesus in ciuitatē quæ vocatur Naim: & ibant cum illo discipuli eius, & turba copiosa. Cū autem appropinquaret portæ ciuitatis; ecce, defunctus efferebatur, filius vnicus matri suæ, & hæc vidua erat: & turba ciuitatis multa cum illa. Quam cū vidisset Dominus, misericordia motus super eam, dixit illi: Noli flere: & accessit, & retigit loculum. Hi autem qui portabāt, steterunt. Et ait: Adolescens, tibi dico, surge. Et resedit qui erat mortuus & cœpit loqui. Et dedit illum matri suæ. Accepit autem omnes timor: & magnificabant Deum, dicentes: Quia Propheta magnus surrexit in nobis: & quia Deus visitauit plebem suam.

PERICOPE moralis huius Euangelij.

1. *Ibant cum illo discipuli eius, & turba copiosa.* De bonis exemplis maiorum, ad instructionem & imitationem minorum.
2. *Ecce defunctus efferebatur, filius vnicus matri suæ.* De mortis memoria propter eius necessitatem certam, horam incertam.
3. *Et hæc vidua erat, & turba ciuitatis multa cum illa.* De cura habenda viduarum.
4. *Et turbamultaciuitatis cum illa.* De religiosa piorum sepultura.
5. *Quam cū vidisset Dominus, misericordia motus super eam, dixit: Noli flere.* De misericordia egenis & afflictis personis, exemplo Christi exhibenda.

6. *Et accessit, & tetigit loculum, Hi autem qui portabant, steterunt.* De Dei misericordia, qua peccatores, iniecta tribulationum manu, à statu & cursu peccati reuocat.

7. *Adolescens, tibi dico, surge.* Vocante Christo, surgendum à peccato.

1. *Ibant cum illo discipuli eius, & turba copiosa.*

Locus moralis de bonis exemplis maiorum, ad instructionem & imitationem minorum. Docet Euāgelista, sequutos esse Christum prius discipulos, ac postea (eorum videlicet exemplo) turbam plebis copiosam. Solent maiorum vestigia sequi minores, Prælatorum mores imitari subditi, & ad Principis exemplum se conformare populus. Ad prædicationem longè, primus qui egit pœnitentiam, fuit Rex Ninive; qui suo non tam edicto, quàm exemplo, surgens ipse de solio, indutus sacco, &c. vniuersum populum ad pœnitentiam faciendam induxit: faciendo pœnitentiam, ab ira Dei liberavit. Contrà, prior qui prophanauit vasa templi Hierosolymitani in epulis Babylonicis, fuit Balthasar Rex, quem statim imitatæ sunt concubinæ, bibentes & ipsæ in poculis aureis Deo cōsecratis. Quum populus Israeliticus Iordanis alueum transire debebat, vt terram promissionis ingrederentur, primi omnium præcesserunt sacerdotes, quos reliquus populus secutus est, ita ex Dei voluntate præcipiente Iosue. Adeo ad omnem seu virtutis seu vicij actionem, maiorum exempla valent. Vnde Scriptura: *Secundum iudicem populi sic & ministri eius. Qualis rector est ciuitatis, tales & habitantes in ea.* Sanè ad hoc dati sunt in Ecclesia pastores, doctores, Prophetæ, prælati, principes, non tantum vt verbo iubeant, doceant, præscribant: sed etiam vt exemplo informient, moneant, præluceant. Non vocauit nos Deus (ait Apostolus) in immunditiam, sed in sanctificationem, id est, vt homines sanctos redderemus. Dominus per Ezechielem Prophetam iussit, quando sacrificia erant offerenda, & Lex audienda, dicens: *Princeps in medio erit aliorum: cum ingredientibus ingredietur, & cum egredientibus egredietur.* hoc est, ipse erit primus in opere, & vltimus in fine operis: vt omnes cum tam in ingressu, quàm in egressu imitentur & sequantur.

Exempla maiorum.

Exemplū.

Iona 3.

Dan. 5.

Iosue 4.

Allegoria.

Eccel. 10.

1. Thess. 4.

Ezech. 46.

Sicut cor in medio corporis ita est, vt sit principium vitæ & terminus; primum quod animatur, & vltimum quod moritur: sic prælatus & princeps in medio populi esse iubetur, vt sit primus in opere, & primus qui cesserit ab opere.

Act. 1.

opere. Sic Christus semper erat in medio discipulorum suorum: & de eo Petrus dicit, *In omni tempore quo intrauit & exiuit inter nos Dominus Iesus.* id est, toto tempore, quo Magister noster ac Dominus fuit, docens nos verbo & opere, semper in medio nostrum, ut sol in medio planetatum, ut cœtrum in medio terræ; ut scopus in medio signi. Paulus ut Iudæos emulatores Legis lucificaret, Legem mandatorum exactissime ipse obseruabat: *Quamdiu (inquit) ego sum Gentium Apostolus, ministerium meum honorificabo*, perfectione videlicet operum, ac vitæ magis: *si quo modo ad emulationem prouocem carnem meam*, id est, Iudæos, & *saluos faciam aliquos ex illis.* Ad vulgi reformationem, maximam vim habet superiorum integritas, modestia, fides. *Seruierunt filij Israel Domino cunctis diebus Iosue, & Seniorum qui longo post eum vixerunt tempore, & nouerunt omnia opera Domini, quæ fecerat cum Israel.* Et paulo post: *Surrexerunt alij (scilicet leniores) qui non nouerant Dominum, & opera quæ fecerat cum Israel, feceruntq; filij Israel malum in conspectu Domini, & seruierunt Baalim.* Sic & aliis post seculis in eodem populo accidit. *Quia stultè egerunt pastores; & Dominum non exquisierunt, propterea omnis grex eorum dissipatus est.* Quando canis in capite vulneratur, maximè periclitatur, quia vulnus suum lingua lambere non potest: nam quacunque alia corporis parte lædatur, lingua lambens seipsum sanat. Prælati qui caput est, si malè viuunt, quum nulla lingua eum lambere possit, nulla reprehensio corrigere, nulla admonitio sanare, sit penè insanabilis. At reliquo populo peccante, si integer prælatus est, habet linguam qua alios sanat, doctrinam verbi, & exemplum bonæ vitæ.

*Rom. 11.**Exemplum.**Judic. 2.**Jerem. 10.**Simile.*

2. Ecce defunctus efferebatur, filius vnicus matri suæ:

Mortis memoria.

Locus moralis de mortis memoria, propter eius & necessitatem certissimam, & horam incertissimam. Ecce enim, ait Euangelista, defunctus effertur, & adolescens in primo ætatis vigore, & filius vnicus matri suæ, quæ etiam vidua erat. Siue matrem, siue filium, siue etatem filij spectes, omnia vides quæ longiorem vitam merito expectabant: mater vidua indigens solatio, filius vnicus, & vnicum solatium, ætas filij tenerrima. Defungitur tamen hac vita, & defunctus effertur. Mortis memoriam hoc exemplum nobis suggerit. Quum duæ naves in mari sibi occurrunt, diuersa via nauigantes,

Similium congeries.

gantes, vtrique naui videtur quòd ipsa firma consilii, & al-
 tera celeriter transcurrit; quum tamen reuera vtraque aequè
 currat. Sic multi quum alios mori cernunt, seiplos quasi im-
 mortales reputant; nec se ad mortē quoque properare, adeo-
 que quotidie mori aduertunt. Quemadmodum enim vas li-
 quore plenum non extrema gutta cadens exhaustit, sed quic-
 quid antè depromptum est: sic victima vitæ hora, nō sola mor-
 tem facit, sed sola consummat. Morimur igitur omnes, & *2. Reg. 14.*
quasi aqua dilabimur in terram, quæ non reuertuntur. sed hūc
 fluxum continuum non aduertimus. Quemadmodum enim
 quos aut sermo, aut lectio, aut aliqua interior cogitatio, iter *Senec. de breuit.*
vit. cap. 6.
 facientes decipit. & peruenisse se antè sciūt, quàm appropin-
 quasse; ita hoc iter vitæ assiduum & citatissimum occupatis,
 & curis huius seculi detentis, non apparet, nisi in fine. Tunc
 enim non tam vixisse, quàm fuisse, quisque sibi videbitur.
 Quemadmodum enim quem saeva tempestas à portu exce-
 ptum huc & illuc tulit, ac vicibus ventorum ex diuerso fu-
 rentium per eadem spatia in orbem egit, non ille multum na-
 uigauit, sed multum iactatus est: sic omnino qui vitam va-
 riis cupiditatibus agitatam egit, & quasi equus molendina-
 rius in orbem ambulans, varia fortunæ rota circumductus
 est, moriens tandem, non diu vixit, sed diu fuit. Est quippe
 vita præsens instar nauiculæ, in qua per huius mundi fluctus
 tantisper nauigamus, vel instar rhedæ vectoriæ, in qua ut via-
 tores ferimur, ad alterius vitæ portum & finem perpetuò
 tendentes. Nemini improuisa mors esse videri debet. Quum
 enim quotidie aliquem mors interimat, satis nobis constare
 potest, pacem cum hoste constitutam non esse, ideoque qua-
 si ad certi hostis ictum parati semper consistere debemus. Si-
 cut porci quum alium porcum occidi vident, & inter occi-
 dendum horribiliter vociferari audiunt, commouentur &
 ipsi, grunniunt, accurrunt, timent; at vbi iam lethali vulnere
 accepto clamare desinit, penitusque interiit, ad cibos illi
 suos, ad lutum & sordes redeunt, nec quicquam ampliùs mo-
 uentur: sic homines carnales & voluptuarij, visa familiaris
 cuiuspiam morte, & strepitu campanarum, quæ lugubrius &
 prolixius tunc pulsantur, audito, dum adhuc effertur cadauer,
 & ille sonitus perdurat, mouentur nonnil, & aliquo mortis
 horrore corripiuntur: at peracto funere, nulla iam ampliùs
 mortis memoria habita, ad pristinas sordes & peccata re-
 deunt, vitamque sibi ipsis adhuc prolixiā planè promittunt.

7. Ingens hæc diaboli fraus & deceptio est. Sicut enim pictores ita colores ac lineas picturis accommodant, ut quæ propè posita sunt, longè distita esse videantur, delusis intuentiû oculis: sic dæmon mentis nostræ oculis illudit, dum unicuique mortis diem longissimo spatio distare persuadet, qui tamen plerisque in foribus est. Quemadmodum enim in auditu prædicationis verbi Dei, quum aliquod peccatum perstringitur & taxatur, vnusquisque hoc à se remouet, & ad alium transfert, dicens apud semetipsum, De tali & tali hoc loquitur, non de me; vel ad talem & talem ista pertinent, non ad me: sic planè in casu mortis, quum alios mori cernimus, ita statuimus, ut illum quidem citò mori oportuerit, nobis autem diu adhuc viuendum esse nihil dubitemus. At hac cogitatione nihil vanius, nihil periculosius. Voluit Deus à sola morte neminem mortalium excusari, ne quid in filiû suum vnigenitum hominem factum, aut purissimam matrem eius; voluit horam eius incertissimam esse, ideoque in qualibet ætate, in quolibet statu, in quocunque anni tempore homines mori: voluit denique prædicere, *Vigilate quia nescitis quæ hora Dominus vester venturus sit*, per mortem scilicet, ne quisquam sibi vel vnum vitæ diem, nedum annos multos, polliceretur. Si Rex carcerem longè munitissimum extrueret, quo mortis rei includeretur, ad mortem tamen non omnes simul, sed alios post alios, variis temporum interuallis, pro suo beneplacito educeret: an quisquam illorum longam sibi in carcere moram polliceri auderet; & quia inter primos non euocatur, ex postremis se fore sperare poterit? An interea luxui, contentioni, aut voluptati operam dabunt? nec potius perpetuò ad mortem excipiendam parati stabunt? At qui tota hæc vita nostra nihil est aliud, quàm ad mortem damnatorum in hoc mundo, tanquam in carcere positorum, expectatio continua, quando ad latam mortis sententiam de facto subeundam euocabimur. Alij citiùs, alij seriùs, sed ad incertum omnes morti destinamur. Quare ne quis in vlla ætate aut fortuna longam sibi vitam promitteret; hac apta hypotyposi docuit vir & sapientia & sanctitate celebris Thomas Morus: Sicut qui è carcere ad patibulum ducitur, quò duæ quidem viæ ducunt, vna per circuitum longa, alia recta & brevis, sed vtraque ad patibulum ducto ignoratur, donec ad exitum ventum sit; nec scit qui ducitur, rectane & breui, an circumflexa & longa via ducatur, etsi duas tales esse

vias

*Matth. 25.**Simile.**In vita eius,
cap. 12.**Simile.*

vias aliorum experientia didicerit ; non habet è carcere exiens, vnde longiorem sibi viam promittat , propter alterius viæ incertam longitudinem : sic omnino iuuenis non potest longiorem sibi vitam promittere quàm senex. Videt enim quidem iuuenis senem per circuitum duci ; sed an ipse in eo circuitu ducatur, nescit. Nemo enim viuendo scire potest , per circuitumne an per diametrum ad mortem tendat. Vana igitur & fallax est huiusmodi expectatio.

Noxia porrò & perniciosa eadem est , quia mortis ipsius terrorem, qualis & quantus sit (quem tamen præcognoscere vtilissimum fuerit) illa diurnæ vitæ spes falsa à nobis penitus abscondit. Nam vt qui eminus aliquid videt, confusè videt, nesciens homòne an arbor sit ; sic qui vitam sibi longam promittens, mortē quasi eminus ac longissimè à se distantem respicit, illi eam qualis sit, quàm terribilis, & acerba , & horrenda ; quos angores, quas molestias, quæ pericula secum adfert, non videt. Atqui propterea & aliorum mortes quotidie ante oculos versari, & nostram mortem ab oculis nostris abscondi voluit Deus, vt perpetuam eius memoriam animo circumferremus. Loquitur Scriptura in persona ante oculos nostros morientis: *Memor esto iudicij mei, sic erit & tuum: mihi*

Simile.

heri, & tibi hodie. Adam post peccatum statim pellibus animalium mortuorum induitur, vt mortis sententiā, quam nunc acceperat, ob oculos mentis semper gestaret. Iussit Dominus in veteri Lege plumas auium, quæ illi in sacrificium offere-

Ecclesi. 38.

Allegoria.

Leuit. 1.

bantur, in cineris locum conijci ad partem templi orientalem. Plumæ auium, sunt mundi huius honores, diuitiæ, splendor, quibus inaniter extollimur. Sed vt his Dei donis in eius laudem & gloriam, quasi in acceptabile ei sacrificium vtamur, ea caduca esse, & breui atq; incerta morte finienda perpetuò cogitare debemus. Sicut enim aqua restinguit ignem, & sparsa cineres terræ fructus enecant; sic mortis assidua recordatio, & appetitus carnales vehementer refrigerat, & vitiorum germina succrescere non finit. Qua de re in alia Dominica obiter aliquid dictum est. Vipera exusta in cineremque conuersa , atque in vino potata, eiusdem bestię morsui medetur, vt scribit Lactantius. Sic vnumquodque peccatum sanatur, si quale id in morte futurum sit, cogitetur. Nihil sic ad domandum carnis desideria valet, quàm quòd vnusquisque id quod diligit , quale sit mortuum penset. Nihil magis demittit superbiæ cristas , quàm si superbus moriturum

Simile.

Domin. 6. post

Pasch. text. 1.

Lib. de ira, ca. 13.

Simile.

se, &

1. Tim. 5.
Iob 18.
Simile.

Ad Nepotianū.
Ecclef. 7.
Similia.

Simile.

Matth. 24.

se, & in cinerem redigendum recorderetur. Nihil magis auaritia sitim retinguit, quam si illud Apostoli memoria teneat, *Nihil intulimus in hunc mundum, & nihil inde auferemus.* vel illud sancti Iob: *Saccum meum consui super cutem meam, & operui cinere carnem meam.* Sicut gallus timens aquilam & accipitrem, & alias aues prædones terræ, sic vnum oculum inferius ad victum dirigit, vt alterum in aëra frequenter cleuet; certoque vocis strepitu superuolitantes huiusmodi aues galli suis & pullis indicet: sic vir iustus, & timens Deum, rebus in mundo necessariis ita vacabit, vt venturi desuper per mortem iudicii semper memor viuat. *Facile contemnit omnia* (ait sanctus Hieronymus) *qui semper se cogitat moriturum.* Et Scriptura: *Memorare nouissima, & in aeternum non peccabis.* Nauta in puppi sedens, gubernat suā nauem: & tam pisces in aquis, quam aues in aëre, cauda sua se regunt, ac cursum dirigunt. Sic exitus nostri, quæ mors est, perpetua consideratio, vitam & actiones nostras optimè dirigit. Cinis ignem conseruat; & recordatio cineris, in quem vertendus es, gratiam & diuini amoris ignem in tuo pectore conseruabit. Cum nec tempus, nec locum, nec genus mortis tuæ certum habeas, aut designatum; in omni tempore ac loco, atque in quocunque genere, tam sanus quam ægrotus, mortem expectare debes. Iuuenes mortem habent à tergo, senes ante oculos. Sed sicut illud magis nocet quod à tergo ferit, quam quod ante oculos; sic iuuenibus periculosior mors est quam senibus. Quare magis illam timere debent, eiusque insidias. In statu gratiæ, & noui testamenti, mortuos nostros in templis, aut proximè iuxta templa sepelimus, (non extra ciuitates, vt Iudæi in hoc Euangelio) sed & mortis quoque Redemptoris nostri perpetuam & quotidianam memoriam celebramus, vt alias ob causas, ita ob hanc quoque, vt mortis memoria præsens nobis semper & ob oculos versaretur. Qui tot argumenta & indicia mortis suæ quotidie cernentes, eam tamen animo fixam non habent, nec ad eam se quotidie parant, similes sunt dormientibus, qui somnia tristica & terribilia passi, ad momentum commouentur, sed omnium eorum postea memoriam deponunt, nec fructum inde vllum reportant, quia nisi dormientes illa somniabant. Ita planè hominibus carni, voluptati, ac seculo deditis, mortis recordatio, quasi si somnia narres, statim excidit. Sed ideo Christus vigilare nos iubet, & hunc exitialem somnū excutere: *Vigilate, quia nescitis quā hora*

hora Dominus venturus est. Dormiant somnū suum omnes viri ^{1^a sal. 75.}
divitiarum, avari, ambiciosi, amatores huius sæculi: Dormiant ^{Matth. 25.}
& dormient fatua virgines, oblitæ accipere oleum in lampadibus suis, oblitæ bonorum operum: iusti autem, & timentes
Deum, similes sunt expectantibus dominum suum, quando re- ^{Tit. 3.}
uertatur à nuptijs: iuste, piè, & sobriè viuunt, expectantes beatam spem, & aduentum gloria magni Dei. Hæc expectatio, est
perpetua mortis, & particularis iudicij nostri recordatio. Pharaò & populus eius persequens filios Israël, quum iam ^{Typus.}
se morti propinquos cernerent, ab incepto desistere volē-
bant, dicentes: Fugiamus Israël: Dominus enim pugnat pro ^{Exod. 14.}
eis contra nos. Sed nimis id serum fuit, quia iam in porta mors
aderat. Illis enim fugientibus, occurrerunt aqua, & inuoluit eos
Dominus in medijs fluctibus. Præcogitanda & præuidenda
mors est: ne illa iam propinquante, inuoluant nos aquæ tribulationum, morbus, tristitia, curæ, aliæque innumerae mole-
lestiæ, quibus submergamur in profundum. Cygnus, morti ^{Simile.}
vicinus, suauissimè cantat; Serena avis marina, morti vicina,
amarissimè flet atque ingemiscit. Ratio discriminis est, quia
quum in mortis articulo sanguis totus ad cor se recipiat;
sanguis cygni, vt generosus & purus, alacritatem adfert, &
cantum edit; sanguis serenæ vilis & corruptus, tristitiam generat,
& gemitum prouocat. Idem discrimen est inter bonos & malos. Bonis ac iustis grata mors est, eiúsque recordatio:
quia laborum terminus, gaudiorum ianua & introitus est.
Malis ac impijs tristis & horrenda mors est, eiúsque memoria; quia gaudiorum finis, tormentorum illis, quæ finem non
habebunt, principium est. Quare Pauli vox erat: Cupio dissolui, ^{Philip. 3.}
& esse cum Christo. Peccatoris vox est: Peccantem me
quotidie, & non me poenitentem, timor mortis conturbat me.
Lege Marcum Marulum in lib. Exemplorum: Vt clepsydræ ^{Lib. 5. cap. 9.}
tuæ vsum habeas, & temporis tui fluxum ex eo cognoscas, ^{Simile.}
necesse est vt sæpius eam voluas atque reuoluas; quia citò
tota decurrit: ita planè vt vita tua rectè vtaris, & à morte
inopinatus nō opprimaris, voluenda tibi in horas est clepsy-
dra, considerandus vitæ tuæ perpetuus fluxus, vt ita rationem eius Deo feliciter reddas, dicente Scriptura: Si non vi- ^{Apoc. 3.}
gilaueris, veniam ad te tanquam fur.

3. Et hæc vidua erat, & turba ciuitatis multa cum illa.

Locus moralis, de cura habenda viduarum. Vt misericordiam Christi in hoc miraculo magis illustrem ostendat. ^{Viduarū cura.}
 Pars Æstiuæ. Y deret

deret Euangelista, addit eam viduam fuisse, cuius filium resuscitauit. Vt viduarum curam sibi singulariter commendatam esse Christus doceret, voluit viduæ filium à morte suscitare. Vt viduæ calamitatem maiori commiseratione dignam demonstraret Euangelista, addit fuisse *turbam ciuitatis multam cum illa*. Cum illa, quia propter illam, & ad eius consolationem, non pauci aliqui, sed *turba ciuitatis*; nec modica, sed *turba multa*. Commendat hoc pietatis genus sæpe Scriptura, ipsique Deo proprium quodammodo esse, vt viduarum causam agat, & curam gerat, demonstrat. Dominus custodit aduenas, pupillum & viduam suscipiet. Et iterum: Dominus non despiciet preces populi; nec viduam, si emittat & effundat loquelam gemitus. Quo persona quæque afflictior est & miserior, eo diuinæ bonitati est commendatior: imò horum se proprium protectorem esse pronunciat. *luxta est Dominus ijs qui tribulato sunt corde*. Rursum: *Tibi derelictus est pauper, orphano tu eris adiutor*. Viduarum causam negligere, aut illis iniuriam inferre, pro grauissimo scelere Deus habet. Dicit apud Prophetam: *Magnificati sunt & ditati; incrassati sunt & impinguati; & preterierunt sermones meos pessimè*. At qua in re, obsecro? *Causam viduæ non iudicauerunt: causam pupilli non direxerunt*. Nunquid super his non visitabo? ait Dominus. Quid acerbius comminari aut loqui potuit? Porro gratiam cum Deo inire volentes, ad hoc misericordiae genus potissimum inuitat. *Iudicata pupillo, defendite viduam; & venite & arguite me, dicit Dominus*. Si fuerint peccata vestra sicut *coccinum, velut nix dealbabuntur*. Frequentia sunt in Scripturis specialis diuinæ erga viduas misericordiae exempla, quam nos imitari par est. Solus viduæ Sareptanæ filium suscitauit Elias. Elizarus viduæ Sunamitidis inopiam miraculo olei multiplicati subleuauit, eiusdemque postea filium à morte resuscitauit D. Petrus precibus viduarum flexus, puellam Dorcadem vitæ restituit. De viduis refocillandis varia in Deuteronomio præcepta habes, quæ sic veteri populo commendata erant, vt filijs gratiæ multo magis conueniant, diffusa charitate in cordibus nostris; cuius prima & propria proles est, misericordia erga afflictos.

4. Et turba multa ciuitatis cum illa.

Sepultura religiosa.

Locus moralis esse potest, de religiosa piorum sepultura, quem in altero Promptuario Catholico, ad hanc Dominicam, contra hæreticos tractauimus. Hic tamén pauca addemus,

addemus, prout Deus dabit. Quantum Christo hæc pietas placuerit, qua magno numero ad efferendum funus ciues Naimenses confluebant, hoc illustri miraculo adolescentis resuscitati, ostendere voluit. Dauid misit qui agerent gratias, & quidem accuratè, viris de labes Galaad, qui corpora Saul & filiorum eius sepelierant, dicens: *Benedicti vos à Domino, qui fecistis misericordiam cum Domino vestro Saul, & sepelivistis eum. Et nunc retribuet quidem Dominus vobis misericordiam & veritatem: sed & ego reddam gratiam, eo quòd fecistis verbum istud.* Sanctus Patriarcha Abraham maximè laudatur, quia sepeliuit magnificè vxorem suam Saram. Curam sepulchri sui habuerunt Iacob & Ioseph filius eius, qui mortui in Ægypto, transferri tamen ossa sua, & in sepulchro patrum suorum, in terra Chanaan sepeliri iusserunt: quod & factum fuit. Sed excellentem in hoc genere Tobie pietatem laudat multis verbis angelus Raphael: *Quando orabas cum lachrymis, & sepeliebas mortuos, & derelinquebas prandiū tuum, & mortuos abscondebas per diem in domo tua, & nocte sepeliebas eos; ego obtuli orationem tuam Domino.* Vides quàm grata Deo fuit sepulturæ fidelium pietas. Iudæi enim erant ab Assyrijs in exilio occisi, quos sic bonus Tobias sepeliebat. Laudatur Iudas Machabæus, quòd interfectos in prælio, honestè sepeliri, precèsque & sacrificia pro eis offerri iusserit. Et ratio additur: *Piè & religiosè de resurrectione cogitans.* Resurrectionis enim fidem pia ac religiosa defunctorum in Domino sepultura proficitur. Discipulorum Ioannis Baptistæ pietas ab Euangelistis notatur, quòd eo in carcere decollato, *venerunt discipuli eius, & tulerunt corpus, & sepelierunt illud.* Nicodemi & Iosephi ab Arimathia circa Christi corpus sepeliendum pietas & religio in Euangelio diligenter commemoratur. Sed & Dauid ipse ossa Saul, & Ionathæ, & filiorum eius à Galaaditis semel sepulta, cum ossibus aliorum filiorum Saul, qui per Gabaonitas crucifixi fuerant, tulit, & sepeliuit in terra Benjamin, in sepulchro Cis patris eius. Hæc tot, & tantorum viutorum in sacris Scripturis exempla, ad hoc pietatis genus sedulò exequendum, satis admonere & hortari possunt. De pietate trium mulierum circa Christi corpus iam sepultum, in alia Dominica diximus.

5. *Quam cum vidisset Dominus, misericordia motus super eam, dixit: Noli flere.*

Locus moralis de misericordia egenis & afflictis personis

Y 2

exemplo

Misericordia
erga afflictos.

Domin. Pasch.
text. 1. & 2.

Exempla.

2. Reg. 2.

Genes. 23.

Genes. 50.

Tob. 12.

2. Mach. 12.

Marth. 11.

Ioan. 19.

2. Reg. 21.

exemplo Christi exhibenda. Christus enim ad hoc illustre miraculum misericordia erga plorantem viduam inductus accessit: *Misericordia motus super eam*. scilicet plorantem defuncti filij, & vnici, & adolescentis mortem. Vnde dicit ei ante omnia: *Noli flere*. Lachrymis viduæ matris condolet, iacturæ compatitur, afflictioni miseretur, oculis misericordiæ in eam coniectis. *Quam cum vidisses, misericordia motus dixit*. Hi oculi misericordiæ in Christo Redemptore sæpenumero eluxerunt. *Videns in deserto multitudinem magnam*, quæ eum triduo sequuta fuerat, *Miseror* (inquit) *super turbam*. Egrediens è templo, *vidit cecum à natiuitate*, & sanauit eum. *Vidit sedentem Matthæum in telonio*, & vocauit eum. *Vidit Zachæum in arbore*, & hospes eius esse statim voluit, vt salus fieret toti domui. *Vidit discipulos laborantes in remigando*, & eos à tempestate liberauit. Vidit duos fratres, Simonem & Andream, piscantes in mari, & ait eis: *Venite post me*. Hos oculos misericordiæ & gratiæ Christus toties ostendit, vt nostros oculos simili affectu imbueret, qui *conformes esse debemus imagini eius*, & (si quidem in illo manemus) *sicut ille ambulauit, ita ambulare*. Nunc autem diues ille epulo vidit quotidie Lazarum pro foribus suis, miserum & afflictum, & cupientem comedere de micis quæ cadebant sub mensa eius, & nemo illi dabat. Pro oculis misericordiæ, nos oculos superbiæ, inuidiæ, adulterij plenos circumferimus. Pauperes, afflictos, egenos, aut vi aspiciere dignamur, aut cum fastu despiciamus. Christus nec vocatus, nec rogatus ab hac vidua, videns tantum eam afflictam & miseram, statim misericordia mouetur. Satis est ad misericordiam commouendam, vt alienam miseriam conspicias. Misericordiæ causa, sola miseria conspecta & intellecta, satis iusta esse debet. Nec preces expectare, nec afflicti meritum expendere necesse est. Sicut *Deus pluit super iustos & in iustos*, omnium hominum necessitatibus prospiciens; ita misereri nos oportet omnium miserorum, nec merita, sed miseriam considerare. Portus naufragos excipit, siue bonos siue malos. Misericordia portus miseriæ est. Si etiam indignos excipis, venient digni. Abraham dum quosuis peregrinos excipit, Angelos exceptit. Scriptura dicit: *Si inimicus esuriat, ciba illum*. Profectò si inimicus tuus est, bonus non est. Christus dicit: *Omni petenti te, tribue*. Non distinguit inter bonos & malos.

Subijciam hîc insignem diui Chrysostomi locum, in quo
omnibus

Ioan. 6.

Ioan. 9.

Matth. 9.

Luca 19.

Marc. 6.

Matth. 4.

Rom. 9.

Luca 16.

Luca 6.

Simile.

Prou. 25.

Rom. 12.

Luca 6.

omnibus ferè vanis & friuolis non miserendi excusationibus respondet & satisfacit. *Beatus* (inquit David) *qui intelligit super egenum & pauperem.* Quid est, *Qui intelligit?* *Homil. 11. in epist. ad Hebr.* hoc est, qui cognoscit quid sit pauper, qui tribulationem eius percipit. Cognoscens enim tribulationem eius, utique confestim miserebitur eius. Si videris pauperem, non pertransiens: sed statim cogita quis sis, & si tu eius loco esses, quidnam velles omnes facere. *Qui intelligit*, inquit: cogita quia similis tibi, liber est, & eandem tecum participat generositatem, & sacramenta tecum communia habet. Sed inquis: Cur non operatur? cur vacans pascitur? Dic mihi: Tu per operationem habes quæ habes? Nónne ex hæreditate paterna illa accepisti? Si verò etiam ex labore, num ideo exprobras alteri? Audi Paulum Postquam dixit, *Qui non operatur, neque manducet;* subiungit *Vos autem bonum facientes non deficiatis:* id est, siue operantes ipsi manibus, siue non operantibus misericorditer largientes. Sed inquis, Impostor est. Quid dicis, ô homo? Propter vuum panem & vestimentum impostorem eum vocas? At, inquis, confestim vendet illud. Tu autem cuncta tua bene disponis? An etiam omnes egentes ex otio egent? nemo per naufragium? nemo per iudicia? nemo per furta? nemo per pericula? nemo per ægritudines? nemo per aliam calamitatem? Sed si audierimus aliquem talia deplorantem, maiora clamantem, & nudum cælos insipientem, & capillos demittentem, & pannis circumdatum; confestim eum impostorem, fallacem, simulatorem vocamus. Non erubescis? *Quem impostorem vocas?* Noli dare, & noli accusare hominem. Sed habet, inquis, & fingit se non habere. Hoc si ita esset, te accusat, non illum. Scit enim se cum crudelibus habitare, cum bestiis magis quàm cum hominibus. Ideo compellitur in habitu miserabiliore comparere, ut tuam frangat animam. Si in habitu honesto aliquis nos interpellat, iste, inquis, impostor est; & ut putetur ex generosis esse, isto modo interpellat: si viderimus in contrario habitu, & illum culpamus. Quid agant de cætero miseri? Quare, inquis, aliqui mutilata membra denudant? Propter te hoc fit. Si enim misericordes essemus, his attribus opus non esset. *Quis est ita miser, ut velit tantum clamare, ut velit ad confusionem venire, ut velit publicè deplorare, cum nuda coniuge, cum filiis puluere conspersis?* Hæc qua paupertate non sunt maiora? Sed sapius dedi, inquis. Quid verò? Tu non sapè vesceris? Infantulos tuos

Excusationes
non miserédi.
1.

2. *Theff. 3.*

2.

3.

4.

5.

6.

7.

8.

sepius petentes num abigis? O inuerecundiam! Pauperem inuerecundum vocas: tu, cum rapias, non es inuerecundus? Ille autem pro pane deprecans, inuerecundus iudicatur. Non intelligis quanta sit necessitas ventris? Nonne tu omnia illius gratia facis? Nonne spiritualia propter hoc negligis? Hæc est inuerecundia. At ille, inquis, tot aures sœneratur, & alius tor, & nihilominus mendicat, factus ex mendicatione diues. Pueriorum hæc fabulæ sunt, & vanitates. Non mihi persuadetur, non credo, ablit. Ad vsuram dat quis, & in abundantia constitutus mendicat? Quid est mendicitate ignominiosius? Quid ergo? omnes ad vsuram dant? omnes impostores sunt? nullus reuera pauper est? Etiam, inquis, & multi. Quid ergo vel eis non præstas opem? Vt quid existis scrupulosus vitæ eorum enucleator? Quod si & valde ille peccator sit qui te rogat, cogita quia & tu dicis Deo, Peccata mea ne recorderis: noli reminisci peccatorum eius. Tempus est nunc misericordiæ, non scrupulosæ discussionis. Nutriti vult. Si quidem vis, tribue: si non vis, dimitte, nihil disceptans quare sit miser. Alioqui nullus hoc modo miserebitur. Deinde etiam alios misereri volentes tu auertis.

10. Quando enim audiunt te dicentem, quoniam ille impostor est, abundat, ad vsuram dat, incipiunt neque istis dare nec illis. Quæ mala sunt facile suspicamur: quare omnes tales esse suspicabuntur. Denique per hanc discussionem eò nunc ventum est, vt etiam viros monachalem vitam agentes suspectos habeam⁹, dicentes, Ille impostor est. Non hoc dicebāt prisci. Si indifferenter omnibus damus, semper miserebimur. Si autem cœperimus scrutari, nunquam misericordiam præstabimus. Quiescamus ab hac absurda curiositate, & diabolica, & perniciofa. Non enim ex vita & merito accipiētium à te pauperum, sed ex voluntate tua, ex liberalitate multa, ex misericordia, ex bonitate mercedem tibi retribuet Deus. Hæc hæcenus D. Chrysostomus.

Matth. 4i

Diabolus quum Christum esurire videret, exquiret an esset Filius Dei. Tu quum vides pauperem, inquis, an sit Dei filius, vir bonus & eleemosyna dignus. At Christus dicit: *Qui recipit Prophetam in nomine Prophetæ, mercedem Prophetæ accipiet.* Dicit, *in nomine Prophetæ*; vt si fortè nomine tenus tantum talis sit, scias tamen te mercede tua non carere. Sic pauperem recipis in nomine pauperis, id est, in nomine Christi, qualiscunque ille tandem sit. Deus vbi plus de potentia & robore dedit, ibi magis de misericordia & liberalitate

Matth. 10.

Exemplum natu-
ræ.

salitate esse voluit. Sic Leo cæteris animantibus fortior, omnium est clementissimus; iuxta illud :

Parcere prostratis scit nobilis ira Leonis.

Sic aquila, omnium avium princeps, liberalitate omnes superat. Prædam enim copiosam nacta, ubi naturæ satisfecit; quod reliquum est, cæteris avidus (quæ eam propterea sequuntur) comedendum relinquit, ut & supra annotatum est. At crudelia & ferocia animalia potestate & viribus Deus priuavit, ut canes & feles, & sexum fœminæum, qui quo est imbecillior, eo est ad vindictam acior. Sicut proprium est *Simile.*

foli lucere, & igni calefacere; sic proprium est Deo, Deiq; similibus, seu filiis Dei, benefacere, misereri, suam bonitatem communicare; ut quanto plus possunt, tanto plus velint. Quum voluit Deus filios Israël de Ægypto educere, omnes angustias illorum expressit; ut quanto illi erant inferiores, tanto ille misericordior esset. *Vidi afflictionem populi mei in Ægypto, & clamorem eius audiui, propter duritiam eorum* Exod. 3.
rum qui præsumunt operibus: & sciens dolorem eius, descendi ut liberem eum. Totam eorum miseriam exprimit, ut suæ misericordiæ sinus aperiatur. Sic nos miseras fratrum omnes & singulas considerare, conferre; copulare, expendere debemus, ut ad misericordiam exitumur, veluti Christus in hoc Euangelio fecit. Proptia quasi hæc est filiorum Dei, & verè Christianorū nota. Vnde Apostolus: *Induite vos sicut ele-* Coloss. 3.
cti Dei, & dilecti, viscera misericordia. Vbi enim sunt viscera, *Dissimile.*
ibi haud dubiè erunt opera. Talis erat sanctus Iob, qui dixit: *Iob 31.*

Ab infantia crevit mecum miseria; & de utero matris meae egressa est mecum. Quod sancto Iob à prima infantia Dei munere concessum est, hoc nos induere iubet Apostolus: hoc est, illud frequenter à Deo piis precibus postulare, ad illud assequendum Dei in nos beneficia, & pietatis exempla meditari, illud denique plurimis pietatis actibus quasi connaturale nobis efficere. Hoc est viscera misericordiæ *Leuit. 14.*

induere. Deus in veteri Lege, ad purificandum leprosum, iubet sacerdotem oleum in sinistra manu effundere. Oleum *Allegoria.*
in sinistra manu effundit, qui misericordiam erga miseros exhibet, quod contra peccatorum lepras singulare est remedium; iuxta illud Danielis: *Rex, consilium meum placeat tibi,* Daniel. 4.
Peccata tua elemosynis redime, & iniquitates tuas misericordiis pauperum. Verè oleum sanandis lepris, misericordia est: *Similia.*
quia sicut oleum cæteris liquoribus supernatat, sic misericordia, ut propinquior charitatis filia, cæteris virtutibus

antecellit. Reliquæ enim virtutes tibi ipsi vtilis sunt, vt humilitas, temperantia, castitas, patientia, &c. Misericordia & tibi & proximo vtilitatem adfert. Rursum, sicut oleum coloribus splendorem reddit, nec lucet aut splendet pictura quibuscunque coloribus ornata, nisi oleo delibuta: sic absque misericordia ceteræ virtutes aridæ & obscuræ sunt, per opera verò misericordiæ illustrantur & splendent; iuxta illud: *Dispersit, dedit pauperibus: iustitia eius manet in seculum seculi.* Et illud Esaïæ: *Frange esurienti panem tuum, egenos & vagos introduc in domum tuam, &c. Tunc erumpet quasi manè lumentuum.*

*Psal. 111.
Esaïa 58.*

Ecc' es. 4.

Misericordia
pauperibus de-
betur.

Sed parum fortè mouet misericordiæ laus & merces, in Scripturis reuelatæ. Malit auarus & seculi amator, ideoque in proximum crudelis & inmitis, tota hac mercede & laude, quàm sua pecunia aut copia, carere. Vide tamen & considera sic hanc misericordiam impensam apud Deum mereri, vt eadem neglecta, grauissimè offendant: *Non exasperes pauperem (ait Scriptura) in inopia sua: cor inopi ne affixeris. Declina pauperi sine tristitia aurem tuam; & redde debitum tuum, & redde illi pacificè in mansuetudine.* Dicit tuam misericordiam afflicto deberi, & reddendam vt debitum. Nempe, vt omnibus Deus de certis vitæ mediis prospexit, negotiatori de industria sua, agricolæ de labore manuum suarum, mechanico de exercitio artis suæ, & sic in omni hominum genere; solius pauperis & afflicti remedium in nulla re peculiari, sed in omnium oculis collocauit: omnes illi diuites debitores fecit. Deinde vult Scriptura, hoc debitum pacificè in mansuetudine; non toruo sed hilari vultu; non fastuosè, sed in humilitate, *declinando aurem tuam*, pauperi reddi: non solum vt accipiat quod ei debetur, sed etiam vt accipiendo non affligatur, tam vexetur, non exasperetur. Sic opus misericordiæ etiam actus iustitiæ est. Sicut oleum melius in torcularibus eliquatur, si oliua prius aqua calida perfundatur; sic illa misericordia melius a tua calida perfundatur; sic illa misericordia melius fluit. Deoque gratior est, quam feruida cordis compassio præcessit, adeoque elicit. Et sicut oleum, quanto citius de torculari exprimitur, tanto iudicatur melius; sic bis dat, qui citò dat; & tanto est beneficentia excellentior, quanto celerior. Denique sicut oleum non cum strepitu cadit, sicut aqua vel vinum, sed quietè fluit; sic misericordiæ opus pacificè est exercendum, non cum murmure, aut vlla molestiæ significatione. De hac præstantissima

Similia.

stantissima virtute iam in aliis Euangelis multa diximus. Tamen propter eius summam necessitatem, & satis neglectum exercitium, aliqua hoc loco addenda videbantur. Vide Domin. 12. post Pentecost. tex. 6. & alia loca illi annotata. Nam de eleemosyna strictè accepta in aliis variis Dominis dictum est: quæ ferè omnia ad misericordiæ huius locum referri possunt.

*Vide Domin. 9.
post Pentec. tex. 3.
& loca illis an-
notata.*

6. *Et accessit, & tetigit loculum. Hi autem qui portabant, steterunt.*

LOcus moralis de ingenti Dei misericordia, quia peccatores in via peccati currentes, iniecta tribulationum & impedimentorum manu, ab illo cursu sistit, & à peccato liberat. Christus hoc loco accedens, & tangens loculum quo defunctus efferebatur, facit, ut qui ad sepulchrum deferebant mortuum, starent, & misericordiæ eius exitum expectarent. Eodem omnino modo Deus per misericordiam ad peccatores accedens, & defunctæ in peccatis animæ loculum, qui corpus est, sua visitatione tangens, atque aliquo modo affligens, facit, ut passiones inordinatæ, quibus anima tota in declivie vitiorum præceps ferebatur, sistant nonnihil ab illo quem tenebant cursu, iniectis videlicet impedimentis, liberè ac licenter ut prius peccandi; ut violento illarum cursu hac necessitate retardato colligere se animus posset, ac loquentem Deum audire; *Adolescens, tibi dico, surge.* Vel, ut Apostolus aliis verbis dixit, *Surge qui dormis. & illuminabit te Christus.* Sed quemadmodum altè dormiens, nisi aliquo impulsu excitetur, non euigilat, nec de surgendo cogitat; sic multi peccatores, in longa peccati consuetudine altum stertentes, de vitæ in melius mutatione nihil cogitant, nisi manus Domini tangat eos, & passiones à quibus veluti fluctibus rapidè currentibus, deorsum trahuntur, aliquo impedimento iniecto, sistere cogantur. Nempe hæc est visitatio Dei; quam qui non cognoscunt, incidunt in iudicium Dei, ut in alia Dominica explicatum est: & hic est clamor Dei post nos, ut peccati veterum excutiamus, de quo etiam superius diximus. Sed hic aliqua addenda sunt, prout Deus dabit. De peccatoribus dicit Ieremias: *Omnes conuersi sunt ad cursum suum, quasi equus impetu vadens ad prælium.* Sicut enim equus currens ad pugnam, nec hostem ex adverso timet, nec vel cadentium gemitu, vel tormentorum

*Tribulatio ad
penitentiam
trahit.*

*Ephes. 5.
Simile.*

*Domin. 9. post
Pentecost. text. 3.
& 4.
Domini 3. Ad-
uent. text. 3.
Ierem. 3.
Simile.*

strepitu, vel lancearum ictibus terretur; sic impij præcipites ad malum feruntur, quò eos libido & cupiditas impellunt; nec vel diaboli insidias ac rugitum timent, vel aliorum impiorum calamitoso exitu mouentur, vel gehennæ comminationibus terrentur: attamen, vt equus impetu eutrens, chamo & fræno à fessore strenuo constrictus, cursum sistere cogitur; sic Dei manus impios tangens, & *chamo ac freno maxillas eorum constringens, qui non approximant ad eum*, sed toto impetu fugiunt ab eo, eos sæpenumerò in rectam viam conuertit, impietatis effrenem cursum sistit, & ad meliorem mentem reuocat. Maximum est hoc Dei beneficium.

Simile.

Psal. 33.

Simile.

Exempla.

Exod. 11.

2. Paralip. 33.

Simile.

*Homil. 6. ad pop.
Antioch.*

*Similium cō-
geries.*

1.
2.

Quemadmodum in mare se præcipitare volentem, qui ne apprehenderet & sisteret, vt eum grauius aliqua corporis parte mulctaret, non illi nocuisse, sed singulare beneficium ei contulisse, vitæque author ac patronus censeretur: sic omnino peccatorem in tartara ruentem percutiens Deus, ac percutiendo ad pœnitentiam vocans, maximo afficit beneficio, & salutis author est. De Pharaone dixit Deus: *Adhuc vna plaga tangam Pharaonem*. Qua ille tactus, ad tempus resipiscebat, Dominum cognoscebat, Moysen & Aaron, vt pro eo intercederent, orabat. Manasses Rex, qui prospera flante fortuna, flagitiosissimè vitam egit, à Deo tactus, regno exutus, captiuus in Babylonem abductus: *postquam coangustatus est, orauit Dominum Deum suum, & egit pœnitentiam valde coram Deo patrum suorum, deprecatusque est eum, & obsecrauit intentè; & exaudiuit orationem eius, reduxitque eum in Ierusalem in regnum suum, & cognouit Manasses quòd Dominus ipse esset Deus*. Appositè D. Chrysostomus: Sicut splene & intercute laborantes, cum larga fruuntur mensa, frigida potione, delitiis ferculorum & saporibus, tunc præcipuè omnium sunt miserrimi, delitiis morbum augentes; si verò siti & fame, secundum medicorum leges cruciantur, aliquam salutis spem habent: sic & in iniquitate viuentes, si puniantur à Deo, bonam spem habent; si verò cum iniquitate, licentia & delitiis fruuntur, sunt multo miserieiores. Quemadmodum enim frigus noctis florem cōtrahit, & calor diei foras euocat: sic aduersitas à Deo inflicta, peccatorem contrahit, vt ad se redeat, seque ipsum recognoscat; prosperitas verò extollit, & extra seipsum vagari facit. Sicut cyrogrillus, siue hericius magnus, vtcunque se in corio suo, quasi que testudine constringat, vt saluo cortice aperiri vix possit; tamè si aqua calida aspergatur, cōtinuò aperitur: sic peccatores,

catores, longa peccati consuetudine, quasi dura testudine cō-
 pressi, & callo obducto, sic indurati, vt sola mors peccato fi-
 nem imponere posse videatur; aqua tamen tribulationis fer-
 uenti, perfusi dissoluuntur, & ad resipiscentiā fleantur. His
 aquis perfusus Dauid, in persona percussi & pœnitētis pec-
 catoris, dixit: *Saluum me fac Domine, quoniā intrauerūt aqua* ^{Psal. 68.}
vsque ad animam meam. Nam vt aqua omnis per se insipida
 est, & ad omnem saporem accipiēdum apta; sed per calorem
 solis educto vapore terrestri, sal sedinem induit, acrē quidem,
 sed ad multa vtilē & salutarem; & sicut *pāri motu exagitatum* ^{August. de Ciuit.}
exhalat horribiliter cœnum, & suauiter fragrat vnguentum: sic ^{Dei, lib. 1. cap. 8.}
 planē tribulatio per se res indifferens est, potestq; vel in bo-
 num, vel in malū verti: sed à Deo immissa, & per eius diuinæ
 gratiæ operationem, quæ fuisset per se peccato insipida, fit
 pœnitenti compunctio sapida, non quidem sapore dulci, sed
 salso, vtilissimo tamen: *quia tristitia qua secundum Deum est,*
pœnitentiam in salutē stabilem operatur. ^{2. Cor. 3.} Tantum interest, non
 qualia, sed qualis quisq; patiatur. Sanē sicut ceruus dum ni-
 mis virgetur à canibus, ad hominem spontē fugit; sic tribu-
 lationes peccatorem quasi canes quidam persequētes, & for-
 titer prementes, ad Dominum redire cōpellunt, iuxta illud
 Psalmistæ: *Imple facies eorū ignominia, & quærent nomen tuum*
Domine. Denique sicut armētarij, vel pastores, boues & oues ^{Psal. 82.}
 refractarias, ac sequi nolentes, vel fune ligant, vel virga per-
 cutiunt, vel stimulis adigunt; sic obstinatos peccatores, &
 Deum sequi nolentes, vel duris calamitatum funibus alligat
 Deus, iuxta illud Osee, *In funiculis Adam traham eos in vin-* ^{Osee. 11.}
culis charitatis: vel virga disciplinæ & correctionis ferit; de
 qua Psalmista, *Virga directionis,* id est, virga in viam dirigens, ^{Psal. 44.}
virga regni tui: vel stimulis tribulationum pungit; de quibus
 alius Propheta: *Domine in angustia requisierunt te, in tribula-*
tione murmuris doctrina tua eis. Sicut *qua concipit, dum appro-* ^{Esaia 26.}
pinquauerit ad partum, dolens clamat in doloribus suis; sic facti
 sumus à facie tua Domine. *Concepimus, & quasi parturimus,*
 & peperimus spiritum salutis. Nempe tactus Dei & tribulatio
 cordi peccatoris quasi semen salutis immittitur, vnde con-
 cipit dolorem de peccato, parturit pœnitentiam bonam, &
 parit salutem stabilem.

7. *Adolescens, tibi dico, Surge.*

Locus moralis, vocante Christo, surgendum esse à pecca-
 to, & vocem gratiæ alacriter sequendam. Quod enim ^{Vox gratiæ au-}
 dienda.
 in

*De verb. Do-
min. Ser. 44.*

in hoc adolescente recenter mortuo, & ad sepulturam elato, Christus fecit, hoc in multis peccatoribus, qui peccato cōsentientes, etiam ad actū peccati profilierunt, sed nec dū in consuetudine peccandi sepulti sunt, operatur quotidie Christi gratia, quod his verbis explicat sanctus Augustinus: *Alij post consensum peccati eunt in factum, tanquam afferentes mortuum suum: ut quod latebat in secreto vitiū appareat in publico. Nunquid iam isti, quia in factum processerunt, desperandi sunt? Nōne & illi iuveni dictum est: Tibi dico, surge? Nōne & ille redditus est matri suae? Sic ergo, & qui iam fecerit, si forē commonitus & commotus verbo veritatis ad Christi vocem resurgit, vivus redditur. Potuit progredi, in aeternum perire non potuit. Qui autē faciēdo quod malum est, etiam mala consuetudine se implicant, hac pressi, tanquam sepulti sunt. Hæc ille. Qui ergo non potuit paruulos suos allidere ad petram, primas cogitationes & appetitiones peccati abicere, atque à consensu & delectatione temperare, qui post consensum ab actū, externo sibi non cavuit, id saltem maximo studio caveat, ne actus in consuetudinem transeat, ne mortuus & elatus sepultura obstruatur, ne claudat super eum puteus os suum; de qua re in præcedentibus dictum est. Nunquid qui cadit, nō adiiciet ut resurgat? Sicut clauus quo crebrius malleo percutitur, eo fortius & profundius ligno infigitur, quasi que radicitus; sic actus peccati, quo sæpius repetitur, eo altius animę infigitur, quasi que in ea radicitus, ut non nisi difficillimē euelli queat. De his dicit Propheta: *Profundē peccauerunt, sicut in diebus Gabaa*; siue effrenem libidinem virorum Gabaa circa Leuitæ uxorem, siue infidelitatem populi in diebus Saul, qui fuit de Gabaa, intelligas. Profundē enim peccat, qui longa peccandi consuetudine obduratus est, qualis fuit illorum libido, & horū infidelitas contra Deum. Sicut qui febre laborat, lenta illa quidem, sed hectica & assidua, si forē ob aliquam intemperantiam incidit in febrem quādam acutam, & perurgentem, facile eam expellit, & leni medicina curatur, manente tamen semper hectica febre: sic actus citō curatur, consuetudo autem peccandi difficillimē. Maximum saxum in montis cacumine nullo negotio sistitur; vbi in vallem præcipitari cœpit, vix vlla industria retinetur. Maxima iustorum peccata facile sanantur, impiorum autem qui imperiū in scelus currunt, nec mediocria, nisi difficillimē sanari possunt. Dauid celeriter ab adulterij flagitio & homicidij scelere resipuit; Saul frequenter Dei mandatis rebellans, reprobus fit: sed hoc ideo factum est.*

*Ierem 8.
Simile.*

*Osee 9.
Iudic. 19.
1. Reg. 3, & 13.*

Simile.

Simile.

Exemplum.

est, quia vocem Nathan Prophetæ Dauid audiuit, vocem Sa- 2. Reg. 19.
muelis Saul audire noluit. Vocem Dei non audit, qui vocem
prædicatoris non accipit. Assueti peccato, peccati illius repre- 1. Reg. 13.
hensionem non sustinent. Quicquid de illo peccato prædica-
tor dicit, non sibi, nec de se, sed aliis, & de aliis eum loqui ar-
bitrantur.

Sic hominem quasi extra se ponit peccatum, & amentem Peccatum amentem facit.
facit, vt licet ei propriè loquaris, & eius ei vitia aperias, ta-
men te non audiat, aut intelligat prorsus, sed ad alios, & de
aliis te loqui existimet. Quamdiu Nathan Prophetæ in alie-
na persona peccatum Dauidi exposuit, & parabolam induxit Exemplum.
de diuite multis oues habente, & ab eo, qui vnicam ouem
habuerat, eandem rapiente; placuit illi sermo, & seueram in
eum sententiam protulit: nihil tamen adhuc emendatus est.
Atqui vbi primum intulit Prophetæ, *Tu es ille vir*; moxq; pec- 2. Reg. 12.
catum eius apertè ei proposuit: audita Prophetæ voce, quia
recenter mortuus fuerat, necdum peccati consuetudine se-
pultus, *resedit qui erat mortuus, & cæpit loqui, dicens: Peccaui.*
Beati qui sic vocem Dei audiunt. Similem Ioannis Baptistæ
vocem Herodes audire non potuit, quum ei diceret: *Non li-* Marc. 3.
cet tibi uxorem habere fratris tui, sed vera & salutaria lo-
quentem, in vincula coniecit, visco videlicet consuetæ libi-
dinis irretitus. Hoc bonorum & impiorum discrimen expres-
sit Sapiens: *In memoria sermonum tuorum examinabantur, &* Sapient. 16.
sanabantur velociter: ne in altam incidentes obliuionem, nō pos-
sent tuo vti adiutorio. Hoc de filiis Israel in deserto dicit, qui
perculsi à serpentibus, erecto tamen æneo serpente, & eum
ex Dei præcepto aspicientes, sanati sunt. At de impiis Ægy-
ptiis ibidem dicit: *Illos locustarum & muscarū occiderunt mor-*
sus, & non est inuenta sanitas anima illorum, quia digni erant ab
huiusmodi exterminari: nempe propter odium inueteratum
contra populum Dei, & propter pertinaciam non dimittendi
illos. Israelitæ verò, etsi in deserto peccantes, tamen *in memo-*
ria sermonum Dei, id est, audientes vocem eius per Moysen,
eorum peccata redarguentem, *velociter saluabantur*, citò
resipiscentes, ne actus in consuetudinem abiret, & *in altam*
incidentes obliuionem, non possent Dei vti adiutorio Vocis diui-
næ neglectus parit obliuionem Dei & sui: obliuio Dei & sui
generat consuetudinem peccati: consuetudo peccati omne
Dei adiutorium excludit. Sic alia Scriptura: *Vocaui, & renui-*
sis, ego quoque in interitu vestro ridebo. Qui nō audit matrem Prou. 1.
blandientem, postea audiet nouercam obstrepentem. Vox
matris

mattris blandientis, est Ecclesiæ ad pœnitentiã vocantis: vox noueræ obstreptentis, est eiusdem obiurgantis & excommunicantis. De hac voce Paulus: *Vellem esse apud vos modò, & mutare vocem, quoniam confundor in vobis.* Non enim vox matris, sed noueræ illa erat: *O insensati Galatæ, quis vos fascinauit non obedire veritati?* Hanc vocem mutare cupit, vt tanquam filiis blandè loquatur; non tanquam reprobos & adulteros, quasiq̃ue extra disciplinam factos. abiiciat & deserat. Qui Christi blandam vocem nunc non audit, *Venite ad me omnes qui laboratis, & ego reficiam vos* vt à peccato resurgat; audiet postea vocem illam terribilem: *Ite maledicti in ignem æternum;* vt in peccatis suis moriatur. Qui nec per literas sacrarum Scripturarum, nec per vocem prædicationis externę, nec per nutus & signa rerum creatarum, (*Cali enim enarrant gloriam Dei, & iustitiam eius*) nec per nuncios & flagella tribulationum, quibus loculum corporis nostri tangit, Deum audire vult, ille proflus vt surdus ac cæcus pereat necesse est. Sicut pullus, qui gallina vocante non venit, granum aliquod è terra scalpens, à miluo interea sæpe capitur; sic terreni peccatores, Dei vocem non audientes, quia terrenis curis & voluptatibus derinerur, in diaboli laqueos incidunt. Conqueritur apud Iob Deus: *Seruum meum vocaui, & non respondit mihi; ore proprio deprecabar illum.* Cuius rei pœnã apud alium Prophetam addit *Omnes in cade corruetis, eo quòd vocaui, & non respondistis mihi.* Quod maximum flagitium acerrimè alius Prophetam increpat *Quare auersus est populus iste in Ierusalem auersione contentiosus? Apprehenderunt mendacium, & noluerunt reuerri.* Vnde paulo pòst subiungit: *Idcirco cadens inter corruentes; in tempore visitationis sue corruent, dicit Dominus.*

Huiusmodi peccatores, peccandi consuetudine prægrauati concipiunt quidem, & parturiunt (vt Prophetam loquitur) *sed non pariunt spiritum salutis.* Timorem inferni, ex fide informi concipiunt, & quoddam peccatorum odium parturiunt, quia displicent sordes peccati; sed vitiõrum catena religati, & consuetudine victi, iacent semper & voluntantur in eisdem.

Horum est miserrima conditio, & status lachrimabilis. De his enim dici illud potest: *Venerunt filij vsque ad partum, & vires non habet parturiens.* Nullus acerbior dolor cogitari potest, quàm is quem sustinet mulier appropinquans ad partum, & pariendi vires non habens, &c. De hoc argumento vide

Gal. 4.

Gal. 3.

Matth. 11.

Matth. 23.

Psal. 18.

Simile.

Job 19.

Esaia 65.

Ierem. 8.

Esaia 26.

4 Reg. 10.

vide plura in Dominica 9. post Pentecosten, textu 1. & 4. aliisque in locis illic annotatis.

EVANGELIVM DOMINICÆ XVI.

POST PENTECOSTEN.



*C*um intraret Iesus in domum cuiusdam ^{Lucæ 14.} principis Phariseorum sabbatho manducare panem, & ipsi obseruabant eum, Et ecce homo quidam hydropicus erat ante illum. Et respondens Iesus, dixit ad Legisperitos & Phariseos, dicens: Si licet sabbatho curare? At illi tacuerunt. Ipse verò apprehensum sanauit eum, ac dimisit. Et respondens ad illos dixit: Cuius vestrum asinus, aut bos in puteum cadet, & non continuo extrahet illum die sabbathi? Et non poterant ad hæc respondere illi. Dicebat autem & ad inuitatos parabolam, intendens quomodo primos accubitus eligerent, dicens ad illos: Cum inuitatus fueris ad nuptias, non discumbas in primo loco, ne forte honoratior te sit inuitatus ab illo, & veniens is, qui te & illum vocauit, dicat tibi, Da huic locum; & tunc incipias cum rubore nouissimum locum tenere. Sed cum vocatus fueris, vade; recumbe in nouissimo loco; ut cum venerit qui te inuitauit, dicat tibi: Amice, Ascende superius. Tunc erit tibi gloria coram simul discumbentibus. Quia omnis qui se exaltat, humiliabitur: & qui se humiliat, exaltabitur.

PERICOPÆ moralis huius Euangelij.

1. Cum intraret in domum cuiusdam Pharisei manducare panem. De benigna ac beneuola piorum cum impiis conuersatione.
2. Et ipsi obseruabant eum. De inuidia & maleuolentia, qua aliorum dicta & facta obseruantur ac reprehenduntur.

3. *Et respondens Iesus, dixit ad Legisperitos.* De cogitationibus nostris vniuersis Deo conspicuis.

4. *Si licet sabbatho curare?* De pia ac religiosa festorum celebratione.

5. *Ipse verò apprehensum sanauit eum, ac dimisit.* De proximorum cura nullo tempore prætermittenda.

6. *Intendens quomodo primo accubitus eligerent, dicit ad illos: Cum inuitatus fueris ad nuptias, nò discumbas in primo loco.* Contra ambitionem, & prælaturæ desiderium.

7. *Cum vocatus fueris, vade, recumbe in nouissimo loco.* De sui ipsius perpetua humiliatione.

1. Cùm intraret in domum cuiusdam Pharisei manducare panem.

Conuersatio
benigna cum
peccatoribus.

LO C V S moralis de benigna ac beneuola piorum, maxime sacerdotum, cum peccatoribus & impiis conuersatione, vt eos ad pietatem excitent, & Deo lucrifaciant. Christus hoc loco intrat domum principis cuiusdam Phariseorum, manducare panem, mensæque familiariter accumbere; in qua tamen domo sciebat tam hospitis sui, quàm sociorum eius insignem erga se malevolentiam; nec alia de causa inuitatum se eò fuisse, quàm vt in aliquo vel verbo vel facto eum caperent, & reprehendendi atque accusandi rationem inuenirent. Mox enim vt intrauit, *ipsi obseruabant eum.* Deinde rogante eo an liceat sabbato curare, *tacerunt,* maleuolè; malentes eum per errorem peccare, quàm ab ipsis, qui se magistros morum profitebantur, ab errore reuocari. Christus nihilominus intrat ad illos, accumbit mensæ, manducat cum illis, sanat hydropicum; siue spontè ingressum, vt à Christo sanaretur; siue ab illis subornatum, vt, an sabbatho sanare vellent, Christum tentarent. Docet legitimum sabbathi cultum. Ambitionis morbum animis eorum eximere, & humilitatis præstantissimam virtutem inferere, accurato sermone conatur. Hæc tota Christi benignitas erga homines impios & maleuolos, docere nos debet, peccatorum consortium, quando illis vtile, nobis ipsis innoxium est, minimè fugiendum, sed studiosè amplectendum esse; vt nostra opera, labore, doctrina, exemplo meliores fiant. Hunc locum in alijs Dominicis iam aliquoties tractauimus; in illa verba: *Simile est regnum cælorum fermento, &c.* Dominica 6. post Epiphaniam. Rursum ad illa verba: *Erant appropinquantes ad Iesum publicani & peccatores, vt audirent*

Text. 3.

audirem illum. Itemque ad illa Phariseorum verba: *Hic peccatores recipit, & manducat cum illis.* Dominica 3. post Pentecosten. *Text. 1. & 3.* Huc etiam referri possunt, quæ de zelo animarum, & lucrandis Deo fratribus, in alijs Dominicis protulimus. Dominica 2. post Pascha, textu 2. & nona post Pentecosten, textu primo; undecima quoque post Pentecosten, textu primo; denique tertia post Pentecosten, textu tertio.

2. *Et ipsi (Pharisæi) obseruabant eum.*

Locus moralis de inuidia & maleuolentia, quæ aliorum *Observatores*
 dicta & facta obseruant, vt reprehendendi, detrahendi, maleuoli,
 accusandi causas inueniant. Hic enim Pharisei Christum
 ad mensam & conuiuium inuitatum, qui recreationis bene-
 uolæ, non maneolæ obseruationis locus erat, detrahendi
 & accusandi studio obseruant quid agat, quid dicat, quo
 modo se gerat. Est hoc totum superbiæ, inuidiæ, maleuolen-
 tiæ proprium, curiosos esse aliorum inspectores, obseruato-
 res, corycæos, censores: nec in alios magis hoc scelus cadit,
 quam qui alios sanctitate, pietate, eruditione, præcellere vi-
 deri volunt, & Pharisei sunt. Hos detestatur Propheta, di-
 cens: *Vt, qui potum dat amico suo, mittens fel suum, & inebrians, Abac. 2.*
vt aspiciat nuditatem eius. Hypocrita enim sub specie hono-
 ris & amicitie mittit fel maleuolentiæ suæ, vt videat nudi-
 tatem, id est, lapsum aliquem aut errorem fratris sui. *Observabit peccator iustum, & stridebit super eum dentibus suis. Psal. 36.*
Considerat peccator iustum, & querit mortificare eum. Et iterum,
 siue de seipso, siue de Christo, siue de quolibet iusto Dauid: *Psal. 55.*
*Tota die verba mea execrabantur, aduersum me omnes cogita-
 tiones eorum in malum.* Hoc maleuolentiæ proprium, omnia
 obseruare, omnia in pessimam partem interpretari, magna
 libidine non subditos aut inferiores tantum, sed ipsos ma-
 ximè æquales suos, reprehendere. Sed istis Phariseis nihil
 miserius, nihil sceleratius. Qui candelam ardentem digitis *Simile.*
 proprijs mungit, candelæ quidem lumen clarius efficit, suos
 autem digitos & maculat & adurit: Sic qui iusto detrahit, &
 libenter eum taxat; suam quidem mentem & conscientiam
 fœdè contaminat, vehementerque lædit; iusto autem meriti
 materiam præbet, eiusque famam celebriorem facit. Ab im-
 probis enim vituperari, laus est. Deus nunquam Moysen ma-
 gis laudauit, quam quum Aaron frater, & Maria soror eius
 contra eum murmurarent, eiusque gloriæ detraherent.

*Cura pastor.
par. 3. cap. 33.*

Simile.

*Galat. 6.
In Ezzech. Ho-
mil. 13.*

Simile.

*Moral. lib. 7.
cap. 7.*

2. Ioan. 3.

Ioan. 8.

Isti maleuoli hypocritæ in cathedra pestilentia sedent. *In cathedra enim pestilentia sedere* (ait S. Gregorius) *est ex ratione mala discernere, & tamen ex deliberatione perpetrare.* Destinata enim malitia obseruant & reprehendunt fratres, non vt eos meliores reddant, sed vt infames faciant, suæque libidini subseruiant. Qui Christi crucifixi imaginem aliqua fortè macula aspersam, aut loco parum honesto collocatam, lutoque iniectam, non luto extraheret atque ablueret, suoque loco reponeret, sed vel digito alijs ostentaret, vel irrideret; non solum pessimus Christianus, sed etiam hæreticus aliquis, aut infidelis, merito iudicaretur. Eodem sanè modo, qui proximum suum Dei imaginem, aliquo seu vero seu apparenti vitio fœdatum non fraternè corripit, sed malitiosè obseruat, digito notat, irridet, taxat; vix Christiani aut proximi nomine censendus erit. Apostoli dictum est: *Alter alterius onera portate, & sic adimplebitis legem Christi.* id est, præceptum charitatis. *Tantum quisque portat proximum, quantum amat:* (ait sanctus Gregorius) *si enim amas, portas; si desysisti amare, desysisti tolerare.* Frustra se iactat proximum suum amare, qui errata eius non solum non portat compatiendo, sed etiam protrudit & propalat obseruando, notando, arguendo. Nihil magis charitati aduersum, nihil magis animæ perniciosum. *Quemadmodum enim charitas* (vt scribit diuus Gregorius) *inclinatione sua erigitur, attractione tenditur, compassione roboratur; cumque in amorem proximi se dilatat, quasi ex meditatione colligit, quanta fortitudine in authorem surgat:* sic è diuerso odium & maleuolentia, in obseruando proximos, inflatione sua deprimitur, auersione dissipatur, alieni mali oblectatione infirmatur; cumque odio proximi mens constringitur, quasi ex meditatione colligit, facileque considerat, quanta profunditate ab authore suo ceciderit, à Dei amore quàm longè absit. *Quomodo enim Deum, quem non videt, potest diligere, qui fratrem, quem videt, non diligit?* Quisque capitis sui stylum & genium sequitur. Iudæis maleuolis Christus dixit: *Vos ex patre diabolo estis, Ille homicida,* id est, maleuolus, inuidus, hostis humani generis, *ab initio fuit. Desideria patris vestri vultis facere.* id est, me iustum, & quem de peccato arguere non potestis, quæritis interficere, & odio odistis me gratis. Ex patre diabolo omnes obseruatores maleuoli sunt, & patris sui desideria faciunt, proximi sui perniciem & infamiam quæunt, correctionem & emendationem non affectant. Sicut enim dia-

bolus

bolus circuit tanquam leo rugiens, quærens quem deuoret; sic filij diaboli, maleuoli, & inuidi, quos obseruent, quos carpant, quos mordeant, quibus caninum dentem infigant, sollicitè quærent. A spiritu & nomine Christiano longissimè isti recesserunt. Pulchrè Cyprianus: *Deus est, qui inhabitare facit unanimes in domo. Idcirco & in columba venit Spiritus sanctus, simplex animal, & latum, non felle amarum, non moribus sauum, non unguium laceratione violentum, hospitium humana diligere, unius domus consortium nosse; cum genuerint, simul filios edere; cum commeant volatilibus, inuicem coherere; communi conuersatione suam vitam degere, oris osculo concordiam pacis agnoscere, legem circa omnia unanimiter implere, Hæc est in Ecclesia noscenda simplicitas, hæc charitas obtinenda, ut columbas dilectio fraternitatis imitetur, ut mansuetudo & lenitas agnis & ouibus aquetur. Quid facit in pectore Christiano luporum feritas, & canum rabies, & venenum lethale serpentum, & cruenta sauitia bestiarum?* Hæc ille. Porro & suo maximè authori pharisaica hæc alios obseruandi & reprehendendi libido noxia est, & perniciofa. *Quemadmodum enim* Simile.
 eos hoc proprium habet, quòd dum ipsa ferrum aut cultrum acuit, semetipsam acuendo consumit, maximè aqua ei superiecta, quia tunc aciem acerrimam reddit, oleo verò delibuta lenem facit: sic omnino aliorum obseruatores & reprehensores maleuoli, dum aliorum vitia corrigunt, semetipsos maleuolentiæ vsu & incremento consumunt; iuxta illud Apostoli, *Quòd si inuicem mordetis & comeditis, videte ne* Ga'at. 5.
ab inuicem consumamini: maximè quum austerè, asperè, arroganter, & maleuolè id fit, toto effuso impetu in modum aquæ. Nam addito charitatis & compassionis oleo, non nisi leuem plagam reprehensio facit; & sanat, non vulnerat. Maleuola & iniusta reprehensio reprehendentem ferit & lædit, non eum qui reprehenditur. Sicut enim fluctus sæuientis maris rupi duræ, aut saxi illi, seipso quidem frangunt, & in spumas inanes resoluuntur, manet autem rupes immobilis nec loco nec conditione mutata: sic maleuolus Phariseus & obseruator atque obrectator inuidus, in virum iustum incurrens, & sua eum maleuola obrectatione feriens, illū sanè nec lædit, nec deturbat; ipsemet verò in seipso frāgitur, atteritur, totūsq; inuidia & maleuolentia cōsumitur & cōtabescit.

3. Et respondens Iesus, dixit ad Legisperitos & Phariseos.

Locus moralis de cogitationibus nostris primis & mini-

Cogitationes
Deo patentes.

mis, Deo semper patentibus atque conspicuis. Christus enim hoc loco, non verbis ullis Legislatorum aut Pharisæorum, sed solis eorum cogitationibus, & maleuolæ reprehendendi studio, quod animo conceperant, respondit. Putabant illum sabbathi violatorem esse, si sabbatho quempiam curaret. Hanc eorum vanam & maleuolam cogitationem ut Deus videns atque cognoscens, ei occurrit. Docet hic locus, omnes hominum cogitationes Deo esse peruias & manifestas. Docet idem, quanta debet esse non oris tantum & operis, sed & cordis nostri custodia, ne quid in eo Deum offendant. Monet Propheta: *Auferte malum cogitationum vestrarum.* Et alius: *Quæ dicitis in cordibus vestris, compungimini.* Aquilla pullos suos, quos in nido habet, aduersus solem ponit, ut illum veluti authorem vitæ cognoscant; sol enim & animal generant hominem: quos autem videt solem intueri, eiusque radios ferre non posse, è nido tanquam spurios & alienos deturbat. Sic nos paruas adhuc cogitationes nostras, recentèrque natas, seu nascentes potius, versus iustitiæ solem dirigamus; ut ad eum oculos leuantes, eum authorem ac Dominum cognoscant: quæ verò Deum intueri nolunt, nec audent, quia terram & carnem respiciunt, tanquam extraneas & illegitimas ab animæ nido primo quoque tempore eiciamus. Postquam *Dominus est qui scrutatur corda & renes omniæque sunt nuda & aperta oculis eius;* & ut ait Sapiens, *Respicit Dominus vias hominis, & omnes gressus eius considerat:* vel hæc sola consideratio ab impietatis studio auocare deberet, quod fecit Dauid, dicens: *Prouidebam Dominum in conspectu meo semper: quoniam à dextris est mihi, ne commouear.* Quare diuus Basiliius interrogatus, cuius animus temerè euagatur, otioque se dat, quis frequenter irascitur, quis humanas laudes auidè captat, quis ad opera spiritualia piger est, quis actiones suas ad Dei gloriam non refert, quis inter orandum mente semper distrahitur, ad hæc singula hoc vnum respondit: *Qui non semper cogitat, Deum cogitationum & actionum suarum inspectorem esse.* Hæc enim una recordatio, si assidua esset, contra omnia vitia sufficiens remedium esse posset. Hæc ille. Id his exemplis patebit. Sancto Ephrem commemorante Edeßæ, meretrix quædam per fenestram eius prospiciens, Tecum, inquit, dormire volo. Tum ille, Si vis, inquit, mecum dormire, ego locum designabo. Illa annuente, Non alio, inquit, loco tecum congregiar, nisi in medio ciuitatis. Illa pudorem allegante, Et quomodo,

ait

Esaia 1.

Psal. 4.

Simile.

Plin. lib. 10.

cap. 3.

Dei præsentia
semper cogi-
tanda.

Jerem. 7.

Hebr. 4.

Prou. 5.

Psal. 15.

In Reg. breu.

resp. 21. 28.

34. 37. 196.

& 201.

Exempla

In vita eius
apud Surium,
ons. 2. p. 770.

ait Ephrem, non te pudet coram Dei oculis id facere? Quo sermone capta ipsa meretrix est; & non ita multo post conuersa, monasticam vitam egit. Sic & sanctus Vincentius, *In vita eius, lib. 1. cap. 13. Sur. tom. 2.* Ordinis Prædicatorum lumen illustre, meretricem quandam in cellam eius de nocte introductam, pretiòque conductam, vt integerrimam eius castitatem violaret, loci arcanum nihil attendens, sed Deum præsentem ante oculos habens, grauissima oratione commonefactam atque compunctam, è cella expulit. Panusius Abbas, à Thaide meretrice tentatus, quum se assentiri simularet, si loco aliquo ita secreto conuenire possent, vt à nemine conspicerentur; quum ab illa de cubiculo in cubiculum deduceretur, semperque conspectum alicuius causaretur, & illa locum ita secretum atque occultum esse deierat, vt à nemine, præterquam à Deo, illic conspici posset; captata occasione rogat an Deum esse, & omnia videre, crederet. Annuienti ille subiunxit: Cum hoc non ignoras, nonne infelicissima es, quæ propter breuissimi temporis voluptatem, & te, & omnes quibus tui copiam facis, perditum eas? His auditis, vehementer compuncta, pudicè postmodum, castèque vixit. Sic isti omnes hunc versiculum tenebant: *Prouidebam Dominum in conspectu meo semper, &c. quem quidem omnes* (ait Collat. 12. Cassianus) *solita psallendi modulatione concinimus, virtutem* *cap. 5.* *verò eius non nisi pauci, expertique percipiunt. Quamquam & Apophthe-* *gmata.* *ipsi ethnici videre hoc potuerunt. Thales Milesius dicebat, Homines existimare oportere, deos omnia cernere, deorumque* *Laërt. lib. 1. Cic. lib. 3. de legib.* *omnia esse plena; & ita fore omnes castiores, si, Deo teste & inspectore, se omnia agere crederent. Quam sententiam sic* *Fulgos. lib. 7. cap. 2.* *alius ethnicus laudat, vt dixerit: Omnem virtutis philosophiam hoc uno verbo vir sapiens complexus est. Athenodorus quoque alius philosophus dicere solebat, ita cum hominibus homines v. uere debere; ac si Deus omni loco ac tempore actiones nostras intueretur. Quare idem Thales roga-* *Laërt. lib. 1. Epist. 10.* *tus, an homo malè agens deos lateret; respondit, Ne cogitans quidem. Sed & Seneca scripsit: Sic viue cum hominibus, quasi Deus te videat. Adeò & illi videre potuerunt quod nos non aduertimus, dicente iterum Scriptura: Oculi mei semper ad* *Psal. 14.* *Dominum, quoniam ipse euellet de laqueo pedes meos. Ideo Deus euellet, quia semper ante oculos habetur.*

4. Si licet sabbatho curare?

Locus moralis de pia ac religiosa festorum celebratione. Festorum ce-

lebratio.

Z 3

Quum

Iudæorum superstitio.

Quum enim Christus hoc loco supersticiosam sabbati Iudæici celebrationem taxauerit, & correxerit: illi autem sabbatho Iudæico Dominica dies, aliaque Christianorum festa successerint; satis opportunè de simili superstitione in festis nostris cauenda, adcoque de legitima & religiosa eorundem celebratione, dicere hoc loco concionator poterit. Præceptum de obseruâdo sabbatho non prohibeat vlla opera necessitatis, aut charitatis erga proximos. Necessitatis opera non fuisse interdicta Christus hic docet, quia bouem aut asinum de fouea extrahebant Iudæi, ne periret: quibus tamen alij Iudæi magis erant superstitiosi, vt de Salomone quodam Iudæo, quum olim in Anglia Iudæi versarentur, nostri Annales referunt. Quum enim in cloacam die sabbathi cecidisset, nec inde eo die extrahi veller, dicens;

Sabbatha sancta colo, de stercore surgere nolo:

ex sententia iudicis loci, die Dominica sequenti non fuit extractus; respōdente ei patre familias cum quo versabatur:

Sabbatha nostra quidem Salomon celebrabis ibidem.

Numer. 33.

Sed & iuxta Legem sacerdotes in templo operabantur in sabbatho; coquere quoque in sacrificiorum vsum in sabbatho; licebat: Machabæi etiam necessitate compulsi, bellum in sabbatho prosperè gerebant. Ad charitatis opera quod at-

2. Machab. 2.

Contra Adimantum, cap. 3.

tinet, sic sanctus Augustinus: *Sabbathi obseruationes non intelligebant Iudæi: qui putabant ab ijs etiam operibus, quæ ad salutem hominum valent, debere cessari.* Sic igitur statuit lex

In Decret. tit. de ser. C. Conquest.

Christiana: Omnibus solemnibus feriis in honorem Dei, & Sanctorum institutis, nisi vel necessitas urgeat, vel pieras suadeat, ab omni strepitu iudiciali, & consequenter ab omni opere seruili, cessare oportet. Quid sit autem opus seruile, ex hac D. Thomæ distinctione explicari poterit: Qua-

Opus seruile.

D. Thom. 2. 2. q. 3. art. 4. ad 3.

tuor sunt genera operum. Quædam sunt opera animi, vel quæ præcipuè referuntur ad animum. vt studere, docere, legere, scribere literas, &c. Huiusmodi non prohibentur quidem die festo, etiam si fiant propter lucrum; quia non sunt seruilia, sed liberalia; nec naturam operis, finis operantis mutare potest: quatenus tamen Dei cultum impediunt in festis requisitum, non absque peccato fiunt. Quædam sunt opera corporalia, communia tam seruis quàm liberis, vt equitare, militare, pulsare instrumenta, venari. Nec hæc prohibentur per se, nisi quatenus impediunt Dei cultum, cui cui dies isti maximè destinantur. Alia sunt opera corporalia, quæ cōueniunt tantum seruis, non liberis seu nobilibus;

vt artes

ut artes mechanicæ, quæ omnino prohibentur, nisi vel ex necessitate, vel charitate, vel etiam animi causa fiant, absque spe lucri. Quædam adhuc sunt opera seruilia, non ex natura sua, sed ex constitutione Ecclesiæ, ut mercatus; nisi forte talis qui semel contingat in anno, ut strepitus iudicialis, ut iuramentum præstare in iudicio. Cessandum igitur quidem ab omni opere seruili, in diebus diuino cultui specialiter dicatis; ita tamen, ut & necessitatis humanæ, & charitatis Christianæ ratio non negligatur. *A sanctis Patribus nostris* (ait sanctus Augustinus) *constitutum est, & Christianis mandatum, ut Dominicis diebus otium haberent, & à terreno negotio vacarent, ut paratiores & promptiores essent ad diuinum cultum; ut relicta terrena sollicitudine, facilius in Dei intenderent voluntatem.* Hæc ille.

Tria erant Iudæorum seu vitia seu errata circa sabbathi cultum: quæ singula si vitentur, festorum cultum religiosè tenebimus. Primum obseruabant in vetustate literæ, non in nouitate spiritus: non intelligentes quò illà obseruatio referretur, quidve significaret, & sic dies & annos, ut Apostolus loquitur, obseruabant. *Iudæi* (ait Augustinus) *seruili-ter obseruabant sabbathum, non intelligentes ad quarum rerum significationem & prænuntiationem pertinerent.* Hoc in eis culpat Apostolus, dicens: *Dies obseruatis, & menses, & annos, & tempora: & in omnibus aliis culpat, qui seruiunt creaturæ potius, quàm Creatori.* Nam nos quoque & Dominicum diem, & Pascha sollemniter celebramus, & quaslibet alias Christianas dierum festiuitates. Sed quia intelligimus quò pertinent, non tempora obseruamus, sed quæ illis significantur temporibus. Significat autem nostra dies Dominica, quæ est perpetua resurrectionis Dominicæ memoria, ut cū Christo in nouitate vitæ resurgamus. quod sic docet Apostolus: *Cõsepulti sumus cum Christo per baptismum in mortem: ut quomodo Christus resurrexit à mortuis, ita & nos in nouitate vitæ ambulemus.* Cultus ergo sabbathi, est totius vitæ puritas & innocentia. Rursum: Christi resurrectio docet nos cœlestia quærere, sapere, meditari, non terrena; iuxta illud Apostoli: *Si cõsurrexistis cum Christo, quæ sursum sunt sapite; quæ sursum sunt quærite, non quæ sunt super terram.* Vitæ ergo puritas, & cessare à peccato, quod est opus seruile; amare cœlestia, non terrena, perpetuus quidem est Christianorum sabbathismus, sed in ipso sabbatho Christianorum accuratius tenendus. *Dominico die* (ait sanctus Gregorius) *à labore terreno cessandum est.*

3. Iudæorum vitia in cultu sabbathi.
1.

Sabb. obseruatio spiritualis, non literalis.
Contra Adimant. cap. 16.
Galac. 4.

Dominicæ cultus quid doceat
Rom. 6.

Celoss. 3.

Epist. lib. 11.
Epist. 3.

est, atque omni modo orationibus insistendum: ut, si quid negligentia per sex dies agitur, per diem resurrectionis Dominica precibus expietur. Apud Iudæos in sabbatho duo agni offerebantur, in aliis vero diebus vnus tantum, præterquam in solennitatibus & calendis. Typus erat pietatis nostræ quotidianæ, in festis Christianorum geminaudæ. Apponit Christostomus: *Centum & sexaginta horas habente hebdomada, vnā & solam horam sibi segregauit Deus* (horam dicit Missæ, seu Liturgiæ ecclesiasticæ, cui omnes eo die interesse tenentur) *& hanc in opera secularia, & ridicula, & conuenticula infumit?* Accommodatè quoque sanctus Ambrosius. *Festus dies Domini est, ubi perfecta virtutum gratia est, quæ tunc perfecta sunt, si sollicitudinum secularium, & corporalis illecebræ victor animus delinimenta voluptatum excludat liber à seculo. Deo dedit.* Hoc est sabbathum delicatum, seu spirituale, de quo Eſaias Propheta: *Si vocaueris sabbathum delicatum, & glorificaueris Deum, dum non facis vias tuas, & non inuenitur voluntas tua, tunc delectaberis super Dominum.* Qui ergo diebus Dominicis & festis laxius viuunt, plus peccato indulgent, suas voluntates & delideria magis exequuntur, quàm in cæteris diebus, quos in iustis & honestis laboribus transigunt, isti planè Iudaicè ad vetustatem literæ, nihil minùs quàm Christianè in nouitate vitæ & spiritus festum celebrant. de quo mox plura.

Num. 28.

Typus.

Hom. de Eucharistia. 3.

De Cain & Abel, lib. 2. cap. 2.

Eſaias 58.

2.
Sabbathi obseruatio liberalis, non seruilis.

Iob 33.
Roman. 8.

Prouerb. 8.
Psalm. 72.

3.
Non de sabbatho gloriari, sed in eo gratias Deo agere.

Aliud Iudæorum vitium erat, quod ab opere seruili in sabbatho, non ex amore iustitiæ, sed ex timore pœnæ, id est, non liberaliter, sed seruiliter, abstinabant. Qui hodie, adueniente festo, vel gaudet propter corporis recreationem, vel dolet propter lucri cessationem, is Iudaicè & seruiliter obseruat. Verus Christianus de festo gaudet, quia in eo liberius Deo suo vacabit, quasi ad spirituales epulas à Spiritu sancto inuitatus, dicente: *Gustate, & videte quàm suavis est Dominus. Non enim accepimus spiritum seruitutis iterum in timore, sed spiritum adoptionis filiorum Dei, in quo clamamus: Abba pater.* Hic spiritus dilectionis facit sapere & amare ea quæ Dei sunt, in Dei cultu delectari, & sabbatha delicata excolere. Sicut enim *delicia Dei, esse cum filiis hominum; sic delitiæ filiorum Dei, esse cum Deo; in eius cultu & seruitio occupari.* Illorum vox est: *Quàm bonus Deus Israël, his qui recto sunt corde.*

Aliud Iudæorum vitium erat, quod sabbathum celebrantes, in sabbato gloriabantur, sicut in cæteris legalibus, quasi ex nuda

ex nuda illa obseruatione iustificari, nec dei beneficia illis collata recolentes, nec de illis gratias Deo agentes, nec ex mera Dei, & gratuita gratia: sed iure quodam hæreditatis paternæ, quia semen Abraham erant, ad peculium & populum Dei se pertinere arbitantes. Sic ad Christum dicebant: *Nos semen Abraham sumus; nemini seruiuimus unquam. Pater noster Abraham est. Nos ex fornicatione nati non sumus. Vnum patrem habemus Deum.* Sed Christus illis respondet: *Si filius vos liberauerit, tunc verè liberi eritis.* De qua libertate Apostolus dixit: *Vbi Spiritus Domini, ibi libertas.* Et iterum: *Lex spiritus vita in Christo Iesu, liberauit me à lege peccati.* Et paulo antè: *Quis me liberabit de corpore mortis huius? Gratia Dei, per Iesum Christum Dominum nostrum.* Et in Euangelio, Zacharias: *Daturum se nobis, ut sine timore inimicorum nostrorū (pessimarum affectionum, quæ faciunt omnia aspera videri) liberati, seruiamus illi in sanctitate & iustitia.* Hanc liberationem spirituales à seruitute peccati, Iudæi agnoscere volebant, satis habentes, quodd sabbatha & neomenias, cæteraq; legalia festa & cæremonias celebrarent. Sed de illis Paulus: *Israël sectando legem iustitiæ, in legem iustitiæ non peruenerunt: quia non ex fide, sed quasi ex operibus.* id est, ut exponit Augustinus, *quasi legem per semetipsos operantes, non in se credentes operari Deum.* Vnde iterum Apostolus: *Ignorantes Dei iustitiā (id est, eam quæ ex Deo, Deique gratia & adiutorio) & suam volentes statuere (id est, quæ ex seipsis erat, legem scriptam suis naturæ viribus seruantibus) iustitiā Dei non sunt subiecti.* id est, Christi Mediatoris fidem & gratiam, per quam lex impleretur, non agnouerunt, non sunt amplexi, nec ei se subdere voluerunt, ut per eam iustificarentur. Vnde subiungit Apostolus: *Finis enim legis Christus, ad iustitiā omni credenti.* id est, finis seu perfectio legis Christus est: quia eius adiutorio lex perficitur, ut alibi idem Apostolus: *Finis præcepti charitas. Finem præcepti dixit* (ait Augustinus) *non quo præcepta pereant, sed quo perficiantur.* Sic finis legis Christus, non qua lex euacuetur, sed qua lex impleatur, idque ad iustitiā coram Deo ab omni credente: quia non nisi credentes à Christo adiuuantur. Iudæi autē Christi fidem spernentes, & consequenter gratia carentes, *requiescebant in lege* (ait Apostolus) *gloriabantur in Deo, nouerunt voluntatem eius, probabant utiliora, instructi per legem, confidebant seipsos esse duces cæcorum, &c.* sed interim, per præuersionem legis, Deum inhonorabant. Et ut Christus illis dixit:

Ioan. 8.

1. Cor. 3.

Rom. 8.

Rom. 7.

Lucas 1.

Roman. 9.

De spiritu & lit. cap. 29.

Roman. 10.

August. de spiritu & lit. cap. 29.

1. Tim. 1.

Præfat. in Psal. 31.

Roman. 3.

Moyſes dedit vobis legem, & nemo ex vobis ſervat eam. Totam hanc Iudæorum ſuperſtitioſam impietatem corrigit Chriſtianus, ſervando Eccleſiæ ſabbatha, cæterâq; tam Dei quam Eccleſiæ præcepta, non opere tantum externo, frequentando Eccleſiam & Sacramenta; aut ex opere illo externo ſolo, & per ſe coram Deo ſe iuſtincari, aut ſabbathum rectè & legitime excolere arbitrando: ſed ex fide, & gratia Chriſti ea præſtâdo, eius beneficia in feſtorum celebritate maxime recolens, ei de omnibus gratias agendo. Hæc eſt propriè pietas, religio, Dei cultus, & ſabbathi obſervatio: vt in Deo, non in nobis, requieſcamus, vt illi gratias agamus. *Cultus Dei* (ait ſanctus Auguſtinus) ſeu pietas, quam Greci *θωοδία* vocant, in hoc maxime cõſtitutus eſt, vt anima ei non ſit ingrata. Vnde & in ipſo veriſſimo & ſingulari ſacrificio, Domino Deo noſtro gratias agere admonemur. Hoc in Miſſa Catholica fit, clamante ſacerdote, *Gratias agamus Domino Deo noſtro*: populôq; reſpõdente, *Dignum & iuſtum eſt*. Hæc eſt ſabbathi requies ſpiritualis, in Deo requieſcere, illi de omnibus acceptis beneficiis, cum magna animi demiffione, magnâq; alacritate, gratias agere; *Erit anima ingrata Deo* (ait eodem in loco Auguſtinus) ſi quod illi ex Deo eſt, ſibi tribuerit, præcipueq; iuſtitiam. Die igitur Dominico, aliisq; feſtis, illa prima cura eſſe debet, vt de omnibus naturæ, fortunæ, maximèq; ſpecialis Dei gratiæ donis ac bonis Deo gratias agamus. Hoc ſolum eſt obſequium, quod Deo præſtare poſſumus. *Illè enim bonorum noſtrorum non indiget.* In ſabbathis autem Deo obſequium præſtare, Deum ſpecialiter colere oportet. Hic eſt cultus, hoc eſt obſequium, vt non ſimur ingrati; vt humiliter in Deo ſolo, non in nobis, aut fortunis noſtris gloriantes illum authorem, benefactorem, ſervatorem, omne & ſummum bonum noſtrum recognoſcamus. Appoſitè Auguſtinus: *Quod eſt ſacratius laudis ſacrificium, quàm gratiarum actio? aut unde maiores agenda ſunt Deo gratia, quàm pro ipſius gratia, per Ieſum Chriſtum Dominum noſtrum? Quod totum fideles in ſacrificio illi fieri ſciunt, quod omnibus veteribus ſacrificijs ſucceſſit, & cuius umbra fuerunt omniũ priorum genera ſacrificiorũ.* Hæc eſt Miſſa Catholica. Nempe vt vetus ſabbathum erat gratiarum actio perpetua, pro liberatione de ſervitute Ægypti, dicente Moyſe Iudæis, *Memento quòd & ipſe ſervieris in Ægypto, & eduxerit te inde Dominus Deus tuus in manu forti, & brachio extento*; idcirco præcepit tibi, vt obſerves diem ſabbathi: eodem planè modo ſabbathum Chriſtianorum,

Gratiarũ actio
propriè Dei
cultus.

De ſpiritu &
lit. cap. 11.

Pſal. 115.

Contra aduerſa.
Legis & Proph.
cap. 18.

Typus.

Deuter. 5.

norum, est perpetua gratiarum actio, pro liberatione à seruitute peccati. Idcirco præcipitur nobis, eo die sacrificio illi interesse, quod in cōmemorationē mortis Dominicæ offertur Deo. Tunc enim illud cōmemoramus, de quo Apostolus dixit: *Dedit semetipsum pro nobis, ut nos redimeret ab omni iniquitate & mundaret sibi populum acceptabilem.* Hoc redemptionis beneficium in nostro sabbatho recolimus, gratias agentes Domino Deo nostro; quia verè dignum & iustum est, nos illi semper & ubiq; gratias agere: ut quotidie in illo sacrificio canit Ecclesia, & in festis diebus totus audit populus. Sic Iudæorum vitia & errata vitamus. qui non in Domino, sed in seipulis gloriabantur; nec in Christi fide, ac gratia per Christum, sed in lege sua quiescebant. Atque hæc de modo obseruandi sabbathum dicta sunt.

Dominicis diebus Missa cur audienda. Tit. 2.

Nunc quanto studio, qua pietate, quo spiritus feruore obseruari sabbatha & festa Christianorum debeant, pauca, quæ proponi populo poterunt, proferemus. Illud in primis aduertendum, quòd huic soli præcepto de sabbatho obseruando præponit illud Deus: *Memento ut diem sabbathi sanctifices.*

Qua pietate sabbathum obseruandū.

Quia videlicet hoc vnum præceptum ex decem, Dei cultum & obsequium concernens, religiosissimè retineri, & studiosissimè obseruari voluit. Non enim à naturæ lumine, ut cætera omnia præcepta, dependet; sed peculiare est Dei præceptum, ab eius sancta voluntate profectum. Vult nos eius memores esse, & beneficiorum eius; ut & ipse vicissim nostri memor sit.

Exod. 16.

Sicuti mercatores, diuersis in locis positi, mutuas sibi operas præstant, ut qui Londini in Angliā negotiatur, alterius, qui Antuerpiæ in Brabantia mercaturam exercet, negotia tractat. & hic vicissim, quæ illius sunt, curat: sic Deus in cælo residens, indefessam nostri curam gerit, modò nos vicissim, in hoc inferiori mundo, illius cultus & honoris & rationem habeamus. De quo puncto vide plura in Dominica 14 post Pentecosten, textu 6. Quòd si in festis hodie non Dei honorem, sed nostras sectamur voluptates, erunt haud dubiè festa nostra Deo exosa, ut olim Iudæorum simili ex causa erant, dicente Deo per Prophetam: *Neomeniam, & sabbathū, & festiuitates alias non feram. Iniqui sunt cœtus vestri, Calendas vestras, & solēnitates odiuit anima mea: facta sunt mihi molesta: laboravi sustinens. Et cū extenderitis manus vestras, & cū multiplicaueritis orationem, non exaudiam.* Sed cur hæc omnia? Sequitur: *Manus enim vestra sanguine plena sunt, id est opera vestra peccato fœdata sunt, ineptijs & vanitatibus*

Simile.

Esai. 1.

plena

Simile.

plena. In festis vestris, quæ vobis sunt oblectamento, non quæ mihi grata exercetis; choreas, tripudia, ludos, aleas, spectacula, vel inania, vel cruenta, vel etiam turpia. Vos pulpam & musculum voratis, mihi arida ossa relinquitis. Qui amicum ad prandium inuitat, debet cibos eius palato gratos, non sibi ipsi iucundos apparare. In festis nostris quali Deo conuiuium in anima nostra instruimus, eumque hospitio cordis familiarius solito excipimus. Ea igitur facere, ea opera exercere par est quæ eius sanctæ voluntati grata sint, non quæ carni & mundo arideant.

Simile.

Prophanatio
sabbathi Christi
maai.

Quæ spes ægrotum salutis manet, cum is, adhibitis salutaribus pharmacis, non modò nihil promouet, sed etiam grauius ægrotat? Ad peccatorum remedia instituta esse festa, superius ex diuo Gregorio dictum est. Si illa peccatis multiplicandis seruiant, quæ spes emendationis expectanda? Si, quo die maximè Deum colere oportuit, eo illam die maximè offendimus; si, ut Propheta loquitur, *Conuertimus in absinthium iudicium, & iustitiam in terra reinquimus*; quid aliud nobis Deus dicturus est, quàm quod paulo post sequitur: *Odi & proieci festiuitates vestras; non capiam odorem cœtuum vestrorum?* Sed & alibi acerbius furor diuinus, quali summam abominationem, festorum abusus, scelera, lasciuias, execratur: *Si nolueritis audire, & si nolueritis ponere super cor, ut detis gloriam nomini meo, ait Dominus; dispergam super vultum vestrum, stercus solennitatum vestrarum, & assumet vos secum.* Tradunt Rabini Iudaorum veteres, sabbathi sui sanctione adeò offensos diabolos, ut ea nullus in populi frequentia vnquam permanserit, sed omnes ab infestatione hominum cessasse; hominibusque relictis, ad desertas & speluncas effugisse. At hodie dixeris, omne genus cacodæmonū nostris feriis illectum atque prouocatum, ex latebris suis in mundum magno impetu prorumpere: ut his potissimum diebus animos miserorum illaqueent, & in nassas suas pertrahant. Ethnicorum hæc in parte religio nostras prophanationes condemnabit. Sub Mauritio Imperatore, bello inter Romanos & Hunnos, sub Prisco duce, & Caiano rege, flagrante, quum Romanus exercitus magna annonæ inopia laboraret, instante festa solennitate Paschali, Caianus ad Priscum misit qui diceret: *Mitte ad me currus, & ego tibi alimenta mitram, quibus lætanter hæc festa Paschalia peragas.* Misit igitur quadraginta currus, mittēs simul ad Caianum aromata Indica, piper, cassiam, & similia: & ei remisit Hunnus alimenta copiosa. Atque ita durante

Amos 5.

Malach. 2.
Lud. Grauat.
conc. 2. in hanc
Domu.

Exempla.

Niceph. lib. 18.
cap. 36.

durante festo, simul frequentabant, sine vlllo metu, aut suspitione: finito festo, ad arma redibant. Sic illi barbari, nostris hodie Ducibus & militibus quanto fuerint religiosiores, hodierna experientia docet. Apud Romanos adhuc ethnicos, C. Fabius Dorsus, memorabile exemplum seruatae religionis dedit. Namque Gallis Capitolium obsidentibus, ne statutum Fabiae gentis sacrificium interromperetur, Gabino ritu cinctus, manibus humerisque sacra gerens, per medias hostium stationes ad collem Quirinalem peruēnit: vbi omnibus solenni more peractis, in Capitolium rediit. Si tanti vitrum, quanti margaritum? Si cum capitis discrimine falsos deos colit ethnicus, in summa pace verum Deum colere Christianus quo pacto negliget?

Valer. Max. lib. 1. cap. 1.

5. *Ipse verò apprehensum, sanauit eum, ac dimisit.*

LO C V S moralis de proximorum cura, quauis data occasione, habenda, nec vel vlllo in periculo ipsorum, vel propter vllam maleuolentiam aliorum, prætermittenda. Christus Phariseorum obseruationem, & paratam obrectationem nihil moratus, ad foedum quoque hominis morbum nihil animo consternatus, hydropicum manu apprehendit, sanat, dimittit. Puerorum est, non virorum, propter canum latratus de via declinare. Modicæ admodum charitatis est, ne homines offendas ab opere charitatis abstinere. Charitas feruens, & viro Christiano digna, nec hominum imperia, nec rei difficultatē in proximo iuuando exhorret. Sanctus Franciscus & sanctus Martinus, leprosos homines ex charitate osculantes, curantes, contrectantes, eo à lepra sanauerunt. Sed & sanctus Franciscus occurrens peregrino, Roma venienti, qui in facie morbum horribilem, quasi lepram, habebat, volensque denotionis causa pedes peregrini osculari, ipso peregrino humilitatis causa hoc non sustinente, sed faciem ei osculandam præbente, osculatus est, & confestim sanauit. Sanctus Eligius adhuc in habitu laico vitam monasticā agens, pauperi qui aridam & contractam manum habebat, eleemosynā conferens, iubensque vt arida manu, non sana acciperet eleemosynam, eam contrectando & perungendo sanauit. Neque verò, quia in leprosoarum, aridorum, & hydropicorum cura religiosa, talia frequenter miracula desunt, minus propterea apud Deū pia illa opera promereri existimandum. Sanctus Hugo Lincolniensis in Anglia Episcopus; quum lepro-

Proximi quauis data occasione iuuandi.
Simile.

Exempla.
S. Bonauent. 6. Seuer. Sulpit. in vita eorum.

S. Bonauent. c. 3.

In vita eius, lib. 1. cap. 24.

In vita eius. ca. 14. apud Suri. tom. 6.

profos

profos sæpe visitaret & oscularetur, exemplo diui Martini id se facere dictitans, & Cancellarius eius volens tentare, an ea ex re aliqua vana gloria tãgeretur, ei diceret, S. Martinus leprofos osculãdo sanauit, tu leprofos, quos oscularis, nõ sanas; piẽ & sapienter respondit: *Osculum Martini carnem leprosi sanauit osculum verò leprosi animam meam sanat.* Certè viri iusti quo Deo coniunctiores, eo semper ad proximos iuuandos feruentiores fuerunt. Abraham patriarcha sedet in ostio tabernaculi sui, expectans transeuntes pauperes & peregrinos, vt eos inuitaret, hospitioque acciperet, idque in ipso meridie, & feruore diei. Adeò illum nec æstus diei, nec hora refectiõis impediuit, quo minùs hospitalitatis curã gereret, proximoque iuuando operam daret. Bonus Tobias, vbi aliquẽ ex fratribus concaptiuis iugulatum, in platea mortuum iacere audiuit; *exiliẽs de occubitu suo, & relicto prandio, ieiunus peruenit ad corpus:* vt postquam illud sepelierat, tum demũ *manducaret panem cum luctu.* Et hoc ille fecit, quum ob similia pietatis opera, iam semel atque iterum de vita periclitatus fuisset. Hæc eius charitas, hæc compassio calamitatis alienę, hoc proximo benefaciẽdi studium fuit. Loth quoque vsque ad seram noctem peregrinos domi suæ expectat, eosque cõtra Sodomitarum violentiam defendit. Nemo alicui carceri mancipatus, etiam iam mensæ accumbens, cibum relinquere recusaret (tamen libertatem suam cordi haberet) audiens pro foribus adesse testes & patronos causæ suæ, qui eius causam plurimum apud iudicem promouerẽt, si tamen eos colloquio præsenti dignaretur. Atqui pauperes, viduæ pupilli, & quotquot demum nostra opera & auxilio indigent, in die extremi iudicij, vel in fauorem nostri, si illis opem attulerimus; vel contra nos, si illis opem negauerimus, testes erũt, & aut patroni, aut accusatores: vt in aliis Dominicis magis explicatũ est. Vt quid ergo illis opera charitatis exhibere quouis etiam tempore ac momento recusamus, si in tremendo illo iudicio, causæ & salutis nostræ curam habemus? Certè proximi necessitates negligere, aut illis, quum possamus, & occasio datur, non subuenire, quantopere Deum offendat, atque in hac etiam interdum vita à Deo vindicetur, hoc vno exemplo constare potest. Pemenes senex solitarius, post multorum annorum pœnitentiam, prædixit se à bestiis deuorandum, eo quòd in seculo quum esset, & oues pasceret, transeũtem peregrinum à canibus discerpi & comedi in conspectu suo passus est, quum tamen eum liberare potuisset. Quod &

ira

Gen. 18.

Exempla.

Tob. 3.

Gen. 19.

Simile.

Post Pentec. Do-
min. 8. rex. 3. &
Dom. 12. rex. 6.

Exempla.

Prat. spirit. cap.
167.

ira factum est. Nam post aliquot annos à bestiis, vt dixerat, & ipse discerptus est. Contrà verò, quàm sit Deo grata, pro- *Ierem. 38. & 39.*
ximum è periculo aut malolibetare, vnus Abdemelech Æ-
rhiops apud Ieremiã docere potest. Quia enim Ieremiam in-
nocentem in cœnoſo lacu deiecit, sua apud Sedechiam re-
gem interceſſione eduxit, dicitur ei per Prophetam: *Libe-*
rabo te in die illa, ait Dominus, & non traderis in manus viro- * *Domin. 12. post*
rum quos tu formidas, sed eruens liberabo te, & gladio non ca- *Pent. tex. 6. &*
des, &c. Quare tota Hierosolyma paulo pòſt ab Aſſ. riis va- *Dom. 11. post*
ſtata atque ſubuerſa, ille ſolus. ui proximum ab iniuria libe- *Pentecost. tex. 1.*
rauerat, exper periculi fuit. Vide plura in aliis * ſuprà Do- *& locus illic an-*
minicis. *notatus.*

6. *Intendens quomodo primos accubitus eligerent, dicit ad illos: Cùm inuitatus fueris ad nuptias, non diſcumbas in primo loco.*

Locus moralis contra ambitionē, & prælaturæ deſideriū. *Contra ambi-*
Hunc locum in aliis Dominicis iam aliquoties tracta- *tionem.*
uimus. Hic tamen quædam addemus, prout Deus dabit. Su-
perioſorem locum quicumque ambit, ex ſui ipſius ignoratione
id facit. Terra enim & cinis quum ſit, quantum ex ſeipſo eſt,
eleuari, & ſuſum ferri vult: quod terrenæ naturæ repugnat,
cui proprium eſt deorſum tendere. Vnde Scriptura: *Quid ſu-* *Eceli. 10.*
perbis terra & cinis? Nam & origine, & reſolutione terra ſu-
mus, de terra orti, & in terram redituri. Vani igitur & ſtulti
ſuperbi vocātur, qui alta petunt. *Vir vanus in ſuperbiam eri-* *Iob 11.*
gitur. Sicut montes excelsi putantur, & tamen terra ſunt, pe- *Simile.*
demque in infimis habent: ſic ambitioſi ſublimia petunt, &
ſublimes ſibi videntur, ſed terra ſunt, & terrenis affixi, à verè
ſublimibus longiſſimè diſſiti. Monet Prophetæ, *Nolite eleua-* *Ierem 13.*
ri, quia Dominus locutus eſt. Date Domino veſtro gloriam, ante-
quam conteneſcat, & antequam offendant pedes veſtri ad
montes caliginofos. Expectabitis lucem, & ponet eam in umbram
mortis, & in caliginem. Docet ambitioſos ſplendore captâtes, *Exempla.*
in tenebras & ignominiã, Deo vindicante, caſuros. Abſalō dū
cōtēdit pro primo loco, & in paterni regni ſoliū eleuari vult, *2 Reg. 18.*
in quercu ſuſpēditur, & iaculis cōfoditur. Adonias dū eleua- *3 Reg. 2.*
tur, viuentē adhuc & in ſcio patre Rege, citâ morte interimi-
tur. Abimelech filius Gedeonis, dū per ſeptuaginta fratrum *Iudic. 9.*
neces, ad primū locū cōſcēdit, maximos in eo labores paſ-
ſus, celerī & infelici exitu interiit. Athalia interfecto toto
ſemine regio, regni ſolium occupat; ſed & ipſa poſtea *4. Reg. 11.*
inter

Similia.

Lib. 2. Pro. 2.

Eccles. 12.

Simile.

Esaia 57.

Simile.

Simile.

Apologus.

interempta, documento fuit superborum casus non longè abesse. Quemadmodum aquæ ductus, qui in rota vertuntur, non omnem aquam retinent: sed partim effundūt suam, partim aliorum aquæ ductuum aquam suscipiunt, & in perpetua volubilitate consistunt: sic homines ambitiosi antecedentes sequuntur, ut eorum loca & honores occupent, moxque à sequentibus se derruduntur, qui eadem ambiunt; atque ita rotati, & ab imo ad summum, à summo ad imum deuoluti, omnem aquam effundunt, vacui demum & inanes sicuti à principio relinquuntur. Appositè Boetius: *Hac est nostra vis, hunc continuò ludum ludimus, rotam volubili ordine versamus, infima summis, summa infimis mutare gaudemus.* Sic Sapiens superborum labores & cursus comparat rupta funiculo argenteo, recurrenti vitta aurea, contrita hydria super fontem, confracta rota super cisternam, & reuerso pulueri in terrā suam unde erat. Multo labore & industria funiculus argenteus contextitur, sed vnico tractu rumpitur. Vitta aurea subili studio contorquetur & complicatur, sed semel remissa manu, tota recurrit, & opus frustratur. Hydria ad fontem frequenter portatur, & plena frequenter reportatur, sed aliquo tandem casu fracta relinquitur. Rota aquæ ductus diu multumque cisternam replet; sed vsu tandem attrita, confringitur. Sic multum diuque superbus inflatur, & terra terram ambitiosè calcat, donec in terram reuersa, vnde orta est, veluti fumus transiens, citò euanescat. *Impij* (ait Esaias) *quasi mare feruens, quod quiescere non potest. Redundant fluctus eius in conculcationem & lutum, & non est pax illis.* Sicut enim fluctus semper in motu sunt, & quiescere non possunt, sed vel omnino deficient, vel se agitant & propellunt: ita ambitiosi semper sunt inquieti in se, & in alijs, quousque ipsi deficient, vel alios, vnde volunt, propellant. Draco, teste Solino, animal ita calidum & sitibundum est, ut nulla quasi aqua satiari possit, ideoque contra spirantes ventos os aperit, ut sic incendium suum mitigetur. Hac de causa velis nauium à longè prospectis occurrit, tantoque impetu in velum fertur, ut nauem sæpe subuertat, ipseque pariter in mare præceps cadat. Non minor est ambitionis ardor & sitis; quæ nullis honoribus satiata, vela dignitarum ardentè insequitur, sed tanto impetu, ut simul eos subuertat, qui dignitates, quas ambit, præoccuparunt, pariterque seipsum perdat. Narrauit Æsopus, bufonem, quum fortè in lacu bouem bibentem videret, eius magnitudini sic inuidisse, tantoque desiderio eiusdem

eiufdem magnitudinis flagrafle, vt, dum vehementiffimè feipfum inflaret, rumperetur. Sic multi ambitiofi, dum vehementer fe inflant, vt alijs fe maioribus pares fiant, crepant. Dum enim nullum ambitioni modum ponunt, ita fublimia fcādunt, vt (quod de Phaëthonte fingunt Poëtæ, vt ambitionis vanitatem idonea fabula exprimerent) cum rotis fuis folariibus, cum magnificis fuis conceptibus, præcipientes in terram cadant. Cibus nimio conditus fale perit, & ad temperatum faporem nulla arte reduci poteft. *Simile.*

Qui minùs fale conditus fuit, facilè appofito fale corrigitur. Sic qui nimium in fuo fenfu abundant, & nullo loco contenti altiora femper ambiunt, ad faniozem mentem vix vlla ratione reuocantur. Cui minus fenfus ineft, vel qui fenfui fuo minùs innititur, ille facilè docetur & corrigitur. Sunt aliquæ interdum oves, *Similia.*

quibus propterea nolas ad collum paftor appendit, quæ, quantumcumque fint miferæ, cæteras tamen oves, totùmque gregem omnino præcedere, tanquam dominæ, volunt. *1.*

Tales funt ambitiofi, homines ineptiffimi, qui omnino volunt Epifcopi, prælati, principes, & domini effe. Huiufmodi, quia excelfam domum extruere volunt fine fundamento, id eft, effe magni & eximij fine humilitate, neceffariò cadent, & erit ruina eorum magna. *2.*

Ardea auis altiffimè volans fcādit, fed eft eadem auis fœtida, & tetri odoris. Sic coram Deo & hominibus peffimè olent ambitiofi omnes. Sapienter Seneca: *3.*

Relinque ambitum; tumida res eft, vana, ventofa, nullum habet terminum: tam follicita eft, ne quem ante fe videat, quàm ne alium poft fe. Laborat inuidia, & quidem duplici: & inuidetur ei, & inuidet ipfe. Vides quàm hic mifer fit. Confragofa in *Epift. 85.*

fastigium dignitatis via eft. Hæc ille. Rurſum in alia epiftola: *Epift. 74.*

Nemo eorum qui in Repub. verfantur, quos vincat, fed à quibus vincatur, affpicit: & illis non tam iucundum eft, multos poft fe videre, quàm graue, aliquem ante fe. Et adhuc alibi: Ambitioſus ipſi natura vim parat. Non ille ire vult, fed non poteft ſtare: non aliter quàm in præceps deiecta pondera, quibus eundi finis eft, iaciſſe. Quid Cneum Pompeium in Africam, quid in Septentrio- *Epift. 95.*

nem, quid in Mithridatem, & Armeniam, & omnes Aſiæ angulos traxit? Infinita ſcilicet cupido creſcendi, quum ſibi vni parum magnus videretur. Quid C. Caſarem in ſua fata pariter ac publica immiſit? Gloria, & ambitio, & nullus ſupra ceteros emnendi modus. Vnum ante ſe ferre non potuit, quum Reſpub. ſupra ſe duos ferret. Hæc ille, iuxta illud Lucani. *Exempla.*

Nec fert Pompeiùs ve parem, Caſarve priorem.

Pars Æſtivalis.

a

Porro

*Lib. de breuit.
uita, cap. 19.*

*In Politica.
Exemplum.
Simile.*

*Stobaeus Serm.
2. de prouident.
Aprophethe-
gmata.*

*Laërt. lib. 4.
cap. 7.*

*Stob. Serm. 8.
de iniust.*

Ecclesi. 7.

Prou. 25.

*Ecclesi. 6.
Simile.*

*Perchor. lib. 10.
cap. 24.*

Sophon. 7.

Simile.

Porrò vt molesta ac vana in seipsa res ambitio est. ita aut nullius, aut breuissimi fructus. Eleganter Seneca: *Vt unus ab illis numeretur annus, omnes annos suos conterent.* (Consulatum dicit, magistratum annum, qualis alcubi hodie Praetura ciuica est.) *Quosdam autem, cum in summum ambitionis eniterentur, inter prima luctantes atque reliquit. Quosdam cum in consummationem dignitatis per mille indignitates irrepissent, misera subit cogitatio, ipsos laborasse in titulum sepulchri.* Demadis statuas (ait Plutarchus) deiectas & obrutas, ac inde ad vascula quaedam per contumeliam conflatas, accepimus. Praegrandes honores, utpote superbi, & tumidi, aequè vt corpora vastæ & immoderatæ proceritatis, citò simul & facilè corruunt. Hæc ille. Sapiens Phauorinus philosophus homines ambitiosos partim esse ridiculos, partim odiosos, partim miserabiles dixit. Ridiculos, qui ad maiora aspirant; odiosos, qui ea consequuntur; miserabiles, qui spe falluntur. Quandoquidem in ijs rebus, quas ardentè exuierunt, nihil minùs inuenerunt, uàm quòd se adepturos sperabant. Bion Boristhenes percontanti quis esset maximè anxius, *Qui in maximis, inquit, rebus cupit esse fortunatus.* Is enim mille curis distorquetur, vt assequatur ardua; & assequutus aequè torquetur ne amittat. Timon ille cognomèto *μισαίνων*, elementa malorum esse dicit, auaritiā & ambitionem. Quemdamodum enim ex primis illis & secundis principijs omnia generantur naturaliter; sic ex auaritia & ambitione omnia vitia generantur alia. Salubriter ergo nos docet sacra Scriptura: *Noli quarere ab homine ducatum, neque à Rege cathedram honoris, & penes Regem noli velle videri sapiens.* Et iterum: *Negloriosus appareas coram Rege, & in loco magnatum ne steteris. Melius est enim vt dicatur tibi, Ascende huc, quàm vt humilieris coram Principe.* Ac rursus: *Non te extollas in cogitatione anima tue velut taurus.* Taurus elatum, ferox & ceruicosum animal est, & in corde eius os inuenitur inftar lapidis durum. Sic ambitiosi, elati superbi, feroces incedunt, cor lapideum gerunt, in proximos duri, in Deum proterui. Sed vt Taurus sub arbore sicu alligatus, subitò mansuescit; sic ambitiosus Christo crucifixo adhærens, discet esse mitis & humilis corde. Contrà ambitiosos comminatur Scriptura: *Visitabo super omnem qui arroganter ingreditur limen.* Hebraeum habet, *transilierunt limen*, quod faciunt, qui per saltum promoueri volunt, & limen inferiorum graduum, vel propriæ sensualitatis, prius non calcauerunt. Sicut Eleazarus in

in bellis Machabæorum subiens elephantem, occidit eum, & ab elephante vicissim fuit occisus, mole cadentis corporis obrutus: sic ambitiosi, dum alios subeuntes, quasi quæ actis fraudum cuniculis subuertentes suo loco deiciunt, eorum casu saepe obteruntur, vel ob facti inuidiam, quæ mox consequitur, vel ob eorum vindictam, qui cadentem vlcisci volunt. Sic multi Imperatorum occisores ut ipsi imperent, ab alijs mox occiduntur ad Imperium aspirantibus. *Exempla.* sunt, Vitellius, Otho, Galba, Phocas, Leo Armenius, Michael Balbus, Andronicus, Isaacius, & plurimi alij, ut in Suetonio, Cuspiniano, Zonara, Niceta, Ioanne Bapt. Egnatio, Sexto Aurelio victore, & alijs, qui Imperatorum vitas scripserunt, obuium est videre.

7. *Cum vocatus fueris, vade, recumbe in nouissimo loco.*

Locus moralis de sui ipsius perpetua humiliatione. Hunc locum etsi in varijs iam Dominicis explicuimus; pauca tamen, prout Deus dabit, etiam hoc loco addemus. Sicut umbra corpus, sic honor virtutem suapte sponte, non expectitus sequitur. Quemadmodum ergo qui umbram suam capere vult, in terram se prosternere necessario debet, ita qui verum honorem adipisci vult, humiliare seipsum, omni quæ sese honore priuare, & indignum ducere oportet. Humilitas in honore, honor est ipsius honoris, & dignitas dignitatis. Omnis dignitas ipso dignitatis nomine indigna est, si humilia dedignetur. Humilitas autem sine honore, ipsa sibi sufficit ad honorem, sicut honor sine humilitate sese perducit ad confusionem. An non ille verè sublimis est, qui loco deijci non potest? Atqui, qui iacet in terra, non habet unde cadat: qui seipsum humiliat, ab alijs humiliari non potest. Dicit Propheta in describenda gloria Domini: *Et ea quæ sub ipso erant, replebant templum.* In quæ verba diuus Bernardus: *Vide ut sub ipso inueniaris: alioqui non poteris esse cum ipso. Quid enim? Putas indifferenter admittet homines in illud tantæ beatitudinis templum, qui ne angelos quidem ipsos indifferenter reliquit in eo? An non discernat inter glebas, qui discreuit inter stellas? Examinabit certè argentum, qui ipsum quoque aurum probauit & reprobauit. Qualem verò putas necesse est hominem inueniri, qui repudiati locum angeli sortiatur? Planè immunem ab omni iniquitate, sed ab ea maximè, quæ in ipso quoque angelo inuenta est, ad odium sempiternum. Sola Deo placet humilitas,*

Humiliatio sui.

Vide Dom. 11. post Pent. text. 7. & loca illic. annotata.

Simile.

Lib. Alleg. super Eccl. 2.

Esaia 6. De verbis Esaia, Ser. 2.

Matth. 18.

sive in angelo, sive in homine: & qui sedet in throno, solos elegit subditos, è quibus repleat templum. Quid enim? An qui angelum superbum è cælo deiecit, hominem superbum in cælo collocavit? Sanè verbis disertissimis humilitatem ad cæli ingressum necessariam Salvator docuit, dicens: Nisi conuerſi fueritis (ab innata superbia) & efficiamini sicut paruuli, non intrabitis in regnum cælorum. Quicumque erga humiliauerit se sicut paruulus iste, hic est maior in regno cælorum. Paruulus, qualem Christus aduocauit, omni loco contentus est, nemini seipsum præponit, nullum honorem appetit. Tales nos esse oportet. Tales autem ex nostri consideratione sumus.

Matth. 11.
Duplex humilitas.

Cæterum non tales tantum, verum & alio modo humiles nos esse oportet: non solum vt paruuli sunt, sed vt Christus erat: illo dicente; *Discite à me, quia mitis sum & humilis corde.* Longè maior hæc illa est, & æquè necessaria. De utraque sic diuus Bernardus: *Est humilitas quam nobis veritas parit, & non habet calorem: & est humilitas quam charitas format, & inflamat. Hæc in affectu, illa in cognitione consistit. Priore cognoscimus quàm nihil sumus, & hanc discimus à nobis ipsis, & ab infirmitate propria: posteriore calcamus gloriam mundi, & hanc ab illo discimus, qui exinanitus semetipsum, &c.*

Qui quæsiuit ad regnum, fugit; quæsiuit ad opprobria & ad crucem, non fugit, sed spontè se obrulit. Hoc est recumbere in nouissimo loco, fugere excelsa, & id velle alios de te sentire, quantum ex te est, quod veritate conuictus tu sentis de teipso. Illustre est exemplum diuus Augustinus, qui sic de seipso scribit: Quod esse potui, esse nolui; & tamen non quæsiui esse quod sum. Elegi enim abiectus esse in domo Dei mei, quàm habitare in tabernaculis peccatorum. Non enim in conuiuio Domini mei superiorem locum elegi, sed potius inferiorem & abiectum. Sed placuit illi mihi dicere: Ascende superius. Et post pauca: Adèd timebam Episcopatum, vt quoniam cœperat iam esse alicuius momenti, inter seruos Dei, fama mea, in quo sciebam non esse Episcopum, non illò accederè. Cauebam autem hoc, & agebam quantum poteram, vt in loco salubriter humili, & non in alto perclitaret: sed Domino seruus non debet contradicere, cui placuit mihi dicere: Amice, ascende superius. Hæc ille. Diuus

Exempla.

1.

Serm. 5. ad fratres in eremo: & Passidonus in vita eius, cap. 4.

2.

Paulinus in vita S. Ambrosij.

3.

Nicephor. lib. 13. cap. 17.

Hist. Eccles.

Ambrosius populi acclamatione in Episcopum postulatus, multis alijs tentatis vt episcopatum excuteret, tandem publicas mulieres publicè ad se ingredi fecit; ad hoc tantum, vt vitis his populi intentio reuocaretur. Nilammon solitariam vitam agens, à populo in Episcopum expetitus, quum
eum

eum Theophilus Patriarcha Alexandrinus ordinare veller, tempore ad peccandum petito, expectante Patriarcha, inter precandum moritur; mortem à Deo potius expetens, quam episcopus honorem, cui se imparem iudicauit, acceptans. Plura huius rei exempla in alia Dominica protulimus, & apud Marcum Marulum adhuc plura videre licet.

Dom. 4. Quadrag. text. 6. Marulus lib. 1. cap. 6.

Illud, quod diuus Hieronymus narrat, prætermitti non debet. Senex quidam (inquit) eremi cultor, & Spiritu sancto plenus, nepotem suum quærentem, vtrum Episcopus electus, munus accipere deberet, super disco satis à terra erecto diu fecit volutari. Cùmque ille postremò casum se timere dixisset, iussit vt descenderet, atque itidem super laram mollioris soli planiciem sese agitaret. Ex multa volutatione sudanti ac defesso, Surge, inquit, & iam facere perge, quod tutius factu putas. Itaque edoctus de præminentia periculo, iuuenis electioni renunciauit. Aliud exemplum subiiciam, quod in Marulo non habetur. Quum iam tempus adesset, quo sacerdotio initiandus esset sanctus Hugo, monachus Carthusianus, postea Episcopus Lincolnienſis, interrogauit eum Senior, an sacerdos fieri veller. Mox ille ex magna deuotione ait: Quantum in me est, nihil est quod magis velim in hac vita. Cui Senior; Et tu, quomodo (inquit) hoc audes appetere, quod nemo dignè nisi coactus suscipit, etiam si perfectæ sit sanctitatis? Territus Hugo tam dira Senioris obiurgatione, confestim toto corpore humi prostratus, veniam cum lachrymis precatur. Videns Senior tantam in eo humilitatem, non sacerdotium modò, sed & episcopatum ei prædicit. Sed & postea, quum ab Henrico 2.

4. In Regul. monach. cap. 15.

Anglorum rege ad monasterii Carthusianorum præfecturam postulatus, fratribus Carthusianis super eo postulato multum dubitantibus, interrogatus ipse quid sibi videretur, respondit: *Voluntati meæ de statu meo nihil penitus reseruare iam pridem edoctus sum. Quid autem de his verè sentiam, liberè exponam. In medio vestra sanctitatis tam diu conuersatus, monitis & exemplis vestris adiutus, nunquam vel unum diem animam meam seruare noui. Vnde miror profectò, quomodo cuiquam sapienti in mentem venire potuit, vt ad aliorum regendas animas longius mitti ego debeam. Alium ergo ex vobis mittite, vt Regi satisfiat. Hæc sanctorum virorū sancta semper humilitas fuit, nouissimum semper locum appetere; & superiori loco, quo digniores erant, eo se magis indignos existimare. Hodie tam sancti & perfecti sumus,*

5. In vita eius, cap. 4. apud Sur. tom. 6. p. 388.

6. Ibidem cap. 5.

Sui humiliatio
idoneum facit
ad dignitates.
Similia.

ut quàm primùm sacerdotij ætatem attigimus, & in artibus magisterij gradum adepti sumus, nisi confestim sacerdotio initium, iniuriam nobis faciam luculentam putemus. Sed qui tam citò non vocati ascendunt, æquè citò à domino cõuiuij, ut indigni, repelluntur, & infimo gratiæ loco iacere permittuntur. Sola sui humiliatio idoneos ad dignitates ritè capeffendas facit. Quemadmodum faber ferrarius ferrum in fornace prius molli; quod ubi fecerit, in quamuis illud formam, sine vilo negotio, hinc ac refingit, quod in frigido ferro nullo modo facere posset: sic humilitatis virtus animum mollem ac tractabilem facit, ut quælibet in eo alias virtutes (ad honores requiritas) Deus facillè operetur; quod in superbis mentibus fieri nequit; quas frangere citius, quàm ad virtutem inflectere possis. Auicula recens ouo exclusa, implumis adhuc, & victum sibi querere nescia, hoc vnũ remedium habet, ut assiduo gemitu & clamore à matre foueri ac pasci petat. Anima humana non secus per peccatũ originis nudata, & omni virtute spoliata, assiduis precibus, & perpetua humilitate opus habet, ut à Deo suo foueatur, nutriatur, & idonea ad volatum fiat, idonea ad iustos vel in Republ. vel in Ecclesia in hac vita honores, & sempiternam in altera vita gloriam.

Simile.

In lib. de prof.
et morum.

Certè hanc sui humiliationem, ut verè philosophiæ potissimam partem, ipsa ethnicorum, tum verba, tum facta docere nos possunt. Sic enim scripsit Plutarchus: *Quemadmodum è vasis liquorem aliquem recipientibus aër inanis expellitur; sic qui in philosophia studio veris implentur bonis, factum exuunt, mitiorémq; de se concipiunt opinionem.* Et paulo post: *Huc pertinet quod à Menandro non minùs verè quàm eleganter dictum est, Complures esse, qui Athenas nauigent philosophia gratia, primùm sapientes, deinde sapientia amantes, seu Philosophos, ac mox Rhetores, neque ita multo post diotas, rerumq; omnium ignaros sese appellare. Quo enim magis cuique ex philosophia accedit rationis, eo plus decedit fastus & arrogantia.* Hæc ille. Si ratio, & humana sapientia docere hoc potuit, tanto quémque de se submissiùs cogitare debere, quanto plus in sapientia profecit; quæ & qualis nostra confusio erit, quibus nec diuina Sapientia sacrarum Scripturarum, nec Redemptoris nostri tam exemplum quàm doctrina, nec tot Sanctorum, qui eum imitati sunt, vestigia, hoc adhuc persuadere potuerunt. Exemplum porrò huius submissionis Plato, Philosophorum maximus, in seipso ostendit. In Olympiade quadam

Exempla.

Aelian. de var.
hisor. lib. 4.

quadam, cum ignotis hominibus ignotis etiam ipse contubernium instituit, frugaliter cum eis conuiuando, & totum diem commercium agitando. Sed neque Academiae, neque Socratis mentionem ullam fecit; solum hoc eis indicauit, se Platonem appellari. Cum verò Athenas ventum esset, perhumaniter eos recepit Plato. Tum hospites, Age, inquit, monstra nobis Platonem, tibi cognominem, discipulum Socratis, & duc nos in Academiam eius, sisteq; nos coram homine, ut aliquam etiam ab eo utilitatem capiamus. At ille clam subridens, Ego verò, inquit, ille sum. Quod cum audissent, obstupuerunt, quod ignorassent se tanti viri uti familiaritate, qui sine iactantia omni, & sine doctrina, secum esset conuersatus. Hæc ibi. Magna hæc animi moderatio erat, inter ignotos nec videri quod erat, nec eruditionem iactare, nec superiorem locum, aut existimationem sui ambire, sed omnia dissimulare. A tali præceptore didicerat Aristoteles, anulo suo hoc dictum insculpere: *Doctior est, qui quod nouit, abscondit, quàm qui quod nescit, patefacit.* Maior tamen & vera pietas sancti Piamonis eremitæ fuit, qui post viginti quinque annos abstinentiæ, oblatam sibi à quodam fratre uiam ac vinum absque hesitatione suscipiens, confestim ea, quæ ingesta fuerant, contra consuetudinem degustare, quàm ignota cunctis continentie maluit propalare virtutem. Hæc Cassianus. Sed & sanctus Franciscus, ut se in maxima vitæ sanctitate despicabilem redderet, non parcebat rubori, quin in prædicatione coram omni populo proprios manifestaret defectus, ut scribit in eius Vita sanctus Bonauentura.

Apophtegma.

Petr., Appianus incitatus anti- quis. Collat. 17. c. 24.

8. *Omnis qui se humiliat, exaltabitur; & qui se exaltat, humiliabitur.*

H VNC locum, seu potius hæc duo loca de superbiæ pœna, & humilitatis mercede, iam in alia Dominica, ubi eadem verba Christus dixit, explicatè tractauimus. Sed & illa ferè omnia, quæ vel contra superbiam, vel pro humilitate in tot aliis Dominicis iam toties tractata sunt, adeoque in duobus proximè præcedentibus locis, ad horum verborum tractationem commodè & salubriter referri possunt.

Domin. 10. post Pentecost. 7. & 8 aliisque locis ibi annotatis.

Matth. 22.



Acceſſerunt ad Ieſum Pharifai, & interro-
gavit eum vnus ex eis Legis doct̃or, tentans
eum Magiſter, quodeſt mandatum magnū
in Lege? Ait illis Ieſus: Diliges Dominum
Deum tuum ex toto corde tuo, & ex tota
anima tua, & ex tota mente tua. Hoc eſt maximum &
primum mandatum. Secundum autem ſimile eſt huic.
Diliges proximum tuum ſicut teipſum. In hiſ duobus mā-
datis vniuerſa Lex pendet & Propheta. Congregatiſ au-
tem Pharifaiſ, interrogavit eos Ieſus, dicens: Quid vobis
videtur de Chriſto? Cuius filius eſt? Dicunt ei: David.
Ait illis: Quomodo ergo David in ſpiritu vocat eum Do-
minum, dicens: Dixit Dominus Domino meo, ſede à dex-
tris meis, donec ponam inimicos tuos ſcabellum pedum
tuorum? Si ergo David vocat eum Dominum, quomodo
filius eius eſt? Et nemo poterat reſpondere ei verbum:
neque auſus fuit quiſquam ex illa die eum ampliùs in-
terrogare.

PERICOPE moralis huius Euangelij.

1. Interrogavit eum vnus ex eis Legis doct̃or, tentans eum. Contra malos magiſtros, & doct̃ores vana ſciētia inflatos, ſolida virtute deſtitutos.
2. Diliges Dominum Deum tuum, ex toto corde tuo, & ex tota anima tua, & ex tota mente tua. De Deo ſuper omnia diligendo.
3. Secundum autem ſimile eſt huic. Diliges proximum tuum ſicut teipſum. De dilectione proximi.
4. In hiſ duobus mandatis vniuerſa Lex pendet, & Propheta. De chari-
tatis admirabili virtute, efficacia, perfectione.

I. Interrogavit eum vnus ex eis Legis doct̃or, tentans eum.

Mali doctores.

LOCVS moralis contra malos magiſtros, & doct̃ores va-
na ſcientia inflatos, ſolida virtute deſtitutos. Hic Legis
doct̃or & Pharifæus, atque adeò princeps aliquis eorum,
(quum enim plurimi eorum ad Chriſtum acceſſiſſent, & in
vnum conueniſſent, vt Marthæuſ ſcribit, hic, quaſi dux verbi,
primus

Matth. 22.

primus & solus loquitur) scientia sua magis inflatus, quàm vera pietate imbutus, accedit, ad Christum, non vt virtutem discat, sed vt interroget; nec vt interrogando aut doctior aut melior fiat, sed vt tentet Christi seu doctri nam, seu pietatem. Nihil virum verè doctum, & sciētiæ professorem magis dedecet, quàm inanis ista, planèque puerilis iactatio, aut superba alienæ eruditionis & curiosa inquisitio. Qui nec ad Dei gloriam, nec ad aliorum ædificationem, nec ad suam salutem scientia sua vitur; sed ad aliorum contemptum vanè & superbè abutitur, *factus est* (vt Apostolus loquitur) *velut as* ^{1. Cor. 13.} *sonans, aut cymbalum tinniens.* Hæc enim sonitum dant, quia vacua sunt & inania. Quod de Gentium idolis curiose fabrefactis dixit Ieremias: *Stultus factus est omnis homo à sciētia, confusus est artifex omnis in sculptili, quoniam falsum est quod conflauit, & non est spiritus in eis:* idem de doctoribus & magistris virtute vacuis, dici debet. Sulti sunt in scientia sua, confusi sunt in doctrinis suis, quia falsum est totum quod magno studio collegerūt, & non est spiritus in eis, non est vita virtutis, non est actio vitalis, *non ambulant dignè* ^{Coloss. 1.} *Deo, non fructificant in opere bono, non crescunt in scientia Dei, sicut de illis qui verè implentur omni sapientia, & intellectu spiritali:* scribit Apostolus. Verè idola sunt: *Oculos habent* ^{Mali doctores} *& non vident; pedes habent, & non ambulant; manus habent,* ^{idola.} *& non palpant; aures habent, & non audiunt; nares habent, &* ^{Psal. 113.} *non odorabunt.* Omnia instrumenta virtutis habent, sed illis non vtuntur. Vident meliora, deteriora sequuntur. Affectus habent, sed non mouentur ad bonum. Opera habent, sed quæ sensu pietatis carent. *Dominus Deus aperuit eis aurem:* ^{Esai. 50.} *sed illi contradicunt, & retrorsum abierunt.* Nares habent, *sed in odorem mortis, non vitæ.* Audiant isti Apostolum, qui quod ^{2. Corinth. 2.} *Ludæorum malis magistris dixit, idem illis dixisse putandus est. Si tu Iudæus cognominaris* (Doctor legis, & Magister no- ^{Rom. 2.} *ster vocaris) & requiescis in Lege, probas & profiteris illam, & gloriaris in Deo, quem te scire & docere ais, & nosti voluntatem eius & probas utiliora, instructus per Legem, confidis te ipsum esse ducem cæcorum, lumen eorum qui in tenebris sunt, eruditorem insipientium, magistrum infantium, habentem formam scientiæ, & veritatis in Lege; qui ergo alium doces, te ipsum non doces? qui pradicas non furandum, furaris? qui dicis non mœchandum, mœcharis? qui abominaris idola, sacrilegium facis? qui in Lege gloriaris, per prauaricationē Legis Deum in honoras? Nomen enim Dei propter vos blasphematum est inter Gētes,*

Duo libri doctoribus necessarii.

sicut scriptum est. Nec minùs hodie inter hæreticos, & infirmos Catholicos, sicut experienciâ probatum est. Tales doctores quum multos libros euoluisse videantur, tamen duos libros maximè necessarios nunquam videntur aspexisse. Vnus est liber conscientia propriâ, alter est liber vitæ Christi.

Simile.

Si enim in priori libro tria tantum folia diligenter legissent, qui à principio fuerint, qui nunc sint, & qui paulo post futuri sint; in posteriori autem libro duo folia studiosè examinassent, Christi diuinitatem, maiestatem, gloriâ, ad cuius participationem vocantur; & eiusdem humanitatem, quanta in ea pro nobis fecit, & passus est: meliores profectò doctores, ubique & aliis viriiores extitissent. Si equus nobilissim⁹, generosus, ferrox, optimè nutritus, pulcherrimè phaleratus, domino iam inidente, & in campum eum producente, vt generositatis suæ specimen aliquod illustre edat, nihil nisi excrementa sua, & immunditias egerat, nōne & ridiculum aliis spectaculum, & dominos suos exosum pecus erit? Tales sunt magni magistri & doctores. qui post multa studia, post adeptos titulos, post magnam expectationem, nihil nisi suas sordes & immunditias, superbiam, inuidiam, luxuriam, auaritiam proferunt. Nec seiplos docent, nec alios edificât, imò grauissima scandala, & onera, & inquinamenta in domo Dei sunt. Sicut inter vestimenta supremus quidem locus pallio datur, non quia pretiosius aut carius est, sed quia vilius, ideoque vt id solum maculetur, & compluatur; & sicut in tota domo eminentior locus est caminus, non quia dignior pars domus, sed vt per illum fumus exeat, quo totus denigrabitur: sic omnino in Ecclesia Dei & Republ. mali doctores ac magistri scientiæ quidem nomine ac titulo præminent, & loco exceliori consistere videntur; sed sicut palia & caminus, sicut sordium receptacula, non sicut (quod esse debebant) lucernæ in domo; & ornamenta in corpore.

Similia.

1.
2.

3.

Sicut inter vestimenta supremus quidem locus pallio datur, non quia pretiosius aut carius est, sed quia vilius, ideoque vt id solum maculetur, & compluatur; & sicut in tota domo eminentior locus est caminus, non quia dignior pars domus, sed vt per illum fumus exeat, quo totus denigrabitur: sic omnino in Ecclesia Dei & Republ. mali doctores ac magistri scientiæ quidem nomine ac titulo præminent, & loco exceliori consistere videntur; sed sicut palia & caminus, sicut sordium receptacula, non sicut (quod esse debebant) lucernæ in domo; & ornamenta in corpore. Sicut montes communiter sunt ad pascendum fecundi, & gramina gestant puriora, imbrésque cælestes citius & purius suscipiunt quàm valles, fontesque in eis scaturiunt, qui in valles descendant; aliquando tamen horridi & planè infrugiferi conspiciuntur, nihilque illa regione infœlicius est: quæ tales mōtes habet: sic doctores & magistri deberent sanè boni pastores esse, fruct⁹ bonorum operū vberiores proferre, gratiarum munera copiosius suscipere, aliisque suscepta impartiri; sed interdum, & vrinâ non frequenter, horridi & steriles sunt; nihilque illa vel schola, vel Repu. vel Ecclesia miserius,

miserius,quàm ubi tales magistri & doctores vel docent, vel præficiuntur, vel cathedras occupant. Sicut pictura statum habere non potest super inane, sed aliquid solidum ei sub- sterni necesse est; sic scientia consistere non potest in vlla pulchritudinis forma, nisi pro fundo virtutē habeat. Vnde Propheta, vt iuxta Septuaginta legit D. Bernardus: *Seminate vobis ad iustitiam, merite spem vitæ, & tunc illuminare vobis lumen scientiæ.* Vltimam posuit scientiam (ait diuus Bernardus) *tantumquam picturam. Securus iam intendam scientiam, si vitæ prius per beneficium spei, securitatem accepero. Tu ergo seminasti tibi ad iustitiam, si ex vera notitia tui euigilasti timere Deum: si & no- ueris ipsum, ut æquè illum diligas. In altero initiaris ad sapien- tiā, in altero consummaris; quia initium sapientiæ est timor Domi- ni, & plenitudo Legis, charitas. Hæc ille. Hi sunt duo libri, de quibus modò diximus. Hunc locum in aliis suprâ * Euange- liis vberius tractatum vide.*

4.

Osee 10.

Serm. 37. super Cant.

* Dom. aduent. tex. 4. Dom. 3.

Aduent. text. 3.

Domin. 2. post

Pasch. tex. 2. &

3. Dom. 3. post

Pentec. tex. 1. &

Dom. 12. post

Pent. text. 2.

2. *Diliges Dominum Deum tuum ex toto corde tuo, & ex tota anima tua, & ex tota mente tua.*

Locus moralis de Deo super omnia diligendo. Hunc lo- cum et si in aliis Dominicis aliquoties iam tractauimus adeoque hæc ipsa verba; tamen quia de hac capitali virtute nihil satis dici potest, aliqua addemus, prout Deus dabit. Quemadmodum enim, qui tabellam artificiosè depictam intuetur, licet eam sæpius cōtemplatus fuerit, aliquid tamen semper nouum in ea inuenit, quod laudet & obseruet; & si- curi qui in hortum variis & pulcherrimis floribus ac plantis confitum ingreditur, licet frequenter per illum transeat, ali- quid tamen semper videt, quod colligat, quale prius non col- legerat; sic in tam excellenti præcepto, quod toties etiam Scriptura tam vetus quàm noua inculcat, non deerit aliquan- do quod de nouo obseruari & doceri poterit. Præceptum de diligendo Deo super omnia, nunquam satis inculcari, repeti, & tractari potest. Quemadmodum enim viatori, qui iter vi- ginti millium leucarum conficiendum haberet, etsi quin- gentas iam, aut sexcentas confecisset, ne tamen subliteret, aut satis se promouisse existimaret, meritò reliquum adhuc longissimum quod illi superest iter ante oculos ponendum esset, vt ex ei⁹ cōsideratione ambulare nō desinat: sic omnino nobis adhuc viatoribus, in via mandatorum Dei ambulan- tibus

Amor Dei su- per omnia.

Domin. 12. post

Pentec. tex. 3. &

locis ibi annota- tis.

Similia.

Philipp.

tibus, quantumcunq̃ue in virtute progressis, ne tamen *ad ea, qua ante sunt, extendere* nos continuò definamus, utq̃ue obliuiscamur *ea qua retrò sunt*; hoc præceptum perpetuò ante oculos habendū est, quandoquidem necdum ex toto corde, ex tota anima, & ex tota mēte Deum diligimus, nec id quod perfectum est, adhuc comprehendimus. Cum sancto Augustino ad Deum clamare debemus: *O ignis, qui semper ardes, & nunquam extingueris. O amor, qui semper uris, & nunquam te pescis; accende me, & accendar: accendar, inquam ut totus diligam te solum. Minus enim te amat, qui tecum aliquid amat.*

Simile.

Omnes diligē-
di rationes in
Deo.

1.

2.

3.

*Ioan. 3.**Tit. 3.*

4.

*Coloss. 1.**Rom. 2.*

5.

6.

7.

Amoris Dei
excellētia.

*1. Ioan. 4.**1. Cor. 6.**Ioan. 16.*

Sicut ubi materia ligni esset infinita, ignis quoque in eo accensus infinitē vreret; sic, quia Dei bonitas, maiestas, potentia, pulchritudo, infinita est, amor eius nunquam finiri aut extinguī debet. Omnes quippe diligendi rationes in dilectione Dei concurrunt. Si iustitiæ debitum attendas, nulli magis amor noster quàm illi debetur, cui omnia accepta ferre necesse est. Si beneficia gratuita spectes, nullius maiora fuerunt, aut esse possunt. Si amicitiae rationem habeas, eius tanta in te fuit, ut *Deus Pater Filium suum unigenitum daret, & Filius seipsum traderet*, ut te amicum ex inimico faceret. Si eximia bonitatis & pulchritudinis species amorem promeretur, immensam illius pulchritudinem qui *lucem habitat inaccessibilem*, & immensas eius *bonitatis diuitias* animo comprehendere non potes. Si amor pretio emitur, quis amorī tuo maius pretium consignare poterit, quàm ille, qui vitam ei æternam, & gloriam cælestem certissimè retribuit? Quòd si gratuitò quempiam amare velles, cui quæso digniùs & laudabilius eum impendere quàm Deo posses? Quòd si non donandus, sed extorquendus amor tuus esset, quis illo potentiùs aut iustiùs extorquere valeat?

Tu tamen huius amoris excellentiam vide. Aliæ virtutes te hominem rectum & iustum faciunt; hic verò amor, hæc charitas Dei, te Deum quēdam facit. Nam sine temperantia, castitate, prudentia, iustitia, & aliis quid nisi bruta essemus? Atqui qui *manet in charitate manet in Deo, & Deus in eo. Qui adheret Domino* (per amorem) *unus spiritus est*, scilicet cum eo. Quod amat enim, in rem amatam transformatur. Vide plura super illa verba: *Ad eum veniemus, & mansionem apud eum faciemus*: in Dominica Pentecostes, tex. 3. Porro per cæteras virtutes partem aliquam vel tui, vel rerum tuarum, Deo donas. Per castitatem, corpori continentiam; per eleemo-

synas,

synas, partem diuitiarum; per fidem, partem intellectus tui. Adhuc enim ad alia corpore, diuitiis, intellectu vteris, etiam Deo non offenso. At in amore totum tuum cor, totam animam, totam mentem Deo tribuis. Deinde de hoc solum habes, quod liberè ei dare potes, vt alio in loco ostensum est. *Dom. 1. Quædrag. text. 10.* Noli hoc parum diuidere, sed integrum da, inquam, nō commodatò ad tempus, sed absolutè in perpetuum. Semper enim currit hoc præceptum de diligendo Deo. *Charitas nunquam excidit.* ne quidem tunc, quum cæteræ virtutes omnes euacuabuntur. Diuidi autem hic amor non potest, nisi turpiter in obliquum distorqueatur. Quemadmodum enim qui vellet vno pede per locum excelsum, altero per locum infimum incedere, certum est illum gressus admodum inæquales facturum, & vtroque pede claudicaturū; sic qui Deum & mundum simul diligere, sui que amoris affectus partim in Deo, qui non nisi sancta & excelsa iubet, partim in mundo, qui non nisi ad vana & intima trahit, collocare; necesse est huius opera absurda, inæqualia: nec frigida, nec calida esse.

Solus Deus amore complacentiæ diligendus est, vt in illo amor noster conquiescat, sibi que complacere. Cætera omnia vel non diligenda (nisi in ordine ad Deum) vel non nisi amore desiderij amanda sunt, quatenus illis bonum volumus, beneque optamus & desideramus: quo in genere nos ipsos, & proximum nostrum rectè diligimus. Cæteræ virtutes per excelsum peccare possunt. In ratione iustitiæ summum ius summa iniuria est: & ait Scriptura: *Noli esse nimium iustus.* Prudentia in curiositatem, fortitudo in audaciam, temperantia in pusillanimitatem non rarò transeunt. Solus amor Dei, rerumque diuinarum, in excessu peccare non potest; sed quanto magis extenditur, tanto est excellentior. Solus Dei amor rectus & ordinatus est. Quemadmodum enim radius omnis aut rectus est, aut contractus, aut reflexus; rectus quidem, quia corpore luminoso emissus recto & lineari motu sine obliquitate aliqua petit centrum; contractus verò, qui aliquod diaphanum crassius inueniens, non rectè incedit, sed ad aliquam partem deflectit, qui & ideo collateralis dicitur; reflexus autem, qui in densum corpus incurrens, repercutitur, & transire non potest, sed ad suum principium reflectitur: sic omnis amor cordis humani aut rectus est, qui sine vlla obliquitate vel repercussione in solum Deum centrum & principium suum toto impetu fertur, & perpendiculari motu tendit; iuxta illud, *Recti diligunt te, & bonus Deus Israel is*

Amor complacentiæ, & amor desiderij.

Ecc. 19.
In Dei amore nullus excessus.

Simile.

Solus Dei amor rectus.

Cant. 2.
Psal. 73.

qui

qui recto sunt corde; aut contractus & obliquus, in ea quę sunt huius mundi delatus, à quibus propter sui debilitatē in transfuersum agitur, vt recta ad centrum suum pergere nequeat, sicut radius solis in nubem cadens, aut per arbores & recta transmissus, recta terram non attingit; aut denique reflexus est, quia omnia propter seipsum amat, & ipsum proximum non nisi propter vtilitatem aliquam suam diligit. Talis enim amor à corpore proximi reflectitur ad ipsum amantem, nec ad animam, aut spirituale bonum proximi penetrat. Amor hic reflexus penitus destruit, & contractus impedit atq; imminuit purum Dei amorem, qui rectus est, toto suo cursu in Deum tendens, vt hoc præceptum iubet.

Homil. 42 in
Matth. in opere
imperfecto.

Diligere Deum ex toto corde (ait sanctus Chrysostomus) *est, vt cor tuum non sit inclinatum ad alterius rei quàm ad Dei amorē. Diligere ex tota anima est, certum habere animum in veritate, & firmum esse in fide. Diligere tota mente, est, vt omnes sensus Deo vacent. Itaque cuius intellectus Deo ministrat, cuius sapientia circa Deum est: cuius cogitatio ea qua Dei sunt tractat, cuius memoria quę bona sunt recondatur, is tota mente Deum diligit.* Hęc ille. Sanè quemadmodum non solum quicquid intra templum Salomonis erat, sed etiam quicquid in porticu fuit, aurum erat; nec solum sanctum sanctorum, siue interiorē partē oraculi; sed & domum ante oraculum vestiuit & operuit auro purissimo; ipsos quoque Cherubim texit auro, sed & pauimentum domus texit auro intrinsecus & extrinsecus, duo quoque ostia ad ingressum oraculi texit auro: sic omnino quilibet fidelis, qui est templum Domini sanctum, ex omni sua parte, ex toto corde, seu voluntate, ex tota mente, seu intellectu, ex tota anima, seu vniuersis sensibus suis, pura in Deum charitate fulgere & feruere debet. Vastante Hierosolymam rege Babylonis, quum multa alia abscondere potuissent sacerdotes, ignem tantummodo absconderunt, qui in primo sacrificio Moysaico è cælo delapsus, in altari perpetuò ardēs seruari debuit, & vsque ad illa tempora seruatus fuerat. Sic charitas de cælo in cordibus nostris delapsa, & per Spiritum sanctum diffusa etiam aliis omnibus rebus amittis, siue diabolo, siue mundo aduerso omnia nobis eripiente, perpetuò conseruari debet. Sicut natura arborum radices sub terra abscondit, vt à nulla re lædantur, quia ex illis rami & folia vegetantur, flores ac fructus producuntur; sic cor nostrū, vnde omnia procedunt, vel bona, vel mala, & maximè amor, vel Dei purus, vel rerum terrenarum faculentus & sordidus seruari,

Allegoria.

3. Reg. 6.

3. Machab. 1.
Allegoria.

Simile.

seruari, & à rebus externis ac distrahentibus, multo magis à corruptentibus abscondi debet. Monet Scriptura: *Omni custodia custodi cor tuum, quia ex ipso vita procedit.* Vulgo dicitur (ait diuus Bernardus) Bonum castrum custodit, qui corpus suum custodit: Nos autem non sic; sed vile sterquilinum custodit, qui corpus suum custodit: *Quoniam qui seminat in carne sua, de carne corruptionem & metet: qui vero seminat in spiritu de spiritu metet vitam æternam* Spiritus ergo & cordis cura habenda, vt semina eius, id est, primi affectus, qui operationum sunt semina, maximè amor ipse, non nisi bona & pura sint. Sic enim toto corde Deus diligetur.

Rursum toto corde Deum diligere, est, immobile & fixum in eius amore cor tenere, vt ad alia leuiter non flectatur. Sicut vas quod manibus tenetur, impleri nullo modo potest, si tremit qui tenet, aut huc illucque vacillat, sed quiescere oportet; & sicut radix, huc illucque quouis vento impulsæ, nunquam fructum adferet, nec è terra succum trahere poterit, nisi ei tenaciter & firmè adhareat: sic cor inquietum & mutabile, cor variis abductum & distractum desideriis aut curis, Deum, vt oportet, diligere, Dei gratias & munera suscipere, Deo per amorem adherere, vt sic in pietate crescat, nullo pacto poterit. Sicut aranea quum telam suam dirumpi videt, vt aliam ordiatur, à medio incipit eam reficere, atque adeò ex alio suo fila deducere; sic omnino necessarium est, quum omnes vitæ nostræ actiones mundo eiusque vel vano vel turpi amori affixas, vna Dei prouidentia perumpi, & ad nihilū redigi cernimus, vt nouam telam ordiamur, recteque vitam ac mores instituamus, à corde & visceribus ipsis nostris incipere debemus, id totum soli Deo consecrando eum solum diligendo, vt ita nouas ac sanctas operationes producamus. Quemadmodum multa interdum peccata ita per longam & prauam consuetudinem inualuerunt, sic in misero peccatore quasi dominium obtinuerunt, vt sola mors peccatis eius finem imponat: sic quantacunque sint hominis peccata, & quomodocunque inueterata, vnus Dei amor ea omnia abolebit, & nouam creaturam in Christo faciet. Propter hoc enim dicitur: *Valida est, sicut mors, dilectio.* Id enim efficit in abolendis peccatis, quod sola mors in satis multis facere solet.

Qui falsos deos coluerunt, quanto in illos amore ferebantur, vnum in Scripturis exemplum docere potest. Quin et viri de tribu Dan, ingressi domum Michæ, abstulerunt illi sculptile

Prou. 4.

Gal. 6.

Amor in Deo fixus.

Similia.

1.

2.

3.

Cant. 8.

A contrario curre.

Iudic 18

Exemplum.

sculptrile & conflatile idolum, quod colebat; quo illos insequente & clamante, dixerunt raptores ad Micham, *Quid tibi vis, cur clamas? Qui respondit, Deos meos quos mihi feci, tulistis, & sacerdotem, & omnia quæ habeo, & dicitis, Quid tibi est?* Deplorat miser iste suos falsos deos; & illis ablatiis, omnia quæ habuit se perdidisse conqueritur. At nos Dei veri & summi amore per quodlibet peccatum mortale amisso, quasi nihil perdidissemus, ita nihil mouemur. Nihil opinor magis teporem Christianorum circa Deum super omnia diligendum in extremo iudicio condemnabit, quam ethnicorum & paganorum erga suos falsos deos incredibilis amor ac feruor, qui non bonis tantum & rebus suis externis liberalissimè collatis, sed ipso suo sanguine in singulis ferè festis & sacrificiis effuso, deos suos coluerunt, ut omnes historiæ, maximè Indicæ & Iaponicæ nostri temporis, perhibent. Sic per Prophetam contra Iudæos disceptat Deus: *Quid inuenerunt patres vestri in me iniquitatis, quia elongauerunt à me, & ambulauerunt post vanitatem, & vani facti sunt? Propterea adhuc iudicio contendam vobiscum, ait Dominus, & cum filiis vestris disceptabo. Transite ad insulas Cethin (Italiam dicit) & videte: & in Cedar mittite (Ismaëlitas dicit) & considerate vehementer, & videte si factum est huiusmodi. Si mutauit gens deos suos, & certè ipsi non sunt dii: populus verò meus mutauit gloriã suam in idolum. Quoties Dei amore derelicto, carni, mundo, diabolo seruimus, euntes post concupiscentias nostras, diligendo vanitates, desideria diaboli faciendo; toties mutamus gloriam nostram in idolum. Gloria nostra est quòd populus Dei sumus, quòd charitas Dei in nobis est, nosque in eo; quòd diligentes Deum, à Deo diligimur, qui venit ad nos, & mansionem facit nobiscum. Hæc frequenter Scriptura docet, hæc frequenter populo inculcanda. Quemadmodum enim clauus, qui vno aut altero ictu, vel non penetrat, vel ita ut faciliè euellatur: crebris autem ictibus impulsus, sic tenaciter hæret, ut nulla vi extrahi queat: sic amor Dei, non vno tantum aut altero, sed varijs & crebris Dei præceptis, sacrae Scripturæ elogijs, animo fideli impressus atque impactus ita fixus manere poterit, ut ab eo diuelli, nec humana, nec diabolica vlla vi queat.*

3. *Secundum autem simile est huic: Diliges proximum tuum sicut teipsum.*

Proximi dilectio.

Locus moralis de dilectione proximi. Hunc locum etiam

iam

iam decies & suprà tractauimus, vt in Dominica 12. post Pentec. tex. 4. notatum videbis, vbi & hæc ipsa verba tractata sunt, tamen hoc loco non minùs proprio aliqua addemus, prout Deus dabit. Quomodo, & cur hoc præceptum de proximo diligēdo dicatur simile illi alteri de Deo diligendo, vide explicatum loco iam citato. Nempe omnes in Deo vnum sumus, *vnum corpus in Christo: vno Spiritu Dei*, velut vna singulorum anima *uiuificamur. Vnus nobis Deus est, vna fides, vnum baptisma.* Sicut ergo Deum diligere, ita proximum in Deo, sicut nos ipsos, si in Deo sumus, diligere necesse est. Nihil aliud hoc præceptum dicit, quàm *Omnia quacunque vultis vt faciant vobis homines, & vos facite illis. Hæc enim est Lex & Propheta.* Quicquid tibi ipsi bonum cupis, hoc proximo velis; & quod tibi ipsi faceres, vel fieri velles, esurienti, frigenti, fatigato, indigenti, ignaro, aberranti, &c. id eorum proximo tuo facias. Vide ne equum, canem, aut quodcunque tuum cōmodum magis ames, quàm proximum tuum. Cæsar quum exteros quosdam Romæ videret, catulos in sinu circumferentes, interrogabat an apud illos populos liberi non nascerentur: indignatus videlicet, amorem qui liberis debetur, in catulos transferri. Sicut ille, qui super humeros scalam imponit, licet grauis sit, quando illa opus habet ad locum aliquem conscendendum, postea verò in angulo deponit, nec ampliùs eius recordatur; sic multi vtuntur proximis suis, tanquam scalis, ad commodum tantum proprium, vt eorum opera ad aliquam dignitatem cōscendant, aut emolumentum consequantur: quæ affectui, relinquunt proximos, & dicunt: Nescio vos. Hoc ideo fit, quia non in Deo, sed in nobis ipsis; non propter Deum, sed propter nos ipsos, proximos nostros diligimus. Sicut enim vitrum, quàm diu in ardenti fornace est, artificis ad omnia obtemperat, tractabile est, & in quamcunque formam vertitur, ita vt vno flatu capacia & pulcherrima vitra conflet; at verò postquam ex fornace vitrum extrahitur, flecti ampliùs non potest, sed ad minimum ictum frangitur: ita omnino quàm diu diuino amore corda nostra flagrant, & in illo sancto fornace decoquimur, flectit & dilatat Deus corda nostra ad omnes quascunque charitatis in proximum actiones, absque vlla difficultate, nōsque ad iuuandum proximum nulla difficultate retardamur, parati, quibuscunque possamus modis, cui libet proximo opitulari. Hoc igne accensus Paulus, dixit, nec mentitus est. *Omnibus omnia factus sum.* At verò vbi pri-

Rom. 12.

1. Cor. 12.

Ephes. 4.

Matth. 7.

Simile.

Simile.

1. Cor. 9.

mum hic ignis in nobis deferbuit, & restinctus est, ubi ex fornace isto diuini amoris cor nostrum egressum fuerit; immobiles, saxei, & immites erga proximum sumus; ad minimam difficultatem circa iuuandū proximum frangimur, & charitatis opus dissoluimus. Sunt ergo talia hæc duo præcepta, ut inuicem à se separari nequeant. Appositè diuus Gregorius: *Duo hac necesse est charitatis præcepta custodiat, quisquis habere in nuptijs vestè nuptialè cupit. Hinc est quòd cortinis tabernaculi intexi coccus bis tinctus iubetur. Vos estis fratres cortina tabernaculi qui per fidè in cordibus vestris secreta cœlestia velatis. Sed cortinis tabernaculi bis tinctus coccus debet inesse. Coccus quippe ignis speciè habet. Qui verò est charitas nisi ignis? Sed ista charitas esse bis tincta debet, ut tingatur, & per amorem Dei, & per amorem proximi. Qui enim sic amat Deum, ut per contemplationem illius negligat proximum, coccus quidem est, sed bis tinctus non est. Rursum qui sic amat proximū, ut tamen contemplationem Dei per eius amorem relinquat, coccus est, sed bis tinctus non est. Porro sic coniuncta hæc duo præcepta sunt, ut vnum sine altero seruari nequeat. quod hac comparatione docet sanctus Dorotheus: Circulum fingite mundum esse, centrum autem circuli Deum, lineas autem à circulo mediū diductas, vias credite varias, negotiationesque mortalium. Quo magis penetrant sancti viri ad interiora, ut Deo appropient, per rationem ingressus, eo magis appropiant Deo, & sibiipsis; quantòque & sibiipsis, tanto & Deo; & quanto viciniore sunt Deo, tanto & sibiipsis; quantòque sibiipsis, tanto & Deo. Considerate item recessum & elongationem, cum scilicet recedunt hominum actiones à Deo, & ad exteriora se effundunt. Quanto enim magis à Deo recedunt, tanto & à seipsis; & quāto à seipsis, tanto & à Deo. Hæc est enim charitatis vis & natura. Quo enim magis à Dei dilectione recedimus, eo & à proximi amore distamus: quantum Dei charitati adhæremus, tantum & proximi; quantumque proximi, tantum & Deo. Hæc ille. Quum Scriptura dixisset, *Dixit insipiens in corde suo nō est Deus*: statim subiunxit: *Corrupti sunt, & abominabiles facti sunt in studijs suis*. Docet, Dei amore deserto, omnia scelera subintrare. Econtrā Apostolus quum dixisset, *Radix omniū malorum cupiditas*, adiecit: *Quam quidā appetentes, errauerunt à fide*, Docet amatores mundi Deum statim deferere. Rursum: *Qui diligit me* (ait Christus) *mandata mea seruabit*. At hoc est *mandatum eius nouum, ut diligamus inuicem*. Adcō sunt ista coniuncta, Amor Dei & proximi quē mundi*

Homil. 38. in
Euang.

Exod. 6.
Allegoria.

In Doctrin. 8.

Simile.

mundi amator non amat, quia, sicut oportet, non amat. Sed *Similia.*
 & in hoc similia ac coniuncta sunt hæc duo præcepta, quod,
 quemadmodum qui Deum amat, seipsum amat, sibiq; optimè
 cōsuluit, veluti qui de fonte bibit, aut ex sole videt, non fonti
 aut soli quicquam, sed sibi ipsi multum contulit; ita prorsus
 proximi amor nobis ipsis est inprimis utilis. *Quemadmodum*
 enim qui ægotantem vnguento, vel alio pretioso oleo vult
 inungere, prior ipse vngendo particeps est vñctionis, & sic
 postea inungit laborantē morbo; ita qui pro salute proximi,
 adhibito studio, aliquid facit, primum sibi, deinde proximo
 prodest. Hunc sensum habet verbū Domini: *Beatius est dare,*
quàm accipere. Plus enim sibi confert qui proximum iuvat,
 quàm ipsi proximo; quod in alia Dominica ostensum est.

*Damascen. de
his qui in fide
migrarunt.*

Act. 20.

Proximi amor ita ipsis ethnicis, & Deum nescientibus, na-
 tura duce insitus fuit, vt qui ratione & virtute cæteros præ-
 cellerent, facillè viderent, hominis vitæ & saluti nihil eorum
 omnium quæ extra nos sunt: cōparandum esse nedum præ-
 ferendum. Pollio seruū qui vas crySTALLIUM confregerat,
 Augusto Cæsare apud eum cœnante, iussit in viuarium de-
 mergi, murenarū pabulum futurum. Quum duceretur, eua-
 dens licitorū manus, ad Augusti pedes se proiecit, supplicans
 vt alio genere mortis interiret. Augustinus causa & genere
 mortis cognitis, solui seruū iussit. Pollinis verò & vasa omnia
 crySTALLINA coram afferri iussa, virgula confregit, & viuaria
 euerit, dicens: *hominē, cuiuscunque cōditionis sit, hoc ipso quod*
homo est, pluris faciendū esse, quàm omnia totius mundi vasa &
viuaria. Sic Alexāder Magnus, perurgente eius matre Olym-
 piade vt in fontē quendam occideret, *Aliam,* inquit, *mater à*
me mercedem postula. Hominis vita nullo beneficio cōpensatur.

*Proximi amor
apud ethnicos.*

*Fulgosius, lib. 5.
cap. 1.*

*Plutarch. in Grat.
apophthegma.*

Nero initio imperij sui (cuius primum quinquenniū tale fuisse,
 vt ab eo ceteri Principes procul distaret dicare solebat Traian⁹)
 porrecta illi charta, in qua damnatorum nomina scriberet,
 exclamauit: *Vellem nescire literas.* Marcus Antoninus parcens
 rebellibus, dixit in Senatu: *Vtinam possem multos etiam ab in-*
feris excitare. Ptolemæus ab amico admonitus, vt conspectis
 fortè procul qui ad suppliciū ducebātur, calcaribus equo ad-
 motis accurrere, & illis parcere vellet; & fecit perlibenter, &
 amicum hoc nōmine chariorem habuit. Hæc hominum sine
 Deo naturalis erga proximos affectio, nostram nunc si non
 excitat, in extremo olim iudicio vehementer condemnabit.

*Egnatius in
Nerone.*

*Senec. lib. 2.
cap. 1. de clem.*

*Vulcat. Gallio.
in Auidio
Cassio.
Alian. lib. 1.*

4. In his duobus mandatis vniuersa Lex pendet, & Propheta.

Locus moralis de charitatis erga Deum & proximum ad-

Charitatis per-
fectio.

*Traff. 23. in
Matth.*

*De doctrin.
Christ. lib. 1.
cap. 36.*

1. Tim. 1.

*Jacob. 2.
Lib. de perfect.
iustit.*

Rom. 13.

1. Cor. 13.

mirabili virtute, efficacia, perfectione. Docet Christus, totā hominis perfectionē, totū quod vel Lex mandauit, vel Prophetæ monuerūt, in vna charitate cōpleri: quia hac imbutus, etiā illa, quæ ad fidē & scientiam spectent, Dei munere comprehēdet. Sic Origenes: *Qui omnia adimpleuit quæ scripta sunt de Dei dilectione & proximi, dignus est maximas gratias à Deo percipere. Dignus autē cōstitutus, hic omnibus donis exultat in sapientia Dei, plenū habens cor in Dei dilectione. Consecutus autē huiusmodi dona ex Deo, profectō intelligit omnē Legem & Prophetas partem aliquā esse ex omni sapientia & scientia Dei; & intelligit omnē Legē, & omnes Prophetas pendere & adharere à principio dilectionis Domini Dei & proximi. Ille quippe omnem Legē & Prophetas nunquā intelliget, qui ad duplicis huius charitatis adicationē eas non accepit. Sic D. Augustinus: Qui quis Scripturas diuinas, vel quamlibet earū partem intellexisse sibi videtur, ita vt eo intellectu non adificet, istā geminam charitatem, Dei & proximi, nondū intellexit. Quisquis verò talē inde sententiā duxerit, vt huic adificanda charitati sit utilis, nec tamen hoc dixerit, quod ille quē legit, eo loco sensisse probatur, nō perniciosē fallitur, nec omnino mēitur. Igitur quoad ipsam Legis & Prophetarum intelligentiā, in charitate illa quodammodo pender, quia charitati illa tota subseruit. Sed magis quoad executionē omnium aliorū mandatorū moralium, quæ siue Lex, siue Prophetæ cōplectuntur, in his duobus pendent omnia: tum quia *finis præcepti*, id est, perfectio & modus, quo perficiuntur cætera præcepta, *charitas est de corde puro* erga Deum & proximū; quia diligendo omnia faciliè præstamus, (dilige enim, & fac quod vis) tum quia, qui dilectionē habet, nullius transgressionis Legis reus esse potest. Sicut enim *qui offendit in vno*, id est, in vna charitate, vt exponit Augustinus, vel in vno aliquo mandato transgrediens illud mortaliter, *factus est omnium reus*, & perinde à vita æterna exclusus, ac si in omnibus offendisset: sic ediuerso, *qui diligit proximū, Legem impleuit* (ait Apostolus) & *in hoc vno recapitulatur tota Lex*, quia qui vnā charitatē tenet, Legem ex nulla parte transgreditur: & quamuis fortē omnia præcepta opere non exequatur, tempore vel occasione non data; tamen, quia voluntatem & affectum exequendi per charitatem gerit, perinde iustificatur corā Deo, ac si omnia exequutus fuisset. Docet Paulus cætera omnia vitia per vnā charitatem deuitari, cæteras quoque virtutes eius beneficio comparari. *Charitas* (inquit) *patiens est, facit vt aduersa omnia toleremus. Benigna est,**

est, opera misericordiae, & omne eleemosynarum genus operatur. *Charitas non emulatur* (caret inuidia) *non agit perperam* (caret malitia & improbitate) *non inflatur* (caret vanitate & superbia) *non est ambitiosa* (contenta suo loco, humilitatem generat) *non quarit quae sua sunt* (auaritiam & cupiditatem expellit) *non irritatur* (māsuētinem docet, iram fugat) *non cogitat malum* (caret omni iniqua suspitione, candore plena) *non gaudet super iniquitate* (alieno malo non delectatur, sed cōpatitur potius) *congaudet autē veritati* (gratulatur alienis bonis, & particeps fit eorū) *omnia suffert* (siue ex Dei prouidentia, siue ex diaboli & hominū malitia immissa mala) *omnia credit* (suauiter se submittēs iugo fidei) *omnia sperat* (quaecunq; bona promittit Deus, quia diffidere amanti non potest amās) *omnia sustinet* (expectans in patientia laborū mercedē.)

Charitas nunquā excidit: sempiterna virtus est, quā & hīc iustos facit, & in cālo beatos ornat. Meritō dilectio Legē impleuit, meritō in hac duplicitate tota Lex pendet, & Prophetā. *Cū autem sint duo praecepta* (ait sanctus Augustinus) *in quibus pendet Lex, & Propheta, dilectio Dei & proximi non im-* De Trinit. lib. 8. cap. 7.

meritō Scriptura plerunq; pro utroque vnum ponit: siue dilectionem Dei, sicut est illud, Scimus quoniam diligentibus Deum Rom. 8.

omnia cooperantur in bonum: siue dilectionem proximi, sicut est illud, Omnis lex in vno sermone impletur: Diliges proximum tuū Rom. 13.

sicut teipsum. Sed hoc ideo, quia qui proximum diligit, consequens est, ut Deum diligit. Ex vna eadēque charitate Deum proximūque diligimus; sed Deum propter Deum, nos autem & proximum propter Deum. Hēc ille. Satis quidem erat dixisse. Hugo de S. Vi-

Dilige Dominum Deum tuum. In hoc enim totum est. Si enim tore in hunc locum.

verē diligitur, diligitur vbicunq; inuenitur, in seipso, in proximo, intus & foris, sursum & deorsum, longē & propē. Si mel dulce est, dulcis est fauus. Si mel diligis, & fauum receptaculum mellis. Sed mel propter seipsum diligitur, fauus propter mel. Et si fortē videris fauum melle carentem, doleas vacua esse receptacula, & cupis ibi mel esse quod diligis. Ita & Deum dilige, quia dulcedo est ipse, & bonitas, & veritas: Proximum autem dilige, quia receptaculum est dulcedinis, bonitatis, & veritatis: & hoc in ipso dilige, & propter hoc ipsum. Quōd si istis vacuum inueneris, doleas, & opta, ut ista mereatur accipere. Propter hoc autem & proximus amari praecepitur, ut per charitatem Dei ipsum bonum diligas; per charitatem proximi, bonum quod diligis, proximo non inuideas, sed quantum in te est, procures potius.

Simile.

Malach. 24.

Simile.

Chrysost. Homil. 19. ad Hebr.

Simile.

*Laurentius Iu-
stin. de disciplin.
& perfect. mo-
nast. cap. 22.*

Similia.

*Homil. 7. ad
Coloss.*

Ita sanè tota Lex implebitur. Stare enim cum hoc amore nullus terrenus, carnalis, iniquus, aut inordinatus amor potest. Quemadmodum enim, decreſcente umbra, creſcit calor, & creſcente minuitur; ſic decreſcente amore temporali creſcit feruor charitatis, & è conuerſo eo creſcente minuitur, iuxta illud Chriſti: *Abundabit iniquitas & refrigeſcet charitas multorum.* Alterum alterius cauſa eſt. Rurſum ubi charitas animum poſſedit, iniquitati locus eſſe non po- teſt. *Sicut enim in via publica contingit, ſi quis initium eius apprehendat, recta via ducitur, & non habet opus ut manu ducatur; ſic etiam in charitate tantum arripe principium, & ſtatim manum ipſa tibi præbens te deducit & dirigit.* Qui volunt domos & palatia conſtruere, primò ſtudent in imò ſupra petrâ, vel ſuper ſtabile ſolum fundamenta locare, & poſtmodum reliquas ædificiorum partes ſuis locis & temporibus ordinare, quatenus firmato fundamento, cætera ædificanda ſeruentur. Quale enim fuerit cuiuſque rei fundamentum, talis erit eiudem perfeuerantia & latus. Idem in ſpirituale fabrica uſu venit. Qui abſque ſui detrimento, & aliorum ſcandalo ſpiritualem in ſeipſo domum Deo ædificare proponit, veræ charitatis fundamentum in ſeipſo ante omnia iacet, & firmiter collocet; ſic demùm poterit congruis temporibus ac modis ſibi & aliis utilis eſſe. Adcò à ſola charitate tota Lex pendet, ut ſine ea totius Legis ampliffima cognitio nihil ad ſalutem valeat. Appoſitè Chryſoſtomus: *Quemadmodum in naui etiam ſi magna ſint instrumenta, niſi fuerint ſubligacula, nihil proderunt, & in domo niſi colligationes & contignationes: & in corpore etiam ſi magna ſint oſſa ſi non fuerint nerui & compagineſ, nihil proderunt, ita quacunque quis habuerit rectè facta, aut ſapienter inuenta, inania erunt omnia, niſi una adiſt charitas, quæ eſt vinculum perfectionis, id eſt, vinculum omnia perficiens, & quo omnia coaleſcunt, ut perdurent. Sicut cuiuſque ætatis in homine diuerſæ ſunt functiones, & iuxta annorum curſum creſcunt & vires; infans enim aliena manu ducitur, puer per ſeipſum ambulat, iuuenis ſui iuris eſſe incipit, vir generationi aptus familiam alit, ſenſcens prudentiâ acquirit, atque ita demùm maturus fit: ſic charitas tenerum adhuc animum informat, ut peccatum fugiat, primùm ex timore pœnæ, mox ex amore virtutis; poſtea Dei notiâ clariùs animo patefacit, & ad eius amorem atque vnionem inflammat: poſtremò in Dei amorem totum animum rapit, ut dicere cum ſponſa beata poſſit:*

Introducitur

Introduxit me Rex in cellaria sua. Hæc est virtus, efficacia, Cantic. i.
 perfectio charitatis. Sicut in illa tota Lex pendet & Prophe-
 tæ. Denique quam sit vnus charitatis Lex multiplex, vide *Moral. lib. 16.*
cap. 6. & 7.

E V A N G E L I V M D O M I N I C Æ

XVIII. POST PENTECOSTEN.



ASCENDENS Iesus in nauiculam, *Matth. 9.* trans-
 fretauit, & venit in ciuitatem suam. Et ec-
 ce, offerebant ei paralyticum iacentem in
 lecto. Videns autem Iesus fidem illorum, di-
 xit paralytico: Confide fili. Remittuntur
 tibi peccata tua. Et ecce, quidam de Scribis dixerunt in-
 tra se: Hic blasphematur. Et cum vidisset Iesus cogitationes
 eorum, dixit: Vt quid cogitatis mala in cordibus vestris?
 Quid est facilius, dicere, Dimittuntur tibi peccata tua:
 an dicere, Surge, & ambula? Vt autem sciatis, quia filius
 hominis habet potestatem dimittendi peccata, tunc ait pa-
 ralytico: Surge, tolle lectum tuum, & vade in domum
 tuam. Videntes autem turba, timuerunt, & glorificaue-
 runt Deum, qui dedit potestatem talem hominibus.

P E R I C O P E moralis huius Euangelij.

1. Ecce, offerebant ei paralyticum, iacentem in lecto. De curâ proximo-
 rum, & charitate iuuandi necessitates eorum.
2. Videns Iesus fidem illorum, dixit paralytico. Charitatis erga proxi-
 mum remuneratio.
3. Confide fili. De fiducia peccatorum in Christi misericordiam.
4. Remittuntur tibi peccata tua. Peccata morborum & aliarum cala-
 mitatum causas esse.
5. Vt quid cogitatis mala in cordibus vestris. De peccato cogitationis
 solo animo & voluntate concepto.
6. Glorificauerunt Deum, qui dedit talem potestatem hominibus. De
 honorando sacerdotio ad Dei gloriam, qui talem ei potestatem dedit.

1. Ecce, offerebant ei paralyticum iacentem in lecto.

LO C U S moralis, de cura proximorum, & charitate iu- *Proximorum*
 uandi necessitates eorum. Hunc locum etsi frequenter *cura.*
 iam tractauimus, tamen hic, loco proprio, & quia vltus hu-
 ius doctrinæ quotidianus est, aliqua addemus, prout Deus
 dabit. Insignis horum charitas fuit, qui (vt D. Lucas scribit)
 quærentes eum inferre & ponere ante Christum, nec inuenien-

Luce 14

res qua parte illum inferrent praeturbata, ascenderunt supradictum. & per tegulas summisserunt eum cum lecto in medium, ante Iesum. Feruens erat haec charitas, & cura diligens; & sicut à Christo plenissime remunerata, sic à quolibet Christiano studiosè imitanda. Non differunt donec Christus exeat. Non verentur multitudinis impedimentum. Non detrectant laboris magnitudinem. Si nobis aliquis infirmatur, & perdicem affatam comedere iuvat, serui & ministri non cessant donec inueniatur. At proximo nostro, rebus necessariis indigenti, vix quisquam est qui subueniat. Cooperari verò ad salutem animae proximi, seu à recta fide aberrantis, seu in via morum miserè collabentis, & ad Christum proximum adducere, sicut isti suum paralyticum duxerunt, istud

Calamitatum publicarum causa, proximi correptio neglecta.

De Cuius Dei
lib. 1. cap. 9.

Tres causae neglectae correctionis.

- 1.
- 2.
- 3.

verò non nisi pastorum aut sacerdotum esse putatur, si tamen illorum. Qua in re vehementissimè falluntur & aberrant ipsi. Sanè calamitatum publicarum, quibus boni cum malis aequa sorte inuolui videntur, hoc vnum praecipue in causa est, quòd boni malos, quibuscum versantur, non corripiunt, emendare, in viam salutis reducere, ad Christum pertrahere non contendunt. Sic D. Augustinus, ingentem illam urbem Romae, totiusque Italiae per Gothos, suo tempore, vastationem, neglectè proximorum saluti & correctioni attribuit. Sic enim scribit: *Quis tandem facile reperitur, qui eosdem ipsos, propter quorum horrendam superbiam, luxuriam, & auaritiam, atque execrabiles iniquitates & impietates, Deus sicut minando praedixit, conterit terras, & regna subuertit, sic habeas, ut habendi sunt, sic cum eis viuas ut cum talibus viuendum est?* Plerumque enim ab eis docendis, admonendis, & corripiendis malè dissimulatur: vel cum laboris piget: vel cum os eorum coram verecundamur offendere, vel cum eorum inimicitias deuitemus, ne impediunt & noceant in istis temporalibus rebus, siue quas adhuc appetit nostra cupiditas, siue quas amittere formidat infirmitas: ita, ut quamuis bonis vita malorum displiceat, & ideo cum eis non incidunt in illam damnationem, quae post hanc vitam talibus preparatur; tamen, quia propter praedicta peccatis eorum damnabilibus parcunt, iure cum eis temporaliter flagellentur, quamuis in aeternum minimè puniantur. Haec ille. Moxque sapientissimus Doctor, ubi causas omnes, quae iustae esse possunt non corripiendi proximum (ne vanis excusationibus locus esset) explicuisset, dicens: *Si propterea quisque obiurgandis & corripiendis malè agentibus parcat, quia oportunius tempus inquirat* (ubi non negatur, sed differtur legitime

gitimè iuuandi proximum officium) *vel eisdem ipsi metuit, ne deteriores ex hoc efficiantur* (modò iustus ille metus sit, & certa ratione nixus) *vel ad bonam vitam & piam erudiendos alios impediunt infirmos, & premant atque auertant à fide* (id est, ne scandalum magis quàm ædificatio sequatur, ne sic eradicentur zizania, vt simul lædatur triticum,) *non videtur esse cupiditatis occasio, sed consilium charitatis*; his (inquam) exceptionibus explicatis, addit. *Illud est culpabile quòd hi qui dissimiliter viuunt, & à malorum factis abhorrent parcunt tamen peccatis alienis, quæ dedocere & obiurgare deberent, dum eorum offensiones cauent, ne sibi noceant in rebus temporalibus, dum delectat lingua blandiens, & humanus dies, & reformidatur vulgi iudicium & carnis excruciatio vel peremptio, hoc est, propter quadam cupiditatis vincula, non propter officia charitatis. Non mihi itaque hæc videtur parua esse causa, quare cum malis flagellantur & boni, quando Deo placet perditos mores etiam temporalium pœnarum afflictione punire. Flagellantur enim simul, non quia simul agunt malam vitam, sed quia simul amant temporalem vitam.* Hæc Augustinus. Agnoscere nunc licet, horum temporum calamitates publicæ ex qua partim radice nascantur. Boni cum malis, Catholici hæreticis, casti cum impudicis, iusti cum rapacibus, sobrij cum ebriis, liberales cum avaris, bello, fame, peste, aliisque communibus malis acerrimè flagellantur, quia malos ad Christum adducere, hæreticos nascentes reprimere, impudicos, rapaces, ebrios, avaros, iusta obiurgatione & correptione in virtutis viam reducere, boni Catholici, casti, iusti, sobrij, & liberales neglexerunt. Timonis illud fuit memorabile dictum. Rogatus cur omnes odisset: *Malos, inquit, odi, quia mali sunt, bonos odi, quia malos non oderunt.* Quæ verba, si de perfecto malorum odio dixit, quod est naturam amare, sed vitium odisse (vt alibi explicatum est) & odiendo corripere, corripiendo emendare, nihil sanctius dici potuit. Hæc enim est vera proximi charitas, vt paraliticos nostros ad Christum abducamus, non in sua paralysi dissimulando, conuiuendo, nobis ipsis, & labori vel honori vel cōmodo nostro parcendo & consulendo eos relinquam⁹.

Ad malum si quis tendat, statim adiuuatur. & vt celerimè cadat, à multis propellitur. Nondum Siba finem his verbis imposuerat, *Non est nobis pars in David*; quum statim omnis populus eum secutus est. Cùm Abimelech regnum Israël vsurparet affuerunt illi statim omnes inopes, & vagi, &

2.

Apophthegma.

Maximus in Sermo. 26.

Ad malum omnes iuuant.

Exempla.

2 Reg. 20.

1.

2.

*Indic. 9.**3. Reg. 1.**4. 2. Reg. 15.**5. 2. Esdr. 4.**Zachar. 1.**Rom. 12.**1. Theff. 2.**Simile.**Ecclef. 1.
Caini hæresis.
Genes. 4.**Osea 1.*

totus populus Sichem, *ut septuaginta fratres suos super unum lapidem interficeret.* Cùm perfidus Adonias regnum paternũ, viuente adhuc patre Dauide, inuadere vellet, in eius auxiliũ venerũt Abiathar & Ioab, magnates & principes viri Absalon contra patrem rebellante, *toto corde vniuersus Israël sequutus est eum.* Quantus, quã generalis, quã repentinus cõtra optimum Regem in malum consensus! Cùm Ierusalem, post captiuitatem Babylonicam, reedificari cõcepta esset, omnes circumquaq; gentes, vt opus impedirent, conuenerunt. Contra quos iratus Deus, dixit per Prophetam: *Ira magna ego irascor super Gentes opulentas, quia ego iratus sum parum, ipsi verò adiuerunt in malum.* Hæc videlicet impiorũ promptitudo est, vt se mutuo ad malum iuuent. Nostram circa proximos ad bonum iuuandos tepiditatem & ignauiam isti condemnabunt. Inter alia Spiritus sancti dona fidelibus impartita, etiam hæc enumerat Paulus: *Necessitatibus sanctõrum communicantes. Qui exhortatur in exhortando.* Docet esse opus speciale, & charisma seu gratiam Spiritus sancti, fratrum nostrorum (hos enim sanctos vocat) necessitatibus manum adiutricem porrigere, non secus ac nostræ essent. Sic enim iis communicamus, seu communes cum nostris facimus. Docet charisma Spiritus sancti esse exhortari fratrem ad opus pietatis, & ad Christum adducere. Quo quisque sanctior, & Spiritu sancto plenior fuit, eo in hoc charitatis genere clarius excelluit. Exempla quædam in alia Dominica protulimus. Nec vlla maior sanctõrum laus aut consolatio, quàm plurimos proximorum in causa salutis promouisse. Sic Apostolus, ad Thessalonicenses à se conuersos: *Quæ est nostra spes, aut gaudium, aut corona gloria? Nõne vos ante Dominum nostrum Iesum Christum estis in aduentu eius? Quemadmodum Dux, qui ad pugnam milites induxit & formauit, post adeptam victoriam coronatur, quasi eius potissima causa; sic qui alios omni officio & studio ad pietatis tramitem capeßendum induxerunt, maximã à Deo coronam consequuntur. Qui docet filium, laudabitur in eo.* Ab altera parte caue diligenter hæresim Caini, dicẽtis Deo: *Nunquid ego sum custos fratris mei?* Eadem eorum omnium mens & sententia est, qui fratrum suorum peccata, miserrimas, necessitates, nihil ad se pertinere putant. Sed huiusmodi homines, qui charitatis viscera non sentiũt, ablaetauit Deus, & à misericordiæ suæ veribus repulit, iuxta illud Prophetæ: *Ablaetauit eã Deus, quæ erat absq; misericordia.* Iudæos sanè adhuc

adhuc carnales, & angusto corde, vt opera charitatis & misericordiæ exercerent, communis tantum naturæ admonuit. *Esaia 5.*

Carnē, inquit, *tuā ne despexeris*. Et tamen hac vna ratione non permotos grauitè castigat, repellit, ablaetat. At verò Christus, vt nos ad ea prouocet, docet nos, quicquid proximo indigenti officij prestamus, id totum ita acceptum se habere, ac si ipse personæ præstitum fuisset. *Quod vni*, inquit, *ex minimis meis fecistis, mihi fecistis*. *Matth. 25.*

Quanta nos igitur manet castigatio, quos talis & tanta consideratio nihil mouet? Sanè sanctus Dominicus, vir in lucrâdis Deo fratribus, & ab heresi atque impietate reuocandis, tota ferè vita occupatissimus, *Exemplum.*
In vita eius lib. 4. ca. 9.

dicere solebat, quum efficaciam eius in conuertendis peccatoribus multi mirarentur, se in Charitatis codice plus didicisse, quam in Scripturis. Sicut dæmon in homines exercet odium, quod in Deum non potest; sic è diuerso verus Christianus in proximis iuuandis studium impendit, quia Deum iuuare non potest. *Diffimile.*

Maximè quum Christus, qui Deus est, se ipsum in laborante proximo iuuari, in cibato famente cibari, in vestito nudo vestiri, in excepto hospite excipi, in visitato captiuo visitari, claris verbis edixerit. *Matth. 25.*

Vide plura de hoc argumento, in Dominica 11. post Pentecosten, text. 1. & in aliis locis illic annotatis. Manet firmum & immobile illud supremi Iudicis decretum: *Qua mensura mensi fueritis, eadem remetietur & vobis*. Vide plura Dominica 16. post Pentecosten, text. 5. & locis illic annotatis. *Luca 4.*

2. Videns Iesus fidem illorum, dixit paralytico, &c.

L O C V S moralis de prompta & ampla charitatis erga proximum remuneratione. Christus hoc loco nō solum paralyticum sanat, vt tollens lectum, surgat & ambulet, quod solum petiisse & desiderasse videntur, tam qui paralyticum portabant, quàm ipse paralyticus, verum etiā ad primū conspectum benignissimè alloquitur, *filium* vocans: deinde bono animo esse iubet, dicens; *Confide fili*: mox maximo beneficio afficit, *peccata remittens*: ac demum postremò corporis sanitatem cōfert. Hoc autem totum charitati erga proximi salutē, quam isti portatores exercuerūt, Christus retribuit. Et si enim fidē nominet Euangelista, non charitatem; tamen nec hæc fides sola erat, sed per charitatem illustrē egregiè operans, nec nisi propter opus charitatis adiunctū, per quam charitatem fides perficitur, vt Apostolus docet. hoc duplex beneficium *Gal. 5.*
Christus

Christus cōtulit, vt in altero nostro Promptuario latè ostendimus; vbi etiam, quare fidem nominauerit Euangelista, non charitatem, explicatum dedimus. Solet Dei bonitas, non pro operū nostrorum exiguitate, sed pro suæ beneficētiæ magnitudine, charitatis nostræ in proximū opera, pia & sancta desideria, vel remunerare, vel adimplere. Regulus apud diuum Ioānem, salutē filio petebat tantū: sed Dominus & salutem filio dedit, & parri fidem, quā non petebat. Moyses petiuit à Domino, vt suam gloriā videre illi cōcederet: ipse verò pollicetur vniuersa bona sua se illi ostensurū. Tres reges pugnatū contra Moab, petierunt ab Elisæo, vt rogaret Dominum pro pluuiā; quibus dixit Dominus in manu Elisæi: *Hæc dicit Dominus; Alueus replebitur aquis, & libetis vos, & familia vestra, & cūcta animalia vestra. Parumq; est hoc in conspectu Domini: insuper tradet etiam Moab in manus vestras.* Orante pro populo suo Ezechia rege, respōdit ei per Esaiam Prophetam Deus: *Nō intrabit ciuitatem hæc rex Assyriorum, & nō iaciet ibi sagittam, & non occupabit eam clypeus, & non mittet in circuitu eius aggerem.* Tota hæc promissio erat de leuanda vrbs obliatione, & de nullo interendo detrimento: quod totum erat à rege orante expetitum. At verò præter hæc omnia, *egressus est Angelus Domini, & percussit in castris Assyriorū cētum octoginta quinque millia.* Plura huius rei exempla vide in Dominica 5 post Pascha, text. 1. Tobia quantā esset erga fratres suos concaptiuos charitas, nūc verbis cōsolando, nunc rebus iuuādo, & cæsos sepeliēdo, tota eius vita declarat. Quāto verò miraculo Deus illi visum reddiderit, quomodo filiū eius ex longa peregrinatione saluum reduxerit, & longam demum ac pro speram vitam eius charitati retribuerit, eadem historia commemorat. Abdias, Iesabele impia Prophetas interficiente, centum ex eis speluncis abditos, paut. Vnde & ipse dono prophetiæ illustratus, quarto loco censetur in catalogo duodecim Prophetarum. *Qui enim Prophetam accipit, mercedem Prophetæ accipiet.* Beati Iob charitas erga proximos, his verbis ab vno amicorum eius prædicatur: *Ecce docuisti multos, & manus lassas roborasti, vacillantes confirmauerunt sermones tui, & genua trementia confortasti.* Hic autem post probationē à malis liberatus, duplicia omnia à Domino accepit. Sanctus Paulinus, Nolanus Episcopus, ex maxima charitate, vt vnus viduæ filium iuuenem captiuum à Vandalis liberaret, post omnes fortunas suas in aliis liberandis ciuibz exhaustas, seipsum barbaro pro iuvene captiuum dedit, cuiusq; hor-

Exempla.

1.

Ioan. 4.

2.

Exod. 33.

3.

4. Reg. 3.

4.

Esaia 37.

5.

6.

3. Reg. 18.

Matth. 10.

Iob 4.

7.

8.

August. de Ciuir.

Dei. lib. 10. c. 10.

ro colendo vt mancipium seruiuit. Sed paulo post à barbaro ^{Gregor. dial. lib. 3 ca. 1.} agnitus quis & quantus esset, omnium ciuium suorum, qui adhuc captiui supererant, liberatione donatus, ad episcopatum nō minori cum gaudio quàm gloria, reuersus est. Nec dissimile exēplum est Sāctuli Nursiæ prouinciæ Abbat̃is, qui ^{9. Gregor. duel. lib. 3. ca. 37.} vt diaconum suum à Longobardis latronibus captum redimeret, seipsum pro diacono (quem ad colloquium admissus fugere compulerat) à Lōgobardis trucidādum deposuit. Sed ne tanta charitas sua præsenti mercede careret, quum iam gladio feriendus exclamaret, *Sancte Ioannes, tene manum ferientis*, ipsa quē manus his immota maneret, non vitam modò suam miraculo seruata accepit; sed & barbaris miraculo attonitis, omnes quotquot præterea habebant captiuos, liberos secum, donatibus barbaris, abduxit. Sanctus Bernardinus, ^{10. In vitæ eius apud Surium, tom. 3.} grauissima peste Senis grassante, quum omnibus diu ex pura charitate ministraret, tum sanus atque incolumis seruari meruit, tum postea in sanctissimum Minoritarum Ordinis Reformatorem (adhuc enim laicus erat) euasit.

3. Confide fili.

Locus moralis de firma fiducia in Dei bonitate, & Christi ^{Fiducia in Dei misericordiā.} misericordia collocanda. Hic enim dulcissimus Iesus videns fidem illorum qui paralyticum in lecto ante pedes eius dimiserant, prima statim voce, & *filiū* vocat hominem miserum; & *cōfidere*, certamq; animo spem concipere iubet, & eodem tractu *remissa illi esse peccata* affirmat. Vno & eodē verbo Christus & misericordiam ingentem exercet, & suę misericordiæ fiduciam docet: sicuti sagittarius arcum tendens, scopum quē dexterè attingēs, & suam artem exercet, & eandem ^{Simile.} spectatores, vel discipulum puerum docet. Misericordia Christi, & fiducia in eandem totum Euangelium est plenum: nos quē in variis iam Dominicis de vtraque tractauimus. Hic tamē aliqua dicēda sunt, prout Deus dabit. Est hęc enim peccatoribus in primis necessaria doctrina; non vt in peccato perseuerantes, de Christi misericordia præsūmāt, quod hæretici hodie suos docēt, per solam suam specialem fidem iustificantem, & per certitudinem gratiæ, quę duo nihil aliud sunt, nisi præsumptio de Dei misericordia, & de Christi promissionibus, absque vlla vitæ integritate aut emendatione, quam sine peccato esse nunquā posse, eo quē mortali, & ex natura sua dānante, iidem dogmatizant; sed vt à peccato resurgant.

^{Domin. 14. post Pentec. tex. 5. & a'ij ibi annotatus.}

^{Locus contra hæreticos.}

furgant

surgētes, & fide ac charitate ad Christum accedentes, spē statim certam atque fiducia de remissione peccatorū, aliisque Christi gratiis & beneficiis concipiant. Sic enim huic paralytico dictum est, *Confide*, &c. non quum domi suę maneret, nihil Christum quærens, & nihil ad sanitatem consequendam promouens, sed quum se etiam in lecto ad Christum deferri, & quidem propter confertam turbam ē summo lecto per regulas loco motas dimitti fecit. Hactum eius, tum eū portantium fide perspecta, hac eorum qui portauerunt charitate visa, hac cooperatione feruenti antegressa, iubet confidere Christus, filium vocat, & peccata remittit. Præparationes & cooperationes nostras ad Dei beneficia comparanda necessarias omnino esse, in aliis iam Dominicis semel atque iterū ostensum est. Illis ergo ex parte, & pro posse nostro præstitis, vox Christi perpetua est peccatori pœnitenti insonans, *Confide fili*. Neminem leges in Euangelio neq; à Christo, neque ab Apostolis vocatum fuisse filium, nisi hunc paralyticū tanto studio ad Christi pedes delatum, & mulierem fluxum sanguinis passam, quæ per turbam irrepsit, vt simbriam tantum vestimenti Christi tangeret. Adeo quosuis & quantoscunque peccatores (hi enim duo graues peccatores nobis repræsentant) ingenti compunctione & acri dolore conuersos, magnoque feruore & studio ad Christi pedes prostratos, in sinum recipit Christus, peramanter in cordibus eorū dicens: *Confide fili*. Nam post peccati odium ac dolorem vehementem, Dei bonitatē cum eius dilectione animo cōplecti, moxque spem veniæ concipere, ordo pœnitentiæ Christianorum docet. Vide vt Scriptura hanc de Dei misericordia fiduciam commendat. *Benedictus vir qui sperat in Domino, & erit Dominus fiducia eius, & erit quasi lignum quod transplantatur super aquas, quod ad humorem mittit radices suas, & non timebit cum venerit aestus: & erit folium eius viride, & in tempore siccitatis non erit sollicitum, nec aliquādo desinet facere fructum*. Amplificare hæc singula Concionator poterit. Christus de suis in eum sperantibus dicit: *Ego veni vt vitam habeant, & abundantius habeant*. Hæc ingens fiducia bonitatis & misericordiæ Dei sic sanctos armavit, vt quiduis arduum à Deo peterent, & petentes obtinerent. Diuus Basilii pro fœmina quadam, quæ horrenda sua peccata in charta descripta & consignata ei tradiderat. flebiliter orans vt pro ipsa Deum oraret, his verbis orās: *Domine tu solus hoc prestare potes: Qui enim totius mundi aufers peccata, etiam huius vnius anima haud diffi-*

Dom. 3. Aduēt.

1ex. 4 Dom. 2.

post Epiph. 1ex. 5.

Matth. 9.

Jerem. 17.

Ioan. 10.

Exempla.

*In vita eius
per Amphilo-
chium. Sar.
tom. 1.*

1.

diffi-

difficulter potes abolere peccata. Omnes enim iniquitates nostræ apud te numeratæ sunt, misericordia autem tua neque dinumerari, neq; inuestigari potest; sic pro fœmina exorauit. Sanationes in Euangelio per Christum omnes huic fiduciæ de bonitate & potentia Christi concessæ sunt, vt in * alio loco ostensum est. Qui in hac fiducia misericordiæ diuinæ vacillarunt, duriores Dei vindictam senserunt. Sedit aliquando apud stratum Lydvvinæ virginis, ex morbo decumbentis, sacerdos quidam satis bonæ & honestæ famæ. Sedebant ibi & cōplures alij. Erat tum ibi vas sinapi plenum: & cū sermo haberetur de pœnis purgatoriis, dixit tandem illi sacerdos; Vellem liceret mihi tot annis degere in locis purgatoriis, quot sunt in hoc vase sinapis grana, modò certò constaret me postea saluum fore. Ad hæc Lydvvina respirans, respondit: Quid est domine quod loqueris? Quid ita parum fidei diuinæ misericordiæ? Si scires qualis sit purgatorij locus, & quas ibi dent pœnas animæ, nequaquam ita loquereris. Non diu post moritur ille sacerdos; & amicis de statu animæ eius cum Lydvvina conferentibus, illa ait: Benè habet anima eius propter suam probitatem: sed melius fuisset ei, si viuens plus fiduciæ collocasset in virtute passionis Christi, & mitior quoq; purgationis in eum lata esset sententia. Quod totum illa ex reuelatione didicit, vt erat virgo sanctissima, & à prima ætate vsque ad vltimum spiritum per triginta & amplius annos lecto affixa, & perpetuis doloribus exercita, sicq; purum aurum probata.

Sed & in quibuscq; aduersis firma in Deū fiducia, fortissima semper armatura est. Cuius rei illustre exemplum præbuit in se sanctus Columbanus, multorum monasteriorū Pater celeberrimus. Huic, quum in eremo versaretur, incidit cogitatio, vtrū potius eligeret hominum iniuriam perpeti, an ferarum sæuitiam sustinere. Quæ cogitatio quum illi importuna esset, eumq; vehementer vrgeret, crebrò frontem signo crucis armans, atque orās, intra se ait, præstare bestiarum ferocitatem absq; aliquo peccato, quàm hominum rabiem cum damno animarum perpeti. Cū hæc animo volueret, conspicit duodecim aduentare lupos, & dextra læuq; medium ipsum cingere. Attramen manet immotus, aitq;: *Deus in adiutorium meum intende*, &c. Accedunt lupi propius, oraq; sua ad eius vestimenta adiungunt. Sed quum ille constans permaneret, interritum relinquunt, & per saltum peruagantur. Plura huius rei exempla vide

* In Prompt.
Cath. Dom. 18.
post Pentec.
In vita eius
apud Surium,
par. 2. c. 1. tom. 7.

2.

3.
In vita eius c. 8.
apud Surium
tom. 6.

Domin. 4. post
Epiph. lex. 4.

in

in alia Dominica. Nam de hac fiducia in Dei bonitatem, & contra diffidentiam circa Dei providentiam & misericordiam, iam decimò dicimus. Vide Dominic. 6. text. 4. post Pentecost. & loca illic annotata, posteaque Domin. 14. post Pentecosten, text. 5.

4. Remittuntur tibi peccata tua.

Morborū cau-
sa peccata.

Joan. 9.
Tribulationū
causæ variæ.

Joan. 9.
1.
2.
3.

Exempla.
1.

Hester 14.
Peccatis no-
stris nostra
mala impu-
tanda.

T. b. 3.

Locus moralis de peccatis, morborum & aliorum malorum causis. Christus enim hoc loco tanquā peritissimus medicus, morbum paralytici sanaturus, causam morbi & radicem prius tollit; peccata eius remittit, quæ causa morbi fuerant. Sic apud Ioannem infirmum illum, qui per triginta octo annos ad piscinam iacuerat, quum Christus sanasset, ait illi: *Vade, & noli amplius peccare, ne quid tibi deterius contingat.* Morbi quidem, & aliæ calamitates, alias interdum ob causas à Deo immittuntur, ut vel ad Dei gloriam, sicut de cæco à natiuitate Christus dixit, quod *neque ille, neque parentes eius peccauerunt, ut cæcus fieret, sed ut manifestaretur gloria Dei;* vel ad iustorum probationem & laudem: ut de sancto Iob, Tobia, & multis aliis in Scriptura clarum est. Attamen ut plurimum morbi, persecutiones, bella, fames, pestis, & aliæ calamitates non nisi ex peccatis nostris ortum accipiunt: atque ita vtrumquemque de se, suisque afflictionibus cogitare par est, etsi de aliorum calamitatibus aliter sentire, & magis ad probationem & coronam, quàm propter peccata & vindictam illa à Deo inflicta esse, iudicare debemus, ne in temerario contra proximum iudicio grauiter peccemus. Sed ad nostra mala quod attinet, non nisi nostris peccatis ea imputanda sunt. Quando tyrannus ille Aman populum Dei voluit euertere, conuersa ad Dominum Hester regina, dixit: *Peccauimus in conspectu tuo, ideo traditi sumus in manus inimicorum nostrorum.* Non in regem Assuerum, non in superbum Aman, sed in sua suorumque peccata, illud imminentis stragis periculum reiecit, non illos, sed se. & sua peccata accusauit. Sanctus Tobias, quum Iudæi captiui traherentur in Ninive à Salmanasar Assurorum rege, videns tanta mala populi sui, cōuersus ad Deum, dixit: *Quoniam nō obediimus tibi, traditi sumus in direptionem, & captiuitatem, & mortem.* Non crudelitati aut cupiditati barbari regis, sed suis suorumque peccatis totum assignat. Sic sanctus Daniel, post septuaginta annorum captiuitatē Babylonicam, persecutionem tantā, tam prolixam, nō ipsis persecutoribus, sed

sed suis, suorumque peccatis imputat. Propter peccata (inquit) *Daniel. 9.*
nostra & iniquitates patrum nostrorum, Ierusalem, & populus
tuius in opprobrium sunt omnibus per circuitum nostrum. Deni- 4.
 que filij Israël, quum adhuc sub Iudicibus agerent, quoties
 à varijs tyrannis oppressi, sua peccata, quæ veræ oppressionis
 causa fuerant, agnoscences, ad Deum confugerent, libera-
 bantur. In qua peccati confessione persenerantes, sic à Deo
 exaudiebātur. Filij Israël (ait Scriptura) *peccatis veteribus iun-* *Iudic. 10.*
gentes noua, fecerunt malum in conspectu Domini, & seruiuerunt
idolis, &c. Contra quos Dominus iratus, tradidit eos in manus
Philistijm, & filiorum Ammon: afflictique sunt, & vehemēter op-
pressi per annos octodecim, &c. Et clamantes ad Dominum, di-
xerunt: Peccauius tibi, quia dereliquimus Dominum Deum
nostrum, & seruiuimus Baalim. Quibus locutus est Dominus:
Non addam ut ultra vos liberem. Ite & inuocate deos quos ele-
gistis, ipsi vos liberent in tempore angustia. Dixeruntq; filij Israël
ad Dominum: Peccauius. Redde tu nobis quicquid tibi placet:
tantum nunc libera nos. Hæc illi, moxque per Iephthe liberati
sunt. Nempe meminerant quod illis Moyles prædixerat, sola
peccata populi in causa esse, quod à Deo derelicti, in manus
Gentium traderentur. Sic enim Moyses: Nisi audieris vocem *Deut. 28.*
Domini Dei tui, percutiet te pestilentia & morbis, scabie quoque
& prurigine. Seruius inimico tuo, quem immittet tibi Dominus in
fame, & siti, & nuditate, & omni penuria. Quid, quod ipsi
ethnici hoc non ignorarunt, vitæ huius calamitates ex no-
stris peccatis nasci: Quum Iona in Tharsis fugiente, magna 5.
oriretur in mari tempestas, nautæ ipsi homines gentiles di-
ligenter inquirunt, quis ex ipsis per scelus aliquod suū tantæ
turbationis causa esset. Venite (inquiunt) & mittamus sortes, *Iona 1.*
& sciamus quare hoc malum sit nobis. Quumque cecidisset
fors super Ionam, dicunt ei: Indica nobis, cuius causa malum
istud sit nobis? quod est opus tuum? &c. Agnoscunt aliquod pec-
catum Ionæ huius tempestatis causam fuisse.

Certè morborum causas peccata esse, Scriptura clarè do-
 cuit, dicens de Deo: *Increpat quoque per dolorem in lectulo, &*
omnia ossa eius marcescere facit. Ezechias rex, quum ex ingēti
 morbo conualuisset, agnoscens propter peccata sua eo se af-
 flictum fuisse, sic cecinit: *Ecce in pace, id est in sanitate iam*
collata, amaritudo mea amarissima. de qua prius dixerat: Re- *Esaiæ 38.*
cogitabo tibi omnes annos meos in amaritudine anima mea. Tu
autem eruisti animā meam ut non periret, proiecisti post tergum
tuum omnia peccata mea. Sciebat enim, nisi remissis prius pec-

1. Cor. 11.

De panis. &
remiss. cap.
Cum infirmi-
tas nu. 13.

Simile.

Natural. hist.
lib. 12.

Exempla.

Granat. tom. 1.
de Sanctis,
pag. 71.
Apud Surium,
tom. 4. p. 350.

Simile.

catis suis, sanitatem tanto miraculo cōsequi se non potuisse, Propter peccatum non debita venerationis circa venerabilem Eucharistiam, dicit Corinthijs Apostolus: *Propter hoc inter vos multi infirmi & imbecilles, & dormiunt multi.* Moxque addit: *Si nos ipsos dijudicaremus, contentes & punientes peccata nostra, non vtiq̃ue iudicaremur.* Dum iudicamur autem, à Domino corripimur, ut non cum hoc mundo damnemur. Hoc ita insitū & firmū habuit Ecclesia, morborū causas peccata esse, ut tandem lege tulerit Papa Innocentius, in Concilio generali Lateranensi, ut medicus ægrotum visitans, non prius ei medicamenta corporis subministraret, quàm spiritali suo medico peccata confessus fuerit. Auicennæ quidem, Galeni, & vulgarium medicorum sententia est, ne ægrotis tristitia nuntientur. Sed qui hoc docuerunt, nunc in inferno ardent, & per hanc animæ incuriam alios eò secum pertrahunt. Vero Christiano, peccatorum expiatio, aut res tristis esse non debet; aut si tristis est, satius fuerit, corpus ex aliqua tristitia periclitari, quàm animam retenta morbi causa certò perire. Certè, sicut ex eadem terra, ex qua argentum depromitur, si in cacabo aqua ebulliente igni apponatur, plumbum quoq; educitur, quia terra ipsa decocta, partim sursum ascendit in superficie natās, & fit argentū; partim verò deorsum descendit, & ex ea fit plumbum, ut scribit Plinius: eodem modo, quum terrā hanc, & lutum corporis nostri, Deus igne aggritudinis, aut cuiusvis tribulationis decoquit, pars eius in ima descendit, & per impatientiam & cordis duritiem deterior fit, quales sunt reprobi & impij; pars eius sursum se erigit, & Dei manum salutarem agnoscit, fitq̃ue argentum, adeoque aurum purissimum, quales sunt electi & boni. Sic quidam ex Patribus, adolescenti ægroto, salutem à se poscenti, respondit: *Rem tibi necessariam cupis auferri. Si enim aurum es, per ignem probaris; si ferrum es, rubiginem amittis.* Sed & sancta Brigitta, quum pro Algotio Dominicano, doctore Theologo, qui iam senex, orbitate oculorum, & calculi doloribus cruciabatur, Deum precaretur; responsum accepit: *Ille stellam micans est, nec expedit sanitate corporis obscurari animam eius.*

Sanè, sicut aqua de se nullum habet saporem, acquirit tamen vel ex ratione terræ, per quam transiens percolatur, vel ex calore solis desuper, qui vel dulcedinem inducit, eleuando subtile eius, & humidum aëreum quod pinguescit admiscendo, ut in fluuiatili; vel salsedine imbuat totum eius terrestre

terrestre comburendo, vt in vasto mari: sic omnis tribulatio, ipsaque corporis ægritudo, per se res indifferens est, nec vllam habet ex se, nisi ex animi ipsius habitudine, vel tristitiam, vel consolationem, vel bonum, vel malum; sed fit patienti, aut dura, tristis, acerbæ, calamitosa, atque adeò perniciofa, ex ratione terræ per quam transit, ex ratione terreni hominis, nec nisi terram, & terræ bona concupiscentis animi (illi enim molestissima sunt omnia quæ corporis voluptatem interpellant) aut iucunda, grata, læta, vtilis, & meritorea, ex ratione diuini amoris, quo animus supernè accensus, non tolerat tantum æquanimiter, sed & accipit perlibenter, quæcunque Dei manus in eo operatur. Hic enim diuini amoris calor, tum terrestrem omnem patientis affectum per salam & amaram de peccatis contritionem comburit atque exhaurit; tum in spem veniæ, meriti, ac gloriæ animum eleuans, mediante humili ac sancta patientia, ingentem animo dulcedinem ac consolationem adfert.

Tribulatio pro
ratione subie-
cti operatur.

Hinc fit, vt tribulationum expertes, in suis peccatis obdurati maneant, Sanctus Ieremias, exponens causam cur Moab populus impius scelera sua nunquam reliquit, ait: *Fertilis fuit Moab ab adolescentia sua, & requieuit in fecibus, nec transfusus est de vase in vas, & in transmigrationem non abiit: idcirco permansit gustus eius in eo, & odor eius non est immutatus.* Docet ideo illum populum in suis perpetuò sceleribus perstitisse, quia nec captiuus abductus est, vt filij Israël, nec vlla aduersa fortuna exercitatus. Quemadmodum enim vas prauo odore aut liquore semel perfusum, eundem semper retinet, nisi fecibus omnibus eiectionis, & aqua calida decoctum, vel etiam flammis adustum, nouo liquore imbuatur: sic animus peccatis assuetus non resipiscet, nec nouum saporem induet, nisi aliqua bona tribulatione decoctus atque adustus, noua & saniora consilia accipiat. Facit nempe Deus in peccatoribus lucrands, quod peritus piscator in capiendis hamo piscibus. Nam vt ille longa arundine piscando, vbi escam piscis magnus acceperit, non statim illum violenter ex aquis extrahit. ne vel esca nondum satis altè in stomachum demissa hamum excutiat, vel etiam sua magnitudine, & recenti adhuc robore, filum abrumpat; sed escam quidem totam deuorari, & hamum altius infigi, piscemque ipsum, vt ab hamo se extricet, diu in aquis eluctari & fatigari permittit, posteaque fatigatum iam, & penitus hamo cõfixum,

Exemplum.
Ierem. 48.

Simile.

Aliud.

Tribulatio
peccatoribus
necessaria.

piscem molliter & faciliter ad ripā trahit : sic omnino Deus homines peccatores pro sua ineffabili bonitate piscaturus, & ex peccati limo ad salutis æternæ ripam educturus, escam quidem illis proponit, æternæ gloriæ præmium ; sed vt illud arripiant, salutarem timorem æternarum pœnarum velut hamum subijcit, vt partim gloriæ desiderio accensi, partim diuino timore capti, peccata deferant. Sed quia ex affectio- num prauarum aquis, quibus peccator immergitur, statim educi non potest, nec tam citò veternum suum excutere, vt diuini timoris hamus altius pectori infigatur, & tenaciùs ad- hæreat; varijs eum tribulationibus Deus exercet, quæ timo- rem iustitiæ diuinæ vehementer animo incutiunt, maximè corporis ægritudo grauis aut amittendæ vitæ periculum; vt illis diu fatigatus atque vexatus, Deique timore altissimè impresso concussus, gloriæque, & alterius vitæ desiderio to- tus inflammatus, ita faciliè, nullòque negotio, viam virtutis capestat, iustè ac sanctè vitam deinceps instituat, sanitati redditus ; qui alioqui prosperis rebus vsus, & Dei timorem faciliè deponeret, & alterius vitæ gloriam citò negligeret. Sunt ergo vt remedia peccatorum afflictiones, sic causæ afflictionum peccata Simulatque cœperunt filij Israël mor- tuo Ioiada sacerdote, sub rege Ioas idola colere, & veros Dei Prophetas interficere, & inter alios Zachariam Ioiadæ filium qui iussu regis inter templum & altare interficiendus dixit: *Videat Dominus, & requirat: statim euoluto anno ascendit contra Ioas exercitus Syria, venitq; in Iudam & Hierusalem, & interfecit cunctos Principes populi, atque vniuersam prædam mi- serant Regi in Damascum. Et certè cum per modicus venisset nu- merus Syrorum, tradidit Dominus in manibus eorum infinitam multitudinem, eo quòd dereliquissent Dominum Deum patrum suorum. In Ioas quoque ignominiosa exercuere iudicia. Contrà, aduersus filios Israël in deserto, nec Balac rex Moab quic- quam mali facere, nec Balaam propheta eius quicquam ma- ledicere potuit, quia non erat tunc idolum in Iacob. Est nempe peccatum, sicut gladius in corde, & sicut serpens in sinu, sicut venenum in stomacho, sicut latro in domo. Vulnerat natu- ram, mordet conscientiam, extinguit charitatem, expoliat omni Dei fauore donisque gratuitis. Vnde Propheta Regius: *Propter iniquitatē corripuisti hominem, & tabescere fecisti, sicut araneam, animam eius. Quod Achior de toto populo Israëliti- co fideliter Holopherni retulit, dicens: Quotiescunq; prater ipsum Deum suum alterum coluerunt, dati sunt in prædam & in gladium,**

Exemplum.

2. Paral. 24.

Num 24.
Similia.
Peccatum
quid.

Psal. 38.

Iudic. 5.

gladium, & in opprobrium: quotiescunque autem pœnituerunt se recessisse à cultura Dei sui, dedit eis Deus cœli virtutem resistendi: hoc & in quolibet fidei verum est, cuius non minorem curam Deus habet, quàm totius illius populi, qui typus fidelium erat, habuit. Quotiescunque præter Deum suum alterum colunt, iusti & electi Dei, alicui peccato mortali consentientes, (hoc est enim alterum Deum colere, vt alibi ostensum est) grauiter à iusto & amante Domino corripiuntur, ne cum hoc mundo impiorum, impuniti in hac vita, damnentur in perpetuum. Aegritudine igitur, aut qualibet accedente calamitate, primum remedium est, vt omnis peccati affectu deposito, Deo nostro reconciliemur.

1. Cor. ii.

§. *Vt quid cogitatis mala in cordibus vestris?*

Locus moralis de peccato cogitationis, solo animo & voluntate concepto. Pharisei enim hoc loco à Christo arguuntur, quòd intra se dicerent, *Hic blasphematur*; quòd sola cogitatione malè sentirent, & de facto seu verbis eius, sc̃cus iudicaret quàm par erat. Adèd displicet Deo vel iniqua cogitatio, cū aliqua deliberata prauitate cōiūcta, etsi nec verbo, nec opere foris adhuc se exerat. Clamat Propheta: *Laua à malitia cor tuū ō Ierusalē, vt salua fias. Vsq̃ue quo morabuntur in te cogitationes noxiæ?* Non increpat eo quòd veniant, sed quia morantur cogitationes malæ, quia primi motus cogitationum in potestate nostra nō sunt, vt alibi ex sancto Augustino dictum est. Vnde & alius Propheta: *Va qui cogitatis inutile, & operamini malum in cubilibus vestris. In luce matutina faciunt illud, quoniam contra Deum est manus eorum.* De cogitationibus loquitur ita deliberatis, vt in proximam lucem protractæ, & in opus prauum deductæ fuerint. Nempe origo omnium malorum, cogitationes malæ sunt. Qui in illis se oblectat, celeriter in opus impium, & Dei maledictionem fertur. Vnde Sapiens: *Qui bonus est (intentione scilicet & desiderio) hauriet gratiam à Deo: qui autem confidit in cogitationibus suis, peruerſis scilicet impiè aget.* Hoc alijs verbis Christus dixit: *Si oculus tuus nequā est, totum corpus tuum tenebrosū erit: si cogitatio & intentio improba est, tota actio peccatū erit, & opus tenebrarum.* Et iterum: *Ex corde exeunt cogitationes malæ, homicidia, adulteria, fornicationes, &c.* Vide hac de re plu. a Dominica 5. post Pentecost. text. 1. & paulo superius Dominica 16. text. 3.

Cogitationis peccata.

Ierem. 4.

Mich. 2.

Prou. 12.

Matth. 6.

Matth. 15.

*Simile.**Cogitationes
facile implicat.**Aliud.**Simile.*

Sicut aliqui non diu facile fiunt, sed difficulter solvuntur, ut in serico filo videmus, quod propter sui subtilitatem celeriter trahitur, & facillime constringitur, & ex eadem causa difficillime soluitur: sic cogitationum peccata facillime contrahuntur, hominemque incautum ingenti reatu celeriter constringunt, sed non tam facile excutuntur, ut in odio, amore turpi, superbia, inuidia, quotidiana docet experientia: quæ celerrime suscipiuntur, sed difficillime deponuntur. Tanto cautior & circumspectior quisque debet esse, cui semel prauo affectui morem animo gerat. Quemadmodum enim in papyrum albam si litura cadat, non ita vnquam facile abraditur, quin aliqua macula relicta inhæreat, maxime si paulo atrius & crassius atramentum fuerit; sic atra, & spurca, & odiosa cogitatio, amoris turpis, odij, inuidiæ, superbiæ, si altius animo semel infederit, non nisi magno studio & labore sic excutietur, ut aliquam sui labem animo tamen post se non relinquat: quas labe peccati reliquias, veluti ligni assulas, aut ferri ramenta in vulnere inflicto relictas, Theologi vocant. Ibi ergo maxime obseruare peccatum oportet, vbi nasci solet. Si à domo mentis, vel ad momentum domina ratio discedit, quasi absente domina cogitationum se clamor velut garrula ancillarum turba multiplicat. Vbi autem ratio ad mentem redierit, vel si in ea stabilis & fixa manet, omnis confusio tumultuosa quiescit, & quasi ancillæ ad iniunctum opus totæ cum silentio conuertuntur. Vnde Sapiens. *Qui conturbat domum suam, possidebit ventos.* Prouerb. 11. Qui mentem malis cogitationibus perturbat, aditum præbet dæmonibus. Quomodo autem siue luxuriosus, siue odio flagrans, siue avarus, siue superbus & ambitiosus, densos in corde cogitationum tumultus voluunt, & iuxta illud Iob, *adificant sibi solitudines*, vide eleganter & prolixè explicantem D. Gregorium in Moralibus, vbi sic scribit: *Omnes qui vel illicita appetunt, vel in hoc mundo videri aliquid volunt, densis cogitationum tumultibus in corde comprimuntur: dumque desideriorum turbas intra se excitant, prostratam mentem pede misera frequentationis calcant. Alius namque iuri se luxuria subdit, atque ante mentis oculos schemata turpium perpetrationum fingit: & cum effectus non tribuitur operis, hoc crebrius agitur intentione cogitationis. Voluptatis perfectio queritur, & concussus eneruiter animus, hinc inde & sollicitus, & cecatus, occasionem nequissima expletionis rimatur. Mens itaque hæc quasi quendam populum patitur, quæ insolenti cogitatio-*

*Moral. in Iob,
lib. 4. cap. 33.**Luxuriæ cogitationes.*

cogitationum tumultu vastatur. Alius ira se dominio strauit, & Iræ tumultus.
 quid in corde, nisi iurgia, etiam qua desint, peragit? Hic sæpe praesentes non videt, absentibus contradicit, intra semetipsum contumelias profert & recipit, receptis autem durius respondet; & cum qui obuiet, nullus adsit, magnis clamoribus rixas in corde componit. Turbam itaque hic intus sustinet, quem pondus vehemens inflammata cogitationis premit. Alius iuri se auaritia tradit, & Auaritiæ stercus.
 fastidiens propria aliena concupiscit. Hic plerunque concupita adipisci non valens, diem quidem in otium, noctem vero in cogitationem versat. Torpet ab utili opere, quia fatigatur illicita cogitatione. Consilia multiplicat, & sinum mentis cogitationum inuentionibus latius expandit. Peruenire ad concupita satagit, atque ad obtinenda hæc, quosdam secretissimos causarum meatus quarit. Qui mox ut in causa aliquid subtile inuenisse se aestimat, iam se obtinuisse quod concupierat, exultat: iam quid etiam adepta rei adiungat, excogitat: atque quomodo in meliori statu debeat excoli, pertractat. Quam qui iam quasi possidet, mox insidias inuidentium considerat, & quid contra se iurgij moueatur; pensat, & exquirat quid respondeat: & cum rem nullam teneat, iam in defensione rei quam appetit, vacuus litigator elaborat. Quamuis enim nihil de concupita re ceperit, habet tamen in corde iam fructum concupiscentia, laborem rixæ. Alius se tyrannidi superbiæ subijcit, & cor miserum dum contra homines erigit, vitio sub sternit. Honorum sublimium infulas appetit, exaltari successibus exquirat: totumque quod esse desiderat, sibi apud semetipsum in cogitationibus depingit. Iam quasi tribunali praesidet, iam sibi parere obsequia subditorum videt, iam ceteris eminent, iam alijs mala irrogat, alijs qua irrogauerint recompensat. Iam apud semetipsum stipatus cuneis, in publicum procedit, iam quibus obsequijs fulciatur conspiciat; qui tamen hæc cogitans solus reperitur. Iam alia conculcat, alia subleuat: iam de conculcatis satisfacit odijs, iam de subleuatis recipit fauores. Qui igitur tot phantasmata cordi imprimit, quid aliud iste quam somnium vigilans vidit? Qui tot rerum causas quas fingit, tolerat, nimirum intrinsecus natus, ex desiderijs turbas portat. Hoc rotum astu diaboli fit, 2. Thess. 2
 qui operatur in filiis dissidentia, & à prauis desideriis & cogitationibus suos conquiescere nunquam desinit. Sicut enim Natural. histor. lib. 8. cap. 39.
 sus (vt scribit Plinius) interdum viginti filios parit, & quandoque omnes deuorat præter primum, & primo primam mamillam dat: sic diabolus quamuis in homine multa vitia, quasi multos filios pariat, tamē quia prima omnium radix in corde est, eiusque praua intentione, ubi hanc suam pri-

mogenitam perpetuò alat atque conseruet, de cæteris peccatis & actibus vitiosis parum sæpe sollicitus est; vt in hypocritis, superbis, maleuolis, inuidis maximè apparet: quorum externi actus sanctorum sunt; sed quod intus est, totum foetet, & abominabile coram Deo est. Hanc igitur cordis humani corruptelam quasi castrum diabolus occupat, & hominis dominium tenet. Vnde beatus Gregorius: *Si semel cor intentione corrumpitur, sequentis actionis medietas & terminus ab hoste callido securè possidetur. Quoniam totam arborem sibi ferre fructus conspiciit, quã veneni dente in radice vitiauit.* Debet igitur primò & ante omnia cor reformari; deinde exteriora opera, vel emendari vel ordinari poterunt. Sicut enim aranea, tracta tela, non egreditur ad venandum, nisi prius illa reformata, quam semper à medio incipit reparare, nihil extrema reputas, quàm diu medium fractum manet: eodem modo animã per peccatum vitiatam vt reformes ac redintegres, à corde incipiendum est, totusque peccati affectus deponendus, cogitationes & mala desideria penitus excutienda. Sic enim exteriora tua opera faciliè correxeris, atque in iustitiæ tramitem direxeris. Vnde Christus Phariseis: *Pharisee cace, munda prius quod intus est calicis & paropsidis, vt fiat id, quod de foris est, mundum.*

Moral. lib. 3.

Simile.

N. ath. 13.

Simile.

Cordis custodia.

Hebr. 3.

Quemadmodum quando castrum Principis ab hoste impugnatur, nec pacificè cum eo transigere Princeps potest, sed vi & armis defendendus locus est, prima cura esse debet, attentè cõsiderare, si qui in ipso suo castro sint qui pacem turbent, & hosti faueant; moxque illos penitus eiicere, aut etiam è medio tollere; deinde verò castrum fortiter munire, & diligenter clausum tenere conuenit: eodem modo agendum nobis est, vt castrum animæ nostræ (quod perpetuò impugnat diabolus, caro, mundus, nec pacem cum illis habere, in hac malitia dum sumus, possumus) ritè ac debitè custodiat. Ante omnia prospiciendum est, ne qui intus in corde lateant hostes, praua desideria, corruptæ cogitationes, intromissæ per consensum diaboli suggestiones. Hæc enim omnia pacè animæ turbant, cū hoste conspirant, & animæ haud dubiè infidias struent, negotiũ facessent, perniciè machinabuntur; & si intus domicilium ponere permittantur, castrũ nostrum hosti tradent. Sic suadet Apostolus: *Videte fratres, ne fortè sit in aliquo vestrum cor malum incredulitatis discedendi à Deo viuo.* Hoc enim prodicionis initiũ, & perdicionis nostræ exordium est. Omne cor malum cõsentiens in peccatũ, incredulo-

incredulum est, proditoriū est, discedendi à Deo consilium cæpi; vt eo relicto, diabolo carni, mūdo adhæreat. Primum igitur malitia cordis, per bonā contritionem apprehendēda est: quo præstito, illa statim per confessionē eliminanda, & per satisfactionē plectēda; vt ea facta iustitia, bona deinceps fiat sensuum custodia, & diligens virtutū operatio: quia per hanc anima munitur, sicuti per illam clauditur. Certē sicut *Similia.* fons lutosus, quouis iacto lapide faciliē turbatur, limpidus vero & arenosus non turbatur; & sicut corpus exulceratum, quouis tactu aut impulsu læditur, sanum non; & sicut arbor, vitiata radice ac putrefacta, quouis vento deiicitur, stabilis autē & firmæ radice arbor vix vllō vento subuertitur: sic cor hominis iam corruptū cupiditatibus, auaritia, & ambitione, exulceratū prauis affectibus, odio & liuore, vitiatū luxuriæ desiderijs, quauis mundi tentatione, quauis diaboli suggestionē, quauis carnis obiecta illecebra turbatur, corrūpitur, deprauatur. Accurata igitur & arcta debet esse cordis custodia. Sicut oculos palpebræ, os labia, aures lana, manus chirothecæ, atrū arca clausa custodit, vel naturæ ductu, vel artis industria: sic cor cogitationū puritate & innocentia seruandum, & ab omni externa iniuria protegendum est. Vbi primum *cor Iuda intrauit satanas*, ad prodēdum Christum, (scelus ab orbe condito maximē infandum) *statim exiuit.* *Lucæ 22.*

Enimuerò sic se res habet. Qui toto corde Deum diligit, tota anima, tota mente (quod superius explicatum dedimus) propter cordis puritatē nulli peccato consentit; sicuti qui ad *Similia.* scopum iaculatur, vt punctum attingat, brauiūmq; reportet, in illud solum toto intuitu, totaq; intentione fertur. Eodem enim modo, qui Deum ante conspectū cordis perpetuò gerit, ita illum vnū intuetur, diligit, timet, obseruat, vt nullus in animum cuiusq; prauitati aditus patere queat. Sicut enim *in specie hominis, si vnū radatur supercilium, quā propemodum nihil corpori, & quā multum detrahatur pulchritudini, quia non mole constat, sed parilitate ac dimensione membrorum:* sic in actione virtutis, si vel vna praua cogitatione animum à Deo auertas, parum in actione, sed multum in prauitate peccatū est, quia virtus ex tota causa consistit; nec operis magnitudinē, sed ordine æstimatur. Est enim virtus ordo amoris. Quare, qui vel modicum Dei oblitus, & ab eo oculos animumque auersus, ad alia cōtuenda diuertit, in omne nefas, totiusq; salutis dispēdium præceps fertur. Appositē D. Gregorius: *Holocaustum Deo dare, & totam mentem igne com-* *Anim⁹ à Deo.*

Moral. in Job
ib. 1. cap. 36.

2. Reg. 4.

Allegoria.

punctionis accendere, ut in ara amoris cor ardeat, non potest, nisi qui priusquā cogitationes ad opus prodeant, internos suos motus sollicitè circūspiciens, frenat. Vnde rectè inopinata morte extinguitur Ithobeth dicitur, quem & Scriptura sacra non in domo ostiarii, sed ostiariam habuisse testatur, dicens: Veniētes filij Remmon, Rechab & Banaa, ingressi sunt feruente die domū Ithobeth, qui dormiebat super stratum suum, meridie. Ingressi sunt autem domum, & ostiaria domus purgans triticum obdormiuit; sumentes spicas tritici, latenter ingressi sunt, & percusserunt eum in inguine. Ostiaria triticum purgat, cum mentis custodia discernendo virtutes à vitijs separat. Quæ si obdormierit in montem proprii domini sui, insidiatores admittit; quia cum discretionis sollicitudo cessauerit, ad interficiendum animum malignis spiritibus iter pandit. Qui ingressi, spicas tollunt, quia mox bonarum cogitationum germina auferunt; atque in inguine feriunt, quia virtutem cordis, delectatione carnis occidunt. Nequaquam verò Ithobeth iste hac morte succūberet, si nō ad ingressum domus mulierem, id est, mollem custodiam ad mētis aditum deputasset. Fortis namq; , virilisq; , sensus praponi foribus cordis debet, quem nec negligentia somnus opprimat, nec ignorantia error fallat. Vnde bene & Ithobeth appellatur, qui custode fœmina hostilibus gladijs nudatur. Ithobeth quippe vir confusionis dicitur. Vir autem confusionis est, qui forti mentis custodia munitus non est: quia dum virtutes se agere existimat; (ut omnis hypocrita, ambitiosus, auarus, inuidus, qui vitiis suis virtutem prætexunt) subintrantia vitia nescientem necant. Tota itaque virtute muniendus est aditus mentis, ne quando eam insidiantes hostes penetrent foramine neglecta cogitationis. Hæc Gregorius. Hoc sanctus Iob fecit, qui consurgens diluculo, offerebat holocausta per singulos filios suos, dicens: Ne fortè peccauerint filij mei, & benedixerint Deo in cordibus suis. Qui de cordibus filiorum sic sollicitus fuit, de suo magis erat. Hanc eius diligentiam imitari debemus.

Iob 1.

Sacerdotium
honorandum.

6. Glorificauerunt Deum, qui dedit talem potestatem hominib⁹.

LO C V S moralis de honorando sacerdotio ad Dei gloriam, qui talem illis potestatem dedit. Sicut enim turbæ hoc loco Christum honorarunt, Deo gloriam dantes, qui dedit talem illi potestatem, ut in terris peccata remitteret; sic omnes fideles sacerdotium à Christo institutum honorare debent, Deum glorificantes, qui sacerdotibus nouæ Legis talem potestatem dedit, ut quorum remiserint peccata, remittantur eis; & quorum retinuerint, retenta sint. Talis sanè &

Ioan. 20.

tanta

tanta hæc potestas est, vt nec Angeli in calo, nec ipsa beata Virgo mater Christi, in terris eam exercere permittatur; sed soli Apostolorum in Ecclesia Apostolica & Catholica successores, quibus hanc potestatem amplissimam dedit. Sunt autem hoc nomine honorandi sacerdotes, vt Deus in illis glorificetur, qui talem illis potestatem dedit. Cum imaginem bene exacteque depictam videmus, & laudamus, ipsum profecto artificem magis laudamus. Cum Iudæi Christo maledicerent, dæmoniacum eum, & Samaritanum vocantes, hanc iniuriam Patri, qui eum misit, illatam fuisse docet, dicens: *Ego dæmonium non habeo, sed honorifico Patrem meum, & vos inhonoratis me, Ego non quero gloriam meam, est qui querat & iudicet.* Docet in ipsius doctrina, eiusque obedientia, Deum Patrem honorificari: in eius contemptu Deum Patrem grauiter offendi, qui Filij sui gloriam querit, & negantes iudicat. Sic alibi dixit, etiam suos ministros & futuros sacerdotes includens: *Qui recipit vos, me recipit; & qui recipit me, recipit eum qui misit me.* Si-

Simile.

cut Pater in Filio, sic Dei Filius in suis ministris glorificari vult, quia sicut Pater misit Filium in mundum, sic & ego (ait ipse) mitto vos. Vtique non secus vt audiatur & honorentur, quam vt doceant quæ præcepit illis, aut pro nomine eius patiatur: non secus ad debitum à subditis honorem, quam ad magistris officium: non secus ad gloriam, quam ad cruces. Pharaon, rex

Ioan. 8.

Ægypti, non solum voluit ipsi Ioseph potestatem dare, vt ad nutum eius vniuersa Ægyptus moueretur; nec solum ipsemet eum honorare, donans illi regno annulo, & imponens digito illius; verum etiam iussit, vt hoc ipso honore ab vniuerso populo afficeretur, iubens vt omnes coram eo genu flecterent, & præpositum esse scirent vniuersa terra Ægypti. Nabuchodonosor, audita somni sui de statua admirabili expositione, adorauit Deum, dicens: *Verè Deus vester, Deus deorum est, & Dominus regum, reuelans mysteria.* At voluit præterea ipsum quoque

Matth. 10.

Danielem honorare. Vnde sequitur: *Tunc Rex Danielem in sublime extulit, & constituit eum principem super omnes prouincias Babylonis.* Sic Deus ad suam maiorem gloriam suos in re maxima ministros honorari vult.

Ioan. 17.

Missio sacerdotum.

Qui Christum diligit (ait sanctus Chrysostomus) qualis qualis tandem sacerdos sit, ipsum quoque diligit, quoniam per eum tremenda mysteria consecutus est: Baptismum Eucharistiam, peccatorum remissionem. Dic mihi, si cupidus visendi regias auro multo splendentes, & lapidum pretiosorum splendore undique coruscantes, inuenires eum qui clauis haberet, is autem rogatus abs te con-

Exemplum.

festum

Gen. 41.

festum

Dan. 2.

festum

festum

Homil. 10. in 1. ad Thess.

festum

Sacerdotalis potestas per se honoranda.

festum illas reseraret, introq; te mitteret, an non illum pra omnibus honorares? an nō aq; ut oculos tuos diligeres? Sacerdos verò tibi calum aperuit, & illum nec amas, nec amplecteris? Si uxorem habes, an non eum qui tibi eam conciliauit, omnium maximè amas? Ita si Christum amas, si amas regnū calorum, agnosce eos, per quos illud habes. Quapropter dicit Apostolus: Propter opus eorum pacem habete cum illis. Hęc ille. Ait quippe ibi Apostolus, & verbis efficacissimis hortatur: Rogamus vos, fratres, ut noueritis eos (non quidem simplici scientia, qua carere nō poterāt, sed affectuosa cognitione) qui laborāt inter vos, & praesunt vobis in Domino, & monent vos, ut habeatis illos abundantius in charitate propter opus illorum. Opus quippe pastoris & sacerdotis est multa maiestate plenū: consecrare corpus Domini; regenerare Deo mortuos; remissionem peccatorū dare. Vnde iterum diuus Chrysostomus: Si videntes viri alicuius seculari dignitate insignis familiarem, operam damus, ut, quantum possibile est, illi praestemus obsequium, cogitātes quòd, quae illi sunt, eius domino accedant, & quòd illi familiaris, ubi significat patrono suo, maiorem nobis apud eum fauorem conciliet; multo magis hoc erit apud vniuersorum Dominum. Nam si quis in vulgarem aliquem & abiectum benignitatem & cōpassionē declararit; Dominus quae sunt sibi propria faciens, promittit se in regnum introducturum eos qui aliquid boni ei fecerint. Hęc ille. Nempe si in extremo iudicio remunerat eos Christ⁹ amplissimè, qui vni ex minimis eius opus misericordiae impēderint; quanto magis remunerabit eos, qui maximos eius, illiq; officio ac munere coniunctos, debito amore complexus, & honore prosequutus fuerit! Quod ne quis dubitaret, disertè praedixit bonus Magister: Qui recipit Prophetā in nomine Prophetæ, mercedem Prophetæ accipiet.

*De Sacerdot.
lib. 3.*

Simile.

Lib. 8. Recogn.

Adde his, quòd vocatio & potestas ipsa summo honore digna est. De qua re sic Chrysostomus: Rex aliquis, si cui ex subditis suis honorem hūc impartitus fuerit, ut potestatem habeat, quoscunque velit, in carcerem conijciendi, & eosdem rursus relaxandi, is nimirum beatus ac mirandus omnium iudicio fuerit. At verò, qui à Deo tanto maiorem accepit potestatem, quāto calum terra pretiosius est, quāto etiā anima corporibus praestāt; hic itāne vilem à Deo dignitatem nonnullis accepisse videri debet? Vide plura apud eundem eodē libro, qui totus ferè in hoc argumento est. De hac re etiam diuus Clemens: Videntur mihi, qui loquūtur verbum veritatis, & qui illuminant animas hominum, similes esse radijs solis, qui ut procefferint, & apparuerint mundo,

mundo, celari ultra, aut occultari nullatenus possunt, dum non tam videntur ab hominibus, quam videre omnibus prestant. Glorificandus ergo Deus ab omnibus Dei seruis, qui talem potestatem dedit hominibus, etsi eorum conseruis. De hac materia iam in vna aut altera Dominica multa diximus, quæ in hunc locum conferri poterunt. De vera & indubitata remissione peccatorum per Ecclesiæ sacerdotes facta, & à Christo accepta, in altero Promptuario Catholico contra hereticos disputatum est, Dominica in Albis, & in hac præsentì.

*Domin. 3. post
Epiph. text. 4.
Dom. Pass. text.
4. Domin. 13. post
4. Pentec. text. 4.*

EVANGELIVM DOMINICÆ XIX.

POST PENTECOSTEN.



I O QVEBATVR Iesus principibus sacerdotum, & Phariseis in parabolis, dicēs: Simile factum est regnū celorum homini Regi qui fecit nuptias filio suo. Et misit seruos suos, vocare inuitatos ad nuptias: & nolebāt venire. Iterum misit alios seruos, dicens: Dicite inuitatis; ecce prandium meum paravi, tauri mei, & altilia occisa sunt, & omnia parata: venite ad nuptias. Illi autem neglexerunt & abierunt, alius in villam suam, alius verò ad negotiationem suam: reliqui verò tenuerunt seruos eius, & contumelijs affectos occiderunt. Rex autem cū audisset, iratus est, & missis exercitibus suis, perdidit homicidas illos, & ciuitatem eorum succedit. Tunc ait seruis suis: Nuptiæ quidem paratæ sunt: sed qui inuitati erant, non fuerunt digni. Ite ergo ad exitus viarum & quoscunque inueneritis, vocate ad nuptias. Et egressi serui eius in vias, cōgregauerunt omnes quos inuenerunt, malos & bonos: & impleta sunt nuptiæ discumbentium. Intrauit autē Rex, vt videret discumbentes: & vidit ibi hominē non vestitum veste nuptiali. Et ait illi: Amice, quomodo huc intraisti, non habēs vestem nuptialem? At ille obmutuit. Tunc dixit Rex ministris: Ligatis manibus & pedibus eius, mittite eum in tenebras exteriores. Ibi erit fletus & stridor dentium. Multi enim sunt vocati, pauci verò electi.

Math. 22.

1. *Qui fecit nuptias filio suo.* De ineffabili beneficio per incarnationem Filij Dei humano generi collato.
2. *Et misit seruos suos vocare inuitatos ad nuptias, & nolabant venire.* De peruersa hominum voluntate, suæ incredulitatis & damnationis causa.
3. *Iterum misit alios seruos, dicens: Omnia parata sunt.* De Dei benignitate ac prouidentia circa salutem hominum, ad nostrum in eum amorem inflammandum.
4. *Illi autem neglexerunt, & abierunt.* De ingratitude & negligētia humana circa causam salutis æternæ.
5. *Alius in villam suam, alius verò ad negotiationem suam.* De rerum temporalium amore inordinato.
6. *Reliqui verò tenuerunt seruos eius, & contumelijs affectos occiderunt.* De impietate & crudelitate persecutorum fidei, pietatis, & Ecclesiæ.
7. *Rex autem, cum audisset, iratus est, & misit exercitus suos, perdidit homicidas illos, & ciuitatem eorum succendit.* De certa & infallibili iustitia ac vindicta Dei contra omnes fidei Catholicæ persecutores.
8. *Amice, quomodo huc intraſti, non habens vestem nuptialem?* Contra pseudochristianos, & nostri temporis politicos.
9. *Ligati manibus ac pedibus eius, mittite eum in tenebras exteriores. Illi erit fletus & stridor dentium.* De pseudochristianorum, & maximè politicorum, æterna & horrenda pœna.
10. *Multi enim sunt vocati, pauci verò electi.* De paucitate saluandorum, locus ad timorem utilis.

1. *Qui fecit nuptias filio suo.*

Incarnationis
Dominicæ be-
neficio.

Locus moralis de ineffabili beneficio per incarnationem Filij Dei humano generi collato. Nuptiæ enim quas Deus (qui homo Rex hîc vocatur, quia hominum Rex amantissimus est) fecit Filio suo vnigenito, & ad quas vocat inuitatos, sunt illa admirabilis vnio & cōiunctio hypostatica Filij Dei, cū natura & carne humana, quādo *Verbum caro factum est, & habitauit in nobis*. Tunc enim facti sunt Deus & homo, duo in carne vna: duæ naturæ in vna persona. Tunc etiam facti sunt Deus & humana natura per gratiam adoptata in filios Dei, non duo in carne vna, vt in matrimonio carnali; sed duo in spiritu vno, per coniugium spirituale, quod *Sacramentum*, seu *mysterium magnum*, meritò Apostolus vocat, *in Christo & in Ecclesia*. Ex hoc enim matrimonio, ex his nuptiis inter Filium Dei & omnes electos, non minus arcta cōiunctio per copulam & vnionem spiritualement, inter Deum & animam sibi desponsatam facta est; quàm inter virum & foeminam per copulam carnalem fieri solet.

Huius

Ioan. 1.
Ephes. 5.

Huius autem coniunctionis, huius desponsationis cū Deo, ^{Nuptiarum} harum nuptiarum Filij Dei beneficia, dotes, munera, honores, gratiæ, infinitè multo maiores & ampliores sunt. ^{Filij Dei dotes.} Primum, ^{1.} *quotquot receperunt eum, inuitati ad has nuptias, dedit* ^{Ioan. 1.} *eis potestatem filios Dei fieri, his qui credūt in nomine eius.* ^{2.} Deinde, ^{Rom. 8.} *si filij, & hæredes: hæredes quidē Dei, cohæredes autē Christi.* ^{3.} Rursum, vt boni filij essemus, nō fide tantum, & vno quodam gradu, sed charitate quoq; & perfectius vniti: ^{Gal. 4.} *misit Deus Pater spiritum Filij sui in corda nostra, in quo clamamus, Abba Pater.* Accepimus enim per hanc desponsationem nostram cum Deo per Christum, *spiritum adoptionis filiorum Dei, in quo clamamus, Abba Pater.* ^{Rom. 8.} Iam verò accepto hoc *Spiritu promissionis,* seu repromisso per Christum Apostolis suis, & Ecclesiæ suæ, tum in sermone vltimo post Cœnam in horto, tū, quum ad Patrem ascenderet, iubens suos expectare in sancta ciuitate, *donec induerentur virtute ex alto,* hoc, inquam, accepto Spiritu, id est, *diffusa charitate in cordibus nostris per Spiritum sanctum, qui datus est nobis,* ^{Act. 1.} *(Spiritus enim promissionis, est ignita charitas, quam in die Pentecostes Apostoli acceperūt, nos in Baptismo, & Confirmationis sacramento per manuum impositionem accipimus)* habemus *pignus hereditatis* in corde nostro, & *testimonium Spiritus in nobis quòd sumus filij Dei.* ^{Roman. 5.} Per hanc enim charitatem *compatimur Christo, vt conglorificemur ei.* ^{Spiritus promissionis} Per hanc charitatem *Deus manet in nobis, & nos in eo.* ^{quid.} Per hanc charitatem sumus vnus Spiritus cum Deo. ^{5.} *Qui enim adhæret Deo, vnus spiritus est.* ^{1. Ioan. 4.} Per hanc charitatem seruamus ^{1. Cor. 6.} *mandata Dei.* ^{Ioan. 16.} *Qui enim diligit me, sermones meos seruabit;* ^{Matth. 19.} vt seruantes ea, salui fiamus. *Si enim vis ad vitam ingredi, serua mandata.*

Ad has nuptias inuitauit humanum genus Deus, à principio quidem orbis conditi, per fidem in Mediatorem venturum, mittens subinde seruos suos, Patriarchas & Prophetas, qui homines hanc fidem docerent: postea verò, ^{Inuitatio ad nuptias.} *occisis iam tauris & altilibus,* immolata victima Filij Dei, & Agno occiso, qui quidem *occisus fuit ab origine mundi,* tum quia ita futurū Deus prædestinauerat; tum quia ab eo tempore pretium eius, & virtus valuit habentibus fidem Mediatoris: sed nunc occiso non spe & fide tantum, sed & re ipsa; per alios seruos, Apostolos, & eorum successores, perpetuos verbi Dei præcones, homines semper inuitat. ^{Matth. 23.} ^{Hebr. 9.} Omnia parata esse affirmat. *Quicquid vel ad præcedentium delictorum remissionem, vel ad futuram totius vitæ renoua*

renouationem, vel ad animi prudētiam, fortitudinem, patiē-
tiam, vel ad futurā gloriæ beatitudinem necessarium fuit,
iam totum per nuptias Filij sui *Homo Rex*, Deus Pater, expe-
ditum & perfectum dedit. *Qui enim Filium suum nobis dona-*
uit, quomodo non cum eo omnia nobis donauit? Ipse enim factus
est nobis sapientia à Deo, & iustitia, & sanctificatio, & redemptio.
Ille iam traditus est propter delicta nostra, & resurrexit propter
iustificationem nostrā. Denique, introiuit pro nobis semel in san-
cta, aeterna redemptione inuenta, & propalata est sanctorū via:
Iuit parare nobis locum, veniet & assumet nos ad seipsum. Po-
stremò per has nuptias Filij Dei, facti sumus amici & domesti-
ci Dei, & ciues sanctorum. *Amici Dei* sumus, quia quacun-
que audiuit à Patre suo Filius Dei, nota fecit nobis. Domestici eius
sumus, quia seruus non manet in domo in aeternum, filius autem
manet in aeternum: & quia Filius Dei nos liberauit, verè liberi
sumus, non serui, non hospites, non aduenæ. Ciues sumus
noua ciuitatis Hierusalem, quæ descendit de cælo (quia omne
eius donum desursum est, descendens à Patre luminum, à Deo
parata, ut sponsa ornata viro suo. Gaudeamus & exultemus,
& demus gloriam ei, quia venerunt nuptia Agni, & uxor eius
preparauit se. Et datum est illi ut conperiat se byssino splenden-
ti & candido. Byssinum enim, iustificationes sunt Sanctorum.
Beati qui ad cœnam nuptiarum Agni vocati sunt. Huius ciui-
tatis ciues, hatum nuptiarum hospites sumus. Postremò &
per has nuptias Filij Dei, facti sumus incredibili dignatio-
ne fratres eius. *Qui enim sanctificat, & qui sanctificantur, ex*
uno omnes. Propter quam causam non confunditur fratres eos
vocare, dicens: *Nuntiabo nomen tuum fratribus meis; in medio*
Ecclesia laudabo te. Nec per prophetiam modò hoc prædi-
ctum est, sed & in Euangelio sic Veritas loquitur, sic Filius
Dei suos, fratres vocat. Dicit enim post gloriosam resurre-
ctionem suam mulieribus: *Ite, nunciate fratribus meis, ut eant*
in Galileam. Ibi me videbunt. Hæc sunt incarnati Filij Dei,
& desponsationis nostræ cum eo, & nuptiarum ad quas inui-
tamur, beneficia, dotes, gratiæ, honores, munera, succinctè
& crasse delineata, quæ amplificabit & locupletabit studiosè
Concionator.

Nuptiarum
carnalium &
spiritualium
comparatio.

Sicuti in nuptijs carnalibus, est animorum vnio, amicitia
& consuetudo arcta, omnium bonorum communio, ordo
subiectionis; sic in his nuptijs spiritualibus inter Christum
& Ecclesiam, est vnio spiritus; amicitia, fraternitas; est do-
norum & gratiarum amplissima communicatio; est denique
ordo

ordo subiectionis, vt sit pax in familia. Nam *uir caput est* Ephes. 5. *uxoris, uxorque* non diligere tātū, sed & obedire viro debet; tantōque magis obedit, quanto sincerius diligit. Sic vt pacem habeamus cum Deo, obediendum illi est per omnia, sicut diligendus super omnia. Iam verò matrimonij beneficium ex parte sponsi tanto illustrius est, quanto inæqualius; tanto pretiosius, quāto carius, maiorisq; pretio aut labore emptū; tanto beneuolentius, quanto spōsa deformior. Atqui Dei Filius humanam sibi naturam desponsans, sponsam accepit vehementer obæratam, litigiosam, nudam & pauperimam: quia delicti chirographum contra nos scriptum erat, diabolus nos sibi iure vendicauerat, vt captiuos eius; per peccati reatum, pauperes, miserabiles, nudi, omnibus virtutibus expoliati fuimus. Sponsam quoque accepit valde deformē, innumeris peccatis fœdatā: accepit rebellem & proteruam, immorigeram, inobedientem: accepit denique magno pretio emptam, pretio sanguinis sui. Postremò accepit ignobilem, & maximē inæqualem. Quare illam accepturus, *exin-* Philip. 3. *nuuit seipsum, formam serui accipiens*, quum esset Dominus gloriæ. Vnde diuus Bernardus: *Quanti te fecit Deus, ex his quæ* Serm. 22. *pro te factus est, agnosce, vt appareat tibi benignitas eius in humanitate. Quanto enim minorem se fecit in humilitate, tanto maiorem exhibuit in bonitate; & quanto pro te vilior factus est, tanto tibi charior esse debet.* Sic & diuus Ambrosius: *Plus Do-* In Lucam, *mine Iesu debeo iniurijs tuis, quibus redemptus sum, quā op-* lib. 22. *eribus tuis, quibus creatus sum.*

Dixit olim suis Iudæis Moyſes: *Interroga de diebus anti-* Cōparatio Le- *quis, qui fuerunt ante te, ex die quo creauit Dominus hominem* *gis & gratiæ.* *super terram, à summo cœlo, vsque ad summum eius: si facta est* Deuter. 4. *huiusmodi res aliquando, aut vnquam cognitum est, vt audiret populus vocem Domini Dei, loquentis de medio ignis, sicut tu audisti & vidisti.* Sed quantulum istud est, & quā exile præ nuptijs istis, quibus confectis, *audit iam sponsa vocem ipsam* Ioan. 1. *sponsi & Dei sui*, non in medio ignis, sed in persona propria, humana natura vestita: quādo ipse Principium loquitur nobis: Ioan. 3. *quando Verbum Dei caro factum habitat in nobis, & de pleni-* Ioan. 1. *tudine eius accepimus oēs: quando vnigenitus de sinu Patris ipse* 1. Ioan. 1. *enarrat nobis: quando vox de cœlo intonuit, Hic est Filius meus, in quo mihi bene complacui, ipsum audite: quando ipse sponsus suam sponsam facie ad faciem alloquens dicit: Beati* Matth. 13. *oculi, qui vident, quæ vos videtis, &c. quando illum loquen-* Coloss. *tem audimus, in quo omnes thesauri scientiæ & sapientiæ re-*

Joan. 15.
Coloss. 2.

conditi sunt: qui quacunq; à Patre audiuit, nota facit nobis: in quo plenitudo diuinitatis habitat corporaliter. Verè nō est facta huiusmodi res aliquando: nec vlla natio tam grandis est, quæ habeat deos suos appropinquantés sibi, sicut adest nobis Deus noster. Adest nobis per naturam homo factus. Adest nobis per Spiritum sanctum suum in corda nostra missum. Adest nobis per auxilia gratiæ suæ, operās in nobis: per amicitia nexum manens in nobis; per sacramentum passionis suæ incorporatus nobis: per fidem nominis sui purificans corda nostra; per charitatem diffusam in cordibus nostris, accendens voluntates nostras: per magnitudinem promissionum erigens spem nostram. Denique sic adest nobis, vt per illum Deus Pater nos conuiuificauerit, & conresuscitauerit, & consedere fecerit in cælestibus, vt sublimiter ac veraciter Apostolus scripsit. Sic Deus noster Emmanuel nomen eius. Sic enim per has nuptias, vt sponsa sponso, vt membra capiti, vniti atque coniuncti sumus; vt cum Christo viuificati per gratiam, cum illo simus resuscitandi per potentiam, vt cum illo consedeamus per gloriam.

Emmanuel,
Deus nobiscum,
quot modis.

Ephes. 2.

Christianorum
gloria,

Galat. 4.
Rom. 9.

1. Cor. 1.

1. Ioan. 1.

Dom'n. infra
Ost. Natiuit.
Dom'n. tex. 1.

Vnde illud sequitur, vt quibus oculis Christum cælestis Pater aspiciat, eisdem nos quoque aspiciat, in quibus videlicet Filij sui & spiritum, & carnem, & imaginem contuetur: Spiritum gratiæ, carnem naturæ, imaginem conformitatis ac vitæ. *Quotquot enim in Christo baptizati sumus, Christum induimus.* Christum induti, cōformes sumus imagini eius. Hinc fit, vt non secus pro suis Deus Pater nos habeat, quàm Filium suum. *Fidelis enim Deus, & verax in verbis suis. per quē vocati sumus in societatem Filij eius:* & vt ait diuus Ioannes, *Societas nostra est cum Patre, & cum Filio eius Iesu Christo.* Ad hanc societatem, amicitiam, vnicionem, & omnium bonorum cum Deo communionem, vocati sunt, quotquot per seruos, Prophetas, & Apostolos, ac præcones verbi Dei, ad nuptias Filij Dei inuitati sunt. Vide de hoc beneficio Incarnationis Dominicæ, seu nuptiarum Filij Dei, plura in alia suprâ Dominica. Hic locus si cui magis ad doctrinam, quàm ad mores facere videatur, tamen quia fundamentum est locorum omnium, quæ ad mores propriè pertinentia, in hoc admirabili Euangelio tractabuntur, tractari quoque breuiter & delineari debuit.

Volūtas praua
cuique perditionis
causa.

2. *Et misit seruos suos vocare inuitatos ad nuptias, & nolabant venire.*

Locus moralis de peruersa hominum voluntate, suæ incredulitatis,

credulitatis, & propriæ damnationis causa. Deus quidem per gratiam, & inspirationem internam, omnes ad beatitudinem, & Filij sui nuptias inuitat; sed multos per destinatos verbi sui prædicatores ac ministros specialiter vocat. Ex istis vocatis aliqui simpliciter credere nolunt, venire ad Deum nolunt, viam salutis carpere nolunt. De his Christus: *Hoc est iudicium (mundi.) Venit lux in mundum; & dilexerunt homines* ^{Ioan. 3.} *magis tenebras, quàm lucem.* Maluerunt in suis tenebris perpetuò delitescere, quàm ad lucem oculos aperire. De his Propheta: *Pro nihilo habuerunt terram desiderabilem. Non cre-* ^{Psal. 105.} *diderunt verbo eius; & murmurauerunt in tabernaculis suis, & non audierunt vocem Domini.* Sicut enim Iudæi terram promissionis contempserunt, sic imbeciles beatitudinis ingressum negligunt: sic mali Christiani murmurant in tabernaculis suis, id est, in voluptatibus & desiderijs suis, in quibus tabernacula sua fixerunt, vt in alia Dominica dictum est, & non audiunt vocem Dei loquentis in corde ipsorum, loquentis per vocem prædicatorum suorum. Non audiunt, quia audire nolunt. Clamat Propheta: *Omnes sitientes*, id est, ^{Esaie 55.} *saluari volentes, venite ad aquas; & qui non habetis argentum* (id est, vlla merita, vel opera bona) *properate*, voluntatem adhibete: *emite & comedite*, pretium emendi, & titulus comedendi, erit voluntas vestra: *Venite, emite absque argento*, id est, absque merito vlllo vestro. A nobis non exigitur aliud, quàm *sitire, properare, venire*: affectu, desiderio, voluntate ad Deum tendere. Nec pulchritudinem, nec robur, nec lerras, nec ingenia, nec nobilitatem (multi enim his omnibus carent) sed solam voluntatem Deus exigit, qua nemo caret, si velit. Nihil enim tam in potestate hominis est, quàm vt velit. Et sicut voluntatem nemo cogere potest, sic nec ea carere, qui rationalis creatura est. Vocantur ad has nuptias in hoc Euangelio *debiles, claudi, pauperes, ac cæci*: quia omnes isti, etsi viribus, sanitate, diuitijs, intellectu, & sapientia ad bene agendum carent, tamen voluntate, nisi sua propria culpa, non carent. *Anima insignis Dei imagine* (ait sanctus ^{Manua^l. cap. 18.} Augustinus) *illustris similitudine, habet in sese ex Deo, quo admoneatur semper, aut stare cum eo, aut ad eum redire.* Nec solum habet unde respirare queat in spe veniæ, sed etiam unde audeat aspirare ad nuptias verbi, & cum Deo inire fœdus societatis. Hac omnia facit amor, si anima exhibeat se similem Deo per voluntatem, cui similis est per naturam. Dicente Deo Cain: *Si bene egeris, recipies: sin autem malè, statim in foribus peccatum* ^{Genes. 4.}

tuum aderit; ne fortè Cain (vt erat impius ac proteruus) diceret statim, in sua potestate non esse, bene vel malè agere, sed illud quidem supra vires suas, hoc propter naturæ prauitatem, & diaboli violentiam, præter suas vires esse, subiunxit Deus: *Sed subter te erit appetitus tuus, & tu dominaberis illius.* Cælum emere, aut infernum demereri, in tua potestate erit. Venire ad nuptias, vel non venire, in voluntate eorum, qui inuitati vocantur, situm est. Ad Deum enim quod attinet, *ille vult omnes homines saluos fieri.* Ille omnes inuitat; ille omnium voluntates excitat, & excitatos adiuuat. Sed ideo non veniunt impij, quia nolunt venire. Nihil aliud habet homo in se verè proprium, quàm amorem spontaneum, qui est totus thesaurus hominis, honorabilis, pretiosus, liberalis, perpetuus, & charissimus Creatori.

1. Tim. 2.

Remund. Seb.
De nas. hom.
dial. 2. cap. 19.

Nolle venire
maximum
peccatum.

Prou. 1.
Similia.

Dicit apud Prophetam Deus animæ peccatrici, & venire ad nuptias nolenti: *Immunditia tua execrabilis; quia mundare te volui, & non es mundata à sordibus tuis.* Hæc est maximè Deo inuisa impietas, quando causa inobedientiæ & peccati sola improba, peruersa, & pertinax, mala voluntas est. *Vocaui, & renuistis. Ideo & ego in interitu vestro ridebo.* Qui Regi per literas & nuncium expressos, subditum ad se vocanti, responderet se venire nolle, aut de facto non venit, quia non vult venire, ille omnium iudicio grauissimè in Regem peccat. Nuncij expressi Dei, qui cum literis eius nos vocant, sunt verbi Dei prædicatores. Qui pullus, gallina vocante, statim non venit, citò à miluo rapitur. Canis à domino vocatus, statim venit. Creatura ad Creatorem, filius ad patrem, infirmus ad medicum, egenus ad locupletatorem suum, miser ad beatificum bonum suum non venit, quia non vult venire. Ait Propheta: *Apprehenderunt mendacium, & noluerunt reuerti.* Grauius conqueritur Iob, & inter suæ calamitatis misérias pro magna numerat, dicens: *Seruum meum, vocaui, & non respondit mihi: ore proprio deprecabar illum.* At Christus suis nuncijs, dicit: *Qui vos audit, me audit.* Quare iterum comminatur per Prophetam Deus: *Omnes in cade corrueitis, pro eo, quòd vocaui, & non respondistis mihi.* De hac materia vide plura in alijs supra Dominicis.

Jerem. 8.

Iob 39.

Luca 10.
Esaiæ 65.
Domin. 9. post
Pent. text. 4. &
locis ibi anno-
tatis.

3. Iterum misit alios seruos, dicens: *Omnia parata sunt.*

Dei prouiden-
tia circa salu-
tem nostram.

Locus moralis de Dei benignitate ac prouidentia circa salutem hominum, ad nostrum in eum amorem inflammandum. Non contentus semel misisse, qui vocarent inuitatos

tatos ad nuptias, iterum alios seruos mittit cum nouo & ampliori mandato, vt dicant: *Ecce, prandium meum parauit, tauri & altilia occisa sunt: & omnia sunt parata.* Amoris signum est, hospitem inuitatum venire recusantem, iterum ac secundo vocare; etsi amicum, nedum inimicum: etsi æqualem, nedum inferiorem: etsi virum bonum, nedum improbum. At omnes hîc inuitati improbi erant. *Omnes Rom. 3. peccauerunt, & egent gloria Dei. Dominus de cælo prospexit, vt videat si est intelligens, aut requirens Deum. Quæfuit idoneos mensæ suæ conuiuas, honestos hospites. Omnes declinauerunt. Non est qui faciat bonum, non est vsque ad vnum.* Inuitat tamen omnes ad pœnitentiam, vocat ad salutem, pacem & gloriâ offert omnibus Deus. Præceperat olim filiis Israël, vt si ad expugnandam aliquam ciuitatem venissent, *Deuter. 20. Exempla.* primùm ei pacem offerrent: quam si ciues recepissent, cunctus populus, qui in ea esset, saluus & incolumis relinqueretur. Si verò eam non reciperent, oppugnari iubebat, & interfici omnes masculinum in ore gladij. Hanc legem ipse cum hominibus tenet. Omnes ad pacem, ad veniam, ad salutem, ad gloriam inuitat, vocat, iterum ac secundo compellat. *Tamerlanus ille, qui totam Ægyptum, Persidem, & Asiam minorem domuit, qui se non hominem, sed Dei flagellum esse aiebat, ciuitatem aliquam aut locum oppugnaturus, primo die castra candida tendebat, secundo nigra, tertio rubra: vt qui primo die se dederent, salui cum bonis omnibus essent: qui secundum diem expectarent, luctuosam & pœnis mixtam deditionem acciperent: qui tertio non se darent, internecioni ad vnum omnes darentur. Sic iste Assur, & virga furoris Domini, in medijs crudelitatibus, pacis tamen & clementiæ prorsus immemor non fuit. Atqui Deus fons bonitatis, & Pater misericordiarum, primo secundo, tertio die pacem offert, vocat, inuitat. Quam eius misericordiam ac bonitatem his verbis describit sanctus Chrysostomus: Auersati sumus vocantem, & vndequaque il-* *Paulus Iouius lib. 2. virorum illustrium.* *lectantem: ac ne sic quidem de nobis pœnas ille sumpsit: sed accurrit ipse, ac resistentes fugientesque inhibuit: ipsi tamen ab illius manibus excussi, ad diabolum transfugimus. At ne sic quidē destitit ille, sed sexcentos rursus qui nos hortantur misit, Prophetas, Angelos, Patriarchas. At nos legationem non solam non admisimus, sed & legatos nobiscū agentes, iniuria affecimus. Ille autem nec per hoc quidē nos respuit, sed quod facere solent ij, qui vel vehementissimè cum amant, negliguntur tamen, circuiens ad oēs* *Homil. 5. in epist. ad Rom. Simile.*

Mich. 6.

adijs, tum in cælo, tum in terra sese manifestans, congressusque nunc cum Ieremia, nunc cum Michaa, paratus etiam cum aduersarijs suis ad rationis reddenda calculos descendere: tum autem ad omnia surdos ad colloquium secum trahens, ait: Popule mi, quid feci tibi? aut quid molestus fui? responde mihi. Hæc ille. Hæc Dei prouidentia & misericordia, sicut veteri populo peccanti, & post idola abeunti, suscitauit Esaias, Ieremias, Ezechieles, aliosque assidue Prophetas, nec legibus Mosaicis, nec literis Dauidicis, nec sapientia Salomonis eos abundè docuisse, sat habens; sic & multo vberius nouo suo populo per hæreses, per flagitia, per peccati & erroris deuia frequenter aberranti, non solum sancta Euangelia, & literas Apostolicas, quibus ad fidē errantes, ad pietatem peccantes reduci possent, suppeditauit ac reliquit; verum etiam per omnes ætates pastores, doctores, Athanasios, Augustinos, Ambrosios, & alia Ecclesiæ lumina dedit, qui semper inuitatos utcunque nolentes ac reluctantes, ad nuptias cœlestes studiosè vocarent: quod & nostra hac ætate inter tot hæresum portenta, & flagitiorum monstra misericordissimè fecit: pios ac doctos seruos suos subinde mittens, qui & fidem orthodoxam tuerentur, & ad pietatem ac bonos mores inflammarent. De hac Dei benignitate ac prouidentia vide plura in alijs Dominicis, vbi potissimum quomodo ouem perditam pius pastor quærat, explicatum est. Dominica 3. post Pentecosten, text. 4. Reliqua loca vide Dominica 5. post Epiphaniam, tex. 1. Dominica Septuagesimæ, tex. 1. & Dominica 1. post Pentecosten, tex. 2. vbi eisdem penè verbis ad coram magnam inuitantur omnes.

4. Illi autem neglexerunt, & abierunt.

Ingratitudo &
negligētia cir-
ca salutem.

Genes. 17.

3. Reg. 19.
Iona 3.

LO C V S moralis de ingratitude & negligentia humana circa causam salutis æternæ. Est enim hæc recusatio tum ex parte Dei, & amplissimorum, quæ in his nuptiis exhibentur, beneficiorum (vt in primo loco rudi minerua delineatum est) ingens & inexcusabilis ingratitude; tum ex parte nostra, fœda & miseranda negligentia. Abraham cum primùm de circumcissione mandatum accepit, per cuius signaculum pactum peculij cum Deo inire debuit, confestim eodem die seipsum, filium, & omnes vernaculos suos circumcidit. Elisæus audita voce Eliæ vocantis, statim secutus est eum. Cum Ionas dixisset. Niniuitis: Adhuc quadraginta dies, & Niniue subuertetur: non expectarunt ad vlti-

mum

mum vsque diem pœnitentiam agere; sed statim audita præ-
 dicatione, *crediderunt, & prædicauerunt ieiunium.* Contrà *Iudic. 19.*
 verò Leuita ille, qui voluit de Bethlehem redire in domum
 suam, dum longas nectit moras, & socii sui precibus ac
 blandimentis seriùs egreditur, domum suam pertingere
 non valens, in Gabaa pernoctare cogitur, vbi tantoperè ve-
 xatus, & ignominiosè tractatus, acerrimo bello, & vnus
 tribus internecioni causam dedit. Displicet Deo tam benig-
 nè & misericorditer vocanti longa tergiuersatio, & salu-
 tis oblata neglectio. Sapienter S. Augustinus: *Hac animad- In Sermo. 55. de*
uersione percutitur peccator; ut moriens obliuiscatur sui; qui vi- Innocent.
uens oblitus est Dei. Vnde apud Prophetam conqueritur Do-
 minus: *Curauimus Babylonem, & non est sanata: ecce relin- Jerem. 51.*
quemus eam. Sicut qui aduocatum bonum habens, & cau- Simile.
 sam suam negligens, ab eo postea in iudicem euecto, patro-
 cinium ampliùs postulare aut expectare non potest, quia
 nunc iudicis personam gerit, cuius non est, partem litigan-
 tem instruere aut informare, aut quoquo modo partiali-
 ter iuuare: sic omnino qui Christum nunc apud Deum Pa-
 trem aduocatum habem⁹, si nunc eius patrociniū & opem
 negligimus, nec per seruos eius admoniti & vocati causæ
 nostræ incumbimus; ab eo postmodum Iudice viuorum ac
 mortuorum futuro, nullum patrociniū, fauorem, aut gra-
 tiam nullam expectare possumus: quia tunc Iudex noster
 non aduocatus erit, & diabolo nos accusante, ex iustitia
 vnumquemque iudicabit, vt alio in loco dictum est. De hu-
 iusmodi apud beatum Iob dicitur: *Isti rebelles fuerunt lumi- Iob 24.*
ni, nescierunt vias eius, nec reuersi sunt per semitas eius. Quem- Simile.
 admodum enim *qui malè agunt, oderunt lucem, vt ibidem Ioan. 3.*
 sanctus Iob multis exemplis ostendit, ideòque lucem fu-
 giunt quasi vmbra mortis: sic pietatis hostes lucem do-
 ctrinæ, non ferunt vocationem Dei negligunt, suis delecta-
 titenebris, & excæcati sordibus. Appositè D. Gregorius: *Moral. lib. 16.*
Quia superbi nolunt facere quod cognoscunt; hac pœna puniun- cap. 26.
tur, vt nec cognoscant mala quæ faciunt. Quia enim prius rebel- Ibid. cap. 29.
les sunt; postea cecantur, vt nesciant. Et paulo pòst: *Isti in te-*
nebris sicut in luce ambulant, quia sic in præsentì cecitate latè
sunt, ac si æternæ patriæ luce persfruantur, vel quia ita gaudent
in nocte peccati, ac si eos iustitiæ lux circumfundat. Hoc est cor
 ingratum, cor durum, & diuinas voces sardis auribus ex-
 cipiens. Pulchrè diuus Bernardus: *Quid est cor durum? Ipsum Tib. 1. de Consid.*
est, quod nec compunctione scinditur, nec pietate molitur, nec mo Cor durum.

uetur precibus, minis non cedit, flagellis duratur, ingratum est ad beneficia, infidum ad consilia, sauum ad iudicia, inuerecundum ad turpia, impavidum ad pericula, inhumanum ad humana, temerarium ad diuina, prateritorum obliuiscens, praesentium negligens, futura non prouidens. Haec ille. Sanè serui Dei, qui vocant inuitatos ad nuptias, haec omnia & singula humano cordi proponunt, monent, minantur, hortantur: Dei beneficia, Dei flagella, Dei sapientiam, peccati pericula, turpitudinem, iudicium; praeterita, praesentia, futura ob oculos ponunt. Sed nihil horum mouet. *Nesciunt aliquid de lumine aestimare* (ait Augustinus) *quorum est in tenebris habitatio. Tenebras vident, tenebras diligunt, tenebras approbant; de tenebris euntes in tenebras, nesciunt ubi corruant. Cadunt apertis oculis, & descendunt in infernum viuentes.* Sicut enim paruulus puer in tenebroso carcere cum captiua matre natus & nutritus, in suis tenebris ludit, nec lucem desiderat; sic isti. De hac negligentia, ingratitude, & obstinatione contra verbi Dei praedicationem, & circa salutis curam, vide in aliis Dominicis quae dicta sunt.

5. *Alius in villam suam, alius verò ad negotiationem suam.*

LO C V S moralis de rerum temporalium amore inordinato. Idcirco enim isti ad nuptias inuitati, & secundo vocati, venite neglexerunt, quia alius in villam suam dominandi cupiditate abductus; alius ad negotiationem suam, ad rem familiarem augendam intentus, abiit. Hunc auaritia, illum ambitio; hunc concupiscentia oculorum, illum superbia vitae; utrumque rerum temporalium cura, & huius vitae vanitas ac sollicitudo abstraxit, atque abduxit, ut ad nuptias Agni venire penitus negligerent. De hac materia iam in variis Euangeliiis diximus, praesertim Dominica 2. post Pentecosten, ubi non quidem eadem parabola, praesenti tamen valde similis legitur; atque in Dominica Sexagesimae, de verbi semine, propter curas & sollicitudines huius vitae, propter diuitias & voluptates suffocato; ac demum Dominica 14. post Pentecosten, ubi illud, quod *nemo potest Deo seruire & Mammonae*, aliaque loca affinia tractata sunt. Aliqua tamen hoc loco non minus proprio, prout Deus dabit, addentur. Non vsus ad necessitatem subleuandam, sed amor rerum temporalium ad cupiditates explendas, impedit homines, ne redemptionis suae beneficium amplectantur. Qui enim magno feruore, desiderio, studio res seculi cta-

stat,

Soliloq. cap. 33.

*Domin. 5. post
Epiph. text. 2. &
Dom. 2. post Pen-
tecost. tex. 3.*

*Temporalium
rerum amor.*

Text. 4. & 5.

Text. 6.

Text. 3. 4. & 6.

*Vide quoq; Do-
min. 1. Quadrag.
tex. 8.*

*Domini. 2. Qua-
drag. text. 3.*

Domini 3. post

Pasch. tex. 2.

Domin. 4. post

Pentec. tex. 3.

Etat, is seculi conuiuia est, non Dei; is non ad cœnam magnam à Deo suis paratam, sed ad aqualiculum carnalium voluptatum, vt siliquis porcorum satietur, accumbit. De Rege Assyriorum superbo dicit propheta: *Aqua nutrierunt illum, & abyssus exaltauit illum.* Per aquas & abyssum intelligit diuitias & potentiam. Hæc duo illum extulerunt, & ex sublimitate in imam profunditatem præcipitarunt. Solent enim hæc duo intellectum tenebris circumfundere, & errorum ac vitiorum caligine operire. Ideo Propheta aquas propter confusionem, & abyssum propter tenebras (iuxta illud, *Abyssus erat super faciem terræ*, id est, tenebræ) illa duo vocat. Sicut in receptaculis aquarum, & hiatibus ingentibus, quæ sunt in corpore terræ, generantur animalia informia, & tardi motus, & cæca vt plurimum, sicut sunt talpæ; sic qui negotiis secularibus implicantur, in villa sua, & negotiatione sua toti occupantur, efficiuntur animales per concupiscentiam; & *animalis homo non percipit ea quæ sunt Spiritus Dei*; informes per malitiam, quia, quod Apostolus prohibet, *conformantur huic seculo*; tardi motus per negligentiam: *Dicit autem piger, Leo est in via, in medio platearum occidendus sum*; ac denique cæci per ignorantiam, sicuti de auaris Pharisæis Christus dixit, quum ad prædicationem eius offenderentur: *Sinite illos. Cæci sunt, & duces cæcorum.* Dicit Apostolus: *Nemo militans Deo* (at omnes Deo militare debemus, quotquot ad nuptias Filij Dei vocamur) *implicat se negotijs secularibus*, & causam subiungit: *Vt ei placeat cui se probauit*: quasi dicens, Deo placere non potest qui se implicat negotiis secularibus. Qui enim implicat se, inuoluitur, & inuoluendo detinetur, & detinendo superatur ab earum rerum cupiditate quibus se implicat. Vnde alia Scriptura: *Qui implicatus est, abundabit malitia.* Sic & Petrus docens fugere coinquinationes mundi, addit: *His rursus implicati superantur.* Quemadmodum enim Dauid ad pugnam contra Philisthæum perrecturus, indutus armis Saulis, incedere non poterat; sic sub Deo contra diabolum militaturus, indutus arma mundi, negotiis se & curis huius seculi inuoluens, vix vnum pedem promouere poterit. *Arma enim militiæ nostra non carnalia sunt, sed spiritualia*, ait Apostolus: non huius mundi prudentia, subsidia, abundantia, sed diuini Spiritus sapientia, auxilia; & effusi in nos abunde gratia. Porro quem huius mundi cupiditas tenet, in aquis nutritur, vt modò ex Propheta diximus: quia quemadmodum

Ezech. 31.

Genes. 1.

Simile.

1. Cor. 2.

Roman. 12.

Proverb. 10.

Matth. 15.

2. Timot. 2.

Eccles. 34.

2. Peter. 2.

Allegoria.

2. Corint. 10.

Similia.

Bernard. in 1.
Dom. Advent.
Sermo, 1.

Thren. 3.

1. Ioan. 1.

Apocal. 4.
Mundus est
mare vitreum.

2. Ioan. 1.

Simile.

In episto. ad Do-
natum.

is qui in aquis submergitur, quicquid manu tenet, ita fortiter tenet, ut nullo modo dimittat, sed secum submergi cogat; sic amicus huius mundi ita hoc amore immergitur, ut quicquid in mundo tenet, fortissimè teneat, nec se ab eo diuelli patiatur, unde fit, ut vocatus ad cœlestia venire negligat. Sicut autem qui in aqua submergitur, quàm diu caput adhuc extra aquas liberum est, periculo caret; sic qui in diuitiis natant, si cor adhuc illis non apponitur, si affectus & ratio superior extra & supra illas fertur, non submergetur in illis: at si caput ipsum, affectus, ratio, diuitiarum cupiditati cedat, necessariò in profundum fertur. Hinc illa apud Prophetam querela: *Inundauerunt aqua super caput meum, & dixi perij.* Certè mundus hic qui in auaritia & ambitione, & in duabus istis concupiscentiis maxima ex parte consistit, ut Ioannes docet, mare vitreum illud esse videtur, quod in Apocalypsi D. Ioannes vidit dicens: *Vidi in conspectu sedis tanquam mare vitreum simile crystallo.* Est enim mundus mare tumidum per superbiam, limidum per inuidiam, feruidum per iracundiam, profundum per auaritiam, inquietum per accidiam, spumofum per luxuriam, absorbens per ventris curam; vbietiam maior piscis minorem deuorat. Sed dicitur vitreum propter fragilitatem. *Transit mundus, & concupiscentia eius.* simile quoque crystallo propter frigiditatem, & obstinatam malitiam: est enim crystallum aqua gelata. Si mare vitreum mundus est, res turbulenta & fragilis; quanta dementia est illi potius adhærere, quàm ad cœlestes nuptias inuitatum venire? Hirundines in domo minante ruinam non ædificant, & fugiunt ab ædificiis malè materiatis, ut scribit Solinus. Quanto illi nobis prudentiores, qui omnino volumus omnem fœlicitatem nostram in caducis mundi bonis collocare! Mundi vanitatem, cui tamen sic pleriq; omnes totos se addixerunt, repudiatis bonis cœlestib⁹, egregiè D. Cyprianus his verbis describit: *Arridet mūdus ut jenuat, blāditur ut fallat, illicet ut occidat, extollit ut deprimat. Fœnore quodāmodum nocendi, quā fuerit amplior summa dignitatis & honorum, tam maior exigitur & usura pœnarū. Vna igitur placida, & fida tranquillitas, una solida, & firma, & perpetua securitas, si quis ab ijs inquietātis seculi turbinibus extrahatur, salutaris portus statione fundatus, ad calū oculos tollit à terris, & ad Domini munus admissus, ac Deo suo mente iam proximus, quicquid apud ceteros in rebus humanis sublime ac magnū videtur, infra suam conscientiam iacere gloriatur. Hæc ille.*

Sed

Sed quia mundus, totaꝫue eius vanitas atque cupiditas, *Psal. 103.*
mare magnum & spatiosum manibus, in Scripturis vocatur,
 considera maris proprietates, an non omnes mundo conue-
 niant. Sicut mare fluit & refluit, & omnes eius fluctus in ter-
 ram tandem delabuntur: sic mundus non quiescit: hos extol-
 lit, illos deprimat: nec quos extollit, in vlla pace consistere si-
 nit; sed omnes eius vanitates in sepulchro terminantur. Si ma-
 re est periculis expositum, *ut pericula sua narrent qui per ma-*
re nauigant; quid periculosius mundo, *cui conformari*, id est,
 cuius cursum tenere, prohibet Apostolus? Si mare est procel-
 lis agitaturn; quas tempestates subeunt, qui mundo seruiunt?
 quibus odij, inuidiæ, laboris nimbis iactantur? Concitat eos
 superbiæ, cupiditatis, libidinis, & doloris procella. vnde san-
 ctus Augustinus: *Vnicuique sua cupiditas, tempestas est. Amas*
Deum? Amulas super mare. Amas seculum? Absorbebit te. A-
matores suos vorare nouit, portare non nouit. Si mare est ama-
 rû quid amarior mundo, quid insuauius, quid asperius? Mœ-
 rore conficit, calamitatibus obruit, summis cruciatibus tor-
 quet. Si mare falsum est, & falsedine imbuit quæ illo asper-
 guntur, aut certè immerguntur, quid mundi cupiditatibus
 falsus, quæ eorum animos penitus inficiunt atq; deprauât,
 qui illis capiuntur: iuxta illud sancti Augustini: *Amor mundi*
adulterat animam, amor fabricatoris mundi castigat animam.
 Denique quemadmodum mare ostrea, conchylia, torpedi-
 nes, & algas proicit in lictus extra aquam, sed nō multo pōst
 iterum hæc omnia sorbet, & proiicit in profundum; sic mun-
 dus nos modò expellit, modò recipit: & quando in littore
 tranquillo arbitramur nos esse, tum nos deceptos aspicimus,
 & nouis rerum discriminibus plerunque agitados, in profun-
 do miseriarum submergit. Cōstruit architectus magnificum
 quoddam templum, sumptuosum, industria elaboratum, ma-
 gnoꝫue artificio substructum; & volens vltimam illi manum
 imponere, fastigium consummare, & superbam fornicem
 claue concludere, ruit repentè totum edificium, & artifex in-
 credibili dolore obstupescit. Talis est mundi læticia, quæ lon-
 go tempore quæsitæ, & rebus ad voluntatem fluentibus ve-
 nementer aucta, sic vt nihil ad summam fœlicitatem deessa
 videatur, vno momento, & in puncto, tota funditus ruit, aut
 morte nos illi, aut casu illam nobis eripiente.

Iam verò si nulla esset in mundi amore difficultas, amari-
 tudo, corruptio; si solida & fixa res esset, non caduca; si ani-
 mum sibi implicatum Deo penitus non auelleret; quid,
 quæso,

Similia.

1.

Mundus mare
magnum.

2.

Ecclesi. 12.

Rom. 12.

3.

De verbis

Dom. serm. 13.

4.

5.

De verbis Dom.

serm. 54.

7.

Matth. 16.

Psal. 74.

Ezech. 2.

Simile.

Eccli. 31.

Lib. 2. de cōsolat.

philos.

Osc. 4. 12.

Psal. 4.

quæso, aut quale est, hæc villa, & hæc negotiatio nostra, quid totus mundus est, ut propter horum amorem vocati ad cælestes nuptias ire negligamus? Christus Redemptor pro absurdissimo habuit tam cæcum hominum iudicium, qui beatitudinem animæ mundi bonis postponerent. *Quid* (inquit) *proderit homini, si uniuersum mundū lucratus fuerit, anima autem sua detrimentum patiatur?* Aut quam commutationem dabit homo pro anima sua? Quod nos apud Dauidem legimus, *Dixi iniquis, nolite iniquè agere*, legit iuxta Hebræos Pagninus *Dixi insanis ne insaniatis*. Quos incredulos vocat, iuxta nostrā versionem, Ezechiel, dicens, *Increduli & subuersores tecum sunt*; Septuaginta in Græco verterunt, *insanientes*. Sicut enim insani sibi ipsis manus iniiciunt, sic *omnis iniquitas* (ait Scriptura) *romphaabis acuta*. Insana res est, mundum cælo, fluxa sempiternis, falsa veris antepone. Totum hunc mundum, *pro quo & in quo dimicatur, punctum esse*, scripsit Seneca. Sed melius Boëtius *punctum puncti* illud esse dicit. De insanis mundi amatoribus dicendum, quod de Canaan in persona impiorum scripsit Propheta: *Canaan: in manu eius statera dolosa*. Hæc est statera dolosa, in qua terrena cælestibus præponderamus. Difficile est dicere, magis ne hæc sit impietas insana, quàm insania impia. *Filij hominum, usquequo graui corde?* quod iuxta Hebræos sic legitur. *Usquequo gloria mea in ignominiam*, supple, à vobis habetur? Nempe in hoc quod sequitur: *Vt quid diligitis vanitatem, & quaritis mendacium?* Relinquitis nuptias cælestes, & amplectimini vana & falsa bona. Hoc enim diuinæ gloriæ ignominiosum est.

6. *Reliqui verò tenuerunt seruos eius, & contumeliis affectos occiderunt.*

Persecutores
fidei.

Locus moralis de impietate & crudelitate persecutorū fidei, pietatis, Ecclesiæ. Isti enim omnium deterrimi, non contenti nō velle ad nuptias cælestes venire, negligere & recusare, etiam ipsos Dei seruos ac ministros, tantèq; felicitatis nuncios, tenuerunt, libertate priuantes; contumeliis affecterunt, honorem violantes; ac demum occiderunt, vita spoliantes. Ad hanc impietatem nihil accedere potuisse videtur. Tales erant in primis trecentis post Christum annis plerique totius mundi Imperatores Romani ethnici, etsi decem tantum persecutiones illorum temporum notari soleant, quia il-

la præcipua erāt, omniumque acerbissimæ. Tales postea fuerunt omnium ætatum hæretici principes, Arriani maximè, Constantius, Valens, alijque Gotthorum in Italia, & Vandalorum in Africa reges. Post illos autem in Oriente Iconomachi Imperatores multi: Leo Isauricus, Constantinus Copronymus, Philippicus, Leo Armenius, alijque nonnulli. Talis hodie (et si in Germania, Dania, Heluetia principes ac domini hæretici multi sint) sola tamen quæ religionem orthodoxam cruentis legibus, & omni crudelitatis genere persequitur, in Anglia est Elisabetha impotēs & infamis fœmina. Illa enim & vinctos tenuit omnes ad vnum Catholicos Angliæ Episcopos, multosque præterea Ecclesiarum illic pastores & doctores, quàm primū ad regni gubernacula sedere cœpit; & à decem iam circiter annis, omnis ordinis Catholicos, sacerdotes, nobiles, ciues, nō tenuit tantum diris carceribus mancipatos, sed & omni præterea contumelia affectos (sacerdotes maximè, qui ad nuptias cælestes, ad Ecclesiæ & sponsæ Filij Dei vnionem, errantes oues reuocabant) immanibus prius tormentis confectos, acerbissimo mortis genere interfecit. De qua afflictissimi illius regni persecutione duplici, vna per hæreticos magistros seductores, altera per potestates huius seculi percussores (quæ huic loco propria est) ea dici aptissimè possunt, quæ diuus Gregorius, eius gentis Apostolus, scribit super illa verba Iob: *Per gyrum dentium eius* (diaboli scilicet) *formido. Rectè* (inquit) *dicitur, per gyrum dentium eius formido, id est, iniquos predicatores Antichristi* (illi enim dentes diaboli sunt) *peruersa huius seculi protegunt potestates. Nā quos illi appetunt loquendo seducere, multipotentium studet sauiendo terrere. Per gyrum ergo dentium eius formido est. Ac si apertè diceretur. Idcirco isti peruersi predicatorum aliquos suadentes conterunt quia circa ipsos sunt alij, qui infirmorum mentes terrentes affligunt. Quale itaque illud tempus persecutionis apparebit, quando ad peruertendam fidelium pietatem alij verbis sauiunt, alij gladijs?* Quod iam in Anglia per annos triginta factum est, & postremis his annis ideo sauius atque acrius factum est, quia puduit ac piguit, vehementerque hæreticos illic dominantes afflixit, quod post viginti annorum pacificum schisma, nec prædicationibus seductorum, nec minis ac pollicitationibus Principum, nec multis vllis pecuniariis effici potuit, ut eorū impia cōuenticula à Catholicis adirentur, aut ab ipso vulgo, nisi per vim adacto, frequentarentur.

Elisabetha
Angla.

Moral. lib. 33.
cap. 29.

Persecutio Anglicana à D. Gregorio descripta.

Quare

Quare quod in diuo Gregorio sequitur, in illa persecutione venissimè completum nouimus. *Quis enim (ait) etiam infirmus, Leuiathan istius dentes (id est, nouos prædicantes) non despiceret, si non eos per circuitum potestatum seculariū terror munires?* Vtique iam dudum vacua conuenticula, vacua subsellia in Anglia habuissent. Sed duplici (ait Gregorius) contra eos calliditate agitur: quia quod eis ab aliis verbis blandientibus dicitur, hoc ab aliis gladius ferientibus imperatur. *Qua utrorumque, actio id est, potentium atque loquentium, in Ioannis Apocalypsi breui est sententia comprehensa, qua dicitur: Potestas equorum in ore & in caudis eorum erat. In ore namque, doctorum scientia in cauda verò secularium potentia figuratur. Isis ergo equis, id est, nequissimis predicatoribus, ubi carnali impulsu currentibus, in ore & in cauda potestas est: quia ipsi quidem peruersa suadendo prædicant, sed temporalibus potestatibus fulti, per ea quæ retrò sunt, exultant. Et quia ipsi apparere despicabiles possunt, ab iniquis auditoribus suis per eos sibi reuerentiam exigunt, quorum patrocini fulciuntur.* Hæc ille, non iam ut Apostolus tantum, sed ut Propheta clarus gentis hodie nostræ. Huius persecutionis Anglicanæ, qua seruos Dei ad ipsos ab Ecclesia missos, contumelias affectos occiderunt, crudelissima exempla videre licet in libello de persecutione Anglicana; in altero ad persecutores Anglos libro; ac potissimum in illo magno volumine, Treueris anno superiore edito, cui titulus est, *Concertatio Ecclesia Catholica in Anglia aduersus Calvinopapistas & Puritanos sub Elisabetha regina quorundam hominum doctrina & sanctitate illustriū renouata.* Certè presbyteros plus quàm quinquaginta infra hos paucos annos, exquisitis prius tormētis probatos, neci dederūt: inter ceteros virū eruditione, pietate, eloquentia, morū candore præstantissimum, Edmundū Campianum, Societatis Iesu presbyterum; qui quum decem propositis rationibus (libello insigni) ad nuptias cælestes homines Anglos, & maximè Academicos vocasset, paulo post captus, post contumelias per totam urbem Londinensem acceptas, post equuleos in carcere tertio toleratos, barbaro supplicio per plateas tractus, fune strangulatus, exenteratus & enisceratus, cum aliis cōpresbyteris, & gloriosi martyrij sociis occiditur. Hæc hodierni Euangelij praxis hodierna nō infructuosè ad hæreticorum iustā detestationem, & ad Catholicorū excitandam pietatem atque constantiam, tractari hoc loco & amplificari poterit. De his verum est quod Amos scribit; *Odio habuerunt*

corri

Apocal. 9.

Treueris. Anno 1588.

Decem rationes Campiani.

Amos 5.

*corripientem in porta & loquentem perfectè abominati sunt. & paulo antè: Qui conuertitis in absynthium iudicium, & iustitiam in terra relinquitis. Hodie in Anglia, non solum ipsi serui Dei vocantes ad nuptias, sed etiam qui aliquè presbyterum Catholicum in domum suam recipit; qui in priuato colloquio, vt aliquem ab hæresi ad fidem Catholicã reducat, vel minimum sermonem misceat; qui huiusmodi aliquid, ab alio quopiam præstitum vltra 24. horas celat, læsæ maiestatis crimen committere, & capitali supplicio (quale suprà posuimus) afficiendus, publico regni decreto iudicatur. Hoc est *Conuertere in absynthium iudicium, &c.* Quod de Iudeorum duritia Deus per Oseam dixit, in hoc persecutionis genere, maximè hodie Anglicanæ, locum habet: *Quid faciã tibi Ephraim, quid faciam tibi Iuda? &c. Propter hoc dolauit in Prophetis meis, id est, dolare eos feci, sicut lapidicæ dura saxa dolare coguntur; & occidi eos in verbis oris mei. Quemadmodum enim, quum lapidica per instrumenta sua ferrea benè selecta ac probata, duros lapides polit, fit interdum, vt propter ingentem lapidis duritiem frustum eius aliquod excidat, quod oculos percutiẽtis & polientis inuolet, aut etiam grauius lædat: sic quum Deus constantissimos suos seruos mittit, qui vocent ad nuptias, hæc viuæ eius instrumenta ab ipsis interdum lapidibus, quos dolare & expolire cupiunt, vt fiant filij Abrahæ, feriuntur: & propter verba Dei occiduntur. De hac materia vide plura in alia Dominica.**

Anglicana persecutio tyrannica.

Osea 6.

Simile.

Domin. 6. post Pasch. rex. 2.

7. Rex autem, cùm audisset, iratus est, & missis exercitibus suis, perdidit homicidas illos, & ciuitatem eorum succendit.

LOPUS moralis de certa & infallibili iustitia ac vindicta Dei, contra omnes fidei Catholicæ persecutores. Multis verbis hanc iustitiam Christus describit. Primum irasci Deum dicit. At iram eius quis sustinebit? Iob protestatur: *Deus est, cuius ira nemo resistere potest, sub quo curuatur qui portant orbem. Nahum conqueritur: Ante faciem indignationis eius quis stabit? & quis resistet in ira furoris eius? Indignatio eius effusa est vt ignis, & petra dissoluta sunt ab eo.* Et David exclamat: *Quis nouit potestatem iræ tuæ, & præ timore tuo iram tuam dinumerare?* Nam, vt alia Scriptura dicit, *Subitò venit ira illius, & in tempore vindictæ disperdet te.* Ac denique Apostolus concludit: *Horrendum est incidere in manus Dei viuẽtis.*

Iustitia Dei contra persecutores fidei.

Iob 9.
Nahum. 1.
Ira Dei.
Psalm. 85.

Ecclesi. 1.
Hebr. 12.

Deinde

Psal. 17.

Sapient. 5.

Roman. 8.
Impiorum omnia in malum
vertuntur.

Psal. 3.

Eccli. 5.

Sophon. 3.

Deinde addit Christus, quod *mittet Deus exercitus suos*. Miser homo, quem vnus angit pulex, quem vna rapit febricula, quem vna nox in somnis frangit; quid faciet quum Deus exercituum non vnum Angelum exterminatorem, sed exercitus & legiones Angelorum contra eum mittet? Quando *mittet in eos iram indignationis sue, indignationem, & iram, immisiones per Angelos malos*. Nec exercitus tantum angelorum seu demonum malorum, sed exercitus omnium creaturarum, quia *orbis terrarum pugnabit pro eo contra insensatos*. Adde his, exercitus hostiles foris, exercitus accusantium cogitationum, & conscientiae stimulos acerrimos intus, exercitus denique omnium operum ac verborum suorum. Nam vt *diligentibus Deum omnia cooperantur in bonum*, etiam ipsa peccata per poenitentiam deleta; sic odientibus Deum, & seruos eius persequentibus, omnia cooperantur in malum: mala quae fecerunt, & quae non fecerunt, sed facere voluerunt, vel per alios fieri curauerunt: bona quae fecerunt, in illis non perseverando, vel quae non fecerunt omittendo, vel depique quae acceperunt, Dei gratia abutendo.

Tertio dicit Christus, quod *perdet Deus homicidas illos*. Ergo nullus illis misericordiae locus relinquitur. Hos persecutores veritatis Euangelicae monet Propheta regius: *Et nunc Reges intelligite, &c. Apprehendite disciplinam*, vel, vt Hebraei legunt, *Osculamini Filium*, credite in Mediatorem, venite ad nuptias, *ne quando irascatur Dominus, & pereatis de via iusta, cum exarserit in breui ira eius; quia, vt supra dictum est, subitò veniet ira illius, & in tempore vindictae disperdet vos*. Et paulo antè ibidem, *Misericordia & ira ab illo citò proxima, & in peccatores respicit ira illius*. Postremò addit Christus: *Et ciuitatem eorum succendet*. Non in personas tantum praecipue delinquentes, sed in omnes tanti facinoris conscios, tanti sceleris fautores, tantae impietatis applausores, in loca ipsa, & communitatem vniuersam sauiet ira Dei, ignis, vastatio, exterminium.

Ad hos persecutores quadrat illud Sophoniae Prophetae: *Va prouocatrix, & redempta ciuitas, columba: non audiuit vocem* (vocantium ad nuptias coelestes, ad sanam & orthodoxam fidem) *& non suscepit disciplinam* (Catholicae enim religionis disciplina, exacta mandatorum Dei observatio, tota est odiosa) *ad Deum suum non appropinquauit. Principes eius in medio eius quasi leones rugientes, iudices eius lupi vesperti, propheta eius vesani, viri infideles, sacerdotes eius polluerunt sanctum, iniuste*

iniuste egerunt contra Legem. Vbi viget persecutio, principes sunt crudeles, iudices avari, falsi prophetae, & loquentes mendacia, qui sacerdotum locum tenent, pollute viuunt & flagitiose. Sequitur: *Dominus iustus* scilicet est. *Non faciet iniquitatem*: iusta exercebit iudicia. *Mane, mane iudicium suum dabit in lucem, & non abscondetur.* Citissime vindicta faciet, & quidem illustrem, quam omnes mirabuntur. *Nesciuit iniquus confusionem.* Putauit haecenus impius persecutor, quod nullam passurus sit confusione. Sed sequitur: *Disperdidi gentes, & dissipati sunt anguli earum: desertas feci vias eorum, dum non est qui transeat: desolata sunt ciuitates eorum, non remanente viro, neque ullo habitatore.* Hoc est perdere homicidas, & succendere ciuitatem eorum.

Sic Iudaeorum Hierosolyma ab Assyrijs vastata est. Sic Vandalarum Arrianorum Carthago à Belisario Iustiniani duce direpta est. Sic schismaticorum & contra sancti Spiritus maiestatem haereticorum Orientalium Constantinopolis à Mahumetanis occupata est. Et vt personas ipsas atque homicidas verae fidei persecutores perstringamus, sic Constantius Arrianus, mœrore confectus, cum contra Iulianum proficisceretur, obscure interiit. Sic Valens Arrianus, persecutor grauis, in bello contra Gothos, in casula succensus, obiit. Sic Anastasius, Chalcedonenſis Concilij hostis, fulmine de caelo percussus occubuit. Sic Constantinus Copronymus, Iconomachus, & acerbissimus persecutor, calidis febribus vehementissime agitatus, se viuentem in ignem coniectum esse vociferatur, & moritur. Sic Leo Armenius Iconomachus quoque in ipsa Ecclesia à conspiratis ipso natalis Dominici die interficitur. Sic Philippicus Imperator, tum Iconomachus, tum Monothelita, & ipse quoque Catholicos persequens, à Senatoribus suis in conuiuio occiditur. Sic Valentinianus iunior diuum Ambrosium vexans, & Catholicos persequi studens, à Maximo tyranno trucidatur. Sic Hunericus Arrianus, saeuissimus in Africa persecutor, à vermicibus corroſus interiit. Sic denique primi illi Christianae religionis persecutores, Nero. Domitianus, Seuerus. Adrianus, Decius, Valerianus, Maximinianus, Maximinus violenta morte omnes, vel acerbissima, vel ignominiosa valde perierunt. Nero, tum sua, tum alterius manu adiutus, ferro peremptus est. Domitianus suorum conspiratione confectus occubuit. Adrianus miserabili fato consumptus est, vt in seipsum sauire voluerit, si per domesticos licuisset. Seuerus,

Exempla iustitiae Dei in persecutores fidei.

Ammian. Marcell. lib. 21. hist.

Zonaras Annal. lib. 3.

Ioan. Bapt. Egnatius. lib. 1.

& Iulius Maximinus filius eius, ab exercitu interfecti sunt. Decius cum toto suo exercitu à Gothis cæditur, corpusque paludis voragine absumptum, nusquam inuentum. Valerianus à Persis captus, miserabili captivitate conficitur, Persarum regi subsellij vice serviens, quum equum conscendere, & micæ panum sub mensa eius comedere coactus. Maximianus, Massiliæ captus, iussu Constantij necatur. Maximinus Christiani sanguinis appetentissimus, putrescentibus genitalibus, vitæ tædio, vim sibi gladio intulit. Sed & præter istos, Maximianus alter, à Maximino adoptatus, ac Cæsar renunciatus, Christiano sanguine usque ad insaniam effuso, ulcere inguinibus innato, vermibus undique erumpentibus, obiit. Licinius quoque tyrannus, Constantinæ clementia abusus, Christianis infestissimus, Thessalonicæ captus, interficitur. In hos omnes iusta ira Dei defœvit. Iulianus demum apostata, Christianis molestissimus, in Persia, exercitum ducens, incerto ictu percussus, blasphemans moritur. Qui horum hodie facta imitantur, horum exitus perhorrescant. Nam & dum hæc scribimus, Henricus, Francorum rex, gravis Ecclesiæ Dei persecutor, primum tetra hypocrisis, & hæreticos tolerando, postea aperta perfidia & Catholicos Principes, duos fratres Guisianos, Cardinalem & Ducem, barbarè trucidando, iusto demum Dei iudicio trucidatur & ipse. De his omnibus dici potest, quod Gregorius Nazianzenus iuxta Scripturas scripsit: *Quomodo facti sumus in desolationem, repente destituti sunt, perierunt propter scelera eorum, tanquam pulvis qui disperditur à procella, tanquam arena vento disiecta, tanquam ros matutinus, tanquam sibilus sagena emissæ, tanquam ictus tonitruï, tanquam coruscatio perstringens.* Hæc ille. Nec est quòd de levi aut momentanea aliqua pace, felicitate, gloria, persecutores servorum Dei (ut in Anglia superbissimè faciunt) gloriantur. Maximianus Imperator, & Christianæ religionis hostis acerrimus, quum ab aspersione sanguinis immolatitij, milites suos Christianos magno cursu se longè proripere cerneret; ut eos ad sceleris societatem revocaret, his inter cætera verbis usus est: *Quò abitis ô homines deos nostros negantes? Non videtis victorias & trophaa? Non videtis bona plurima, quæ bonis adiunguntur? & quemadmodum quæ sunt, rectè quidem se habent, & sunt in tuto, alia verò accedunt quotidie; & quorum non eramus prius domini, in ea nunc dominatum obtinemus? Non gloriam quæ augetur? Non imperium quod dilatatur? Non civitates, quæ partim quidem*

Orat. 2. in Iulianum.

Apud Surium, in vita SS. Inde & Domna, to. 6. pag. 1001.

quidem sunt tributaria, & iam capta, partim verò sunt iam iam capienda? Non Gentium reges, qui sunt reputati pro mancipijs? Non omnia quæ eueniunt nobis ex sententia? Cuiusnam ergo hæc contingunt prouidentia? Vobis persuaideant temporum temperationes, moderata pluuia, fructuum fertilitates, imò verò vniuersum tempus fructus produciens, & spectantia omnia ad abundantiam. Hæc ille ethnicus & impius Imperator, Christianos in summa rerum ad tempus affluentia persequens. Similia hodie pleno ore iactant Anglocaluinistæ, quorum Elisabetha Anglocaluinistarum idolum.

& eadem penè verba videre licet in libro ad persecutores Anglos, pagin. 209. & 210. quia videlicet triginta totis annis regnauit ibi hæretica princeps, prospera semper fortuna vsa; quam etiam ob causam, illam penè vt deam colunt, diem natiuitatis eius Septembris 7. & diem quo ad regni solium peruenit, 17. Nouembris, maxima cum solennitate toto regno festum celebrantes, eamque in publicum prodeuntem, genu in terram flexo, & manu eleuata acclamantes, adorant, idque tanta religione, vt qui hoc studiosè non præstat, hostis regni iudicetur. Sed non gloriatur accinctus æquè vt dis-

cinctus. Ne dixeris: Peccaui, & quid mihi accidit triste? Altissimus enim est patiens redditor. Væ qui pradaris, nonne & tu prädaberis? & qui spernis, nonne & ipse spernèris? Cum consummaueris depredationem, depredaberis: cum fatigatus deficeris contemnere, contemnèris. Veniet Rex iratus, qui missis exercitibus suis, perdet homicidas istos, sanguinarios Anglocaluinistas, & quosuis alios veritatis Euangelicæ persecutores, & ciuitatem eorum succendet. Non est abbreviata manus Domini, nec veritas Euangelij extincta. Cum tempus acceperit, ille iustitias iudicabit, & tarditatem vindictæ grauitate pensabit. Fuerunt & alij hæretici principes, qui totis triginta annis Catholicos persequuti sunt, vt in Perfide circa annum salutis 400. Isdigertes rex, & ibidem circa annum 480. Gararanes rex; Valens quoque & Constantius Imperatores Arriani in Oriente: ne de suæ Elisabethæ regno trigesimali

Elisabetha Anglocaluinistarum idolum.

3. Reg. 20.
Eccli. 5.
Esaiæ 33.

Matth. 22.

Psal. 74.

orientur Anglocaluinistæ. Impij reges Iudæ, qui sanctos Prophetas persequabantur, Manasses Elaiam, Sedechias Ieremiam, & alij alios, longa satis impunitate ac fortuna prospera vsi sunt: sed vtrique in miseram captiuitatem cum toto tandem populo abducti sunt: quibus quum adhuc in transmigratione tantum quidam eorum essent sub Iechonia captiuo, regnante adhuc Hierosolymis Sedechia, per Ezechielem Deus sic commi-

Ver. populi reges à Deo castigati.

Ezech. 5.

natur: *Tertia pars tui peste morietur, & fame consumetur in medio tui, & tertia pars tui in gladio cadet: tertiam verò partem tui in omnem ventum dispergam, & gladium euaginato post eos. Et complebo furorem meum, & requiescere faciam indignationem meam in eis.* Exclamare hic meritò quis posset:

Psal. 88.

*Vbi sunt misericordia tua antiqua Domine? Quomodo miserator & misericors Dominus, longanimis, & multum misericors, sic loqueris? Sed quemadmodum columna modò tibi est dextera, modò sinistra, quia tu situm mutasti, quum illa sit immobilis, & semper una: sic Deus modò nobis est benignus, modò iratus, quia nos à virtute ad vitium deflectimus, quum in se totus sit inuariabilis. Pijs & timentibus eum à dextris stat, benignus & bonus est. Vitiosis, improbis, seruos suos qui vocant ad cœlestes nuptias tenentibus, contumelia afficientibus, occidentibus, à sinistris stat, iratus est, furore & indignatione plenus. Vox iusti est: *A dextris est mihi, ne commouear.* Et Sapiens dicit: *Cor sapientis in dextera eius, id est, in Deo stante à dextris. Cor stulti in sinistra illius, quòd caro propendet, & natura corrupta inclinat.* Et iterum: *Vias quæ à dextris sunt, nouit Dominus, id est, probat. Peruersæ verò sunt, quæ à sinistris sunt.* Stante ergo impiorum acerba persecutione, & seruos Dei ad se missos diuexandi perpetua voluntate, stat Dei sententia immobilis, quòd perdet homicidas illas, & ciuitatem eorum succendet. De hac Dei iustitia in peccatores obstinatos, vide supra plura in Dominica 9. post Pentecosten. text. 3. & 4. ad illa verba: *Venient dies in te, & circumdabunt te inimici tui vallo, & cætera quæ sequuntur.**

Psal. 15.
Eccles. 10.

Prou. 4.



Luca 19.

8. Amice, quomodo huc intraſti, non habens veſtem nuptialem?

Contra pseu-
dochristianos.

Locus moralis, contra pseudochristianos, seu nomine tepus tales, & contra nostri temporis Politicos. Hoc est enim iam quartum genus impiorum, quod Christus in hoc amplissimo Euangelio taxat, & quidem (vt ex sequenti loco apparebit) grauissimè. Primi nolebant venire ad nuptias, ad fidem & professionem nominis Christi. Secundi neglexerunt venire propter suas rerum temporalium cupiditates. Tertij adeò non veniunt, vt à quibus vocari fuerant, pessimè mulctauerint, tenentes eos, & contumelijs affectos occidentes. De quibus omnibus iam aliquid dictum est. **Quantum**
genus

genus eorum est, qui vocati ad nuptias, veniunt quidem, & discumbunt cum alijs, nomina sua Christo dederunt, baptizantur, fidem profitentur, sacramentorum communioni se immiscunt; sed veste propriè nuptiali carent, illa sanè, de qua Christus dixit: *Vos amici mei estis, si feceritis quæ ego præcipio* Ioan. 15. *vobis*. Amicus sponsi est, & tanquam amicus discumbit in nuptijs, qui servat mandata Dei, qui Deum diligit. *Qui enim* Ioan. 16. *diligit me* (ait Christus) *sermones meos servat*. Ideo dicit hoc loco Rex, qui nuptias fecit, *Amice*, tu qui te amicum profiteris, & tanquam amicus huc intraisti, quomodo, qua fronte id fecisti, non habens dilectionem mei, quod amicorum est proprium, non diligens voluntatem meam, non faciens præcepta mea, non querens honorem meum? Hoc enim amici, hoc legitimi hospitis est; hoc serui mei, qui te vocarunt, docuerunt; *docentes te servare omnia quaecunque mandavi illis*. Matth. 23. Rursum, hæc vestis nuptialis est dilectio fraterna, dicente iterum Christo: *In hoc cognoscent omnes quòd discipuli mei estis, si dilectionem habueritis ad invicem*. Ioan. 13. Vestis igitur nuptialis, Christiano propria, est & hæc fraterna dilectio. Hæc enim duo separari non possunt, dilectio Dei, & dilectio proximi, (vt in alijs iam locis ostensum est) & maximè dilectio totius societatis & congregationis proximorum, quæ est Ecclesia Catholica. Vestis ergo nuptialis, qua caruit hic conuiua impudens & miser, est vera & pura charitas (vt in altero quodque Promptuario Catholico ad hæc verba explicatum est) est verus Christianismus, *vt diligamus non lingua & verbo tantum, sed opere & veritate*: est *charitas de corde puro, & conscientia bona, & fide non ficta*: est profiteri Christum *non in fermento malitiæ & nequitie, sed in azymis sinceritatis & veritatis*: est denique, ex animo & tota affectione, atque sincerè Christianum esse, quod dici cupiunt, & haberi volunt. Verus itaque Christianus, verus conuiua nuptiarum Filij Dei, verus filius Ecclesiæ Catholicæ, amicum se Dei, & Christi, & Ecclesiæ profiteretur.

Atqui amicitia omnis quatuor habet necessarias conditiones. Est inter amicos animorum consensus, & sic quasi definitur amicitia, vt sit *rerum diuinarum & humanarum consensus, cum beneuolentia coniuncta*. Est igitur in hoc nexu idem velle, & idem nolle. Quare sicut Deus hanc amicitia legem maximè servat, dicens. *Ego diligentes me diligo*: & rursum; *Voluntatem timentium se faciet*: & iterum, *Si manseritis in me & verba mea in vobis manserint, quodcunque* Prou. 1. Psal. 144. Ioan. 16.

Amicitia 4.
conditiones.

Psal. 111.

2.

Rom. 9.

1. Petr. 2.

1. Ioan. 2.

Philip. 3.

3.

Tit. 3.

Rom. 5.

Esaia 7.

Tit. 2.

Roman. 4.

1. Paralip. 29.

Ioan. 15.

Ioan. 17.

4.

volueritis petetis, & fiet vobis : sic ab altera parte, vt nos eam legem seruetmus æquissimum est, iuxta illud : *Beatus vir qui timet Dominum, in mandatis eius vult nimis*. Christum ergo & Dei amorem profitentes, id omne velle debemus quod Deus vult, mandat, flagitat. Rursum inter amicos est quædam semper similitudo. Similitudo enim morum beneuolentiam conciliat : sed & amor ipse assimilât amantem amato. Sapienter Augustinus : *Si Deum diligis, Deus es ; iuxta illud : Ego dixi, dy estis. Si terram diligis, terra es ; iuxta illud. Terra es, & in terram ibis*. Christianus ergo si es, & Deum diligis, debes conformis fieri imagini filij eius, sequi vestigia eius, ambulare sicut ille ambulauit, imitator esse illius, qualem se Paulus fuisse profitetur. Iam verò inter amicos est omnium bonorum communicatio. Amicorum enim omnia communia.

Quoniam igitur Christus omnia sua nobis larga manu communicauit, effundens in nobis Spiritum sanctum suum abunde, & à quo accepimus (teste Paulo) abundantiam gratia, & donationis, & iustitia ; qui denique se totum nobis dedit, quia nobis datus, nobis natus, semetipsum pro nobis dedit, & cum eo Pater nobis omnia donauit : necessario sequitur, vt & nos vicissim ex sincera dilectione nos ei totos demus, dicentes, & opere complentes, cum sancto illo Rege Dauide, totòque populo eius, quum ad templi Dei structuram singuli liberalissimè & maxima cum animi alacritate conferrent : *Tua sunt omnia Domine ; & quæ de manu tua accepimus, dedimus tibi*. In Dei cultum, obsequium, seruitiũ, voluntatem faciendam, honorem tuendum & propagandum, omnia nostra impendi debent, vt ei demus quæ sua sunt. Sic Christus dixit : *Vos amici mei estis, si feceritis quæ ego precipio vobis*. sicuti, ad se quod attinebat, postea dixit : *Ego dixi vos amicos meos, quia quacunque audiui à Patre meo, nunc feci vobis*. Postremò, inter amicos est quædam æqualitas, quia inter prorsus inæquales amicitia (quæ coniunctionem beneuolam & familiarem sonat) esse non potest. Et quidem in rei natura maxima est inter Deum & hominem inæqualitas. sed fecit inscrutabilis Dei prouidentia & amor in nos ineffabilis, vt dato nobis filio suo, siue per nuptias filij sui, (vt suprâ explicatum breuiter est) Deus iam homo factus, & frater noster, & amicus, & socius fieri voluit, nòsque Dei ipius & filij, & hæredes, & cum Christo cohæredes effecti fiamus. Hæc æqualitas admirabili Dei consilio facta est : ne

stante

stante semper illa maxima inæqualitate, solam reuerentiam, aut timorē erga Deum gereremus; & vt hac mediante quantatenus æqualitate, amor purior, dilectio suauior, amicitia sincerior, coniunctio affectuosior, fiducia maior, charitas perfectior inter Deum & nos coalesceret, & in nobis erga Deum cresceret. Postulat ergo has quatuor condiciones vestis ista nuptialis, charitas & dilectio Dei verè Christiana.

Quæ quidem vestis, meritissimè dicitur, quia *operit multitudinem peccatorum*, teste Petro; quia cor accendit & calefacit: *Ignis enim ille est, quem Christus in terram misit vt arderet*: quia animum splendidissimè ornat, vocata à Ioanne *Byssinum splendens & candidum*. Nuptialis autem dicitur, quia hanc propriam filius Dei induit, quum humanam naturam diuinitati suæ copularet. *Sic enim Deus dilexit mundum, vt vnigenitum suum daret, &c.* sed maximè quum in cruce Redemptionis nostræ mysterium, & quasi matrimonium inter se & Ecclesiam consummavit, dicens: *Consummatum est. Commendat enim charitatem suam in nobis Deus*, id est, maximè illustrem & commendabilem reddidit: *quoniam, cum adhuc peccatores essemus, Christus pro nobis mortuus est*. In cruce quippe vestem charitatis contexuit, non de pilis animalium, non de corticibus herbarum, non de interioribus vermium, sed de interioribus suorum viscerum; idque quum lateris apertione amorem cordis patefecit. Denique est vestis nuptialis, quia vt Christus illam perpetuò gessit, quum hîc in terris has nuptias instrueret, & sponsi officium faceret, ex maxima in nobis charitate salutem nostram operatus in terra, & pertransiens benefaciendo & sanando omnes oppressos à diabolo; sic vicissim nos eam perpetuò & indefinenter gestare debemus, durante conuiuio hoc nuptiali, id est, in tota hac militia peregrinationis huius; donec sublati mensis, thalamum sponsi ingrediamur, in sancta sanctorum, in qua Pontifex noster semel ingressus est, æterna pro nobis redemptione inuenta; & quò nos præcessit, parare nobis locum. Hanc vestē perpetuò indui oportet, quia elegit nos (ait Apostolus) vt essemus sancti; & vt sanctus Zacharias dixit, dedit se nobis, vt seruiamus illi in sanctitate & iustitia coram ipso omnibus diebus nostris. Quare, quæadmodum Nabuchodonosor Rex, præposito domus suæ in mandatis dedit, vt de filiis Israël captiuis quosdā eligeret; in quibus nulla esset macula, decoros forma, & eruditos omni sapientia, cautos scientia, & doctos disciplina, qui possent stare in palatio Regis; quibus

Charitas cū vestis nuptialis.

1. Petr. 4.

Luca 12.

Apocal. 19.

Ioan. 3.

Ioan. 19.

Rom. 5.

Nuptialis vestis perpetuò gerenda.

Psal. 73.

Act. 2.

Hebr. 5.

Ioan. 14.

Ephes. 1.

Luca 2.

Allegoria.

Daniel. 2.

Ephes. 1.
Tit. 2.
Ephes. 5.

1. Ioan. 4.

Ioan. 6.
Prouerb. 9.
Lusa 22.
Philip. 1.
Rom. 15.
Luca 22.
Ephes. 2.

In Comment. in
Matth. cap. 22.

Homil. 41. oper.
imperfect. in
Matth.

Contrâ Politi-
cos nostri tē-
poris.

& idcirco constituit annonam per singulos dies de cibis suis, & de vino unde bibebat ipse; vt videlicet non nisi sic vestiti & induti coram Rege tandem comparerent: eodem planè modo Deus Pater ex hac massa perditionis, & captiuitate totius mundi elegit quosdam à constitutione mundi, per Christum, quasi præpositum domus suæ, vt essent sancti, populus acceperabilis, sectator bonorū operum, Ecclesia gloriosa, sine ruga, & sine macula; qui stent postea in conspectu Dei & Agni, laudantes eum in secula seculorum; quibus propterea dat in singulos dies annonam, de Spiritu suo quem dedit nobis, de pane suo quem dedit nobis, quæ est, Caro eius pro mundi vita; de vino suo quod miscuit nobis; qui est Sanguis noui Testamenti: vt sic noua innocentia itola vestiti, & magis ac magis in scientia & in omni sensu abundantes, pleni dilectione, repleti omnis scientia, digni habeamur stare ante filium hominis, pro tribunali sedentem, & consedere & conregnare cum eo in cœlestibus regnante. Talis & tanta res, tam necessaria, tam gloriosa est hæc vestis nuptialis, quam omnes habere necesse est, qui intrant in domum nuptiarum Filij Dei, & accumbunt in Sacramentis Ecclesiæ Catholicæ, & fidei Christianæ professionem gerunt. Vestis nuptialis (ait D. Hieronymus) præcepta sunt Domini, & opera quæ complentur ex Lege & Euangelio, nouique hominis efficiunt vestimentum. Si quis igitur in tempore iudicij inuentus fuerit sub nomine Christiano non habere vestem nuptialem, hoc est, vestem supercœlestis hominis, sed vestem politam, id est, veteris hominis exuias, hic statim corripitur, & dicitur ei: Amice, quomodo huc intraisti, non habens vestem nuptialem? Quemadmodum enim (ait diuus Chrysostomus) Si aliquis cum nigris vestimentis inueniatur in nuptijs, sordidat gloriam nuptiarum; ita & qui opera habet tenebrosa, & inter Christianos quasi vnus ex eis conuersatur, ipsi Christianitati facit iniuriam. Homo itaque, aut secundum locū eligat vestem, aut secundum vestem eligat locum: aut secundum opera eligat professionem, aut secundum professionem, faciat opera. Qui vult esse Christi, faciat opera Christi. Qui autem non vult opera Christi facere, audiet in die iudicij: Amice, quomodo huc intraisti, &c. Hæc ille.

Quæ verba, vt & tota præcedens oratio, contrâ execrabile hodie Christianorum genus, qui Politici vocantur, & veri Christiani non sunt, vt pote, in quibus ethnicorum reuixit spiritus, magis, in impij Machiaueli, quàm in Christi schola edocti sunt, plurimum valent. Isti enim hanc vestem nuptialem

nuptialem adeò non habent, adeò sine illa in nuptiis Filij Dei accumbunt, adeò illam prorsus negligunt, vt quū Christianos & Catholicos se dicant, nihil minùs quàm huiusmodi sint, pacem videlicet Reipub. Principum libidines, ac iniquas leges, rerum temporalium affluentiam, conseruationem, incrementa, toti penitus Christianæ religioni anteponant. Illorum enim axiomata hæc sunt: *Reipublica statum & conseruationem priorem & antiquiorem habere oportet, quàm religionis causam. Status civilis & politicus, Ecclesia statum antecellit. Regum decreta ac placita primum auctoritatis locum tenent. Conscientias letaliter vulnerant, qui in materia religionis necessitatem obediendi imponunt. Virorum fortium hic scopus, hoc studium, hæc cura primaria esse debet, vitam latam & affluentem ducere, quæstiones autem de religione togatis hominibus & * monachis relinquere.* Hæc sunt eorum

pauca è multis axiomata pestifera & venenata, à quibusdam quidem, libellis Gallicis in vulgus sparsis, publicè edita; sed à quàm plurimis in praxim redacta. Isti omnes veste nuptiali non carent tantum, sed ea impiè ab humeris reiecta, de sua nuditate turpiter gloriuntur. Si charitatem haberent, de corde puro, & conscientia bona & fide non ficta; si in sinceritate & veritate Christum profiterentur; si amici Christi, discipuli, & fratres eius, aut essent, aut esse contenderent; si nuptiarum cælestium fructum ita expeteret, vt titulum ambiunt; hæc tam horrenda vel obiter in animum & cogitationem admittere exhortescerent. Ethnicus hic spiritus est, vox athea, verba satanica. Sic olim ethnici ac pagani suam falsam religionem colebant, teste amplissimo sancto Augustino, qui hæc eorum verba profert: *Tantum stet* (inquiunt) *tantum floreat copijs referta, victorijs gloriosa: vel, quod est felicius, pace secura sit Respublica. Et quid ad nos? Imò ad nos magis pertinet, si diuitias quisque semper augeat, quæ quotidianis effusionibus suppetant, per quas sibi etiam infirmiores subdat quisque potentior. Obsequantur diuitibus pauperes causa saturnitatis, atque vt eorum patrocinijs quieta inertia persuantur; diuites pauperibus ad clientelas, & ad ministerium sui fastus abutantur. Populi plaudant non consultoribus utilitatum suarum, sed largitoribus voluptatum. Non iubeantur dura, nò prohibeantur impura. Reges non curent quàm bonis, sed quàm subditis regnent. Prouincia regibus suis non tanquam rectoribus morum, sed tanquam rerum dominatoribus, & deliciarum suarum prouisoribus seruiant: eosque non sinceriter honorent, sed nequiter*

Politico-
rum
axiomata.

1.

Belloz pag. 12.

& 22.

2.

Antiquisart,

pag. 124.

3.

4.

* Vide Domin.

in ramis Palma.

text. 5.

1. Tim. 1.

1. Cor. 5.

Ioan. 15.

Matth. 28.

De Ciuit. Dei,

lib. 2. cap. 10.

Politico-
rum ho-
die verba, ex
ore paganorū.

ac seruiliter timeant. Quid aliena vita potius, quàm quid sua vita quisque noceat, legibus aduertatur. Nullus ducatur ad indices, nisi qui aliena rei, domui, saluti, vel cuiquam inuito fuerit importunus aut noxius. Caterum de suis, vel cum suis, vel cum quibuscumque volentibus faciat quisque quod libet. Abundent publicæ scorta, vel propter omnes quibus frui placuerit, vel propter eos maximè, qui habere priuata non possunt. Extruantur amplissima atque ornatissima domus, ubi opipara conuiuia frequententur, ubi cuique libuerit & potuerit, die noctûque ludatur, bibatur, vomatur, diffluatur. Saltationes undiq; concrepent, theatra inhonesta latitiæ vocib⁹, atq; omni genere siue crudelissima siue turpissima voluptatis exastuent. Et ille sit publicus inimicus, cui hac felicitas displicet. Quisquis eam mutare vel auferre tentauerit, eum libera multitudo auertat ab auribus, euertat à sedibus, auferat à viuentibus. Illi habeantur dij veri (illa sit vera religio) qui hanc adipiscendam populis procurauerunt, adeptamque seruauerunt. Colantur ut voluerint, ludos exposcant quales voluerint, quos cum suis, vel de suis possent habere cultoribus. Tantùm efficiatur ut huic felicitati nihil ab hoste, nihil ab vlla clade timeatur. Hæc illi olim ethnici, hæc hodie nostri Politici, paucis exceptis, omnia, dicunt, probant, faciunt; ut in duorum magnorum Principum aulis, ubi politici magis quàm Christiani fide & autoritate pollent, vsu venisse cernimus. Sed quid ad hæc sanctissimus & doctissimus Pater Augustinus respondeat, audi. Subiungit; *Quis hanc Rempu. sanus non dicam Romano imperio, sed domui Sardanapali comparauerit? qui quondam Rex ita fuit, ut in sepulchro suo scribifecerit, ea sola se habere mortuū, qua libido eius, quum viueret hauriēdo consumpserat. Quem Regem isti si haberent, sibi in talibus indulgentem, nec in eis cuiquā vlla seueritate aduersantem, huic libentiùs, quàm Romani veteres Romulo, templum & flaminem consecrarent.* Hæc ille. nec enim ampliori refutatione tam fœda paradoxa ex Epicuri schola profecta digna esse existimauit, nisi quod ex profanis ipsis authoribus nullam sine iustitia stare Rempubli. posse, longa postea disputatione confirmat. Ad religionem autem quod attinet, & veri Dei cultum, quem iste Politicorum, atheismus explodit, nullam sine ea veram aut optabilem Reipub. pacem consistere posse, ex ipsis prophanae sapientiæ principis, ac Philosophorū placitis, idem clarissimus doctor ostendit: quæ quia isti Politici libentiùs audiunt quàm voces diuinas, (quod tamē in homine Christiano inexpressibile scelus est)

ex Augu-

ex Augustino breuiter trāscribemus. Pax (inquit) corporis est *De Ciuit. Dei,*
ordinata tēperatura partiū. Pax anima irrationalis, ordinata re- *lib. 19. cap. 13.*
quies appetitionum. Pax anima rationalis, ordinata cognitionis
actionisq; cōsensio. Pax anima & corporis, vita & salus animan-
tis ordinata. Pax hominis mortalis, & Dei immortalis, ordinata
in fide sub æterna lege, obedientia. Hæc pacis genera sola ratio
& philosophiæ studium homines docuit: quæ si in prioribus
membris tenent Politici, cur negant in postremo? nisi quia *1. Cor. 2.*
animales sunt, non sapientes ea qua Dei sunt. Prudentia carnis *Rom. 8.*
valent, quæ inimica est Deo, qua legi Dei subiecta non est: nec
enim potest. Denique toti ad terrenam ciuitatem pertinent,
vt filij secundum carnem; non ad ciuitatem Dei & cælestem,
vt filij in Spiritu sancto regenerati. Alioqui agnoscerent verū
esse, quod diuus Augustinus de vera pace disputans, scribit: *Pax vera.*
Omnis (inquit) vsus rerum temporalium refertur ad fructum ter- *Ibid. cap. 14.*
rena pacis, in ciuitate terrena. Sic faciunt isti Politici. In cælesti
autem ciuitate refertur ad fructum pacis æternæ: subseruit reli-
gioni, qua mediante ad hunc fructum peruenimus. Nam &
natura ipsa hominis rationalis hoc nos docet. Vnde subdit
Augustinus: Si irrationalia essemus animantia, nihil appetere-
mus præter ordinatam temperaturam partium corporis, & re-
quiem appetitionum; nihil præter quietem carnis, & copiam vo-
luptatum, vt pax corporis prodesset paci anima. Sed quia homini
rationalis anima inest, totum hoc quod habet commune cum be-
stis, subdit paci anima rationalis, vt mēte aliquid contēpletur, &
secundū hoc aliquid agat, vt sit ei ordinata cognitionis actionisq;
cōsensio, quā pacem rationalis anima dixeramus. Vix hanc ani-
mæ rationalis pacem tenent Politici, quorum finis est, vitam
latam & affluentem ducere, vt ex eorum placitis modò re-
censuimus. Sed etsi hanc tenerent, vt ab ea penitus abhorre-
re videri nolunt, pacem tamen alteram hominis mortalis,
quæ est ordinata obedientia in fide, sub Lege Dei æterna, pe-
nitus negligunt. Cuius necessitatem sic paucis docet Augu-
stinus: Sed ne ipso studio cognitionis, propter mentis infirmitatem,
in pestem alicuius erroris homo incurrat, opus habet magisterio *Ibidem*
diuino, cui certus obtēperet; & adiutorio, vt liber obtēperet. Hinc
videlicet nascitur fidei necessitas, docente Christo quid cre-
damus; & gratiæ necessitas, operante Christo vt fidei præce-
ptis obtemperemus. Quo obtento, obtinetur illa altera pax
inter Deum & hominem, in fide videlicet Legi Dei obedire.

Hæc est vera pax fidelium, & verè Christianorū. Hæc est Pax Dei, & pax
pax de qua Christus Redemptor dixit: *Pacem meam do vobis, mundi.*

Pacem

pacem meam relinquo vobis: non quomodo mundus dat (quæ est pax Politicorū, frui bonis temporalibus, neglecta religione) *ego do vobis.* Quæ Christi verba quantum valeant, in aliis Dominicis explicatum dedimus. De hac vtraque pace, huius mundi, & Christi, quam nos Christiani appetere & tenere profitentur, sic iterum contra nostros Politicos sanctus Augustinus:

Dom. in Albis,
tex. 2. Dom. Pen-
tecostes, tex. 4.

Lib. eodem, c. 17.

Terrena ciuitas, qua non viuit ex fide (quales sunt infideles omnes) *terrenam pacem appetit, in eoq; desigit imperandi obediendiq; concordiam ciuium, vt sit eis de rebus, ad mortalem vitam pertinetibus, humanarum quadam compositio voluptatum.* Sic enim habent Politicorum nostrorum axiomata, & gentilium placita, supra commemorata. *Celestis autem ciuitas utitur in hac sua peregrinatione pace terrena, & de rebus ad mortalem hominum naturam pertinentibus, humanarum voluntatum compositionem, quantum salua pietate ac religione conceditur, tuetur atque appetit, eamq; terrenam pacem refert ad celestem pacem, qua verè pax est vt rationalis duntaxat creatura sola pax habenda atque dicenda sit, ordinatissima scilicet & concordissima societas fruendi Deo, & inuicem in Deo.* Hæc est duplex charitas, Dei, & proximi in Deo, quæ est vestis nuptialis, & vera pax nostra, quam Christus redemptor noster reliquit nobis, vt ex ea cognosceremur Christiani esse. Politici, quia hanc Christi pacem negligunt, & solam terrenam censeantur, Christiani non sunt, sed ipsis etiam hæreticis deteriores: quia illi aliquam saltem, etsi falsam ac contaminatam, religionem profitentur, ac tenet fortiter; isti nullam tenent, nec tenendam putant, nisi à monachis; totamque hominis felicitatem in terrena pace constituunt, terræ filij, quasi que nunquam in Christo regenerati. *Quod enim de carne natum est, caro est: carnalia sapit, loquitur, agit. Quod autem de Spiritu natum est* (vt omnes Christiani) *Spiritus est: ea quæ diuini Spiritus sunt, sapit, colit, præstat.* Religionem amat, qua Deus colitur, eamque rebus omnibus anteposit. Non audet sine veste nuptiali discumbere, aut aliud profiteri, aliud facere. Didicit à mortaliū sapientissimo Salomone: *Deum time, & mādāta eius obserua.* Hoc est omnis homo. Didicit à diuino Iob: *Ecce timor Domini: ipsa est sapientia; & recedere à malo, intelligentia.* Didicit à sancto Propheta: *Indicabo tibi, o homo, quid sit bonum, & quid Dominus requirat à te. Vtiq; facere iudiciū, & diligere misericordiam, & sollicitum ambulare cum Domino Deo tuo.* Et notandum diligenter, quòd Salomon, hoc dicēs, totā humanę vitę felicitatem in eo conclusit:

Ioan. 18.

Ioan. 3.

Eccli. ultimo,

Iob 28.

Mich. 6.

clufit : Iob totam fapientiam omni thefauro incōparabiliter prapōnendam : Michas omnem Dei cultum & obfequium. Vide loca. Politicorū contrā tota felicitas , tota fapientia , totus cultus eft , bonis terrenis affluere , quafi filij reprobī *Gen. 25.* Eſau , qui ſua primogenita pro vno pulmento vendidit. Elias zelans pro domo Dei , & veræ religionis cultu , audit ab impio rege Achab. *Tu es qui cōturbas Iſrael?* Sic hodie Politicis zeia- *3. Reg. 28.* tores , religionis turbatores , regni & Reipubl. eſſe videntur. Sed ſanctus Propheta reſpondit : *Non ego turbaui Iſrael , ſed tu , & domus patris tui , qui dereliquiſtis mandata Domini , & ſecuti eſtis Baal.* Politici verè perturbant Rempubl. Chriſtianam , qui Dei mandata negligunt , & religionem deſpiciunt , & ſequuntur idola cupiditatum ſuarum. Certè iſti virtutis cognitionem non practicam tantum amiſerunt , vt omnes mali Chriſtiani ; ſed etiam ſpeculatiuā vt ipſi infideles. Neglectum enim religionis pro re laudabili habent : ſuntque de numero perditiffimorum hominum , de quibus Propheta dixit : *Dixit inſpiciens in corde ſuo , non eſt Deus.* Contrā ſtos valent illa Chriſti verba : *Primum querite regnum Dei , & hæc omnia adiicientur vobis.* tum illa : *Pacem meam do vobis , pacem relinquo vobis : non quomodo mundus dat , ego do vobis.* quæ in aliis Dominicanis tractata vide. Illa denique loca omnia , quæ verum Chriſtianilimum , dilectionem Dei ſuper omnia , feruorē cultus diuini , fiduciam in Deum , eiufque prouidentiam , rerum terrenarum contemptum , & cæleſtium deſiderium docent , noſtri temporis Politicos iugulant. Vide de ſingulis ſingulas Dominicas . & textus Euangelicos latè explicatos. *Quere in locorū moralium Indice alphabetico , quem in Lectoris vſum diligenter concinnabo.*

*Dom. 14. poſt
Pentec. tex. 6.
Dom. Pentec.*

*Politici ethnici
peiores.*

Sanè ipſis melioribus ethnicis deteriores hi ſunt , qui nunquā vtile honeſto præferre (quod hi in omnibus faciunt) voluerunt. de quo tā multa diſputat in Officiis Cicero , etiam ipſe ethnicus. Memorabile illud eſt Ariſtidis reſponſum. Themistocles in concionē populo aduocato , magnum aliquid in animo ſe habere aiebat , quod Rempublicam concerneret ; efferre tamen prius non ſe id velle , quàm alicui id communicaret , quem populus deligeret. Delectus eſt Ariſtides. Re Ariſtidi per Themistoclem communicata , conſcendens ſuggeſtum Ariſtides , vt , quid eſſet , populo referret , ait : *Themistoclis conſilio nihil Reipubl. Athenienſi vtilius , ſed eodē nihil iniuſius.* Hoc audito , tacere eū porro populus iubet , nec vel auri- bus excipere cōſilium maximè vtile voluerunt , quod ab honeſto

*Plutarchus in
vita Ariſtidi.*

nesto & recto discreparet. Surgent isti ethnici in iudicio, & nostros Politicos condemnabunt. Noui sunt isti Protagoræ, noui Diagoræ, qui ciuitatibus omnibus pelli deberent. Religionem tenent spurcissimi illius Heliogabali Imperatoris, Romani Sardanapali: qui id vnum pertinacissimè egit, ne-
quius Roma Deus nisi Heliogabalus coleretur. Dicebat præterea,
Judeorum & Samaritanorum religiones, & Christianam deuotionem illuc transferendam, vt omnium culturarum secretum Heliogabali sacerdotium teneret. Sic enim isti Politici omnes religiones ac sectas, Lutheranorum, Caluinistarum, Puritanorum, atq; adeò Catholicam alicubi deuotionem tolerandas, & recipiendas, atque à Regibus permittendas arbitrantur, dummodo pax regni tuta sit; vt omnium culturarum mysteria Politicorum idolum teneat, eiq; subseruiant. Perinde illis est de qualibet religione, ad quam neminem vlla necessitate adigi posse affirmant, modò pax Reipubl. & rerum omnium affluentia in tuto sit. Nulla vnquam acerbior pestis orbem Christianum inuasit, quæ eò tendit, vt nulla amplius colatur religio, Deus credatur nullus. Alia loca, quæ contra Politicos faciunt, vide inferiùs annotata in fine vltimi textus huius Euangelij.

9. *Ligatis manibus & pedibus eius, mittite eum in tenebras exteriores. Ibi erit fletus, & stridor dentium.*

Pœna infernalis pseudochristianorum.

Locus moralis de pseudochristianorum, & maximè Politicorum horrenda & æterna pœna. Hanc illis Christus cõminari voluit, quia hæc illis multo acriùs infligetur, quàm incredulis quibuscũque, qui ad nuptias venire, fidem amplecti, Christum profiteri noluerunt. *Qui enim nouit voluntatem Domini, & non facit, vapulabit plagis multis.* Et Petrus dicit; *Melius fuit illis non cognoscere viam iustitiæ, quàm post agnitionem retrorsum conuerti ab eo, quod illis traditum est, sancto mandato.* Hoc sanctum mandatum, est mandatum illud maximum & primum: *Diliges Dominum Deum tuum toto corde tuo, & c. & secundum simile illi: Diliges proximum tuum sicut teipsum.* Hæc duplex dilectio, est illud sanctum mandatum, & vestis nuptialis.

Pseudochristiani, & maximè Politici, grauiora infidelibus

Lucæ 12.
3. Petri 2.

libus patientur, quia deteriores illis sunt. Hæreticus deterior & perniciosior hostis est quàm Turca, aut quilibet infidelis, quia Christianum se dicit, & non est; in Christum se credere ait, & non credit: quia caput tenere nō potest à corpore toto auulsus. Politicus & hæretico & Turca sceleratior est, quia Christianū & Catholicum se dicit, quum neuter sit, sed in vtroque dissimulet, nec Christum, nec Ecclesiam diligens, sed tēporalis suæ pacis ac felicitatis bonum vtrique præponens. Illis igitur sempiternas plagas Christus comminatur. Et *manus & pedes ligatos* habebunt, omnem potentiam amittent, seu boni affectus, & bene cogitandi, qui se hīc omnium prudentissimos iudicabant: seu boni operis, & bene aliquid operandi; qui *operandi tempus quum haberent*, operandi officium nō ad se, sed ad clericos & monachos pertinere aiebāt. Proiciētur in tenebras exteriores, à quibus in lucē remeandi nulla facultas superest, quia extra diuinæ lucis radios, & misericordiæ oculos projecti iacent. *Ibi erit fletus* eorū, qui hīc semper gaudere, bonis omnibus affluere voluerūt; & *stridor dentium* præ dolore eorum, qui hīc stridebant præ inuidia florentis Ecclesiæ Dei. Porro ligatis manibus & pedibus proici. pœnā significat inextricabilem, & cuius nulla sit sperāda liberatio, finis & exitus nullus, quia æterna est; in qua etiam nulla sit futura vndeunque consolatio, nulla remissio, relaxatio nulla, quia iam *clausa est ianua*, totius misericordiæ, consolationis, auxilij, aut cuiusvis refrigerij. Fletus incredibile ex ignis infernalis acrimonia & vi dolorem notat. Solent enim ignita, & calida, seu manu tacta, seu ore & labijs degustata, lachrymas nobis elicere, & fletum etiā in fortissimis excitare. Stridor dentium, dolorem ex asperrimo frigore contractum significat: Strident enim dentibus, & toto corpore tremunt ac concutiuntur, qui frigus intensissimum ferunt. De hac duplici, sibi quæ contraria, ardentissimi ignis, & asperrimi frigoris pœna infernali, sic sanctus Iob: *Transcant ab aquis nivium ad calorem nivium; & usque ad inferos peccatum eorum.*

Politicus, hæretico & Turca deterior.

Rom. 16.

Iob 24.

Hæc tota pœna infernalis, qualis & quanta futura sit, quia ex Scripturis in aliis Dominicis ostensum est, nunc ex certis coniecturis, in ipsa quoque Scriptura fundatis, docebitur. Primum illa pœna in vindictam peccatorum infligitur ab irato & iusto Deo. At vt Dei misericordia erga electos immensa est, sic & eius iustitia erga reprobos. Vnde *Deus iustitia, Deus ultionum, Dominus percutiens* vocatur, Vide Dominicam 1. Aduentus, text. 1. varias in hunc

Dom. 1. post Epi-
ph. text. 10. &
Dom. 5 post E-
pi. text. 9.

1.
Infernales pœ-
næ quales &
quantæ.

hunc sensum Scripturas. Erit ergo pœna immensæ eius potentia, & acerbissima iustitiæ congrua. Sunt enim iustitia & misericordia Dei, quasi duo eius brachia. Nam de brachio iustitiæ dicitur, quod *in manu forti*, & *brachio extenso* Pharaonem cum suis Aegyptiis perdidit. De brachio misericordiae dicit beatissima Virgo : *Fecit potentiam in brachio suo*, quia hoc ad Filij Dei incarnationem pertinet, maxime misericordiae opus. Quemadmodum igitur qui vnum hominis cuiuspiam brachium videt, eiusque mensuram tenet; alterius brachij mensura & longitudo quanta sit ignorare non potest; sic planè, quum Dei misericordiam infinitam esse, & super numerum arenæ maris miserationes eius certò sciamus, Dei quoque iustitiam immensam esse; & quæ numerari aut expendi nequeat, dubitare non debemus. Rursum damnati vocantur *vasa ira* & *contumelia*, sicut electi *vasa misericordiae* & *gloria*. Sicut ergo gloria & misericordia Dei tanta est erga electos, vt dicat Apostolus; *Nec oculus vidit, nec auris audiuit, nec in cor hominis ascendit, quæ preparauit Deus diligentibus se*: sic tanta Dei erga reprobos ira & contumelia futura videtur, vt nec cogitatione eam consequi mortalium quisquam possit. Iam verò sicut de operibus dicit Christus, tam misericordiae, quàm inhumanitatis; *Qua mensura mensi fueritis, eadem remetietur & vobis*; mensura autem operibus misericordiae reddenda promittitur à Christo, *bona, plena, conferta, & coagitata*; hoc est, omnibus suis numeris absoluta: dubitari non potest, quin & operibus impiis, & contra charitatē factis, reddenda sit mensura copiosa, & amaritudine plena. maximè dicente Apostolo, quod impij & impœnitentes *thesaurizant sibi iram in die ira & iusti iudicij Dei*. Nam vt singulis bonis operibus sua redditur merces ex thesauris bonitatis & misericordiae Dei; sic singulis peccatis & flagitijs rependitur pœna, ex thesauro iræ & iusti iudicij Dei; & quemadmodum vir iustus ex multitudine bonorum operum ingentem sibi meritum, & mercedis thesaurum accumulat: sic impius ex peccatorum varietate & magnitudine, varias sibi pœnas thesaurizat. Sic apud Esaïam de impijs dicitur: *In mensura contra mensuram, cum abiecta fueris, iudicabit eam Dominus*. Præterea patitur Deus, liberèque permittit, vt omni sua voluptate in hac vita impij perfruantur, *faciantque omnes adinventiones suas*, ac demùm, vt *compleatur malitia eorum*. Sed hoc ideo totum permittitur, vt grauius in eos postea iustiusque ira Dei defœuiat, & eleuans allidat

Exod. 16.

Lucæ 1.

Simile.

2.

Roman. 9.

3. Timot. 2.

1. Corint. 2.

3.

Lucæ 4.

Rom. 3.

Similia.

Esaia 27.

4.

Psal. 30.

Genes. 15.

allidat eos. Vnde sic in Apocalypsi legimus: *Qui nocet, noceat* Apocal. 22. *adhuc: & qui in sordibus est, sordescat adhuc.* Sed quamobrem, aut quorsum tanta longanimitas? Sequitur: *Ecce venio cito, & merces mea mecum est, reddere unicuique secundum opera sua.* Vt videlicet completæ malitiæ pœna reddatur ad cumulum plena. Sic alio loco per Prophetam futurum prædicit Deus: *Complebo furorem meum in te, & indicabo te iuxta vias* Ezech. 7. *tuas, & imponam tibi omnia scelera tua; & non parceret oculus meus, nec miserebor: sed vias tuas imponam tibi, & abominaciones tua in medio tui erunt, & scietis, quia ego sum Dominus percutiens.* Sicut ergo hic est completa malitia impij, sic erit ibi completus furor Dei. Hinc faciliè conijcias, quàm sit hæc cerba & horrenda futura. pœna.

Porro ipsæ damnatorum voces, querelæ, & acerbissimæ complorationes in Scripturis reuelatæ, pœnarum magnitudo quanta sit, non obscurè docent. Etenim propter ardentem æstum, & horrendas tenebras quas damnati patientur, sic scribit diuus Ioannes: *Et quartus Angelus effudit phialam* Apoc. 16. *suam in solem, & datum est illi astu affligere homines & igni: & astuauerunt homines astu magno, & blasphemauerunt nomen Dei, habentes potestatem super has plagas. Et quintus Angelus effudit phialam suam super sedem bestia, & factum est regnum eius tenebrosum; & commendauerunt linguas suas præ dolore, & blasphemauerunt Deum cœli præ doloribus & vulneribus suis.* His si addas fletus & stridorem dentium, vt in hoc Euangelio; faciliè conijcies, pœnarum illic magnitudo, quantum omnem cogitationem nostram excedat. Deinde vt beatitudo iustorum, est omnium bonorum, quæ animo cogitari aut desiderari possunt, aggregariq; sic pœna damnatorum, est omnium dolorum ac miseriarum cumulus: & vt illa infinita, cui nihil addi poterit; sic ista immensa erit, qua maior esse nequeat. Quare sicut ille corporis morbus, *Simile.* in hac mortali vita omnium esset, acerbissimius, qui omnia membra occuparet, vt nec caput, nec oculi, nec aures, nec lingua, nec manus, nec digiti, nec brachia, nec pectus, nec dorsum, nec stomachus, nec ilia, nec renes, nec femora, nec tibiæ, nec pedes dolore vacarent; & hoc spectaculo nullum esset acerbius aut flebilis: sic multo magis pœnâ infernalis, quæ prorsus generalis est, totum corpus, totamque animam peruadens, inexplicabilis quædam pœna esse censenda est. Illic enim & oculi lasciui dæmonum horrendo aspectu, & delicatæ aures fremitu eorum tremendo, & emunctæ nares

Apocal. 21.

Lucæ 16.

tetro sulphurum odore (est enim locus huius pœna *flagnum ardens igne & sulphure*) & gustus gulosus siti inexplabili (vnde *diues epulo aqua guttam à Lazaro petijt*) & singula corporis membra igne acutissimo (quo nihil magis actiuum est, & qui tactum maximè afficit) & ipsa interior imaginatio præsentium acerbiorum apprehensione viuida, & misera memoria præteritarum voluptatum recordatione acerba, & intellectus totus, amissæ beatitudinis angore incredibili, & deprauata voluntas perpetua maledictione & blasphemia, punietur, afficietur, torquebitur. Qui hoc rerum statu calamitosius cogitari potest?

7. Nunc verò & ipsam mihi ignis infernalis vim & acrimoniam considera. Neque enim ignis iste noster, quo quotidie vtimur, & cuius vel minimū contactū sine gemitu ferre non possumus, vel illū vltimo vix gradu contingit. Noster ignis consolationem adfert, & iucundè aspicitur, vocatus alicubi, angelus Dei: ignis infernalis totus ad terrorem, ad tormentum, ad pœnam, institutus est. Noster ignis pabulo indiget necessario, ex quo vel remissiùs, vel acutiùs vritur: ignis infernalis sibi ipsi pabulum est, quam sit inextinguibilis, & à furore Dei accenditur, nutritur, augetur, iuxta illud Prophetæ: *Flatus Domini sicut torrens sulphuris succendens eum*. Noster ignis illuminat, suâque luce astantes perfundit: ille ignis tenebrosus est, & horror perpetuus. Denique noster ignis & artificialis est, & extra locum elementi sui, quo semper per flammam suas tendere, quasi à nobis refugere nititur; hanc ob causam debilior est, quasi si corporis membrum suo loco emotum esset: at ignis infernalis naturalem suum locum in visceribus terræ obtinet, vbi eum Deus creauit ad tormenta impiorum, vt esset *lacus ira Dei*: ideòque maximam vim habet, & perpetuò viget, absque vllò sui vel detrimento, vel refrigerio. Porro noster ignis omne sibi iniectum pabulum absument; ideòque longo admodum tempore non affligit, sed breui licet acri dolore afficit: infernalis autem ignis sic vrit, vt non consumat, tanto crudelior, quanto perferuerantior. Postremò, nostrum ignem multa mitigant, inulta refrigerant, aquæ iniectio, aër frigidus circumstans, pabuli imminutio atque subtractio: ignem infernalem nihil mitigat, nihil refrigerat, nihil imminuit. Carnifex perpetuus est, semper percutiens, & nunquam interficiens. Ex his omnibus moneri terribiliter & efficaciter possumus, quanta sit pœna impiorum, maximè pseudochristianorum,

& Politi

Esaie 30.

Apocal. 14.

& Politicorum, qui sine veste nuptiali in mensa Christi accumbunt.

Si amici Iob, videntes eum per totum corpus vlcere pessimo percutsum, in sterquilinio sedentem, vlcera sua latere radentem, *eleuantes procul oculos suos, exclamantes plorauerunt, scissisque vestibus, sparserunt puluerem super caput suum in cælum, & sederunt cum eo in terra septem diebus, & septem noctibus, & nemo loquebatur ei verbum, quia videbant dolorem esse vehementem: quid nobis animi, quis horror, quæ confusio, quantus ad damnatorum commiserationem, ad nostram cautelam, stimulus esse debet, non vnum aliquem amicum nostrum, sed tot myriadas hominum damnatorum, non solo corporis vlcere fœdatur, sed toto corpore, totaque anima (vt iam dictum est) vexatos; non in sterquilinio vlcera radentem, sed in barathro flebiliter eiulantes, & horrendè blasphemantes; non morbo ad tempus afflictum, cui mors finem imponeret, sed sempiternis pœnis addictos; non vt virtus patientiæ probetur, sed vt flagitia antea actæ vitæ puniantur; non ex Dei permissione, diabolo petente, sed ex Dei voluntate & decreto, diabolo exequente; ac denique non alium sine suo periculo, sed tot alios, quibus nos ipsi, nisi nostræ melius saluti prospiciamus, sociari in pœnis poterimus, oculis quoq; nostris cerneremus! Sed profectò si Christiani sumus, plus mouere debet quod oculis fidei intelligimus, quàm quod oculis carnis cernimus, iuxta illud Christi: *Habent Moysen & Prophetas. Si illis non crediderint, neque si ex mortuis quis resurgat, credent.* Daniel Propheta, audito somnio Nabuchodonosoris, quum statim, quid illud portenderet, Deo reuelante intelligeret, adeò attonitus & perterrefactus fuit, vt intra se tacitus cogitaret, quasi vna hora, & cogitationes eius cõturbarent eum. Quale autem, aut quantum huius Regis supplicium fuit, si cum aeterna damnatorum pœna conferatur! Quanto grauius est inter feras, quàm inter dæmones vitam agere! Quanto atrocius, flammis vlttricibus cruciari, quàm rore cœli tingi! Quanto acerbius, in omni aeternitate, quàm septem annorum spatio torqueri! Postremò, si adeò formidandum est, figura hominis retenta, cor feræ gestare; quanto erit formidabilius, sub hominis figura cor dæmonis habere? Istius tamen rei vel sola cogitatio, sancti Prophetæ animum commiseratione proximi plenum, & iudiciorum Dei timore confixum, ita perterrefecit, & conturbauit, vt vna hora elinguis coram tanto*

Exemplum.

Iob 2.

Luca 16.

Aliud.

Daniel. 4.

Rege steterit. Si nos ad has inferni pœnas, sic in Scripturis reuelatas, & ex Scripturis certa connexionione deductas, minis commouemur; sit illud, quia & rarissimè, & non nisi obiter in animum ista demittimus.

Simile.

Inferni pœna
cur nunc mi-
nùs mouet.

Hypotyposis.

Qui ignem istum materiale & vulgare, vel rarè adit, vel non nisi transeunter, nec nisi leuissimè digitum immittit, parum aut nihil ex eo caloris attrahet. Sic inferni ignes, quia vix ambabus auribus audiuntur, sed in vnam admitti, per alteram transuolant, nihil mouent, nihil terrent, nihil ex eorum doctrina caloris aut feruoris spiritualis attrahimus. Cæ-

terùm linge nunc animo ingentem hominum exercitum in campo coactum, oraculo Domini certiore factum, tantam vim fulminum esse repentiè super eos casuram, vt maxima eorum pars fulminibus icta occumbat. Si hoc omnes illi certa fide tenerent, quo timore non concuterentur, quas non latebras exquirent? quid non facerent, vt tanto se discriminini subducerent? At tale hoc fulmen non est quale huius Euangelij. *Ligatis manibus & pedibus, projicite eum in tenebras exteriores. Ibi erit fletus & stridor dentium.* Et hoc fulmen non contra alios, quàm contra nos pseudochristianos, qui cum fide Christi, charitatem Christi non tenemus, intentatur.

Exemplum.

Exod. 9.

illa grandinis plaga Ægyptum vastasset, Moyses, Pharaonem & seruos eius ab hoc periculo eripere volens, his verbis præmonuit: *Mitte iam nunc, & congrega iumenta tua, & omnia qua habes in agro. Homines enim & iumenta, & quacunque foris inuenta fuerint, nec congregata de agris, cecideritque super eos grando, morientur.* Sequitur deinde. *Qui timuit verbum Domini de seruis Pharaonis, fecit confugere seruos suos & iumenta in domos: qui autem neglexit sermonem Domini, dimisit seruos suos, & iumenta in agris, qua omnia vi grandinis interièrè.*

Matth. 23. & 13.

Christus Dominus iam tertio de inferni pœnis præmonuit; in sanando Centurionis puero, quum Iudæorum incredulitatem taxaret, in parabola de zizanijs, & nunc in hoc Euangelio, quæ tria loca tractauimus Sed & iterum futuri iudicij formam describens, sub illis verbis: *Ite maledicti in ignem æternum. Qui verba Domini negligit, cadet super eum grando, & morietur.* Qui de veste nuptiali perpetuò gestanda sollicitus non est; qui sub nomine Christiano vitam agit Epicuream; qui se Catholicum dicit, & Politicus est, * qui Christum cum Iudæis Pilato tradet, *ne veniant Romani, & tollant gentem suam;* id est, religionis causam penitus prodet,

* Politicorum proprium.

& perdi finet, vt pax sit domi tuta, aliósq; ad illam politiam, hoc est, impietatem maximam, hortabitur, ad illos omnes hæc sententia pertinet: *Ligatis manibus, &c. Qui audiuit sonitum buccina, & non se obseruauit, sanguis eius in ipso erit.* Ezech. 33.

10. Multi enim sunt vocati, pauci verò electi.

Locus moralis de paucitate saluandorum ad timorem vtilis. Quod enim Apostolus scribit, *Cum timore & tremore salutem vestram operamini*; & alia Scriptura dicit, *Beatus homo, qui semper est pauidus*; & iterum, *De propitiato peccato noli esse sine metu*; & adhuc semel Apostolus, *Noli altum sapere, sed time*; Si enim Deus naturalibus ramis non pepercit; ne forte nec tibi parcat; Si Iudæos repulit, qui noluerunt venire, & neglexerunt, & seruos Dei ad se missos, occiderunt; vide ne & te repellat, venientem quidem, & accumbentem, & insertum oliuæ, sed non habentem vestem nuptialem: totus, inquam, hic locus de assiduo timore saluberrimus, vix ex alio capite fortiùs deducitur & dependet, quàm ex hac multitudine ingenti vocatorum Christianorum, sed ingenti paucitate electorum. Hinc enim & alius Propheta dixit: *Multipicasti gentem, non magnificasti latitiam*: sed potius Esaia 9. auxisti timorem & dolorem, quum in multitudine gentium, quæ toto orbe terrarum *Christum ore confitentur*, tam pauci sint, qui corde credant, & fidem suam ex bonis operibus ostendant. Sic alius Propheta, vocationem Gentium describens, ait: *Erunt in omni terra, dicit Dominus: partes duæ disperdentur & deficient; & tertia pars relinquetur in ea.* Vix tertiam partem saluandam docet. Sanè in Euangelio, nisi quarta pars seminis, quod Deus seminauit in agro Ecclesiæ suæ, cecidit super terram bonam, vt fructum ferret cum patientia: Luca 8. sed aliæ tres partes, vel secus viam, vel super petram, vel super spinas dum caderent, perierunt. Quare Apostolus, Gentibus vocatis in gratiam redemptionis per Christum, dicit: *Vide in te bonitatem Dei, si tamen permanseris in bonitate, alioquin & tu excideris.* Hanc paucitatem Christum præuidens, nòsque eius præmonere volens, dixit: *Putá, ne filius hominis, quum venerit, inueniet fidem in terra?* Certè hodie, nec in hæreticis, nec in Politicis, nec in impijs, auarjs, adulteris, superbis, inuidis Christianis illa fides est per dilectionem operans, quæ sola valet in Christo ad salutem, & de qua ibi Christus loquitur. Hanc etià ob causam monet nos Christus Matth 7. intrare per angustam portam, quia arcta est via qua ducit ad

Malach. 1.

Esaia 26. &
54. & 60.

Typus.

Ioan. 19.

Homil. 38. in
Euang.Domin. 2. Ad-
uent. tex. 6.
Infra Osta. Na-
tiuit. Domini,
tex. 2.Domin. 3. post
Epiph. tex. 9.
Domin. 3. post
Epiph. tex. 4.
Domin. 2. post
Pentecost. text. 7.Domin. 13. post
Pentecost. tex. 7.Loca contra
Politicos.

vitam & pauci ambulant per eam. Non quidem via fidei, quæ ab ortu solis ad occasum patet, & ob quam dilatarî tantoria, & aperiri portas Propheta iubet, sed via morum, via charitatis, & obseruationis mandatorum Dei, per quam pauci ambulant, ideoque viæ terminum, cœlestem beatitudinem, pauci consequuntur. Ex omnibus qui Ægypto exierunt, solus Iosue & Caleb terram promissionis ingrediuntur. Quum Christus duodecim tantum Apostolis suis diceret, *Vnus ex vobis est qui me tradet; omnes timuerunt*: nec prius animo esse pacato potuerunt, quam Ioanne dilecto discipulo rogante, Christus eum demonstrasset. Si timuerunt illi omnes, cum vnus tantum eiiceretur; consequens est, vt nos magis timeamus in tanta multitudine reproborum. Redde diuus Gregorius: *Quia vocati sumus, nouimus: si sumus electi non nouimus. Tanto ergo necesse est, vt vnusquisque nostrum in humilitate se deprimat, quanto si sit electus ignorat.* Hæc ille. Certè si vnus tantum reprobatus esset, salubriter cogitare vnusquisque deberet: Cauendum & prospiciendum mihi est, ne ille ego vnus sim. Quanto magis in tanta multitudine reproborum cauendum hoc erit? Huc pertinent quæ in variis Euangelis iam depromptimus. Primum ad illa verba, *Beatus qui non fuerit scandalizatus in me*: vbi de vero Christianismo disputatum est. Deinde ad illa verba, *Ecce, hic positus est in ruinam multorum in Israël*: vbi de profectu nostro in professione Christiana examinando actum est. Rursum ad illa verba, *Filij regni eijcientur in tenebras exteriores*: vbi vocationem & professionem externam, ad pietatem & salutem non sufficere, ostensum est. Tum ad illa quoque verba, *Vnde ergo habet Zizania?* vbi de abundantia iniquitatis, Christi abundante gratia disceptatum est. Nec nõ & ad illa Christi verba, *Exi cito in plateas, & vicos ciuitatis, & pauperes ac debiles, & cacos, & claudos introduc huc*: quo in loco de vocatione nostra ad salutem sollicitè cõseruanda disseruimus. Ac postremò ad illa verba, *Nisi hic alienigena, & hic erat Samaritanus*: ad quæ verba de inani vocationis aut status titulo, vbi res nomini non respondet, actum est. Quæ etiam omnia loca contra Politicos, & pseudochristianos faciunt: docentque cur & quomodo sit verum, quod hæc dicitur: *Multi vocati, pauci electi.*

RAT quidam regulus, cuius filius infirmabatur Capharnaum. Hic cum audisset, quia Iesus veniret à Iudaa in Galilaam, abiit ad eum, & rogabat eum vt descenderet, & sanaret filium eius. Incipiebat enim mori. Dixit ergo Iesus ad eum : Nisi signa & prodigia videritis, non creditis. Dicit ad eum regulus : Domine, descende, priusquam moriatur filius meus. Dicit ei Iesus : Vade, filius tuus vivit. Credidit homo sermoni quem dixit ei Iesus, & ibat. Iam autem eo descendente, serui occurrunt ei, & nuntiauerunt, dicentes, quia filius eius viuere. Interrogabat ergo horam ab eis, in qua melius habuerit. Et dixerunt ei, quia heri hora septima reliquit eum febris. Cognouit ergo pater, quia illa hora erat in qua dixit ei Iesus, Filius tuus vivit. Et credidit ipse, & domus eius tota.

PERICOPE moralis huius Euangelij.

1. Cuius filius infirmabatur. Calamitates eos ad Deum adducunt, qui absque eis venturi non erant.
2. Cum audisset, quia Iesus venit in Galilaam, abiit ad eum. De occasione virtutis, aut alicuius boni non prætermittenda.
3. Rogabat eum vt descenderet, & sanaret filium eius. De cura parentum erga liberos.
4. Incipiebat enim mori. Contra penitentia aut emendationis vitæ dilatores, vtque ad horam, aut periculum mortis.
5. Nisi signa & prodigia videritis, non creditis. De curiositate, & incredulitate in homine iam credente acriter taxanda.
6. Domine, descende, priusquam moriatur filius meus. De perseverantia in oratione.
7. Credidit homo sermoni quem dixit ei Iesus, & abiit. De gratitudine animi pro accepto à Deo beneficio.
8. Et credidit ipse, & domus eius tota. Exemplum dominorum plerumque apud subditos in vtrunque partem valere.

1. Cuius filius infirmabatur.

LOcus moralis, quod calamitates ad Deum adducunt. Tribulatio ad
qui absque eis venturi non erant. Hic enim regulus & Deum adducit.
vir nobilis ad Christum venit, propter infirmitatem filij sui,
f 4 alioqui

*Exempla.**Psal. 77.**Psal. 31.**Serm. 48. in
Cant.**Epist. 87.**Exemplum.**Enarrat. in
Psal. 50.**Psal. 114.
Similia.**Exemplum.**Laert. lib. 7.*

alioqui fortè non venturus. Sic olim in deserto Iudæi. *Cum occideret eos Deus, id est, ad mortis usque periculum affligeret, quærebant eum, & reuertebantur, & diluculo veniebāt ad eum: & rememorati sunt, quia Deus est adiutor eorum.* Sic & David ipse, à Deo afflictus, de se facetur: *Conuersus sum in arumna mea, dum configitur spina.* In quæ verba D. Bernardus: *Bene confixus, quia conuersus exinde est. Bene pungeris, si compungeris.* Multi, cum sentiunt pœnam, corrigunt culpam. Spina culpa est, spina pœna est, spina falsus frater, spina vicinus malus. Sicut lilium inter spinas, sic amica mea inter filias. Hæc ille. Appositè hac de re D. Augustinus: *Quàm multa habeant impij dona & munera gratuita ab illo quem cõtemnunt, enumerare quis potest? Inter quæ illud magnum, quodd exēplis interpositarum tribulationum, quas huius seculi dulcedini, tanquam bonus medicus miscet, admonet eos, si attendere velint, fugere à ventura ira; & cum in via sunt, id est, in hac vita, concordare cum sermone Dei, quem sibi aduersarium habent, malè viuendo. Quid ergo non misericorditer præstatur hominibus à Domino Deo, à quo etiam tribulatio beneficium est? Nam res prospera donum est consolantis, res autem aduersa donum est admonentis Dei.* Hæc ille. Alibi exemplum de Dauide adiert. *Hoc peccatum (adulterium & homicidium dicit) non fecit David, quū persecutorem Saulempateretur, quando per diuersa fugiebat, ne in manus eius incideret. Erat in infirmitate tribulationis suæ tanto in Deum intentior, quanto miserior videbatur. Vtile quiddam est tribulatio, vtile medici ferramentum, tanquam contra diaboli tentamentum. Factus est postea securus, deuictis hostibus, pressura caruit, tumor excreuit. Vnde & alibi idem de seipso dicit: Tribulationem & dolorem inueni, & nomen Domini inuocaui.* Nempe sicut medici amaris sirupis atque pillulis morbo medentur, ita Deus labore & afflictione vitia curat. Quemadmodum equorum domitor, quum alia ratione domare & freno assuescere non potest, paleas eis dare, & pinguiori pabulo priuare, ac durius in omnibus tractare solet; sic Deus refractarios, & obedire nolentes, calamitatibus immisiss, ad frugem reuocat. Sanè sicut aqua diluuij, quo magis crescebat, tanto magis arcam in sublime efferebat: sic tribulationum aquæ, animum sursum impellunt, Deoque approximare faciunt. Ionas, qui libet fugit à facie Dei, in mare proiectus, & in ventre cœti cõclusus, Deo obediens factus est. Mox enim vt in ripam eiectus est, vadit in Niniuem, & prædicat verbum Dei. Zeno

Cittius

Cittius Philosophus dicere solebat, *se nūquam commodius naufragasse, quā cū nauis fracta, & amplissimis opib' naufragio amissis, natus erat.* Tunc enim philosophiæ operam dare cœpit. Sicut ^{4. Reg. 2.} Elifæus Propheta aquas Iericho pessimas & steriles immisso sale sanauit, ollam verò pulmenti iniecta farina salubrem fecit: sic Deus alios farina, alios sale, alios rebus fecundis & mollibus, alios aduersis & pungentibus sanat, integros & fecundos facit. Tobias cæcus, ex felle piscis visum recepit: ^{Tob. 17.} Ionathas verò ex fauo mellis accipiens oculos illuminatos ^{1. Reg. 14.} habuit. Sic alios felle, alios melle Deus illuminat.

Cū Daniel Propheta Regi Nabuchodonosor terribile ^{Exemplum.} illud somnium aperuit, quo de regno eiceretur, & cum fectis conuersaretur; primò quidem blandis illum verbis alloquitur. *Placeat tibi o Rex consiliū meum. Peccata tua eleemosynis redime, & iniquitates tuas misericordijs pauperū, forsitan ignoscet delictis tuis.* Sed cū hoc mel, hæc farina nihil iuuaret, imò Rex adhuc superbior fieret, & post finem duodecim mensium, in aula Babylonis deambulans, diceret. *Nōne hæc est Babylon magna, quā ego adificaui in domum regiam, in robore fortitudinis meæ, & in gloria decoris mei? Cū adhuc sermo esset in ore Regis, vox de cœlo ruit: Tibi dicitur Nabuchodonosor Rex. Regnum transibit à te, & ab hominibus eijciens te, & cum bestijs feris erit habitatio tua, &c. donec scias quòd dominetur excelsus in regno hominum, & cuicumque voluerit, det illud.* Quod totum ita factum est, Rexque post septem annorum decursum, diuinæ iustitiæ sale confricatus, & felle potatus, in præclara resipiscentiæ & sanitatis verba prorupit, vt apud Danielē videre licet. *Quare de superbis huius seculi sic alius Propheta: Indulxisti genti (peccatrici) Domine, indulxisti genti. Nunquid glorificatus es? Elongasti omnes terminos terræ, id est, longissimè à te recesserunt, Domine in angustia requisierunt te: in tribulatione murmuris, doctrina tua in eis.* Sic Pharaon induratus fuit, non plagis acceptis, sed indulgētia & remissione plagarū. Cū enim aliqua plaga percutiebat, emollebatur cor eius, & aliquid semper Moyfi ampliùs concessit; cessante verò plaga, statim obduruit: denique tunc maxime obduratur, quum abeuntibus filiis Israël, se extra omne plagarū periculum existimās, eos usq; ad mare rubrum persequitur. Sic superbus ille Imperator Valens, & acerbissimus Catholicorum persecutor, eiusdemq; præfectus, Modestus nomine, non re, calamitate deiecti, D. Baulum, quem persequiebantur, adire, & opem illius in filij infirmitate, sicuti iste

^{Esaiā 26.} ^{Exemplum.}

*In Monodia de
S. Basilio.*

Exempla.

regulus Christū adiit, expetere coguntur. De quo sic Gregorius Nazian. *Filius Imperatoris agrotabat. Cū autē huic malo nullam medicinam inueniret, ad Basilij opem confugit: & quoniam ob contumeliam recēns illatam, eum suo nomine accersere verebatur, alijs, quos artissima familiaritate & beneuolētia complectebatur, hanc legationem committit. Idem autem & eius præfecto Modesto (qui paulo antē Valentis nomine Basilio conuento, exilium ei & mortem comminatur, nisi Imperatoris voluntati se accomodet) non multo post accidit. Nam hunc quoq; morbus quispiam obortus, viri sancti manibus substernit. Quæ res præfecto cordatis hominibus in documentū cedit. Nam plerūmq; prospero rerum successu melior magisq; expetenda est afflictio. Aegro corpore erat illacrymabatur, distorquebatur, Basilium accersebat, obsecrabat. Satisfactionē habes, clamabat, da salutem. Et quidē hanc consecutus est. Hæc Nazianzenus. Sed & arrogatissimus ille atq; impiissimus Rex Antiochus, qui sibi videbatur etiā fluctib⁹ maris imperare, & montiū altitudines in scatera appendere, acerrimo morbo humiliatus, & manifestam Dei virtutem in seipso contestans, dicebat: *Iustum est subditum esse Deo, & mortale non paria Deo sentire.**

2. Machab. 6.

Apophthegma.

Simile.

Celebris est illa Philosophorum sententia, *In regno voluptatis virtuti non esse locum.* Quemadmodum enim emortuæ carnes in aqua dulci coriumpuntur, vermibusq; scatere incipiunt; in falsa verò quā diutissimè conseruantur, & à nauigantibus ad extremos vsque mundi fines incorruptæ deferuntur: sic humanus animus laboribus perficitur ac roboratur: delitijs autem diffluit ac dissoluitur. Vnde est illud Prophetæ: *Vsquequo delinjs dissolueris filia vaga?* Antiquissimum & latissimum Assyriorum imperium vnus Sardanapali libidines & voluptates in seruitutem redegerunt. Sicut ceruus, animal alioqui hominem maximè timens, vehementer tamen à canibus si vrgetur, sua sponte ad hominem fugit; sic tribulationes, quasi canes, peccatorem persequentes, vt ad Deum sponte confugiat, de quo prius nec audire sustinebat, sæpe compellunt. Quemadmodum rhamnus, licet arbor sit multæ amaritudinis, & in radice, & in folijs, & in ramis; multum tamen est medicinalis (nam ex succo radicis medicamentū fit, oculos claros reddens, semen etiam secundinas ex vtero trahit:) sic tribulatio, licet sit amara, & in radice cordis ad considerandum, & in verborum folijs ad audiendum, & in factorū ramis ad tolerādū; tamen medicinalis est cōtra peccata; & inprimis, quia oculos cordis clarificat (vnde

alicubi

Ierem. 31.

Similium cōgeries.

1.

2.

*Gemin. lib. 3.
cap. 78.*

alicubi diuus Gregorius: *Oculos quos culpa claudit, pœna aperit* quia hominem excitat, vt propter peccata sua, se huiusmodi malis affligi sentiat. Sicut sartor pannum rescindit, diuidit, destruit, sarcit, vt vestem tandem cōmodam efficiat, & in hac parte scindit, vt connectat in illa; integrum lacerat, vt coniungat: sic Deus quū per tribulationes lacerat, ab amicis separat, carnem destruit; non id lacerandi aut destruendi causa facit; sed mundi voluptates rescindit, vt cœli gaudia animo communicet; diuitias caducas aufert, vt æternas cōferat; nostrum interea animum, patientiæ, multarumque virtutum præclaram vestem efficiens. Sic *vt faciat opus suum*, *Esaia 28.*

quod misericordiæ & gloriæ est: *alienū est opus eius*, seueritatis & asperitatis opus facit. Qui ex aduersa aliqua fortuna mox in prosperam commigrare festinant, similes iis sunt, qui odio hyberni frigoris æstiuum tempus optant. Isti enim temporū molestias non fugiunt, sed mutant: quos Propheta his verbis taxat: *Quomodo si fugiat vir à facie leonis, & occurrat ei versus, & ingreditur domum, & innitatur manu sua super parietem, & mordeat eam coluber.* Aduersæ res, aut æquanimiter ferendæ, vt Deo magis adhæreas; aut non nisi in æquabilitatem vt transeant, optandum, ne à Deo recedatur.

Beatus vir qui suffert tentationem. In quæ verba Eusebius Emislenus: *An tu hunc potentem & felicem vocas qui in mortem suam fortis est, cui prouentuum fallax umbra, presentium æternorū congregat causas malorum? Quis beatam dixerit validam in ingulū suum dexteram? Quis probabiliter laudet velocē ad ardua præcipitia festinantem? Quis eius miretur ascensum, quem de summo prospicit esse casurum? An illum felitem vocas, qui gemmato atque aurato sibi poculo venena miscet, qui infidelis, obscœnus, cupidus, & cruētus, eo quod Domini vias aspernatur, per suas ire permittitur? Beatus ille, qui suffert tētationem: quia cū emendatus & probatus fuerit, accipiet coronam.* Sanè quemadmodum luna non patitur eclipsim, nisi cū plena est: sic homo tunc maxime solet ostēdari, quū plenus diuitiis est. Et quemadmodum luna, cū plena est, longiūs distat à sole: sic qui opibus circumfluunt, solent plerunque se à Deo longissimē separare. Hæc est igitur Dei prouidentia, cum ingenti misericordia coniuncta, vt quibus id necessarium aut vtile esse profpexerit, calamitates subinde immittat. Sicut aurifex, donec aurum bene purgatum viderit, de conflatorio non extrahit: sic Deus tribulationis nubem non abducit, donec nos penitus emendauerit, ait sanctus Chrysostomus. Qui ex tribulatione ad

Deum

Psal. 37.

8.

Deum à peccatis conuersus fuerat, sic clamauit : *Sagitta tuæ infixæ sunt mihi, & confirmaſti ſuper me manum tuam.* Sicut enim ſagitta infixæ corpori dolorem adfert, & remediũ quæ-
rere compellit : ſic tribulatio dolorem cordi adfert, & vt in aliis rebus, in cogitatione boni æterni ſolacium quæramus, facit. Accipe huius rei exemplum. Sanctus Dunſtanus, poſtea quidem Archiepiſcopus Cantuarienſis, adhuc adoleſcens. totus ad nuptias propendens, quum fruſtra ab Epifcopo Vintonienſi ad cœlibatũ moneretur, tertiana acri febre correptus, virginitatem vouit ; erubeſcens, quòd tertianæ febris ignis potentior in eo ad cõuerſionem fuerit, quàm ignis amoris Dei. De hac materia iam in aliis * Dominicis aliquoties diximus non pauca, quæ & huc conferri poſſunt.

Exemplum.

In vitæ eius apud Surium, tom. 2. p. 312.
* Dom. 3. *Ad- uert. text. 1. Dom. 3. poſt Paſch. rex. 1. Dom. 15. poſt Pentec. text. 6.*

2. Cùm audiſſet quia Ieſus venit in Galilæã, abiit ad eum.

Occaſio boni non præter-
mittenda.

Matth. 28.

Rom. 4.

1. Theſſ. 5.

2 Cor. 6.

Ioan. 12.

Locus moralis, de occaſione virtutis aut alicuius boni nõ prætermittenda. Audito quòd Ieſus in illas partes veniret, vbi regulus iſte, cuius filius infirmabatur, habitauit, non neglexit occaſionem rei bene gerendæ ſtatim ad Ieſum proſectus eſt, infirmi filij ſanitatẽ procuraturus. Tota hæc vita occaſio boni eſt, quia Chriſtum perpetuò nobiſcum præſentem habemus, eo ipſo dicente: *Ecce, ego vobiſcum ſum omnibus diebus, uſque ad conſummationem ſæculi* quod neceſſariò de fidelibus uſque ad conſummationem ſæculi duraturis intelligi debet. Eſt autem nobiſcum perpetuò Chriſtus, quia Spiritus Chriſti habitat in nobis. *Si enim Chriſti eſtis* (ait Apoſtolus) *Spiritus Chriſti habitat in vobis.* Denique nobiſcum eſt, & nobis adeſt per gratiam, per Sacramenta, per verbum & doctrinam. Non eſt tanta & tam præſens occaſio vel ad momentum differenda: quia eſi per totam vitam adeſt, tamen nec de momẽto futuro certi ſumus. Sic ad Theſſalonicensẽ Apoſtolus: *Ipiſi diligenter ſcitis, quia dies Domini ſicut fur, ita in nocte veniet.* Hoc vnum conſiderare moneantur auditores. Si vobis in inferno conſtitutis pœnitentia prædicaretur, ac diceretur: *Ecce, pœnitentiam agite, & liberabit vos Deus: quanta alacritate, quã auidè hoc Euangelium omnes arriperetis? At nullum ibi pœnitentiæ tempus relinquitur. Nunc* (in hac vita) *eſt tempus acceptabile, nunc dies ſalutis. Ambulate* (ait Chriſtus ipſe) *dum lucem habetis, ne tenebra vos comprehendant; illæ ſanè tenebræ exteriores, quæ extra omnem veniæ ſpẽ*

spem ponuntur. De die in diem viuimus. Amplos redditus certos non habemus, Nemo vel vnum sibi diem certò polliceri potest. Vt quid ergo sic tempus dilapidamus, ac si ad annos quàm plurimos censum eius aliquem à Deo accepissimus, aut nescio quos thesauros repositos haberemus? *Simile.*

Notandum & tremendum illud, quòd abutentibus Dei gratia, donis, oportunitate, atque emendationem insigniter differentibus, etiam vitæ dies abbreviantur. Deus tempore Noe concesserat centum viginti annos pœnitentiæ. *Non permanebit* (inquit) *spiritus meus in homine* (id est, in hac hodierna generatione hominum) *in æternum* (id est, vsque ad finem seculi) *quia caro est, tota carnaliter viuens: eruntque dies illius centum viginti annorum.* *Gen. 6.* Tot videlicet annis pœnitentiam eorum expectabo, aut certè generale diluuiũ orbis protraham. Cæterum quum per Noe *iustitia præconem*, de his admoniti, nihil meliores fierent, Deusque iterum atque iterum diluuium futurum frustra prædiceret, viginti annos refecauit. Nam quum anno ætatis Noe 500. antedictam illam comminationem Deus enũtiasset, cœpit diluuium anno ætatis Noe 600. vt Scriptura cõmemorat. Ezechia regi, nisi in morbo pœnituisset, quindecim anni vitæ eius dẽpti fuissent. *2. Pet. 2.* Acta enim pœnitẽtia, & effusis lachrymis coram Deo, accepto mortis nũtio, ad quindecim annos vita eius propagatur. Sicut iustus rapitur, *ne malitia mutet intellectum*; sic impius tollitur, ne videat gloriam Dei, id est, fruatur gratia Dei. *Sapient. 4.* De qua re sic apud Iob legimus: *Nunquid semitam seculorum custodire cupis, quam calcauerunt viri iniqui, qui sublati sunt ante tempus suum, fluius subuertit fundamentum eorum?* Sic & manifestè Salomon: *Timor Domini apponet dies, & anni impiorum breuiabuntur.* *Iob 22.* Deniq; sic Heli in pœnam peccati, tum sui, tum filiorum suorum dictum est: *Pars magna domus tue morietur quum ad virilem ætatem peruenerit, & non erit senex in domo tua omnibus diebus.* *1. Reg. 2.* Ad cuius rei comprobationem Abimelech de stirpe Heli, cum 85. viris vestitis ephod lineo, id est, tribus sacerdotalis, vno & eodem die, iubente Saul, occisi sunt. Sed & hoc fortè sensũ, confidenti in diuitiis suis, & multos sibi annos promittenti (dicebat enim sibi, *Habes bona plurima reposita in annos multos*) dicitur à Deo: *Stulte, hac nocte tollent animam tuam à te.* *1. Reg. 22.* Rectè igitur monuit Apostolus: *Sic currite, vt comprehendatis.* *Luca 12.* Currere ad brauium oportet, non differre, non lento gradu procedere. Grandis est via, breuis vita *Typus.* *1. Cor. 9.*

Exod. 12.
Simile.
Prouer. 10.

Eccles. 12.

Dilationis de-
trimenta.

1. 2.

3.

4.

5.

6.

7.

8.

9.

10.

Simile.

Hebr. 12.

Serò pœniten-
tes pauci.

vita. Agnus Paschalis cum festinatione comedi iubetur : videlicet, ne exterminator Angelus veniat, ne diabolus, ne mors nos præoccupet. Si ad finem itineris, magnam pecuniæ vim quis accipere deberet, quomodo eò festinaret? *Qui congregat in messe, filius sapiens est; qui stertit æstate, filius confusionis est. Qui obseruat ventos, non seminat, & qui considerat nubes, non metet.*

Astutus serpens, procrastinationis author & instigator, optimè nouit, quot & quanta sunt eius detrimenta. Quod vnum peccatū suo pōdere in aliud trahit. Deinde, quod quino est hodie, cras minùs aptus erit. Rursum, quod cōsuetudo vertitur in naturam. Præterea, quod mala inueterata difficillimè curantur. Porro, quod Dei gratia tanto certius amittitur, & eius ira tanto acrius prouocatur. Tum, quod quāto serior cōuersio, tanto eius impedimenta semper erunt maiora. Postea, quod nihil hora mortis incertius. Iterum, quod eius regnum magis ac magis in te confirmatur. Denique, quod animæ tuæ facultates longa peccati mora debilitantur, intellectus obscuratur, voluntas deprauatur, memoria hebetatur; inferior verò appetitus accenditur & roboratur. Postremò, quod nodos nobis nequam conuenit, magno nostro dolore & labore soluendos, quodque cibos accipimus, postea reuomendos; & quod fauum mellis degustamus, multo absinthio compēsandum. Hæc ille hostis noster singula nouit, & dilationis ac prætermittæ bene agendi occasionis illustria damna esse non ignorans, propterea dilationem virtutis omnibus modis suadet. Sed eius fraudib⁹ abiuratis, imitemur nautarum morem; qui, vbi secunda spirare aura cœperit, protinus è portu soluunt. Quum Apostolus dixisset: *Videte ne quis desit gratia Dei* (quod est occasionem gratiæ oblatam negligere) adiecit: *Ne qua radix amaritudinis, id est, amara radix, sursum germinans, impediatur: scilicet hanc gratiam. Hæc amara radix, & multorum malorum tristis scaturigo, est ignaua dilatio & procrastinatio boni. Quot mala proferat, suprà enumerauimus ex parte.*

Notandum est, speciales Christi gratias sero pœnitentibus datas, non nisi vni aut alteri collatas fuisse. Vni tantū triginta annos laboranti in probatica piscina sanitatem dedit. Ex omnibus adulteris vni tantum Magdalenæ peccata remisit. Ex omnibus diuitibus vni Zachæo dixit: *Hodie salus huic domui facta est.* Ex omnibus latronibus vni tantum dictum est:

Hodie

Hodie mecum eris in paradiso. Atqui quum vocat ad suam gratiã, omnes vocat: *Venite ad me omnes qui laboratis & onerati estis, & ego reficiã vos.* Omnes vocat, omnes venire iubet: neminem tardari vult. Hominem vero iam laborantem, iam oneratum, tardare & expectare, vt magis laborer, ac magis oneretur, atque ita ad veniendũ magis fiat inidoneus, quanta dementia est! De hoc argumento in aliis iam * Domini-
 cis aliquoties dictum est.

Matth. 11.

* Dom Septuag.
 tex. 4. & 5. Do-
 min 5. post Epi-
 ph. tex. 2. &
 Dom. 9. post Pẽ-
 tec. tex. 4.

3. Rogabat eum vt descenderet, & sanaret filium eius.

LO C V S moralis de cura parentum erga liberos. Recte hic regulus fecit, factumq; eius miraculo Christus comprobavit, quod de filij salute sollicitus, ad Christũ venit, eam ab illo, tanquam optimo & potentissimo medico, impetraturus. Nec corporalem hanc sanitatem vel ille pater tam sollicitẽ à Christo petiisset, nec eam Christus tanta facilitate concessisset, nisi tum pater bene erga Christũ affectus, atque ad fidem proclivis, tam suam, quẽm filij spiritualem quoque salutẽ ex hac occasione speraret; tum Christus eam in hoc externo beneficio præcipuẽ attendisset. Id quod rei exitus comprobavit. Reddita enim, iuxta Christi verbum, filio sanitate, *credidit homo ille, & domus eius tota.* Parentum certẽ est, corporalem filiorũ salutem procurare. (*qui enim domesticorum suorum curam non habet, infidelis est*) sed spiritualem & rationalem multo magis; quia nõ bruta, sed homines genuerũt, eosdemq; in spirituales Dei filios regenerari fecerunt: & quidem spirituali eorũ suscepta cura, quum susceptores in baptismo, seu patrini curam illam baptizati spiritualem, quam ad fontẽ spopoderunt, in parentes mox deuoluere soleãt. Quod si ubiq; non fiat, satistamen iusta est ex ipsa vi nature, atque in Scripturis reuelata (quas alio in Euãgelio iam protulimus) ad hanc necessariam curam obligatio. Aristoteles scripsit, filiũ erudire, patris esse; sicut nutrire, matris est. Quemadmodum enim viscera terræ, aurũ & lapides preciosos proferunt, sed impolitos & rudes, quos postea artifex limat, sua opera atque industria perpolit: sic patris studio incumbit, filios à matre genitos & editos erudire. Nascuntur enim velut indigesta materia, ad virtutum tamen & scientiarum varietatem & pulchritudinem suscipiendam apta. Sicut speculum omnia repræsentat quæcunque ei obiciuntur, quia natura pellucida est & inanis: sic tenera puerorum ætas ad eas omnes formas se accommodat, eas imitatur, eas vitæ actione

Parentum cura
de liberis.

1. Tim. 5.

Institut libero-
 rum natura pa-
 rent docet. Oeco-
 nom lib. 1. c. 3.

Similia.

1.

2.

repræ

3. repræsentat, quas aut videt oculo obiectas, aut intelligit
 4. aure disciplinæ susceptas. Arbores cum teneræ sunt, ligare
 4. solemus, & aliquo fulcimento, ne vel quouis vento huc il-
 4. luc impulsæ deiciantur tandem, vel etiam incurvæ crescât,
 4. & effrenati. Quas aves domesticas & familiares esse volu-
 mus, adhuc implumes è nido sublatas, caueo includimus. Sic
 parentes à prima ætate liberos suos castitatem, pietatem,
 obedientiam, aliasque excellentes virtutes vt docere tenen-
 tur, ita magna cum facilitate docere poterunt, si disfluere
 non sinunt, sed aliquo honesto exercitio, bonisque magi-
 stris eos constringant; si freno disciplinæ coerceant; si adhuc
 nihil suum habentes, vnde auolent, è nido materni sinus, &
 otij puerilis abreptos, cauea aliqua scholæ aut officinæ bo-
 næ includant.

Institutio etiā
 praua corrigit
 ingenia.

Simile.

Exempla.

Epist. ad Latam.

Hæc enim prima cura etiam in pessimis ingeniis non pa-
 rum vtilitatis adfert, in bonis autem incredibilem fructum
 facit. Quemadmodum enim rota, si magno impetu ab ali-
 quo moueatur, etsi postea, qui eam mouebat, cesset, mo-
 uetur tamen ad tempus ipsa per se, ab impetu mouentis
 impulsæ: sic adolescens, bonam institutionem nactus, vtcun-
 que ea cessante, & custode remoto, per se tamen ad bonum
 ac virtutem mouetur, quasi vi atque impetu institutionis
 præteritæ. Gracchorum eloquentia (ait D. Hieronymus)
 multum ab infantia matris sermo contulisse scribitur. Hortensij
 oratio inter paternos sinus coaluit. Difficulus eraditur, quod rû-
 des animi perbiberunt. Lanarum conchyliis quis in pristinum
 splendorem reuocet? Græca narrat historia, Alexandrum, poten-
 tissimum regem, orbisque domitorē & in moribus, & in incessu,
 Leonidis pædagogi sui nō potuisse carere vitijs, quibus adhuc par-
 uulus fuit infectus. Hæc ille Neronis pessimum ingenium eas
 tamen notas virtutis à Seneca pædagogo suo animo impres-
 sas exceperat, vt tum à primo eius quinquennio procul distare
 ceteros Principes: Traian⁹ optimus princeps attestatus fuerit;
 tum etiam moriens, quasi aliqua adhuc scintilla honestatis
 relicta, dixerit: *Dedecorose vixi, turpius peream.* Peccatū suum,
 & pœnam peccati, ex prima virtutis disciplina recognouit.
Animus dum tener est adhuc (ait diuus Basilus) & ritu cera,
 quæ ipsa impressas in se formas: quas cunque facillimè recipit, mol-
 lissimè cedit, confestim ab ipso initio: omni rerum bonarum imbui
 exercitatione debet, quo videlicet ubi postea rationis usus
 accesserit

Bapt. Egnat.
 in Nerone.

Regul. f. a. f. dis-
 put. inter. 15.

Simile.

accesserit, & habitum illum rerum dijudicandarum ætas maior attulerit, pietati iam ab ineunte ætate assuetus, nullo impedimento cursu utatur faciliore: quum & ratio quid expediat, admoneat, & ad id assequendum facilitatem præbeat consuetudo.

Hæc ille. Exemplum piæ & religioſe ab ineunte ætate educationis filiorum, in suo Samuele ostendit pientissima illa *Exemplum.*

Anna. Cuius in hac parte virtutem ac studium magnificè commendans sanctus Chrysostomus, sic inter cætera scribit:

Quemadmodum industrij agricola primum semen in terram deponunt; deinde ubi conspexerint è semine factam arborem, non relinquant in eadem terra, sed inde reuulsam plantulã in aliud *Homil. de Anna, & Samuelis educatione.*

transferunt solum, ut terra recens gremio suo exceptam illius radicem, puram & integram vim suam ad nouam educationem *Similia.*

proferat: Ita & Anna filium præter spem profeminatum, in templum transtulit è domo, ubi sunt perpetua fontium scatebræ, &

irrigationes spirituales. Hæc ille. Ibi quippe erat Dei cultus ante oculos perpetuus, ibi quotidiana sacra, populi ad pietatem confluxus, optimus magister Heli sacerdos; ut nihil sit

mirum in tali educatione tantum emeruisse Prophetã, quantus hic Samuel erat, de quo dicitur: Non cecidit ex omnibus

verbis eius in terram. Certè qualem plantula terram sortita fuerit, talem quoque fructum afferet: si arenosam & salſam, talem: si dulcem & pinguem, rursus consimilem. Ita fons *1. Reg. 3.*

quidam est, doctrina, institutio, educatio: qui domi paternæ ferè arenosus & salſus est, multis impedimentis, multis blandimentis plenus; foris autem cum bono delecto acceptus, dulcis & pinguis. Sicut enim caules, aliæque multæ herbæ *2.*

& plantæ, nisi transplantentur, steriles & exiles manent; transplantatæ autem, magna cum vbertatè crescunt: ita puerorum ingenia foris magis quàm domi, & felicius excoluntur. Imò arbor per se infrugifera (ait Plinius) tamen insitione

discit ferre fructus. ita prauum ingenium institutione ad bonam frugem potest demutari. Contrà verò terra ipsa quo melior est *3.*

natura (ait Plutarchus) hoc magis corrumpitur si negligatur: ita ingenia nisi rectè excolantur, quo sunt feliciora, hoc pluribus vitijs obducuntur. Hæc omnia ad parentum obligationem, circa

piam & laudabilem filiorum educationem, maiorem ostendendam faciunt. Parentes stolidè indulgentes liberis, simiarum similes sunt, qui catulos suos ferè complexu necant. Contrà, vsus quum informes gignat catulos, eos lambendo

format. Sic rudes ingenij fœtus parentum cultura expolire debuit. Sed ea hominum etiam Christianorum dementia *4. Natur. hist. lib. 17. cap. 14.*

debuisset. Sed ea hominum etiam Christianorum dementia *5. In Moralibus.*

debuisset. Sed ea hominum etiam Christianorum dementia

debuisset. Sed ea hominum etiam Christianorum dementia

debuisset. Sed ea hominum etiam Christianorum dementia

debuisset. Sed ea hominum etiam Christianorum dementia

debuisset. Sed ea hominum etiam Christianorum dementia

Hamil. 69.

est, ut pecorum magis quam filiorum cura habeatur. Nam (ut scribit Chrysostomus) si burdonibus atque asinis agaso nobis praeferendus est; non parum vigilamus, ut dementem, aut remulentum, aut furem, aut eius rei imperitum praeferamus: sed verò ad colendum filiorum ingenium pedagagus sit nobis inveniendus; qui casu oblatu fuerit, eum recipimus, nec consideramus ullam artem sublimiorem hoc artificio inueniri. Hæc ille. Rursum alibi: Ut fundus quidem sit optimus, cuncta molimur, eumque fideli viro magna cura tradimus, & agasonem, mulionem, procuratoremque atque dispensatorem, qui nobis magna benevolentia afficiatur, inquirimus. Ceterum quod nobis omnium charissimum est, omnino negligimus; quo pacto filium nostrum fideli cuiquam viro permittamus, qui ipsius servare pudicitiam, formare mores, ingenium expolire & exornare possit.

9.
Hamil. 9. in 1.
ad Tim.

Sed vide quid in hoc genere & quomodo Scriptura loquatur. Populo Israëlitico omnibus flagitijs contaminato, hanc pessimæ educationis originem, flagitiosæ vitæ causam fuisse affirmat. Pater (inquit) tuus Amorrhæus, mater tua Cethæa, id est, parentes tui erga te barbari & crudeles extiterunt. Quando nata es, aqua non es lota, nec sale salita, nec involuta pannis. Non pepercit super te oculus, ut faceret tibi unum de his, misertus tui; sed proiecta es super faciem terra. Omnia hæc spiritualiter intelligenda sunt, quòd Iudæi ex parentibus idololatrijs & impijs nati, qui Deum suum dereliquerant, in eisdem idololatriæ sordibus liberos suos educarunt. Et, ut apud Esdram legimus, qui non ita multo post Ezechielem vixit; quum Iudæi uxores Azotidas, & Moabitidas, & Ammonitidas ducerent, filij eorum ex media parte loquebantur Azoticè, & nesciebant loqui Iudaicè: quia cum religione & lingua vernacula desierat. Sic hodie, ubi parentes vel omnino, vel ex aliqua parte hæretici aut schismatici sunt, vsu venire cernimus. Plura de hoc argumento vide suprà in alia Dominica.

Ezech. 16.

3. Esdr. 13.

Dominij, 1. post
Epiph. text. 3.

4. Incipiebat enim mori.

Dilata pœnitentia vsque
ad mortem.

Locus moralis contra pœnitentiæ aut emendationis vitæ dilatores vsque ad horam aut periculum mortis. Etsi enim regulus iste rectissime quidem fecit, quòd audiens Christum venire, confestim eum adiret; quòd pro filij sui salute apud eum intercederet, malis medendi artibus non vsus; quòd filij sui eam curam habuit quam oportuit; tamen in hoc peccavit, quòd extremum quasi vitæ periculum expectavit.

Et ait, nec prius ad Christi auxilium confugit, quam puer eius inciperet iam mori, essetque morti proximus. Nam & propterea quandam Dei tentationem ad primum petitionis suæ verbum Christus ei obiecit, dicens: *Nisi signa & prodigia videritis, non creditis.* quasi diceret: Extremum expectasti filij periculum, vt à me impetrares in eo sanando miraculum.

Est autem huius generis tentatio ipsi tentanti longè periculossissima, multas ob causas. Primum propter mortis incertitudinem. Idcirco enim incertam esse Deus voluit mortis horam, vt in omnem essemus parati horam, nec vlla resipiscendi expectaretur hora. Denique ne vel accelerata, vel nimium dilata esset nostra pœnitentia. Si enim statim se moriturum quis sciret, accelerata, magisque extorra, quam voluntaria, magis confusa quam ordinata pœnitentia esset. Si certum, sed adhuc prolixum moriendi tempus sciretur, eousque innumeri differrent, seseque innumeris interea peccatis obruerent. Quare iuxta doctrinam sancti Augustini: *Præueniendus est dies, qui præuenire consuevit.* Rursum, quia pœnitentia in illo articulo difficillima erit. Passiones tristes & melancholicæ multo magis animum impediunt & turbant, quam delectabiles: quia tristitia cor exiccat & constringit, sicut lætitia dilatat. Nihil autem mortis imminantis aut apprehensione, aut coniunctis doloribus tristius. Bonis enim iuxta ac malis mortis expectatio, aliquo modo tristis & metuenda est, vt non ineleganter olim respondit Aristippus clarus philosophus. Cum naui vectus procellis impetentibus supra modum perturbaretur; quidam ex ijs qui simul nauigabāt, Nūmne, inquit, etiam tu metu percelleris, quemadmodum, vulgus? At ille: Prorsus, ait, neque iniuria; Vobis enim de vita scelerosa infelicique labor est; & præsens periculum; mihi verò de felicitate atque beatitudine incumbit cura. Deinde perniciofa hæc res est, quia Deo vehementer ingrata: *Iam enim te peccata dimittunt, non tu illa. Va autem illis, qui tunc habuerunt terminum luxuria, quando vita.* Semei post multa maledicta, videns cum triumpho & victoria redeuntem Dauid, reconciliari suo Regi petijt: cui etsi ad præsens tempus veniam dedisse Dauid videretur, filio tamen Salomoni in mandatis dedit, vt non deduceret canos eius pacifice ad inferos. Qui venientem Christum ad iudicium (quod cuique in morte particulare fit) expectat vt tunc ei reconcilietur, vtcunque ei per clauēs Ecclesiæ in Christi nomine venia detur, à Christo tamē, qui cor & renes scrutatur,

Dilatio vsque ad mortē, tentatio periculosa.

1. Mortis hora cur incerta.

Serm. 120. de temp.

Ælianus lib. 9. var. hist.

3. Ambros. serm. de pœnit. 2. Reg. 19. 1. Reg. 1.

Serm. 130.
de temp.

4.

Ibidem.

1.

2.

3.

Histor. lib. 5.
cap. 15.
Homil. 50. ex
Homil. 50.

Psal. 62.

Hieron. Olee-
ster. ad cap.
30. Exod.

Statera men-
dax.

verane an falsa, seria an ficta resipiscentia fuerit, duram sen-
tentiam accipere meritò debet formidare. *Apud illum enim*
cordis interpretem (ait Augustinus) *ars non admittetur ad sa-*
lutem. Porro & rara avis in terris est, poenitentiae donum in
extremis. Vni latroni in cruce Christi id datum esse Scriptu-
ra commemorat. Sed vide quid ad hoc respondeat sanctus
Augustinus: *Primum considerandum in latrone illo, non solum*
credulitatis compendium, sed deuotio, sed temporis illius, sub quo
haec agebantur, occasio, quo iustorum legitur titubasse perfectio.
Deinde autem mihi fidem latronis ostende, & tunc tibi latronis
beatitudinem pollicere. Inter medios Christi hostes, & ubi
Christus maximè vilipenditur, ita Christum confitere, vt
latro in cruce, inter medios militum Romanorum gladios,
& Iudaeorum blasphemias, fecit. *Immittit diabolis securita-*
tem, vt inferat perditionem, neque dinumerari possint, quantos
haec inanis spei umbra deceperit. Vide apud Venerabilem Be-
dam terribile exemplum. Qui vsque ad morbi extremum
poenitere distulerat, virgentibus fratribus vt vel in extremo
id faceret, *Non est, inquit mihi modò tempus vitam mutandi,*
cum ipse videam iudicium meum esse completum. Sapienter
diuus Augustinus: *Certiores sunt clauae Ecclesiae, quàm corda*
Regum. Et tamen nulla occasio praetermittitur, nullus labor
subterfugitur, nullis impensis parcitur, vt quod à Rege benefi-
cium expectamus, consequamur.

De istis procrastinatoribus dicit Propheta Regius: *Men-*
daces filij hominum in stateris, vt decipiant ipsi de vanitate in
idipsum. Mendaces sunt in stateris, quia alia statera, & alio
pondere temporalia mensurant, quàm spiritualia, eoque le-
uiori. In veteri Lege duplex erat sicus, vnus sanctuarij pro-
prius, alius còmunis. Ille ex auro purissimo; hic ex crassiori.
Ille duplo plus valebat quàm alter. Illo taxabantur omnia
quae Deo consecrabantur in cultum, aut sacrificium; hoc
profana. Nos contra pondere sanctuarij, id est, duplo imò
centuplo maiori, temporalia & profana pensamus; circa illa
conquirenda nullum elabi tempus sinimus. Pondere vulgari
& vili spiritualia, Dei cultum, & animae nostrae salutem pon-
deramus; harum rerum curam ad vltimum vsque vitae mo-
mentum prorrahimus. Sed ô Christiane, ubi est fides tua de
Christo dic obsecro. Credisne Christum tibi peccatorum gra-
tiam facturum, veniam daturum? Cur ergo tam bono Re-
demptori ingratus es, vt potro offendere peigas? Credis eum
tibi non parsurum-vt iustum vindicem? Quanta ergo tua
dementia

dementia est, illum Principem offendere, à quo nulla venia speratur? Latrocinij vitam qui agunt, variòque scelere ac maleficio eam contaminant, si pro comperto haberent, se à iudice comprehendendos, mortèque multandos absque ulla indulgentiæ spe, si in maleficio pergerent; vix eorum quisquã suæ vitæ prodigus sic esse yellet, vt maleficio maleficio addere, & ipsam comprehensionis horam expectare auderet, nisi qui ad impietatis fortè fastigium peruenisset. Sic qui ad vltimos vitæ dies resipiscentiam differunt, aut fide in Christum prorsus carere, aut in supremo impietatis gradu consistere conuincuntur. Plura, de hoc argumento alibi diximus, quamvis non, vt putamus, eadem.

Simile.

Dom. Septuag.
text. 4. Dom.
9. post Pentec.
text. 4. Dom.
15. post Pentec.
text. 7.

5. *Nisi signa & prodigia videritis, non creditis.*

Locus moralis de curiositate & incredulitate acriter in homine iam credente reprehendenda, ac de ipsius comprehensionis fructu & utilitate. In hoc enim hic regulus, redarguitur, quia cum esset nutritus inter Iudæos, & de Legge instructus, non per Scripturæ auctoritatem, sed per signa credere volebat, vtque signum videret, extremum nlij periculum expectare. Communis ferè omnibus Iudæis hæc incredulitas fuit, quam & alibi Christus acerrimè taxat. Venientibus enim ad eum quibusdam de Scribis ac Phariseis, & dicentibus, *Magister, volumus à te signum videre; respondens ait illis: Generatio mala & adultera signū quærit.* Quæ verba iterum, eodem modo tentantibus eum Sadducæis, aliàs respondit. Malam & adulteram generationem vocat, quæ signa quærit, quia & malè fecit Deum tentādo, & tale hoc malum fuit, vt animas suas non veras Dei per fidem sponfas, sed rerum caducarum adulteras amicas esse ostenderent. Quemadmodum enim vxor maritū suum verè amans, nulla cupit amoris mariti erga se extraordinaria signa videre, vt quasi in ignem, aut aquam se in vxoris gratiā conijciat maritus; sed vero illo interno amore, quo ipsa maritū suum prosequitur, & cōmunibus externis signis amoris mariti erga se contenta est: sic anima fidelis, quæ in fide & charitate Deo suo desponsatur, si verè talis est, tot in seipsa signa videt, amorem Dei tam sincerum & yehementem, tot quoque ipsius Dei in se amoris amplexus, tam frequentes supernas dulcedines, tot quotidie fauores, gratias, beneficia, pacem denique illā Dei

Curiositas, & incredulitas.

Matth. 12.

Matth. 16.

Simile.

fui, quæ exuperat omnem sensum vt alia signa quærere, quæ vel fidem suam in Deum, vel charitatem Dei erga se confirmant, non superuacaneum tantum, sed & impium in primis esse existimet. Nam vt Deo soli adhærere, casti amoris argumentum; ita in rebus caducis signa exteriora quærere, animæ adulterantis est. Deinde, sicut veteres & pii Iudæi maiorum suorum signis, in deserto, in mari rubro, in monte Sina, in Iordanis transitu exhibitis, contenti erant, iuxta illud; *Interroga patres tuos, & dicent tibi*: sic Iudæi, docente Christo, omnesque hodie Christiani contenti esse debebant signis veteribus, vel ante Christi aduentum typicis, qualia Iudæos (maximè Scribas & Phariseos, & principes populi, inter quos hic regulus fuisse videtur (non ignorare par erat; vel ab ipso Christo præstitis, qualia nostræ fidei sufficiunt. Omnis ergo hæc curiositas, & incredulitatis atque à Deo fornicationis species, meritò à Christo taxatur, siue in hoc regulo, siue in altantibus, siue in vtrisque, eorum corda ille vidit.

Reprehensio
medicamentum.
Similia.

1.

2.

Christus sanaturus morbum filij corporalem, voluit prius morbum patris spiritualem sanare. Præclarum enim medicamentum, oportuna & iusta reprehensio. Sicut pharmacum aliquod aut medicina vlceri adhibita, principio quidem molestiam exhibere videtur, sed postea salutem parit: sic correctio iusta, quæ grauis initio apparet, utilis & salutaris postea inuenitur. Sicut medicus ex tactu pulsus, de ægroto iudicat, viuâne adhuc, & quam vitæ ac sanitatis recuperandæ spem gerat: sic tum alij cupiditatum pulsus, tum maximè ipsa reprehensio, mortificationis nostræ huic mundo, & vitæ in Christo signa sunt certissima. Si enim cupiditatum ac voluptatum motus, ipsaque reprehensio nulum in nobis sensum habent, nihil nos mouent, nihil perturbant, nihil pacem nostram cum Deo inquietant; certum indicium est, nos soli Christo viuere, mundo autem, eiusque honori (quem reprehensio violat) cupiditati ac voluptati mortuos esse. Heli sacerdos grauissimè per verba Dei puero Samueli reuelata, eique à Samuele communicata reprehensus, hoc solum humiliter respondit: *Dominus est, quod bonum est in oculis suis, facit.* Dauid à Nathan Propheta adulterij atque homicidij nomine obiurgatus, vnum verbum retulit: *Peccavi.* Quum Eesaias Propheta Ezechiam Regem de ostensis thesauris reprehenderet, Deique acerbam cõminationem ei declararet, respondit: *Bonus sermo Domini, quem*

Exempla.

1. Reg. 3.

2. Reg. 12.

4. Reg. 10.

locutus es. Sic & noster regulus, accepta hac Christi non beneuola responsione, sed acri reprehensione nihil turbatus, pergit humiliter in sua petitione, dicens: *Domine, descende,* Ioan. 4. *priusquam moriatur filius meus.* Nouerat quippe non asperitatis, sed admonitionis & doctrinæ illa verba fuisse. Fructus *Similis.* odoriferus, licet densis & asperis frondibus contegatur, ipse per se odorem, quem à se emittit, manifestat: sic reprehensio salutaris, etsi sub verbis aspera videatur, gratum tamen odorem spirat. Sicut caput vertigine laborans, vitta colligari expedit; sic animum curiosum quadam vertigine laborantem, vinculo salutaris doctrinæ constringi, & ne latius diuagetur, reprimi oportet.

6. *Domine, descende, priusquam moriatur filius meus.*

LOcus moralis de perseverantia in oratione. Regultis Perseuerantia in oratione.
 Lenim iste, etsi ad primam petitionem non solum non exauditus, verum etiam taxatus à Christo ac reprehensus fuerit, humiliter tamen atque constanter perseverat pulsans, pro salute filij iterum supplicans. De perseverantiæ virtute in genere, atque etiam respectu orationis ac precum; Domin. 13. post Pentecost. text. 6. & alijs ibi annotatis. Luca 18. iam in alijs Dominicis aliquoties diximus. Hic tamen pau-
 cula addentur, prout Deus dabit. Admiranda est hac in parte Christi parabola, qua dicit: *Iudex quidam erat in quadam ciuitate, qui Deum non timebat, & hominem non reuerabatur. Vidua autem quadam erat in illa ciuitate, & veniebat ad eum, dicens: Vindica me de aduersario meo, & volebat per multum tempus. Post hac autem dixit intra se: Etsi Deum non timeo, nec hominem reueor, tamen quia molesta est mihi hac vidua, vindicabo illam; ne in nouissimo veniens, suggillet me. Ait autem Dominus: Audite quid iudex iniquitatis dicit. Docet hæc admirabilis parabola, in qua piissimus & clementissimus Deus se cum iniquo iudice, nec Deum nec homines timente, comparare voluit, vt nostram tarditatem excitaret; docet, inquam, eos, qui diuinæ misericordiæ distissi, in oratione non perseverant, reputare Deum pro iniquissimo iudice, ac arbitro rerum humanarum, adeoque hoc iniquissimo homine deteriorem, quo blasphemum magis cogitari nihil potest. Docet ergo, insigniter eos Deum blasphemare, qui vtunque repulsam ad tempus passi, in oratione tamen non perseverant. Mollius est, sed non minus ad persuadendum efficax, quod in alia parabola proponit Christus, dicens:*

Luca 11.

Quis vestrum habebit amicum, & ibit ad illum media nocte id est, in quavis necessitate) & dicet illi: Amice, commoda mihi tres panes, &c. & ille de intus respondeat: Noli mihi molestus esse. Iam pueri mei mecum sunt, & ostium clausum, non possum surgere, & dare tibi. Et si ille perseverauerit pulsans, dico vobis, etsi non dabit illi surgens eo quod amicus eius sit, propter improbitatem tamen eius surget, & dabit illi quotquot habet necessarios. Hic amicus noster Deus est, dicente Chri-

Ioan 15.

sto: Vos amici mei estis si feceritis quae ego precipio vobis. Si per impossibile propter amicitiam Deus suos non audiret; tamen, ne quovis vulgari amico deterior videatur, perseveranti dabit, quia perseverat. Sic perseverantiae virtutem commendare Christus voluit, ut eius vim maiorem esse doceret, quam est amicitiae Dei erga dilectos & electos suos, quae tamen haud dubie est longe maxima. Sic rursus nostram tarditatem excitat, & alia quali hyperbolica narratione ad feruorem & studium orandi pertinax adhortatur. Re-

In libr. Allegor.
super Luc. 11.

Et Petrus Rauennas super hanc parabolam: O quam dare vult, qui se inquietari taliter, taliter patitur suscitari! O quam pulsanti iste gestiuit occurrere, qui secreti sui cubile ipsam collocavit ad ianuam! O quam negare noluit, qui etiam deneganti, qualiter extorqueretur, ostendit! O quam ad ianuam Dominus tantum, sed ipsa ianua Dominus fuit, qui dormientibus servis, pulsantis necessitate solus & primus audiuit! O quam pius, quam misericors, qui, quod mandatis docet, probat & informat exemplis. Haec ille. Quemadmodum fumus ex modica flamma suscitatus, citò languescit, citò evanescit, nec altè ascendere valet: sic oratio ex modico spiritus feruore missa, quaeque semel facta statim se remittit, languida est, ad Deum non ascendit impetrandi viribus caret. Sicut stellae, quamvis circa caeli cardinem & axem moveantur, ipse tamen cardo nullatenus à sua quiete perturbatur, semper immobilis persistit: sic, quamvis pars sensualis, mundus, diabolus, ut orationem abrumpant, mentem modis omnibus exagitant atque sollicitant, ipsa tamen ad finem usque immota in oratione permanebit. Luctabatur Iacob cum Angelo usque; manè: cui cum diceret, *Dimitte me*; respondit Iacob: *Non dimittam te, nisi benedixeris mihi*, Et benedixit ei in eodem loco. Sic tu Dominum non dimittas, donec petitionem tuam adimpleat. Id fecit sponsa in Canticis, dicens: *Tenui eum, nec dimittam, donec introducam eum in domum matris meae*. Hoc considerans mulier illa Sunamitis, pedes Elisei Prophetae

Similia.

apptehen-

Genes. 32.

Cant. 3.

4. Reg. 4.

apprehendit, nec dimisit eum, donec filium eius suscitauit. Ut arbores & herbae in mundo crescerent, fecit Deus primo *Genes. 1.* Aridam, dicens: *Appareat arida.* Sine siccitate aliqua patientia tua non crescet, oratio tua non fructificabit. Quanti Deus in hac siccitate perseverantiam faciat, ostendit Deus *Ierem. 2.* in Ieremia, ubi ait: *Recordatus sum tui, quoniam sequuta es me in deserto.* Quasi diceret: Seruiebas mihi, nulla diu accepta consolatione: & in tempore siccitatis ac laboris perseverasti. Ideo in memoria mea te scripsi, & dignam tibi retributionem suo tempore rependam. Sic illos Deus superabundantes exaudit, qui in oratione patientiam habent, ac perseverantiam tenent.

7. *Credidit homo ille sermoni quem dixit ei Iesus, & abiit.*

LO C U S moralis de gratitudine animi pro accepto à Deo beneficio. Vbi primum Christus regulo in oratione perseveranti dixit, *Vade, filius tuus vivit*: absque vlla mora credidit, abiit, & (ut in sequentibus patet) totam domum suam ad Christi fidem conuertit. Sic enim concludit Euangelium: *Et credidit ipse, & domus eius tota.* Multi vix plurimis à Deo acceptis beneficiis & gratiis, ei tamen obediunt, in eum credunt, eius voluntatem faciunt. Hic vnica Christi voce audita, vno accepto sanati filij beneficio, credit ipse, & suos omnes ad fidem trahit. Sic de hoc regulo Cyrillus: *Christo filij sanitatem attribuens, cum vniuersa domo saluatur, ferventior iam fidem agendarum gratiarum asserens loco.* De incredulis Iudaeis dicit Euangelista, *Et cum tanta signa fecisset inter eos, non credebant ei.* Pharaonem quot signa flectere non potuerint, Exodi historia describit. Ieroboam à Deo rebellans, & primum altare schismaticum erigens, tria simul à Deo indignationis suae signa accepit, nec quicquam tamen emendatur. *Missus vir Dei de Iuda in Bethel, Ieroboam stante super altare & thus iaciente, exclamavit contra altare, & ait: Altare, Altare, hac dicit Dominus: Ecce filius nascetur domui David, Iosias nomine, & immolabit super te sacerdotes excelsorum, qui nunc in te thura succendunt, & ossa hominum super te incendet. Deditque in illa die signum, dicens: Hoc erit signum quod locutus est Dominus. Altare scindetur, & effundetur cinis qui in eo est. Cumque audisset Rex sermonem hominis Dei, quem inclamauerat contra altare, extendit manum suam de altari, dicens: Apprehendite eum. Et exaruit manus eius quam extenderat contra eum: nec valuit retrahere eam ad se. Altare quoque scissum est: & effusus est cinis de altari, iuxta signum quod*

Gratitudo animi.

In Iōan. lib. 2. cap. 22.

Iōan. 12.

Cap. 7. & seq.

3. Reg. 18.

Ieroboꝝ ingra-
titudo.

*prædixerat vir Dei in sermone Domini. Et ait Rex ad viros Dei: Deprecare faciem Domini Dei tui, & ora pro me, ut re-
stituatur manus mea mihi. Orauitque vir Dei faciem Domini,
& reuersa est manus Regis ad eum, & facta est sicut prius fuerat.*
Tria hic euidentia fuerunt signa: Altare scilicet, manus regis arefacta; eademque orante Propheta sanata. Nihil tamen hæc omnia impiū regem mouerunt, vt à sacrilegis altaribus abstineret. Vicit amor regni, & dominandi immensa cupido. Ne enim filij Israël in Hierosolymam ascēderent ad sacrificandum, vnde regnū Iuda roborandū, suum verò imminuēdum verebatur, voluit omnino in schismate sacrilego persistere. Sic hodie nihil Elisabetham hæreticā Angliæ reginam mouerunt varia de cælo signa. Nobilissimæ pyramidis templi diui Pauli Londinensis, toto regno celeberrimi, è cælo media die tactæ ad cineres vsq; adustio, templo ipso saluo, sola excepta mensa ministeriali, quā altaris Catholici loco de nouo (vt suū fecit altare Ieroboam) extruxerant, in cineres quoque redacta: quod totū in ipsa vigilia Venerabilis Sacramenti (quē illi nunc diem prophano habēt) fieri Deus voluit. Terræ quoque aliquot iugera loco mota, cū arboribus in diuersum actis, viāque publica adiacente ita cōuersa, vt quod orientem prius spectabat, nunc occidentē solem aspiciat, & è diuerso, vasto interim & horrēdo hiatu relicto. Vna quoque ex pedissequis eius nobilibus, ipsa audiente & vidente, horrendis spectris conterrita a se propter hæresim & impudicitiam certo damnatam horribiliter eiulans, & animam eiulando exhalās. Nihil quoque Henricum tertium, Francorum Regem, vt fides Ecclesiæ Catholicæ filius permaneret, mouere potuit miraculosa planè Germanorum militum quadraginta millium, manu & copiis vix octo millium Catholicorum adepta victoria, fusis, fugatisque, & interneccioni datis hostibus: nihil, inquam, commouere potuit, quo minustantæ tamque celebris & orthodoxæ religioni tam oportunæ, tam salutaris victoriæ Ducem nobilissimum, ac Principem generosissimū, Henricum Guisæ Ducem, alterum nostræ ætatis Iudam Machabæum, paruo post tempore, in suo ipsius cubiculo, penēque sua manu de repente aggressus, barbarè & crudeliter interficeret: nec in eum tantum, sed in totam nobilissimam familiam atrociter sæuiret, Cardinalem fratrem eodem tempore sacrilegè occidens, & ad tertium, fratrem Ducem Cenomanensem, occidendum, percussorem mittens. Sic Pharaones & Ieroboas nouos

hæc

Anno 1587.

Anno 1588.

hæc ætas vidit. Certè Nabuchodonosor, etsi idolorū cultor, *Daniel. 1.*
 Danielem tamen à leonum faucibus ereptum videns, publi-
 co edicto sanxit, vt Danielis Deum omnes venerarentur. *Nicephor. lib. 17.*
 Porro Elefbaan Æthiopum rex Christianus, obtenta nobilif- *cap. 6.*
 sima victoria cōtra Dunaan Iudæum, & grauissimum Chri-
 stianorum persecutorem, vt se Deo gratum ostēderet, *Quum*
inquit, nihil maius habeam, regnum hodie meum & sceptrum
propter amorē tuum depono, solitariam posthac & monasticam
vitā acturus. Quo dicto, monachali habitu sumpto, in eo per
 totam vitam patienter & humiliter perseuerauit. De hoc ar-
 gumento in aliis Dominicis plura diximus. *Dom. 13. post Pē-*
tec. text. 5. &
alijs illic anno-
tatis.

8. Et credidit ipse, & domus eius tota.

Locus moralis, exempla dominorum plurimum apud sub- *Exempla ma-*
 ditos seu in bonum, seu in malum valere. Hic regulus *iorum.*
 Christi miraculo ac beneficio sic incitatus est, vt non crede-
 ret ipse tantum, sed & domus eius tota, eius profecto sanis
 monitis, authoritate, exemplo cōmota. Non satis habuit ani-
 mam suam saluam facere; quin & totam familiam eius be-
 neficii participem fieri voluit. Sic dominorum exempla imi-
 tati serui ac subditi solent. In veteri Scriptura legitur: *Arri-* *1. Reg. ult.*
puit Saul gladium suum, & irrui super eum. Quod cū vidisset
armiger eius, videlicet quod mortuus esset Saul, irrui etiam ipse
super gladium suum, & mortuus est cum eo. In Euāgelio, quum
 Herodes illudere Christo veller, totus exercitus eius eū mox
 imitatur. *Spreuit eum cum exercitu suo* (ait diuus Lucas) *& il-* *Luca 23.*
lusit indutum veste alba. Ex hac imitatione dominorū, ipsa in
 mundo idololatria nata est. Sic enim Sapiens: *Acerbo luctu*
dolens pater, rapti citò sibi filij fecit imaginem, & illum qui tum *Sapient. 14.*
quasi homo mortuus fuerat, nunc tanquam Deum colere cæpit,
& constituit inter seruos suos sacra & sacrificia. Deinde, interue-
 niente tempore, conualecente iniqua consuetudine, hic error tan-
 quam lex custoditus est, & tyrannorū imperio colebātur sigmen-
 ta. Sic orta est idololatria seruorum & populorum, quum id
 illi colerent & venerarentur, quod à dominis suis ac princi-
 pibus coli atque in veneratione haberi cernerēt. In Nume-
 rorum libro legimus: *Factum est grande miraculū, vt Core pe-* *Num. 26.*
reunte, filij eius non morentur. Pro magno miraculo habuit
 Scriptura, quod paternam impietatem ac rebellionem contra
 Deum filij nō essent imitati. Quotquot enim criminis parti-
 cipes erant, cum Core & sociis perierunt. Monet Sapiēs: *Ne* *Ecclesi. 7.*
pedes in multitudine ciuitatis, nec te immittas in populum. id est,

Similia.

vt principum ciuitatis peccata non imiteris. Sicut infirmæ arbores, quæ per se in altū erigi nequeunt, vt vitis, hedera, & quædā legumina, nexibus quibusdā ad hoc à natura datis finitimas arboresprehendunt, atque illarum adminiculo succiuntur, seseque in sublime erigunt: sic homines, natura parui, vt serui, subditi, idiotæ, quum per se nihil sciāt, aliorum in omnibus quos se sublimiores vident, quibusque inniti coguntur, ductum & exempla sequuntur. Caueant domini ac prælati quilibet, ne canerorum more retrò ambulantes, paruulos suos frustra & incassum doceant recto gressu progredi & ambulare. Quem enim illi ambulādi cursum tenent, seu retrò labantur, & deficiendo retrocedant, seu ea, quæ retrò sunt, obliuiscuntur, ad anteriora proficiendo se extendāt, seu ad dexteram, seu ad sinistram declinent, eundem paruuli & subditi sui tenebūt. Quod Ioab, introducta Thecuitide, apud Regem agit de reducendo Absalom, non id alia ex causa fecit, quàm vt ipsius regis voluntati suā conformaret. Ait enim Scriptura: *Intelligens Ioab, quòd cor regis versum esset ad Absalom, mittit Thecuam, &c.* Quum diues ille epulo inhumanus & crudelis in Lazarum esset, itidem & tota familia fecit, nec secus in eum affecta fuit. *Cupiebat enim mendicus ille saturari de micis quæ cadebant de mensa diuitis, & nemo (ex tota familia) illi dabat.* Bene dixit Sapiens: *Qualis rector ciuitatis, tales & inhabitantes eam: secundum iudicem populi sic & ministri eius.* Albinus & Florus tyrannidem grauem in Iudeos exercebant, similes Neroni domino suo. Columbæ sepe visa vna auolante, statim sequuntur omnes. Pullus generosus in equorum armento exiliens, secum rapit omne armentum. Arietem grex omnis sequitur, & tam perauia ac deferta, quàm per viam publicam comitatur. Sic inter homines fieri solet, animal maximè sociale, & ad morum communicationem procliuè. Eryngium herbam si vni capræ in os inferas, cum ipsa sistitur, tum omnes consistunt, donec pastor herbam exprimat. Ita principis mores mira vi in populum transfunduntur. Quum Dionysius philosophiæ operam dare Platone magistro vellet, tota regia puluere fuit referta præ turba geometricas pingentium figuras. Eodem ad sua pocula & voluptates redeunte, vitæ mollicies vniuersos occupauit. *Iulian⁹ imperator se cultorē philosophiæ professus, oēs id genus homines ad palatiū attraxit.* Sicut qui se comunt, adhibēt speculum, sic gesturus negotiū, proponit sibi magnorū viroꝝ exempla. Abraham hospitalis & liberalis, famulum quoque habuit,

2. Reg. 14
Exempla.
Luca 16.

Eccli. 10.

Similia.

Plutarc. in
Moral.

Socrat. hist. Ec-
cles. lib. 3. ca. 1.

buit, qui celeriter ad gregem curreret, & vitulum occideret, quem & Sara vxor celeriter coxit. Loth nutritus in domo Abrahæ, hospitalis quoque & misericors fuit, quòd eum ex incendio Sodomæ liberauit. Contrà Absalon, qui erat impius, ferox, rebellis, famulos habuit similis farinæ, qui ad eius nutum, Ammon, fratrem domini sui, in ipse conuiuio nefariè interficerent. Hæc res adeò valet, vt etiam corporum notas, motus ac gestus imitari in dominis subditi gestiant. Persæ pulchrum esse existimabant naso adunco esse, quia Cyrus, eorum Rex talem habebat. Platonis contractos humeros familiares eius exprimebant. Aristotelis gibbum, discipuli eius pulchritudinis loco ducebant. Caueant igitur in primis domini, quæ morum exempla seruis ac subditis suis præbeant. De hoc quoque argumento iam in alijs Dominicis diximus: quæ huc referri possunt.

*Exempla.
Gen. 18.*

Reg. 13.

*Plutarc. in Polit.
& in lib. de di-
serim. adul. &
amic.*

*Dom. 15. post
Pentec. text. 1.*

EVANGELIVM DOMINICÆ XXI.

POST PENTECOSTEN.



SIMILE est regnū calorū homini regi, qui voluit rationem ponere cū seruis suis. Et cum cœpisset rationē ponere, oblatuſ est ei vnus, qui debebat ei decem millia talenta. Cū autem non haberet vnde redderet, iussit eum dominus eius venundari, & vxorem eius, & filios, & omnia quæ habebat, & reddi. Procidens autem seruus ille, rogabat eum, dicens: Patientiam habe in me, & omnia reddam tibi. Misertus autem dominus serui illius, dimisit eum, & debitum demisit ei. Egressus autem seruus ille, inuenit vnum de conseruis suis, qui debebat ei centum denarios: & tenens suffocabat eum, dicens: Redde quod debes. Et procidens cōseruus eius, rogabat eum, dicens: Patientiam habe in me, & omnia reddam tibi. Ille autem noluit, sed abiit, & misit eum in carcerē, donec redderet debitum. Videntes autem conserui eius quæ fiebant, contristati sunt valde, & venerunt, & narrauerunt domino suo omnia quæ facta fuerant. Tunc vocauit illum dominus suus, & ait illi: Serue nequam, omne debitū dimisi ti-
bi,

Matth. 18.

bi, quoniam rogasti me. Nonne ergo oportuit & te misereri conserui tui, sicut & ego tui misertus sum? Et iratus dominus eius, tradidit eum tortoribus, quoadusque redderet vniuersum debitum. Sic & Pater meus celestis faciet vobis, si non remiseritis vnusquisque fratri suo de cordibus vestris.

PERICOPÆ moralis huius Euangelij.

1. Oblatus est ei vnus, qui debebat ei decem millia talenta. De ingenti debito peccatorum.

2. Iussit eum dominus eius venundari, & uxorem eius, & filios, & omnia quæ habebat, & reddi. De statu hominis peccatoris longè miserrimo.

3. Procidens autem seruus ille, rogabat eum, dicens: Patientiam habe in me, & omnia reddam tibi. De perfecta peccatoris cum Deo reconciliatione.

4. Misertus autem dominus serui illius, dimisit eum, & debitum dimisit ei. De misericordia Dei petentibus eum promptissima.

5. Egressus autem seruus ille, inuenit vnum de conseruis suis, qui debebat ei centum denarios, & tenens suffocabat eum, dicens: Redde quod debes, &c. Contra inhumanitatem, duritiem cordis, & rigorem erga proximos.

6. Videntes autem conserui eius quæ fiebant contristati sunt valde, & narrauerunt domino suo quæ facta sunt. De zelo iustorum contra impios.

7. Et iratus dominus eius, tradidit eum tortoribus, quoadusque redderet vniuersum debitum. Contra reciduantium & contra proximos inclementium ingratitudinem.

8. Sic & Pater meus celestis faciet vobis, si non remiseritis vnusquisque fratri suo de cordibus vestris. De fraterna charitate sincera & cordiali perpetuò tenenda.

1. Oblatus est ei vnus, qui debebat ei decem millia talenta.

Peccati debitum.

Locus moralis de ingenti debito peccatorum. Hic enim vnus qui debebat decem millia talenta, est quilibet peccator, mortalis peccati conscius. Peccata enim, debita nostra sunt, pro quibus dimittendis in oratione Dominica Deum oramus: non quidem ipsius culpæ aut neglectæ obedientiæ nostræ, quasi illa Deo deberetur; sed ipsius pænæ, quæ culpæ & neglectæ obedientiæ debetur. Debemus certè Deo omnem obedientiã, & donorum ac gratiarum ab eo acceptarum bonum vsum: quæ duo qui non præstat, debitum contrahit omnium pænarum, quæ illi inobedientiæ & negligentie debentur. Quæadmodum enim in contractibus humanis ex ratione iustitiæ, qui pecuniam mutuò acceptam suâ culpa non persoluit, vt corpore luat, carcerique mancipetur, cogi potest, & debitor est illius pænæ exoluendæ; vt creditori iuste satisfiat, si non in pe

in pecunia reddenda, saltem in aliqua corporis pœna: eodem modo ex ratione iustitiæ diuinæ, qui Dei voluntatem obediendo non facit, eiusdem voluntati pœnas subeundo subiicitur; & qui debitum obedientiæ non persoluit, debitum pœnæ luit. Sic in hoc Euangelio dicitur: *Tradidit eum tortoribus, quoadusque redderet uniuersum debitum.* Et in alio Euangelio: *Non exies inde, donec soluas nouissimum quadrantem.*

Luca 12.

Sic de illis octodecim, super quos cecidit turris Siloe, dixit Christus: *Putatis quia ipsi debitores fuerint super omnes homines?* (scilicet Pœnarum quas sustinuerunt. Peccata tamen ipsa debita nuncupantur per notam Synecdoches figuram, qua causa pro effectu ponitur. Causa enim huius debiti, peccata sunt. *Qua*

Luca 13.

sunt debita nostra? (ait Chrysostomus) *Quid debemus Deo, nisi imaginem & similitudinem eius seruare illam?* Sūt alia debita qua debem⁹ Deo. Peccauimus illi grauiter, iniuste egimus, iniquitatem fecimus. Hęc ille. Duo statuit debitorum genera: similitudinem Dei violatā, & peccata: id est, dona Dei malè collocata, & alia à nobis malè perpetrata. Duplex est iustitia: *Declinare à malo*, seu non violare mandata, quæ ad Dei in nobis similitudinem (hoc est, duplicem charitatem) conseruandam data sunt: & *facere bonum*, seu bene vti gratis, donis, muneribus, talentis à Deo nobis concessis.

Homil. 9. ex variis in Matthæi locis.

Psal. 36.

Debet quippe mille talēta, qui mille Dei donis abusus est. Dedit homini Deus talenta naturalia & supernaturalia. Primum dedit se Deus homini, vt etiam in operibus naturalibus Deum cooperatorem semper habeat. Dedit Deus homini mundum, *constituens eum super omnia opera manuum suarum.* Dedit homini, quicquid est in homine, animam, corpus, potentias, facultates, ac sensus cuiusque omnes. Dedit cuilibet singulares naturæ dotes, quibus alij non valent, aut non ita valent, ingenij acumen, memoriæ vim, prudentiæ grauitatem, robur, pulchritudinem, canendi, pingēdi, scalpēdi artes. Dedit omnia, quæ vocantur fortunæ bona, sanitatem, honores, diuitias, amicos, & id genus alia. Atque hæc quidem naturalia sunt talenta: maiora & excellentiora sunt supernaturalia. Dedit vocatis sanctis, renatis in Christo, populo suo electo, primò, Filium suum, cum omnibus donis, vt alibi dictum est. Dedit Ecclesiam, nouum quemdam mundum, cum suis non elementis, sed sacramentis; non animalibus, plantis, arboribus, sed Scripturis sacris, Apostolis, Prophetis, pastoribus, doctoribus, cum cæremoniis, cultu, & religione vniuersa. Dedit nouum hominem interiorē

Talenta Dei homini data.

1.

2.

Psal. 8.

3.

4.

5.

6.

7.

8.

9.

Rom. 12.
1. Cor. 13.

teriore, cum gratia speciali & habituali, fide, spe, charitate, aliisque donis infusis. Dedit specialia quædam charismata; & gratias gratis datas, quas enumerat Apostolus, secundum diuisionem ministracionum in vno spiritu cuilibet datas. Sed & præter hæc omnia singulares unicuique & infinitas inspirationes bonas, misericordias magnas, auxilia & media extraordinaria quibus à peccato vel conseruentur, vel liberentur, & ad bonum promoucantur. His tot ac tantis talentis qui abutitur, qui ingratus est, qui ea dissipauit luxuriose, facile multorum talentorum debitor fiet. Dicit Scriptura: *Declinantes in obligationes adducet Dominus cum operantibus iniquitatem.* Dicit eos qui debitores sunt gratiarum Dei, qui malè vtendo donis acceptis, obligationem contraxerunt & debitum, pariter cum illis qui scelera perpetrarunt, à Deo puniendos. Nam & *seruus inutilis, seruus piger, projicitur in tenebras exteriores.* Deinde si ab altera parte numerentur non omissa bona, sed commissa mala, cupiditates cogitationes malæ, & illicita cordis desideria; oris & linguæ tot delicta, mendacia, detractiones, iuramenta illicita, & temeraria, conuitia, scurrilitates, blasphemix; opera verò & maleficia innumera: impij homines mille debita facile inuenient. Si consideremus peccata nostra (ait S. Augustinus) & numeremus quid facto peccatum, quid oculo, quid aure, quid cogitatione, quid innumerabilibus motibus, nescio vitrum dormiamus sine talento. Hæc ille. Vox impiorum hæc est: Omnia qua desiderauerunt oculi mei, non negavi eis, neque prohibui cor meum quin omni voluptate frueretur. Et illa adhuc magis: Venite, & fruamur bonis que sunt, & vtamur creatura tanquam in iuuentute celeriter. Vino pretioso & unguentis nos impleamus, & non prætereas nos flos temporum. Nullum pratum sit, quod non pertransseat luxuria nostra. Vbique relinquamus signa lœtitiæ. & cætera quæ sequuntur. Huiusmodi homines decem millia talenta citò debebunt, & cum pœnitente Manasse dicere possunt: *Peccaui super numerum arena maris.*

Sermo. 79. de
verb. Dom.Eccles. 2.
Sapient 7.

3. Paral. ult.

Quamquam & quodlibet mortale peccatum in se, si singulæ eius circumstantiæ expendantur, vt Dei offensi infinita maiestas, potentia, bonitas; hominis peccatis infima vilitas, ingratitude, temeritas, causa peccandi prorsus tenuissima (quæ alio in loco explicata sunt) in quolibet profectò multa debitorum talenta inueniuntur. Vt clariùs populo aperias, quor & quantis modis quotidie in Deum peccatur, & (vt ait diuus Iacobus) *in multis offendimus omnes, repete quæ habet*

habet diuus Augustinus in suis Meditationibus, cap. 1. & 4. De ipsa peccati grauitate, enormitate, turpitudine, iam in alijs * Dominicis semel atque iterum diximus, quæ huc ex magna parte referri possunt, vt quantos nos Deo debitores peccatum constituat, plenius intelligatur. Sed & qui sequitur locus, hoc ipsum nonnihil illustrabit.

** Domin. Quinquagesimæ. text. 5. Domin. pass. text. 1. Domin. 9. post Pentec. text. 1. Domin. 10. post Pentec. text. 6. Domin. 11. post Pentec. text. 2. & 6.*

2. *Iussit eum dominus eius venundari, & uxorem eius, & filios, & omnia quæ habebat, & reddi.*

Locus moralis de statu hominis peccatoris lōgè miserrimo. Quod enim hic dicitur, eum, qui tot millia talentorum domino suo debebat, venundari, nec ipsum tantum, sed & omnia quæ habuit, vt debitum reddatur, dominoque satisfiat; significat, hominem peccatorem, impium, scelerosum, in pœnam tot scelerum à Deo reprobari, sibi ipsi relinqui, *tradi in reprobum sensum, venundari sub suo peccato, captiuum à diabolo teneri ad voluntatem eius, vt desideria patris sui diaboli (non enim ampliùs Deum patrem habet) faciat, vt eat post concupiscentias suas* quibus nupsit, sicut anima iusti Deo nubit, & sponsa Dei est, vt comedat fructus operum suorum, quæ sunt proles eius, & ea metat quæ seminauit; vt denique omnia quæ habet, omnia accepta à Deo talenta, ab eo auferantur, & ei qui plura habuit, conferantur: quia quicquid decrescit impijs, accrescit iustis; & gratiæ quibus impij abutuntur, alijs conferuntur. vt quia donis Dei abusus est Saul, electus est Dauid, in quem & spiritus eius & regnum transferrentur: & Iudæis repellentibus verbum Dei, conuersi sunt Apostoli ad Gentes. Sunt quippe peccatorum pœnæ, non solum flagella in hac vita, & gehennæ tormenta in altera, verum etiam ipsa peccata, ipsa priuatio gratiæ, ipsa cæcitas cordis, totiusque hominis derelictio, qua nulla grauior esse pœna potest. His pœnis, diuinæ iustitiæ satisficit. Rursum venundatur peccator, & omnia simul quæ habet, non opera tantum, sed & corpus & anima, quum dæmonibus in æternum possidendus traditur, qui de illo pœnas sempiternas sumant, vt hunc locum exponit ² Anselmus. De statu animæ absque Dei gratia in hac vita, & de pœnis damnatorum in altera, iam in alijs ^b Dominicis tractauimus, quæ huc cōferri poterunt.

Peccatoris status miserrim⁹.

Rom. 1. Rom. 7. 2. Tim. 2. Ioan. 8. Eccli. 18. Prou. 1. Galat. 6. Matth. 13.

Exempla. 1. Reg. 16. & 18. Act. 13.

In Comment. b Dom. 10. post Pentec. text. 4. Domin. 11. post Pentec. text. 1. Domin. 5. post Epiph. text. 9. Peccati status cur non timeatur.

Quem ista non mouent, maximo in periculo versatur. Quemadmodum animalia, quæ angustas venas habent, ex

Pars Æstiuialis.

h veneno

Simile.

veneno non facile pereunt, quoniam virus ad cor facile fluere ac penetrare nequit; quæ autem venas amplas sortita sunt, celerius veneno extinguuntur: sic qui conscientiam angustam ex timore Dei & iustitiæ eius habent, difficulter venenum peccati in cor admittunt, aut ad voluntatis consensum penetrare sinunt; quibus verò larga conscientia est, nullo timore constricta, in omne libitum fluens, & post concupiscencias suas currens, quolibet peccati veneno moriuntur, cuilibet tentationi consensum præbent, quodlibet animo scelus admittunt. Talis erat impius ille Achab, de quo dicitur: *Venundatus erat, ut faceret malum in conspectu Domini*: id est, datus est in reprobum sensum, nulla peccati conscientia tactus. *Concitavit enim eum Iesabel vxor sua, & abominabilis factus est.* Iesabel nostra, caro nostra est: cui quæ mo-rem gerit, abominabilis fit. De hoc peccatorum genere Esaias: *Quis cecus, nisi qui venundatus est?* id est, qui à Deo detestatus, absque traditus est, ut quouis voluptatis pretio animam suam vendat. Denique quod ingrata, & rebeli, & incredulæ, ac duræ cervicis synagogæ, apud eundem Prophetam dicitur, cuilibet flagitioso peccatori convenit: *Quis est hic liber repudiij matris vestra* (id est synagogæ) *quo dimisi eam? Aut quis est creditor meus cui vendidi vos? Ecce enim in iniquitatibus vestris venditi estis, & in sceleribus vestris dimisi matrem vestram.* Sic enim quilibet peccator mortifero quouis peccato seipsum demoni vendit, & quidem interdum manifesto intercedente pacto, ut de illo Theophilo, Antiochenæ ecclesiæ œconomo, scribitur, qui, ut ad dignitatem, unde deiectus fuerat, restitueretur, pactum cum diabolo fecit, seipsum ei totum tradens, abiurato Christo: quales desperatissimos homines hæc ætas multos tulit. Sed omnes peccatores, etsi non expresso, vero tamen & certo pacto, ipsi peccato, & instigatori eius diabolo, se vendunt. *An nescitis* (inquit Paulus) *quod, cui exhibetis vos servos ad obediendum, servi estis eius cui obeditis?* Omnibus peccatoribus libellum repudiij dat Deus, ut alteri venundentur. *Dimisi eos secundum desideria cordis sui: ibunt in adinventionibus suis.* De impijs illis Iudæis, qui sub Antiocho fecerunt sibi præputia, recesserunt à testamento sancto, & iuncti sunt nationibus, addit Scriptura: *Et venundati sunt ut facerent malum.* Tales sunt impij Christiani omnium temporum, sed maximè Politici & hæretici horum temporum.

Sed ad hos, sic in peccatis suis venundatos, vide quid dicat

Exemplum.

3. Reg. 21.

Allegoria.

Esai. 42.

Peccatores se-
iplos vendunt
diabolo.

Esai. 50.

In vita eius,
agud Surium.

Rom. 6.

Psal. 80:

Exemplum.

1. Math. 1.

dicat Deus, sub persona regis Pharaonis: *Hæc dicit Dominus* *Ezech. 29.*
Deus: Ecce ego ad te Pharaon rex Egypti, draco magne, qui cu-
bas in medio fluminum tuorum, & dicis, Meus est fluuius, & ego
feci memetipsum. Et ponam frenum in maxillis tuis, & agglu- *Peccatorum*
tinabo pisces fluminum tuorum squamis tuis, & extraham te de *obstinatorum*
medio fluminum tuorum, & projiciam te in desertum, & omnes *pœna.*
pisces fluminis tui: bestiis terræ, & volatilibus cœli dedit e ad deu-
orandum. Quilibet impius, superbus, avarus, carnalis, cu-
bans & quiescens in medio voluptatum suarum, gloria-
tur in illis, tanquam in summo bono suo, tanquam in de-
licijs & felicitate sua, quam sibi ipsi sua industria compa-
rasse, seu honores, seu diuitias, seu ventris sariandi media, &
corum quæ infra ventrem sunt, iactitat. Sed vide quid hu-
iusmodi dicat Deus: Ponam frenum in maxillis tuis: quia
ut equus coercetur freno, ita tu eris constrictus calamitate,
& in gyrum rationis ductus, ut miseriam tuam ac te ipsum
cognoscas. Agglutinabo pisces fluminum tuorum squamis tuis.
Quemadmodum enim extracto è fluuiio aliquo magno pisce, *Simile.*
extrahuntur simul cum eo alij minores ei adhærentes; sic
vnâ cum anima peccatrice, vxor, & liberi, & omnia quæ ha-
bet, ut nostrum hîc dicit Euangelium, id est, corpus ipsum,
opera eius, & quæcunque ad eum pertinent, extrahentur è
flumine, tollentur ex hac vita & cursu peccati, iuxta id quod
sequitur, & extraham te de medio fluminum tuorum, id est,
auferam te de medio voluptatum tuarum in quibus gloria-
ris, & projiciam te in desertum, & omnes pisces fluminis tui: te,
tuaque omnia in barathrum conijciam, unde non exhibis,
donec solueris nouissimum quadrantem. Bestiis terræ, & vola-
tilibus cœli dedit e ad deuorandum. Dæmonibus tradidi te tor-
quendum: qui & crudelitate bestias terræ, & superbia atque
elatione volucres cœli superant. Tremenda, sed vera & certa
est hæc Dei sententia contra impios.

Quo in loco iterum atque iterum considera, quotiescun- *Timenda Dei*
que letali peccato Deum offendisti, hanc totam sententiam *iudicia.*
à iusto iudice certissimè accepisti: quæ an postmodum per
bonam pœnitentiam commutata fuerit, certum habere non
potuisti. Hinc illa in Scripturis vox: *De propiciato peccato noli* *Ecclesi. 5. & 3.*
esse sine metu. Et iterum: *Qui diligit Dominum, id est, qui iam*
in statu gratiæ se esse confidit, exorabit Dominum pro peccatis *Posidonius in*
(etiam præteritis) & continebit se ab illis, in futurum. Sic *vita sancti*
diuus Augustinus, etiam laudatos Christianos atque sacer- *Augustini,*
doctes absque digna & competenti pœnitentia exire de corpore *cap. 11.*

non debere, dicere consueuerat: & ipse in postrema sua aggritudine, Psalmos Dauidicos, qui sunt de poenitentia, iussit sibi scribi, ipsosque quaterniones, iacens in lecto, contra parietem positos, diebus sue infirmitatis intuebatur & legebat, & iugiter ac uertim flebat. De Agathone inter Aegypti Patres celeberrimo, memoriae proditum est, in extremo uitae agone constitutum, magno timore cepisse constringi; & causam à discipulis rogatum respondisse: *Longè alia sunt filij iudicia hominum, & iudicia Dei. Est enim via qua uidetur homini recta, & nouissima eius ducunt in infernum.* Si sic iusti & sancti timent, quanta eorum temeritas, qui vel sceleratè, vel certè dissolutè, vel omnino tepidè ac negligenter uiuentes, nihil aut patum timent!

Granat. conc. 2.
in hanc Dem-
nicam.

Peccati pericu-
la & poenae ti-
menda.
Simile.

1. Ioan. 5.

Ephes. 5.

Galat. 5.

2. Cor. 11.

Esaia 9.

A periculo peccati in hac uita, quando à Deo quis desertus; & à poena peccati in altera uita, quando à Deo iudicatur, perpetuò timendum est. Sicuti uirgo illa, quæ inter lasciuos & impudicos adoloscens uita agens, à cuius latere quidam eius frater, quem illa tenerè diligeret, nunquam discedens, eam continuò ad turpia sollicitaret, maximo haud dubiè in discrimine uirginitatis amittendæ versaretur: sic omnino anima nostra, quam diu in hoc mundo, *qui totus in maligno positus est*, versatur, carnemque circumfert, quam non amare non potest: (*nemo enim carnem suam odio habet, sed fouet & diligit illam*) quæ cum ad malum assiduè sollicitat, *concupiscens aduersus spiritum: & repugnans legi mentis nostræ*, in maximo haud dubiè periculo versatur, ne à Christo excidat, *cui desponsata est, quasi uni viro*, florèmq; & gratiam uirginitatis subinde amittat; quo facto, utraque extremas & æternas poenas luat, simul venundatæ, donec reddant quod debent. De qua etiam iusta Dei sententia sic alius Propheta: *Succensa est quasi ignis impietas, uepre & spinas vorabit, & succendetur in densitate saltus, & conuoluetur in superbia fumi.* Vir siatri suo non parces; unusquisque carnem brachij sui vorabit, Manasses Ephraim, & Ephraim Manassen. Ad summum creuit impietas, factus est amplus fomes ignis æterni, multi uepres, multæ spinæ peccatorum creuerunt, & longo peccandi usu aruerunt ad ignem concipiendum idoneæ. Factus est quasi saltus, & silua densa flagitiorum. Totum in fumum abit. Corpus animam, anima corpus affliget, scelus sceleri poenas dabit. Corpus animæ appetitum & consensum, anima corporis ministerium acculabit, & accusando crudeliter vexabit. Superbia inuidiæ, inuidia superbiæ, utraque auaritiæ,

auaritiæ, & auaritia vtrisque perpetrata scelera imputabit. Sic vxor & filij, caro & opera, & omnia quæ habet miser peccator, in pœnam & tormentum venundantur. Hic est peccatoris status, quàm diu in peccato manet, vel in hac vita, quoad incrementum & seruitutem peccati; vel in altera vita, quoad æternitatem & grauitatem supplicij, & hanc Deus in suos debitores, magno iam ære grauatos, sententiam tulit.

3. *Procidens autem seruus ille, rogabat eum, dicens: Patientiam habe in me, & omnia reddam tibi.*

Locus moralis de perfecta peccatoris cum Deo reconciliatio. Peccator sententia Dei territus, tempus poenitendi, vitamque & mores in melius commutandi, suppliciter petit, procidens ad pedes Domini sui; simulque pollicetur, quòd omnia reddet Deo, hoc est, se totum, suæque omnia, soli Deo consecrabit, nullius prorsus peccati remanente affectu, omni inordinato rerum omnium amore penitus reiecto. Sic enim omnia nostra debita (quantum ex nobis est) Deo persoluantur, quando tota & integra est nostra ad Deum conuersio, tota & plena mandatorum eius obedientia, dilectio Dei ex toto corde, & vniuersorum diaboli armorum direptio, plenumque peccati exterminium. De quibus omnibus in alijs iâ Dominicis, quæ proferre potuimus, prolata sunt. Primum ad illa ^a verba: *Quodcumque dixerit vobis, facite.* Deinde ad illa ^b verba: *Dominum Deum tuum adorabis, & illi soli seruias.* Postea ad illa ^c verba: *Ipsam audite.* Sed plenius ad illa ^d verba: *Si fortior eo superueniens vicerit eum, vniuersa arma eius auferet, in quibus confidebat.* Et adhuc vberius ad illa ^e verba: *Nemo potest duobus dominis seruire, aut enim vnum odio habebit, &c.* Denique in omnibus illis locis vbi de dilectione Dei super omnia ter quateruegimus, quæ in Dominica 17. post Pentecosten, textu secundo, annotata inuenies. Inde licet depromere, quæ in hunc locum dicantur.

Reconciliatio peccatoris perfecta cum Deo.

^a Domin. 2. post Epiph. text. 4.

^b Dom. 1. Quadrag. text. 10.

^c Dom. 2. Quadrag. text. 5.

^d Dom. 3. Quadrag. text. 5.

^e Dom. 14. post Pent. text. 1. & 2.

4. *Misertus autem dominus serui illius, dimisit eum, & debitum dimisit ei.*

Locus moralis de misericordia Dei petentibus eum promississima. Hæc singularis Dei misericordia est, acerbissima comminari; sed facta hominis conuersione, celer-

Misericordia Dei.

rimè ad misericordiam fleſti: in quo non conſilium mutat
 Deus minatur, ſed ſententiam; imò conſiliū ſuum & voluntatem adimplet.
 ne percutiat. Idcirco enim comminatur, vt non percutiat. Pulchrè Chry-
 ſoſtomus: *Quare, quæ factururus es mala, prædici? Vt non faciā
 quæ prædico. Propterea & gehennam minatus eſt, ne gehennam
 induceret. Sic per Ionam Prophetam clamari fecit: Adhuc
 quadraginta dies, & Ninive ſubuerſa erit. Sed vbi Rex cum po-
 pulo ad pœnitentiam agendam ſe conuertit; videns Deus ope-
 ra ipſorum (non fidem tantum, vt volunt hæretici; nec vo-
 luntatem tantum, & quale quale ſeſe emendandi propoſitū,
 vt tepidi Catholici) quia cōuerſi ſunt de via ſua mala; & ipſe
 miſertus eſt ſuper malitia quam loquutus eſt vt faceret. Nempe
 vt in hunc locum ſcripſit D. Hieronymus, Deus neminem pu-
 niri deſiderans, quod factururus eſt comminatur. Denique hanc
 ſibi familiarem eſſe miſericordiam, Deus his verbis apertè
 docet: Repentè loquar aduerſus gentem, & aduerſus regnum,
 vt eradicem, & deſtruam, & diſperdam illud. Si pœnitentiam
 egerit gens illa à malo ſuo quod locutus ſum aduerſus eam, agā
 & ego pœnitentiam ſuper malo quod cogitavi vt facerem ei: &
 ſubito loquar de gente, & de regno, vt ædificem & plantem il-
 lud. Docet, nihil eſſe Dei miſericordia celerius, nihil prom-
 ptius, vbi primum nos ad eum conuertimur. Quare ſic per
 Prophetas ſuos clamat: Conuertimini ad me, & ego conuertar
 ad vos. Imò, vt eleganter ſcripſit Auguſtinus, Fugientis dor-
 ſa perſequitur, qui faciem redeuntis illuminat. Sic enim cla-
 mat poſt nos; Quare moriemini domus Iſraël? Non vult enim
 mortem peccatoris, ſed magis vt cōuertatur ac viuat. De quo
 vide quæ diximus ad illa verba: Vadit ad ouem quæ perie-
 rat, donec inueniat illam, &c. Sed qui ſic aberrātes oues
 quærit, quomodo ad ſe reuertentes aliquando repellet? Adeò
 non repellit, vt etiam humili corde ſupplicantibus amplius
 concedat quàm poſtulent. quod & hic ingenti huic debitori
 fecit. Petenti enim patientiam, & dilationis terminum, vt
 omnia redderet, conſeſtim ſic miſereretur, vt non ſolū libe-
 rum dimiſerit. ſed etiam omne debitum ei dimiſerit, omnīq;
 reddendi obligatione ac neceſſitate ad veniam conſequen-
 dam, liberauerit. Perſpexiſti (ait Chryſoſtomus) mirabilem
 exaggerationem miſericordia. Dilationem tantummodo tempo-
 ris, ac quædam prorogationem ſeruus poſtulauit: ille autem
 multo magis quàm petijt, videlicet totius mutui donationem,
 vltro præbuit. Non abſque egregia ſignificatione dixit Apo-
 ſtolus: Deus autem, qui diues eſt in miſericordia. Eſt enim haud
 dubiè*

Deus minatur,
 ne percutiat.
 Homil. 1. de pœ-
 nitent.

Ion. 3.

Id Comment. in
 hunc locum.

Jerem. 18.

Zachar. 7.

Sermo. 54. de
 verb. Dom.
 Ezech. 18.

Domin. 3. poſt
 Pentecoſt. text. 4.

Homil. 62. in
 Matth.

Ephes. 3.

dubiè diues in sapientia, in potentia in omni virtute. Sed cur in sola misericordia diuitem eum Paulus dicat, in promptu ratio est: quia, vt alia Scriptura dicit, *Miserationes eius super omnia opera eius*: vel quia *misericordia miseri sapit dulcius* (vt ait D. Bernardus) vel, quia in ea eius bonitas magis elucet, cuius fons infinitus, & abyssus perennis Deus est. Sed hæc eius misericordia, non nisi petentibus patet. *Omne debitum dimisi tibi, quia rogasti me*. Si flumen abundantissimum per omnes alicuius vrbis vicos præterlaberetur, ex quo omnes sitim suã explere possent, adeoque super ianuam cuiusque fluere, nemò tamen ex eo biberet, nisi qui iade sitiens hauriret. Haurire de fonte misericordiæ diuinæ, est illam ardentè sitire, humiliter expetere, & expetendo accipere; iuxta illud: *Si quis sitit, veniat ad me. & iterum: Aperi os tuum, & ego implebo illud*. ac rursum: *Petite & accipietis*. De qua re tota & de diuinæ misericordiæ inexhausta bonitate, incredibili promptitudine, immensa liberalitate, qui (vt canit Ecclesia) *abundantia pietatis sue, & merita supplicum excedit & vota*; iam in aliis multis * Dominicis frequenter diximus.

5. *Egressus autem seruus ille, inuenit vnum de conseruis suis, qui debebat ei centum denarios; & tenens, suffocabat eum, dicens: Redde quod debes. Et proci- dens conseruus eius, &c.*

LO C V S moralis contra inhumanitatem, duriciem cordis, & rigorem erga proximos. Singulæ ferè huius inhumanitatis circumstantiæ, hominis impietatem (quæ tamen vulgaris hodie est) vehementer aggrauant. *Egressus seruus ille*; vix dum ab Ecclesia, ab oratione, à peccatorum accepta remissione, egressus fuerat, quin statim recentissimi & maximi beneficij prorsus oblitus fuerit. Si quis in palatio regio perpetrati homicidij venia accepta, vix fores palatij egressus, aliquem, qui eum verbo læserat, offendens, fuste statim percute ret, nonne omnium iudicio dignus censeretur, quem reuocat um Rex ad prioris maleficij pœnam deposceret? *Inuenit vnũ de conseruis suis*. Si Dominus seruo pepercit, multo æquius est, vt seruus conseruo ignoscat. *Homo homini reseruat iram, & à Deo quarit medelam*? Et rursum: *Miseratio hominis circa proximum suum: misericordia autem Dei super omnem carnem*. *Qui debebat ei centum denarios*. Regula pietatis est: *Cui plus donatum est, plus diligit*. Sed iste cui plurima donata sunt, nihil diligit. Pugnat & litigat pro denariis,

Psal. 144.

Simile.

Ioan. 17.

Psal. 90.

Matth. 7.

* Domin. 13. post

Pentec. text. 3.

Domin. 13. post

Pentec. text. 3.

Domin. 4. post

Epiphani. text. 4.

Domin. 4. Qua-

drag. text. 2.

Inhumanitas

erga proxi-

mos.

Circumstantia,

1.

Simile.

2.
Eccles. 31. & 18.

3.

Luca 7.

4.

cui donata sunt talenta. Contendit de centum, cui dimissa sunt decem millia. Sic litigamus cum proximo pro terrenis, pro iuribus, pro fructibus; qui quotidie petimus à Deo cœlestia, peccatorum veniam, gratiarum copiam. *Et tenens suffocabat eum dicens: Redde quod debes.* Superbè, violenter, crudeliter suum exigit modicum, cui placidè, promptè, misericorditer Deus totum remisit. Deus homini pater est: Homo homini lupus est. Sic ipsa humanitas, qua homines sumus, exiuratur. *Cum enim natura hominis (ut scribit Lactantius) imbecillior sit quam ceterorum animalium, qua ad perseverandam vim temporum, vel ad incursiones à suis corporibus coercendas, naturalibus munimentis providentia naturalis armavit; homini autem quia nihil istorum datum est accepit pro istis omnibus miserationis affectum, qui planè vocatur humanitas, qua nosmet invicem tueremur. Et procidens conseruus eius rogabat eum, dicens: Patientiam habe in me, & omnia reddam tibi. Ille autem noluit. Roganti & petenti conseruo, nec aliam ab eo gratiam postulanti, quam qualem à Deo ipse petierat: nec alio modo supplicanti negat.* Hæc est semper & in omnibus lethale peccatum, & contra charitatem proximi directe repugnans. Quod his verbis explicat sanctus Augustinus: *Quoniam diligere inimicos nostros, benefacere eis qui nos oderunt, & orare pro eis qui nos persequuntur* (exteriora, inquam, ista charitatis officia inimicis præstare) *perfectorum sunt filiorum Dei; quò quidem se debet omnis fidelis extendere, & humanum animum ad hunc affectum, orando Deum, secumque agendo, lucubrandoque perducere; tamen quia hoc tam magnum bonum, tantæ multitudinis non est, quantam credimus exaudiri, cum in oratione Dominica dicitur, Dimitte nobis debita nostra, sicut & nos dimittimus debitoribus nostris; proculdubio verba sponsonis huius implentur, si homo, qui nondum ita profecit ut iam diligat inimicum, tamen quâdo rogatur ab homine qui peccavit in eum, ut ei dimittat, dimittit ex corde; quia etiam sibi roganti, vult utique dimitti.* Hæc ille. Docet non consilij, sed præcepti; non perfectorum tantum, sed quorumlibet fidelium; nō paucorum, sed omnium esse, ut roganti ac petenti inimico aut debitori dimittatur. Hoc qui non facit, peccat mortaliter; à Deo veniam non impetrat, sed & impetratam Deus reuocat. Præcipit nobis Deus illam omnium iniuriarum oblivionem & *ἀναστροφὴν* salutis nostræ causâ, quam apud Athenienses delevis triginta tyrannis Solon introduxit, & post C. Cæsaris mortem Cicero in vrbe Roma se renouasse gloriatur

Lib. 1. cap. 30.

In Enchirid.
cap. 73.

Lact. lib. 1.

Philip. 1.

riatur, Reipubl. & pacisterrenæ causa. Hoc enim demum modo fit, vt cor nostrum nos non reprehendat, quod his verbis explicat Augustinus: *Cùm dicit Ioannes, Si cor nostrum nos non reprehenderit, fiduciam habemus apud Deum;* *In lib. de perfect. iustitia.*
 & quacunque petierimus, ab eo accipiemus: admonuisse nos videtur, ne cor nostrum in ipsa nos oratione & petitione reprehendat; hoc est, ne forte, quum cœperimus dicere, Dimitte nobis debita nostra, sicut & nos dimittimus, compungamur non facere quod dicimus; aut etiam non audeamus dicere quod non facimus, & fiduciam petendi amittamus. Hæc ille. Sed de hac re in alio loco mox plura. Sequitur de isto seruo nequam: *Sed abijs, & misit eum in carcerem, donec solueret debitum.* 6.
 Hæc alia fuit & grauissima inhumanitatis circumstātia. Non solum non vult dimittere rogatus ei qui quod solueret non habebat, nec tempus ei ac spatium soluendi concedere; quod charitas negare non potest, vtunque humana iustitia, quæ nihil nisi Reipub. & suum cuiusque bonum respicit, aliter iudicet; verum etiam vim adhibet, & pro pecunia hominem libertate priuat, quæ nulla pecunia redimi potest homini libero. Hic enim non solum fratrem non diligit, sed etiam persequitur, & de eo qualem & quantam potest vindictam sumit. neque enim grauiorem leges humanæ ferunt. Atqui contra huiusmodi vide Scriptura quid dicat: *Qui vindicari vult, à Domino inueniet vindictam, & peccata illius seruans seruabit.* *Eccles. 38.*
 Fuit ergo huius inhumanitas ex multis circumstantiis vehementer aggrauata. Homini benè Christiano iniurias persequi, aut vim vi repellere quatenus liceat, iam in aliis Dominicis dictum est. *Domin. 1. post pentec. c. 4.*

Debita pecuniaria (de quibus hæc parabola loquitur in forma, in sensu tamè & mysterio omnium debitorum) quatenus pietas Christiana vel dimittere debet, vel reposcere possit. his verbis S. Augustinus docet: *Qui sponte conuentus pecuniam debitam reddere noluerit, dimittenda illi est.* *Pecuniaria debita quatenus repetenda.*
De serm. Dom. in monte. lib. 2. cap. 13.
 Duas enim ob res nollet reddere; vel quia non habet, vel quia auarus est, rei que alienæ cupidus. Vtrumque autem pertinet ad inopiam. Nam illa inopia est rei familiaris, hæc animi. Quisquis itaque tali dimittit inopi debitum, inopi dimittit, opusque Christianum operatur, manente illa regula, vt in animo paratus sit amittere quod sibi debetur. Nam si modeste & leniter omnimodo egerit, vt sibi restituatur, non tam intendens fructum pecuniæ, quàm vt hominem corrigit, cui sine dubio perniciosum est habere unde reddat; & non reddere, non solum non peccabit, sed proderit ei

etiam plurimum. Ex quo intelligitur etiam in ista petitione qua dicimus, *Dimitte nobis debita nostra*, non de pecunia quidem dici, (sola scilicet) sed de omnibus qua in nos quisque peccat, ac per hoc etiā de pecunia. Peccat namque in te, qui sibi pecuniam debitam, cum habeat unde reddat, recusat reddere. Quod peccatum si non dimiseris, non poteris dicere; *Dimitte nobis, sicut & nos dimittimus debitoribus nostris*. Hæc ille. Ratio verò huius certa & clara est, quia nos quando peccamus, non reddimus illud obsequium Deo quod ei debemus, habentes tamen unde reddamus. Habemus enim voluntatem liberam Deum amandi, & ad Deum nos conuertendi, & obsequium ei debitum reddendi, cum eius gratia, quæ semper omnibus parata est, illo ipso nos invitante, *Venite ad me omnes*; illo ipso pulsante fores cordis nostri; illo ipso praueniēte nos in misericordia & benedictione. Si ergo proximo etiam habenti unde reddat, nec reddenti tamen (quanto magis nondum habenti vt reddat, tempusque postulanti quo reddat, ac reddere cupienti) ex animo non dimittimus: nec Deus nobis nostra peccata dimittet. de quo mox plura in postremo huius Euāgelij loco, magis proprio.

6. *Videntes autem cōserui eius quæ fiebant, contristati sunt valde, & narrauerunt domino suo quæ facta sunt.*

Zelus iustorū
contra impios.

L O C V S moralis de iusto iustorum zelo contra impios, & vel diuinæ gloriæ prophanatores, vel charitatis fraternæ violatores, vt avaros, raptores, vsurarios, tyrannos, latrones, siccarios, aliōsque vel pauperum oppressores, vel publicæ pacis perturbatores. Quem locum iam in aliis Euangelij tractatum vide. Primum ad illa a verba, *Servi autem dixerunt ei, Vis imus & colligimus zizania?* Deinde in illa b verba: *Videns ciuitatem fleuit super illam*, vbi de alienis peccatis deffendis dictum est. Contristari enim de aliena nequitia, & narrare Deo quæ facta sunt, est aliena peccata coram Deo non tam accusare, quod diaboli est; quàm plangere & lamentari, quod piorum est: Quæ huc etiam pertinent, quæ de zelo animarum in aliquot Euāgelis dicta sunt, vt in Dominica 11. post Pentecosten, text. 1. & in aliis Dominicis eo in loco annotatis. Vide etiam Dominicam 18. post Pentecosten, textu 1. quæ omnia loca contra nostri temporis Politicos valent, qui publica peccata, Deique offensas tolerandas ac dissimulandas esse, propter pacem cōmunem,

aut

Dei gratia om-
nibus parata.

Matth. 11.

Matth. 11.

Psalm. 10.

a Domin. 5. post
Epiphani. text. 6.

b Domin. 9. post
Pentec. text. 1.

aut vtilitatem propriam, non verbo, sed facto docent.

7. *Et iratus Dominus eius: tradidit eum tortoribus, quoadusque redderet vniuersum debitum.*

Locus moralis contra reciduiantiū & erga proximos in-
 clemētiū ingratitudinē. Hīc enim in parabola domini Reciduiantiū
ingrati-
tudo.
 ciuilis, Deus, qui seruo nequam omne debitum dimiserat ro-
 ganti vniuersum iterum debitum repetit, & tortoribus tra-
 dit, donec vniuersum debitū reddat, eo quod accepta totius
 debiti condonatione, accepta omnium peccatorum suorum
 remissione, statim in nouū peccatū recidit, statim cum proxi-
 mo durē egit, & charitatē mutuā nō seruauit, nec pactum lē-
 gis Dominicæ custodiuit, quod pactum quotidie profiteamur,
 dicentes: *Sicut & nos dimittimus debitoribus nostris.* De qua lē-
 ge Apostolus dixit: *Alter alterius onera portate, & sic adimple-* Matth. 6.
Gal. 6.
Ioan. 13.
bitis legem Christi, quæ est lex charitatis, & mandatum nouum,
ut diligamus inuicem, ut cunq̃ue improbos & maleferiatos, si-
cut ipse dilexit nos, impios adhuc & inimicos Dei. Vniuersum,
 inquā, debitum repetit, non peccata semel dimissa ad pœnam
 reposcens (quanquam odium fraternum ita Deo displicere Peccata dimis-
 hæc parabola doceat, ut propter id dignus sit peccator, à quo sa quo sensu
reperantur.
 omnia dimissa repetantur) sed propter odium fraternū in re-
 ciduiante resumptum aut retentum, ea pœna animaduertēs,
 aut etiam grauiori, quā dimissa prius peccata commerue-
 rāt: id est, perinde puniatur, ac si peccata præterita dimissa nō
 fuissent; id quē propter ingratitudinem accepti beneficii, ac-
 ceptæ prius remissionis peccatorum. Hæc enim ingratitudo
 est circumstantia vehementer aggrauans peccatum recidi-
 uantis.

Quemadmodum enim si quis post acceptum ab aliquo Simile.
 patrono beneficium, iniuriam mox illi inferat, certum est
 cæteris paribus huiusmodi iniuriam grauiorem esse, quā si
 beneficium ab eo nullum accepisset; ita quanto peccator plu-
 ra aut maiora à Deo beneficia recepit, tanto grauius peccat
 Deum benefactorem offendendo. Quod ut in omnibus re-
 petitis peccatis est verum, ita maximē in odio & inclementia
 fraterna verum esse, Christus hac parabola docere voluit.
 Dicitur ergo Deus à tali reciduiante, & post dimissa sua pec-
 cata multa & magna, in paruo fratris peccato crudeliter se
 agente, omnia prius cōdonata repetere: quia in hanc ingra-
 titudinē dum animaduertit, ad beneficium remissionis prius
 illi

Ingratitudo

quâtum nefas. ingratitude erga Deum benefactorem scelus.

Similia.

Ab aliis semper accipere, & nihil alijs reddere, est totius orbis compagem soluere. Semina conduntur humo, decedit imber, calorem sol immittit, vt illa potinodum plantas, segetem & fructus proferat. Mare vapores exhalat vbertim, vt eos in nubē concretos recipiat, alaturque incessanter. In fornicibus architecturæ vtrunque conuexum mutuam operam præstat, quam si alterum neget, & sustentari vult, non sustentat, totum ruit ædificium. Naturæ igitur bellum ingratus indicit, ac leges violat. Vult enim quasi solus in orbe consistere, ab omnibus vtilitatem capere, nulli vtilis esse: Deum in se affluenter propitium sentire, ipse erga proximum nullam humanitatem exercere. Ingrati, impio Pharaoni similes sunt;

Exemplum.

Homil. 5. in 2.
ad Timot.

qui cum, vrgentibus censuræ diuinæ plagis, pœnitentiâ polliceretur, vbi requies data esset, rursus ad ingenium immitte & crudele redibat. Si quis seruum nactus (ait Chrysostomus) qui in multis offenderit, nec tamen flagris ceciderit, sed iterum peccatis indultis, futura vitare monuerit in posterum, ne in eadem decidat, magnis quoque muneribus præterea illustrauerit, ac beneficiis fouerit, quamam obsecro tam futura est perfida mens, tam ingrata anima, quæ huiusmodi gratia non ad meliora sectanda prouocari sufficeret? Sed huius tam absurdi sceleris causa est, quod Dei beneficia in numero non habemus: quæ si semper ante oculos versarentur, omnem animo torporem & inhumanitatem prorsus excuterent. Quo in genere saluberrimum dat S. Chrysostomus consilium. Quisque nostrum, si fieri potest, per singulos dies intra se computet, non tantum communia beneficia, verum & propriè sibi collata; non tantum promulgata & omnibus manifesta, sed etiam peculiaria, multosq; latentia. Sic enim continuam gratiarum actionem Domino poterit exhibere. Qui iugiter hæc in sua mente reuoluit; & propriam quidem discit vilitatem, & ineffabilem Dei misericordiam cogitat; & quomodo non peccatorum nostrorum merita, sed propriam respiciens bonitatem, nostra disponit; hinc cogitatione contrahitur, conteritur corde, omnem fastum & arrogantiam corripit, modeste se gerere docet erga proximos, præsentis vitæ gloriam despiciere, futura bona sperare. Hæc ille. Nec multum dissimiliter diuus Bernardus: Felix qui ad singula dona gratiæ redit ad eum, in quo est plenitudo gratiarum: cui dum pro acceptis non ingratos nos exhibemus, locum in nobis facimus gratiæ. Omnino enim nos sola à

Homil. 73 ad
pop. Ant.In Psal. 90.
Serm. 14.

profecit

profectu cōversationis impedit ingratitude nostra, dum quodammodo perditum reputans, qui dedit quod ingratus accepit, cauet sibi de cætero, ne tanto plus amittat, quanto plus confert ingrato.

Hinc veteri populo Prophetam sic exprobat ingritudinem Deus; *Popule meus, memento, quæso, quid cogitauerit Balac rex Moab, & quid responderit Balaam filius Beor de Sethim usque Galgalim, ut cognosceres iustitiam Domini.* Dicit per Prophetam Deus: Tu nunquam obliuisci debueras, te sic à Deo dilectum esse, ut inimicorum tuo: un maledictionem tibi nocere non solum non permisit, verum & eam in benedictionem commutauerit, idque, *ut cognosceres iustitiam Domini.* Aduersarij isti contra te ex parte relaxati sunt, ut agnosceres periculum: ab altera parte nocere prohibiti sunt, ut intelligeres vnum tibi esse præsidium. Tatis ergo beneficiis acceptis, hoc vnum restat, ut protectori tuo incessanter gratias agas: non verbo, sed opere misericordiæ erga conseruos tuos. Non enim gratiarum dictionem, sed actionem flagitat Deus. Vide de hoc argumento plura in alijs suprà Dominicis.

Mich. 6.

Dom. 13. post Trinitatis. 5. & alijs ibi annotatis.

8. *Sic & Pater meus celestis faciet vobis, si non remisistis vnusquisque fratri suo de cordibus vestris.*

Locus moralis de fraterna charitate sincera & cordiali perpetuò tenenda, & de condonandis iniurijs, *non septies tantum, sed usque septuagesies septies*, id est, toties quoties te frater lædit, idque ex animo. Huc enim tota hæc tendit parabola, esse fratribus condonandū, si volumus ut nobis Deus cōdonet. Hunc locum de condonandis iniurijs, & de reconciliatione fraterna non differenda, in alijs tribus locis latè tractauimus. De dilectione verò proximi, & misericordiæ officiis, multo sæpius in varijs Dominicis tractatum est. Hic nihilominus loco proprio aliqua addentur, prout Deus dabit. Et si omnibus hominibus debeatur dilectio, quia proximus noster omnis homo est, nostra charitate indigens, ut alio in loco explicatum est; tamen Christianis Catholicis, & eiusdem fidei socijs ac domesticis maximè illa debetur.

Charitas fraterna cordialis.

Dom. 1. post Pentec. 3. & Dom. 5. post Petri. 2. & 4.

Dom. 12. post Pentec. 6.

Illi enim sunt fratres nostri vterini, tam ex parte patris, scilicet Dei, ratione creationis; quàm ex parte matris, sanctæ Ecclesiæ, quæ nos per Spiritum sanctum in sacro Baptismate regenerauit. Sic Ioseph magis dilexit fratrem suum vterinum Benjamin, quàm reliquos decem fratres, cum quibus solum patrem

Christiani Catholici, fratres vterini.

Gen. 43.

patrem communem habebat: ideoque in conuiuio, quo omnes pariter accumbebant, *maior pars venit Benjamin, ita ut quinque partibus excederet*. Hinc fit, ut non reconciliari fratri Christiano, aut odium in eum gerere, sit etiam quintuplo grauius, quam alteri non Christiano irasci, & non remittere. Nos Christiani *templa Dei* sumus, aut certè esse debemus, per *inhabitatem in nobis Spiritum sanctum*. Atqui templum Dei, ut illud describit Ezechiel, capacissimū & amplissimum fuit.

1. Cor. 3.

Rom. 8.

Ezech. 40.

Et ecce, inquit, murus forinsecus in circuitu domus undique, & in manu viri calamus mensura sex cubitorum & palmo, &c. Sic debent corda Christianorum ampla esse & dilatata amore ac dilectione, quæ usque ad inimicos se extendat, & iniuriis cōdonet, quantumcunque magnis, quantumcunque frequentibus. Quemadmodum in cælo, etsi multæ sint stellæ & lucenia sydera, tamen qui omnes è cælo tenebras expellat, vnicus est sol; quo vno absente, cælum micantibus stellis refertum adhuc tenebrosus est: sic etsi in orbe terrarum plurimi fuerint Philosophi ac sapientes, qui de virtute amplectenda, & fugiendis vitiis multa præclare docuerint, vnus tamen omnis iustitiæ sol lucidissimus Christus fuit, qui vniuersas mundo tenebras depulit, qui omnia penitus vitia extirpauit, qui perfectā dilectionē Dei & proximi docēs, nullum tenebris, nullum vitiis locum reliquit. Omnis Philosophorum doctrina tenebrosa est, tum quia sine fide, tum etiā quia perfectam inimicorum dilectionem non tradidit. Certè quum Ezechiel scribat, templum illud quod in visione ei monstratum est, eandem mensuram in altitudine atque in latitudine habuisse; docuit, tantam futuram esse iustorum altitudinem & gloriam in cælo, quanta fuerat illorum latitudo & charitas dilatata in terris.

Simile.

Ezech. 40.

Allegoria.

Christiani populi propria dilectio.

Zachar. 12.

Hanc futuram Christiani populi propriam dilectionem alius Propheta non obscure docuit, dicens: *In die illa proteget Dominus habitatores Ierusalem, (id est, Ecclesiæ Catholicæ). & erit qui offenderit ex eis in die illa quasi David, & sicut Angelus Domini in conspectu eius*. Sic videlicet ad Deum conuertentur, qui Christo nomen dederunt, ut sint singuli inimicos diligentes, & iniuriarum immemores; sicut David erat, qui hostem suum infensissimum Saul, quum bis interficere posset, ne tangere quidem voluit: qui eo demum ab aliis hostibus occiso, familiam tamen eius & posteros dilexit, dicens: *Nunquid superest aliquis de domo Saul, ut faciam cum illa misericordiam Dei?* Misericordiam Dei vocat, benefacere

illis

1. Reg. 24. & 26.

2. Reg. 9.

illis qui nos oderunt : vel quia tali misericordia Deus erga peccatores vitur, vel quia talem misericordiā Deus iubet atque præscribit. Sed & idem rursus Propheta de hac futura Christianorum perfectione in hæc verba prædixit : *In die illa* (id est, in lege gratiæ) *erunt lebetes in domo Domini* (hoc est, in Ecclesia sancta) *quasi phialæ coram altari*. id est, corda naturaliter carnalia & cupiditatum vasa, in quibus igne concupiscentiæ atque iracundiæ multa parabantur scelera, & maximè iniuriarum acerba vindictio, ita conuertentur, vt non nisi purissimus charitatis & beneuolentiæ liquor, ac misericordiæ oleum illa repleat, sintque veluti lampades olei semper ardentis atque lucentis in conspectu Dei. Hoc est etiam quod Esaiās prædixit de noui Testamenti populo. *Habitabit* (inquit) *lupus cum agno, pardus cum hædo accubabit*. Vitulus, *Esaia 11.*
 & leo, & ouis simul morabuntur, & puer paruulus minabit eos. *Mutabunt* homines feritatem & immanitatem in temperantiam & mansuetudinem. *Vitulus & ursus pascentur : simul requiescent catuli eorum, & leo quasi bos comedet paleas*. Homines immanitate sæuientes, mores mansuetorum induent. *Et delectabitur infans ab ubere super foramine aspidis, & in ca-uerna reguli, qui ablaçtatus fuerit, manum suam mittet*. Homines simplices, similes infantibus, iuxta illud Petri, *Sicut modò geniti infantes lac concupiscite*, familiariter & pacificè viuent cum eis, qui antea quasi aspides & reguli, animalia venenata, propter conuersationem crudelem esse videbantur. *Non nocebunt, & non occident in vniuerso monte sancto meo, quia repleta est terra sciētia Domini*. Simplici demum sermone aperire Propheta effert, quod hætenus per parabolas significauit, more Scripturarum, quæ obscuris aperta subiiciunt, ne totum obscurum fiat. Hæc est singularis, sed ad remissionem peccatorum consequendam necessaria virtus, perfectioni Euangelicæ propria, omnes etiam inimicos ex corde diligere.

Quæ sanè virtus propriè Euangelica (nam si amicos diligimus, nihil amplius facimus quàm quod ethnici, vt Christus nos docuit) tanto excellentior est amicorum aut bonorum dilectione, quanto in hac amicorum dilectione multæ aliæ possunt esse rationes, cur diligamus, præter ipsam Dei dilectionem, in quo & propter quem piè diligimus quicquid diligimus: in illa autem inimicorum dilectione, vnica ratio esse potest, Dei amor. Non enim nisi propter Deum inimicos diligere possumus, qui nihil alioqui in se habent dilectione dignum.

Inimicorum dilectio pura & excellens virtus.

Matth. 7.

Simile.

gnum. Ideoque inimicorum dilectio pura & perfecta virtus est. Quemadmodum enim solis radius, qui vitrum penetrat, parietem oppositum pertingit, nec tanto fulgore cum illuminat, nec tanto calore eum afficit, quam ille radius, qui aperta fenestra directè, & nulla re interposita, parietem percutit; eo quod in ipso vitro radij solaris virtus retardatur, hebetatur, & debilitatur nonnihil: eodem planè modo amor qui à voluntate charitate inflammata oritur, quando in amicum fertur, quia multas ibi amandi rationes inuenit, sistit in eo aliquantulum, antequam ad Deum, qui est vltimus finis, referatur, atque adeo frequenter totaliter in eo sistit, nec ulterius pergit; sed vtrunque ad Deum quoque feratur, & propter Deum amicus diligatur, tamen multum ille amor & lentius procedit, & impurior fertur, & tardius ac debilius in Deum tendit; at verò inimici dilectio ex eadem charitate, quasi alius radius ex eodem sole, ortum capiens, quasi per apertum diaphanum rectissimè ad Deum perfertur, quia propter solum Deum, eiusque sanctam voluntatem, quæ sic iubet, inimicum diligit: ideoque purior & feruentior, Deoque gratior illa dilectio est. Cum plurimi cantores simul suauiter canunt, etsi inter eos vnus sit, qui vocis dulcedine & arte cæteros omnes longè superet, non tamen perinde plenè ac placidè illa fruere, aliorum vocibus commixta, quam si eam solam, cæteris tacentibus, audires; quod in illo duorum tantum aut trium canentium ratione, quem vocant manifestum fit: sic puritas & perfectio amoris Dei in dilectione amici nec purè nec plenè aduertiri potest, eo quod aliæ multæ considerationes, propter quas amicus diligitur, hanc cognitionem & virtutis sensum impediunt atque conturbant; at in dilectione inimici, quia solus ibi Dei amor conspicitur, clarior ille & purior atque illustrior multo apparet. Magnes, qui libram ferri ad se attrahit, perfectior est lapis, quam qui festucam solam aut acum attrahere potest, vt ebenus: sic amor ille qui inimicum tolerat ac diligit; quum sit onus graue & asperum, atque aculeis plenum, homo inimicus; perfectior amor est, quam ille quo amicum diligimus, qui omnino grauis nobis non est, sed multis nominibus iucundus. Hinc alia emergit huius dilectionis perfectio, quia difficilius virtus est, & magis in ea voluntas contendere ac laborare debet. *Vnusquisque autem propriam mercedem accipiet, secundum laborem suum.* Et sicut maioris meriti est credere mysteria illa, in quibus rationis lumen minus suffraga

2. Cor. 3.
Simile.

suffragatur, magisque contradicit, vt trium personarum in vna substantia vnam Deitatem, & Filij Dei cum carne humana vnionem hypostaticam, quàm alia fidei nostræ capira rationi consentanea; quia maior in illis difficultas inuenitur: ita maius meritum est diligere illud, quod amori nostro magis est contrarium. Nihil autem magis amori contradicit, quàm odium. Deformitas, paupertas, ignobilitas, etsi non sint ex se amore digna, amari tamen facillè possunt, quia amori non sunt contraria, non offendunt, non lædunt. Solum odium, quo te inimicus prosequitur, ipsi amori intrinsecè contrarium est. Inimicum ergo quum diligis, heroicam virtutem exerces; & tamen necessariam, si vis vt te inimicum & peccatorem Deus diligat, condonans tibi. Curandum porro in primis, vt ab inimico læsus, citò ignoscas, nec dicas, data randem oportunitate reconciliaturum te inimico. Vulnere recentia faciliùs curantur quàm inueterata. Qui vlcere laborat, non expectabit donec fiat fistula. Odium in corde si foueas, non inimicum, sed te ipsum lædis, atq; adeò perimis. Dixit Sapiens: *Os fatuorum ebullit stultitiam.* Sicut enim olla feruens, aquam ebullientem ex se emittens, & circumiecta comburit, & ignem extinguit, & omnem pinguedinem à se expellit; tandèmq; nisi refrigeretur, tota aqua eiecta, ipsa dirumpitur: sic cor, ira & odio feruens, proximos suos verbis contumeliosis irritat, lumen rationis extinguit, omnem diuinæ gratiæ pinguedinem abijcit; tandèmq; nisi seipsum tempestiuè temperet. Deo què ac proximo suo reconcilietur, omni virtute vacuum, sua se malevolentia perdit, & quasi olla confracta dissoluitur. Vnde iterum Scriptura: *Cor fatui, Eccli. 31. quasi vas confractum.*

*Prou. 15.
Simile.*

Hæc est enim diaboli fraus & astutia, vt dum tu de inimico te vlisci contendis, qui tibi, nisi velis, nocere non potest, ille de te seipsum vliscatur, tuum interitum procurans. Sapienter sanctus Augustinus *Quid est timendum quando pateris inimicum? Ne conturbetur in te dilectio, qua diligis inimicum.* Etenim inimicus ille homo caro & sanguis quod videt in te, appetit: alius autem inimicus occultus, rector harum tenebrarum, quas tu pateris in carne & sanguine, alterum occultum tuum petit, thesauros tuos interiores deprauari & vastare molitur. Duos ergo inimicos constitue tibi ante oculos, vnum apertum, & alterum occultum, hominem & diabolum. Vnum vide, alterum intellige. Vnum dilige, alterum caue. Homo hominem vincis humana aliqua felicitate. Diabolum autem vincis inimici

Diabolus inimicitiae causa, inimicus ipse. Enarrat. in Psal. 34.

dilectione. Sicut homo inimicus auferre tibi cupit aut auertere felicitatem qua vincitur: sic & diabolus hominem vult vincere, auferendo unde vincitur. Sed cura in corde seruare inimici dilectionem, qua diabolum vincis. Sapiat homo quantum potest, auferat quicquid potest. Si diligitur aperte sapiens, victus est occultè sapiens. Hæc ille. Hoc hodiernum Euangelium nos docet, vt

Simile.

inimicum diligendo, diabolum vincamus, & Deum nobis propitium sentiamus. Si amici tui famulus aliquis te graui-ter offendisset, tuque iam ad eum percutiendum iratus pro-silires; recordatur tamen, singularis tui & integerrimi amici eum famulum esse, continebis te, & saltem propter amicum parces immerito, ne fortè, dum te vindicas, amicum singu-larem amittas. Hanc à te comitatem & modestiam Deus exigit, vt inimicum tuum, famulum eius, creaturam eius, propter eum non percutias, non lædas, sed planè diligas. Sic frater fratri germano interdum parcit, ne communis pater offendantur. Et saui homo reprobis & maleuolus, & fratrem suum Iacob infesto odio prosequens, dicebat tamen: *Venient dies luctus patris mei, & occidam fratrem meum.* Noluit viuente patre in fratrem peccare, ne pariter & patrem offenderet.

Exemplum.

Genes. 27.

Quidni & Dei Patris eandem reuerentiam ac rationem ha-bemus: maximè dicente hîc Christo: *Sic & Pater meus cœ-lestis faciet vobis, id est, tradet vos tortoribus, donec reddatis vniuersum debitum, si non remiseritis unusquisque fratri suo de cordibus vestris.* Ad tam magnum tonitruum (ait Augustinus) qui non expergiscitur, non dormit, sed mortuus est.

Matth. 18.

Enchirid. cap. 7.

Dom. Pass. tex. 3.

Inter alias condonandi inimico causas, alibi commemo-ratas, vna hæc erat, quòd omnis inimicus nos odio prose-quens, commiseratione magis quàm odio dignus sit. Ille nempe non nisi temporali bono priuare te potuit: at seipsum sempiternis pœnis obnoxium fecit. Ille famam fortè tuam obscurauit, sed animam suam prodidit. Ille vestem tibi aut dirupit aut sustulit, ipse cor suum letali ferro transfixit. Tibi capillum sustulit, sibi oculum effodit. De inimicorum infe-statione dicitur: *Circumdederunt me sicut apes, & exarserunt sicut ignis in spinis.* Apes leue vulnus aculeo suo infligunt, sed vitam simul cum aculeo amittunt: sic inimicus in modico lædens, vitam ipse gratiæ lædendo amisit. Sicut ignis spinas exurens terram purgat: sic inimicus sua persecutione spinas peccatorum nostrorum, si patienter feramus, adurit, ani-mamque nostram Deo chariorem reddit. Qui ab equite lan-gæa percutitur, non equo, sed equiti irasci debet; ideoque in

Psal. 117.

Similia.

1.

2.

3.

hastiludijs,

hastiludijs , qui ex aduerso occurrit , si equum non equitem feriat , magno vitio datur ; sic ab homine malo qui lædatur , sessori diabolo , qui in corde eius dominatur , non ipsi homini irasci debuit ; nec de homine iniuriam retaliando , sed de diabolo iniuriam tolerando , vindictā reposcere ac reportare . Quemadmodum si quis in os suum aliquid dulce dimittat cum amaro permixtum , dulcedo illa suum saporem non tenet , sed amittit : sic cum amaro animo erga proximum nulla virtus teneri potest . Si Rex aliquis in ciuitate sibi multum & grauius obærata publicè ediceret , se id totum , quod sibi deberetur , remissurum , modò ipsi inter se ciues sua modica remitterent mutuò debita ; si quis hoc pactum recusaret , è tota ciuitate meritò eiiciendus censeretur : sic Chr stianorum consortio indignus est , qui similem Christi legem longè æquissimam non obseruat . Dicit Salomon : *Omni tempore diligit qui amicus est , & frater in angustijs comprobatur* . Nempe sicuti calx viuua , etsi actu sit frigida , occultum tamen in se continet ignem , vnde si aqua perfundatur , mox ignescit & accenditur , sitque magnum naturæ mirabile , vt aqua , quæ omnem ignem extinguit , calcem accendat ; & oleum , quo omnis ignis nutritur , calcem extinguat : sic vera charitas & dilectio Chr istiana , etsi actu sæpenumero sit frigida , quia sese exereudi , & opera charitatis proferendi occasio , vel oportunitas , vel facultas non datur , occultum tamen & perpetuum in se amoris ignem continet , qui aqua aliqua tribulationis iniecta , siue à Deo probante aut puniente , siue ab inimico homine infestante , statim erumpit , & per admirabilem animi patientiam , aliáque benignitatis officia foris prodit ; sitque magnum gratiæ cœlestis miraculum , vt tribulatio , iniuria , vexatio hostilis , quæ omnem humanam beneuolentiam statim extinguit , dissoluit , abrupit ; charitatem Christianam , diffusam in cordibus nostris per Spiritum sanctum , vehementer accendat , illustret , roboret ; oleum verò adulationis aut prosperitatis in hac vita communi , quæ humanam beneuolentiam maximè solet aut conciliare aut fouere , charitatem illam diuinam , purumque Dei amorem maximè soleat aut labefactare , quia vsum & exercitium eius imminuit ; vel etiam interdum corrumpere , quia humana felicitas , Dei amorem atque timorem ex hominum sæpe animis eripit , alióque deflectit ,

4.

5.

*Prou. 17.
Simile.*

Matth. 22.



Beuntes Pharisei consilium inierunt, vt caperent Iesum in sermone. Et mittunt ei discipulos suos cum Herodianis, dicentes: Magister, scimus quia verax es, & viam Dei in veritate doces: & nō est tibi cura de aliquo. Non enim respicis personam hominum. Dic ergo nobis, quid tibi videtur? Licet censum dare Casari, an non? Cognita autem Iesus nequitia eorum, ait: Quid me tentatis hypocritæ? Ostendite mihi numisma census. At illi obtulerunt ei denarium. Et ait illis Iesus, Cuius est imago hac & superscriptio? Dicunt ei: Cesaris. Tunc ait illis: Reddite ergo quæ sunt Cesaris, Casari; & quæ sunt Dei, Deo.

PERICOPÆ moralis huius Euangelij,

1. Consilium inierunt, vt caperent Iesum in sermone. De maleuolentia & hypocrisis audientium veritatem, & persequentium illam.
2. Mittunt ei discipulos suos (Pharisei) cum Herodianis. De concordia impiorum ynanimi, ad pietatem & veritatem impugnandam.
3. Magister, scimus quia verax es, & viam Dei in veritate doces, vsque ad illud: Quid me tentatis hypocritæ? Contra adulatorum, vt etiam vera dicentes, acriter repellantur.
4. Viam Dei in veritate doces. De boni doctoris, pastoris, prædicatoris, in docendo integritate, constantia, ac fortitudine.
5. Non enim respicis personam hominum. Contra acceptionem personarum.
6. Reddite quæ sunt Cesaris, Casari. De obedientia Principibus debita, in ijs quæ ad Principem ac ciuilem potestatem pertinent.
7. Et quæ sunt Dei, Deo. De Dei honore, obsequio, cultu, in primis obseruando.

1. Consilium inierunt, vt caperent Iesum in sermone.

Auditores maleuoli veritatem persequentes.

Locus moralis de maleuolentia & hypocrisis audientium veritatem, & persequentium illam. Isti enim Pharisei, audita cœlesti doctrina Saluatoris, & maximè postremis illis parabolis, quibus eos vocationis suæ admonuit, & ad resipiscentiam hortatus est; pro eo quod peccata sua agnoscere

agnoscere & emendare debuerunt, *primum quarebant te- Matth. 21.
nero eum; sed turbas timentes, abstinuerunt. Deinde ministros Ioan. 7.
miserunt, qui eum apprehenderent: aliquando & lapides tu- Ioan. 8.
lerunt, ut in eum iacerent. Quæ omnia quum non succede-
rent, nunc demum consilium inierunt, ut caperent eum in ser- Matth. 22.
mone. Pessimum valetudinis signum est, quum remedia, quæ Simile.
sanitatem adferre solent, morbum augent: sic nihil illis ho-
minibus deploratius, qui ex sanis consilijs peiores fiunt.
Lex Domini conuertens animas, ait Dauid. Qui ergo illa audita Psal. 11.
non conuertuntur, sed peruertuntur, ad impietatis fasti-
gium peruenisse putandi sunt. Consummatæ nequitiae in-
dicium est, facinus quod vna non successit via, alia, sem-
per atque alia pertinaciter aggredi. Appositè in hunc lo-
cum Chrysostomus: *Quemadmodum si aliquis claudere vo- Oper. imperf.
luerit aqua currentis meatum, si vna ex parte exclusa fuerit in Matth.
aqua, violentia aliunde semitam sibi rumpit: sic & Phari- Homil. 42.
sæorum hic malignitas ex vna parte confusa, aliunde sibi adi- Similia.
tum inuenit. Sicut enim non potest fieri, ut ligna mittendo
extinguas ignem: sic non potest fieri, ut rationem dicendo
places hominem malum. Sicut enim ignis, quanto amplius
ligna susceperit, in maiorem flammam erigitur: sic animus
malus, quanto magis veritatem audierit, eo amplius in ma-
litiâ excitatur. Hæc ille. De huiusmodi Scriptura dicit:
*Cor eius indurabitur tanquam lapis, & stringetur quasi mal- Iob 41.
leatoris incus.* Incudis quippe hoc proprium est, ut frequen-
tibus ictibus concussa non emolliatur, sed magis indure-
tur. Radij solis quum vitrum feriunt, ignem in eo non ac-
cendunt, quia ibi non sistunt, nec in ipso reuerberant; at
verò in speculo reflectentes, statim ignem incendunt, quo-
niam ulterius non progrediuntur, sed ibi detinentur ac re-
flectuntur: sic diuina eloquia, quæ per vnâ ingrediuntur
aurem, per aliam verò exeunt, quum nullam vel in memo-
ria, vel in affectu faciunt reflexionem, sed protinus vel obli-
uioni traduntur, vel etiam reijciuntur, nullam diuini amo-
ris ignem in animo accendunt; sed sunt velut radij sola-
res vitrum pertranscuentes. Sed vide quid huiusmodi ho-
minibus Scriptura dicat: *Viro qui corripientem dura cer- Prouer. 29.
uice contemnit, repentinus superueniet interitus, & eum sanitas
non sequetur.* Huius tanti mali causa, & cur ad omnia Dei
verba obdurescât homines, ac deteriores fiunt, ratio est, ani-
mus rerum terrenarum cupiditatibus totus infixus. Quemad- Simile.
modum enim cæmentum calceum fit de lapidibus in clibano**

coctis, & in puluerem redactis admixta aqua; atque, ut adhuc tenacius fiat, arena: sic cor impiorum, durum quasi lapis, in clibano curarum mundi decoctum, in puluerem cupiditatis variae atque minutissimæ dispergitur; cui aqua concupiscentiæ admixta, sit adhuc durius, magisque durable, id est, in malo obstinatum sicut cæmentum, quibus tamen si arena temporalis abundantiae accedat, iam penitus tenacissimum atque impenetrabile factum est. Hinc fit, ut nec pluvia atque imbre diuini eloquij molliatur, instar cæmenti, nec ullis comminationum ictibus comminatur, sed ad omnia pertinax & obstinatum maneat. Dicit de impiis Propheta: *Omnes adulterantes, quasi clibanus succensus à coquente.* Cor impij obstinatum, dicitur clibanus à coquente succensus. Sicut enim accendens clibanum, eum non intrat, sed exteriùs ignem facit & ministrat, nec ignis exit de clibano, sed gyrat interiùs, & clibanum ad coquendum panem calefacit: sic diabolus per suggestionem cor hominis accendit, non per essentiam ingrediens in illud; & ignis cupiditatum, à diabolo immissus, non procedit exteriùs, quousque succensam sit cor ad coquendum panem impietatis, totumque cor exustum sit. Panis impietatis est ipse homo, qui primo frangitur in farinam per diuersos circuitus & curas huius mundi. Deinde farina aqua conspergitur, & fermento fermentatur. Aqua & fermentum, sunt superbia & concupiscentia: propter quæ serpenti, qui coctor hic à Propheta vocatur, ab initio dictum est: *Super pectus tuum gradieris, & terram comedes.* Super pectus graditur, quia superbos facit, atque inflatos pectore: terram comedit, quia terrenarum rerum amorem suis persuadet. Huiusmodi enim clibani à diabolo succensi, hæc cæmenta in clibano cocta, homines diaboli opera & studio, mundi huius cupiditatibus toti immerfi atque infixi, obdurati quoque & concreti, ex verbis Dei & sermonibus Christi adeo non emolliuntur aut emendantur, ut in ipsos suos magistros insurgant, eos quum vi & facto non possunt, saltem in verbo capere, arguere, conuincere omni studio contendant. Hæc est, qua nulla ferè maior, maleuolentia obstinata; quam horum Phariseorum exemplo cauere & detestari docemur.

2. Mittunt ei discipulos suos cum Herodianis.

Concordia impiorum contra veritatem.

LOCVS moralis de cōcordia impiorum vnanimi ad pietatem & veritatē impugnandam. Hic enim Pharisei & Hero

Herodiani, qui alioqui hostili se odio inuicē prosequēbātur, quā libertatem & immunitatem populi Iudaici, quam isti Pharisei in primis tuebātur, Herodiani, collectores tributi à Cæsare indicti, maximē violarent, ideoque in hac ipsa causa, de qua Christum vnanimiter nunc adeunt, ipsi diuersa senserunt; nunc tamen ad Christum perdendum egregiē conspirant. Veniunt Phariseorum discipuli, immunitatis assertores; veniunt Herodiani, vectigalium exactores (Herodes enim à Tiberio huic tributo colligendo præfectus fuerat, vt qui eius beneficio regnum acceperat) vt Christum in causā vectigalis caperent, & aliquo reatus vinculo irretirent. Sic omnia vitia contra vnā virtutem conspirant, omnia falsā vnā veritatem impugnant. Nam vt à scopo multis modis aberratur, virtutis atque veritatis vnum est punctum; vnus est modus, quem vltra citràque nequit consistere rectum: sic vnius virtutis atque veritatis multi sunt aduersarij, hostes plurimi. Contra vnum Dei populum decem circumquaque gentes vnanimiter conspirasse, his verbis conqueritur Propheta: *Super populum tuum malignauerunt consilium, cogitauerunt aduersus sanctos tuos. Dixerunt: Venite & disperdamus eos de gente, & non memoremur nomen Israël ultra. Quoniam cogitauerunt vnanimiter: simul aduersum te testamentum disposuerunt*, id est pactum inierunt, *Tabernacula Idumæorum & Israëlita, Moab & Agareni, Gebal, & Ammon, & Amalec, alienigenæ cum habitantibus Tyrum. Et enim Assur venit cum illis: facti sunt in adiutorium filijs Loth.* Omnes isti & moribus, & regno, & religione diuersi (suos enim quisque populus deos colebat) contra vnum populum Dei, filios Israël, conspirarunt. Herodes & Pilatus, vt Christum interficerent, amici facti sunt. Pharisei, Scribæ, & seniores populi Iudaici, vt Christum in cruce blasphemarent, Romanis militibus itidem blasphemantibus admixti stabāt, suāsque simul horrendas voces mutuò vel accipientes, vel dantes, in eum euomuerunt. Sadducæi quoque & Pharisei, sectæ Iudæorum diuersæ, & sibi inuicem aduersæ, ad tentandum atque vexandum Christum optimē conspirarunt. Veniunt ad Christum discipuli Ioannis, & dicunt: *Quare nos & Pharisei ieiunamus frequenter, discipuli autem tui non ieiunant?* Cum discipulis Ioannis quæ societas cum Phariseis, nisi quia cōtra Christum iunxerat inuidia; quos disiunxerat disciplina? Idem fecerunt contra vnā Catholicam Ecclesiam, suo quæque tempore, hæreticorum sectæ. De Arria-

Exempla.

1.
Psal. 82.2.
Luca 22.3.
Ioan. 19.4.
Matth. 26.5.
Matth. 9.Locus contra
hæreticos.

6. *Histo. Eccles. lib. 8. cap. 46.* nis & Meletianis sic scribit Nicephorus: *Initio quidem Meletiani ab Arrianis valdè dissidebant; ubi verò animaduvertebant multitudinem Episcopos Catholica Ecclesia sequi, conuentu co-actò, fœdus inter se pepigere, communèque aduersus pium Alexandria clerum susceperè bellum. Et adeò criminationes simul & defensiones ex aquo communiter decertantes protulere, ut tempore procedente Arriani vocarentur Meletiani, & Meletiani Arriani. Meletiani quidem de Ecclesiarum præfecturis tantùm decertabant (erantque meri schismatici) Arriani autem malè sentiebant de Deo. Veruntamen quòd sibi communiter inimicitias contra nos sumpserant, consensum atque concordiam dissimulabant.* Hæc ille. Idem postea fecerunt & Arriani cum Eunomianis, ut his verbis idem Author commemorat: *Quum Theodosius Catholicus Imperator hæreticos lege lata Ecclesiis expulit, Ariani, rerum suarum satagentes, Eunomia- nis (blaphemabant illi contra Spiritum sanctum, sicut alij contra Filium Dei) se cõiungunt. Sic in Africa contra Catho- licos quum collatio ex Imperatoris mandato institueretur, omnes Donatistarum sectæ, Rogatiani, Maximianistæ, & qui propriè vocabantur Donatistæ, ut maiorem Episco- porum numerum ac multitudinem facerent, conuenire voluerunt. Sic in veteri populo contra vnum Iuda, qui Deum in templo Hierosolymitano purè colebat, non Israël tantùm, sed & finitimæ gentes copias iunxerunt, ut est apud Esaïam: Dicit Dominus ad Esaïam: Egredere in oc- cursum Achaz, & dices ad eum: Vide ut sileas, & noli timere, & cor tuum ne formidet à duabus caudis titionum fumigantium istorum in ira furoris Rasin regis Syria, & filia Romelia: eo quòd consilium inierit contra te Syria in malum, Ephraim (hoc est regnum Israël) & filius Romelia (id est, Rex Damasci) dicen- tes: Ascendamus ad Iudam, & suscitemus eum, & auellamus eum ad nos, &c. Sampson vulpium caudas vultib⁹ auersis cõ- iunxit, ut Philistinorum segetes succenderent. Vera & certa est impietatis nota, quæ sibi ipsis contraria sunt, contra vnũ tertium conspirare. Talis fuit iam dudum, authore Melan- chthone, Lutheranorum & Zuinglianorum, ad breue licet tempus, syncretismus, ut vnanimiter Catholicos oppugna- rent: quem ante annum aut circiter Saxonum Princeps re- nouare conatus est suis omnibus Lutheranis interdicens, ne in Calvinistas aut verbo aut scripto ampliùs inuehantur, sed in solos Catholicos omnem ingenij atq; industriæ suæ vim, id est, omnem malitiam conuerterent.*

Hanc

Hanc sanè prudentiam diabolicam sic suos Vvicleff do-
cuit, hæreticorum hodie alter Adam & primus parens, vt
suaserit suis omnibus totam pugnam suam spiritualementem
contra diabolos conuertere in Ecclesiæ prælatos; vt quo odio
diabolum prosequi solebant, eodem clerum Catholicum
prosequantur: sic enim ampliùs apud Deum eos mereri pos-
se, quod ad vnguem hodie Calvinistæ obseruarunt. Non
enim contra peccatum pugnant, vt dissoluant opera diaboli;
sed toti contra fidem pugnant, vt soluant Iesum, & corpus
eius, quod est Ecclesia. Sed in toto hoc genere excellunt
Anglocaluini-
Anglocaluinistæ, qui Puritanos, sectam maximè oppositam,
tolerant, familiam amoris dissimulant, Illuminatos, qui vo-
cantur, & Brotonæos non exagitant, externorum reforma-
tas Ecclesias à se differentes admittunt, solos Catholicos
omni crudelitatis genere persequuntur.

Thom. Vualdens.
Doctr. fid. tom.
1. lib. 2. cap. 16.

1. Ioan. 3.
2. Ioan. 4.

Anglocalui-
nistæ.

Contrà verò pij & veri fideles hoc proprium habent, vt sit
credentium multitudo, cuius est cor vnum, & anima vna, non
nisi in vnum bonum, atque ad vnam veritatem tuendam;
omnemque impietatem & falsitatem absque vlllo malorum
confortio persequantur. Cùm Iuda Dominum Deum cole-
ret, Israël autem excelsa Ieroboam, voluissètque Amasias
Rex Iuda contra filios Seir & Edom pugnaturus, centum
millia de filiis Israël conducere, prohibuit eum vir Dei, di-
cens: O Rex, ne egrediatur tecum exercitus Israël. Non est enim
Dominus cum Israël, & cunctis filiis Ephraim. Cui verbo Dei
obediens Rex Amasias, & conductum exercitum domum
suam remittens, etsi vehementer indignatum, etsi cum sa-
lute, pecuniæ iactura, victoriam ab hoste amplam & glo-
riosam reportauit. Sufficit sibi veritas & virtus, quæ Deum
protectorem habet. Iuuant se inuicem vitia & peccatores,
quia vires non habent, Deique auxilio & iustitia desti-
tuuntur.

Actor. 4.

Exemplum.

2. Paralip. 25.

3. Magister, scimus quia verax es, & viam Dei in veritate
doces: vique ad illud, Quid me tentatis hypocrite?

LOCVS moralis contra adulatorem, vt etiam vera dicen-
tes, acriter repellantur. Multa enim Phariseorum disci-
puli & Herodiani in laudem Christi hoc loco dixerunt, quæ
etiam verissima erant, & cœlesti Magistro digna, sed animo
assentandi; ideoque & hypocritas eos vocat, qui laudibus
etsi veris, animo tamen ficto, & ad adulandum cōposito eum

Contra adula-
tores.

Lucæ 29.

Eccles. 2.

Similia.

Psal. 14.

Allegoria.

Leuit. 11. & 2.

Esaia 3.

Enarrat. in Psal. 69.

Simile.

Adulator speculum.

Iacob. 3.

Simile.

Apophthegma.

Laert. lib. 1.

Simile.

Psal. 54.

Simile.

prosequerentur, & tentatores appellat, & ut habet D. Lucas, insidiatores, qui sub specie boni ad malum tentabant, ut aliquid præter veritatem diceret, ac post. emò acri sermone, de hoc illos arguit. *Va duplici corde (ait Scriptura) labijs sceleris, manibus malefacientibus, & peccatori terram ingredienti duabus vijs.* Sicut scorpiones ore bladiuntur, sed cauda pungunt; sic illi loquuntur pacem cum proximo suo, mala autem in cordibus eorum. Vno ore flare & sorbere volunt. In vna manu ferunt lapidem, in altera panem ostentant. In ore mel, in cauda aculeum, ut apes, gestant. Deus veteri populo prohibuit esum cygni, quia pennas habet niue candidiores, carnem autem nigerrimam. Prohibet etiam mel adoleri in sacrificio, quia ab omni bono opere adulationem & simulatam charitatem longissimè abesse vult. Odit Deus adultores verbis dulcibus imponentes. Vnde per Esaïam sic loquitur: *Popule meus, qui te beatum prædicant, ipsi te decipiunt.* Et, ut D. Augustinus scribit, *plus nocet lingua adulatoris, quàm manus persecutoris.* Quemadmodum speculum res omnes, atque ipsas adèò intuentium imagines aliter repræsentat, quàm sunt à parte rei, quia dextrum repræsentat sinistram, sinistram verò dextrum, & respicientem versus Orientem, refert respicientem versus Occidentem: sic adulator voce & vultu est speculum: si rides, ridet; si ploras, gemit; si ais, ait; si negas, negat; sed apud se omnia versat & demolitur, quia omnia sentit contraria; & quem præsentem laudat, demulcet, palpat eundem, ubi terga vertit, absentem odit, irridet, mordet. De his Iacobus: *Ex ipso ore procedit benedictio & maledictio.*

Hoc hominum genere ut nihil odiosius, sic & nihil perniciosum magis. Agricola clamàs post aues, quæ in fundo eius ambulant, ac lapidibus petès, nullam capit. Auceps verò dulci illice & voce ficta vocans, complures capit. Interrogatus Bion philosophus, inter animalia quòd esset perniciosius, respondit, inter fera tyrannum, inter mansueta adulatorè esse. Sicut qui taurum viribus non potest, frontè molliter fricans capit & ligat; sic blandimentis capiuntur, quos nulla vis capere potuit, iuxta illud: *Molliti sunt sermones eorù, & ipsi sunt iacula.* Apud Hebræos verbù blandiendi; separare significat, *phr*: quia quisquis blanditur, verè hominè à seipso separat ac diuidit, ut seipsum nec videat, nec cognoscat, sed aliù esse putet quàm est. Quemadmodum enim oleum flammantem ignem

ignem accendit; sic adulatio erroribus fomentum admini-
 strat. Quare Plato adulatorē appellat feram humano gene- *In Phadro &*
 ri pestilentem, similemque esse asserit impuro dæmoni, ani- *in Menexemo.*
 mos incautos funestis epulis fouēti, & sordibus noxiis coin-
 quinant. Eum quoque præstigatorī comparat ac venefico.
 Rursum, separator est omnis adulator, quia & seipsum quo-
 que diuidit, aliud habens in lingua promptum, aliud in pe-
 ctore clausum: vt *de eodem foramine emanet dulcem aquam* *Iacob 3.*
& amaram. Quemadmodū ligna ignem nutriunt, ignis au- *Similia.*
 tem ea incēdio deuorat: sic adulatī sustentant adulatorem,
 adulator autem eos absūmit. Sicut cicada oleo resperfa mo-
 ritur, aq̄ero autem perfusa reuiuiscit: sic multos occidit adu-
 latio, quos iusta sanat reprehensio. Vnde Scriptura: *Corripiet*
me iustus in misericordia, & increpabit me: oleum autem pecca- *Psal. 140.*
toris (quæ est adulatio) *non impinguet caput meū. Meliora quip-* *Prou. 27.*
pe sunt vulnera diligentis, quàm oscula fraudulenta odientis. *Similia.*
 Cū pecora exultant, & inuitata lasciuia ludunt, oues, bo-
 ues, capræ, certum est præsagium, teste Plinio, futuræ tem-
 pestatis: quod & experientia confirmat. Cantus quoque olo-
 ris, signū est imminentis sibi mortis. Sic omnino quum pec-
 catores, adulatorum linguis deliniti, *laudantur in desideriis*
suis & benedicuntur, ipsiq̄ue propterea, quasi saltādi cupidi ad
 primum musici instrumēti sonū *exultant in rebus pessimis,* &
latantur quum malefecerint, certum indicium est, magnum il-
 lis à Deo exitium imminere. De huiusmodi Propheta dicit:
In malitia sua latificauerunt Regem, & in mendaciis suis Principes. *Osee 7.*
 Alexander Seuerus, optimus Imperator salutabatur no-
 mine, hoc est, *Aue Imperator.* Si quis caput flexisset, aut blan-
 dius aliquid dixisset, vel abiiciebatur, si loci eius qualitas pa-
 teretur, vel ridebatur ingenti cachinno, si eius dignitas gra-
 uiori subiacere non posset iniuriæ, vt in eius vita scribit Æ-
 lius Lampridius. Nempe pestes sunt isti & Regū, & Rerum-
 publicarum. Nam nec ipsa virtus, plus quàm oportet, laudari
 debet. Sicut enim meritò reprehendūtur illi, qui vestem ma-
 gnam ei qui corpore pusillo est, conficiunt: sic iure optimo
 reprehensione digni sunt, qui magnas laudes ei qui parua ha-
 bet merita, attribuunt. Quare simiis isti adultores meritò
 comparantur. Sicut enim simia, cū nec domum possit ser-
 uare, more canis; nec onera gerere, quemadmodum equus;
 nec arare, sicuti boues; paratatur ac risum mouet: sic adula-
 tor, cū in seriis ac grauib; rebus nesciat esse vsui, volupta-
 tum ac blandimentorum minister est. Qui alunt belluam,
 primū

Similium.
congeries.

Plutarch. in
Moralib.

- primùm accommodant se illius ingenio, & animaduertunt quibus rebus offendarur aut placeretur, donec assuefacta, fiat tractabilis: sic adulator omnibus amici studiis & affectibus sese accommodat. Ridiculum hoc & perniciosum hominum genus est. Sicut enim falsus Hercules in comœdiis introduci-
 4. tur, clauam gestâs non robustam nec solidam, sed inanem ac leuem, paleâque suffultam: sic tota adulatoris oratio ad speciem grauis & libera, re ipsa mollis & blanda, inanis & fucata est. Sicut autem nihil insidiosius melle venenato, ita nihil
 5. magis cauendum quàm blandus hostis, qualis adulator est. Nam vt Hyæna vocem humanam imitatur, & nomen ali-
 6. cuius ediscit, quem euocatum lacerat: ita quidam obsequio blandiuntur, donec in perniciem trahant. Quare quod oleum
 7. est muscis, formicis, fereque reliquis insectis, hoc est adulatio stultis mortalibus. Oleo peruncta moriuntur illa, assentatione deliniri pereunt isti. Vide plura in alia Dominica.

Dom. 2. Aduer.
 rex. 7.

4. Viam Dei in veritate doces.

Boni prælati
 officium in
 docendo.

Exemplum.

2. Cor. 13.

2. Cor. 4.

Simile.

LO C V S moralis de boni doctoris, pastoris, prædicatoris in docendo integritate, constantia, ac fortitudine. Etsi assentandi animo hoc Christo dixerunt Pharisei, tamen vera, iusta, & magna laus Christi fuit ab inimicorum eius ore profecta, quòd non solum *verax esset* in omnibus dictis & verbis suis, ea semper dicēs quę senserat, nihil dissimulās; nec solum *viam Dei doceret*, viâ virtutis & salutis qua ad Deum peruenitur, sed etiam *in veritate* doceret; nihil in sua doctrina ad gratiam loquens, nihil aliud quàm quod veritas ipsa suggerbat, suis enuncians. Hanc Magistri sui integritatem imitatus Paulus, dixit: *Nō possumus aliquid aduersus veritatem, sed pro veritate.* Et iterum alibi: *Non deficimus, sed abdicantes occulta dedecoris, non ambulantes in astutia, neque adulterantes verbum Dei, sed in manifestatione veritatis commendantes nosmetipsos ad omnem conscientiam hominum coram Deo.* Caupones & adulteratores sunt verbi Dei, qui non ex veritate, sed ex gratia loquuntur. Sicut enim adulter carnalis non prolem, sed voluptatem suam quærit; sic qui non fructum & emendationem auditorum, sed suum honorem & commodum in verbi Dei prædicatione quærunt, adulterantur verbum Dei. Ambulant in astutia, qui non morbis, sed desideriis audientium verba sua accommodant, nec medicos, sed parasitos
 gunt,

agunt, quod Politici doctores & pastores faciunt. Commendant semetipsos non ad conscientiam hominum, sed ad gratiam, non coram Deo, sed coram hominibus, qui non vera, sed placencia loquuntur. Hostaxat vehementer Propheta: *Quasi vulpes in deserto* Propheta tui Israel erant. Astute enim suis commodis, deserta veritate, studebant. Vnde subiungit: *Non ascendistis ex aduerso, nec opposuistis murum pro domo Israel, ut staretis in pralio in die Domini.* Stationem veritatis deserunt; & quod in ignauo milite grauiter punitur, isti, qui duces se profitentur, facere non erubescunt. Viam Dei non in veritate, sed in formidine & ignauia docet. Atqui (vt scribit sanctus Chrysostomus) *non nauium gubernatorem, non ad bestias dimicantem, non ludo gladiatorio destinatum, non alium quempiam, omnino sic ad discrimina & mortes paratum oportet habere animam, ut eum qui predicandi officium suscipit.* Quod recte agnoscens sanctus Thomas, Archiepiscopus Cantuariensis, quum ad eum regis iniustis legibus sese opponentem, Gillebertus Londinensis Episcopus scriberet vt mollius cum Rege ageret, sapienter respondit: *Clauum teneo, & ad somnum me vocas?* Et iterum ad omnes Episcopos Angliæ, quum in exilio esset: *Multo tempore silui, expectans si forte inspiraret vobis Dominus, vt resumeretis vires, qui conuersi estis retrorsum in die belli: si forte saltem aliquis ex vobis ascenderet ex aduerso, & opponeret se murum pro domo Israel.* Expectaui: non est qui ascendat. Sustinui: non est qui se opponat. Silui: non est qui loquatur. Tales erant alij quamplurimi sancti Episcopi, vt in alio Euangelio ostensum est. ad illa verba: *Arundinem vento agitatam.* Nempe omnis pastor, sicut olim Propheta, mittitur, de quorum vno Deus dixit: *De di te hodie in ciuitatem munitam, & in columnam ferream, & in murum aeneum super omnem terram.* Talem esse oportet qui pastor esse vult, vt nihil formidet, vt viam Dei in veritate doceat. Dixit Sapiens. *Noli querere fieri Iudex, nisi valeas virtute irrumpere iniquitates, ne forte extimescas faciem potentis, & ponas scandalum in agilitate tua.* Cerui, quamdiu carent cornibus, vel non habent illa adhuc solidata, non procedunt in publicum, nec de die, sed de nocte vadunt ad pascua; de die autem exponunt ea ad solem vt indurentur: moxque vbi indurata esse cornua cognoscunt, ad pabula in aperta procedunt. Similiter qui se carere cornibus sentiunt, animi fortitudinem non habent, ad publicam doctrinæ pabulum administrandum prodire non debent; priuatam potius & obscuram vitam agant, donec diuini amoris seruore solidentur. De veritatis docto

Ezech. 13.

Homil. 6. de laudibus Pauli.

S. Thomas Cantuar. martyr.

Dom. 2. Aduers. tex. 9.

Ierem. 1.

Eccli. 7.

Simile.

*Abacuc 3.
Ezech. 1.*

Esaia 56.

*Gemin. lib. 5.
ca. 28.*

*Dom. 2. Advent.
tex 7.*

doctore verificari debet, quod de doctorum omnium supremo Magistro Propheta dixit: *Splendor eius ut lux erit, cornua in manibus eius.* Sic enim eos misit, ut ipse missus fuerat. Hinc etiam quatuor illa animalia in visione Ezechielis, quæ ut quatuor Euangelistas, sic omnes Ecclesiæ doctores aliquatenus figurabant, inflammata describuntur quatuor modis, ad modum scintillarum, ad modum carbonum, ad modum lampadarum, & fulgurum. Scintillæ sunt, subtilitate doctrinæ; carbones ardentes, feruore prædicandi; lampades, luce & perspicuitate; fulgura, quia verbi veritate & fortitudine terrent, illuminant, percutiunt, accendunt. Denique ut ignaui doctores vocantur in Scripturis *Canes muti, non valentes latrare*; sic cordati & veri doctores sunt sicut generosi canes, qui maximas bestias audacter inuadunt; qualis ille erat, à rege Albano Alexandro missus, qui primò in eius præsentia leonem occidit: tandem elephante deducto, videns eius magnitudinem, primò obriguit, & ingenti latratu insonuit, quem tamen inuasit, & tam diu afflixit, ut in terram tandem prosterneret: sic sancti prædicatores maximos tyrānos extimescere non debent. Plura de hoc argumento vide supra in alia Dominica.

5. Non enim respicis personam hominum.

Acceptio personarum.

Locus moralis contra acceptionem personarum. Hæc enim altera virtus est boni magistri, doctoris, pastoris, atque adeò cuiusvis iudicis, magistratus, principis, ut sine acceptione personarum unicuique iustitia administretur. Respicere personam, est considerare externam aliquam hominum conditionem, eiusque consideratione, non autem secundum causæ merita, de homine iudicare. Personæ vocabulo comprehenditur omnis externa hominis qualitas, quales sunt diuitiæ, potētia, forma, nobilitas, sexus, & id genus alia. Hæc omnia in iustitiæ administratione in nullam considerationem venire debent: nec videlicet æquè pauperi ac diuiti, priuato ac potenti, deformi ac formoso, ignobili & nobili, sceminæ ac viro prorsus debetur. Hanc acceptionem personarum (vitiū satis vulgare) utraque sacra pagina disertissimè condemnat.

Leuit. 19.

In veteri sic legitur: *Non consideres personam pauperis, nec honores vultum potentis. Iuste iudica proximo tuo.* Ut id homini persuadeatur, Dei exemplum, cuius iustitiā imitari debemus,

bemus, introducitur. Sic Moyses: *Deus Dominus vester, Deus deorum, & Dominus dominantium, Deus magnus, potens* Deut. 10.
& terribilis, qui personam non accipit, nec munera. Sic sanctus
 Iob: *Deus non accipit personas principum, nec cognouit ty-* Iob 34.
rannum, cum disceptaret contra pauperem. Opus enim ma-
nuum eius sunt vniversi. Sic denique suos iudices informat
 bonus rex Iosaphat: *Non est, inquit, apud Deum nostrum* 2. Paral. 19.
iniquitas, nec personarum acceptio, nec cupido munus. Cun-
 ta igitur cum diligentia facite. *Non enim hominum iudicium*
exercetis, sed Domini. In noua pagina sic diuus Petrus
 pronunciat: *In veritate comperi quia non est apud Deum ac-*
ceptio personarum; sed in omni gente, qui facit iustitiam, acceptus Actor 10.
est illi. Sic & diuus Paulus: *Vnusquisque quod fecerit bonum,*
hoc recipiet à Domino siue seruus, siue liber: personarum enim ac- Ephes. 6.
ceptio non est apud Deum. Sed clariùs & vehementius diuus
 Iacobus: *Fratres mei, nolite in personarum acceptione habere fi-*
dem Domini nostri Iesu Christi. Et paulo post: *Si diligis proxi-* Iacob. 2.
um tuum sicut teipsum, bene facis; si autem personam accipis,
peccatum operaris, redargutus à lege,

Veri Prophetæ Dei in veteri populo, veri Episcopi & pa- Prophetæ non
 stores in nouo, vt verbum Dei in veritate docerent, persona- acceperunt per-
 rum acceptores esse noluerunt. Eliseas Propheta stans co- sonas.
 ram Ioram rege Israel idololatra, & coram Iosaphat rege Iu-
 da Deum colente, vt pro illis Dominum consuleret, illum
 constanter redarguit, hunc reueretur. Ad Ioram enim di-
 cit: *Quid mihi & tibi est? vade ad Prophetas patris tui* Exempla.
(Achab) & matris tue (Iesabel). Et rursum: *Viuit Dominus* sacra.
Deus Israel, in cuius conspectu sto, quòd si non vultum Iosaphat 4. Reg. 3.
regis Iuda erubescerem, non attendissem quidem te, nec respe-
xissem. Elias non accepit personam Achab, quando eo dicen-
 te ad Eliam, *Tunc es ille qui conturbas Israel?* respondit ei: 3. Reg. 18.
Non ego turbaui Israel, sed tu, & domus patris tui, qui de-
reliquisti mandatum Domini. Propheta ille missus ad Ama-
 sias, idola Seir colentem quæ bello ipse ceperat, non res-
 pexit personam eius, dicens: *Cur adorasti deos, qui non libera-* 2. Paral. 15.
uerunt populum suum de manu tua? Cum enim Rex illi ira-
 tus diceret, *Num consiliarius regis es tu?* Quiesce, ne interficiam
 te: adiecit tamen: *Scio quòd cogitauerit Deus occidere te, quia*
fecisti hoc malum, & insuper non acquieuisti consilio meo. Sic cæ-
 teri Prophetæ, Elaias, Ieremias, Nathan, & alij, non respe-
 runt personas Regum suorum, legem Dei præuarican-
 tium, Manassis, Sedechi, & David; quo minus & peccata
 eorum

eorum arguerent, & Dei comminationes exponerent. Sic Ecclesiæ Catholicæ Episcopi, Athanasius, Hosius, Leontius, Hilarius, Chrysostomus, Ambrosius, Stanislaus, Thomas Cantuariensis, & alij innumeri Regum suorum. Constantij, Arcadij, Valentiniani Imperatorum, Boleslai Poloniæ, Henrici 2. Anglorum regis vultus aut personas non respexerunt, quominus leges Dei præuaricantes, & potestatis suæ limites excedentes, liberrimè arguerent. Azarias Pontifex personam regis Osiæ, sacerdotalia sibi munera arrogantis, non respexit; sed & constanter admonuit, & postea non parentem: atque à Deo percussus, è templo eiecit. Sic diuus Ioannes Baptista Herodis personam non respexit, quominus ei liberè diceret, *Non licet tibi habere uxorem fratris tui*. Talis esse debet omnium sacerdotum Dei, pastorum, atque Episcoporum virtus, constantia, fortitudo, vt absque acceptione personarum, peccantes arguant, veritatem doceant, disciplinam conferunt.

Sed quia hanc libertatem Politici laici non ferunt, Politici sacerdotes non exercent, si sacra illos exempla non mouent, (quæ tamen in primis, & maximè mouere debebant, & certissimè condemnabunt) moueât saltem exempla politica hominum gentilium, qui hanc administrandæ iustitiæ, & redarguendi peccati integritatem & constantiâ, ad ipsam politiam, & rectam Reipub. administrationem pertinere iudicabant. Celebre est illud Traiani Imperatoris, qui Tribuno militum renuntiato strictum ensen in manus dans, ait: *Cape ferrum hoc: & si quidem rectè imperium gesseris, pro me; sin aliter, contra me hoc utere*. Themistocles, quum ab eo Simonides, Chius poëta, præter æquum quiddam postulasset, *Neque tu, inquit, bonus poëta esses, si modos & numeros in canendo contemneres; neque ipse bonus prator, si gratiam cuiusquam legibus præferrem*. Cùm Aristides aliquando quempiam in iudicium vocasset, & hi qui rem illam iudicabant, post Aristidis accusationem reum causam dicentem audire nollent, quin suffragia, quibus damnetur, ex templo postularent; assurgens Aristides, supplex apud Iudices intercessit, vt illum, quemadmodum legibus statutum erat, audirent. Papinianus iussus à Caracallo occisi fratris Getæ facinus in Senatu & apud populum diluere, recusauit, dicens, *non tam facîle parricidium excusari posse, quàm fieri*. In his exemplis nec Traianus, etsi Imperator esset; nec Aristides, etsi iustissimus, suæ personæ aliquam rationem haberi,

2. Paral. 26.

Matth. 23.

Exempla
profana.Diony. Crassius
M. C. in Traiano.

Plutarch. in Themisto.

Plutarch. in Aristide.

Spartianus in
Caracallo.

haberi, sed iustitiam & æquitatem præponderare volunt; nec Themistocles, etsi Athenis potentissimus, amici personam; nec Papinianus, etsi Iureconsultus disertissimus, Imperatorem orbis contra iustitiam respexit. Cleones ut primum Rempublicam attingere destinavit, vocatis amicis omnibus, solvere se velle dixit amicitiae vincula: subdiditque rationem, solere amicitias pleraque recta & iusta subvertere, quòd homines Rempublicam administrantes, utpote affectu & mollicie quadam occupatos, sæpenumero à via deducit recti officij. Sed multo fortius Henricus quintus Anglorum rex, qui defuncto patre sceptro potitus, sodales & familiares suos omnes, quibuscum vivente patre dissolutè vixerat, ad se vocatos, & quibusdam muneribus donatos, sic à se ablegavit, ut sub pœna capitis interdiceret, ne unquam, nisi mores in melius mutarent, ad aulam regiam accederent; ne videlicet eorum corrupta familiaritate vel ipse corrumpere-
tur, vel iudicium & iustitiam sæpe corrumpere-
tur. Phocion, Princeps Atheniensium, ne genero quidem suo Charillo repetundarum dicturo causam adesse sustinuit, inquiens: Equidem mihi generum te hominem iustum & probum optavi. Quæ cum dixisset, deserto genero, continuo inde sese protripuit. Quid, quòd nec fratris personam in iustitiâ accipere voluerunt ethnici, qui iustitiam coluerunt. Timoleon Corinthius, ubi fratrem, quo tyrannide abstinere, monitis atque precibus movere ac persuadere nequivit, his subinde navavit operam, qui illum interemerunt, non fratris odio, sed Reipubl. & iustitiæ amore. Antigonus rex ad adolescentem quempiam, qui prognatus quidem ex elegante viro belli duce, sed ipse ignavus ac mollis, postulabat tamen ob id cæteris anteferri, Apud me, inquit, o adolescens, virorum, non parentum virtutibus premia sunt. In his exemplis videmus, nec amicorum, nec parentum, nec nobilitatis personam accipi, ubi iustitiæ ratio habenda est.

At sicut persona charior, aut nob. lior, aut potentiôr respici non debet, sic nec infima aliqua persona negligi ac præteriri. Cuius præclarum exemplum edidit Adrianus Imperator. Transeuntem illum mulier quædam rogavit, ut se audiret. Cui cum ille respondisset, Otium mihi non est; illa deinde clamans, ait: Noli ergo imperare. Tum conuersus eam audiuit. Nec minùs laudabiliter Philippus Macedonum rex, qui Machetæ cuiusdam, pro tribunali sedens, causam audiuit, sed dormitabundus, nec satis attentus ad

iuris æquitatem : itaque sententiam tulit aduersus Machetam. Verùm cùm is exclamasset, se ab ea sententia appellare; Rex iratus, Ad quem, inquit? Cui Machetes, Ad te ipsum, ô Rex, si expergiscaris, & attentius causam audias. Ac tum quidem surrexit Rex: & ubi causa attentius audita, Machetæ factam iniuriam intellexisset, iudicata quidem non rescidit, sed pecuniam qua damnatus fuerat Machetes, ipse persoluit. Zaleucus, Locrensiùm rex, sic personas respicere noluit, ut quum legem tulisset de adultero utroque oculo orbando, filiumque in adulterio deprehensum utroque priuari populus non permetteret, se ipsum vno, filium altero oculo priuauerit, ne propter acceptionem personæ, lex ab ipso lata violaretur. Sanè ut sol non alius est pauperi, alius diuiti, sed omnibus communis; ita Principes personam spectare non debent, sed rem. Sicut eadem trutina eisdemque ponderibus aurum ponderatur & plumbum; sic eadem æquitate paruis & magnis iustitia administranda est.

*Valer. Max.
lib. 6. cap. 3.*

Similia.

6. Reddite qua sunt Cæsaris, Cæsari.

*Obedientia
Principibus
debita,*

LOcus moralis de obedientia Principibus debita, in ijs uæ ad Principum ac ciuilem potestatem pertinent. De censu pecuniario & tributo quærebant Pharisei, an liceat id dare Cæsari. Christus autem ostenso numi mare, in quo imago Cæsaris inscripta fuit, ideoque ex ipso numismate Cæsari se subditos esse constabat, nec enim minus ualere solet in regno, Regis signo non percussus respondet, quia Cæsar dominus eorum erat, esse id ei reddendum, quod ad domini ac Principis ius pertinet. Ius autè Regis est, ut alatur à regno, & quidem in pompa regali, tum ut ei regnum subministret omnia quæ necessaria fuerint, & ad bella gerenda, & ad pacem conseruandam. Hæc à populo subsidia Regi debentur. Propter hæc necessaria Regi subsidia, census, vectigalia, tributa, & legitime à Rege exiguntur, & necessario à populo fideli soluuntur. Hæc iura Regum ac Principum, Christi prædicatio, lex Euangelica, obedientia Deo debita non tollit, non imminuit, sed magis roborat atque confirmat. Sic aliæ Scripturæ docent. Paulus in primis studiosè & copiosè, *Omnis, inquit, anima potestatibus sublimioribus subdita sit. Non est enim potestas nisi à Deo. Quæ autem sunt, à Deo ordinata sunt. Itaque qui resistit potestati, Dei ordinationi*

Rom. 13.

ordinationi resistit. Qui autem resistunt, ipsi sibi damnationem acquirunt. Et paulo post: Dei minister est (potestas publica) tibi in bonum. Si autem malum feceris, time. Non enim sine causa gladium portat. Dei enim minister est, vindex in iram ei qui male agit. Ideo necessitate subditi estote, non solum propter iram (vindicantis Principis) sed etiam propter conscientiam lætæ ordinationis diuinæ. Ideo enim & tributa præstatis, id est, ut v. ndicandi malum media ac vires Reges habeant, vos illis vectigalia soluitis. Ministri enim Dei sunt, in hoc ipsum seruientes. Reddite ergo omnibus debita: cui tributum, tributum: cui vectigal, vectigal: cui timorē, timorem: cui honorem, honorem. Hæc sunt Cæsaris Cæsari reddenda, tributū, vectigal, timor, honor. Tributum, ut debitum perpetuum ad regiam magnificentiam sustentandam, quod postea in certa domania conuersum est. Vectigal de nouo impositum, propter nouas occurrentes necessitates. Timor iustæ vindictæ, si malus es. Honor debitæ reuerentiæ, & amoris, si bonus es. His accedit obedientia iustis legibus præstanda. De qua alibi idem Apostolus: *Admone illos Principibus & potestati-* Tit. 3.
bus subditos esse, dicto obedire, ad omne opus bonum paratos esse. Cui & subscribit sanctus Petrus: *Subiecti (inquit) estote omni* 1. Pet. 2.
humana creatura propter Deum; siue Regi, quasi præcellentis; siue ducibus, tanquam ab eo missis, ad vindictam malefactorum, laudem verò bonorum: quia sic est voluntas Dei. Quum iure gentium & naturæ dubium hoc nemini esset, docent Apostoli, etiam Dei voluntatem hanc esse, ut Regibus etiam ethnicis atque infidelibus (neque enim alij tunc erant) ipsi pij & fideles obtemperarent. Sic Christus Cæsari, Petrus Neroni obediendum docent.

Sed & malis alioqui Principibus, suæque potestate abu- Malis Princi-
tentibus, in ijs quæ ad iura pertinent regalia, obediendum pibus obediendum.
esse, Scriptura docet: *Obedite dominis* (ait Petrus) *non tantum*
bonis & modestis, sed etiam dyscolis, id est, duris, seueris, cru- 1. Pet. 2.
delibus. Nam & illorum quoque potestas à Deo ordinata est: & qui illis resistit, Dei ordinationi resistit. Sic per Prophetas suos Deus loquitur: *Dabo tibi Regem in furore meo, &* Osee 13.
auferam in indignatione mea. Et rursum: *Dabo pueros Principes* Esaiæ 3.
eorum, & effeminati dominabuntur eis. Et iterum: *Deus reg-* Iob 34.
gnare facit hypocritam propter peccata populi. Hac de causa iubentur filij Israël in captiuitate positi, obedire tyranno Babylonio, & orare pro illo. Sic Ieremias: *Quærite pacem* Ierem. 29.
ciuitatis, ad quam transmigrare vos feci, & orate pro ea ad

Baruch. 1.

Dominum, quia in pace illius erit pax vestra. Sic Baruch Orate pro vita Nabuchodonosor regis Babylonij, & pro vita Balthasar filij eius, ut sint dies illorum sicut dies cæli super terram. Hoc est enim dare gloriam Deo, seruire tyranno propter peccata nostra nobis dominanti, & dicere quod illi captiui dixerunt Domino Deo nostro iustitia, nobis autem confusio faciei nostræ.

Ibidem.

1. Pet. 2.

*Quod vno verbo Petrus dixit: Regem honorificate. non honorem modò, sed & obedientiam, & subsidia ac tributa soluenda significat; sicuti in illo verbo, Honora parentes, non honor tantum ac reuerentia, sed etiam obedientia ac sustentatio parentum, quando ita res exigit, filiis imperatur. Officium subditorum erga Reges, apes docere possunt. Creant sibi regem cæteris magnitudine excellentem, & mansuetudine clariorem; vnde & sine aculeo est, & alas cæteris minores habet. Ex alueario non exeunt, nisi ipse egrediatur; eo exeunte, totum congriobatur examen, & regem circumdat vndique, ut videri vix possit. Singulæ se eius obsequio offerunt, & ei proximæ esse contendunt: fessum humeris subleuant, aliquando & totum portant. Vbi-
cunque rex sederit, ibi totus exercitus castra figit. Illo viso, totus animatur grex: eo amisso, examen dilabitur. In alueario dum resident, rex solus à labore immunis est, cæteræ omnes perpetuò mel colligunt, vel collectum disponunt. Circa regem quædam semper adsunt apes, sortem aculeum habentes, & tanquam lictores regem custodientes; quæ & offendentes, vel otiosas puniunt. mortuo rege, nisi corpus eius auferatur, cæteræ apes fame se enecari permittent potius, quàm ut ab eo recedant. Sola voce, quasi imperio, cæteras in officio continet, vnde & hanc cæteris magis vocalem habet. Iuxta hæc omnia subditorum erga Regem obedientia, honor, affectio, ut non obscure designatur, sic merito doceri & informari potest.*

Simile.

Plinius lib. 11.

cap. 17.

Geminian. lib. 4.

cap. 83.

7. Et quæ sunt Dei, Deo.

Dei honor, obsequiũ, cultus.

Locus moralis de Dei honore, obsequio, cultu in primis observando. Christus Dominus sic Cæsaris censum approbat, sic Regibus, ea quæ regalia sunt, reddi iubet, ut simul ea quæ Dei sunt Deo reddantur, ut Deo interim debitus honor, cultus, obsequium nihil imminuatur, sartus tectus conseruetur. Ut illud de Cæsare libenter Herodiani Politici, mundani

mundani audiunt; sic istud de Deo quisque pius & fidelis libentissimè audire debet. Sic Principibus & potestari sublimiori obediendum, vt nihil tamen contra Dei honorem admittatur. Sic in hunc locum Chrysostomus: *Tu quum audis reddenda esse Cæsari quæ sua sunt, illa solùm dici non dubitas, in Matth. quæ pietati & religioni nihil officiunt. Nam quod fidei & virtuti obest, non Cæsaris, sed diaboli tributum & vectigal est.* Hæc ille. *Exempla.* Paulus ne iniuriam à Iudæis pateretur, ad Cæsarem appellans, *Actor. 25.* reddidit Cæsari quæ erant Cæsaris, eius tribunali supremo se subiiciens. Sed idem Paulus *Roma in suo conductu Euan-* *Actor. 31.* *gelium prædicans,* & à deorum cultu, quos Cæsar colebat, omnes, quos potuit, abducens, reddidit Deo quæ erant Dei, eius fidem & cultum quantum in ipso erat, propagans. Petrus docens, *Regem honorificandum, eique tanquam præcellenti obedi-* *1. Pet. 2.* *endum,* reddidit Cæsari quæ erant Cæsaris. Sed idem Principibus Iudæorum fidei prædicationem interdicentibus respondens: *Oportet obedire Deo magis quàm hominibus,* reddidit *Actor. 4.* Deo quæ sunt Dei. De hac re tota sapienter Augustinus: *Qui De verbis Do-* *mini, Serm. 6.* *potestati resistit, Dei ordinationi resistit. Quid si illud iubeat potestas quod non debeas facere? Hic iam contemne potestatem. Timendo potestatem, ipsos humanarum rerum gradus aduerte. Si quid iasserit Curator, nõne faciendum est? Tamen si contrà Proconsul iubeat (erant hæc Romanarum dignitatum officia, iam exoleta) non utique contemnis potestatem, sed eligis maiori seruire. Nec hic debet minor irasci, si maior prælata est. Rursum, si aliquid Proconsul iubeat, & aliud iubeat Imperator, nunquid dubitatur, illo contempto, huic esse seruiendum? Ergo si aliud Imperator, & aliud Deus, quid iudicatis? Solue tributum, esto mihi in obsequium. Rectè, sed non in idolio, non in hæresi, non in peccato. Prohibet maior potestas. Da veniam Imperator, tu carcerem, ille gehennam minatur. Hæc ille. Hoc est reddere Cæsari quæ sunt Cæsaris, & Deo quæ sunt Dei.*

Hanc distinctionem & alibi Christus docuerat, dicens: *Dico* *Luca 12.* *vobis amici mei, Nolite timere eos qui corpus occidere possunt, & postea non habet quod agant: ostendā autem vobis quæ timeatis. Timete eum, qui postquā occiderit, habet potestatem mittere in gehennā. Ita dico vobis, hunc timete.* Vides quàm seriò Dei timorem inculcet. At Apostolus dicit: *Si malū feceris, time po-* *Rom. 13.* *testatē: non enim frustra gladium portat.* An ergo Christo contrarius est? lubet enim timere, quia corpus occidendi potestatem habet. Nequaquā; sed loquitur Apostolus de ijs quæ sunt Cæsaris: quæ si illi non reddantur, meritiò timendus Cæsar,

timenda potestas eius. Loquitur Christus de iis quæ Dei sunt : quæ si Deo reddimus, si fidem, si pietatem, si virtutem colimus, & hæc Cæsari displicent, suisque legibus hæc interdicit; hic non est timendus Cæsar, sed est timendus Deus.

Contra Cresc. lib.

3. cap. 31.

Epist. 48. 50. &

166.

Hoc est quod Augustinus scripsit : *Legibus malis probantur boni; legibus bonis emendantur mali.* Et iterum alio in loco : *Imperatores si in errore sunt, pro errore leges dant, per quas iusti probantur, & coronantur, non faciendo quod illi iubent, quia Deus prohibet. Sicut iussit Nabuchodonosor de aurea statua, in campo magno Babylonis erigenda. Quando autem veritatem tenent Reges, pro ipsa decernunt, quod qui contemnit, iudicium sibi acquirit.* Hanc distinctionem tenuerunt semper

Exempla.

Theodoretus lib.

4. cap. 16.

Catholici & Christiani, siue ab hæreticis, siue à paganis Imperatoribus infestari. Modestus, Valentis Arriani Imperatoris præfectus, quum ciues Edessenos cohortaretur, ut cum Imperatore communicarent (sic enim loquebatur) sapienter & faceret Eulogius presbyter, cæterorum nomine, ei respondit : *An iam episcopatum noster nactus est Imperator? Nos enim Episcopum habemus, cui in sacris communicare docemur.* Cæsarem enim audiebat, non ea quæ sunt Cæsaris, sed ea quæ Dei sunt, sibi arrogantem, & aliis præcipientem. Hanc distinctionem Euangelicam primus Imperator Christianus Constantinus Magnus probè tenuit, quum sic ad Episcopos loqueretur : *Ego quidem communis quidam sum Episcopus; sed vos eorum quæ sunt in Ecclesia, ego eorum quæ extra sunt, à Deo constitutus Episcopus, seu speculator & superintendens, videor.* Quam etiam distinctionem in Regum coronatione ipsi Reges ab Ecclesia accipiunt. Sic enim illis, quum ab Ecclesia inunguntur, dicit Pontifex : *Accipe coronam regni tui, quam sanctitatis gloriam & honorem, & opus fortitudinis intelligas significare, & per hanc te participem nostri ministerij non ignores : ut sicut nos in interioribus pastores, rectoresque animarum intelligimur, ita & tu contra omnes aduersitates Ecclesie Christi defensor existas.*

Euseb. de vita

Constantii, lib. 4.

cap. 24.

In Pont. Rom.

Locus contra hæreticos.

a In Sermo de

SS. Iuuentini & Maximi sub

b Orat. 3. in Iu-

lianum.

Sed totam hanc huius Euangelij distinctionem, ut olim Christianismi persecutores ethnici, sic hodie Ecclesie persecutores hæretici, prorsus abolent & confundunt. Nam ut illi Christianos *deorum immortalium hostes* vocabant, & tanquam *reipub. perturbatores* occidebant, ut in martyrio SS. Iuuentini & Maximi sub Iuliano ostendit D. a Chrysostomus, & b Gregorius Nazianzenus; sic hodie barbari

Anglocaluinistæ Catholicos, non ut violatæ religionis, sed

ut læsæ

ut læsæ maiestatis reos, patriæque perduelles hostes persequuntur, spoliant, occidunt. Cæsari non solum quod Cæsaris est, sed etiam quod Dei maximè proprium est, impiè, sacrilegè, & barbarè tribuunt. Totam doctrinæ veritatem totam cultus ac religionis Christianæ rationem à regia auctoritate, à decretis regiis dependere, fluere, & promanare docent, iurant, & omnes iurare compellunt. Sic apud eos non hæresis, non schismatis, non violatæ religionis, non cultus & obsequij diuini negati, sed rebellionis crimen est, à vera religione (quam scilicet illi veram esse volunt) recedere. Sic iuxta eos frustra adiecit Christ⁹: *Et quæ sunt Dei, Deo*. Satis erat dixisse, *Reddite quæ sunt Cæsaris, Cæsari*: quandoquidem iuxta eos omnia vni Cæsari debentur. Vnus Cæsar, vnus Rex, vel vna Regina, vnus puer, vna mulier (tales enim in Anglia ut suprema Ecclesiæ Anglicanæ capita regnauerunt) *Caput est, ac suprema gubernacula tenet, non secus in omnibus causis Ecclesiasticis, quàm in causis civilibus*. Sic enim conceptis verbis iurant. Et propter hoc vnum iuramentum, non minus barbarum quàm impium, nec secus absurdum quàm sacrilegum, recusatum, omnes illic Episcopi, Pastores, Canonici, Doctores, Nobiles, ciues, qui Catholici esse & persistere voluerunt, carcerem, rapinam bonorum, exilium, mortem acerbam respectiue passi sunt. Plura hac de re in altero Promptuario Catholico dicta sunt. Ad mores redeam⁹.

Quæ Dei sunt, Deo reddere oportet. Et quid demum habemus, quòd Dei non est? *Quid habes quod non accepisti?* utique à Deo. Profitetur David, omnes templi ædificandi impensas colligens: *Tua Domine sunt omnia: & quæ de manu tua accepimus, hæc dedimus tibi*. Quicquid ad ædificationem templi spiritualis conferimus, Dei est. Ingenij vires, corporis robur, voluntatis actio, natura nostra tota à Deo est, & Dei est. *Ipse fecit nos, non ipsi nos*. Hæc ergo omnia ei reddenda. Christus, ut censum Cæsari dandum doceret, ostendi iubet numisma census: rogat, *Cuius est hæc imago & superscriptio?* Illis respōdentibus, Cæsaris esse, infert: *Reddite ergo quæ sunt Cæsaris*, videlicet hoc numisma census, *Cæsari*. Similiter roget seipsum vnusquisq; de se: *Cuius tu es imago, & cuius superscriptio?* Respondebit fides: *Factus sum ad imaginem & similitudinem Dei*. Redde ergo Deo quod est Dei. Da te totum Deo, quia totus, quantus quantus es, imago Dei es. Nec mundo, nec peccato, nec diabolo, nec ipsi Cæsari aliquid tuū da, quod Dei obsequio dandū est. Huc conferri possunt, quæ

Anglo-calvinistarum barbaria impietas.

1. Cor. 4.

1. Paral. 29.

Psal. 95.

Genes. 1.

de Deo toto corde, &c. diligendo, iam in multis Euangeliiis dicta sunt. Hoc est enim reddere Deo quæ sunt Dei, totum cor, totam animam, totam mentem, & quicquid puræ affectionis in homine est. Alia quidem diliguntur, proximi, cognati, amici, & Cæsar ipse, sed in ordine ad Deum. Si supremum amoris locū Deo seruamus, si primū quærimus regnū Dei, si eius cultū, honorem, obsequiū, omnibus rebus, etiam ipsi Cæsari, anteferimus; reddimus quæ sunt Dei, Deo. Hæc autem in multis iam Euangeliiis tractata & explicata sunt.

EVANGELIVM DOMINICÆ

XXIII. POST PENTECOSTEN.

Matth. 9.

ECCE Princeps vnus accessit ad Iesum, & adorabat eum, dicens: Domine, Filia mea modò defuncta est; sed veni, impone manum tuam super eam; & viuet. Et surgens Iesus, sequebatur eum, & discipuli eius. Ecce mulier, quæ sanguinis fluxum patiebatur duodecim annis, accessit retrò, & tetigit simbriam vestimenti eius. Dicebat enim intra se: Si tetigero tantum simbriam vestimenti eius, salua ero. At Iesus conuersus, & videns eam, dixit: Confide filia. Fides tua te saluam fecit. Et salua facta est mulier ex illa hora. Et cū venisset Iesus in domum Principis, & vidisset tibicines, & turbam tumultuantem, dixit: Recedite. Non est enim mortua puella, sed dormit. Et deridebant eum. Et cū eiecta esset turba, intrauit: & tenuit manum eius, & surrexit puella. Et exijt fama hac in vniuersam terram illam.

PERICOPE moralis huius Euangelij.

1. Princeps vnus accessit ad Iesum, & adorabat eum. De externa corporis reuerentia Deo exhibenda, & sanctis eius.
2. Filia mea modò defuncta est. De mortis celeritate, horaque incertissima perpetuò expectanda.
3. Accessit retrò, & tetigit simbriam vestimenti eius. De verecundia & timore, quò peccatores accedere ad Deum par est, vt sanentur.
4. Si tetigero tantum simbriam vestimenti eius, salua ero. De fiducia in Deum, eiusque bonitatem.

5. *Et deridebant illum.* De mundi huius ludibriis circa pietatis operibus prorsus contemnendis.

6. *Et exijt samahæc in uniuersam terram illam.* De operibus & beneficiis Dei summa laude prædicandis.

1. *Princeps vnus accessit ad Iesum, & adorabat eum.*

LO C V S moralis de externa corporis reuerentia Deo exhibenda, & sanctis eius. Princeps iste & archisynagogus, utcumque apud suos honoratissimus, Christum externo habitu, & vitæ ratione satis humilem, tamen quia Propheta, & Dei altissimi amicum (neque enim adhuc pro Deo & vero Messia eum habebat) adorat pronus in terram, & ut ait Lucas, *cecidit ad pedes eius*: & ut Marcus rem narrat, *adorauit procidens in terram ad pedes eius, & deprecabatur eum multum*. Placuit Christo hæc externa corporis humiliatio & reuerentia; ideoque, quod regulo, viro quoque nobili rem similem petenti, sed similem venerationem non adhibenti, non fecit, sed eum primò obiurgauit, & petitionem suam repeterè coegit (ut in altera Dominica visum est) ad primam petitionem *surgens Iesus, sequebatur eum*. Sic Chananaeam, diu multumque clamantem, Christus prius audire noluit, quàm *veniens adoraret eum*. Sic Hamorrhœissam, de qua in hoc Euangelio, ad beneficij furtim accepti confessionem euocauit, donec (ut habet Marcus) *venit, & procidit ante eum, & dixit ei omnem veritatem*. Sic Petrus, viso miraculo de multitudine piscium vna iactura comprehensa, *procidit ad genua Iesu, dicens: Exi à me Domine, quia homo peccator ego sum*. Quod ita singulariter Christo placuit, ut statim ei diceret, *Ex hoc eris homines capiens*. Quod eius factum in alio Euangelio tractauimus.

Debetur nempe Deo & sanctis eius externa hæc corporis veneratio: quasi internæ dilectionis & venerationis testimonium. Sicut enim cæteræ cæremoniæ, siue in Sacramentorum usu, siue in toto cultu externo, signa & testimonia sunt, vel gratiæ & beneficiorum Dei erga nos, vel obsequij & reuerentiæ internæ nostræ erga Deum (ut in altero Promptuario Catholico ex varia occasione docuimus) sic veneratio & honor externus interni argumentum est. Nimirum, ut scribit Reuchlinus vir doctissimus, graui nos mole corporis pressi, valde quidem egemus ad somnolenti animi excitationem commouentibus rebus; ut generosus equus longo iam itinere fatigatus, quum classicum personauit, in

Externa corporis reuerentia.

Luce 8.

Marc. 5.

Domin. 20. post Pentecost.

Exempla Marth. 15.

Marc. 5.

Luce 8.

Domini Palma. In festo Purifica. & S. Matthai. Reuchlinus de arte cabalistica.

Simile.

robur erigitur, stare loco nescit, micat auribus. In rebus spiritualibus enervata virtus nostra externis & corporalibus incitamentis seu vocum seu figurarum indiget, ut animi nostri vigor spirituali operi robustius instet, & contemplatio nostra tanto acrius in sublime prouehatur, quanto magis attoniri antea oblitupuerimus. Et in hoc constat omnis caeremoniarum ratio, tam veteris quam noui Testamenti. Ac propterea in veteri Testamento palmas tetenderunt brachia expanderunt, genua flexerunt. In nouo Testamento manus leuamus, orantes nunc stamus, nunc in faciem procidimus, pectus tundimus, frontem cruce signamus. Hæc ille. Quare, ut Deo ac sanctis, honor ac reuerentia, timor & amor animo ac mente debentur, (sic enim quoad sanctos, Aaron & filij Israël videntes splendorem faciei Moyli, timuerunt propè accedere; Saul cepit timere Dauid: videns, quod prudens esset nimis; & Herodes ipse timuit Ioannem Baptistam) sic etiam externa reuerentia neganda non est. Bonus Abdias occurrens Eliæ in via, *cum cognouisset eum, cecidit super faciem suam*. Principes quinquagenarii primus & secundus, quos ad Eliam Prophetam in monte sedentem misit Ochozias Rex, quia ad eum venientes nullo honore exhibito iubent ex Regis mandato ut de monte descendat, igne de cælo consumpti sunt, dicente Eliæ: *Si ego homo Dei sum, descendat ignis de cælo, & deuoret te, & quinquaginta tuos*. Sed quum tertius quinquagenarius venisset, & *curuans genua sua contra Eliam precatuſ esset, dicens, Homo Dei, noli despicere animam meam*, &c. descendit Elias cum eo, & nihil detrimenti accepit. Leo Imperator, veniens ad Danielem Stylitem, in columna perpetuò stantem, ut eum videret, in eius conspectu cadit cum equo supinus, diademate per terram deiecto. Imperator autem hunc equi sui tam repentinum & insolitum casum sibi ipsi imputauit, quod sic ausus fuisset ante eius oculos equo vehi, & quod non pedes procul abiit à sacra columna. Sanctus Nicolaus Myrensis Episcopus, tres ciues iam in patibulo positos, & velata facie statim securi feriendos, sola voce seruauit, ita territo iudice, ut veniam ab eo iniquæ sententiæ supplex ac procidens ante pedes eius peteret. Docere nos hæc exempla possunt, quanta etiam externa viris sanctis in hac etiam vitâ veneratio debeat, quantumque ea vel collata Deo placeat, vel negata displiceat. De externa corporis reuerentia circa Dei cultum iam in alia Dominica diximus.

*Exod. 34.**1. Reg. 18.**Marc 6.**Exempla.**4. Reg. 18.**4. Reg. 1.**In vita S. Da-**niel. apud Sur.**tom. 6. pag. 856.**Ibid. pag. 805.**Doro. 3. post**Epiph. tex. 1.*

2. *Filia mea modò defuncta est.*

Locus moralis de mortis celeritate, horaque incertissima Mortis expectatio.
 perperuò expectanda. Hæc enim Archisynagogi filia
 vnica illi erat, & annorum ferè duodecim, vt scribunt Lucas
 & Marcus, & tamen morbo correpta moritur. Nec ætas te- Luca 8.
Marc. 5.
 nera, nec parentum fortuna lauta, nec educatio mollis, nec
 amicorum copia, à mortis iaculo eam defendere aut libera-
 re potuerunt. Ecce alia mulier huius Euangelij totis duode-
 cim annis ex profluuiio sanguinis laborat: hæc vix duodecim
 annos nata moritur. Vtraque eius nos monet, quod beatus
 Iob in medio dolorum suorum enunciauit: *Homo natus de* Iob 14.
muliere, breui viuens tempore, repletur multis miseriis: qui quasi
flos egreditur & conteritur, & fugit velut umbra, & nūquam Moral. lib. 11.
ca. 27.
in eodem statu permanet. In quæ verba diuus Gregorius: *Quid*
sunt nati homines in mundo, nisi quidam flores in campo? Homo
etenim more floris procedit ex occulto, & subito apparet in pu-
blico; qui statim ex publico per mortem detrahatur ad occultum.
Et nunquā in eodem statu permanet, quia dum infantia ad pue-
ritiam, pueritia ad adolescentiam, adolescentia ad iuuentutem, Vita, præsens
mors quædam
perpetua.
iuuentus ad senectutem, senectus tendit ad mortem, in cursu vita
præsentis ipsis suis augmentis ad detrimenta impellitur; & inde
semper deficit, vnde se proficere in spatium vita credit. Talis igi-
 tur hæc vita præsens est, vt potius cursus ad mortem, in dō &
 mors ipsa, quàm vita dicenda sit. Quod his verbis sapienter
 docet Augustinus: *Ipsū diu viuere quid aliud est, quàm ad fi-* De verb. Dom.
serm. 39.
nem currere? Habuisti hesternum diem, habere vis & crastinum
diem. Sed cū dies iste transierit & crastinus, minus illum ha-
bes. Ideo optas vt luceat dies, vt appropinquet tibi quod non vis
peruenire. Optat tibi amicus multos annos, vis nempe vt ve-
niant anni & anni, & non vis vt veniat finis annorum. Studia
tua contraria sunt. Ambulare vis, & peruenire non vis. Ipsi dies
non sunt, & quomodo tu cum illis vis stare? Hæc ille. Morimur
ergo viuendo, vt bene moriendo viuamus verè. Quare alibi Confess. lib.
1. cap. 6.
de hac vita dicit: Mortalem dicam vitam, an mortem vitalem,
nescio. Sed & in ipsis Scripturis sanctis hanc vitam mortem
potius quàm vitam vocari, idem sapientissimus Doctor ani-
maduertit. Nam super illa Christi verba, Et in iudicium non Ioan. 5.
Tract. 22 in
Ioan.
veniant, sed transeant de morte ad vitam, dicit: In hac vita, quæ
non dum est vita, hinc transimus à morte ad vitam. Quod mox
ex aliis Christi verbis probat: Si enim vita esset ista, non diceret Matth. 19.
Dominus cuidam: Si vis venire ad vitam, serua mandata. Non

Math. 19.

enim ait illi: Si vis venire ad vitam æternam, non addidit atque nam, sed tantum dixit, vitam. Nec vita nominanda est, quæ non est vera vita. Quæ est vera vita, nisi quæ est æterna vita? Quod & statim ex Apostoli verbis ostendit, ubi de diuitibus dicit: *Theaurizent sibi fundamentum bonum in futurum, ut apprehendant veram vitam.* Profecto ista, in qua erant, falsa vita est. Nam ut quid velis apprehendere veram, si iam tenes veram? Si autem apprehendenda est vera, migrandum est à falsa. Hæc ibi rille.

1. Tim. 6.

Et ne quis existimet, vitam hanc præsentem ideo tantum à Scripturis & à sancto Augustino negari esse veram vitam, quia mala est, & peccatis fœdata, miserisq; obnoxia; sed ut intelligamus, ideo præterea non esse veram vitam, sed falsam, adeoque mortem potius quandam, quam veri nominis vitam, hanc quam præsentem vitam vocamus, quia momentanea est, fluxa, & perpetuus ad mortem cursus: unde & ideo eternæ opponitur, ex alia sancti Augustini disputatione ostendetur. Sic enim scribit: *Ex quo quisque in isto corpore moriturus esse cœperit, nunquam in eo non agitur ut mors veniat: quoniam quicquid temporis vivitur, de spacio vivendi demitur, ut omnino nihil sit aliud tempus vitæ huius, quam cursus ad mortem. in quo nemo vel paululum stare, vel aliquando tardius ire permittitur, sed omnes urgentur pari motu, nec diuerso impelluntur accessu. Neque enim, cui vitæ breuior fuit, celerius vitam duxit, quam ille cui longior; sed cum æqualiter æqualia momenta raperentur ambobus, alter habuit propius, alter remotius, quod non impari velocitate uterque currebat. Aliud est autem amplius vitæ peregrisse, aliud tardius ambulasse. Qui ergo usque ad mortem productiora spatia temporis agit, non lentius pergit, sed plus itineris confecit. Porro si ex illo quisque incipit mori, hoc est, esse in morte, ex quo in illo agi cœperit ipsa mors, id est, vitæ detractio, quia cum detrahendo finita fuerit, post mortem iam erit non in morte, profecto ex quo esse incipit in hoc corpore, in morte est.* Hæc ille, manifestè probans, vitam hanc præsentem mortem quandam esse & vitam. In vitæ enim (inquit paulo post) homo est in qua vivit, donec tota detrahatur: in morte autem, quia iam moritur, cui vitæ detrahatur. Si enim non est in vitæ, quid est quod detrahatur? si non est in morte, quid est ipsa vitæ detractio? Est ergo hæc præsens vitæ, vitæ quædam falsa, sed non vera; quia adiunctam habet, quæ non omnibus apparet, perpetuam quandam mortem, id est, sui perpetuam diminutionem absque noua reparatione. Unde appositè D. Gregorius: *Quid aliud est*

De Ciuit. Dei
lib. 13. c. 10.

quo

quotidiana nostra corruptionis defectus, quàm quadam prolixitas mortis? Si fons vnde flumen scaturit, perennis non esset, flumen currendo aresceret; & quo velociùs curreret, eo citius; & sic tale flumē verè diceretur fluere, vereque arescere & exicari. Sed quia fontem perennem habet, vnde quod modò fluxit, statim reparatur, noua semper fluente aqua; ideo flumina verè currunt, & non arescunt; verè viuunt, & non moriuntur, saltem stāte hoc seculo. Atqui hominis vita, quia nihil perenne habet, vnde perpetuò restauretur, sed potius ex contrariis elemētis & corruptilibus constans, sui detrimenti perpetui in se causam habet, ideo uiuit quidem, sed vita moriente, & ad vitæ terminum incessanter currente. Quare quum nemo vigilans & dormiens, languens & sanus, dolens & gaudens simul & semel & iuxta idem dici possit; quodam tamen naturæ miraculo, homo simul & viuens & moriens rectissimè dicitur. Quamuis enim, iuxta communem loquēdi modum, tria hæc verè dicantur, *homo viuens, homo moriēs, & homo mortuus*, quasi tria distincta, quia moriēs nō dicitur, nisi qui mortui proximus animā exhalat; tamen etiā ipse moriens adhuc viuens est; nisi enim adhuc viueret, iam mortuus diceretur, non moriens. Viuendo ergo per totam vitam morimur; sed quia in fine vitæ id magis apparet, tunc demum mori communiter dicimur, vt quum dicimus, *Ille moriens hoc legauit*. Sed, vt eleganter dixit Seneca, *sicut clepsydram non extremum stillicidium exhaurit, sed quicquid antè defluxit, sic vltima hora qua esse desinimus, non sola mortem facit, sed sola consummat*. Est igitur hæc vita mors potius quædam, quàm vita; & falsa vita, non vera: quia nihil habet firmum ac stabile, & in eodem statu non permanet.

August. ibid. cap. 11.

Epist. 24.

Simile.

Sed & *quasi flos egreditur, & fugit velut umbra*, ait sanctus Iob in vltimis verbis duo dicuntur. 1. quòd fugit: 2. quòd in modum vmbre. Fugit, propter vitæ breuitatem: in modum vmbre, propter vmbaticas & falsas eius voluptates. Vtrunque his verbis docet sanctus Chrysostomus: *Dicit aliquis, Homini illius magna est potentia; verū duratura in posterum vsq; diem, & paulo post interitura: quod ita esse ex longè olim potentioribus patet, qui nusquā in presenti apparēt. Nec secus se habet hæc vita, quā somnium aliquod ac scena, qua sublata, rerum illæ omnes varietates dissoluuntur. Et vt radiante sole tolluntur insomnia, sic in fine vitæ cuncta euanescent. Et arbor quidem plantata, domusq; edificata diutius perstant: faber autē qui edificauit, & agricola qui plantauit, citiò abeunt & corrumpuntur. Hec ille.*

Serm. de van. & breu. vita, rom. 5.

Similia.

De verb. Dom.
serm. 49.

ille. Quare vt sapienter scripsit sanctus Augustinus, *Ipsa longa hominis vita tanta breuitate constringitur, ad vniuersi seculi latitudinem, quasi si vna gutta ad vniuersum mare cōparetur.*

Quid, quodd vt sua natura, atque in tota sua latitudine, non nisi breues dies hominis sunt, & vita breuis; ita præterea ipsa vitæ breuitas, mille casibus breuior fiat, nec ad qualemcunque illam suam longitudinem pertingat, sed ea ipsa nihil sit incertius? Quemadmodū enim vasa fictilia æquē sunt obnoxia periculo, siue sint noua, siue diuturna: sic homines equaliter sunt mortales, & interitus periculis expositi, siue sint adolēscētes, & in ætate florenti; siue sint senes, & ætate progressi. Si in figulinā ingressus, videres mensam fictilibus vasis refertam, quibusdā recentibus, quibusdā verō antiquis; aliis magnis, aliis autē paruis; & à figulo quæres, quodnā ex illis est prius frāgendū, certē tibi responderet, quod aliquo prius casu in terram decideret: ita ex hominib⁹ ille prius ē vita decedet, non qui fuerit antiquior, sed quem aliquis casus ad sepulchrū traxit. Nihil est aliud hoc seculū totum quā figulina quēdā, nosque in ea quēdam vasa sumus fictilia, vt sæpe Scriptura loquitur. Sic Propheta regius: *Tanquā vas figuli cōfringes eos.* Sic Esaias: *Comminuetur sicut cōteritur lagena figuli.* Sic Apostolus: *Habemus thesaurum istum in vasis fictilibus.* Ac denique diuus Ioānes: *Tanquā vas figuli cōfringentur.* Nihil ergo hac vita incertius, sicut vasis fictilib⁹ nihil fragilius.

Quemadmodum qui iter faciunt, de solis occasu aliquando non cogitant, & eos nox opprimit incautos; sic mors multos aggreditur de illa minimē cogitantes. Prudēs est ille seruus, qui, quum se à domino dimittendum videt, prior ipse spontē recedit: hoc enim magis honestū, & rebus suis ita melius ac maturius cōsulet. Quum igitur hæc vita certissimē nos deferret, & forrē inopinatos; satius est, vt eius amore deposito, ad eam relinquēdam semper parati simus. Hoc enim & honestius nobis erit, & saluti nostræ multo consultius. Si quis pecuniam creditam soluere creditori molestē ferat, eam præsertim cuius vsum gratuitum acceperit, nōne vir iniustus habebitur? Dedit tibi Deus vitæ spacium, & gratuito dedit, & ad vsum tuum dedit, & quidem ita, vt ea si rectē vtaris, vitam postea æternam consequaris. Si suo iure vsus, creditum, quando vult, & citius quā putabas, reposcit; nec iniquē ferre, nec prorsus mirari deberes, sed cum magna animi alacritate, naturę authori, naturā debitum reddere. Sicut apes, quum vehemēter inter se tumultuantur, iactū pulueris componu

Similia.

Psal. 2.
Esaias 30.
1. Cor. 4.
Apocal. 2.

Similia.

1.
2.

3.

4.

ponuntur: sic nos turbulentis passionibus concitati, memoria pulueris in quem sumus conuertendi, & mortis recordatione, omnes animi motus componere ac sedare poterimus. Quare sapienter diuus Basiliius crucem Christi, vel crucem suam post Christum tollere, (quod omnes qui post Christum venire volunt, & ad gloriam, quam ipse intrauit intrare, facere necesse est) definiuit esse *preparationem ad mortem, & ad hanc presentem vitam affectum non esse, sed ad omne vite periculum pro Christi nomine, id est, pro omni iustitia suscipiendum sedato animo accedere*. Sed de mortis incertitudine ac memoria, huiusque recordationis varia utilitate, iam in alia Dominica copiosè diximus, quæ & huc conferri possunt. Hoc loco etiam ista adicere, propter huius argumenti singularem fructum, visum est.

*Dom. 15. post
Pentec. tex. 2.*

3. *Accessit retrò, & tetigit simbriam vestimenti eius.*

Locus moralis de verecundia & timore, quo ad Deum peccatores accedere par est, ut sanentur. Hec enim profuuo sanguinis laborans graues peccatores denotat, & peccata peccatis addentes, iuxta illud Prophetæ: *Sanguis sanguinem tetigit*. Hoc enim ut inferret, dixerat prius: *Non est veritas, non est misericordia, non est scientia Dei in terra. Maledictum, & mendacium, & homicidium, & furtum, & adulterium inundauerunt*. Sanguinis ergo fluxum spiritualem patitur, qui vel multis peccatis deditus est, ambulans post concupiscentias suas vel vnius peccati cuiuspiam consuetudine victus, idè sepe peccatum repetit. Vterque enim cupiditatis fluxum patitur. De utroque verum est quod Scriptura dicit, *Transferunt in affectum cordis*: quia pecudum more, non rationis ductum, sed cupiditatis impulsu sequuntur. Qui cæco impetu præcipientes in flagitia rapiuntur, nec ullis doctrinæ medicamentis ab hac praua consuetudine reuocantur, isti cupiditatum fluxum patiuntur. Sic affecti, & qui nullis humanis mediis, nec institutis philosophicis, nec propriis naturæ viribus, sanari poterunt, ut ad Christum animarum Medicum accedant, huius mulieris verecundiæ ac timorem in principio conuersionis imitari debent. *Retrò accedere*, non audacter Deum coram compellare: *Non enim iustificabitur in conspectu eius omnis viuens. Vultus enim Dei est super facientes mala, ut perdat de terra memoriam eorum*. A tergo verò, ut scapulis suis obumbret nos, ut proyiciat

*Verecundè ad
Deum accedendum.*

Osee 4.

Psal. 72.

Psal. 142. 33.

Esai. 38.

post

post tergum suum omnia peccata nostra. Si enim peccator viderit faciem Dei, non erit salua anima eius. Quare Dauid sic Deum orat: *Protektor noster aspice Deus, & respice in facie filij tui*. Sic Magdalena peccatrix, accessura ad Christum, retrò pedes eius accessit, eos osculans, lauans, inungens. Sic publicanus non audebat ad cælum oculos leuare, stetitque à longè. Sic Dauid peccatores hortatur: *Effundite coram illo corda vestra*. Agnoscite vos vacuos, omniq̃ue venia ac fauore indignos. Hoc est retrò accedere. Deinde *tangere simbriam vestimenti eius*. Nec Christum comprimere cum turba rudi & indeuota, nec ipsum tãgere, nec totum vestimentũ eius, sed simbriã tantum, & extremam atque infimam vestimenti partem. *Tangit Christum fides paucorum, premit eũ turba multorum*, ait Augustinus. Tangit fides, tangit deuotio, tãgit humilitas. *Multi Dominum comprimunt* (ait Gregorius) *& una tangit: quia carnales quique in Ecclesia eum premunt, à quo longè sunt; & soli tangunt qui huic veraciter humiles adiunguntur*. *Premittit turba carnalium, & non tangit, quia & importuna est per presentiam, & absens per vitam*. Tangit anima fidelis, humilis, & deuota, quia & præsens est pietatè, & grata est præsentiã. Maior tamèn humilitas peccatoris, qui, vt Christum confidentiùs tangat, eius se primũ simbriã submittit. Quod

quale sit, his verbis diuus Bernardus exponit: *Homini peccatori profluium sanguinis patienti nequaquam per seipsum conuenit ad Christum accedere, sed tangere si quam inuenerit eius simbriam. hoc est, considerare hominem quem humilio-rem viderit in Ecclesia, qua est vestis Christi. Eum, inquam, qui elegit abiectus esse in domo Dei, oportet considerare: quoniam is verè est simbria posita in ore vestimenti, ad quam spiritalis unguenti descendens à capite copia tota decurrit. Hunc si beneficijs aliquibus vel prece humili, aut confessione pura tetigerit, vt affectum eius erga se moueat ad cõpatiendum sibi, habeat fidem sine dubitatione saluabitur*. Hæc ille. Hunc superni iudicis timorẽ docuit sanctus Iob, dicens: *Verebar omnia opera mea, sciens quòd non parceres delinquenti: actu videlicet, & delicta non relinquenti*. Debet hic timor, quasi ostiarius quidam; prauas cogitationes abigere, viam & aditum pœnitentiæ patefacere, & sicut acus filum, sic charitatem ceterasq̃ue virtutes introducere. Oprandum esset, eam nos peccatores humilitatem in peccatis nostris habere, quam sancti in suis virtutibus habent. Centurio, vir tantæ fidei quantam in Israël Christus non inuenit, dixit:

Domine,

Psal. 83.

Exempla.

Luca 7.

Luca 18.

Psal. 62.

Serm. 6. de verb.

Domin.

Moral. in Iob,

lib. 2. cap. 15.

Bernard. in libr.

Allegor. ad Luc.

cap. 8.

Iob 9.

Domine, nō sum dignus ut intres sub tectum meum. Multo magis peccator hoc dicat, & sic per fimbriam vestis Christi, per iustorum intercessionem, aditum sibi ad Christum faciat. Matth. 8.

4. *Si tetigero tantū fimbriam vestimenti eius, salua ero.*

Locus moralis de fiducia in Deum, eiusque bonitatem. Fiducia in Dei bonitatem.
Singularis admodum fuit istius mulieris fiducia, spes admirabilis, fides robustissima, quæ, nulla accepta promissione, nullo inuitata præcepto, nullo prouocata exemplo, ex solo fimbriæ Christi contactu, saluam se fore non dubitabat.

Postea quidem huius mulieris exemplo & beneficio admoniti alij obtulerunt Christo malè habentes, & rogabant eum, ut vel fimbriam vestimenti eius tangerent. Sed prima quæ hac fide ad Christum accessit, hæc mulier fuit. Vnde & eius hanc admirabilem fidem tres Euangelistæ diligenter descripserunt, alij postmodum imitati sunt, Christus non factō tantū, in momento illam sanans, ipsoque ut sperabat contactu suæ fimbriæ saluam faciens, verū etiam verbis misericordia plenius honorauit, dicens: *Confide filia. Fides tua te saluā fecit.* Matth. 14.
Marc. 6.

De hac fiducia in Deum virtute iam decies diximus Tamen quia vna hæc est ex illis primarijs virtutibus, quas frequenter commendat & inculcat Redemptor noster, aliqua hîc addemus, prout Deus dabit. Scripturæ sacræ omnem fiduciam extra Deum acerrimis verbis repræhendunt & damnant; & in Deum fiduciam amplissimè commendant. Ne in diuitijs quisquam confidat (præter ea quæ aliàs diximus) monet Sapiens, dicens: *Qui confidit in diuitijs suis, corruet.* Vide Domin. 4.
post Pent. text. 5.
& loca illic annotata. Et alibi quum dixisset, non quid fieri debeat, docens; sed quid fieri soleat, narrans; *Substantia diuitis vrbs roboris eius, & quasi murus validus circumdans eum;* statim subiunxit: *Antequam conueratur, exaltatur cor hominis; & antequam glorificetur, humiliatur.* Fiduciæ falsæ.

Stulti in diuitijs confidentes, exaltantur, ut pereant; iusti cōfidentes in Deo, sic se humiliant, ut à Deo exaltentur. Mulier hæc Evangelica humiliavit se per fiduciam, vsque ad fimbriam vestimenti, & sana facta est. Sed opera medicorum duodecim annis vsa, & in diuitijs suis confisa (erat enim diues & nobilis, ut ex statua ænea, quam postea in huius beneficii memoriam illustrem erexit, conijci potest) sanari tanto tempore non potuit. Alij in magnatum fauore & gratia fiduciam ponunt. Sed illis vide ut Scriptura loquitur:

Va filij desertores, dicit Dominus, qui ambulatis sperantes auxilium in fortitudine Pharaonis, & habentes fiduciam in umbra Euseb. lib. 9.
cap. 14 hist.
Eccles.
Esaia 30.

Simile.

Psalm. 145.

Simile.

Daniel. 5.

Vbi supra.

Ægypti, & erit vobis fortitudo Pharaonis in confusione, & fiducia Ægypti in ignominiam. Sane licet paries novus, & ex lapidibus politis, sibi que invicem aptè coherentibus, hederæ, vt in altum ei adhærens conscendat, sustentaculum non præbet; sed paries per quem hederæ crescat, rudis & inæqualis, rimis ac foraminibus plenus esse debet, vt experientia docet: sic omnino non iusti & timentes Deum, recti & simplices, sed rudes coram Deo & impoliti, scelerum rimis ac rupturis pleni sunt, per quos hederæ instructifera, alij homines impij fiduciam in illis habentes, ad opes, honores, & dignitates in hoc seculo conscendunt. At horum hominum iustitia, qui Deo inimici sunt, firma ac stabilia esse non possunt. Quare iterum Scriptura ad huiusmodi dicit: *Nolite considerare in Principibus, nec in filiis hominum, in quibus non est salus.* Rationem subiungit: *Exibit spiritus eius, & reuertetur in terram suam: in illa die peribunt omnes cogitationes eorum.* Solet Elephas certis arboribus ad dormiendum inniti, quas observant venatores, & eo absente, ita ferra dividunt, vt ad primum bestia nixum cadant; capto mox elephante, qui se subrigere nequit, quum nervos & iuncturas cæterorum animalium non habeat. Tales arbores sunt huius seculi potentes (vt Nabuchodonosori in visione ostensum est) quibus stulti innitentes cadunt, Deo illas succidente; & ita cadunt, vt erigere se vix queant: quia veræ in Deum fiduciæ nervis, veròque charitatis divinæ nexu carent. Quare veram & solidam fiduciam Propheta regius mox in subsequen-
tibus subnectit: *Beatus cuius Deus Iacob adiutor ipsius, spes eius in Domino Deo ipsius; qui fecit cælum & terram, & omnia quæ in eis sunt, id est, qui omnipotens est, & cuius potentia minui non potest. Qui custodit veritatem in seculum, verax & fidelis est in eo quod promittit. Facit iudicium iniuriis patientibus; ne, qui in eum confidunt, ab inimicis opprimantur. Dat escam esurientibus, necessaria subministrat. Dominus solvit compeditos, si fortè aut carcere, aut peccati vinculo detineantur. Dominus illuminat cecos, lumine gratiæ suæ. Dominus erigit elisos, in peccatum fortè prolapsos. Dominus diligit iustos, amplissima virtutis præmia retribuit. Adeò nihil ei deesse potest, vt ad inopiam subleuandam, vt ad copiam suppeditandam, cuius Dominus spes ac fiducia est. Certè omnes penè hymni Davidici hanc virtutem prædicant; & vix vllus reperitur, qui non virtutis huius aut fructus, aut laudes, aut exempla contineat. Prorsus enim ita se res habet. Pro-*
mensura

mensura huius fiduciæ, sua nobis munera Deus largitur. Ait Esaias: *Seruabis pacem Domino; pacem, quia in te spe-* *Esaiæ 25.*
rauimus. Sic David: *Fiat misericordia tua Domine super nos,* *Psal. 32. & 21.*
quemadmodum sperauimus in te. Et alibi: *In te sperauerunt*
Patres nostri: sperauerunt & liberaſti eos. Hinc diuus Cy-
 prianus: *Quantum vas fidei capax afferimus, tantum gratia* *Epist. ad Dona-*
mundantis haurimus. Huc illa promissio pertinet, (vt se cre- *tum.*
 dere affirmat diuus Bernardus) *Omnis locus quem calcauerit* *Serm. de 4. mo.*
pes vester, vester erit. Pede calcamus, quicquid firma fide ac *du orandi.*
 fiducia in Deum apprehendimus. De Susanna ait Scriptura: *Deuter. 11.*
Erat cor eius fiduciam habens in Domino. Vnde & mirabiliter *Daniel. 13.*
 liberata est.

Ratio autem cur tantum apud Deum fiducia valeat, hæc
 esse videtur, quia illa maximè virtute Deum glorificamus,
 multoque magis, quàm vllis verborum præconijs. Qui ex fi-
 ducia in Deum ardua aggreditur, in pericula se conijcere *Simile.*
 non veretur, in rebus etiam deploratissimis optimam de eius
 bonitate ac potentia spem atque fiduciam concipit, ille pro-
 fectò plus quam verbis vllis enarrari queat, Deum glorifi-
 cat. Pharmacopola, qui theriacæ suæ virtutem & efficaciam
 non verbis tantum commendat, sed deuorato coram ser-
 pente, moxque accepta theriaca, venenum expellit, suam
 proculdubio theriacam efficacissimè commendauit: sic glo-
 rificatur à nobis Deus, quum de facto propter fiduciam eius
 nominis ardua aggredimur. Atqui Deus dicit: *Qui glorifi-* *1. Reg. 2.*
cauerit me, & ego glorificabo eum. Sic à contratio Moyſes,
 etsi Dei amicissimus; tamen quia per vnā diffidentiam
 Deum apud aquas contradictionis inhonorauit, bis vide- *Num. 20.*
 licet petram percutiens, & prius populum obiurgans quàm
 percutiens, quum, si verbis Dei eam quam oportuit fidem
 habuisset, nec populū prius obiurgasset, & vnico ictu aquam
 eduxisset, ab ingressu terræ promissionis excluditur, dicente
 statim ad illum & Aaron Deo: *Quia non credidisti mihi, vt*
sanctificaretis me coram filijs Israel, non introducetis hos populos
in terram quam dabo eis. Sicut amantem patrem grauitè *Simile.*
 offendit filius, qui tristis semper & morrens in familia incedit,
 de patris sui benignitate ambigens, & de rebus necessa-
 rijs diffidens: sic in Deum ille grauius peccat, qui tristis &
 pusillanimis in Ecclesia Dei versatur, de eius bonitate diffi-
 dens. De huiusmodi Scriptura sic loquitur: *Et nunc quare* *Mich. 4.*
mœrore contraheris? Nunquid non Rex est tibi, aut consiliarius
tuus periit, quia comprehendis te dolor vt parturientem? Dei
 1 2 potentia

Ierem. 8.

Exemplum.

4. Reg. 6.

Psal. 146.

Domin. 14. post
Pent. text. ult.
Prouer. ult.Vera fiducia
quæ.

1. Ioan. 3.

Lib. de perfect.
iustis.

Hebr. 10.

Rom. 5.

potentia & prouidentia securos nos facere debet. Et per aliū Prophetam: *Nunquid resina non est in Galaad, aut medicus non est ibi? Quare ergo non est obducta cicatrix filia populi mei?* Habemus Christum Medicum, & Sacramentorum eius resinam; de cicatricibus peccatorum curandis dubitare nefas est. Ioram quidem rex Israël, dum grauius Samaria obsideretur, & ad eum mulier quædam clamaret, *Salua me ô Rex*, respondit: *In quo te possum saluare, de area, vel de torculari?* Omnia enim ei subsidia tam vini quàm frumenti defecerant. Talia sunt humana auxilia. Sed area & torcularia Dei nostri non deficiunt, *qui parat terra pluuiam, qui producit in montibus fœnum, & herbam seruituti hominum: qui dat iumentis escam ipsorum.* multo enim fortiùs hominibus, & maximè eum colentibus, ut in alio Euangelio nos docuit, nòsque explicauimus. Mulier fortis in Scripturis laudata, *misit manum suam ad fortia, & digiti eius apprehenderunt fûsum.* Colo implicatur stamen, quod adhuc torquendum manu seu ducendum est. Fuso circumdatur, quod iam ductum & extractum, filumque factum est. Digiti ergo eius apprehendunt fûsum, qui ex bonis operibus iam factis confidit in Deo. Colum cum penso tener, qui cum proposito bene semper operandi sperat in Deo: & ille demum mittit manum ad fortia, pietatis opera heroica atque illustria producit.

Sed hoc in loco ne veræ fiduciæ loco vel hæretica fides specialis, vel (quod idem ferè est) Epicurea præsumptio irrepât; obseruandum diligenter, fidem seu fiduciam, & hîc à Christo, & in tot alijs Scripturis tam vehementer commendatam, non esse fidem aliquam mortuam, informem, aut cum peccati actu coniunctam, sed viuam esse, bonis operibus aut fœcundam, aut certè grauidam. De fiducia impetrandi à Deo quicquid petimus (quæ maxima pars eius est) dicit disertè diuus Ioannes: *Si cor nostrum non reprehenderit nos*, id est, si secundum interiorem hominem non obedi-mus peccato & carni (ut exponit Augustinus) *fiduciam habemus ad Deum; & quicquid petierimus, accipiemus ab eo, quoniam mandata eius custodimus.* Vides huius generis fiduciæ conditionem bis luculenter positam. Sic Paulus positus priùs Hebræorum bonis operibus, de quibus dixit, *Vinctis compassi estis, & rapinam bonorum vestrorum cum gaudio suscepistis;* infert: *Nolite ergo amittere confidentiam vestram.* Rursum de fiducia salutis æternæ & gloriæ quum dixisset Apostolus, *Gloriamur in spe gloriæ filiorum Dei;* & adieciisset, *Spes autem*

non

non confundit; huius spei fundamentum & causam subnectit: Quia charitas Dei diffusa est in cordibus nostris, &c. Charitatis ergo præsentia, quæ opere probatur, (Diligere enim debemus non lingua & verbo tantum, sed opere & veritate) fiduciæ fundamentum est. Hac de causa diuus Iacobus hominem inanem vocat, cuius fides non habet opera. Quod explicans sanctus Augustinus, scripsit: Discerne fidem tuam à De fide demonum, qui timent & spem non habent. Adde ergo fidei spem. Et quæ spes est, nisi de aliqua conscientia bonitate? Adde ergo spei charitatem. Hæc ille, veram spem & fiduciam docens. Rursum Paulus, quum diuites iussisset non sperare in incerto diuitiarum, sed in Deo viuo, qui præstat nobis omnia abundè ad fruendum; qualis hæc spes esse debeat, & in quo fundata, docet, subiungens; diuites fieri in bonis operibus, quod postea vocat, thesaurizare sibi bonum fundamentum. Sic & ad Titum scribit: Ut curent bonis operibus præesse qui credunt Deo: alioqui videlicet frustra & inaniter credituri. Quare & verus Scriptura dicit: Sacrificate sacrificium iustitiæ, & sperate in Domino. Illud præcedat, vt hoc sequatur. Sic beatus Iob: Quæ spes hypocritæ si auarè rapiat? Nunquid Deus audiet clamorem eius? Quare necesse est fieri, quod scripsit iuxta tot Scripturas sanctus Augustinus: Qui vult habere bonam spem, habeat bonam conscientiam. Hanc vt habeat, credat & operetur. Quod enim de vno virtutis ac pietatis genere Paulus dixit; Qui benè ministrauerint, gradum bonum acquirant, & multam fiduciam in fide, quæ est in Christo Iesu; hoc de omni pietatis opere intelligendum est. Mulier hæc in isto Euangelio, vt Christum cum fiducia tangeret, multas adiunctas virtutes habuit. Habuit verecundiam, timorem, humilitatē, retrò accedens. Habuit operis laborem, vt per turbas ad simbræ tactum perueniret. Habuit pudoris sui confessionem, quum procidens ad pedes Christi, omnem illi veritatem diceret, vt scribit Marcus. Habuit de potentia & bonitate Christi fidem & charitatem, quæ eam, vt sic accederet, compulerunt. Hæc fiducia accessit, & hæc eam fides saluam fecit. Tam hæreticorum hodie fiducia & specialis fides, seu certitudo gratiæ, quam ponunt, quam quorumlibet impiorum Epicurea præsumptio, præmit Christum cum turba, & nullum ex eo fructum capit. At fiducia Catholica, & orthodoxa, & piā, cum timore & tremore, cum bonis operibus & vitæ innocentia coniuncta, sic tangit Christum, vt virtutem ab illo exeuntem capiat. Talem fiduciam commendant

Hæmorrhoiſæ fiducia plena virtutibus.

Marc. 5.

Locus contra hæreticos.

Scripturæ : & hæc illa est , cui amplissimæ promissiones de perpetuo Dei adiutorio repositæ sunt.

5. *Et deridebant illum.*

Mundi ludibria
despicienda.

Locus moralis de mundi huius ludibriis circa pietatis opera prorsus contemnendis. Isti tibicines , & reliqua turba popularis , quæ exanime corpus circumstabant , audito Christi verbo , planè diuino ac mystico ; *Non est puella mortua, sed dormit* ; crassè rem intelligentes , quod ignorant , derident. Christus nihilominus illis loco ciecctis , quia non erāt margaritæ proiciendæ ante porcos , in pio suo opere progreditur , & puellam mortuam resuscitat. Ioseph à fratribus suis somniator , per contumeliam & irrisiōem , vocatur. Is nihilominus in summa autoritate & rerum affluentia positus , indigentibus fratribus , diræque fame oppressis , liberaliter & amanter subuenire non destitit. Dauidem ante arcam Dei totis viribus saltantem , deridet Michol. At ille ei respōdit : *Viuat Dominus, quia ludam; & vilior sum, plus quàm factus sum, & ero humilis in oculis meis.* Populus alienigena Iudæos templum reedificantes derident , & omnibus quibus possent modis impediunt. Illi tamen *vnā manu opus faciebant, altera gladium tenebant.* Iusti enim vna manu operantur , altera patientiam tenent. Vox impiorum de iustis est : *Nos vitam eorum reputabamus insaniam.* Et apud Apostolum inter cæteras iustorum cruces hoc ponitur : *Alij ludibria & verbera experti.* Non est lucis viriū , quod lucifugæ illam fugiunt , sed laus. Temerarium est iudicare non audita vtræque parte. Mundani voluptates & ineptias mudanas præferunt continentia & grauitati spiritali , quia nihil adhuc de Spiritu gustauerunt. Si de Spiritu gustassent , & eius voces audissent , mundum certè maximè deriderent , & pro spiritu contra carnem iudicarent. Nunc verò homini carnali tota ratio iudicandi est consuetudo cernendi. Quare proprium est malorum , bonos irridere. Sic docet Scriptura : *Ambulans recto itinere, & timens Deum, despicitur ab eo qui infami graditur via.* Et iterum : *Abominantur impij eos qui in recta via sunt.* Sed totum hoc nihili pēdendum est. Nullam habet autoritatem illa censura , vbi , qui damnatus est , damnat. Quum mali bonos de rectè factis irrident , idem est , ac si cæci videntes , claudi rectè incedentes , ægroti sanos irriderent. Non est vituperium solis , si noctua eius lucem vel non aspiciat vel despiciat. Imò à populari turba & seculi amatori-

Exempla.

1. Reg. 6.

1. Esdr. 4.

Sapient. 5.

Hebr. 12.

Similia.

Ioan. 3.

Proverb. 14.

Proverb. 29.

Similia.

amatoribus laudari, vituperij loco vir sapiens habebit. Vnde Antisthenes Philosophus, quum se à populo vehementer laudari, ab amicis intelligeret, respondit: *Quid enim mali fecit* Ezechias Rex Iudæis præcepit, ne responderent Assyriis, qui irridebant Deum & populum eius, ne in grauiores blasphemias prolaberetur. Quemadmodum enim aqua frigida in ollam bullientem coniecta, eius æstum & feruorem comprimit: sic silentium & neglectus improprij irrisorum contumelias & blasphemorum malitiam intercludit. Vnde Ecclesiasticus: *Non incendas carbones peccatoris.* Et regius Propheta: *Cum consisteret aduersum me peccator, obmutui, & humiliatus sum, & silui à bonis.* Nec enim sic Olympiæ porticus Heptaphonon dictus, suum echo septies replicat, sicut irrisor contumeliosus, nisi silentio comprimatur, maledictis maledicta congerit. Contemnenda igitur impiorum hominum ludibria, non solum quia vana sunt, sed etiã vt modus illis imponatur, paxque nostra conseruetur.

Cenè vt scientia neminem habet inimicum, nisi ignorantem; sic nec virtus, nisi vitiis indulgentem. Quum Christus de contemptu mundi & diuitiarum dissereret, *Pharisæi haud audientes eum irridebant, quia auari erant.* Aliàs quoque, quum contra hypocritism multa dixisset, & illi, *audito hoc verbo, scandalizati essent,* dicit suis Christus: *Sinite illos. Caci sunt, & duces cæcorum.* Rursum differente eo de bono pastore & mercenario, ac de nouo ouili, dixerunt Iudæi: *Demonium habet, & insanit. Quid eum auditis?* Quum Apostoli, accepto Spiritu sancto, loquerentur variis linguis magnalia Dei, multi irridentes, dicebant, *quia multo pleni sunt isti.* Paulo coram Festo præside de Christo mediatore, & resurrectione mortuorum disputante, *Festus magna voce dixit: Insanis Paule, multa te littera ad insaniam adduxerunt.* Sed & de tota doctrina religionis Christianæ dicit Paulus: *Prædicamus Christum crucifixum, Iudæis quidem scandalum, Gentibus autem stultitiam.* Et iterum: *Verbum crucis pereuntibus quidem stultitia est.* Quare & ille Athenis in Areopago Christi fidem annuncians, & resurrectionem mortuorum docens, à plerisque irridetur, dicentibus: *Quid sibi vult seminare verbum hic?* quasi dicas, nugator, garrulus. Denique propter superbas infidelium contumelias & irrisiones, scribens ad Romanos dixit: *Non erubescio Euangelium.* vtcunque videlicet à permultis irrideatur. Quum Propheta à Deo missus ad Principem Iehu cum aliis magnatibus confidentem veniret,

Laert. lib. 6.

Apophtegma.

Esaia 36.

Ecclesi.

Psal. 38.

Exempla.

Luca 26.

Matth. 15.

Ioan 10.

Actor. 2.

Actor. 26.

1. Corint. 1.

Actor. 17.

Roman. 1.

4. Reg. 9.

Tob. 2.

Iob 12.

Tob. 2.

3. Domin. 3. Ad-
nent. tex. 1.Domin. passio.
tex. 3. & 6.Domin. 3. post
Pentecost. tex. 2.
& Domin. 5.
post Pent. text. 3.Domin. 16. post
Pentec. tex. 2.Dei opera lau-
de proseguenda.
Luca 8.

niret, cum in regem venturus, dicunt ei ceteri magnates à Propheta redeunt: *Quid venit insanus iste ad te?* Ita viri Dei huius mundi magnatibus insanire videntur, Parentes & cognati Tobia irridebant vitam eius, dicentes: *Vbi est spes tua, quæ eleemosynas & sepulturas faciebas?* Adeò verum est quod dixit sanctus Iob: *Deridetur iusti simplicitas.* sicut & ipse se dixit derisum ab amicis suis. Proflus igitur contemnent pii, si ab impiis deridentur, dicentes cum bono Tobia: *Nos filij sanctorum sumus, & vitam illam expectamus, quam Deus daturus est ijs, qui fidem suam nunquam mutant ab eo.* Ad hunc locum referri possunt, quæ de vano & temerario mundi iudicio, de contumeliis & maledictis patienter ferendis, de maleuolo impiorum iudicio, de lingua maledica & detractione, de conuitiis proximo illatis, de hypocritica & maleuola reprehensione in variis iam* Euangelis depròpta sunt.

6. Et exijt fama hæc in vniuersam terram illam.

LO C V S moralis de operibus & beneficiis Dei summa laude prædicandis. Christus quidem (vt est apud diuum Lucam) suscitata à mortuis puella, *Præcepit parentibus ne alicui dicerent quod factum erat :* documentum præbens, à nobis quidem gloriam fugiendam, vanæque laudis ostentationem omnibus modis abdicandam esse. Hic tamen apud Matthæum miraculi fama percrebuit, & Christi nomen ac laudem per vniuersam regionem illam publicauit : quo docemur, aliorum bona opera, maximè autem Dei in nos beneficia accuratè laudare, & quauis data occasione passim prædicare. Sic sanctus Dauid Dei beneficia & opera mirabilia, quæ maioribus suis in Ægypto, in deserto, in terra Chanaan; quæ sibi etiam affluenter contulerat, in variis Psalmis studiosè commemorat, copiosè prædicat, & maximis extollit laudibus.

Psal. 104. 9. 21.
65.Exod. 18.
Deuter. 9.

Tob. 12.

Sed & alios ad id pietatis genus cohortatur: *Narrate (inquit) omnes mirabilia eius.* Et de seipso ait: *Narrabo mirabilia tua.* Et iterum: *Narrabo nomen tuum fratribus meis.* Et rursus: *Venite & audite omnes qui timetis Deum, & narrabo quanta fecit anima mea.* Sic Moyses narrauit Ietro cognato suo omnia quæ fecerat Deus populo Israël. Sed & Deus Iudæis in mandatis dedit, vt narrarent mirabilia Dei, & præcepta eius filiis suis ac posteris suis. Sic Angelus Raphaël ad Tobiam: *Vos autem benedicite Deum cæli; & narrate omnia mirabilia eius.* Sacramentum enim Regis abscondere bonum est: *opera autem Dei reuelare & confiteri, honorificum est.* Paulus & Barna-

& Barnabas in concilio Apostolorum & Seniorum narra- *Act. 15.*
bant quanta fecisset Deus signa & prodigia in Gentibus per eos. Concil. Carth. 4.
 Hinc & in Ecclesia Catholica sanctissima manavit consue- *Can. 41.*
 tudo, vt passionibus martyrum, & mirabilia opera eorum, tum
 in Ecclesiis publicè recitarentur, tum etiam certis ad hoc *Cyprian. lib. 3.*
 constitutis notariis in registris & scriniis Ecclesiæ publicis *epist. 6.*
 conseruarentur: quod Romana Ecclesia studiosissimè sem-
 per obseruauit: quod suo tempore, & in sua diœcesi negli-
 gentius factum, à se correctum fuisse, scribit sanctus Augu- *De Ciuit. Dei.*
 stinus: *Apud nos (inquit) hæc nunc cœpit diligentia, vt libelli lib. 22, cap. 2.*
eorum qui beneficia percipiunt, recitentur in populo. Cantica
 Moylis, & Mariæ sororis eius, Deborah, Esaiæ, Annæ, Iu-
 dith, Tobia, Abacuc, Zachariæ, Simeonis, atque ipsius
 beatissimæ Virginis, nihil aliud sunt, quàm cantica lau-
 dum, & enarratio mirabilium Dei, quæ ad eius amorem
 nos prouocent.

EVANGELIUM DOMINICÆ

XXIIII. POST PENTECOSTEN.



VM videritis abominationem desolationis *Matth. 24.*
 qua dicta est à Daniele Propheta, stantem
 in loco sancto (qui legit intelligat) tunc qui
 in Iudæa sunt, fugiant ad montes: & qui in
 tecto, non descendat tollere aliquid de domo
 sua: & qui in agro, non reuertatur tollere tunicam suam.
 Væ autem pregnantibus & nutrientibus in illis diebus.
 Orate autem vt non fiat fuga vestra in hyeme, vel sabba-
 tho. Erit enim tunc tribulatio magna, qualis non fuit ab
 initio mundi vsque modò, neque fiet. Et nisi breuiati fuif-
 sent dies illi, non fieret salua omnis caro: sed propter ele-
 ctos breuiabuntur dies illi. Tunc si quis vobis dixerit, ecce
 hic est Christus, aut illic, nolite credere. Surgent enim
 pseudochristi, & pseudopropheta: & dabunt signa magna
 & prodigia, ita, vt in errorem inducantur (si fieri potest)
 etiam electi. Ecce prædixi vobis. Si ergo dixerint vobis, ecce
 in deserto est, nolite exire: ecce in penetralibus, nolite
 credere. Sicut enim fulgur exit ab Oriente, & patet vsque

in Occidentem, ita erit & aduentus filij hominis. Vbicunque fuerit corpus, ibi congregabuntur & aquila. Statim autem post tribulationem dierum illorum, sol obscurabitur, & luna non dabit lumen suum, & stella cadent de cælo, & virtutes cælorum commouebuntur: & tunc parebit signum filij hominis in cælo: & tunc plangent omnes tribus terra; & videbunt filium hominis venientem in nubibus cæli, cum virtute multa & maiestate. Et mittet Angelos suos cum turba & voce magna: & congregabunt electos eius à quatuor ventis, à summis cælorum vsque ad terminos eorum. Ab arbore autem ficis discite parabolam. Cum iam ramus eius tener fuerit, & folia nata, scitis quia prope est æstas. Ita & vos, quum videritis hæc omnia, scitote, quia prope est in ianuis. Amen dico vobis, quia non præteribit generatio hæc, donec omnia hæc fiant. Cælum & terra transibunt, verba autem mea non præteribunt.

PERICOPE moralis huius Euangelij.

1. *Tunc qui in Iudæa sunt, fugiant ad montes. De bonitate & clementia Dei erga suos, qui in tribulationibus auxilium adfert opportunum.*
2. *Orate ut fuga vestra non fiat in hyeme, vel in sabbatho. Contra frigidus & ignauus, qui persecutionis aut mortis tempore pereunt.*
3. *Eric enim tunc tribulatio magna, qualis non fuit ab initio mundi vsque modo, neque fiet. De admirabili iustitia & vindicta Dei contra peccatores ingratos.*
4. *Surgent pseudochristi & pseudoprophete, & d. bunt signa magna & prodigia, ita ut in errorem inducantur, si fieri potest, etiam electi. De fidei constantia in quauis persecutione, maxime hæreticorum & Antichristi, retinenda.*
5. *Sol obscurabitur, & luna non dabit lumen suum, & stella cadent de cælo, & virtutes cælorum commouebuntur. De Dei benignitate, quæ nos malorum ceruicibus nostris impendentium admonet.*
6. *Et tunc parebit signum filij hominis in cælo, & tunc plangent omnes tribus terra. De extremi iudicii apparatu, maxime in signo sanctæ Crucis, impii terribili.*
7. *Et videbunt filium hominis venientem in nubibus cæli, cum virtute magna & maiestate. De supremi Iudicii aduentu supremo.*

1. Tunc qui in Iudæa sunt, fugiant ad montes.

Tribulationi
auxilium ad-
iungitur.

LO C V S moralis de bonitate & clementia Dei erga suos, qui in tribulationibus auxilium adfert opportunum. Hæc enim verba Christus dixit ad consolationem & instru-

ctionem

ctionem eorum, qui ex fidelibus Hierosolymistunc, atque in Iudæa essent, quando abominatio desolationis à Daniele prædicta fieret in templo, id est, quando seditiosi Zelotæ, duce Eleazaro, templum amati occuparent, multaq; in eo indignissima ac nefanda perpetrarent, Cestio Romanorum duce cum suo exercitu Hierosolymam obsidente, vt latè apud Iosephum videre licet. monet enim, vt tunc propter appropinquantem desolationem ciuitatis fugerent, vt ex verbis diui Lucae hæc verba iuxta literam intelligenda esse manifestè patet, Aut enim apud Lucam Christus: *Cum videritis circumdari ab exercitu Ierusalem, tunc scitote quoniam appropinquauit desolatio eius.* Cestio enim cum exercitu obsidete Ierusalem, sed incassum & frustra, eo recedente, seditiosorum creuit audacia, vt templum ipsum cōtra suos populares quasi arcem occuparent, & Ananum summum Pōtūicem, inde eos cum populari manu exturbare volentem, occiderent: vnde paulo post à Tito sic obsidetur, vt penitus excinderetur. Sed de hoc medio tempore dicit Christus: *Tunc qui in Iudæa sunt* (vniuersam enim illam paulo post Vespasianus vastauit) *fugiāt ad montes:* id est, ad terram montuosam vltra Iordanem, in ciuitate Pella, vbi Agrippa, Iudæorum amicus, & Romanorum socius, dominabatur. In hac enim ciuitate seruati sunt, quotquot ex Iudæis seruabantur, seu iam Christianis, seu fortasse futuris. Docet ergo hic locus ad literā, Dei nostri bonitatem & prouidentiam suauiter omnia disponentem, qua sic iustos tentat, & ad tribulationes vocat, vt tamen remedia & consolationes, refugia & receptacula illis paret. Sic quum bonus Iacob cum tota sua progenie numerosa, solus tunc Dei populus, in terra Chanaan fame periturus videretur, prospexit ei de Ioseph (quem periisse putabat) qui in vniuersa Ægypto dominaretur, patremque suum, fratres, & paruulos eorum abundè pasceret. Hanc Dei bonitatem ipse Ioseph, à fratribus suis iniquissimè venditus, illis exposuit: *Premisit me* (inquit) *Deus, vt reseruemini super terram, & escas ad viuendum habere possitis. Non vestro consilio, sed Dei voluntate huc missus sum, qui fecit me quasi patrem Pharaonis, & dominum vniuersæ domus eius, ac principem in omni terra Ægypti.* Sic ipsi Iosepho, quum fratres eius Ismaelitis illum vendidissent, statim parauit Paripharem, virum nobilem, qui illum diligeret, & totam ei familiam committeret. Ionas quum in tribulationem & tempestatem incidit, parauit illi Dominus cete grande, vt illum exciperet & custodiret.

De bello Iudaico, lib. 2. c. 24. & lib. 4. ca. 5. & seqq.
Luca 21.

Niceph. lib. 3. ca. 3.

Exempla.

Genes 45.

Gen. 37.

Ion. 1.

3. Reg. 19.

1. Reg. 20 &
seqq.

1. Reg. 25.

Simile.

Psal. 36.

Esaia 3.

Rom. 9.

Socra. lib. 7. c. 18.
hijtor. Eccles.Paulus Diac.
lib. 15.In Quadrilogo
de vita eius, lib.
2. ca. 14.

Matth. 10.

Elia Iesabelem fugiente, & in speluncis se abdente, mandauit Deus coruo, qui pasceret eum. Dauidi potentiam Saulis per aliquot annos fugienti, nunquam defuerunt speluncę, loca tuta, vires & auxilia, quibus se à potentissimo & acerrimo hoste tutaretur. Sed quod illi vni dixit prudens fœmina Abigail, de omnibus iustis afflictis verum est: *Erit anima tua custodita quasi in sacculo viuentium, apud Dominum Deum tuum*: porro impiorum anima rotabitur, quasi in impetu & circulo funde. Sicut enim corpora rotunda, quum sint figurę sphericę, in omni loco sedent, & situm habent; sic iusto & forti omne solum patria est, Deus enim manum ponit, vt sedem illi cōmodam faciat, iuxta illud Psalmistę: *Cum ceciderit, non collidetur, quia Dominus supponit manum suam*. Et rursum alius Propheta ait: *Dicite iusto, quoniam bene*. Siue in exilium, siue in carcerem eat, siue æger, siue sanus sit; siue ab hominibus honoratus, siue despectus; dicite illi, quoniam benè cum eo ageretur. *Diligētibus Deum omnia cooperātur in bonum*. Quum in Perside acerbissima esset persecutio Christianorū, in Oriente sub Imperatoribus Christianis tutissima perfugia habebant. Adeò sanè, vt quum fugitiuos suos à Theodosio iuniore rex Persarum repeteret; non solum eos illi negaret Imperator Christianus, sed & bellum eam causa cōtra Persas gereret, ac nobilissimas victorias reportaret. Quum in Oriente Imperatores hæretici Catholicos suis sedibus pellerent, in Occidente semper quò se tutò reciperent, habebant; adeò sanè, vt vnus Symmachus Romanus Pontifex, Episcopos 220. Africa pullos, in Sardinia suis sumptibus aleret. Quò in genere etiam illustre illud est, quòd quum Hêricus 2. Anglorum rex, in odium fortissimi pastoris sancti Thomę Cantuariensis Archiepiscopi, tunc in Gallia, eo quòd Regis iniquissimis legibus consensum negauerat, exulantis; vniuersam cognationem eius, etiam à paruulis vsque ad senes, in exilium eiecisset, omnibus rebus nudatos; tamen praestante Domino, omnibus sic prouisum est in breui, vt inter illos egens nullus esset: plurimi etiam felicius in exilio, quàm in patria degerent, ipso Archiepiscopo eos per diuersas provincias ac personas per literas commendante, nemineq; commendatos respuente.

Certè quum Christus in Euangelio suis dixerit: *Si persequuti vos fuerint de vna ciuitate, fugite in aliam*: prouidit haud dubiè semper ac prouidebit, ne vnquam aliqua ciuitas desit, ad quam fugerent. Nam & ideo subiunxit: *Amen dico vobis, non consummabitis ciuitates Israel, donec veniat filius hominis*.

Quod

Quod ut de prædicatione verbi vsque ad finem seculi dilata-
 anda, atque prædicatorum persecutione intelligitur, ita de
 ciuitatibus refugij (illæ enim sunt veræ ciuitates Israel, nō se-
 cundum carnem, sed secundum spiritum) intelligi debet. Cer-
 tē de grauissima & vltima Ecclesiæ Dei sub Antichristo per-
 secutione, docet nos diuus Ioannes, nec tunc quidem ciui-
 tates per fugij fidelibus defuturas. Ait enim: *Draco stetit ante* Apocal. 12.
mulierem, qua erat paritura, &c. Et mulier fugit in solitudinem,
vbi habebat locum paratum à Deo, ut ibi pascat eam diebus mil-
le ducentis sexaginta. quod est triennium cum dimidio perse-
 cutionis Antichristianæ. Sub Caio Rom. Pontifice plurimi In Gestis eius.
 Christiani cum Chromatio & Tiburtio viris petentibus se-
 cedebant, persecutionem declinantes, quibus de necessariis
 Deus prospexit. Gregorius Thaumaturgus, Episcopus Neo-
 cæsariensis, quū graui oborta persecutione dira contra Chri-
 stianos edicta emitteretur, populum suum in præaltum mon-
 tem perduxit, vbi vsque ad persecutionis remissionem, diui-
 na eos prouidentia aluit, & conseruauit. Idem legere licet in
 vita sancti Lupi, Trecentis in Gallia Episcopi, & sancti Priua-
 ti Episcopi Gabalitani. Antiocho Epiphane in Iudæa sæuien-
 te, & gentilismum introducere conante, infinita Iudæorum
 examina (teste diuo Hieronymo) cum Onia Pontifice in Gregor. Nyssen.
in vita eius.
 Ægyptum se receperunt, vbi eos Deus salua religione diu
 conseruauit. Certē Daniele ex fidelium communi senten-
 tia sic interpretatur idem Doctor sapientissimus, quod Anti-
 christus Idumæam & Moabitas, & filios Ammon, id est, Ara-
 biam relinquet intacta, quia illuc sancti ad deserta confu-
 gient. Sanè vna hodie Anglicana persecutio, iam per annos
 triginta sæuiens, documento esse potest, nunquam deesse
 montes, ad quos, qui in Iudæa sunt, fugiant; quum & in hoc
 Belgio, & in Gallia, & in Hispania, & in ipsa vrbe Roma An-
 gli pro fide exules, sedes & domicilia sua, Deo prouidente,
 vtcunque posuerint. Comment. in
Daniel. 11.

2. *Orate ut fuga vestra non fiat in hyeme vel in sab-
 batho.*

Locus moralis contra frigidus & ignauos, qui persecutio-
 nis aut mortis tempore pereunt. Etsi enim Christus hæc Contra ignauā
& procrastina-
tionem.
 verba propriè de fuga Iudæorum corporali ex ipsa Iudæa,
 imminente Ierosolymæ obsidione loquutus est, monens
 eos,

eos, orandum, & diligenter curandum esse, ne ad talem fugam imparati inueniantur, vel ex incredulitate quadam, vel ex ignauia & torpore (hyemem enim & sabbathum proverbialiter & parabolicè Christus hic accipit, pro eo quod figuratiuè significant) tamen & ad quamcunque persecutionem, afflictionem, maximeque mortem ipsam, quæ vltimum discrimen est in hac vita (sicut Hierosolymæ excidium vltimum illud fuit, à quo suos fugere Christus hic monuit) applicari illa possunt, sanctique Patres applicauerunt. Sic sanctus Hilarius, *Orandum, inquit, ne in peccatorum frigore, aut in otio bonorum operum inueniamur, quia grauis vexatio incumbet.*

Can. 35. in

Matth.

Quest. Euang.

1. ca. 37.

Sic & sanctus Augustinus: *Orare nos iubet, ne in latiria, vel tristitia rerum temporalium quis inueniatur in die illo, ne vel amore habendi, vel tristitia amittendi bona temporalia teneamur.* Tales enim ad fugam expediti esse non possunt; Sanctus Cyprianus causas commemorans, cur in graui sui temporis persecutione tam multi remanentes domi suæ, nec vel ab infideli Principe fugere, vel carcerem & tormenta manentes subire volentes, lapsi fuerint, Christum abiurgantes, inter alia hæc dicit: *Diffimulanda, fratres, veritas non est, nec vulneris materia & causa reticenda. Decepit multos patrimonij sui amor cæcus. Nec ad recedendum parati aut expediti esse potuerunt, quos facultates suæ velut compedes ligauerunt. Illa fuerunt remanentibus vincula; illa catenæ quibus & virtus retardata est, & fides pressa, & mens vincula, & anima præclusa, vt serpenti, terram secundum Dei sententiam deuoranti: præda & cibus fierent, qui terrestribus inhaerent.* Hæc ille. Qui ergo ad fugam persecutionis expeditus esse vult, in ipsa pace ad eam se comparare debet, vt in alia quadam Dominica latius deduximus.

Serm. 5. de
lapsis.

Idem iudicium est de quauis tribulatione, qua in hac vita carere non possumus; & maximè de morte ipsa, ad quā nunquam imparati esse debemus: quæ & est iudicium cuiusque particulare, cuius imago excidium Hierosolymitanum, de quo Christus hic loquitur, fuit. Vnde hæc Christi verba ad mortis necessariam præmeditationem sanctus Gregorius sapienter vertit. *Nos (inquit) nunc sollicitè cogitemus, ne nobis in vacuum tempora pereant, & tunc queramus ad bene agendum viuere, cum iam cōpellimur de corpore exire. Memōtote quid veritas dicat: Orate ne fiat fuga vestra hyeme vel sabbatho. Ac si apertè dicat: Videte ne tunc queratis peccata vestra fugere, quā-*

Præparatio ad
mortem neces-
saria.

Homil. 12 in
Euangelia.

*do iam non licet ambulare. Per legis quippe mandatum ambulare longius sabbatho non licet. Hiems quoque ad ambulandum impedimento est, quia gressus ambulantiū, torpor frigoris astringit. Illud ergo tempus quo fugere non licet modò debet cogitari dū licet. Hæc ille. Et centè verbis proximè præcedentibus in nostro Evangelio, Christus idem insinuat, dicens: *Væ pręnantibus & nutriendis in illis diebus. Non enim* (ait sanctus Hilarius) *de foetarū onere Dominū admonuisse credendum est, sed animarū peccatis repletarum ostendisse gravitatem. Illud quoque, Væ illis, qui nutrietur, infirmitatem animarum qua ad cognitionem Dei, quasi lacte, educantur, ostendit. Et idcirco vā ipsi erit, quia ad fugiendū graues, & ad sustinendum imperite, nec peccata effugerūt, nec cibum veri panis acceperunt. Hæc ille. Væ igitur illis, qui instanti mortis agone, salutaris vitæ propositum concipiunt, existimantes posse se in media hyeme indeuotionis frigidissimæ, & in summo otio atque torpore fugere à ventura iudicis ira, fugere à peccato, fugere ex hac miserię valle ad portum beatę mortis. Ante oculos semper illa beati Iob sententia tenenda est: *Si repente interroget, quis respondebit ei?* Repentè Dominus interrogat, cū hominem in hora mortis imparatum, multisque sceleribus irretitum inuenit. Deinde vide an illud tempus ad fugam peccati, ad fugam seculi, ad fugam cupiditatum tuarum idoneum esse possit, quando te tot malis habitibus præoccupatum, grauatū, atque deuictū horror mortis inuadet, dæmonum vexatio torquebit, conscientię apertus liber terribiliter accusabit; & ab altera parte vxor deflet, paruuli plangunt, familia pertremuit, amici gemunt, medici vadunt & redeunt, ingrediuntur & egrediuntur, alia atque alia subinde medicamenta (quibus vana vitæ spes lactatur, & conuersionis necessitas retardatur) nihil profutura subministrant, corporis denique ipsius dolores, ætus, cruciatus, ipsaque imbecillitas vsque adeò mentem occupatam tenet, vt vix aliud cogitare possit, quàm quod in præsentī acriter pungit. Quisquis hoc tempore peccatum deferere vult, is verè in sabbatho atque in hyeme, hoc est, tempore valde difficili, fugam meditatūr.**

Accedit ad hæc omnia terribile Dei iudicium, qui in tali demum articulo pœnitentes plerunque iusto suo iudicio deserit, vt in aliis iam Dominicis dictum est. Sed huius nunc rei exemplum vnum aut alterum satis illustre subiiciam. Antiochus Epiphanes, Asiæ Rex, qui tot actanta mala

*Cant. 23 in
Matt.*

Iob 9.

*Impœnitentes
à Deo deseruntur.*

malâ Iudæis. Dei populo, intulerat, templum spoliauerat, religionem vniuersam, introducto Gentilismo, subnertere cōtendērar, acerbissimo tandem viscerum & internoiū dolore à Deo percussus, manifestamque Dei virtutē in seipso contestans, ita vt de miseri corpore vermes scaturirent, cum nec iam ipse fœtorem suum ferre posset, morti se appropinquare videns, in has pœnitentiæ voces erupit: *lustum est, subditū esse Deo, & mortalem non paria Deo sentire.* Deinde, *Ierosolymam optat liberam reddere, Iudaos aequales Atheniensibus facere pollicetur, templum sanctum optimis donis ornaturum, sancta vasa multiplicaturum, pertinentes ad sacrificia sumptus de redditibus suis se prastaturum, super hac & Iudeum se futurum, & omnem locum terra perambulaturum, & predicaturū Dei potestatem, Quid ad huius Regis pœnitentiā adijci posse videtur: Et tamen dicit sermo diuinus: Orabat scelestus Dominum, à quo non esset misericordiam consecuturus.* Alterum exemplum ex diuo Gregorio huc describam. Rem (inquit) *fratres charissimi, refero, quam si attentē audire vult charitas vestra, ex consideratione illius vehementer instruetur.* Quidam vir nobilis in Valeria prouincia, nomine Chrsaurius, fuit, vir valdē idoneus, sed tam plenus vitij, quā rebus, superbia tumidus, carnis suæ voluptatibus subditus, in acquirendis rebus auaritia facibus accensus. Sed cum tot malis Dominus finem imponere decreuisset, corporis languore percussus est. Qui ad extremum veniens, eadem hora, qua iam de corpore erat exiturus, apertis oculis vidit tetros & nigerrimos spiritus coram se assistere, & vehementer immineere, ut ad inferni claustra se raperent. Cœpis tremere, palleſcere, sudare, & magnis vocibus inducias petere, filiūque suum, nomine Maximum (quem ipse iam monachus monachum vidi) nimij & turbatis clamoribus vocare, *Maxime curre, Maxime curre; nunquam tibi aliquid mali feci, in fidem tuam me suscipe.* Turbatus mox Maximus, adfuit: lugens & perstrepens familia conuenit. Eos autem quos ille insistentes sibi grauitè tolerabat, ipsi malignos spiritus videre non poterant; sed eorum presentiam in cōfusione, in tremore ac pallore illius qui trahebatur, videbant. Pauore autem tetra eorum imaginis, huc illūcque vertebatur in lectulo. Cūque constriētus nimis relaxari se iam posse desperaret, cœpit magnis vocibus clamare, dicens: *Inducias vel vsque manē: Inducias vel vsque manē.* Sed quum hac clamaret, in ipsis suis vocibus de habitaculo suæ carnis euulsus est. De quo constat, quia pro nobis ista, non pro se viderit, ut eius visio nobis proficiat, quos adhuc diuina longanimitas patienter expectat.

2. Machab. 6.

Homil. 12. in
Euang.

expectat. Hæc ille. Quemadmodum miles, qui securitatis *Similia.*
 tempore arma sua studuit & polita semper custodire, & ad
 manum parata habere, vocante vel ad pugnam, vel ad inspe-
 ctionem Ducis tuba, lætus & expeditus currit; qui verò secus
 facit, sonante tuba seriùs festinat, quæritans ubi sit gladius,
 ubi lorica, ubi scutum, & tanquam inutilis à Principe exau-
 ctoratur: sic omnino malus Christianus, qui sanus adhuc &
 vegetus, non considerat opera sua, quid facit, quid non facit,
 quomodo credat, quomodo ambulet, nec cogitat quia ven-
 turus est dominus eius, ut malus & inutilis seruus exhare-
 datur. Qui coram iudice causam pendentem habet, non
 nocte, non die, non aliquo temporis articulo aliud cogitat,
 loquitur, agit, quàm quo modo causa procedat, & ut bonum
 terminum consequatur. Tota hæc vita nobis conceditur, ut
 de causa nostra cogitemus, quæ pendet ante tribunal Christi,
 ubi astare oportet nos omnes. Summa dementia est, tum
 primum de causa cogitare, quando ad iudicium mors vocat.
 De hac re in alijs Dominicis vide plura.

*Domin. 29. post
 Pent. text. 4. &
 alijs preced.*

3. *Erit enim tunc tribulatio magna, qualis non fuit ab
 initio mundi vsque modò, neque fiet.*

Locus moralis de admirabili iustitia & vindicta Dei con- *Ultio Dei con-*
 tra peccatores ingratos. Christus enim hæc verba dixit *tra ingratos.*
 de illa, post omnem hominum memoriam maximè admi-
 rabili, penèque incredibili Iudeorum strage, & internecone
 per Romanos facta circa excidium urbis Hierosolymitanæ,
 & totius gentis desolatione sempiterna consecuta, qualis &
 hodie toto passim orbe conspicitur. Hæc enim Iudeorum
 tribulatio talis ac tanta fuit, qualis in illa gente (nam de illa
 sola adhuc loquitur) nec vnquam antea fuit, nec erit postea.
 Et tamen fuit hic populus longè Deo dilectissimus, & qui ab
 eo præ cunctis gentibus maxima acceperat beneficia. Quod
 totum ad nostram instructionem hoc loco breuiter expli-
 candum est, tanquam diuinæ iustitiæ atque vindictæ erga *Iudæis factæ*
 ingratos peccatores documentum sempiternum. Beneficia *gratiæ.*
 huic populo collata, ex his constare possunt, quòd hunc so-
 lum ex omnibus alijs gratuito amore elegit, quòd electum
 admirandis portentis conseruauit, quòd sæpenumerò delin-
 quentem in gratiam recepit, quòd diutissimè terga verten-
 tem, & horrendè peccantem sustinuit, quòd amantissimis
 verbis suum erga eos amorem expressit, quòd varios subin-
 de Prophetas ad eorum correctionem misit, quòd ex ipsis

1.
2.
3.
4.
5.
6.
7.

Pars Æstiuale,

m

tandem

tandem nasci, & inter eos conuersari, omnemque cœlestis doctrinæ thesaurum effundere Dei Filius voluit, quod postremò post omnem impietatem erga ipsum Messiam perpetratam, totis adhuc quadraginta annis eorum emendationem expectauit & non nisi in elementissimi, atque adeò religiosissimi Ducis manus eos incidere permittit. Quæ singula paucis explicabo. Gratuitam vocationem Moyses illis his verbis expressit, *Te elegit Dominus Deus tuus, ut sis ei populus peculiaris de cunctis populis qui sunt super terram. Non quia cunctas gentes numero vincebatis, vobis iunctus est Dominus, & elegit vos, cum omnibus sitis populis pauciores, sed quia dilexit vos Dominus, & custodiuit testamentum quod iurauit patribus vestris.* Et rursum alio in loco: *Eu, Domini Dei tui cœlum est, & cœlum cœli, terra, & omnia qua in ea sunt, & tamen patribus tuis conglutinus est Dominus, & amauit eos, elegitque semen eorum post eos, id est, vos de cunctis gentibus.*

3. Hæc fuit gratuita electio. Portenta admiranda artissimæ dilectionis signa innumera fuerunt. Tota terra Chanaan fame extrema laborante, prospexit eis de fratre Ioseph, qui dominaretur in Ægypto, quo solo in loco triticum inueniebatur. In Ægypto oppressos, vt ab illa seruitute eos liberaret in manu forti, & brachio extento, vastauit vniuersam terram Ægypti, & decem plagis percussit, quarum vltima erat, vt omnia eorum primogenita occideret: postea per mare rubrum sicco pede deduxit, Pharaone cum toto exercitu subuerso. In ipso deserto, præcessit eos per diem in columna nubis, per noctem in columna ignis, & castrorum locum ipse metabat. Pluit illis manna de cœlo, eduxit aquam de petra, nobilissimas victorias dedit. In terram demum promissionis, fluentem lacte & melle, eiecto populo potentissimo, vt introduceret, perpetem Iordanis meatum in fontem retorfit, muros Iericho ipse diruit, missis de cœlo grandinis lapidibus pro eis dimicauit, solem in medio cœli stare fecit immotum, vt Duci victoriam concederet amplissimam. Illud denique longè maximum, & nullo satis sermone prædicandum beneficium fuit, quod cæteras gentes dimittens Deus ire vias suas, & in corrupto penèque extincto naturæ lumine volutari, huic soli populo legem suo digito scriptam dedit, *ut omnis qui faceret eam, viueret in ea*, vita vtiue sempiterna; quod caeremonias, sacrificia, verique Dei cognitionem tradidit. De hoc amplissimo beneficio sic ad eos Moyses: *Quæ est gens tam inclita, quæ habeat caeremonias,*

Deut. 7.

Deut. 10.

In Exod. &
Iasue. per totū.

Deuter. 4.

monias,

monias, iustaque iudicia, & vniuersam legem, quam ego proponam hodie coram oculis vestris? Non enim fecit taliter omninationi, & iudicia sua non manifestauit eis, ait Dauid. Et quæ est Psal. 147. natio tam grandis, quæ habeat deos suos ita appropinquantes sibi, sicut adest Deus noster cunctis obsecrationibus nostris? Hæc est enim vestra sapientia & intellectus coram populis, ut audientes vniuersi præcepta hæc, dicant: En populus sapiens & intelligens, gens magna. His verbis magnificè & meritò Moyse hoc amplissimum huius populi beneficium exornauit. Sed & de alijs suprâ commemoratis beneficijs diuinissimè dixit: Circumduxit eum, & docuit, & custodiuit quasi pupillam oculi sui. Sicut aquila prouocans ad volandum pullos suos, & super eos volitans, expandit alas suas, & assumpsit eos, & portauit in humeris suis. Nihil significantius dici potuit.

Dut. 32.

Iam verò quoties delinquentem, in gratiam tamen penitentem recepit, vix breuiter explicari potest. Primum in ipso deserto, fabricato vitulo aureo, & turpissimè clamante populo, *Hi sunt dii tui Israël*, &c. intercedente Moyse percipit eis Deus. Deinde toties contra Deum & Moysen murmurantem, per totos quadraginta annos Deum tentantem & prouocantem, non deseruit tamen, sed in promissam terram introduxit. Introducos per fortissimum Ducem Iosue, & post eius mortem citò ad cultum idolorum relapsos, tradidit Deus in manus Regis Mesopotamiæ: sed post annos octo per Othonielem eos liberauit. Secundò relabentes occupat & opprimit Eglon Rex Moab annis 18. Liberantur secundò per Aod, qui transfixit Eglon. Tertio peccantes Iabin Rex Chanaan sub iugo mittit annis 20. do. nec per Deborah & Barach eos Deus liberauit. Quartò idololatrantes Madianitæ vastant annis 7. & per Gedeon in tegrum restituntur. Adhuc peccantes à Philistæis & Iliis Ammon affliguntur annis 18. & per Iephthæ liberantur. Redeunt ad idololatriam Philistæis subiiciuntur annis 40. vsque ad Sampsonem, qui eos in libertatem asseruit. Deinceps sacerdotum iudicio subditi, non ita multo post grauius Deum offendunt, Regem postulantes. Dixit enim Samueli, qui vltimus sacerdos iudicauit Israël: *Non respiciuerunt, sed me, ne regnem super eos: iuxta omnia opera sua, quæ fecerunt à die qua eduxi eos de terra Ægypti vsque ad diem hanc, sicut dereliquerunt me, & seruiuerunt dijs alienis: sic faciunt etiam tibi.* Et tamen audiuit Deus vocem eorum, & dedit illis Reges, qui postea in maxima gloria regnauerunt,

3.

Iudæi relapsi
quoties recon-
ciliati.

Iudic. 3.

Cap. 4.

Cap. 6.

Cap. 11.

Cap. 13.

1. Reg. 8.

Nihilominus sub tribus tantum primis Regibus in Dei cultu petiti lētes, sub quarto Reboā filio Salomonis, decem tribus sub Ieroboa novos sibi deos fabricant, & in sua idololatria ita persistenterunt, ut, etsi per Eliam & Eliseum, aliosque Prophetas, per Baasa & Iehu ex noua stirpe Reges ad veri Dei cultum illarū decem tribus subinde reuocarentur, ad saniorē tamen mentem redire noluerint unde in Assyrios decem illarū tribus sub Osē ultimo rege Israhēl, translatae sunt. Legelib. 4. Reg. cap. 17.

4.
Iudxi ad po-
nitentiam ex
pectati.

4. Reg. 17.

Sed nec duae reliquae tribus fratrum adhuc exemplo cauerunt. Quare hic, quod quarto loco diximus, eiussit. Decem enim tribus à regno Ieroboa vsque ad regnum Osēe perpetuo per a. nos 240. idolis seruientes tolerauit, sustinuit, & ad penitentiam expectauit clementissimus Deus: & testificatus est per manum omnium Prophetarum & videntium, dicens. Reuertimini à vīs vestrīs pessimis, & custodite praecepta mea, &c. sicut nisi ad vos in manu seruorum meorum Prophetarum: qui non audierunt, sed indurauerunt ceruicem suam iuxta ceruicem patrum suorum, qui noluerunt obedire Domino Deo suo. Istis tandem abiectis, reliquas duas tribus, adhuc annis plurimis subinde ad idola similiter colenda relabentes, similiter, imò magis tolerauit, nobilissimis Prophetis Esaia, Ieremia, Ezechiele, & alijs ad eos missis. De his illorum inoperabili duritie & peruicacia sic per suos Prophetas conqueritur Deus. Filios enutriui, & exaltaui: ipsi autem spreuerunt me. Omne caput languidum, & omne cor mœrens. A planta pedis v̄que ad verticem capitis non est in eo sanitas. Bos cognouit possessorem suum, & asinus praesepe Domini sui. Populus autem meus me non cognouit. Et iterum:

Esaia 1.

Esaia 5.

Ierem. 2.

Ierem. 3.

Quid debui facere vinea mea, & non feci? Expectaui ut faceret vinas, & fecit labruscas. Sed adhuc flebilis & acerbis apud Ieremiam: Quid inuenerunt patres vestri in me iniquitatis, quia elongauerunt à me, & ambulauerunt post vanitatem, & vani facti sunt? Transite ad insulas Cethim, & videte: & in Cedar mittite, & considerate vehementer, & videte si factum est huiusmodi. Si mutauit gens deos suos & certe ipsi non sunt dii. Populus verò meus mutauit gloriam suam in idolum. Lege sequentia. Et paulo post: Nunquid vidisti quae fecit auersatrix Israhēl? Abijt sibi met super omnem montem excelsum, & sub omni ligno frondoso, & prauaricata est ibi. Et dixi quum fecisset haec omnia, Ad me reuertere, & non est reuersa. Et vidit prauaricatrix soror eius Iuda, quia pro eo quòd mœchata

*mœchata esset auersatrix Israël, dimissem eam, & dedissem ei libellum repudiij, & non timuit prauaricatrix Iuda soror eius, sed abiit & fornicata est etiam ipsa: & facilitate fornicationis suæ contaminauit terram, & mœchata est cum lapide & ligno. Et paulo post clamat per Prophetam: Conuertimini filij reuer-
 tentes, quia ego vir vester, & assumam vos. & post multa hu-
 iusmodi, subiungit: Sed quomodo si contemnat mulier amato-
 rem suum, sic contempsit me domus Israël, ait Dominus. Ean-
 dem Dei sustinentiam, populique durissimi, extremam in-
 gratitudinem multis verbis describit Ezechiel sub figura
 duarum sororum Oollæ & Oolibæ. Rursum per alium Pro-
 phetam: Tota die expandi manus meas ad populum incredu-
 lum, qui graditur in via non bona post cogitationes suas. Sic
 Deus hunc populum vsque ad tædium sustinuit. vnde ali-
 cubi dicit: Laboravi sustinens. & iterum: Veruntamen seruire
 me fecisti in peccatis tuis, prabuiisti mihi laborem in peccatis tuis.
 Parum tamen hoc totum erat. A capacitate Babylonica re-
 uocauit: templum instaurauit: nouos Duces ac Pontifices
 dedit, sub quibus diu floruerunt. Christus tandem ad ipsos
 ex ipsis venit. Docet in parabolis, quàm mali essent agri-
 colæ, qui occisis seruis domini sui, etiam filium ipsum ad
 eos missum occiderunt. Clamat disertis verbis: Ierusalem, Matth. 23.
 Ierusalem, qua occidis Prophetas qui mittuntur ad te, quoties
 volui te congregare, sicut congregat gallina pullos suos sub alis
 suis, & noluisti? Rursum flet super ciuitatem, dicens: Quia si co-
 gnouisses & tu, & quidem in hac die tua, qua ad pacem tibi: nunc
 autem abscondita sunt ab oculis tuis. Quia venient dies in te, &
 circumdabunt te inimici tui vallo, & circumdabunt te, & non re-
 linquetur lapis super lapidem: eo quod non cognoueris tempus
 visitationis tue. Postremò & in hoc Euāgelio prædicit, quan-
 ta illis mala impendent. Quantum ergo & quàm diu hunc
 populum terga semper vertentem Deus sustinuerit, ex his
 quæ dicta sunt, aliquatenus constare potest.*

Verbis autem quàm amantiſſimis suum erga eos amorem
 contestatus fuerit, ista declarant. In Scripturis eos vocat po-
 pulum suum: *Popule meus, popule meus, quid feci tibi? peculium*
 & partem suam: *Eritis, inquit, in peculium mihi de cunctis po-*
pulis. Et Moyses de illis: Pars autē Domini populus eius, Iacob
funiculus hereditatis eius. Vocat vineā suam, & germen dele-
ctabile. Vineā Domini exercituum domus Israël est, & vir Iuda
germē eius delectabile. Vocat filium, eūque primogenitum.
 Sic enim ad Pharaonem Moyses loqui iubetur: *Filius meus*

Cap. 23.

Esaia 65.

Esaia 1.

Esaia 43.

Luca 19.

4.

Iudæos vt
Deus ama-
uerit.

Exod. 19.

Dent. 32.

Esaia 5.

Exod. 4.

primogenitus Israel. Dimitte filium meum ut seruiat mihi. Et
Jeremias dicit: Nunquid seruus est Israel, aut vernaculus?
Imo ad Dauidem Deus dicit: Ego ero ei in patrem, & ille erit
mihi in filium. Quid quòd etiam honorabilem filium, & te-
nerimè dilectum vocat? Sic enim apud Esaiam loquitur:
Ex quo honorabilis factus es in oculis meis & gloriosus, ego dilexi
te. Sed & plus quàm paterna dilectione se eos prosequi pro-
fiteretur. Aut enim: Nunquid potest obliuisci mulier infantem
suum, ut non mi creatur filio uteri sui? Et si illa oblita fuerit,
ego tamen non obliui, car tui. Ecce in manibus meis descripsi te.
Sed quale illud est, quòd hunc populum ipsam animam suà
dilectam vocat? Sic enim apud Ieremiam loquitur: Reliqui
domum meam, dimisi hereditatem meam, dedi dilectam ani-
mam meam in manum inimicorum eius. Hæc Deus de futura
Iudæorum captiuitate loquens. Nihil huic amorì addipo-
test. Reliqua de Prophetis ad hunc populum subinde missis,
de Filio Dei ad ipsos tandem veniente, Christo Redempto-
re nostro, de quadraginta annorum expectatione ante ex-
tremum excidium partim ex præcedentibus patet, partim
ex se. Sub Tito enim & Vespasiano patre imperantibus, an-
no Christi 73. capta, & direpta, & vastata penitus Hieroso-
lyma fuit. In qua tamen vastatione illud diuinæ clementiæ
erga hunc populum non obcurum adhuc argumentũ fuit,
quòd sub Tito clementissimo & religioso Imperatore ob-
sessã vrbs fuit. Ille enim ad se ex vrbe fugientes benignissi-
mè excepit, ita ut ex populo seruantentur plus quàm quadra-
ginta millia, & ne vrbs diriperetur, multis orationibus &
legationibus apud obsessos egit, ac demum, ne templum
exureretur, omnia inedia tentauit; ac postremò, vastatione
facta, reliquos toto orbe Iudæos in pace viuere, & antiquis
privilegiis uti frui permisit, ut apud Antiochiam, à tota ciui-
tate multum sed frustra sollicitatus, fecit. Quæ omnia vide
apud Iosephum. Et sic quidem hunc populum Deus dile-
xit. Hæc illi beneficia contulit: de quibus adhuc lege Eze-
chiel. cap. 16.

Iosephus de bello
Judaico, lib. 6.
cap. 11 li 7. c. 4.
& 10. & 13. &
15. & 14.

Iudæorum ca-
stigatio.

Deuter. 32.

Sic tamen dilectos, toties in gratiam receptos, tot bene-
 ficis auctos, in sua semper impietate persistentes, acerrimè
 Deus castigauit. Ac primùm quidem hoc ira futurum à
 principio per Moysen prædixit: *Ignis accensus est in furorẽ*
meo, & ardebit usque ad inferni nouissima; deuorabitque terrã
cum germine suo, & montium fundamenta comburet. Congre-
gabo super eos mala, & sagittas meas complebo in eis. Faris va-
stabit

habis gladius & intus pavor. Iuuenem simul, ac virginem, lactentem cum homine sene. Et dixi, Vbi nam sunt Cessare facili ex hominibus memoriam eorum. Expende hæc singula: Videbis tot fulmina quot verba. Atque in captiuitate quidem decem tribuum, hæc omnia ex magna parte completa sunt, sic attestante Scriptura: Quamobrem iratus vehementer Dominus 4.Reg.19. minus Israel, abstulit eos à conspectu suo. Proiecitque Dominus omne semen Israel, & affixit eos; & tradidit eos in manus diripientium, donec procyeret eos à facie sua. Multo autem adhuc acerbius ad reliquas duas tribus loquitur, primum per Ieremiam: Ejce illos à facie meâ, & egrediantur. Quod si dixerint Ierem.15: ad te, Quò egrediemur? dices ad eos: Qui ad gladium, ad gladium; qui ad famem, ad famem; & qui ad captiuitatem, ad captiuitatem. Et visitabo super eos quatuor species: gladium, ad occisionem, canes ad lacerandum, volatilia cæli & bestias terra ad deuorandum & dissipandum, & dabo eos in feruorem, hoc est, in feruentem diuexationem vniuersis regnis terra. Deinde per Ezechielem semel atque iterum: In via sororis tua Ezech.25: ambulasti, & dabo calicem eius in manu tua. Calicem sororis tua bibes latum & profundum: eris in derisum, & in subsannationem qua est capacissima. Ebrietate & dolore repleberis, calice mæroris & tristitia, calice sororis tua Samaria. Et bibes illud, & epotabis vsque ad faces, & fragmenta eius deuorabis: vbera tua lacerabis, quia ego locutus sum, ait Dominus. Hæc ille, verbis, opinor, satis significantibus. Nempe ita tandem, vt alia loquitur Scriptura Ascendit furor Domini in populum 2.Paral.36. eius, & nulla fuit curatio. Quod volens per Ieremiam Prophetam significantissimè, qualique ad oculum demonstrare Deus, sic ad illum loquitur: Vade, & posside tibi lumbare Ierem.19. lineum, & pone illud super lumbos tuos, & in aquam non inferes illud. Et possedi lumbare iuxta verbum Domini, & posui circa lumbos meos. Et factus est sermo Domini ad me secundo, dicens: Tolle lumbare quod possedisti, quod est circa lumbos tuos, & surgens vade ad Euphraten: & absconde ibi illud in foramine petra. Et abiit, & abscondi illud in Euphrate, sicut præceperat mihi Dominus. Et factum est post dies plurimos, dixit Dominus ad me: Surge, vade ad Euphraten, & tolle inde lumbare, quod præcepi tibi vt absconderes illud ibi. Et abiit ad Euphraten, & fodi, & tuli lumbare de loco vbi absconderam illud: & ecce cõputruerat lumbare, ita vt nulli vsui aptum esset. Et factum est verbum Domini ad me, dicens: Sic putrescere faciã superbiam Iuda, & superbiam Ierusalem multam populum istum pessimum, qui

nolunt audire verba mea, & ambulant in prauitate cordis sui, abieruntq; post deos alienos, vt seruirent eis, & adorarent eos, & erunt sicut lubare istud, quod nulli vsui aptū est. Sicut enim adhaeret lubare ad lumbos viri; sic agglutinaui mihi omnem domum Israël, & omnem domū Iuda, vt essent mihi in populum, & in nomen, & in laudē, & gloriam, & non audierunt. Hæc ibi. Docent hæc verba, quāro populus iste Deo erat per gratiam cōiunctior, tanto acerbius à Deo percussus fuisse propter incredibile ingritudinē. Hæc autem omnia à Prophetis prædicta, vt partim in captiuitate illa Babylonica cōpleta fuē, e, ita multo magis Iudæorū crescente contra Christum ipsū, eius doctrinā atque personā, varia impietate, incredulitate, inuidia, blasphemia, falsa demum accusatione & condēnatione, atq; in manus Gentium traditione; sic contriti & afflicti, & interneconi dati sunt, vt tanquā lubare putridum nulli ampliū essent vsui, nullā Rempub. gerere aut administrare, nullum templū, nulla sacrificia habere toto orbe potuerint, illa demum adueniente tribulatione, qualis antea nunquam fuerat, & desolatione extrema. Nam post varias clades à Romanis Ducibus per totā Iudæā acceptas, à Cæstio, & Albino, à Vespasiano, multisque interemptis millibus, tandem à Tito Imperatore obsessa Hierosol, ma fuit ipso Paschalitempore, *quum velut in carcerem* (ait Iosephus) *tota gens fato conclusa est.* Colligit autē Iosephus ex hostiis in illo festo immolatis, fuisse in ciuitate *Vicies cērena ac septingenta millia hominum, omnes sanctos & puros, absque inquinatis,* qui sacrificia participare non poterant. Ex hoc toto numero recenset Iosephus, *captiuorū quidem, qui toto bello comprehensi sunt, nonaginta & septem millia, mortuorū verò per omne tempus obsidionis undecies centena millia.* Ad tantam stragem accessit varia & inaudita calamitas. Ciuitas seditiosis & factiosis hominibus plena, *quorum gladius multo plures quā hostilis adsumpsit:* fames post hominum memoriam maxima, adeo vt matres suos liberos manducauerint: capta ciuitate, *inuenta sunt integra mortuorū familia, & plena mortuis tecta,* quos fames consecrat Romanis milites interficiēdo defatigabantur. Tandem ex multitudine superstitē, latrones & seditios occiduntur. Iuuenes lecti proceri atque formoso corpore triumpho seruantur; ex residua multitudine septem & decem maiores annis vincti, ad Aegyptū mittuntur, operibus deputandi. Plurimos per provincias Titus distribuit, in spectaculis ferro & bestiis consumendos. Qui infra decimū & septimum ætatis annum age-

rent,

Iudæorum clades.

De bello Iudæico, lib. 7. cap. 17.

Ibid. cap. 7. & 8. Cap. 26.

- 1.
- 2.
- 3.
- 4.
- 5.
- 6.
- 7.
- 8.
- 9.
- 10.

vent, venditi sunt. Iisdem autem diebus, quibus ita secernebantur, mortui sunt fame viginti duo millia. His autem omnibus accessit vix vnquam lecta calamitas. Ex transfugis in castra Romanorum, quàm plurimi scissis ventribus, auri scrutandi causa, à militibus occiduntur. Et hac ego clade (ait Iosephus) nullam credo seniore contigisse Iudæis. Vna denique nocte duorum millium patefacta sunt viscera. Quid quòd eodem ferè tempore, quasi totus orbis in Iudæorū necem conspirasset, variis quoque in locis extra Iudæā quasi pecora occiduntur. Nam vti est apud Egghippū, Casareenses repentino quodam impetu viginti millia Iudæorū deleuerunt, omnes fugarunt, ut totā urbem exinanirent. Idem per totam Syriā, maximè Scythopoli factum est Damasceni, nulla existente causa, octo millia Iudæorum strauerunt: Ascalonita duo millia quingentos. In orbe Ptolemaide, cæsa duo millia. In Alexandria inductus exercitus Romanus, sexaginta Iudæorum millia intra urbem fudit. Hæc ibi. Adeò verum fuit quod Veritas hic dixit: Erit tunc talis tribulatio (Iudæis scilicet) qualis antea nunquam fuit, neque fiet.

Porro ex sola Dei virtute ac potentia hanc tantę urbis direptionem Romanis cessisse, tum Iosephus ostendit, Iudæus ipse, tum victor Romanus fassus est. Parte enim aliqua muri ciuitatis subruta, statim propugnatores eius diffugerunt, & timor tyrannos necessitate maior inuasit. Vnde & maximè quis virtutem Dei perspexerit contra iniustos. Hæc Iosephus. Titus verò capta ciuitate intrò ingressus, ciuitatis munitiones, ac turriū cautes miratus est, quas tyranni per dementiam deseruerāt. Considerata siquidem earum solida altitudine, itémq; magnitudine, subtilique lapidum compagine singulorum, quātémq; paterent, vel quantum exigerentur, Deo, inquit, planè adiuvante, pugnavimus, & Deus erat qui detraxit ab istis munimentis Iudæos. Nam quæ hominum manus, aut quæ machina ad istas valerēt? Hæc Titus Imperator Romanus. Sed & ipsi Romanorū exercitui Deum aquas miraculo suppeditasse, author est Iosephus. Sic enim in oratione de muro habita, Iudæos obsessos alloquitur: Tito nunc fontes vberiores profluunt, qui vobis aruerant. Nam ante eius aduentum scitis & Siloem, & omnes extra ciuitatem fontes adeò defecisse, ut ad vtrumque aqua mercaretur; nunc autem ita hostibus nostris largi sunt, ut non modò ipsis & iumentis eorum, sed etiam hortis sufficiant. Hæc fuit ergo populi Iudaici, populi olim ita Deo grati, totque beneficiis cumulati, propter impietatem & ingratitude acerbissima, sed iustissima vindicta, diuinitus inflicta.

Hebr. 2.

Hæc omnia ad correptionem nostrâ facta sunt. *Propterea* (ait Apostolus) *abundantiùs oportet nos ea observare qua audiimus, ne fortè pereffluamus. Si enim qui per Angelos dictus est sermo, (in veteri videlicet tradenda Lege & pacto constituendo) factus est firmus, & omnis prauaricatio & inobedientia accepit iustam mercedis retributionem: quomodo nos effugiemus, si tantam negleximus salutē? Qui videlicet tanto Iudæis maiora à Deo beneficia accepimus, in quanto melioribus re-promissionibus testamentum nouum, cuius nos filij sumus, sancitum est, quam illud vetus. Si naturalibus ramis non pepercit; multo minùs nobis, qui oleastro inserti sumus, similiter prauaricâtibus, parceret. Ecce in ciuitate, in qua inuocatū est nomen meum (ait Deus) ego incipio affligere; & vos eritis immunes? Non eritis immunes, ait Dominus. Et iterū. Ecce quibus non erat iudicium vt calicem biberent, bibentes bibent; & tu quasi innocens relinqueris? Non eris innocens, sed bibens bibes. Hæc singuli sibi dicta putent, vt quorum ingratitudinem & impietatem imitantur, eorum exitus perhorrescant.*

Hebr. 9.
Rom. 11.

Ierem. 25.

Ierem. 49.

4. *Surgent pseudochristi & pseudopropheta, & dabunt signa magna & prodigia; ita vt in errorem inducantur (si fieri potest) etiam electi.*

Fides in qua
uis persecutio-
ne retinenda.Homil. 77. in
Matth.In Orat. quod li.
4. Præsent. har.
proximus esse
Antichristo.
2. Thess. 2.

2. Corint. 11.

LO C V S moralis, de fidei constâtia in quauis persecutio-
ne, maximè hæreticorū & Antichristi, retinenda. Dece-
ptio enim per hereticos, & Antichristū, cuius illi præcursores
sunt, tâta erit in huiusmodi signis & portētis, vt robustissimi
de fide periclitētur, nisi, quod hic prædictū est, cauerint. Ma-
ximè quia tales ante secundum aduentū Christi (ait D. Chry-
sostom⁹) erunt multo prioribus amariore: sicut & hodie cerni-
mus. Tot enim ac tales horū temporum hæreses sunt, vt An-
tichristo proximè meritò videri debeât: quod & in oratione
quadam de hoc argumento demonstrare conati sumus. Signa
autem & prodigia quæ dabunt pseudopropheta, vt maiorem
electis tēationem inferant, sunt quidem ex parte opera mi-
raculosa, de quibus Apostolus dicit, ipsum Antichristum vē-
turum secundum operationem satana, in omni virtute, & si-
gnis, & prodigijs mendacibus: vel sanè quia non vera, sed falsa
erunt miracula, & potius mirāda quàm miracula, ac nil nisi
præstigiæ atq; oculorum deceptiones; vel quia, etli vera sint
prodigia, quoad actus supernaturales, nō nisi mēdacia tamē
erunt, quia non nisi mēdacio seruient. Certè vt maiore fide-
lium probationē (ideo enim hæreses sunt, vt, qui probati sunt,
manifesti fiant) etiā vera miracula non solū Antichristus ipse
cuius-

eiusq; proximi præcursores, sed quilibet hæretici, non secus quam Magi, Deo permittente operari poterunt. Quod super hoc Euangelij verba docet Augustinus: *Admonet* (inquit) *hic* Dominus, ut intelligamus quadam miracula etiam sceleratos homines facere, qualia sancti facere non possunt, nec tamen ideo prioris loci apud Deū putādi sunt. Non enim acceptiores erāt Deo, quam populus Israel Magi Ægyptiorum, quia nō poterat ille populus facere, quod illi faciebant, quamuis Moyses in virtute Dei maiora potuerit. Sed ideo non omnibus sanctis ista attribuantur, ne perniciosissimo errore decipiantur infirmi existimantes in talibus factis maiora dona, quā in operibus iustis, quibus vita æterna comparatur. Cū ergo talia faciunt Magi, qualia nōnunquā faciunt sancti diuerso fine, & diuerso iure sunt. Illi enim faciunt quærentes gloriam suam, isti quærentes gloriam Dei: illi faciunt per quadam potestatibus (sic dæmones vocat) concessa in ordine suo, quasi priuata commercia vel beneficia (dæmonibus enim diuina lege sæpè cōceditur, ut eis, quos sibi secundū eorum merita subiugauerint, priuato illo iure etiam miraculorum aliquid præstent) isti autē publica administratione, iussu eius, cui cuncta creatura subiecta est. Aliter enim cogitur possessor equum dare militi, aliter eum tradit emptori, vel cuiuslibet donat aut commodat. Et quemadmodum plerique mali milites, quos imperialis disciplina condemnat, signis Imperatoris sui nonnullos possessores terriant, & ab eis aliquid, quod publicè non iubetur, extorquent: ita nonnunquam mali Christiani, vel schismatici, vel hæretici, per nomen Christi, aut verba: & Sacramenta Christiana exigūt aliquid à potestatibus, quibus honori Christi cedere indictū est. Cum autem malis iubentibus cedunt voluntate, ad seducendos homines cedunt, quorum errore latantur. Quapropter aliter Magi faciunt miracula, aliter boni Christiani, aliter mali Christiani. Magi per priuatos cōtractus, boni Christiani per publicam iustitiam, mali Christiani per signa publica iustitia. Nec mirum est quod hac signa valent (apud malos Christianos, schismaticos, hæreticos) cū ab eis adhibentur, quando etiam cum vrsantur ab extraneis, qui omnino suum nomen ad istam Christi miliciam non dederunt, propter honorem tamen excellentissimi Imperatoris valent. Ex quibus fuit ille, de quo discipuli Domino nuntiauerunt, quod in nomine eius eiceret dæmonia quamuis cum eis eum non sequeretur. Hæc hætenus Augustinus, dilucidè explicās, quomodo Magi, mali & boni Christiani miracula faciant. Dant signa & prodigia pseudoprophetæ per operationem diaboli (permittente Deo) cui diabolo sē per superbiam &

Lib. 83. quest. 9. 79.

Hæreticorum miracula.

Similia.

Lucas 9.

errorem subdiderūt; vel quia in hac parte diabolus illis gratificari, & in errore magis confirmare ad pœnā peccati permittitur; vel quia ipso nomine Iesu Christi, & Sacramentis eius quāvis à transfuga sui ducis characterem adhuc tenente administrantur) cogitur interdum id præstare diabolus. Sic & in historia Ecclesiastica Nouatianorum miracula, & apud Petrum Damianum Simoniacos Episcopos miracula in Christi nomine fecisse legimus.

Donatistæ quoque sua miracula iactabant. quibus sic respondet sanctus Augustinus: Nemo dicat, Hoc ideo verum est, quia illa mirabilia fecit Donatus vel Pontius, vel quilibet alius, aut quia homines ad memorias mortuorum nostrorū orant, & exaudiuntur, aut quia illa & illa ibi contingunt, aut quia ille frater noster, aut illa soror nostra tale visum vigilans vidit, aut tale visum dormiens somniauit. Remoueantur ista vel figmēta mendacium hominum, vel portenta fallacium spirituum. Aut enim non sunt vera quæ dicuntur, aut hæreticorum aliqua mira facta sunt, magis cauere debemus: quod, cū dixisset Dominus, quosdam futuros esse fallaces, qui nonnulla signa faciendo, etiam electos, si fieri posset fallerent, adiecit, vehementer cōmendans, & ait: Ecce pradixi vobis. Vnde & Apostolus admonet, Spiritus autem manifestè dicit, quia in nouissimis temporibus recedent quidam à fide, intendentes spiritibus seductoribus, & doctrinis demoniorum. Porro si aliquis in hæreticorum memorijs orans exauditur, non pro merito loci, sed pro merito desiderij sui recipit, siue malum siue bonum. Et multi Deo irato exaudiuntur, de quilibet Apostolus dicit: Tradidit illos Deus in desideria cordis ipsorum. Nonne legimus ab ipso Domino Deo nonnullos exauditos in excelsis montium Iudææ? quæ tamen excelsa ita displicebāt Deo, ut Reges, qui ea non euertèrent, culparentur; & qui euertèrent, laudarentur. Vnde intelligitur, magis valere petentis affectum, quàm petitionis locum. Audiāt etiam quæ narrent pagani de dijs suis & templis mirabiliter vel facta, vel visa, & tamen dij Gētium demonia, Dominus autem celos fecit. Exaudiuntur ergo multi, & multis modis, nō solū Christiani Catholici, sed & pagani, & hæretici, & Iudæi variis erroribus & superstitionib⁹ de-diti. Exaudiuntur autem vel à spiritibus seductoribus (qui tamen nihil faciunt, nisi permittantur; Deo sublimiter iudicante, quid cuiq; tribuendum sit) vel ab ipso Deo, aut ad pœnam malitia, aut ad solatium miserie, aut ad monitionem quarenda salutis æternæ. Ad ipsam verò salutem ac vitam æternam nemo peruenit, nisi qui habet caput Christum. Habere autem caput Chri-

stum

Sozom. lib. 8.

cap. 24.

Epist. 15.

cap. 7.

De unitate

Eccles. ca. 16.

Matth. 24.

1. Tim. 4.

Rom. 1.

sum nemo poterit, nisi qui in eius corpore fuerit, quod est Ecclesia.
 Et paulo post: *Quaecunque miracula in Catholica sunt, ideo sunt*
approbanda, quia in Catholica sunt: non ideo ipsa manifestatur
Catholica, quia hac in ea sunt. Monet igitur Christus hoc in
 loco, & vehementer monet, ne ad signa & prodigia pseudo-
 prophetarum animum attendamus, sed in vna sola Catholi-
 ca Ecclesia nos ipsos contineamus. Ideo adiecit, vt à partibus
 nos reuocaret: *Si quis dixerit, Hic est Christus. aut illic, aut in*
penetralibus; nolite exire (ab vnitatem) nolite credere partiali fal-
sitati: vt latius in altero Promptuario Catholico hæc Christi
verba tractauimus. Quod de paganorum miraculis dixit Au-
 gustinus, vbi & multa commemorat; id de pseudopropheta-
 rum & hæreticorum signis, atque prodigiis dicendū est: *Pio-*
rum miracula vel maiora, certiora, clariora esse, vel ratione finis
quo discernuntur, incomparabiliter excellere. Solebāt Lutherus
 dicere, quia miracula edere non poterat, quū sæpius frustra
 tentaret, vt & Calvinus in suo Matthæo, Geneuæ verè mor-
 tuo, quum susciandus pro mortuo viuus supponeretur; ma-
 ximū suę religionis atq; doctrinæ miraculū esse, quòd tot se-
 ctatores tam breui tempore haberet. Cui & sapienter & fe-
 stiuè respondit Thomas Morus: *Ad propositam vitæ libidinosa*
licentiam populum ruere, id habet tantam miraculi speciem, quàm
saxa deorsum cadere. Cui non ablimile est, quod Callistē me-
 retrici Socrates respondit. Iactitante enim illa ac dicente, Tu
 neminem ex amatoribus meis à me potes abalienare; ego,
 quum libitū est, tuos auditores omnes à te voco: respondit
 Socrates. Mirū hoc nō est tu siquidem ad decliuem volupta-
 tis tramitem omnes rapis; ego ad arduum virtutis callē co-
 go. Sed & talia miracula pleriq; omnes hæretici fecerūt, Ar-
 rius maxime, Manes, Nestorius, & Eutyches, quorum sectę
 & latissimè sparſæ sunt, & aliquot seculis durauerunt, vt alio
 ostendimus. Sed si aliqua fortè veri nominis miracula hære-
 tici hodie proferre poterunt ab ipsis facta, fugiendi nihilo-
 minus sunt vt seductores, propter ea quæ iam dicta sunt: imò
 eo magis fugiendi, quo maior in eis conspicitur Satanae ope-
 ratio. De Ecclesiæ Catholicæ, & fidei orthodoxæ vnitatem te-
 nenda, in altero Promptuario latè diximus, quę & in hunc
 locum salubriter conferri possunt.

De Ciuit. Dei.

lib. 10. cap. 16.

Staphylus Apo-
log. priori.In epist. aduers.
Pomeranum.Ælianus lib. 13.
var. hist.Princip. fid. lib.
13. ca.

Dom. 1. post

Pascha, &

Dom. 2. post

Pentec. & Fe-

ria 3. Pasce.

5. Sol obscurabitur, & luna nō dabit lumē suū, & stellæ ca-
 dent de celo, & virtutes calorum commouebuntur.

Locus moralis de Dei benignitate, qua nos malorū cerui-
 Malorum ad
 cibus monet Deus.

Luc. 22.

cibus nostris impēdentium admonet. Hæc enim omnia hīc commemorata sunt (vt diuus Lucas scribit) *signa in sole, & luna, & stellis; quibus adiiciuntur, & in terris pressura gentium, præ confusione sonitus maris & fluctuum, arescentibus hominibus præ timore & expectatione superueniente vniuerso orbi*. In his ergo terribilibus signis extremū iudicium proximè præcedentibus admonet benignè clementissimus Dominus, futuros tunc peccatores, vt facta vitæ emendatione, mala imminētia ceruicibus suis depellant. Sollemnis Deo est hæc benignitas & clementia. Peccatores multis signis admonet, vt peccare desināt. Tonitru præcedit fulmen, sed nos prius fulmen quàm tonitru videmus. Prius nobis tonitrua mittit; ac si dicat: *Caue ne te fulmen interimat. Nos tamen vt negligētes prius à fulmine diuinę iustitię ferimur, quàm eius sentiamus exhortationes. Priusquam Deus mundum aquis diluuij destrueret, prædicauit Noë Gentibus, vt ad Deum conuerterentur, pœnitentiam agentes. Hæc fuit diuina misericordia, quæ homines tamen in peccatis obduratos nihil flectit. Comedētes enim & bibentes diluuiū oppressit. Loth Sodomitis incendiū illius ciuitatis nuntiavit. Sed ipsis videbatur quasi ludēs loqui. Vides Dei misericordiam, & hominū pertinaciā. Priusquam Pharaō cum toto suo exercitu in aquis periret, multis à Deo signis per Moysem admonitus fuit. Hanc Dei*

Simile.

Gen. 6.

Genes. 19.

Exod. 4. &
seqq.

I ss. mile.

Serm. 4. de colle-
ctu & eleemosi-
niis.

misericordiam Vates regius prædicauit: Dediisti (inquit) meruentibus significationem, vt fugiant à facie arcus. Ac venator quidem non minatur leporem, nec terret; sed potiùs expectat donec quiescat, vt sic eum sagitta transfigat. Deus verò arcum manu tenens (Arcum enim suum tetendit, & gladium vibrauit) clamat, comminatur, priusquam feriat, quia non vult mortem peccatoris, sed magis vt conuertatur ac viuat. De hac Dei bonitate sic diuus Leo Papa: Cùm ideo denunciata sit seueritas, vt misericordia quæreretur, in diebus præsentibus cū misericordia est largitate viuendū: vt homini post periculosam negligentiam ad pietatis opera reuertenti, possibile sit, ab hac sententia liberari. Hoc enim agit potentia Iudicis, hoc gratia Seruatoris vt relinquat impius vias suas, & iniquitatis suæ cōsuetudinē peccator abscedat. Hęc ergo signa licet in se terrorem adferant, tamen ex Dei misericordia ad fructum & salutem nostrā destinantur. Hac de re in prima Dominica Aduentus plura diximus, ne imparati ad iudicium essemus.

Cettè quem tanta & talia signa, tanto horrore plena, non mouent, extra omnem salutis spem & viam se esse liquidò demon-

demonstrat. Solent medici in grauioribus morbis septimum *Simile.*
 quemque diem diligenter obseruare, quem illi criticum appel-
 lant, in quo aiunt naturam ipsam ad vim morbi repellendam
 acrius incitari. Quo fit, vt si eo die, uo aliquā spē salutis cō-
 cipere poterant, æger nihilo melius valeat, periculosissimē il-
 lum ægrotare dicāt. Quos ergo tam terribilia extremi iudi-
 cij signa non visa modò, sed etiā audita & intellecta nō mo-
 uent, vt eius poenā atque sententiā euitent, illos grauissimo,
 planeq; incurabili peccati morbo laborare dubitari non po-
 test. Appositè hac de re & sapienter diuus Gregorius: *Fluctus*
quū tumentes desuper imminet, quumq; eam quā deserūt mor- *Mora' in Iob*
tem minatur, nulla tunc nauigātibus rerum cura tēporaliū, nulla *Iob. 21. c. 16.*
carnis delectatio ad mentē reducitur: ea ipsa quoq; ex nauī proii-
ciunt, pro quibus lōga nauigia sumpserunt Cuncta res in despectū
mētis veniunt amore viuendi. Tempestas autem cū oritur, prius *Simile.*
leues vnda, & postmodū maiora volumina cōcitātur (& vt nau-
tarum experientia docet, ignei quidam globuli in superficie
maris discurrere videntur, certa futuræ tempestati magnæ
prognostica ad extremū fluctus se in alta erigunt, & nauigātes
quosque ipsa sua altitudine submergunt. Sic nimirum extrema il-
la properat, quæ uniuersum mundū subruat tēpestas animarum.
Nunc enim bellis & cladibus, quasi quibusdam vndis, sua nobis
exordia ostendit, & quādo ad fidē quotidie propinquiore effici-
mur, tāto grauiora irruere tribulationū volumina videmus. Ad
extremū verò, commotis omnibus elementis, superueniens Iudex
qui finē omnium apportat. Quam scilicet tempestatem quia viri
sancti vigilanter aspiciunt, quasi tumentes super se quotidie flu-
ctus cum sancto Iob Deū expauescunt. Bene autē subditur apud
Iob Et pondus eius ferre non potui Cōsideratione nāq; tanti ter-
roris metu animus palpitāt: & cūm superna maiestatis vim ad
iudiciū venientis animus conatur exquirere, mox ad semetipsum
refugiens, sese expauescit inuenire. Quare veram vitam deside-
rans, omnia despicit, quæ hic possidendo portat. Nā velut tēpesta-
te d' prehēsi pōdus nauis abiicimus, quādo ab oppressa mēte desi-
dēriā terrena remouemus: fitq; vt subleuata nauis enatet, qua
mergebatur onerata. Hęc ille. Hāc vt in nobis mētē, curā, pro-
uidētiā, cautelam, terribilia extremi iudicii signa operatētur
& excitarent, illa in hoc Euāgelio Christus prædicere voluit.

6. Et tunc parebit signum filij hominis in calo, & tunc
 plangent omnes tribus terra.

Locus moralis de extremi iudicii apparatu, maximè in si. Iudicii extre-
 gno mi apparatus.

Iocel. 3.

Traët. 30. in
Matth.Homil. 77. in
Matth.Emiffen. in lib.
Allegor.Paulus de Pala-
tio in Matth. 24.
Genes. 3.

gno sanctæ Crucis terribili. Nam præter personā ludicis, de qua mox; ipse aduentus eius apparatus, vt præcedens Crucis signū in mediis mūdi tenebris (sole obfcurato, luna non dante lumen suum, stellis retrahentibus splendorem suum) fulgentissimum, solisq; loco mundum illustrans, ineffabilē impiis terrorem adferet. *Sicut enim* (ait Origenes) *in dispensatione Crucis sole deficiente, tenebra facta sunt super terrā; sic nūc signo filij hominis apparente in calo, deficient lumina solis, luna, & stellarum, quasi consumpta ex multa virtute signi illius. Signum enim Crucis hic intelligimus, vt videant, iuxta Zachariam & Ioannem, Iudæi quem compunxerant, & signum victorie. Sic & diuus Chrysostomus: Apparebit signum Crucis vt Iudæorū inuerecundiam confutet. Adueniet enim Christus in iudicio, non vulnera solum, sed & mortē exprobratissimā ostēdēs. Vnde sequitur: Et tunc plangent se omnes tribus terræ. Visa enim Cruce, considerabunt quod mortuo eo nihil profecerunt, & quoniā crucifixerunt eum, quem adorari oportebat. Hæc ille. Hoc igitur viso signo, non solum Iudæi, etsi illi maximē; sed omnes tribus terræ, omnes terreni & carnales homines, omnes infideles & impij fideles. Infideles quidem, quia Crucem Domini blasphemarunt; mali verò fideles, quia tanto hoc beneficio atque remedio vti noluerunt. Tanto enim* (ait Eusebius Emisenus) *erunt grauiora humana delicta, quanto magis se extenderint diuina beneficia. Vnde credendum est, illam vocem resurrectionis Dominice, pretiosa Crucis vestigia protestantem, etiam in iudicio suo Dominum ad vasa iniquitatis prolaturum, atque dicturum: Infer hic digitum tuum, & vide manus meas, & asfer manum tuam & mitte in latus meum, & agnosce quæ pro te, & à te, impietas humana, pertulerim. Illa vtrique clauorum signa bonis salutaria, malis terribilia, quæ vsque ad diem iudicij non videntur, sine dubio obijcienda seruantur. Hæc ille. Quid ni enim plangant inimici Crucis Christi, cum ipsa splendentis Crucis lux, impietatis impios condemnabit? Qui lucentem Crucem videbunt propriæ conscientie tenebras deplo-
rabunt. Si Deus gladium flammeum ante paradysum collocauit, vt homines ab eius ingressu arceret; quid mirum, si Crucem in cælo, meliori paradiso, Deus collocat, in qua illius gladij flamma extincta, & acies heberata est? Si Duces, quum triumphant vrbe capta, victoriæ vexillum in summa arce constituunt; quid mirum, si Christus cæli arce capta per Crucem, Crucem in cælo collocat, omnibus mortalibus conspicuam? Profectò conuenit clauis ianuæ. Quadrat Crux cælo,*

cœlo, per quam apertum nobis cœlum est. Deinde restituit Christus Cruci honorem, quem mundus ei abstulerat, & ut potentem se ostendat, mundi horrorem facit beatorum lætitiā. Hoc plangent omnes impij, quum cœlo collocari videbunt, quod illi vnice despectui semper habuerunt. Virga *Num. 17.* Aaron in tabernaculo testimonij seruata est, in signum rebellionis filiorum Israël: sic Crux in iudicio apparet, in signum rebellionis peccatorum. Et sicut recta regula metimur obliquum lapidis; sic Crucis regula omniū opera mensurabuntur: idēq; apparebit. Inter literas Hieroglyphicas, *Tripart. hist. lib. 9. cap. 29.* quæ in templo Serapidis Alexandriæ, sub Theodolio 1. Imperatore, plurimæ inuentæ sunt, fuit etiam in quibusdam signum Crucis lapidibus & lignis insculptum, quod ipsi Ægyptiaci magistri interpretabatur, significare allegoricē, *Vitam Petr. Crinitus lib. 7. cap. 2.* æternam: addētes fore, ut templum illud destrueretur, quum hoc signum publicē appareret. Cuius prima in fide credentium apparitio sic præcognita fuit, postrema quoque inspectio meritō gloriosa apparebit. De hac Crucis apparitione in mysterio Dauid: *De cœlo auditum fecisti iudicium, terra Psal. 75. tremuit & quieuit.* Tremuerunt homines terreni propter peccata præterita: quieuerunt à futuris, intellecto hoc Dei iudicio, per visam in cœlo Crucem. Tunc plangent omnes peccatores terræ, quia (ut ait Sapiens) *Venient in cogitatione Sapient. 4. peccatorum suorum timidi, & traducent illos ex aduerso cogitationes eorum.* Nimirum, iuxta illud Apostoli, *testimonium red- Rom. 2. dente illis conscientia ipsorum, & inter se inuicem cogitationum accusantium aut etiam defendentium, in die quum iudicabit Dominus occulta hominum.* Tunc plangent omnes tribus terræ. Plangent increduli dementiam suam, quod toto mundo credente, ipsi credere noluerint. Plangent voluptuarij, quod momentanea voluptate pœnas æternas mercati fuerint. Plangent auari, quod vnum nummum cœlo prætulerint. Plangent superbi, quod Crucis humilitatem contempserint. Plangent hoc omnes, & maximē, quod, quum plangendi tempus fructuosum fuerat, plangere noluerint.

7. *Et videbunt Filium hominis venientem in nubibus cœli, cum virtute multa & maiestate.*

Locus moralis amplissimus, de supremi Iudicis aduentu *Aduersus Christi terribili atque tremendo.* Hic est ille aduentus, hoc illud *secundus, ter-* tribunal, hoc iudicium, quod & semper ante oculos habere, *rore plenus.* & nunquam absque timore & tremore cogitare, omnes

- Collationes & Scripturis. 1. oportuit; sed maximè peccatores, vt peccare desinant. Si fratres Ioseph perterriti sunt valde, audientes eum dicere, & quidem in tanta potestate dicere, quum dominaretur in tota Aegypto, vbi illa verba dixerat, *Ego sum Ioseph*, memores videlicet iniquitatis præteritæ, qua eum, fratrem suum, alienigenis vendiderant, etsi huius eos facti iam pœnituisset, (*neque enim poterant respondere nimio terrore perterriti*;) quid facient peccatores illi, qui toties Deum vna voluptatula, vno lucello, vna gloriola vendiderunt, quum Christum videant tot signis ac prodigijs non tam loquentem quàm tonantem (scribitur enim de hoc aduentu: *Intonuit de cœlo Dominus, & Altissimus dedit vocem suam*) nec in Aegypto, sed in toto vniuerso dominatè in tanta gloria & maiestate, quum adhuc maneant peccatis onusti, quorum non pœnituerit? Si Hester corruit, & exanimata est in conspectu Regis Assueri, Daniel viso angelo tremuit, custodes sepulchri in Christi resurrectione sunt territi, & facti sunt velut mortui; si Iudæi in horrore venientes armati, & ad capiendum Iesum audita hac sola voce, *Ego sum*, ceciderunt retrorsum: quid faciet peccator veniente Christo in nubibus cum potestate magna, vt puniat peccatores? Si, data Lege in monte Sina, propter sonitum tubarum, tonitrua & fulgura in monte audita, sic territus est totus Israël, hominum trecenta millia, vt trepidi ad Moysen clamarent, *Loquere tu nobis; ne loquatur nobis Deus, ne fortè moriamur*: quis in hoc iudicio sine ingenti horrore accedet ad Christum, non iam leges dantem, sed legum transgressores seuerissimè punientem? Si abscondit se Adam sub arbore, quum post primum peccatum ad iudicium à Deo vocaretur: vbi se abscondent peccatores, aut sub qua arbore, omnibus iam in mundo succensis, quando ad tot peccatorum examen & iudicium venient? *Veniet cum potestate magna & maiestate*. Veniet super nubem candidam, quemadmodum Apostoli, cæterique discipuli eum viderant in cœlum euntem. Veniet tota Angelorum curia comitatus, toto sanctorum agmine stipatus. Veniet cum luce immensa, & cum incredibili clangore tubarum; vt videant impij quem contempserunt. Vnde D. Ioannes: *Ecce venit cum nubibus, & videbit eum omnis oculus, & qui eum pupugerunt. Et plangent se super eum omnes tribus terræ: etiam. Amen*. Plangent se super Christum iudicem omnes impij, quia vitæ & doctrinæ Christi per omnia contradixerunt. Plangent se auarus, videns Iudicem, diuitiarum contemptorem. Plangent se superbus,
- videns

videns Iudicem, maximum humilitatis Magistrum. Plangit se ambitiosus, videns Iudicem qui fugit honores, & quum rapiendus in Regem esset. Plangit se gulosus super Iudicem felle & aceto potatum. Plangit se malitiosus & invidus super Iudicem maximè mortalium omnium amantem, & misericordem. Plangit se luxuriosus super Iudicem, virginitatis cultorem & hortatorem. Damnavit iam dudum Christus Iudex omnem avaritiam, superbiam, ambitionem, crapulam & ebrietatem, malitiam & odium, impudicitiam & luxuriam. Qua ergo temeritate talè expectant Iudicem his vitij cõtaminati, nec ea exuere omnibus modis festinant? Nullus *Simile.* litigator ita demens est, vt coram eo Iudice causæ suæ decisionem expectaret, quem certò sciret in simili causa omnes semper litigantes condemnasse. Malam causam statim desereret, & alias vitæ suæ actiones institueret.

Sed vide quomodo hunc Christi in maiestate aduentum *Esaie 42.* Esaias describat: *Dominus sicut fortis egredietur, sicut vir praeliator suscitabit zelum, vociferabitur & clamabit, super inimicos suos confortabitur: Tacui, semper silui, patiens fui: sicut parturiens loquar: dissipabo & absorbebo simul.* Expendamus singula. De primo Christi aduentu dixerat antè in eodem capite Propheta: *Iudicium Gentibus proferet; non clamabit, nec audietur vox eius foris.* Non enim venerat tunc, vt iudicaretur *Ioan. 3.* mundus, sed vt saluaretur mundus per ipsum. Nunc autem venit vociferaturus & clamaturus; Venit vt foris, vt praeliator. Quando Rex regnum ingreditur, veste regali indutus, vt *Simile.* vxorem ducat, vel ad festa celebranda, cum tota aula sua lætus ac iucundus ambulat, ciues pacificè alloquitur, omnes salutat, omnibus arridet. At verò, si ad rebellem urbem devastandam procedit Rex, armis stipatus incedit, vultu severo & minaci, flamma & ferro viâ sibi facit. Sic Christus in primo aduentu Ecclesiam sibi sponsam accepturus, venit mansuetus & humilis: canunt Angeli, *In terra pax hominibus bonæ voluntatis:* pastoribus in agro fausta noua annunciat. Nunc verò in secundo aduentu venit armatus & fortis. *Ignis ante ipsam præcedet, & inflammabit in circuitu inimicos eius.* *Lucæ 1.* Vultum eius & aspectum minacem declarant præcedentia signa in sole, & luna, & stellis in mari, & in terra; de quibus iam dictum est. Deinde dicit Propheta: *Tacui, silui, patiens fui.* *Isaia 42.* Sanè sic nunc tacet, silet, ac patiens Deus est, vt multi quidem prouidentiam eius, & curam rerum humanarum impie negent, (quales erant Epicurei, omnesque *Psal. 13.* *stulti illi & insipientes,*

Psal. 11. pientes, qui dixerunt in corde suo, non est Deus. & iterum: *Labia nostra à nobis sunt, quis noster Dominus est?* alij verò hanc eius providentiam valde dormire conquesti sunt, etiam boni ipsi & pii. Quorum illa vox erat: *Mei penè moti sunt pedes, penè effusi sunt gressus mei: quia zelavi super iniquos pacem peccatorum videns.* Et iterum: *Quare respicis contemptores, & taces conculcante impio iustiores se?* Sic nunc quidem, *Altissimus patiens est; sed sequitur, & redditor.* Sic hoc in loco, *Sicut parturiens loquar:* hoc est, silentium meum in rugitum ingentem exiet. Sic enim de hoc aduentu Prophetę loquuntur: *Dominus de Sion rugiet, & de Ierusalem dabit vocem suam, & mouebuntur cœli & terra.* Et iterum: *Dominus de excelsu rugiet, & de sancto habitaculo suo dabit vocem suam: rugiens rugiet super decorem suum: celeusma quasi calcantium concinetur aduersus omnes habitatores terra.* Celeusma nautarum vox est, ex longa navigatione redeuntium: vel etiam agricolarum in messe sua, aut grana triturantium, aut vina calcantium. Dei longanimitas in furorem conuertetur. Quando Israël profecti sunt ex Ægypto per desertum in terram promissionis, exiuit obuiam Amalec, animo dimicandi contra Dei populum. Tacuit tunc Deus, & Amalec, delere noluit, etiam aliqua ex parte percusserit. Atqui post quadringentos annos dicit Sauli per Prophetam Samuelem: *Recensui quancunque fecit Amalech Israël, quomodo restitit ei in via, quando ascendebat de Ægypto. Nunc ergo vade, & percutite Amalech, & demolire vniuersa eius.* Sic parturiens loquebatur. Mulier, ubi primum se grauidam sentit, aliquos aduertit capitis aut stomachi dolores, cibosque fastidit. Sed nihil hæc sunt præ illis quæ parturiens tolerat. Deus etiam in hoc inter medio cursu peccata ex parte flagellat; sicut & hunc Amalech Moyses, iubente Deo, ex parte percussit, pugnans contra eum. At illa percussio, & huius vitæ castigationes ludus & iocus sunt præ illis gemitibus quos impij patientur, parturiente iram & vindictam suam Deo; sicuti parua illa erat Amalecitarum clades, præ illa quam per Saulem, regno Israël is iam constituto, Deus intulit, ubi *vniuersa eius demoliri iubet, omniaq; interfici à viro vsque ad mulierem, paruulum & lactentem, bouem & ouem, camelum & asinum.* Sic in hoc aduentu, cum virtute multa & maiestate, & in regno suo veniens Christus, peccatorum vniuersa demolitur. Omnia hæcenus occultissima, toti mundo patefient, iuxta illud Prophetæ *Reuelabo pudenda tua in facie tua, & ostendam in Gentibus nuditatem tuam.*

tuam, & regnis ignominiam tuam. Quando Pharisæi mulierem adulteram in Christi conspectum afferebant, tacebat: sed interim in terra scribebat. Tacet nunc Deus, dissimulat, silet. Omnia nobis alba, omnia tuta videntur. Sed scribit interea Deus peccata nostra, & quidem in sacculo processum nostrum instructissimum tenet, dicente sancto Iob: *Signasti* Iob 14.
quasi sacculo delicta mea, & gressus meos dinumerasti. Vide plura ad hanc rem in I. Dominica Aduentus.

Multa in Scripturis leguntur peccatoribus inflicta supplicia. Sed illa omnia *ad virgam Dei vigilantem*, castigantem, & emendantem pertinent, quam proximò vidit Ieremias. Quæ nunc iratus iudex inferet, *ad ollam succensam*, quam Ierem. 1. secundò vidit Propheta, spectant. Olla succensa vas vndique calore inclusum, inferni & gehennæ ignes sempiternos significant. Tauri, antequam in arenam producantur, duobus tantùm fustibus aut sudibus cædi solent, quasi ad ferociæ & patientiæ probationem. Atqui in arenam producti, non fustibus modò, sed & hastis & gladijs petuntur, omnibûsque cruentis telis confodiuntur. In hac vita impij veluti tauri castigantur, vt, si fieri potest, emēdetur. Istud quum non succedit, in die iudicij in arenam producantur omnibus supplicijs conficiendi. Sicut Noe iustus quum nudus iaceret in tabernaculo, impius filius Cham verenda patris detexit & irrisit, quæ boni filij texerunt, & fratris impietatem vigilanti patri narrauerunt; quam ille, de somno euigilans, acerbissimè vindicauit, dicens: *Maledictus Chanaan; seruus seruorum erit fratribus suis:* sic Christi Redemptoris nostri crucem, patientiam, paupertatem, nuditatem, humilitatem, omnes impij, omnes auari, superbi, ambitiosi, contentiosi facio irridere, & (vt Apostolus loquitur) *Filium Dei ostentui habent;* Hebr. 1. cæteris pijs & timentibus Deum, hanc fratrum suorum impietatem constanter arguentibus, & apud Christum accusantibus, *zizaniæque eradicari cupientibus;* donec euigilans Matth. 13. & exurgens in iudicio Deus, veniens nunc in virtute & maiestate, omnem hanc impietatem acerrimè castigabit, dicēs: *Ite maledicti in ignem æternum.* Hæc est enim vox vigilis Matth. 25. apud Danielelem clamantis de cælo: *Succidite arborem, & pra-* Daniel. 4. *cidite ramos eius, excutite folia eius, & dispergite fructus eius.* Tunc enim omnis impiorum fortitudo succideretur, omnis decor præcideretur; omnia verba (etiam otiosa) excutientur; omnia opera, vt nullius pretij, in ventum dispergentur. Huius aduentus Christi virtutem, maiestatem, terrorem his verbis

Psal. 96.

Propheta Regius describit: *Nubes & caligo in circuitu eius: iustitia & iudicium correctio sedis eius. Ignis anteipsum praecedet: & inflammabit in circuitu omnes inimicos eius. Alluxerunt fulgura eius orbi terra: vidit & commota est terra.* Aderunt ergo in iudicio nubes fulgura, ignes, & quicquid ad terrorem ac tormentum facere potest. Sedebit correcturus in iustitia & iudicio, non iam amplius in misericordia & miseratione. Quare Apostolus, dixisset, *Omnes nos manifestari oportet ante tribunal Christi ut referat unusquisque propria corporis, prout gessit, siue bonum, siue malum,* subiungit statim: *Scientes ergo timorem Domini* (id est, timorem quem veniens allaturus est) *hominibus suademus,* id est, bonum vitæ exemplum præbere contendimus: *Deo autem manifesti sumus.* Ecce tantum Apostolum timor futuri iudicii, ad vitæ totius innocentiam coram Deo & hominibus integerrimè seruandam, vehementer excitauit. Quale nempe erit ab illo atrociter condemnari, quem, si tibi prospexisses, & aduocatum, & amicum, & fratrem habere potueras! *Quàm lugubre homini erit, Deum videre & perdere, & ante pretij sui perire conspectum!* Tantali tormentum fingitur, aquis ante ora fluentibus, quas attingere non potest, perpetuò assidere: at hinc videbunt impij gloriam & maiestatem Christi, per quem saluari poterant; nec ea frui licebit. Parum est frui non posse, parum est audire; *Ite, discedite à me:* additur, *maledicti.* Nam si cum benedictione dimitterentur, aliqua consolatio esset. Quid quòd ita maledicti abeunt, ut in ignem, in supplicium acerrimum abeant; eumque non momentaneum, non breuem, non certa aliqua mensura prolixum, sed *æternum,* qui nullum habiturus sit finem? Additur ad mali cumulum, execranda societas, *Cum diabolo & Angelis eius.* Hæc est virtus, hæc potestas iudicis, hæc eius maiestate & terrore plena sententia. A magnitudine tonitruui huius quis non formidabit? *Aut quis poterit magnitudinem tonitruui illius intueri?*

Matth. 25.

Job 26.

Dominicarum Partis Aestiuales finis.

*Laus Deo, qui dedit velle, &
dedit perficere.*

INDEX



INDEX SCRIP- TURARVM QVÆ

IN SECVNDA PARTE

huius Promptuarij moralis
aliquo modo eluci-
dantur.



- S**UPER pectus tuum gradieris, & terram co- *Genes. 3.*
medes. 502.
6. Dolore cordis tactus intrinsecus. 241.
- Agrum tuum non seres diuerso semine: veste* *Leuit. 19:*
qua ex duabus texta est, non indueris. 29.
1. Reg. 2. Deus scientiarum Dominus est, & ipsi
præparantur cogitationes. 246.
2. Reg. 9. Nunquid superest aliquis de domo Saul, ut faciam cum
illo misericordiam Dei. 494.
3. Reg. 10. Non gloriatur accinctus aquè ut discinctus. 219.
- Iob 14. Qui quasi flos egreditur, & fugit velut umbra. 523.
- Ibid. Et nunquam in eodem statu permanet. *ibid.*
31. Pepigi fœdus cum oculis meis, ut ne cogitarem quidem de
virgine. 57.
- Psal. 1. Dabit fructum suum in tempore suo. 146.
4. Irascimini & nolite peccare. 108.
9. Sub lingua eius labor & dolor. 233.
10. Ecce peccatores extenderunt arcum, parauerunt sagittas
suas in pharetra, ut sagittent in obscuro rectos corde. 113.
13. Sepulchrum patens est guttur eorum. *ibid.*
18. Venenum aspidum sub labijs eorum. *ibid.*
31. Quoniam tacui, inueterauerunt ossa mea, dum clamarem
tota die. 233.
- Veruntamen in diluui aquarum multarum non approxima-

- bunt te. 186.
36. Noli amulari ut maligneris. 109.
68. Quoniam inueterauerunt aqua usque ad animam meam. 347.
73. Repleti sunt qui obscurati sunt terra domibus iniquitatum. 307.
77. Filij Ephraim intendentes, & mittentes arcum, conuersi sunt in die belli. 125. 126.
111. Iucundus homo qui miseretur & commodat, disponit sermones suos in iudicio. 168.
118. Adiutor meus & susceptor meus estu, & in verbum tuum supersperaui. 74.
- Lucerna pedibus meis verbum tuum, & lumen semitis meis. 95.
124. Declinantes in obligationes adducet Dominus cum operantibus iniquitatem. 480.
138. Perfecto odio oderam illos. 108.
145. Qui custodit veritatem in seculum, facit iudicium iniuriam patientibus; dat escam esurientibus, &c. 530.
- Pruerb. 5. Bibe aquam de cisterna tua, & fluent a putei tui deriuentur foras. 255.
9. Relinquitte infantiam, & uiuite. 45.
11. Qui conturbat domum suam, possidebit ventos. 406.
15. Os fatuorum ebullit stultitiam. 497.
29. Pigredo immittet soporem, & anima dissoluta esuriet. 256.
- Eccles. 10. Cor sapientis in dextera eius: cor stulti in sinistra illius. 436.
12. Antequam rumpatur funiculus argenteus, & recurrat vitula aurea, & conteratur hydria per fontem, & confringatur rota super cisternam, & reuertatur puluis in terram suam unde erat, &c. 368.
- Cant. 7. Statura tua assimilata est palma, &c. 96.
8. Valida est sicut mors dilectio. 383.
- Eccles. 2. Va duplici corde, & peccatori ingredienti duabus vijs. 297. 298.
2. Qui diligit Dominum, exorabit Dominum pro peccatis, & continebit se ab illis. 483.
- Quoniam magna est potentia Dei solius, & ab humilibus honoratur. 222. 223.
- Qui amat periculum, peribit in illo. 437.
4. Non exasperes pauperem in inopia sua: cor inopis ne afflixeris: declina pauperi aurem tuam sine tristitia, & redde debitum

- bitum tuium, & redde illi pacificè in mansuetudine. 344.
6. Non te extollas in cogitatione anima tua velut taurus. 370.
7. Ne pectes in multitudine ciuitatis, nec immittas te in populum. 475.
- Non semines mala in sulcis iniustitia, & non metes ea in septuplum. 278.
27. Quasi in percussura cribri remanebit puluis, &c. 132.
31. Beatus vir qui post aurum non abiit, nec sperauit in pecunia thesauris. 172.
- Quis est hic, & laudabimus eum? 320.
34. Vir pauper, calumnians pauperes, similis est imbri vehementi, & in quo paratur fames. 30.
40. In vita sua proiecit intima sua. 45.
- Esaia 1. Manus vestra sanguinea plena sunt. 363.
5. Vt qui trahitis iniquitates in funiculis vanitatis, & quasi vinculum plaustrum peccatum. 184. 303.
6. Ea quæ sub ipso erant, replebant templum. 371.
9. Succensa est quasi ignis impietas, veprem & spinas vorabit, & succendetur in densitatem saltus, &c. 484.
10. In illa die auferetur iugum tuum, & computrescet iugum à facie olei. 169.
11. Habitabit lupus cum agno, pardus cum hado accubabit. Vitulus, & leo, & ouis simul morabuntur; & puer paruulus minabit eos. Vitulus & ursus pascentur, simul requiescent catuli eorum: & leo quasi bos comedet paleas: & delectabitur infans ab ubere super foramine aspidis, & in cauerna reguli manum suam mittet. 495.
42. Tacui, filii, patiens fui: sicut parturiens loquar. 563.
- Calamum quassatum non confringet, & linum fumigās non extinguet. 73.
55. Omnes sitientes venite ad aquas: & qui non habetis argentum, properate, emite & comedite. Venite, emite absque argento. 419.
57. Redundant fluctus eius in conculcationem. 368.
- Ierem. 2. Super eum rugierunt leones, & dederunt vocem suā: filij quoque Mempheos & Taphneos constituerunt te usque ad verticem. Nunquid non istud factum est tibi, quia dereliquisti Dominum Deum tuum eo tempore, quo ducebat te per viam? 188.
8. Omnes conuersi sunt ad cursum suum, quasi equus impetu vadens ad pralium. 345.

11. *Quid est quod dilectus meus, in domo mea fecit scelera multa?* 193.
- Ezech. 5. *Sume gladium acutum, & capillos tibi rade, & assumes stateram ponderis, & diuides eos. Tertiam partem igni combures in medio ciuitatis, tertiam gladio concides, tertiam verò aliam disperges in ventum.* 157.
- 2P. *Ecce ego ad te Pharao Rex Aegypti, draco magne, qui cubas in medio fluminum tuorum, & dicis: Meus est flumen, & ego feci memetipsum. Et ponam frenum in maxillis tuis, &c.* 483.
31. *Aqua nutrierunt illum, abyssus exaltauit illum.* 425.
46. *Princeps erit in medio aliorum; cum ingredientibus ingreditur, & cum egredientibus egredietur.* 331.
- Osee 6. *Propter hoc dolauit in prophetis meis.* 431.
7. *Omnes adulantes quasi clibanus succensus à coquente.* 502.
9. *Profundè peccauerunt sicut in diebus Gabaa.* 348.
10. *Ephraim vitula docta diligere trituram.* 240.
12. *Canaam, in manu eius statera dolosa.* 428.
14. *Assur non saluabit nos, super equum non ascendemus; nec dicemus ultra, dij nostri opera manuum nostrarum.* 283.
- Reddemus vitulos labiorum nostrarum.* 212.
- Amos 5. *Qui conueritis in absinthium iudicium.* 431.
- Mich. 2. *In luce matutina faciunt illud.* 495.
6. *Vt cognosceres iustitiam Domini.* 493.
- Abacuc 1. *Immolabit sagena, & sacrificabit reti suo.* 323.
- Sophon. 3. *Non audiuit vocem, & non suscepit disciplinam, ad Deum non appropinquauit. Principes eius quasi leones rugientes, &c.* 432.
- Zach. 12. *In die illa proteget Dominus habitatores Ierusalem: & erit, qui offenderit ex eis in die illa, quasi Dauid, & sicut Angelus Domini in conspectu eius.* 494.
14. *In die illa erunt lebetes in domo Domini, quasi phiala coram altari.* 495.
- Matth. 5. *Qui irascitur fratri suo sine causa.* 109.
- Reus est iudicio.* ibid.
- Diligite inimicos vestros.* 110.
- Qui dixerit fratri suo, fatue.* 116.
6. *Ne solliciti sitis anima vestra quid manducetis.* 311.
- Primum quarite regnum Dei, & hac omnia adijcientur vobis.* 323.
7. *Omnis arbor qua non facit fructum bonum, excidetur, & in ignem mittetur.* 150.

Noli tuba canere ante te.	207.
9. Tetigit fimbriam vestimenti eius.	527.
16. Generatio mala & adultera signum quarit.	469.
18. Iussit eum dominus eius venundari, & uxorem, & liberos, & omnia qua habebat, & reddi.	481.
Nisi conuersi fueritis, & efficiamini sicut paruuli.	372.
22. Hoc est maximum mandatum: Diliges Dominum Deum tuum ex tote corde tuo, ex tota anima tua, &c. 258. & seqq. & 381. 382.	
Et proximum tuum sicut teipsum.	266. 271.
Missis exercitibus suis, perdidit homicidas illos.	431.
Ligatis manibus & pedibus eius, &c.	446. 447.
Ibi erit fletus & stridor dentium.	ibid.
24. Et tunc plangent omnes tribus terra.	559.
25. Ite maledicti in ignem aeternum.	565.
Luce 6. Mensuram bonam, & confertam, & coagitatam, & supereffluentem, dabunt in sinum vestrum.	17.
Hypocrita, eijce primam trabem de oculo tuo, & tunc perspicies ut educas festucam de oculo fratris tui.	28.
9. Nemo mittens manum ad aratrum, & respiciens retrò, aptus est regno Dei.	292.
16. Vt, quum defeceritis, recipiant vos in aeterna tabernacula.	166.
17. Venient dies quando desiderabitis videre unum diem Filij hominis, & non videbitis.	183.
21. Qui sedent super faciem terra.	314.
Ioan. 7. Nolite iudicare secundum faciem.	7.
Act. 1. In omni tempore quo intrauit & exiuit inter nos Dominus Iesus.	332.
20. Beatius est dare quàm accipere.	387.
Rom. 9. Optabam anathema esse à Christo pro fratribus meis, qui sunt cognati mei secundum carnem.	228.
Quia non ex fide, sed quasi ex operibus.	361.
10. Ignorantes Dei iustitiam, & suam volentes constituere, legi Dei non sunt subiecti.	ibid.
Finis Legis Christus ad iustitiam omni credenti.	ibid.
12. Necessitatibus sanctorum communicantes.	394.
13. Qui diligit proximum, Legem impleuit.	88 3.
Induimini Dominum nostrum Iesum Christum.	293.
14. Hoc iudicate magis, ne ponatis offendiculum fratri vel scandalum.	11.

1. Cor. 6. Fugite fornicationem. 49.
7. Qui utuntur hoc mundo tanquam non utentes. 45.
13. Charitas patiens est, benigna, &c. usque ad illud: Charitas nunquam excidit. 388.
14. Nolite ante tempus iudicare, quo ad usque veniat Dominus; qui & illuminabit abscondita tenebrarum, & manifestabit consilia cordium. II.
2. Cor. 5. Scientes ergo timorem Domini, hominibus suademus. 566.
7. Hoc ipsum secundum Deum contristari vos, quantam in vobis operatur sollicitudinem, sed defensionem, sed indignationem, sed timorem, sed desiderium, sed emulationem, sed vindictam. 215.
10. Arma militia nostra non carnalia sunt, sed spiritualia. 425.
- Ephes. 2. Deus qui diues est in misericordia. 486.
- Philip. 1. Qui incepit in vobis opus bonum, perficiet usque in diem Iesu Christi. 292.
2. Si qua consolatio in Christo, si quod solatium, si qua societas Spiritus, si qua viscera miserationis, implete gaudium meum. 223.
- Coloss. 3. Induite vos sicut electi Dei, sancti & dilecti, viscera misericordiae. 343.
1. Thess. 4. Non vocauit nos Deus in immunditiam, sed in sanctificationem. 331.
1. Tim. 1. Finis praecepti charitas. 361, 388.
6. Qui volunt diuites fieri incidunt in tentationes, & in laqueum diaboli, & desideria multa, & inutilia, & nocua, qua mergunt homines in interitum. 306.
2. Tim. 2. Nemo militans Deo, implicat se negotijs secularibus. 425.
- Hebr. 3. Videte ne forte sit in aliquo vestrum cor malum incredulitatis. 408.
6. Terra saepe venientem super se bibens imbrem, proferens autem spinas ac tribulos, reprobata est, & maledicto proxima, cuius consummatio in combustionem. 191.
9. Agnus occisus ab origine mundi. 415.
12. Contemplantes ne quis desit gratia Dei, ne qua radix amaritudinis sursum germinans impediat. 462.
- Iacob. 2. Qui offendit in vno factus est omnium reus. 388.
4. Qui indicat fratrem, indicat legem. 12.

SCRIPTVRARVM.

1. Ioan. 2. Qui diligit fratrem suum, in lumine manet, & scandalum in eo non est. 271.
3. Si cor nostrum nos non reprehendat, &c. 489.
- Apoc. 1. Plangent se super eum omnes tribus terra. 562.
3. Utinam esses aut frigidus, aut calidus: sed quia tepidus es, incipiam te euomere ex ore meo. 210.
9. Potestas equorum in ore, & in caudis eorum erat. 430.

F I N I S.





LOCORVM MOR- RALIVM QVÆ IVXTA

TEXTVS EVANGELICOS

in hoc Promptuario Morali,
super omnes Dominicas
Partis Aestiuales, latè
tractantur & ex-
plicantur.

A.



CCEPTOR personarum, pastor aut iudex
non erit. Dominica 22. post Pentecosten,
text. 5.

Adulatores. Dominica 22. post Pentecost.
tex. 3.

Ambitionis peccatum. Dominica 2. post Pē-
tecosten, text. 4. Dominica 16. post Pentecosten, text. 6. Vi-
de, Humilitatis virtus.

Amor Dei erga nos. Dom. 3. post Pentecost. text. 4.

Amor Dei super omnia. Dom. 12. post Pen. tex. 3. Dom. 14. post
Pent. tex. 6. Dom. 17. post Pent. text. 2.

Amor sui. Dom. 10. post Pent. tex. 1.

Auaritiæ idolum. Dom. 2. post Pent. tex. 3. Dom. 14. post Pēt.
tex. 3. Dom. 19. post Pent. tex. 5.

Auditores verbi Dei maleuoli. Dominica 22. post Penteco-
sten, tex. 1.

Audiendi verbi Dei feruor. Dominica 4. post Pentecosten,
text. 1.

Auditus fidei, Dei gratia. Dominica 11. post Pentecosten,
tex. 4.

Bonorum

INDEX LOCORVM MORAL.

B.

Bonorum operum necessitas. Dom. 5. post Pent. tex. 1. Dominica 7. post Pentecost. text. 3. & 5. Dominica 12. post Pentecosten, tex. 7.

C.

Carnis libido. Dominica 2. post Pentecosten, textu 6.

Castitatis custodia Dom. 2. post Pentecost. text 6.

Charitatis perfectio & efficacia. Dom. 17. post Pent. tex. 4. remuneratio. Dom. 18. post Pent. text. 2. in Deum necessitas. Dom. 19. post Pent. tex. 8 & 9. fraterna cordialis. Dom. 21. post Pent. tex. 8. Vide, Amor Dei super omnia, & , Dilectio proximi.

Christianismi veri beneficium. Domin. 19. post Pentecosten, text. 1.

Christi amor erga nos. Dom. 3. post Pent. tex. 3.

Cogitationes Deo conspicuæ peccati remedium. Domin. 16. post Pentecosten, textu 3.

Cogitationis peccata. Dom. 18. post Pentecost. text. 5.

Compatiendum afflictis. Dominica 15. post Pent. tex. 5.

Concordia impiorum contra bonos. Dominica 21. post Pentecosten, tex. 2.

Condonandæ iniuriæ. Dominica 21. post Pent. tex. 5. & 7.

Consortia bonorum. Dominica 3. post Pentecosten, tex. 1.

Consortia malorum. Dom. 11. post Pentec. tex. 3. Dom. 13. post Pen. tex. 1.

Consuetudo peccati. Dom. 11. post Pent. tex. 2. Domin. 15. post Pen. tex. 7.

Contemptus aliorum, superbix species atrox. Domini. 1. post Pentecosten, tex. 2. Dominica 10. post Pentecosten, text. 2.

Contritio cordis, pœnitenti necessaria. Dominica 9. post Pêt. tex. 1. Dominica 10. post Pentecosten, tex. 6.

Conuersatio bonorum cum malis. Dom. 16. post Pent. text. 1.

Cooperatio nostra ad Dei beneficia accipienda. Dominica 13. post Pent. textu 4.

Corporis reuerentia externa. Dominica 23. post Pentec. tex. 1.

Cultus Dei præferendus aliis rebus omnibus. Domin. 14. post Pentecosten, textu 1. & 6. Dominica 22 post Pen. tex. 7.

Crucis signum in cælo. Dominica 24. post Pen. tex 6.

Curæ vitæ præsentis abdicandæ. Dom. 14. post Pentecosten, tex. 4.

Curiositas maleuola. Domin. 16. post Pen. tex. 2. circa fidem. Dom. 20. post Pent. textu 5.

Deus

D.

Deus iustis non deest. Domin. 4. post Pent. textu 6. Vide, Consolationes.

Deus misericorditer castigat. Dominica 15. post Pentecosten, text. 6.

Deo omnia conspicua. Dominica 16. post Pentecost. tex. 3.

Dei misericordia parata. Dom. 21. post Pen. tex. 4.

Dei cultus omnibus præferendus. Dominica 22. post Pentecost. text. 7.

Dei beneficia prædicanda. Dominica 23. post Pentecosten, text. 6.

Deus adiutor in tribulationibus. Dom. 24. post Pentecosten, text. 1.

Deus malorum admonet. Dom. 24. post Pen. tex. 5.

Diaboli odium necessarium. Dominica 4. post Pentecosten, text. 2.

Diabolus impijs durus Dominus. Ibidem.

Dilatio pœnitentiæ. Domi. 7. post Pentec. tex. 3. Domi. 9. post Pentec. tex. 4. Domin. 15. post Pentec. tex. 7. Domi. 20. post Pentecost. tex. 4.

Dilectio proximi Dom. 12. post Pentec. tex. 4. Domi. 17. post Pentec. tex. 3. cordialis. Dom. 1. post Pentec. tex. 1. Dom. 21. post Pentecost. tex. 8.

Dilectio Dei, vide, Amor Dei.

Diligentia salutis. Dom. 13. post Pentec. tex. 4.

Doctores boni fortitudo. Dom. 22. post Pent. text. 4.

Doctores mali. Domin. 12. post Pentec. tex. 2. Domin. 17. post Pentecosten, tex. 1.

Doctrina cum virtute coniungenda. Ibidem.

E.

Eleemosynæ retributio. Dom. 1. post Pent. text. 4. Dom. 7. post Pent. text. 3.

Exempla maiorum. Dom. 15. post Pent. tex. 1. Domin. 20. post Pent. tex. 8.

Excusatio peccatorum. Dom. 2. post Pent. tex. 3.

Externa reuerentia. Dom. 23. post Pent. text. 1.

F.

Festorum religiosa celebratio. Dom. 16. post Pent. tex. 4.

Fidei constantia. Domin. 24. post Pent. text. 4. Domin. 8. post Pent. text. 1.

Fiducia in Deum circa difficultates. Dom. 4. post Pent. tex. 4.

Dom. 6. post Pent. tex. 4. circa Dei providentiam. Dom. 14. post

LOCORVM MORAL.

post Pentec. text. 5. circa Dei misericordiā & bonitatem.
Dominica 18. post Pentecosten, text. 3. Domin. 13. post Pen-
tecosten, text. 4.

Fiducia præpostera. Dom. 6. post Pent. text. 4. Domin. 13. post
Pent. text. 4.

Fortitudo Pastoris, Doctoris, Prælati, Judicis. Domin. 12. post
Pent. text. 4.

Fraterna charitas cordialis. Dominica 21. post Pentecosten,
text. 8.

Fratrum necessitates Christo commendandæ. Domin. 9. post
Pentec. text. 1. Domin. 11. post Pentec. text. 1. Domin. 18. post
Pentecost. text. 1.

Gaudia æterna. Domin. 2. post Pent. text. 1. & 2. signa
Gloriæ fuga. Domin. 11. post Pent. text. 7. & 8. Dom. 16.
post Pentec. text. 7.

Gratia Dei invocanda. Domin. 12. post Pent. text. 4.

Gratiæ vox audienda. Dom. 15. post Pent. text. 7. Non audien-
tium poena. Domin. 19. post Pent. text. 4.

Gratitudo erga Dei beneficia. Dom. 12. post Pent. text. 1. Do-
minica 13. post Pent. text. 5.

Gustus rerum cœlestium Dei donum. Dominica 11. post Pen-
tecosten, text. 5.

Hereticorum fructus. Dom. 7. post Pent. text. 1. & 2. signa
& prodigia. Dom. 24. post Pent. text. 4.

Humilitatis virtus, necessitas, merces. Dom. 4. post Pent. text. 3.
Dominica 10. post Pentecosten, text. 8. Dom. 16. post Pen-
tecosten, text. 7.

Hypocritica reprehensio. Dom. 1. post Pent. text. 3.

Hypocrisis, & eius genera. Dominica 5. post Pentec. text. 1.
Dominica 12. post Pentecosten, text. 5. Dominica 22. post
Pentecosten, text. 1.

I.

Iactantia siue ostentatio operum suorum. Domin. 10. post
Pent. text. 3. Vide cætera in verbo, Vana gloria.

Ignavia circa salutem. Dominica 8. post Pentecosten, text. 2.

Domin. 19. post Pentec. text. 4. in persecutione. Domin. 14.
post Pent. text. 2.

Impiorum labor infructuosus. Domin. 4. post Pentecosten,
text. 3. concordia contra bonos. Dominica 22. post Pent.
text. 2. ludibria contemnenda. Dominica 13. post Pentec.

text. 5.

Incarnationis Filij Dei beneficium. Domin. 19. post Pentec.
text. 1.

Incredulitas taxanda. Domin. 20. post Pent. text. 5.

Inferni poenæ. Domin. 19. post Pent. text. 9.

Ingratitudo de bonis acceptis. Domin. 13. post Pent. text. 5.
circa vocationem, & de bonis oblati. Dom. 19. post Pent.
text. 4.

Inhumanitas erga proximum. Domin. 21. post Pentecosten,
text. 5. & 7.

Iniuriæ condonandæ. Dom. 1. post Pent. text. 3. Dom. 21. post
Pent. text. 5. & 7.

Ira. Dominica 5. post Pentecosten, textu 1.

Irrisiones impiorum despiciendæ. Dom. 23. post Pentecosten,
text. 5.

Iudicij extremi terror. Domin. 24. post Pent. text. 6. & 7.

Iudicium temerarium de proximo. Dominica 1. post Pentecosten,
text. 2.

Iustitia Dei. Dominica 7. post Pentec. text. 4. Dominica 8. post
Pentecosten, text. 1. Dominica 9. post Pentecosten, text. 5.
Dominica 19. post Pentecosten, text. 7. & 9. Dominica 21.
post Pentecosten, text. 7. Dominica 24. post Pentecosten,
text. 3. & 7.

Iustitia Dei contra peccatores. Dominica 9. post Pentecost.
text. 3. Dominica 19. post Pentecosten, text. 7. Domin. 24.
post Pent. text. 3.

Iustorum consolatio. Dominica 6. post Pentec. text. 3.

L.

Lachrymæ peccatorum remedia. Dominica 9. post Pen-
tecosten, text. 1.

Laus iustorum etiam in hac vita. Dominica 12. post Pentecosten,
text. 1.

Liberalitatis erga proximum virtus. Dominica 6. post Pen-
tecosten, text. 5.

Lingua maledica. Domin. 3. post Pentecost. text. 2. Domin. 5.
post Pentec. text. 3.

M.

Maledicti vitium. Dominica 5. post Pentec. text. 1.

Malorum Deus admonet. Dominica 24. post Pentec.
text. 5.

Miracula non expetenda. Dominica 20. post Pentecosten,
text. 5.

Miracula

Miracula hæreticorum. Dom. 24. post pent. tex. 4.

Misericordia Dei. Domi. 21. post Pent. tex. 4. imploranda. Dominica 13. post Pentecosten, text. 3. illi fideidum. Dominica 3. post Pentecosten, text. 3. Dominica 18. post Pentec. text. 3.

Misericordiæ opera erga proximum. Dominica 1. post Pentecost. tex. 1. Dominica 6. post Pentecosten, text. 1. loco 2. Dominica 11. post Pentecosten, text. 1. Dominica 12. post Pentec. tex. 6. Dominica 15. post Pentec. text. 3. Domin. 16. post Pentec. tex. 3.

Morborum causa peccatum. Dominica 18. post Pentecosten, text. 4.

Mortis memoria. Dominica 15. post Pentecosten, text. 2. Dominica 23. post Pentecosten, tex. 2. Dominica 24. post Pentec. tex. 2.

Mundi ludibria despicienda. Dominica 23. post Pentecosten, text. 5.

Mundi amor noxijs. Dom. 19. post Pent. tex. 5. fallax & vanus. Dom. 9. post Pentec. tex. 2.

N.

Negligentia Christianorum circa salutem. Dominica 2. post Pentec. tex. 5. Domin. 8. post pentec. tex. 1. Dom. 19. post pentec. tex. 4.

Nuptiæ Filij Dei. Domin. 19. post pent. tex. 1.

O.

Obedientia principibus terræ præstanda. Domin. 12. post pentecosten, tex. 6.

Obliuio futurorum. Dom. 9. post pentec. tex. 2.

Obseruatores maleuoli. Dom. 16. post pent. tex. 2.

Occasio boni non præmittenda. Dominica 20. post pentecosten, text. 2.

Occasio peccati cauenda. Dominica 11. post pentecosten, tex. 3.

Odiũ proximi. Dominica 5. post pentecosten, text. 2. Vide, Dilectio proximi.

Omissionis peccatum. Dom. 7. post. Pent. tex. 4.

Operum bonorum necessitas. Domi. 7. post pentec. tex. 3. & 5. Dom. 12. post pentec. tex. 7.

Oratio in templis facienda. Dominica 8. post pentecosten, text. 6.

Orationis perseverantia. Dom. 20. post Pent. tex. 8.
Ostenratio sui. Domin. 10. post Pentec. tex. 3.

- P. Arentum de liberis cura. Dom. 10. post Pent. tex. 3.
Pastorum constantia & fortitudo. Domin. 21. post Pentecosten, tex. 4.
Paucitas saluandorum. Dom. 19. post Pentec. tex. 10.
Peccati recidiva. Dom. 21. post Pent. tex. 7. turpitudine & enormitas. Dom. 11. post Pentecost. tex. 6. poena. Domin. 9. post Pentec. tex. 3. consuetudo. Domin. 11. post Pentecost. text. 1. Domin. 15. post Pentec. text. 7. pericula cauenda. Dominica 11. post Pentecost. tex. 3. debitum ingens. Domin. 21. post Pentecost. tex. 1. remedium Dei praesentia credita. Domin. 17. post Pentec. tex. 3.
Peccata defenda, tum propria, tum aliena. Dominica 9. post Pentecost. tex. 1.
Peccatoris miseria multiplex. Domini. 10. post Pentecosten, tex. 4. Domin. 11. post Pentecost. tex. 2. & 6. Dominica 21. post Pentec. tex. 2. reconciliatio perfecta. Domini. 21. post Pentec. tex. 3. refugium, Dei misericordia. Domin. 13. post Pentec. tex. 3.
Peccata morborum & calamitatum causa. Domini. 18. post Pentec. tex. 4.
Persecutorum fidei & pietatis impietas. Dom. 19. post Pentec. tex. 6. poena. Ibidem, text. 7.
Perseuerantia in bono. Domini. 6. post Pent. tex. 2. Domi. 13. post Pentec. tex. 6.
Perseuerantia in oratione. Dom. 20. post pentec. tex. 6.
poenitentia Deo semper gratissima. Domi. 3. post pent. tex. 5. eius vis & efficacia. Ibidem.
poenitentis verecundia & timor. Dom. 10. post pent. text. 4. & 5. Domin. 23. post pent. tex. 3.
politici huius temporis. Dom. 19. post pent. tex. 8. eorum poena. ibid. tex. 9. Alia loca ibidem, tex. 10. notantur,
praeparatio ex parte nostra. Domi. 13. post pent. tex. 4.
praeparatio ad mortem. Dom. 24. post pent. tex. 2.
principibus obediendum. Dom. 22. post pent. tex. 6.
proximi iuuandi. Dom. 6. post pent. tex. 1. Dom. 11. post pent. text. 1.
proximi dilectio & cura. Dominica 12. post pentecost. tex. 4. & 6. Dominica 16. post Pentecost. tex. 5. Dominica 17. post pen.

L O C O R V M M O R A L.

Pen. textu 3. Dom. 18. post Pen. tex. 1. cordialis. Dom. 21. post Pen. tex. 8.

Proximo condonandum. Dominica 21. post Pentecosten, tex. 5. & 7.

Providentia Dei circa necessaria. Dom. 6. post Pen. tex. 1. Dominica 14. post Pen. tex. 5. circa salutem humanam. Dom. 19. post Pen. tex. 3.

Prudentia filiorum lucis. Dom. 8. post Pen. tex. 2.

Pseudochristiani. Dom. 19. post Pent. textu 8. & 9. Vide, Christianismus.

R.

Ratio reddenda Deo omnium. Dominica 8. post Pentecosten, textu 1.

Recidiua peccati. Dom. 21. post Pent. tex. 7.

Reconciliatio cum Deo perfecta. Domin. 21. post Pentecosten, tex. 5.

Reconciliatio fraterna. Domin. 1. post Pentec. tex. 3. Domi. 5. post Pentecost. tex. 5.

Reuerentia corporis externa. Dom. 23. post Pent. tex. 1.

S.

Sacerdotium honorandum. Domin. 13. post Pentec. tex. 4. Domin. 18. post Pentecost. tex. 6.

Sacerdotis vita debet esse edificatiua. Domin. 3. post Pentec. tex. 1.

Saluandorum paucitas. Dom. 19. post Pentec. tex. 10.

Scientia absque virtute. Dominica 17. post Pentec. tex. 1. Vide, Doctrina.

Sepultura piorum. Dominica 15. post Pentec. tex. 4.

Sollicitudines huius vitæ refecandæ. Dominica 14. post Pentecosten, tex. 4.

Spiritualis gustus Dei donum. Dominica 11. post Pentecosten, tex. 5.

Superbia. Dom. 10. post Pent. tex. 1. 2. 3. & 7. Vide, Humilitas. Vana gloria. Ambitio.

T.

Templorum prophanatio. Dominica 9. post Pentec. tex. 5.

Templa orationis loca. Dominica 9. post Pent. tex. 6.

Temporalium amor inordinatus. Dom. 14. post Pen. tex. 3. 4.

I N D E X.

& 6. Dominica 19. post Pen. tex. 5.
 Timor pœnitentis. Dom. 23. post Pen. tex. 3.
 Torpor fidei. Dom. 11. post Pen. tex. 8.
 Tribulationum sæpe causa peccatum. Dominica 18. post Pentecosten, tex. 4.
 Tribulatio reuocat à peccato. Domin. 15. post Pent. tex. 6. Ad Deum adducit. Dom. 20. post Pen. tex. 1. Illam Deus consolatur. Dom. 24. post Pen. tex. 1.

V.

Vana gloria. Dom. 10. post Pen. text. 1. Dom. 11. post Pent. tex. 7. Dom. 16. post Pen. tex. 7.
 Verbum Dei audiendum. Dominica 11. post Pen. tex. 2.
 Verecundia pœnitentis. Dom. 10. post Pen. tex. 5. Dom. 23. post Pen. tex. 3.
 Veritatis persecutores. Dom. 22. post Pen. tex. 1.
 Viduarum cura. Dom. 15. post Pen. tex. 3.
 Virtus laudata crescit. Dom. 12. post Pen. tex. 1.
 Virtus doctrinæ adiungenda. Dom. 12. post Pent. tex. 1. Dom. 17. post Pent. tex. 1. occultanda. Vide, Gloriæ fuga.
 Vitæ cælestis fastidium. Dom. 2. post Pen. tex. 3.
 Vitæ præsentis solatia. Dom. 6. post Pen. tex. 3.
 Vocationis conseruandæ studium. Domin. 2. post Pen. tex. 7. Dominica 13. post Pentecosten, tex. 7. Dom. 19. post Pentecosten, tex. 10.
 Vocante Deo, obediendum. Dominica 15. post Pentecosten, tex. 7.
 Voluntas mala, peccatorum causa. Dominica 19. post Pentecosten, tex. 2.
 Voluntaria deuotio. Dom. 4. post Pen. tex. 2.

Z.

Zelus animarum. Dom. 11. post Pen. text. 1. Domin. 3. post Pent. tex. 3. Dom. 9. post Pen. tex. 1.
 Zelus iustorum contra peccata. Dom. 9. post Pen. text. 1. Dominica 21. post Pen. tex. 6.

F I N I S.

Omn̄i S̄c̄a.

A P P R O B A T I O .

Promptuariũ hoc Morale super Euan-
gelia Dominicalia totius anni, Au-
thore Magistro nostro T H O M A
S T A P L E T O N O, nihil à sana doctri-
na alienum, sed multa ad mores in
melius formandos vtilia & accom-
modata complectitur. Quare non
modò tutò, ceterùm & vtiliter typis
mandari posse iudico.

*Ego Balthasar Seulin, Ecclesiæ Colle-
giatæ D. Amati Decanus, necnon
librorum Censor ordinarius.*

S. Donci

le
Actum Duaci, Anno 1589.
9. Septemb.

Cregubio

APPROBATIO
Tromperant hoc Moysen super Evan-
gelia Dominicalia conscripsi, Au-
thore Magistro nostro THOMA
STABLETONO, nihil aliud doctri-
na alienum, sed multa ad mores in-
melius formandos utilis & accom-
modata complectitur. Quare non
modo tuto, ceterum & utiliter typis
mandari posse iudico.

Ego Balthasar Zenlin, Ecclesie Colle-
giatus D. C. Amati Decanus, necnon
librorum Censor ordinarius.

Actum Dnaci, Anno 1582
2. Septemb.

